

四庫禁燬書叢刊編纂委員會

北京出版社

四庫禁燬書叢刊



集部第一七七冊目次

汲古堂集二十八卷

〔明〕何白撰
明萬曆刻本

..... 一

九籀集四十七卷

〔明〕宋林澄撰
明萬曆刻本

..... 三七七

九籀別集四卷附錄一卷(原缺附錄)

〔明〕宋林澄撰
清初刻本

..... 七五五

汲古堂集二十八卷

〔明〕何白撰

明萬曆刻本

北京圖書館藏



汲古堂集序

予往爲何无咎序山雨閣詩以吳越布衣中無輩諸人口譁而心服者半已无咎游楚登高嶽諸賦記出讀者服十九比无咎游秦覽百二山河按行諸塞文益富且奇于是有汲古堂集而後人誦服以予

以古堂集



言非妄予於古未深窺第以唐論唐詩推李杜文推韓柳四君子皆六代後人也六代詩文纖靡俳偶風流結習四百餘年李杜韓柳歸於大雅成一家言人知四君子不愛變於六代而不知四君子之善用六代也詩文大指有四端言事

言理言情言景盡之矣六代而前三唐而後同此宇宙爲詩文者寧能外事理情景而立言惟夫理與情有強造事與景有附會詩多闕妍於字句間而纖靡俳偶之病生焉四君子於六代得其蘊蓄采其精華詩去纖靡文去俳偶故臭腐化爲神奇而笑罵皆成文章无咎詩宗李杜文宗韓柳其所損益曰革擇之精守之不變故四君子超六代而无咎踵武四君子以此夫李杜不足於文韓柳不足於詩无咎兼之又善用四君子者也或曰无咎以汲古名堂唐人寧足盡古陸

以古堂集

士衡不云乎世間人而為世人非
而行暮人何世而弗新世何人而
弗故四君子掃除六代蹊徑於唐
若自為古无咎別立三唐闢奧於
今若自為古其致一耳後之視今
猶今之視古必不以予兩喜多溢美
之言矣

萬曆歲在乙卯六泌山人李維楨撰



山雨閣序

大泌山人李維楨撰

今山人稱詩者在所不乏予或不
識其人即識其人或故為博士弟
子負與入太學上舍於山人名義
不類而交游中若吳人王承父葉
茂長曹子念方仲美俞羨長皆布
衣崛起無所因藉稱山人殊當而
又皆善詩以為吳多才天下真
晚而得永嘉何无咎无咎之為山
人與五君同而其詩詠宕爽暢追
琢藻贍奄有五君之勝而成一家
言予讀之累日而甫卒業乃大歎
咤曰子越人何子之詩之似越也

方越之極於會稽。至迫阨矣。而卒
能沼吳而有之。子之身。願中人耳。
濱於東海之陂。而繩黽之與同。睹
猶然起。而與吳作者爭雄。其英傑
同也。吳十年生聚。十年教訓。田野
闢。府倉實。居有三年之食。而後能
舉事。子上下古今。三百篇之溫厚。
和平。離騷之懷惻。篤至。而京之
朴。建安之高華。六朝之工麗。唐人
之秀朗。靡不鑒飭。而枕藉之於以
費之觚翰。銳若干將。豔若館娃。環
異若金閭。殷賑若長洲之苑。峻拔
浩瀚若洞庭太湖之高深。其蓄積
同也。越蚤朝晏罷。臥薪嘗膽。其

闔以土側席坐而不掃。其趨時猶
救火。追亡人。蹶而赴之。唯恐不及。
子之為詩也。虛其心。實其腹。弱其
志。強其骨。晝夜忘食。寢冬夏忘鑪。
扇。妻子忘飢寒。九天之上。六合之
外。何所不馳驚。魂恍恍而若亡。體
疲蕭而如糲。其刻厲同也。越將有
事於吳。三徙舍。五布令。而斬有罪
以徇。汰其筋力。不勝甲兵。志行不
足。行命者。而中分其師。以為左右
軍。以其私卒。君子六千人為中軍。
故衡行江表。莫之與抗。子之詩氣
不欲沈。格不欲卑。語不欲凡。韻不
欲乖。大小不奪倫。始終不錯度。蘇

而有法。逸而有制。大曆而下。却屏
而不得御。其情整同也。子誠越人
哉。何詩之似越也。而客有為吳在
袒者。君奚隆於越。夫吳五君六勛
敵矣。承父天中。後出。超忽飛動。不
可端倪。子念茂長興。象風神格。調
音律。種。具足。仲美好深沉。思
詞若方而意則圓。景若淡而致實
濃。羨長。劉大雄奇。如淮陰用兵多
多益善。是寧易。驪耶。子曰不然。无
斜善用吳者也。吳自弇州集詩道
之大成。而諸君羽翼之。諸君於无
咎。禮先一鉢。而茂長者業已為古
人矣。无咎年財三十日。力暇。信。而


柯則不遠。五言古風不茂長。七言
歌行不承父。五言近體不子念
仲美。長律不羨長。必不以其外示
人。宜五君之為无咎有也。夫不聞
孫承詔之宴客乎。一旦而得西粟
東鰕魚。南鱸鮮。北紅羊。小有四海
矣。就山人而論。无咎之奄有吳。亦
猶是也。吳何病越。客則又起而深
曰。越亦大矣。無論它郡。永嘉不
山人而稱詩。有康裕卿。從屬。亦
君之所知也。美隆於无咎。子曰不
然。永嘉美山水。以謝康樂之為嗜。
為守且久。遊徧諸邑。所至為詩。詠
而雁蕩不與焉。懷素亦言自古圖

時未嘗齒及鴈宕雁蕩晚生而名
踞永嘉清山水上凡物之成名也
先後各有時安得謂今之人必不
勝古耶客唯云无咎避席而謝曰
先生過譽白何足以當諸君請
得畢狗馬如從事於斯以無負先
生今日之言

山前對

六

六



汲古堂集序

赤城王士性恒村誤



予嘗南遊鴈蕩渡江心歷謝客王右軍舊
游爲問前輩風流猶有存不客有以何山
人對者至則芒屨布帽神采適上予固已
心異之比談詩而益爽然自失也已與潘
明府太華攜山人于玉甌之巔指海上三
山觀出日處山人則復翩然有凌雲之氣
別後時二詩寄來予受而讀之爾雅湛逸
無一語作大曆以後至樂府古風益凌厲
而前矣山人以今丁亥歲九日過予於給
頭問序焉王生則爲序曰古稱詩理性情
謂緣殖其霸根而邑聲香味所自流也故
韻生于格格定于品迺輓近世所稱山人
之什予得而言其槩矣初未能以予大夫
取顯融而無以游揚於公卿間則山人擲

八序

乙

三寸管爲羔雉而陰取償其直陽浮慕爲
名高也則山人甚吝以揣摩捭闔之術糊
其口而無以自試不托跡于章縫則不售
也則亦山人故輒近所稱山人者多大賈
之餘也語稱大隱則朝市小隱則山林今
山人不山居而借朝市以藉口爲朝寇冠
而博紳暮習咿吾以備顧問取人已吐之
核而飭以爲己能此何爲者也明興謝榛
盧楠之後爲盛楠猶悲歌駸駸以沒榛絕
交於歷下恥矣即有一二自顧脫畧然其
格終卑不振品固然也予起樞紳閱海
內士惟松陵王叔承稱神交能自成一家
言永嘉何白晷後起其才情不減王生少
年厭舉子業不事而一意爲古詩歌非不
能以一第顯也故此二山人者廼世之介
士也蒞其地者以客卿卿之二山人以布

衣據上坐祭酒弗讓也張口哦詩外一無
所事事以自娛潤故其作摠歸之爾雅謂
性情之道不藉之二山人以起耶故受詩
於山人者當自其品始何君謝不敏予曰
人清靡不有初能使海內誦君詩者終不
疑於予言則予與君俱厚幸也君倘負遠
游吳中遇王生于扁丘洞庭之側其亦以
予言語之

汲古堂集卷之一

東甌何白无咎著

樂府

東征之什十六章

東征者何美圭叔王大夫伐也大夫膺期
命世能貊其德音用是銜

命東征殲其醜類弘勛懋昭煌煌乎烈矣
敬用作頌以備瞽宗

拜皇命

皇帝曰咨咨爾明牧匪伊之是穀實天之篤
用康西服允文允武爰綏爰育適有載
命六師是督以靖朔方遘脂其輶

維茲句驪奄宅鮮卑曰自有土肇啓于箕累世
作輔以翼皇畿茲卉服孔熾孔伾乃蝨厥圉
亦蠶其基王室如燬民罹于綦用而禦侮而汔
其熙

臣曰休哉稽首受芥言禡其牙爰整其旅郊休
于嶠江飲于楚維齊于燕爰及遼左夙夜于征

右公靡盬攬我卿士翹翹其羽罔敢弗虔執轡
如組

右拜皇命三章一章章十二句二章章十四句三章章十四句

渡浪水

江之廣矣流何湯湯斯張斯皇我師孔揚受命
于天遑卹其將永其若帶一葦可杭

大夫曰吁矢言于徒毋謂爾慢憲弗爾追毋曰
爾恣憲將爾試毋曰爾後憲則是糾爾不我尺
我不爾直皇皇我毋詒爾戚哉

汲古堂集卷一

右渡浪水二章一章章八句二章章十一句

奮南原

荒荒南原維夷是託公曰徂征乃營于薄將探
其落以隄而角徒曰遭我母嬰彼攫毋畀彼欲
泗師潰奔亦兵之索公曰徂征有前無却勇往
不回如山如嶽顯允君子聲容以作
纖纖餘艍翼翼龍驤鼓聲鏜鏜武夫備備決謀
如江謀無不臧迺壹迺集舳舻相望

右奮南原二章一章章十七句二章章八句

克栗林

栗林之役誰其克之大夫畫之元戎則之乃心
乃營文武一之盤盤曳橋夷是憑是負慘慘栗
林夷是躡是蹂我馬駟駟我夫赴赴既盍其吭
旋覆其後燭氣赭天遂燔其藪爰發其笱乃翦
乃刈執訊獲醜

石城言言木城莘莘我師載集一百其身礮車
雷野寬旌篳雲七萃振振彌赫彌殷穹穴用燠
迺警厥覓爰卽其壘以崩以奔

汲古堂集

卷一

右克栗林二章一章章十七句

平南海

桓桓我師乘勝蹀血儻儻醜夷乃僵乃蹶迅霆
砰訇罔弗顛越遵於南海遂繁厥枿蟻潰於隄
復盤於垓番番萬艘連檣嵒嵒公曰邇哉毋寧
彼穴鯨駭斯掣睨怒斯抉獸不擇音窮而反囓
解網示撤將乘其突爍爍火車燄騰森發晨燧
沸波夕烽掩月馘渠俘魁厥類是剗以獮以蒐
悉殄悉滅

右平南海一章章十八句

振旅愷

儻儻醜夷三窟是憑彌天之網恢於八紘原觸
近獸水宵逸鯨纖毛微鱗亦罔弗嬰漂血浮鹵
如河如涇崇嶺膏野如丘如陵積甲蔽畛如坻
如京我軍洸洸伐鼓彭彭劒函于室弓弣于櫜
藩國之長遡而屏營藩長之屬旅而膝行陳醕
臚牲是將是迎再拜稽首颺言于庭匪天弗生
匪天弗成謙謙君子盅而不盈言如弗勝維帥

汲古堂集

卷一

之明維士之勅疇曰予能寔皇之靈

右振旅愷一章章三十五句

齊武功

帝曰大夫女能於職懋勤厥績言雍其慝八戰
八克族類授馘何以申之褒號是錫又何重之
五絲有絕嘉哉嘉哉維邦之特臣拜稽首對揚
休德祗服綸音孔皇孔惕

右齊武功一章章十六句

勒遺愛

藩長有言曰侯自天蚩蚩小臣宗祏是顛累縶
之緒疇則續旃垂顛之木疇則植焉魚麗于筌
乃返于淵虞觸于藩乃逸于山悠悠蒼天匪臣
之是全乃侯之延

陪臣有言上帝殛罰是誅宗祀之緒玷如綴旒
遵彼道周禾黍油油祿食匪謀亦孔之羞疇反
我仇疇發我幽匪天之是休乃侯之猷

國人有言我無以爲家既殪我殲爰殲我殲既
厭我稷爰滙我麻疇返我室是漸是摩委佗委

佗維侯則耶

子子穹碑言志我思維日維月麗于天衢莫之
敢指亦罔不知君子萬年逮于本支

右勒遺愛四章

一章章十五句二章章十五句
三章章十句四章章八句

君馬黃

君馬黃我馬白兩馬神奇虎爲脊徠崑崙歷西
極滅沒衡雲溝汗赤君馬驅迅于翼朝秣越南
暮燕北我馬馳逝無跡十里徘徊五里息君馬
勞我馬逸我馬絕塵君馬踣敗君之馬竭馬力

誰其御之東野稷

隔谷歌

隔谷隔谷人爲刀俎我爲魚肉有弟不聞誰爲
匍匐 身落井中日月無光華仰望行雲飛飛
鴛鴦我無羽翼安能逐彼游戲青天出虞羅
箭無鏃兮斧無柯百年促兮一日多雖有弟兮
奈我何

獨漉篇

爲武義王世名而作也世名父爲族叔
所殺母念世名稚匿不發叔歲給米放

以償母子相對泣棄弗食及世名長爲
庠生娶婦舉一子世名袖利刀伺仇出
立斃之有司憫世名孝欲活世名世名
不肯令父骨復暴人間竟自殺以明婦
亦以身殉焉

獨漉獨漉悲歌當哭梁柱有刀車輪無軸兒啞
逆繞父足殺父者誰爲父族兒不敢仇仇爾叔
我黃梁哺我菽鉤吻當殮口含毒兒下有兒

兒可贖摩挲室中刀仇來仇來剗爾腹報父下
泉亦何復有婦有婦從之游不爲黃鵠生獨宿
塚上連理枝左拂扶桑右若木日月繚繞之晝
夜代明燭獨漉之歌悲且促

窮劫之曲

殷殷雷霆若不聞兮裊爾而笑我我丘山若不
見兮脊焉以眊旣塞爾聰疇發爾蒙連袂成幕
黝乎深宮一解晦媒媒兮大澤弗迷占曰野父不
足與謀媒叶作棄之如遺明歷歷兮中道而惑占

源古堂集

卷一

二

曰哲夫乃安其畫就之如暱二解明可翳也聰可
蔽也滔滔其流不可濟也三解

蒿里

遙望蒿里陰風敕敕狐穴我垣牛穿我屋白日
麗天不爲我燭麥飯滿盂不充我腹當時一怒
夷三族 碑穹穹封隆隆其王公邪蓬科草根
從橫芊眠愚邪賢邪蚩邪妍邪

於忽操

於忽乎高堂之下不可以寧處累枿不傾維

梁柱千里言違始于庭戶豈無父與兄騶虞或
爲虎豈無子與女芝蘭或爲楚於忽乎有身若
俯有容若負陳尊旅俎君子燕胥寔獲我所令
我壽康無疾苦

於忽乎卑卑下基累高累危困困生棟載塗載
懷望之巍如潭潭夥順蚩蚩其氓惟殖爲學德
之孔輶蟬翼匪薄胡然而燕寢胡然而湛樂朽
索爲馭六馬翹翹一絲是繫九呬搖搖於忽乎
安乎側乎勞乎逸乎保其無溢彼其自擇乎

源古堂集

卷一

八

孤兒行 夜宿松溪夢母而作也

烈烈北風有堵其馬嫫嫫孤兒夜行中野玄陰
侵淒雨雪零下 我行何所言戾松谿芥水作
鱗析薪燎衣茅不掩桶土不墜扉 疲馬悲鳴
亦媚其侶寒禽依棲亦比其羽曾是孤兒不遑
寢處 羈魂淠淠載浮載沉髮髯我母爰覆我
衾乃摩乃拊有怛其音荒雞起埒殘霞集林
維河無梁母何以涉維山無梯母何以越起立
徬徨肝腸斷絕 孤墳累累在山之隈北風烈

烈樹無寧枝人孰無母亦孰無兒母兮歸只兒
莫之知嗟嗟兮安用兒爲

前有尊酒行 悲友生死于酒也

前有尊酒高歌鼓缶奉君斟酌願君長壽願
君長壽令君千秋奉君斟酌令君忘憂樂曰無
荒主勸賓醕舍而弗由化爲戈矛 毋曰爾沉
湎毋曰爾洗腆不及于亂期以松喬之算君胡
自戕令我孔傷爲君覆觴

芳樹 示兒而作也

汲古堂集 卷一 九

維我前榮有梧有櫟梧出于垣櫟不盈把豈其
有心曾莫肯下競茁翹翹高枝相亞 謂櫟無
知企其齊而人之有哲云胡弗睎日月其馳下
流是居子之自畫曾不櫟如勗哉櫟哉睎弗我
師

楊白花

楊白花作花不作實隨風飄蕩落南家阿誰空
繞花落處攀條歎息復怨嗟 楊白花化萍隨
水去不復上樹枝啞啞官鴉唬著曙

善哉行

明星在戶夜如何主人燕客樂思多娉女初停
大垂手小史踞壽金叵羅 琴行瑟作月將入
酸風入弦淒以急四座無輝燭光戢樂極哀來
涕橫集 憶昔十五二十時但謂爾輩愚磊磊
落落一男子情癡乃效兒女爲 亭亭山上樹
風吹葉落離故處江流湯湯東入海六龍駟車
胡不待

采葛

汲古堂集 卷一 十

彼文豹之皮斑斑兮可以寢處羗夫人之子出
蚩今母嬰彼怒 蜂蠆螫膚壯士失色黃雀銜
珠反遭彈射百爾君子母私以暱 黃鳥刷羽
好音交交蘭生當門不如樹艾與蕭彼狡童兮
不可以久要兮

去婦詞

咄咄復咄咄今日與君相決絕君作挾炭冰凌
寒復求熱妾比三五月過盈復悲歎不解佩中
環但解腰間玦昔爲松與蘿上下相縈結今爲

水與萍東西各飄瞥昔時種柏今拂檐樹猶如此人何堪君安妍好不樂故還君七寶瑤瑁簪

對酒

昔我無酒令我坎惻怫鬱愁不開今我有酒胡爲太息不飲還停杯拔劍出門躊躇四顧詰曲嶮巖迷陽當路得意失意由一言得失互爲恩怨根禍福倚伏豈有極君且休矣吾何言君不見南方山精一足舞長號白日生風雨

野田黃雀行

汲古堂集卷一

十一

野田黃雀啁啾復啁啾東窗有黍南時有稷自知毛質卑微不與黃鶴比翼黃鶴六翮下有天風橫絕四海游戲烟空托身失所觸彼羅罟中君不見城壕孤鶴失儔侶拳局摧積落毛羽身無雙翼離哉翻鵝嚇鵝張禿禿怒

塘上行

離離塘中蒲託根貞且堅雨露布濩之蒲葉何翻翻下有文鴛鳥和鳴戲波瀾上有合歡樹布葉蔭華湍蒲長紉作佩充君衿帶間文鴛刷好

羽荷君稻梁恩芳樹垂青陰藉君相攀援一朝霜霰集玉臺風以寒蒲葉日凋落獨立良以難文鴛毛已短芳樹枝亦殘昔日充襟帶不殊芝與蘭昔日啖稻梁不殊鳳與鸞昔日蒙攀折不殊琅與玕人情有翻覆芝蘭化爲菅樹枯鳥摧積棄置何足論誰能爲此曲令君發悲端韓娥引長吭麗玉和哀彈此曲不可竟曲竟摧君肝

名都篇

奄宅啓幽薊瑤光映神臯太紫體皇居靈景耀

汲古堂集卷一

十二

層霄宮雉遙相望穹隆一何高羣后布大化吹萬咸光昭山嶽效神奇佳氣鬱嶢嶢百辟式光儀充庭集鰲貂多士亦響臻濟濟來譽髦和鸞輶丹轂絕影飭華鑣高天有迅羽翻翻翼神臯巨壑無纖鱗澆濤騰飛濤赤鴈奏郊廟黃澤興風謠遼遼殊未央民生亦云勞空谷有白駒皎皎思場苗

出自薊北門行

浮雲不停飛萬里長悠悠征蓬逐行客撫劍交

邊州駟馬度沙磧關樹鳴窮秋亭郵亘萬里故鄉雙且修鳴鴈接胡天日暮交河流及顧望招搖光映東南陬征心無倚薄飄若風中旂紅塵蔽太漠國恩亮未酬古來有行役胡爲獨沉憂

哭泉篇

萬曆歲在甲辰予有榆林之役道經宜君縣哭泉上謁孟姜杞郎祠祠在宜君山半祠前井水甘冽相傳孟姜自長城攜夫骸至此渴甚仰天大呼甘泉涌出哭泉由是

汲古堂集卷一

十三

以名予感其事作哭泉篇

宜君山兀兀哭泉水嗚咽嗚咽何淒淒行客中心悲皎皎孟家女姣好世所稀十一阿母側對鏡畫雙眉十二工筆札十三敦詩書十四弄機杼十五能裁衣十六鼓鳴瑟十七爲君妻將事陳六禮阿母親結縵香車遵大道白馬從青驪日暮登君堂一一生光輝坐用連理席飲用合歡杯枕用雙絲錦被用無縫綈額花憐並蒂釵燕亦交栖一日羞顧眄低眉向重幃二日寡言

笑足不離中閨三日感私愛寧知生別離別離在何許築城向邊土里正朝扣門范郎方出戶長跪告里正辭薄願有陳丈人且安坐三句范郎無弟兄少小背父母伶俜常獨居黽勉娶新婦三日未上堂形影相與侶身瘦氣力索寔難備行伍里正得聞之齋怒氣如虎汝心何偏頗汝言何覲縷官家西防胡頻年戍閭左婦女縫征衣丁男役疆圉誰不念妻孥疇能保公姥內史催築城法令急如火汝籍隸軍書汝名早報

汲古堂集卷一

十四

唐一更晝春糧二更聽桴鼓三更候點行四更催赴伍五更出嚴城兼程逐前旅去去莫稽留稽留行逮汝范郎得聞之低頭復諾諾倉皇還入戶三句仰面見新人淫淫淚如雨踟躕地但呼天嗟咽不能語與卿爲新婚保已終百年何意風波起相失須臾間念此遠行役一往不復還終知是宛別會面永無因願持一生歡託意於後人莫以盤石故棄此與與璠莫以叢棘故棄此蕙與蘭莫以野鷗故棄此鷗與鸞人事有遷

易慎勿相煩冤所悲孤單兒窮獨誰與親氣結
語中塞拊膺更長歎新婦謂范郎君言何偏仄
君悲妾亦然同是被驅迫結髮行事君寸心終
不易妾心若璵璠君心豈盤石盤石猶可移璵
璠無改色妾心若蕙蘭君心豈叢棘叢棘有時
萎蕙蘭香不息妾心若鵲鸞君心豈野鵲野鵲
雖有儀鸞鸞不重匹三月與君別四月縲車鳴
五月理交縲札札機杼聲六月持刀尺七月寒
衣成著綿愛稠疊胡地玄冰凝八月卽長路九

汲古堂集

卷一

五

月來邊城隨時自愛惜無爲兒女嬰何以感妾
面釵頭一雙燕比翼雖差池時來會相見何以
感妾思綴耳雙明珠的的自相對圓轉無已時
何以感妾心連絲弗雙針糾結永不解刺君粟
與襟何以感妾愛同心茱萸帶纏綿結兩頭繫
君臂與背送君在何所乃在河之梁踟躕不忍
別悲風吹羅裳送君在何所乃在郭門外踟躕
不忍別淒風吹羅帶送君在何所乃在山之陰
惻惻不忍別長風吹羅襟送君在何所乃在大

道口恨恨不忍別寒風吹羅袖范郎馬去前
婦車在後新婦向東旋郎馬從西走掩抑背面
泣傍人爲回首一日復一日征夫去家室旦辭
家室去暮宿洛橋邊太息通雞鳴車音已聞關
旦辭洛橋去暮宿芒山曲屢轉遠五更馬蹏已
驚爲客行不遑息遠見龍沙磧風動草茫白
日無晶光飛沙蔽原野日落天荒荒沉陰嘯幽
鬼寒雨吹枯楊軍吏持白梃平明催築城萬人
對舉杵橐橐齊譟聲飢餓不及哺日晏猶未停

汲古堂集

卷一

五

爲爲捐翼哀馬爲驢音鳴長城何處鬱萬里
層雲負土未終極連山有時平憶昨別家日謂
言功有程何期是永訣憤懣空填膺淚盡膏
折隨枯神就冥父母生我時所願家計成不同
死異域魂魄無復并仰頭告火伴念我同鄉兒
我今日就冥亦復何所悲所悲有新婦別與
我期四月縲長絲五月理鳴機六月執刀尺七
月製寒衣八月出閨中九月來邊城今已十月
盡計日苦不待三旬尚有餘韻三句念與新婦別

一一有所詒一一還所詒并用申我詞還渠叙
頭燕羽翼永乖離還渠綴耳珠圓轉知何時還
渠連絲針紉結徒爾爲還渠同心帶斷絕無所
施一一既無分兩情長依依奄忽畢大命言絕
猶聲嘶可憐七尺軀化爲城下泥七月涼風起
哀哀誰家子云是征夫妻孟姜世無比當窻執
刀尺裁縫紉與綺清晨爲上襦挑燈爲下裳袴
褶及韎韐事事四五雙襲以同功綿薰以五木
香離婁事結束中宵理行裝出門不返顧西向
指朔方離家方破月遙遙見邊牆切切頻借問
循行呼范郎中有同鄉子知是孟姜來罷相致
前詞韻三句郎去一何速儂來一何遲郎死留所
詒一一與儂持更復有何語語儂儂聽之還渠
叙頭燕羽翼永乖離還渠綴耳珠圓轉知何時
還渠連絲針紉結徒爾爲還渠同心帶斷絕無
所施一一既無分兩情長依依可憐七尺軀化
爲城下泥孟姜得聞之怨絕悽心脾一哭天爲
泣再哭城爲摧城摧白骨見何由覩郎面髑髏

汲古堂集六卷一

三

經草根撐拄已零亂鬻指試枯骸血盡骨將得
中有一人骸歷骨骨爲顫知是故情人淚下如
流霞續用五絲繩濯用百和湯裹以明光綺函
以紫纈囊取粟持作飯折葵持作羹纖纖作雅
拜細語良惋傷與君結大義生死永相望同棺
有共死異軀無獨生死生知不媿負君還故鄉
萬人咸舉哀頓足裂肝腸行行負郎骨登頓劇
饑渴淚滴高山頭甘泉石上出逶迤漆沮間足
繭身已竭鑿石瘞郎骸中道欣同穴立槁石穴
傍容光炯不滅土人請合葬累土爲高丘丘前
樹松柏丘後樹梧楸葉葉自相對枝枝自相樛
下有蛩蛩獸上有關關鳩丘左藤交蔓丘右水
合流禽鳥相悲鳴行人盡回頭漢有仲卿妻秦
有范郎婦蘭芝與孟姜芳聲照今古蘭芝比孟
姜孟姜定無雙

汲古堂集六卷一

八

結客少年場行

不逐幽并兒驄馬高纏駿寶鈇佩錦帶鵲血調
辟弓探丸殺長吏格捕郡城中不逐京洛兒

鷹瀨陵東徵歌出上蘭使酒過新豐睚眦甘一
言斷首如折蓬天生沉勇姿恥與而輩同結交
萬夫特羞稱百夫雄古昔寧有兩今世良無雙
一朝感意氣爲君提玉龍千里不留行揮刃當
上風萬金不回首去若雙飛鴻嘻笑豎子劒
術胡能工戢身襄子廁濺血秦王宮

門有車馬客行

甲午紀事是歲洛陽大侵人相食

門有車馬客興言發洛陽肅客出門樞蹙爲停
高箱長蹕借問客親故今存亡客語未及對含

汲古堂集

卷一

十九

膝先霑裳昔亦一洛陽今亦一洛陽今日洛陽
道蕭颯交悲涼藜藿襲通衢白骨紛縱橫父子
相啖食兄弟爲豺狼割肉以當醢析骸以充糧
百里無人烟落日寒蒼蒼天道有崇替人事固
難量送客出門樞引領岐路傍反顧不能言哽
咽獨摧傷

怨歌行

冉冉陰陽移涼節變金素清颿飄玉除瑤階零
白露皦皦素月輝滅滅離宮樹感彼恩幸捐傷

茲年歲暮出戶遙相睇徬徨增永慕

少年行

三秦饒慄使五陵多精悍軒軒若雲屯稜稜自
風聲震生耳後聲光流目中電意氣有輸命然
諾無及汗中夜月出高虛堂敞華宴酒酣各慨
慷扼腕明恩怨坐中一少年祭酒起長歎出門
據紫騮腰間插雙箭馬迅不及塵颯颯掠飛燕
邯鄲旦血腥關吏淚如綫

戰城南

汲古堂集

卷一

二十

男兒生七尺何赴赴提軍出城南兩甄分左右
忼慷赴敵場骨騰肉飛誰肯後生當渴飲月氏
首死當棄黃沙肉但飽烏鳶口安能草間活
挾婦孺走如犯隨殺一牝逐逐呼一牡

白紵詞二首

綺霞欲素東吐月後庭千花明絳雪停車繫馬
客不發桂醕蘭銓爲君設滿堂美人儼行列含
商扣宮白紵闕衆中恐君不中營君獨目成與
予悅願歌迴風燭光滅贈君鴛鴦合歡結重以

盤龍玉跳脫

飛霞夭矯驚鴻翔安陵起舞歌龍陽曼亶乍舉
清音揚雕盤玉食行璫觴千秋萬歲樂未央願
賡黃鳥從三良身荐螻蛄狗北邙朱顏奄忽難
久持前薪見凌前魚悲陷桃嬌駕仍見訾錦衾
繡枕從華滋膏蘭香澤爲誰施

擬鮑明遠行路難十八首

登君鬱金蹇蹇之高堂坐君珊瑚瓊玲瓏之象牀
酌以百末蘭生之玉酎薰以百和辟惡之生香
波古堂集卷一
下堂失意在俄頃空留玉釵明月璫曲房在天
兩在地歡情自短夢自長行路難有如此爲君
哀歌增慨慷

君莫倚出海照乘之明珠君莫倚入懷連城之
白璧光芒燿燿安可爲按劍路人方在側不祥
之寶一以剖何如歸作荊陽石珉玦城功齊見
珍今我棄置何所惜紫絲韁引白額駒三市九
衢作游劇

貴賤相倚伏憂來忽與危亡期屬鏤在手仰天

歎安能還我丹徒舊布衣君不見猛虎在山血
磨糜嘯風扶石飽且嬉一朝入圈弭兩耳那得
决蹠出駮機目光如炬忽墮地縱有利爪將安
施

君不見梁上燕辛苦生四兒雙燕哺兒出入相
間飛沾沾風雨衣離披掠蠹上下百不辭日暮
來巢長忍饑飼得兒肥毛羽長鼓翅各自東西
南北飛人生作計亦若此何如且盡尊前卮安
用金高北斗爲

波古堂集卷一

君不見南北路日日行人來復去一埃方過一
埃迎但望前途誰反顧荒雞鼓翼日始暍疲馬
辭軒天已暮舊客還尋舊主人認得門前古棠
樹南國豎儒塵滿身足趼眼昏無雅步人生遇
合亦有時歸去清江守簞兔
君不見夸毘之子逢世資輕裘白馬縱橫馳
名獵譽競訶詆惟憑氣息交相吹山中老客不
曉事白首窮愁仍下帷仰看屋梁弄鉛槧著書
不藉傍人知身後空名亦何益兀兀長年徒爾

爲誰云書成俟來哲但付子孫覆醬瓿

結交莫令大纒繚繚豈能終不變一朝撥塵
嫌隙生三峽九疑在對面我心如月還自知水
石縈縈清自見斫劒起按行路難四座聞之淚
如霰

君不見虞仲翔平生頗恨無人識死借青蠅爲
吊客子雲寂寞草太玄異代君山那可得仲宣
顏寢太沖口吃元叔不如一囊錢伊憂骭隣倚
門邊相如未遇漢天子犢羶賣酒成都市衣冠
汲古堂集卷一
容貌能動人舉世孰知僞與真急辦高車及大
馬揣摩諸侯西入秦

列缺光駒隙影百年之間真轔轔與君青髻至
白頭今昔相歡若俄頃人生誰得終百年會見
相將歸下泉是非恩怨共塵土何必相疑由一
言澆君壘塊奉君酒眼前浮雲亦何有莫言今
日百不宜當念抱頸牛衣時

橘柚檀梨同適口絲肉笙簧共娛耳人生語默
各異趨安得與君皆相似迴蹊曲磴饒荊榛委

遲周道平如砥同車相就且相親莫問悠悠路
傍子

誰謂呂梁之水鼃鼃不敢游丈夫蹈波若安流
誰謂盤蛇烏櫓高通天跛羊駑馬登其巔至危
迺在細旃上主人朝迴新拜相男兒尚主女入
宮僮奴亦是邊城將一朝黃紙來見收覆巢之
下雛啾啾層臺累榭作車廐華林蘭阪成榛丘
少伯謝烏喙去弄笠澤水子房辭龍準歸從赤
松子君王豈有四海羅鴻鵠高飛奈爾何

造物小兒何狡獪搏弄生人作遊戲鞭箠窮剔
無不爲令汝脰申還就羈卒歲窮經期自見玄
鬢生華猶未薦九重詆蕩天自高懷中有書不
得獻幸當聖世方右文眼看年少登青雲騏驎
蹀躞首天路寧復反顧求其羣只尺君門隔萬
里葛屨履冰露泥泥劒歌日暮歸去來翹材之
館何時開

水蠶吐絲絲不絕憂從中來那可撥昔人誰似
杜康賢漱醪坐使沉憂輟以茲於爾了不疑日

向糟丘管麴蘖醉鄉有路抵華胥不是人間塗
九折丈人箕踞兀然醉爲爾翻歌行路易李白作蜀道難陸暢反白作蜀道易余亦戲用此意

長安大道塵吹面對面相逢不相見霍家家奴
馮子都白馬銀鞍如疋練狹邪挾彈日經過意
氣驕矜走雷電漢家近與烏孫和塞犬生釐少
征戰三河俠少氣不平畫地指天功未建登臺
長嘯向北風睥睨嘗聞雙羽箭

採木誰作輪剡木誰爲檝適此萬里資令君遠
離別豈無石尤敗爾檝豈無太行推爾輪有心
願逐歸棹月有夢願逐歸輪塵征輪去去棹木
返坐惜青閨華歲晚

憶昔行游氣夸邁足底九州如歷塊躡步高凌
泰華顛頻瞰黃河若衣帶策虜草檄臯蘭山從
軍飛轡長榆塞一從肺病臥空山行藥松間聊
閑關越陌度阡少陵厲經丘尋壑何踟躕爲語
及時無自苦呼酒擊鮮歌且舞飛揚或放轡上
鷹驍騰行獵林中虎

莫言富貴由英雄莫言貧賤皆愚蒙運去賢豪
在溝壑時來屠釣都王公世人皮相逐華競寧
知甕牖貧非病座擁奇書傲百城裏有明珠輕
萬乘寄謝囂囂項領兒莫因落魄相凌欺

舉世不足處駕言凌紫烟玉鸞啓前路飛龍翼
高軒游行霏霄中竦身入雲端九州烟九點五
嶽石五拳下見向平禽慶兩小子蠕蠕如蟻相
攀緣鼠肝蟲臂供糗糧卒歲有餘腹果然道逢
雙青鳥口銜赤玉靈文篇云是金母使招邀燕

息崑丘顛龍伯膾六鼈天吳臨神鯤棄骨若丘
陵不足充盤飧夸父翻渤解海若倒百川玉女
調酒漿不足充壺尊上元拊靈瑟宓妃歌步玄
阿母開玉籥授以元始太上之真言誓將騎六
氣出入無窮門安能跼蹐世間路乃與松菌爭
齊年

思悲翁

思悲翁昔騎竹馬泥城東顏如好女桃花紅探
轂上樹如旋風十八從軍征膽壯氣益雄左右

佩兩韃雲端射雙鴻私通馬邑豪餌虜邀奇功
伏甲三十萬中夜出雲中虜覺乘六羸一夕遁
去旃廬空逞心一以蹶事往徒忡忡日月忽行
邁齒落頭已童來歸無寸土鄉里小兒棄我如
秋蓬夜半摩挲刀與弓歌聲中咽哀思叢思悲
翁悲莫極今日非昨昨非昔猛虎雖已死蹊蹊
不肯側思悲翁悲復何益

涼州月

月彎彎照涼州月下一聲角散作關城秋城頭

双古堂集卷一

三

高旌飛子子隴水漸凝聲漸咽征人月下霜滿
衣北風翦翦水髻折將軍錦帳猶歌舞傳令中
軍夜研虜平明獻馘向轅門醉臥未醒聞報鼓
九重丹詔來邊頭將軍益封萬戶侯部曲惟聞
行薄賞軍中贏得一推牛又傳虜薄關城下
能謝恩齊上馬

汲古堂集卷之二

東甌何白无咎著

樂府

登高丘望遠海

登高丘望遠海積氣蒼蒼官何在長鯨嶽嶽龍
憑憑吹滂濤與風雷爭九州為壑三山平海若
舞馮夷逐不甘而族甘人肉十百生人葬而腹
吮血磨牙猶未足誰教汝狎之日日蹈波如蹈
陸白旄招冤冤未迴我橋大編開復來

汲古堂集卷之二

雉子班

代為雉媒以誘羣雉而翳之

麥芃芃雉班班雉飛呼雌出林間前鳴後雉豈
不適寧知危機方在側雉媒飛飛高入雲兩雉
相逐求其羣雉媒下伏雉在翳翼鏃尾傷錦雲
碎咄爾雉媒胡不仁唯懷恩養戕其類吾聞至
德之世麟游於郊刳胎破卵鳳不來巢兎死狐
悲亦至性況爾同儕等軀命唯鳥有巢獸有窠
物之不仁人之鏡

石城女兒行

石城女兒靜且姝十五夫婿執金吾盈盈掌中
明月珠一朝新愛坐捐棄中道君心與予異那
說當時可君意強笑向人中不懽蜀弦流悲楚
妃歎上堂下堂反掌間盤石雖堅尚難保明鏡
蛾眉為誰好嗟爾丈夫何草草

采蓮曲

采蓮歌聲斷續沙棠為船青絲竿芙蓉出波何
綽約朝期在何許期子西陵下暮期在何處期
子西陵渡東家女伴日相邀阿儂判識西陵路
汲古堂集卷之二
菰蒲短短鴨鵝飛兩岸風吹楊柳樹十里芙蓉
極望平綠波澹澹綺霞生棹通葉嶼妨船重船
出花潭覺棹輕藕絲相纏綿當時可君意誰遣
藕花開連莖復並蒂並蒂萎紅逐流水纏綿宛
轉相終始空房嫋嫋落秋風采掇那能得蓮子
憶昔十五不識愁東家相與共舫舟自矜弄漿
西陵蕩不愛提筐南陌頭花豔時能分笑靨葉
長未解鄣儂羞一朝復一幕花落愁難度舊愛
避新人新人行復故翠蓋田田泣曉霜朱顏冉

冉罷紅妝驪比荷珠元不定儂如荷鏡本無光
相憶音書斷相思道路長祗應夜夜西陵月獨
照城南瑋瑋狀

古別離

古別離別離各異縣異縣隔湘南何用問音信
雙頭七寶簪朝采南澗蘭慕采中洲葦獨乘白
鳬舟空憐隔江宿蘋花斷續開蘋香江水綠水
綠蘋開映碧沙江帆夜夜泊誰家願借東流更
西注好憑雙淚寄三巴古驪無處所佳期渺何

汲古堂集卷二

許落日漢陽波悲風洞庭渚玉壘迢迢去不還
銅梁望望宵難攀悲在口中含石闕鏡飛天上
卜刀環嫋嫋商飈生苑蕩連理匡牀錦衾薄寒
到齊紈不忍捐絲脆吳綃那堪著月下偏窺翡
翠簾霜飛暗妬鴛鴦幕空思楊柳繫青驄愁看
桂樹巢黃爵一朝復一朝遮莫可憐宵深閨誰
與媚蕩子爲誰驕秋夢秋雲薄巫山巫峽遙門
前風吹烏柏樹判是衡陽無鴈渡君今不渡奈
君何激楚南音空有歌

明月引

團團桂樹吹古香隱隱桂輪流夜光始見天
如振素漸升海底若飛霜誰家南陌玫瑰閣何
處東城瑋瑋梁東城南陌愁難歇庭中奇樹涼
蟬發梧桐露溼銀牀枝莖蒲夜冷金塘節白鴻
弁作淮水雲玄兔猶疑梁苑雪苑梁不可接淮
水渺難涉相將油壁車欲引沙棠楫可憐乞巧
流螢院可惜長門玉階怨弦澁猶聞瑤柱箏漏
微漸促金徒箭隔年密意串雙針秋風緘恨捐

汲古堂集卷二

團扇夢覺車音殷若雷望裏明河白如練圓缺
空傷歲歲期容光坐惜朝朝變別有思婦出深
閨見月雙垂玉箸號蕩子辭鴛閣從軍逐馬蹄
詔隨都護遮隴右書傳驛使到關西江潭水落
魚龍靜宛轉金波寒不定沆瀣香浮漢帝盤茱
萸匳展秦王鏡塵生神女寶鞮輕彩含淵客鮫
珠迸紅衣半落芙蓉愁芳蕤欲歇靡蕪暝越姬
采菱曲未終吳娃擊榜歌相應三五盈盈滿月
飛詎知二八減圓輝氍毹鶴髮新愁長宛宛蛾

眉故貌非莫遣粧臺窺粉淚直教舞榭鑒羅衣

軍中行路難

行路難路難千萬端黃牛百丈峽青泥九折盤
豈若從軍苦欲語從軍摧肺肝悲聲非關瓠巴
奏哀音不爲離門彈長城三春草尚短幽州八
月雪先寒雪寒草短復年年絕域風光詎可延
乍見梅花吹作曲已看榆筴落如錢冠軍未返
燕山騎少婦空悲蜀國絃縱金浴鐵逐輕車死
國從來不顧家百戰將軍軍碎葉十年征戍戍

源古堂集卷二

黃花碎葉黃花沙浩浩西日甲光寒萬萬陣雲
遙望聚如羊胡馬橫驅疾於鳥分麾後隊屢
期轉戰前軍恒失道屬國功名數亦奇邊地風
霜身易老風霜漸失別時面誤殺春閨夢中見
斷絕上林尺素書思爲杏閣雙飛燕雙燕春來
一度歸三秋何用寄戎衣夜夜遙遙聞簫策一
聲一淚落金微

琵琶引

吐延川上秋如水赫連臺畔邊聲起女郎二八

弄琵琶明月入懷風繞指流悲寫怨不關人南
客初經塞上聞斷行沙鴈急衝雪嘯侶峽猿哀
度雲黃河卷入檀槽小千載古愁彈不了燐火
熒熒白草長月低青塚胡天曉

邊馬行

玄霜吹折榆關柳邊聲一夜傳刁斗塞鴻曉渡
白狼河家人夢斷飛狐口平沙莽莽漢月高腥
風獵獵鳴弓刀窟深水寒長城下盡是征夫飲
胡馬胡馬凌兢凍欲僵豈待明年春草長冬來

源古堂集卷二

餉減丁男瘦減買邊駒補官廐馬肥猶可給差
徭男瘦不須防格鬪年年少府出金繒邀得
龍塞上名豈有蒲梢輸內廐不聞龍種到邊城
憶昔文皇臨赤縣材官十萬良家選出塞三犁
老上庭招搖翻向南天見河魁太乙按星文邊
塞家家習征戰勤王字鏤鐵兜鍪報國書留赤
羽箭一從互市議請和漢軍日少胡日多護羌
不自秋乘鄯部曲何人夜枕戈浪傳款塞時邀
賞牧馬公然北渡河胡奴解唱涼州曲漢效能

翻敕勒歌君不見明妃塚冷胡天碧一曲琵琶
淚沾臆治亂安危各有人洛陽少年何太息燕
支山下陣如雲鵲印誰論百戰勛坐惜龍城飛
將沒至今猶憶隴西軍

哀江頭

爲南康守吳公而作也公諱寶秀
己丑科進士配陳氏吾郡平陽人

飛雲渡口西風急津吏停橈刺船立始陽公子
甫垂髫掩抑依依向余揖爲言阿父守南康雙
旌五馬爛生光寧知廉吏反爲罪諸孤蘋爾身
淒涼父昔驅車到公府蒿目日詢民疾苦化行

汲古堂集

卷二

遠邇暮月間不圖遽坐中官禍中官權稅來江
州譏征會歛深誅求大旗卓天天爲愁義艦厭
江江不流長江日高一丈五傳呼奏樂頻撾鼓
于闐寶帶刻麒麟大內金牌畫飛虎禿袖監奴
紫繡衣銃頭惡少青絲組長官俛首不敢言何
況區區商與旅左右爛用水衡錢夜椎肥牛朝
擊鮮張弓挾彈仰天射鳥飛不近潯陽天游徼
關頭弛巡邏忽傳商客偷關過駕風遠遂到南
康中流絳斷官船破十人失水九人墮飛濤適

值長鯨餓水中呌援呼州民州民舉酒翻相賀
貂璫見說生怒嗔自謂奉書因國課璫書統轄
及守臣有事守臣當我佐州民袖手誰使然民
之僑獷誰之懦父謂爾璫勿怒嗔爾曹腰領無
容剗關津有地稅有經越境猶然黷泉貨而曹
之死天死之豈得吾民有連坐貂璫搥牀怒不
止謫牘蜚誣抗明旨御批緹騎出燕京檻車夜
達南康城南康城外合城內江水湯湯流哭聲
錦衣索錢動盈萬橐垂何以供充盈母憐此別

汲古堂集

卷二

異南北誓願相隨同死生父云一身尚難保豈
能攜汝增伶俜夜闌掩泣已憔悴阿父據牀方
假寐燭輝無燄雨泔泔阿母遂作無聊計開奩
試檢約指環挑燈更拾流銀髻半生椎髮羞豔
妝貧女從來少珠翠離婁結束留枕函與君稍
佐長途費牀前再拜相決絕念妾笄年同結髮
祗言偕老共苦辛何期中道生離別臺前古鏡
名盤龍光與陰精應圓缺茱萸繡帶拂清輝疏
璃錯匣粧明月更有寶劒名純鉤龍藻龜文炯

明滅寒光歷落祭星辰白虹糾結流霜雪願得
同防君子身要見時危秉風節袖有一雙七寶
囊各典四角同心結願言分贈兩侍兒薌澤芳
情永消歌女兒未長兒尚孩撫養宜均理無別
析上猶存峽燒香簾中尚有鴉頭襪君今遠道
危如發莫因死者生推折生者不媿死有知豈
羨兩身同一穴叮嚀告父父豈知夢裏微聞語
聲咽小兒抱頭女穿衣泣漸低燈漸滅平明
呼母唯空牀寧知阿母懸高梁阿父見母死扶
冰市堂集卷二 九

血渠中腸兒女見母死恨不從母亡闔城聞母
死擗踊咸如狂中有但夫人八十髻髮霜開我
東閣脂著我素羅裳倉皇備牲醴命僕舁黃腸
時城中但夫人八十餘遂以親為殯殮舍三繞
沙木棺見贈親殯殮舍三繞沙木棺見贈親殯
母尸倚抗聲慟為絕陰霾四塞天無光錦衣敦
迫難久俟薄俸那能具行李父老吞聲為醵金
商畧通衢寘方廬間閭士子納銀錢村莊婦女
投簪珥三日得銀三百餘空城大小隨行車呼
天遠徹一千里道傍聞者感嗟吁天王明聖臣

當戮詔發秋曹先繫獄中山未白樂羊書秦庭
豈少包胥哭一物終迴造化仁六幽竟藉陽光
燭不分生還見故鄉驚看兒女錯成行短衫紫
鳳半零落小子呼爺能繞牀夜闌秉燭猶疑夢
悲喜交并轉沉痛幾回呼母聞不聞嘔血撫棺
唯一慟孤臣九死輕一毛天心未寤生何聊愁
聞稅監益驕恣豺狼滿道人蕭條每當素食慙
無補風霜只益臣心苦願逐龍逢地下游聖意
中回臣得所一朝臥病絕復蘇之死猶呼臣有
汲古堂集卷二

負我聞此語空伊憂古來釀禍寧無由未論遠
鑒漢唐事得不哀痛汪王劉憶昔肅皇興楚濫
啓沃君臣同一轍刑餘祇合供掃除豈得預參
藩鎮列江南安枕七十年忍見今時更騷屑吳
公吳公君莫悲臣能盡忠妻盡節千秋正氣塞
乾坤為雷為霆有餘烈忠魂儻拜永陵雲應抱
遺弓淚成血

玉局謠送表令君移治蘭溪

玉局山頭月彎彎玉局山下車班班統如五鼓

侯出郭前車不行後車却白頭父老前致詞願
侯止車立斯須昔時猛虎滿中路自侯之東虎
北渡昔時蒼鷹攫人食自侯之東鷹斂翼昔時
蝥賊食我穀自侯之東穀蕃熟二月縲車聲拍
拍未離杆軸官催迫我今有縲兼有帛四月麥
苗青軟軟未登場園官催督我今食梁還食肉
何以餞侯百壺酒願侯少留斟大斗湯湯之水
橫春渡來從西來去西去去時何早來何暮方
舟蕩蕩江之濤前船趨鼓催搖櫓婪人式歌歌
汲古堂集卷二

仰天何所祝祝侯長年綏百福

炎海紅雲蒸遠島日照林花映江草蠻奴兩兩
茜裙新齊到廟門聲似鳥擊鼓到羊與神語八
節願神長作主丈夫捕捉饒蚺蛇小兒撈渡多
龍鰐更向商船得文貝還從夷舶收丹砂丹砂
文貝到州府易得金錢不知數與奴買錦作長
衫雙帶交纏長命纈此時賽願來挂旛更繡花

韓施神姥

滇海曲

人間信是滇南好四季春風自花草行人齊唱
梁州歌曉日瞳瞳抱珥河熨婦妖粧美姿首數
貝四庄爲一手綠雲髻驪鸚歌花紅潮頰暈檳
榔酒西連夷峒接貴陽蛇蟲吹毒蠻烟黃崖蜜
龍甜與郎飲願郎莫漫苦思鄉

督郵行

寧入虎穴將虎鬚寧縋龍窟探龍珠莫令足跡
入城市督郵伍伯怒氣麤督郵索錢猶自可伍
伯苛求急於火誰言城市無人行夜半中達猶
哭聲

溪翁行

溪田犂确河田沃瘠土民勞膏土樂河田多收
十斛餘年年不肯全輸租溪田收薄少生計刈
薪賣穀完新稅春來月出不聞歌昨朝社飲無
人醉溪翁但羨河田豐家家甕酒眞珠紅

河翁行

老翁耕種居西村白頭不到城東門
翁言淳朴日非昔我覺勝兒兒勝孫
大孫自詫能當戶負租往往凌田主
日斜歸自縣門來桑下乘涼訖
官府

尺八

紫玉嘶風橫尺八長聲割雲清吐月
洞波清劃海西流黑河千里玄冰裂
瓊臺獨立愁煙空銀浦隔簾垂素虹
草頭風急不留影卷入燒烟驚夜鴻
楓林楚客歌楚只夜半魂歸渡江水

漢書集卷二

十三

迎龍母詞

龍母爲永嘉蒼山周氏女女汲于溪得文
石焉誤吞之遂有孕及婉產一龍飛去母
亦驚死土人爲像祀之數有靈鄉郡大旱
有司每虔禱迎母母至輒大澍

帝遣祝融封海水踐烏渴飲神呵止三山石裂
綠塵飛龍背半枯甲光紫桂於子子芝蓋團山
蒼天碧江鳴湍神巫胡呪踏風舞阿母高居玉
府寒湘烟細綰雙鬟小一葉隔江飛白旖風生

馬鬣微車雲手撤天膏輸地媿漿涼糈潔玄
功統統鼓聲香霧濛旗脚龍孫秋蚓細車箱魚
腹眼波紅弱流三萬官何在十洲藥老無人采
珮裏珠光如玉盤好借吸乾婆竭海

瀉池謠

瀉池遺壁華陰使礪山真氣如流水珠局曙夜
爛明星牧羊之子窺魚燈空空下天豈不錮銀
海金鳬忽飛去雨消玉馬澀秋烟嚙盡龍魚石
花吐酸風吹淚漫如澠礪劍有人登茂陵

漢書集卷二

十四

都護行

龍沙連連城百雉廣場日射城烟紫天低牙帳
魚鱗開燕尾指霞都護來下馬風髯吹颭颭翠
幙流波動金甲六花應鼓塵不飛龍鳥陰陽倏
開闔礪車雷野陣雲崩馬足踉蹌如渡冰奔蹙
忽疑行萬里欲蹋臯蘭平作砥須臾列戟寂無
聲烟冷平疑天若水都護下來神不驕蹴立營
門親射鵬鵬橫箭急錦雲墜萬騎前遮呼萬歲
願抽一羽天山平歲歲奉君君莫棄

蘭竹引

吳門王校書百穀嘗以馬姬所畫蘭竹題詩其上贈予今姬且歿而校書老矣披圖慨然系以此詩

怨竹愁蘭楚江尾
欹煙濯露臨湘水
玄髻黥墨印驚鴻
轉憎花覓抱春死
穠情弱骨沈秋塵
蔣姨珮暖梨花新
雙鸞霧影月輪細
楊柳誰歌劉采春
阿敬心情詞宛轉
渡口雨消涼夢短
不獨盤龍蛾影空
書生鴉髻如鳬翁

汲古堂集

卷二

五

蘇小小

錢唐何兒騎白馬
日斜眼醉西陵下
蜨媒上下汎烟空
粉華蘭露曉春風
湖浮碎鏡荷爲蓋
風人拜帶豔骨埋香夢
不消月下妖狐學

冷客吟

風花如夢雲冥冥
五陵俠少春憑陵
雙童夾馬問何處
馬熟秦蕸采芳路
山屏六曲小藏天
柳牽銀塘顰欲烟
蟬鬢香霏寶釵暖
脈續紅潮玉

船滿瑛盤無聲罷
躍瓊沉火中歌纂
纂歌纂纂舞僂僂
樂方宛轉入變多
呆恩半昏月低河
南隣冷客束書卷
燈下空腸轉轆轉
殘星睽睽鷄三號
觚陵日近天門遠

關山月

明月清秋夜關山
奈別何桂輪光未
滿草露濕仍多團
扇憐齊素單衫冷
越羅林霜凝曉液
池鏡委圓波夢斷
宵碁徹愁驚旅鴈
過因風將玉塞流
影度金河拭淚銷
紅粉顰眉損翠蛾
白狼猶轉戰朱鷺
未賡歌苜蓿騎胡
馬烽煙散橐駝深
閨長閨寂芳歲易
蹉跎爲問征西將
何時議止戈

汲古堂集

卷二

六

獨不見

日暖百花香天清
雙鷺黃萸蒲隱玉
梵楊柳覆金塘離
思繁宵夢愁心倦
曉粧月寒照膽鏡
塵暗合歡牀夜舞
憐垂手春游憶采
芳故情那可問新
怨若爲忘捉搦閨
中曲盤陀塞外裝
經時沉鴈素蕩子
隔漁陽蝨粉銷文
管蟲書上畫梁

鷓鴣仍引子鷓鴣尚呼郎容鬢韶年改風烟別
路長何時歌入寒笳吹笑還鄉

愛妾換馬二首

佳人殊姣好神駿故權奇易判傾城質難逢
玉姿笑譚揮絳袖拂拭控青絲躡景歸新王行
雲倚阿誰騎嘶來上廐掩泣下重帷他日靡蕪
路鳴鞭去莫遲

花外迴金勒尊前遣玉人但看朱鬣好不惜翠
蛾顰駿蹄踠蹴玉鸞銷匣鏡塵夜拋紈扇冷春
風陣泥新女子閨中態男兒塞外身亦知難再
得不敢失驄驎

夔州竹枝歌

巫山巫峽路難憑灘一灣來山一層上峽雖渥
來却速有朝一日下江陵
灩澦灘偏與水爭水奔石怒作雷鳴不知鳴咽
緣何事好似郎心長不平

山精曾作音蜀王妃又傳望帝化催歸明鏡
留墳上石催歸長向武擔飛

後園隙地種胡麻鷓鴣飛上紫荊花白酒黃雞
饌自有錦城雖樂不如家

天際遙看是瞿塘百丈牽江一水長纔過黃牛
還白馬爭教客鬢不成霜

人言宋玉恁荒唐浪傳神女下巫陽秋來好作
還家夢舟過陽臺莫漫狂

釀酒黃陵古廟中也知來去不相同止水苦難
來水易願神莫送下船風

企喻歌六首

健兒赴沙場永隔親與舊結交異姓歡生死得
相救

誰言金極堅金堅未為極願得弟兄心生死長
不易

有粟當共春有布當共縫我心無偏頗甘苦得
相從

作將須作健作軍須作伴一箭折不難十箭折
不斷

生兒遠從征不如不生兒有痛儂自憐呼母亦

何爲

阿母生健兒不作阿母力健兒在萬里呼母何渠益

瑯琊王歌五首

男兒如縑鷹有錢始插翼買酒就爐頭寧論兩相直

林深鸛鵲驕水深魴鯉躍游子投主人願主長安樂

瑯琊大道王車騎何爛爛夾轂紫髯奴一盧呼

十萬

瑯琊大道王瑯琊復瑯琊前有七寶蓋後有七

香車

人馬去如龍雄猛不相下除是廣平公方能騎此馬

上聲歌四首

男兒水性蟲百折不可迴一旦化風燭寸心忽成灰

情癡因有情無情癡更絕儂見鏡中花引手欲

攀折

人言儂了了我言儂漫漫相見不綢繆縫衣過夜半

別儂忽經時見儂定歡喜寧知相見時掩泣不得止

橫塘曲

玉人弄柔楊掩抑橫塘歌紅烟漾半嶺光風動湖波盈盈忽不見脈脈傷如何雲散數峯出澤

上青差幾

紫驪馬

赤驃弄嬌嘶長風入四蹄玉鞭輕下千步急初齊性潔嚴芻秣材馴習鼓聲健兒兩相習事玉關西

梅花落

一樹照銀塘朝光動曲廊雪添殘雪片風和落餘香遲暮愁難寄關河夢易忘折盡不自惜掩

鏡濕號粧

閨思

好是朝來嶺獨愁明鏡前微期恒失半追夢不
成國猶時時疑雨花深暖欲烟何時分笑壓滿
照春眼

春游女

游女繫春情花明屋誤更端粧殊未竟鄰伴已
相迎巧鬪山眉淺寒雲凝小姑初出戶失
喜報新晴

燕臺古意

飛鳥動曉光日照樓金井桃花短銀塘柳
葉長明珠紫帳領却月眉釵梁髮髻珊瑚枕餘
歡半眠牀

足練擁霞綃相憐馬影騎儂家一步地玉河
板橋輕愁復輕笑含怨本含嬌不比塞江水朝
朝暮暮潮

盈盈曲房下步步綺窗前拂鏡驚銷翠翠鴈
促然池分花並笑月愛影雙雙莫學劉生俠選
封向酒泉

雙尊設夜酒三月試春羅碧玉工言語青

笑歌千金常恨少百歲詎云多誤殺金吾子通
詞託素波

長安少年行

太平天子都俠少美清臞遨遊分勝日調笑
常隨官柳燕三市官槐夾九衢千金消一擲
道不曾輸

春江詞

初日流微波東風吹越羅桃葉渡江楫蒲帆上
水歌楊花隨處有春酒困人多隔浦遙相識盈
淚問阿那

有巢者阿

有巢者阿手執索人行塚中不知其悲
肅來兮

同舍曲

沙上鷺鷥接翅飛鏡花雙笑午風微
齊結子不辭露下褪紅衣
並蒂連房一樣妍一莖偏得兩頭蓮露珠不定
隨風轉個不成圓個又圓

塞下曲七首

南獵單于北掃胡高秋牧馬出飛狐校前裨將
新車騎越下鉗奴舊骨都

半窺明月照燕山一夜秋風入漢關萬里黃雲
沙漠漠健兒驍馬射鴈還

營門閃閃擊霓旌壯士吹笳日滿城緩帶幕中
多揖客夜深燈火罷談兵

交河葦葦接狼煙風急輪關漢月縣車騎飲水
朝受命鐵衣犯雪夜辟邊

城上驚飛白項烏黃蒿隱見跳黃狐數聲刁斗
殘星落獵獵酸風亂馬呼

春草年年怨別離生還不分及底時天寒曉
生金甲雪暗龍蛇落畫旗

雪添宿將明朝鬚霜敝征夫五夜裘事往書生
輕血戰浪聞鵲印拜通侯

俠客行

不受平原國士恩夜馳騶馬出夷門酒酣笑睨
蓮花鐔肝膽逢人未易論

捉搦歌

峭颿須快風快馬須健兒及時不作樂安用錢
刀爲

錢刀千萬餘去作陽翟賈大婦炙笙竇小婦前
歌舞

大兒如踞彪小兒氣食牛大兒火浣衣小兒狐
白裘

壚頭夜呼盧千金輕一擲笑殺南鄰翁白頭一
縫掖

大隄曲

大隄臨漢水水上朱樓起日莫嬌殺儂窺妝明
鏡裏

郎來何洩洩投策向儂家階前楊柳樹繫却羈
眉驕

江月明可掇鳧舟小於葉與郎爲水嬉乘流不
須楫

汲古堂集卷之三

五言古體

東甌何白无咎著

山雨閣

有渰興崇岡玄陰轉淒薄微雨自遠集祁祁度
江郭密翠結重林寒淙漱幽壑散髮披縹緗平
明坐茵閣猗蘭冒綠蕤天桃破丹萼疎麻時未
華新篁始苞櫨常恐鷓鴣鳴涼風振飛藿撫化
徵在今履往慨如昨悲來命尊酒持觴望寥廓
汲古堂集卷之三

夙好時不存喟焉念離索

詠懷十二首

春陽無私阿吹萬揚其華層林吐潛穎叢薄敷
丹葩羣芳沍晨露總翠披朝霞寒谷有孤樹託
根交礪砢繁霜封下條密霰塗高柯鄒律不復
作歲晏長婆娑

旅客惡離聲況與所知別豈不戒前途牽衣遽
能發僕御中夜飯昧旦踐冰雪衆星爛以繁游
雲互明滅夷猶循江介引領望天末寒飈鳴枯

者何班班不見三尺童答答肝衡間

結髮充下陳侍君金幄前葛藟附喬枝雨意相
纏綿燕婉永畢席恩幸忽中遷玉澤揚雙眸風
管中所彈翠翰象雙蛾夙昔中所憐晚晚亦自
賦胡為懷棄捐妾豈有新故君自為蚩妍未光
不我耀授色空聯娟

帝走讓天下武仲暢高辭君手行歸休無用天
下君君期滿腹鵲鵲一枝危人不治庖尸
祝寧代之迷之舍逆旅寒風見賦嗟小夫

步四極但為禽草噓

慶者朝在閭吊者昏在門慶吊相倚薄生死
朝昏往者解其弢來者麗子蒲白雲出滄海
鵠離扶繯有身無羽翼安能去卑喧憂來其如
何且為陶一尊

素商鳴枯林氣蕭寒蕭蕭林馬僻蒼鷹鷹馬
亦驕象孤佩兩鞍俠少三五曹並轡出年已
射向遠郊鳴弓期飲羽剗革試吹毛荒

兎青雲落雙鵬足下無峻阪飛韉越山椒蒼草
選平野割鮮付中庖未知白日暮所志貴輕儔
迭宕娛心意一旦劇千朝胡為豎儒子白首隱
蓬蒿

平原見遺構鬼我王者居百常擢飛觀十里亘
長衢鳧兔襲堂下澤雉雊前除虹蜺落井幹綠
錢蝕丹樞塵序歇鍾簾松風起笙竽斷碣臥宿
莽何代為誰歟身名悵已往榮執皆焉如一下
雍門涕拊膺獨躊躇

亮節須勁絃晚歲須良田鳧以材自衛樗以不
材全莫稗勝五穀某薺襲芳荃君自行仁義安
用苟人憐守黑以為式先民有遺言

望舒翳繁雲熠燿揚微光羲和出東海燭火戢
餘明鸞鳩何宛宛間止鳴于桑鳳凰擊千仞鯢
鰲薄天翔壯夫志往古齊民營故常出門駕言
邁驅車覽大荒春華一以擲老大用惋傷

感述十首

春氣被廣宇步出城東隈美楊覆綠水鳴鳥和

嗒嗒粲粲被姝子被服何麗佳矯若華雲舒流
光與徘徊掩抑有餘思望遠若有懷明璫徒在
御蹇脩誰爲媒容光曠難接日暮空遲迴
離離豫章樹童童北山頭本是同根株斧斤來
見求裁爲合歡殿匠石窮彫鏤丹漆自相結虬
龍自相紉正直固本性美材翻見尤寄謝樗與
櫟何當守故丘

濯濯吐綬鳥錦毛五文章朝飲華池流暮唼玄
圃糧照水每矜誇竊比鳳與皇何意北山羅

汲古堂集卷三

五

雲方高張羽翮忽見觸鼎俎已在傍質微不自
衛德薄宜見傷安知冥冥羽寥廓方高翔
白龍銜明珠罔罔吐明月一星豫且網江海徒
空闊本爲報君恩何虞見屠割夫據將安歸壯
士空拔血

游子撫長劍出門萬里餘黃鵠厲其翼四海在
須臾寧知天游子揮斤窮八區登高望城郭粲
粲里與廬炙簣間鳴瑟出入王侯居氣候咫尺
間寒燠亦已殊蟣蝨處禪帶亦有逍遙墟

貧士懷溝壑所憂飢與寒寧知陰陽患亦在狐
貉溫況復厭剗割膏火中自煎彼此既共之茲
理將誰詮緬彼古賢達寒暑疇能遷易足罕有
闕至淡無所先清風颯然至自謂羲皇前
志士秉貞則冲淵恥浮誇靜女懷幽閑婉孌謝
紛葩中園盛桃李粲粲揚其華乃知招搖者豔
笑方同車

幽并有奇士猛氣聞流沙應變若轉轂操略無
常家適感風雲會爲君行負戈一戰舉老上再

汲古堂集卷三

六

戰收渾邪忽朝入讒間蟻穴潰江河東市向天
歎日盡將如何

義義文杏堂兄弟有四五三兄侍中郎車馬燭
門戶二弟縣小吏盈盈出公府堂上具酒漿堂
下陳鐘鼓阿母邯鄲倡阿翁陽翟賈翁年七十
餘十九在行旅問翁今何之揚帆下前走

禾首條已變中野塗朝霜葛屨不適趾內手知
風涼出門有合轍同堂或殊方琴歌斗酒宴婉
嬋輸中腸相於且相樂明日非所量

飲酒五首

何生故廓落以不任力作故貧貧無事
廼事事酒耳執放歌聊以自見命曰

今日有名酒勿好多驩悵園食懷好

鐘鏞林菰晚登茱豈必割鮮豐班坐屢迷次

行或連雙上客得既醉尊辭戲空容散夕

曉素月隱東峯嘯傲得所適庶以養顏蒙

孤根居後零陵蒼乃先替的春陽花安能及

秋媚宿昔繁華子過時歎凋悴昔聞王子喬

天獨游戲未假鶴背風天路亦茫昧愚者居此

華達人解冥會不如九醞醴優游以爲歲

夷世無窘步明時多俊民生也夫其方坎

相因世路坐自左瓠落無所成汲汲圖嗣底代

木清江瀆晨起戲稚子欣然遂忘貧歡言命春

醅燕矩及芳辰養真謝天伐衷古躡清虛偃仰

秉微尚冀與達者論

昔我二三子周旋大澤中橫鶻下峻陔耳後

生風趨足及奔兕翻手接飛鴻凌厲失千里

讀爲罍空年命若朝霜本根離斷蓬青髻幾奄

忽伯強不相容白日隔長夜枯楊閱幽宮安用

千載名鉛墨殲其躬我今解沈飲達生以埃終

在世苦不足遺恨柴桑翁

曜靈欲西匿西山鬱差我白雲自南來翳止媚

層阿迴風被梧櫟流輝相盪摩托思每歎往莘

杖聊婆娑來歸息欄下微月挂庭柯新婦罷機

杼中厨飭園蔬瓦盎開晚酌濁醪瀉春波數斟

已復醉拊缶還成歌貧賤自倨貴榮名當奈何

奉贈馮元成學憲四首時予客金閨

瞰繳麗圓景衆星爛高天廣庭伐鴻鍾悲聲何

淵淵青黃間黼黻微澤難爲宣志士營萬古寧

與齊民肩夕游瀛海外朝覽昆丘顛饑食瓊條

蔬渴漱神潢泉飛飛野田雀願隨黃鶴旋雀小

毛質微鄙薄不足言黃鵠摩天風一舉周八

玄鳥安事黔圓璣安事規物理有固然所性良

不移君子風于邁行役遵九黎岑牟易文蛇鬬

冠冒雕題文教壅荒裔皇風亦披披驅車下修

阪脊言循舊基莊趙多僞士大道何委蛇列象
自森著維天有南箕滑和誠乃疲含道故不攜
至人乘玄鑒觀寂游無倪

冉冉白日徂落落朱華逝一映百年中誰遺千
秋會萬里始履蒸胡不策良驥中夜獨遶迴營
營愴忘寐攬衣不及緣出門誰爲媚傷人非一
心安能營子異妍者爲妍齊姜坐顛顛

窮賤常畏人客行多苦辛旅食古城隅朱明移
芳春夕登崇臺上遠望饒風塵郭挺茂樹吐
淑下堂集

澤出玄雲井里非吾土所邁少所親眷蒙
顧中懷俱未信既無雙玉盤何以通殷勤日夕
攬容暉結夢交心神

贈王通虛

琴芳涉江介江介多驚瀾上游不可觸下游風
以寒葉施被原澤奈彼蔭與蘭羨子來高韻
精善閉關珍簞翳林樾約房負山樊日夕接清
燕塵襟一以殫萬里無迅波千頃涵激湍方流
媚餘暉鑒止披玄言胡爲走紛境杯酒生憂患

永矢保貞素歲晏期來旋

三子詩

三子爲王子贊夫張子叔相王子用敬贊
夫被服儒者悛悛質行叔相赴義慷慨所
在賢豪虛左之用敬闇無文矣至譚名理
超超玄著總之博雅道逸寔東南竹箭也
三子者故相善亦善予

贊夫好脩士沈冥應舒卷黃河觸崑崙伊誰瞰
清淺澹澹竹素園微辭亦玄遠大音本希聲居
訥乃至辨千秋寸心長孰謂君卿短

張子叔相

爾生季葉後深心託千古爾居東海壖貊焉卑
九土玄液漱菰林縣流寫譚塵意氣莽無前賢
豪盡虛左濡翰蔚千言天吳泣夜雨

王子用敬

王郎丹臺籍誤落風塵緣咄哉誰氏子乃在帝
象先嗒爾如槁木泠然出冥筌紫綈張統隊
超吐玄言

宿羅峯寺寄陳公衡令君

夙齡慕離俗漸欣塵事疎偶赴道人約遂造雲
中居一磴入天色臺殿涵空虛曲廊轉深窅南
向開精廬法侶兀相對山影青衣裾林吹蕩香
氣錦函開寶書石鼎煮新茗飛泉落中厨已覺
羣有泯坐令諸累祛寄言軒冕客深心方晏如

吳仙姑詩二章仙姑爲張惟光文學大母也靈跡甚著

神秀啓泰靈脩謝紛葩真氣漱元津容光揚
蕊華金記授南岳默念朝東華豈不處喧卑
心託高遐七蕊閉兩扉玉根發靈芽蛻彼稠
境瞻言凌九霞登晨擁絳節神颺翼鸞車
下土士胡能測其涯

青金襲氣母上元竦靈步萼綠旣颺行麻姑亦
霞鶩乘蹻跋太虛橫空以徑度翱翔三素雲游
戲雙珠樹母氏定聖善應世狗所務玄德苞上
真今儀表貞素琬琰已書名人間或形寓天鼓
隱泥丸翛然啓仙路若榮怨素商芳翹委霜露

事往迹空存神飛形若遇碧落何次寥絕之遊
仙賦

夜懷

微月起來嶺西林生素光漸漸度松杪照我窻
聞秋秋氣送餘爽池風延夕涼百念忽如繹偏
來茲夜長

甌江曉發

雞鳴啓巖城荔子還明發篙師趣楊舲征橈暝
相愛與客交風濤月海霧直微茫江
流但膠漆扶桑亦食東方漸昭晰四望珊瑚
平翛然生溟渤

白鹿社咸同諸子集謝康樂西射堂圖
長龍君御先生得行字

躡步西射堂西岑何崢嶸宿楚交遠風塵欄闌
幽清池草寒未歇園禽時變聲謝客昔同竹登
頻窮山行一麾樹秋苑於焉浣塵纓
物方塘猶故名夫子後來秀橫壑
集時彥雄心托沈冥摘藻振前烈

險故無淺寓悲新緬深情茲往知爲誰倪倂空
怍怍天地若旦暮日月無機停唯有盈尊酒庶
幾稱達生

陳公衡明府服除北上以書招予不果往
賦寄四章

鮮飈扇平野白露塗高梧涼氣率已厲素月鑒
前除灕灕石下泉濯濯遡文魚遺我一函素長
跼開素書上言久仇離下言鬱以紆自我與侯
別日月不恒居豈無青琅玕聊以致區區山川

汲古堂集卷三

莽難卽炎海不可踰縻縻向永夕儻個獨
維侯昔于邁駕言循舊疆方舟別江介江流日
湯湯河漢隔牛女機杼不成章枉渚信洄潮風
波奄相望疏麻擢素華蘭薄雜幽芳豈不懷同
好侘傺不遑將我心自昭晰匪侯誰見明悲歌
激迴風壯夫鬱不揚

食麥常苦辛衣葛常苦寒居人念鄉故寧知道
路艱道路既不易前期何由敦夙昔夢容輝被
服都且閒遺愛常在去別遠易爲驩中情申婉

變展轉隔河關攬衣不能寐撫琴獨流歎

飭駕戒徒御肅穆揚光儀昧旦念王程眷言遵
皇畿緬昔宰江邑胡爲倏去茲冬日同所愛春
陽無匪宜大造不偏阿誰能督其幾維以被八
荒豈曰寒谷私願言崇明德歲晏獲所期

同龍君御劉忠父王季中咏得松際露微
月

悠悠美清夜松月湛華滋素娥勝寒兔纖阿駕
赤螭歲製紛翠葆的皪動金支彩暈盈千鬣蒼

汲古堂集卷三

雲隱半規乍展火齊屏交映珊瑚枝移陰清覆
地流輝低入帷歲晏中林思佳人浚谷期無能
駐清影君來復幾時

荅王伯度孝廉

孤雲行待族介麋鳴索羣清風扇中野芳草揚
其芬在物各有媚人生亦相因之子振嘉運玄
龍躍雲津神期託疇昔婉婉隨之賓結言展中
懷風義良已親興文軼時軌遵塗儼然際秋條
綴朱實纍纍一何黃豈比若與薜朝榮委庭壘

汨汨向千載此義誰當陳

玉衡改玄律芳歲熙青陽此離感流遠

故鄉公子敦風好肅客登高堂林園春清燕列

筵交圓方蘭阪勝素月文魚躍方塘深夜駐玄

景明燈燭朱光鮮澤被華薄夕穎揚微芳婉變

二三子顧我相徬徬接藻粲朝霞陳義明秋霜

躡步良以窘踟躕岐路傷離曲荷不答誰爲發

高倡撫壯情往日興懷增慨慷時子客伯度歸

元王林時子客伯度歸

文驚如離鼓翻無璇霄龍駒竦閑園長鳴

流風若人挺明淑英聲起方髻靈賞契風惠

理資玄超遠韻聳烟嶠清涼映霞標夙昔遊昌

運遶才冠時髦漢貂繼高軌今聞能宣昭白馬

金匝匿名都美游遨文昌鬱雙闕只尺未見招

被褐隱明月焉知中所操霜餘豈不苦蔚爲百

尺條願假六月息水擊搏扶搖

天台與天通高高上無窮是何三老公松

韓終雲嬉驂白鹿天游駕飛鴻囊有一丸英

如五采虹服食延萬億羽翰凌長風我欲往從

之捫蘿躡龍從朝棲紫烟館夕憩青霞宮長蹠

乞此藥綠飭變方賸霧術涉難卽金繩懸高空

僊路信可討人世難爲工願君抱貞則年壽倅

華嵩時子將討天台之勝伯度以病不暇同往

重過龍溪舊隱輓王恒叔先生四首

子從丁亥歲過訪先生今再宿山中俛仰

已十六年而先生墓草宿矣慨然成篇

挈杖城東門僮偁青谿陰茹歎惑政術含悽導

舊林興言春明德永慨交予襟懿彼萬夫特容

暉蔚瑤琳結志太初上抗跡青霄岑藟世寄邀

矚練景託深心脩辭準前哲神解流微音夙昔

展良覲縹馬衡臯潯晤言愜宴娛披豁共窺臨

涉瀨漱清冽登臺眺嶇嶇奇文旣間作芳尊亦

時斟徂運逝不處代謝迭相尋長往隨化遷晚

晚行已侵緣情一停憩結轡疇能禁宿弁日清

翳春翹自幽森淒颼颼虛牖繁英矯鳴禽時

感不淺憂來感彌深掩抑山陽賦悵悵雍雍

昔邁休明會陽德方會昌夫子翳朱鳳天衢歎
來翔苞彩挾星漢離離五文章千秋一嘉遇薄
言甌水疆顧予粲玉齒詒以瓊佩纓薌澤蘭四
座菲菲吐芬芳乃謂燮下桐出自嶧山陽穆枝
塗密霰孤根凌嚴霜斷之絙朱絲冷冷發高倡
上弦中流徵下弦叶清商何意垂朽材得充君
子堂昔棄豈殊質今收乃稱良懷此太古心天
地浩茫茫一往不可復零落歸山岡絕慟將何
言人琴慨俱亡

汲古堂集卷三

七

至人練正靈玄思薄寥廓駕言命玉鸞天行周
五岳公有五岳游觀日捫岱宗探書討衡霍三
花擷少室鳳吹聞伊洛爰躡太華蹤載寄恒山
矚翱翔覽無垠垂言良有托仙人王子喬中天
自乘騎胡弗挈其袂從之乞靈藥悲同座隅鵬
事異雕陵鵲平生意若人淵情抱冲漠觀化排
冥筌匪爲世人度千載一來歸寧知華表鶴
乘化會歸盡一氣相推遷彭殤匪異致良爲今
古然天路絕宵眇羽客徒空筌太上葆玄德餘

緒垂微言夫子應靈符發藻瓊臺間禹跡達九
土灰步窮八埏逖覽極神變含毫多所宜桑記
相蕩滴郭經表冲淵功成告靈藪襲以青瑤編
粲粲當路子被服都且鮮鮮華就緒實微芳逐
時捐寧知靈霄士騰車戲紫烟磊磊澗中石鬱
鬱山陽阡埋劍吐雲虹騰光燭高天

輓林初陽先生二首余昔遊南城得侍先
生杖屨茲來先生已塲其孫孺苞孝廉孺
敷進士向予道故遂有此述

汲古堂集卷三

八

丈人南國積董道秉孤操寔抱濟物心乘時
埋照冲情寄霞衣杜機臨海嶠余昔侍巾屨
然顧余笑遐舉接鴻賓亦嘗發靈囿陰陽一以
移瓊臺掩戶靈明德久屬公情至能無悼
休明恍若存神明安所之與漢游游洗洗渺
難期譬彼介丘石玄雲鬱未施造物發其藏膏
澤良在茲龍門千尺桐亭亭擢孫枝伶倫合文
梓師曠撫朱絲裁爲清廟器蜚音中咸池
白門送梅泰符走楚哭丘潮州

朱陵奠南服沅湘浩東注靈氣猶紛郁遺蹟
昭著王風久不陳餘波襲其故將子興楚謠
悽卽長路水國極洄沿是舟獨橫驚擊汰遵鄂
渚儻個以反顧眷言襄伊人沈憂托毫素巫咸
不可要惻愴招魂賦

懷愴將何言淚爲故人滋微音一以聞三年條
於茲宿莽被馬鬣拱水噴寒鴟念子敦夙好素
卑赴冥期神寓恒若存彤往歲載睽恍恻若有
覩芝輪蔭桂旗千古抱寸心釀酒一傲辭

雜詩十三首舟行彭澤道中作

泠泠出谷颺剡剡密天雲就彼晨風烏厲羽逸
其羣駸牛夾雙轆殷殷車下輪去去遠游子客
行多悲辛

纖阿麗天漢丹雲翼其輝迴景燭幽閭流朱白
逶迤粲粲彼姝子曉曉瑤窗裏素手綰青絲
音汜流微憂痼迫中腸絲棼不堪理問竹橫吳
刀獨製鸞鴛綺

洪波多縱鱗迅風無鍛羽北山張虞羅大澤施

網罟穿深刻中庖排虛登机俎神鸞飾樊籠
鵬鸞鐘鼓麒麟游于郊非時或遭脯

天駟被龍章歆玉出西極注渥降房精一夜風
雷集橫絕躡神颺萬里一再息反顧笑渠黃飲
鬱苦羈馱穆滿世不逢權奇伏槽櫪

驅馬上高原總轡望都邑春風蕩褻氛飛沙亦
蕭瑟遺基居無人我稼傷螫賊玄夜宿通津菰
蘆有鳴鏑戒心不遑寧幽憂起終夕九譯來越
裳三舍退榮惑人理天不違休哉在修德

策我千里駿被我千金裘賓御塞莊旆飛蓋
華輶飭燕陳廣坐中庖出芳羞北里微奇舞陽
阿奏名謳飄忽寄一世寧必非良謀綺歲不恒
處日月行復適已矣復何道登高眺層丘

方艦遵彭城幕上歌風臺神焱扇楸柏千里浮
青埃靈氣莽川澤故跡唯蒿萊日夕下平陸慷
慨獨遄迴

明月起大荒東照黃河流迴風吹沙礫楊柳可
修修登艦眺清景河干悵夷猷情至交悲

集無歡謳身非金石固塹懷百憂

隕葉戀故條飛禽思舊林允彼鍾儀奏信茲莊
爲吟結念慨履昔興懷微在今客子歎濡跡風
波互浮沉所趣既殊轍欲和誰同音冷風無勁
響游子多畏心

淮水化微禽淮土變嘉樹風氣一以殊誰能測
其度伊余本丘樊行行獨淪誤徂春辭南畿驅
車首北路晨起踐修塗陰曠觸烟霧惛眩望故
鄉玄鬢忽改素

汲古堂集卷三

大澤眇以縣曜靈迫西下風吹草茫茫千里見
原野北眺梁父遙東望黃河瀉愁陰雄鬼呼野
火殘碑赭伯氣故淪亡遺風未銷冷少年綬長
纓鳴鞭策征馬

日月經天地江河下歸墟吹萬自森著誰能運
冥樞巨靈擘泰華象罔探玄珠七聖或迷轍襄
童乃知途

珠玉本無脛桃李竟何言雅鄭不同賞玄黃亦
殊觀記室抱寒廬執戟疲守官綴辭擬子虛參

經著玄言時人習且蔑寂寂楮墨間寧知百代
後流輝燭雲天

彈琴

同潘景升游西山宿摩訶菴聽無絃上人
山客習丘樊繕性狎麋鹿帝里集車徒風塵號
游矚出郭緬翠微清襟忽如沐挾客造精廬丹
青被林谷崇構鬱霞興層櫺奏雲族寶地涌香
臺瑤輝蔭珍木禪味挹醍醐鼻觀聞簫韻公
緇朱絲爲我理清曲逸響激飛泉微音曼哀玉
汲古堂集卷三

摩訶菴懷愚公

畏路思安車幻流須慧楫孤生惑多岐迷津涉
難涉之子無前期往願何繇愜松枝徒攀翻碧
雲暮猶合鮮焱激巖泉泠泠互相答耿耿累長
夜朱燈鑒虛榻撫枕聞晨鐘欲眠不遑眠

香山寺同景升作

神鼎奠冀方皇圖拓鴻基萬象盡奔奏百靈悉
來歸象教亦云興佛日曄有輝叢雲切飛觀穹
窿象太微奇樹疎瑤幹扶踈欵朝霏高下麗丹
牋霞肩接雲扉孤亭抗山半厓壁含靈暉鬱秀
表懿翰燁燁雙鸞飛山半有亭扁題鬱秀二字
慈聖太后筆也來青軒名共憑憩風煙類郊圻迴
颺扇浮翠流光動垣衣晤對契玄賞息心冥道
機尚覺土木勝過皆爛菲菲獨往坐磐石志寧
愔無違

次古堂集卷三

三

從香山西嶺登山頂游虹光寺入寺
佛殿殿圓如規金碧輝麗創自成化間中
貴人倣高麗金剛山遺製也

叢樾冒重巒盤紆陟西嶺振衣上巔屹然出
中頂下瞰極平郊湖光風日迴野曠薄烟霏波
晴含藻景崇殿法上玄規儼園儀影千佛灌交
光悅集耆闍境畫寂林藹繁日永出花靜觀心
初地餘忘言泯機警

宿香山來青軒遲程仲權不至同景升作

層軒抗雙峯峯陰暝葱蒨斜景半平陸依依見
幾旬睎髮坐藜牀遠目恬流觀夜寂玉繩低雲
窻澹河漢方外洽遜賢微言接清燕逖覽向平
始薄游長卿倦伊人渺難期宣心用濡翰

碧雲寺

振策躡陁岨碧雲麗中天近覽數峯合藻拱開
青蓮馳阪遶高下叢林蔚嵒縣分戶剖迴澗滿
寺聞流泉官監溢檀施布地編金錢方甃瑩激
澈朱魚躍清漣窮探卓錫處雲竇飛潺湲挹勝

次古堂集卷三

三

寘方榭光風浮碧鮮璇題灑宸翰天矯龍鳳騫
亭中扁書皆景運遘熙洽睿想存重玄撫化肆
遐賞周覽方泠然殮和游化國擊壤綴斯篇

游玉泉憩呂公洞晚眺望湖亭作

玉泉挹山腹雲根吐微細甘比白牛乳沉沉散
溶漚滿月象迴塘日華鏡光碎魚泳若靡依空
明絕纖翳懷僊憩巖扃玄蹤久嚴闕石髓尚晶
瑩幽芳故醺醵丹書事恍惚百齡隨委脫載眺
湖上亭澹沲烟無際冥冥夕吹生冉冉孤雲

忽憶故山游漁歌出蘭桡

游西湖過功德寺至高梁橋作

林轉湖陰長延眺極厓鄂遠水冒芙蓉迴渚紛
蘅若循徑詣招提壇時仍嚴錯瑤水駿馭迴跡
往空綿邈猶想雲罕臨香花間天樂劫火淨空
王礎蓮卧叢薄出寺蓮長崎林稠紛以漢高柳
蔽層霄重陰若施幕雙溪貫交流文僊信潛躍
情宜忘滯淫目接饒歡譔日入送歸禽懷土心
靡託

吳叔承參軍

四子詩

吳叔承參軍

叔承寔散吏微尚懷高深漆園寄婆娑大道貴
浮沉冠劍傾宛洛車騎何駸駸耳熱被弦歌小
史激繁音休沐有時間含咀竹素林誰云沈下
寮千秋托遐心

程仲權高逸

謾謾谷中音落落松與柏颯沓疏遠風鬱術承
煙液伊人秉高韻遺榮漱泉石遲我心所期清

微樂晨夕蘭荇紛可搴瑤華亦屢摘感彼蟋蟀
倡飛鴻送歸客德音我所敦歲晏永無斁

潘景升太學

潘郎髻尚鬢刪述窺千秋玄壁不自剖三獻荆
山璆千里赴客難破產不爲憂惰脰昔已屢曠
若女與牛有欲神乃通惠然與我仇朔雲蔽原
野蕭蕭易水流小人媮自娛烈士千古謀向風
倚增歎虛涼欲何酬

黃賓王中秘

黃賓王中秘

帝闕平旦開中天麗金艘日下識芙蓉雲中見
鵷鵠弱冠直承明珥筆侍彤閣玉樹鬱青蔥光
風汎蕙若間抽東觀書濡翰賦紅藥清夜接芳
筵素琴展娛謔蕭蕭原野秋歸雲思舊壑嘉會
不可常還期曠河岳袖中有短書儻寄東飛鶴

別三子詩六首

程仲權

悲風動碣石淅淅鳴枯桑越客念粉幘胡鴈思
南翔蕭晨整車軸廣術一何長及關心屢折遵

塗情內傷念當與子別執手衢路傷徒御蕭蕭
發繁馬亦悲鳴在昔勗我私中夜耿難忘願以
有疾響緩節無高唱努力事休德願言愛景光
誰謂河且廣一葦猶能杭

佇立以延矚破涕復且歌商聲厲以急迴風吹
中阿烈士多苦心高樹無寧柯將子遠于役驅
馬渡漳河驚會念同集下賴念同波曰歸諒匪
遠歲晏恐蹉跎幽谷懷好音因風託瑤華

潘景升

次古堂集卷三

三

浮雲日千里黃鶴摩天游猗膏炙雙轂班班無
停鱗游于懷往路明發難久留念慈母行在
夕結繆繆未詎央日月一何適我行在
和今已歷素秋朱實隕繁霜白露被摺楸
誠不易悲來難預謀惻惻何所道念子徒
旭日耀神京車馬填城隅故人從東來
驪駒邈后承清塵顧我惠前綬連馳既
變展交娛竦身入高雲薄言攬子袂明月
渤衆星爛天衢陰陽有代序爲驪不恒居

當乖離山川阻殊塗黃岳蔚葱蒨清華軒帝都
誓將躡飛鴻從子探靈符

黃賓王

悠悠美清夜葯房自逶迤桂樹夾門生石蘭被
華滋主人起肅客謂客來何遲堂上置尊酒堂
下陳清絲都梁凝餘澤金缸吐炎暉鷄鳴庭樹
白晨星已復稀出門卽長路淚下不可揮願言
保令德策名于清時

次古堂集卷三
重開南國有秀士秉德都且嫻眇眇不可卽中
夜獨流歎山川修且曩雲路亦漫漫我有牋綵
繒要之寄飛翰

南雁蕩紀游詩效長慶體

吾甌蓋有南北兩鴈蕩云北鴈吾家山也
與客冥討已得其槩唯南鴈越在昆陽洞
壑深窅荒塗阻絕名不挂于圖牒游者亦
罕至屢欲與好事者裹糧一往不可得時
想像神不啻一夕而九升也子友楊水父

管九韶雅負勝情約予偕往遂以甲申仲夏發舟凡二日至前倉前倉定南雁之支山也午後過寶勝寺尋吳越錢王一宿樓舊跡并覽動石黃公洞諸勝洞甚弘敞之土人始由黃公開鑿或誤以爲黃石非也洞上有平石如砥曰挾僊臺遠望江色漁森信奇觀也流覽既畢是夕與二子宿于寺枕上作紀游詩

前倉一丸城面江負崖嶸與客探幽奇撰杖出
汲古堂集卷三
南郭東行至山垂精藍隱叢寺古有高樓巖
覺嵌丹壑林杪瀉奔泉清池注寒王古木手蒙
龍垂藤互叅錯昔聞吳越王於焉曾止託猶存
一宿名往事空緬邈寺後躡層梯仄徑緣旁磴
上有兩巨石俯仰若相搏俯者名動巖撼之伸
以脚漸漸雲根移隱隱雷聲作莫測動靜機造
化晴能度東尋黃公洞排空石爲約繩可畫穿
窿旁通更聯絡忽復達巖扃深敞遂廓貴公
知爲誰何年事開鑿想見隱者流圖經頗

出洞登仙臺迢然欲飛躍遠望片月來金波接
蓬弱豈無琴高鯉定有浮丘鶴願攬化人祛一
秦釣天樂寄謝海上翁吾將采靈藥

游黃公洞之次日將取道南雁客有談玉
蒼山之勝者娓娓不得休遂決策先從南
港登蒼山然後降而北以達于南雁是夕
買舟蕭家渡乘月嘯歌舟人莫之測也

玉蒼巨叢霄雲閣接天路客語慙前聞心神已
先驚亟謀二子俱夜發蕭家渡片月凌素波涼
汲古堂集卷三
風動高樹空江華月生霏霏萬輕霧濯足弄
河長吟坐清露有時出狂言舟人眩相顧明
俶煙瘳期與神人遇

從蕭家渡易舟至黃浦次日登蒼山山在
萬山之頂磴道險絕凡歷三十餘里始底
寺寺曰法雲其丘壑雖無奇詭同巖之觀
而四山幽寂如太始亦人世一絕境也中
有龐眉道人自言四十年無城市客至者
因呼道侶出迎欣慰甚至是夜止宿東樓

曉起禮佛畢游後山牛角巖諸勝頃之大
星長木寒氣襲肌道人云此山有古歇神
龍所宅也故時有雲物之異詰旦問道南
鴈寺主遣一力送至焦山而返予爲惘然
別去

肩輿負奇包超然懷遠游况覽余歸編志欲窮
九州茲山後居壤秀出東山隱隱情尚真侶
異短翼捷躡屨越重嶺豁深林木猶絕磴入
青巒息危三休散髮坐盤石風泉自響蹕山
已形轉雲林幽澹澹響石洞下注寒塘
金光閃亂藻水色映千頭百圍像松檉陰翳枝
相樛入林見古殿寒石形復浮道僧古冠服清
襟蕭真僧梵然事經卷若徒吏相語晚爲具湯
水舍前山色如畫深淺年於針葉松明
照深夜宿客軒東樓魂清耿不寐枕冷先驚秋
星河影的歷野鹿聞伊啣曉起開北牖林光露
初收摳衣禮金像鐘梵音悠悠回看身與世泛
若空江舟風塵日汨沒幻海隨飄飄

失跌坐聊遲留更探後山勝列藉依長松修竹
雲物變山氣俄淒摯相傳龍所窟乍起掀靈湫
拳裳下迴徑凜冽思披裘拂枕更一宿塵心難
逗遛仍問南雁道未諳去所由寺主遠送客遙
指千峯頭又恐客迷誤爲客謀何週再遣沙彌
子相送焦山丘三朝抵千日欲發還夷猷臨岐
黯如醉不爲生離憂

下蒼山行五十里日晡宿報國寺

象教絕思議弘慈攝大千寧知萬山裏梵宇開
青蓮簷亞古陂竹階鳴寒澗泉道者出延客晚
就松窓眠深林躍飛颺矯捷如鳥鳶僮僕亦忘
倦時爲一哄然曉起欣霽景嵐嶺雲霞鮮輕屨
愜沙徑遡風骨疑仙

出報國寺行十餘里宵無人聲蓬藿荒穢
信猿猱所都也予時時以杖擊石或作歌
嘯聲以自壯二子頗瑟縮也頃之兩崖忽
斷旁一仄石隱隱若有行跡者予躍而登
再行數十武得沿溪小隄焉豈舊志所謂

采藥徑久弗而不可考者殆此耶又行五里許遂谷開朗峯巒奇拔峭嶠駭觀不可名狀山下始有居人咸相訊稱異因指點予渡溪至山半卽僊姑洞矣

十里不逢人惟聞水聲響一徑乍有無登頓窮下上蔭露毒侵衣茅花高拂顙作氣時嘯歌先聲擊筇杖歷盡千萬峯目境忽開朗奇嶂削芙蓉清溪秀荈蔣喜極遂忘疲狂呼還撫掌漸漸見茅茨漁樵互來往乍見各驚疑扶攜共相訪
汲古堂集 卷三
所遇雖經奇乘危得真賞寄語劉武陵桃源在吾壤

由采藥徑折而南渡溪至半嶺抵仙姑洞洞廣晦而羸上倚絕壁下臨陡岡洞前羣峯銜異爭奇令人應接不暇卽昔仙姑得道處

南渡寒溪水上凌千仞峯峯半忽開闔古洞開璚瓏洞門據其會倒插千芙蓉終古積嵐藹石林浮鬱蔥雲霞日摩盪相與青濛濛仙姑吸風

露想見冰雪容颺馭不可望碧落空飛鴻我來屢朱夏晞髮踈冷風朝翳若木華夜宿方諸宮屋骨一以蛻靈氣天爲通躡步呼二子霧術邀相從

仙姑洞左側有小洞如閣橫木可登中有石竇透天名曰月牖洞中僧玄柱偕予從月牖躍上捫葛數仞而達于絕頂上有石梁天獅峯諸奇蹟在焉

洞中復有洞橫木危堪登月牖一規白天影如懸水躍從牖中入陡壁青峻嶒嶒鳥路若垂繡直上捫蒼藤瞥接掠鳥過捷隨飛狖騰石梁亘絕頂高出朱霞層千峯競芳巔萬壑爭奔崩試躍天獅脊疑從顚氣升金膏騰壑采石髓殊未疑爰有天游子偕此雲門僧何似希有鳥舒翼招鵬鵬

信宿洞下曉別玄柱下山土人以小艇濟客午後達江潯悵然有作

朝策討煙嶠夕息棲霞扁勝具亦告疲臨風

山雲幽期悵何曾
舟行漸遠漸入石
通津底存雲書一
忽已失冥心恍如

曉至姑蘇道院

危堞沒荒烟鳥嘯古城夕
鳴雨颼寒塘迴風轉
蕭瑟行客適投裝松堂
闕虛寂疎燈耿寒衾
聲猶淅瀝遙想山齋秋風泉生枕席

偶書二首

漢書卷之二十一

身後千載名生前一杯酒
志士與達人或唯或
否否我裂者何人用

武維強楚亡與之亡
賈誼懷治安漢昌
與之昌實不見剖鬱
爲瓊瑛章君今有何
挾書路還摧傷

汲古堂集卷之四

東甌何白无咎著

五言古體

因郝明府寄李太史本寧先生四首

木落寒氣集洞庭水增波飛鴻度炎海層水亦
峩峩朝馳瑤臺響夕夢凌九霞睠言思美人中
心亮靡它容輝若有覲燁燁敷華迴光燭廣
坐青雲出纖阿雜佩何姣好一一揚紛葩精誠
感金石周澤無偏頗屏營望天末日暮將何如

汲古堂集卷之四

騰蛇雖乘霧鳳德亦時哀豈若應龍姿淵沈復
天飛達人解其會昭晰秉其幾解龜從鹿鞅辭
榮忽如遺粉櫝被閭巷願言庶無違荆樹歡同
株藹藹蔭光儀斗酒會鄉曲列席隙清絲於忽
有遺操鹿門協前期悠悠向千載俛仰乃一時
下士日淪沒斥鴳游蕃籬

初陽御扶桑明霞麗高空上天垂光耀宛宛舒
彩虹江漢揚洪濤蕩滴由長風夫子秀鄢郢
養吞雲夢大始割溟滓玄橐闕鴻濛弱冠換

藻奏賦甘泉宮黎光爛東壁黼黻煥華蟲薄言
振風雅颯颯起關中載建汝南節作藩維大邦
崇位豈不重所重寧必崇伊予不偶世誰與爲
媚容聲不出閭左無乃廷考鍾願言垂末光迴
照滄溟東

曰予窮術士蓬蒿翳負郭游心竹素園雅尚在
寥廓力田不逢年歲晏何以穫芳蘭委嚴霜言
采蕭與藿短後無奇溫寧知有狐貉澗溜置鉶
中安能辯清濁日暮川無梁搖搖獨靡薄眇眇

汲古堂集卷之四

懷思淫征心託玄漠倘因漢殿鳬飛書寄衡霍
丹陽舟中別王贊夫四首時贊夫應試北
上予取道白門

夙予慕高蹇耿介寡驪暱豈無平生親結念在
明德與子展交娛托躬在疇昔秋風吹蓬科駕
言各有適千里不羸糧方舟共行役窺臨昧昏
旦水游淹葦食泛覽披圖經微言共昕夕中途
不克俱差池乖羽翮徒御起中夜仰眎明河白
罔罔向曙星枯桑鳴淅瀝介麋嘯空林駭離嘯

寒澤而我獨何爲能無念離析

行旅日已遙沈憂轉延結平居軫離情況此異鄉別哀樂易爲感復茲非稚節日暮次朱方舍舟改行轍引領望神臯鍾陵渺天末積翠廓秋氛芙蓉紛嶸嶸念子遵修塗總轡首燕關玄雲蔽遠郊濃濃合冰雪宵征接鸞音日昃不遑輟詎此幽賞悰翻令共忤懷願言策高名芳徽慰寂蔑

隋珠不抵鵲棠谿寧川茶昆丘爛琰琬碧海沈珊瑚至寶耀遐裔流輝騰上都之子秉內朗合章契玄符高言接天藻燁燁春華敷國器不自剖奈此璠璣與璵璠個望閭闔日暮空躊躇五雲接霄漢鈞陳翼天居離運轉簪組虎觀集諸儒金臺鍊雲表列肆交壯達方茲離澳渚策名膺令圖結志在千古榮問徒區區

浦東有雲構前抗吹臺峯朱英耀陽圃紅泉挂南窗梅尉旣賓僊王子御飛鴻緬昔先大夫遺榮亦丘中日登河上臺冀遇河上公翠鳥舞珠

樹青鳳鳴高桐興懷已云屢逸思招洄風羨子契夙好雅尚懷淵冲萬里自茲始願言振高庸吾歸樹粉檣遲子崇雲松無令北山誚歲晚冀來同贊夫先大夫九岳先生有別業在浦東于每有卜鄰之志

同張泰貞羅伯倫汪堯卿許觀甫賦得同心而離居送文孝廉還吳得想字卽席作晚曉西日積閒庭弘以敞明月瞰寒輝空除散清朗眴眴二三子結志層霞上高倡叶同音雅和非孤賞胡爲生別離危絃裂哀響明發及流淚淑古堂集卷四潮舟人理行榜蘭薄搏涼颺中洲寧宿莽只尺限河梁風濤修且廣陰陽一以邁芳徽間精爽歲晏涉難期飛沈託遐想

上巳日同王伯無入天台游國清寺歷覽五峯雙澗諸勝時西湖上人子辨談經方丈

霽景欸幽棕佳晨屬元已登頓驚前奇遡遊方此始惠風佇桐林涵流澌蘋止蓮簇五峯合練索雙澗駛花宮象雲構馭綠披凝紫流覽稍忘

疲遲徊隨迤邐臥竈感唐年廢塔微隨石
西泠師試演南宗指唯以一圓音集此四
何似九旬談天花紛塵尾伊予久塵境頻纓出
泥滓問法契無生同人云有美醉心匪壺觴薰
襟劇蘭芷慨彼山陰賢羽厄浮曲水

望赤城玉京洞天

中阿澹斜景扶筇出烟皋引矚極西峴目恬神
欲超崇厓若連雉赤霞動高標聞有玉京洞茅
君所遊遨瑤芝既蘊靡金堂何間寥大年感松

桂雲霜惹艾蕭憩巖扞丹雷披蘿款靈巖

獨延佇臨流奏長謠

同伯無從金地嶺過高明寺訪有門法師
寺在嶺下

瞻彼金地雲東行越脩嶺采採窅莫窮洞響林
逾靜采勝謝神疲玩芳忘路永下瞰廓廻坳峯
蓮吐靈境樹底見朱甍深深如埴并逶迤轉石
盤磴落窮懸綆璇枌署高明幽溪繞清澗大
太末秀神鋒戢鉅穎輝燄續然燈負荷雄

鼎客蔭茅菴山椒欹斜景道契目擊餘冥心緬
沉省玄對兩無言齋鍾送微暝

宿高明寺曉起禮佛飯畢同有門師暨上
足幻由午亭數人散步幽溪大石上煮茗
賦詩已登圓通洞予書圓通洞三大字于

石弁紀姓氏歲月頗極世外之致

夕枕水聲中晨食山翠裏臥聞鐘梵歇惺心攬
衣起林廊暎蕭蔚爐煙餘漪旋紫磨艷金容朱
霞爛朝綺齋厨飯芳香園解薦清旨散步出山

門披襟信杖履條然一尊宿蕭如羣弟子飛瀑

沁流雲下注幽溪水迴瀾偃白虹亂石蹲蒼兕
高巖躡藤花倒影澄潭底列坐拂苔磯中有平
於几茶具一以陳茗飲雜銀餌藻暖魚鱗鱗波
涼砂齒齒欄蘿躡圓通兩厓兀相倚中透隔山
天洞壑饒靈詭訛筆厓上題姓名聊共紀人世
慨浮蹤雪鴻差可擬回首墮塵氛有夢應來此
登華頂有門師送至銀地嶺共探佛隴遺
跡而別

鸛鳴廣林蒼雲葉明新霽僊嶠限日橫鳥路緣
厓細瑤泉瑩靈襟一上一流憩開士矯前登憑
風自凌厲層巖聞杖聲笠影在天際鏡機入織
毫稍窮蟠曲勢趺坐澹忘歸流雲出衣袂一嘯
各分岐情情獨含意

華頂志稱高一萬八千丈羣峯環繞如千
葉青蓮花故以華頂名

台嶽秀中頂青蓮倚叢霄垂垂吐千葉華房出
孤標層扉挂河漢丹梯礙星杓萬象騁春望百

法下堂集卷四

七

里分秋毫纖纖到海嶠鱗生翠濤長松扇松
壑氣振蒼龍騎歸雲莽相逐峭峯如動搖陰壑
互靈響天籟生清寥靈江但一勺杯水堂之坳
挾客發一笑置身自云高無乃鯛與鶯決起搶
蓬蒿寧知赤松子揮手空中遨萬里但尋尺千
秋等崇朝安得子莊子相與論逍遙

游金陵呈副京兆淇竹衛公公嘗爲東甌
守有惠政

八壁耀昆丘良琛媚方折朱鳳覽德輝葳蕤下

月六神君挺梁嶧亭亭表風節托佩君子躬木
難聞明月速度披祥煙氤氳動寥泬廣聽每黜
聰玄鑒時屏咎矜名建鳴鼓他人或昭揭恬矣
至人心遺榮不居伐出處何條然中稟匪有設
太冷不得囿容色誰能悅變化布寵靈願以被
時哲神理資治平庶幾隨所缺晚世不易逢毗
佐誠可越寧知藿食心懷憂

有游興淒淒出自青城本鱗石合膚寸崇朝遂
成霖霖霖潤吹萬潛萌發林大化無私阿左

法下堂集卷四

雲亦何心我侯風于邁建教滄海濱下車軫民
隱敷條揚德音雲霞藹堂階海嶠窮窺瞻翰墨
炤林壑篇章蔚璆璫遺愛常在去德往感彌深
眷言企明淑旦暮交子襟

建業定鼎地鍾山肇皇基石城竦百雉長江以
爲池太微體宮闕列象自參差秦嶠設天險周
鑄拓鴻規北控青魯野南帶巫湘圻俠窟養聲
利豪傑不易治康民在明牧我侯寔臨之崇秩
埒九列徒御何委蛇允爲百城表三輔瞻風儀

撫綏甫暮月威宣銷楮衣余也悲失職末路仍
多岐恒希子真隱匪慕梁鴻噫擊轅應風雅一
和生釐詩

甘露園詩為何仁仲銀臺賦

若若邛上園鬱鬱園中堂堂前挺珍木蒼蒼自
成行上枝拂丹霄下枝塗繁霜朱草茁其陰醴
泉涌其陽甘露三降之凝液何瀼瀼上天垂潤
澤嘉瑞徵休明主人驅堅車金門侍中郎堂上
集賓客堂下陳笙簧石蘭被桂道辛夷繁葯房
汲石室集卷四

朱霞結綺窻飛虹垂杏梁神飈自遠集青雲亦
飄揚文魴馳翠藻素波溢金塘采采葉間露用
以薦瑄觴主人起壽客和顏熙且康願言保明
德千秋期弗忘

長于客舍同周叔宗夜坐分生字

莊塗轉塵軌末路多所嬰况復歲邁盡懷歸軫
予情之子秉高韻神恬物自輕處順鮮有觸居
喧若無營偃仰寄一室展玩忘寢興槁梧散縹
帙風琴落虛聲欄卑景先夕墉高曦易傾幽光

代明燭寒月暖前楹焚枯命芳醕歡燕唯平生
情披語已洽疊虛時載盈寸悵得所遣冀此數
來并

述懷詒于尚璽文若

鍾陵真神臯芬藍暖佳氣天居鬱雲興名都洵
佳麗佳麗非我鄉孤踪感留滯傲傲朝霜繁冷
冷夕飈厲騎雖號北林玄冥布零曠總翠日葵
黃容顏興之瘁蘭火無燼光中宵愴忘寐飛夢
若有憑管魂自淫喬鬱悌興越吟羈孤類秦聲

大江日湯湯臨流莫予濟言往靈氛占建寧
能筮司墮起東魯鴻鵠獨高世文罔抗前蹤
塲策飛轡累遺物自輕悟超神乃詣玉樹隈
葱陽林汜蘭蕙更道寡微繹真賞冥天際降分
禮幽側虛懷顧微細蒐獵極圖經清言飄芝桂
質條披露垂綺石零霞藝日昃吐高音中庖勅
芬苾孤生慚詭隨廓處靡止戾天路有險夷修
塗互通蔽灑泣楊朱言迷轍從君稅
病起同程生飲馬姬新營館効長慶

病不醉愁微酣愁病半愁病兩較之寧與
生斷長發惡少年留殘強來灌長干美清夜
淮月如練言尋碧玉家燈前出相見流睇動
光掩映白團扇黼帳隱金屏珠簾壓銀蒜瓶花
動壁衣爐香裊羅幔侍婢頗昵人短歌能自銜
美酒瀉玉壺杯上微渦轉小姑未破瓜水肌雪
爲面試舞柘枝詞輕若蓮花旋折花傳酒卮莫
教輕落片客有高陽生節過金谷算窮愁頻爲
開旅病吾先判明朝醒更愁再病緣誰勸

汲古堂集卷四

廩城道中作時客馮元成大參郎陽署中

出游武當山

出郭睇層阿斷山何奕奕依微草樹稀蒼涼井
烟碧沙蒸膜氣暄炎氛浩方積荊榛蔽高原荒
荒野田白俗驗氏力艱歲占風壤瘠核磴極迴
旋隱見空江色靈波駭潛響歎灘擁危石雖乏
幽曠觀翛然去羈勒桐林盪微颺澗澗濯巾幘
輟驚息人徒繁陰翳將夕心跡澹無營中懷良
已適方將俶雲裝行矣遲烟客

黃洋田舍坐雨

朱明次鵲火陽谷照炎光行客畏驕寒侵晨理
游裝淅瀟滴清露斜漢猶縱橫玄雲起天末靈
輿自飄颻祁祁遠郊雨習習生微涼禾黍被震
霖蒼府迴蒼蒼既洽賞心過復愁行潦妨息駕
古田舍披襟憩茅堂野老笑相勞馬坐藜牀
幾牖面江麓釣石迴澹波果響應林竹美蔭交
園桑春言在南晦午鑑炊黃梁稚子自簞笠村
徑驅牛羊望步機事屬何存豫康感此媿形

汲古堂集卷四

役眷焉懷舊鄉

玉虛巖

中峯沐朝暎陰罔昧昏晝林露滋未收巖雲去
仍逗籃筍歷翠微繁陰浥襟袖窮源事冥搜幽
奇似相信荒塗塞荊榛徒跡迷猿狖林斷言難
緣匆遽忽深澗歸信可攀冷然獲靈蹤衆叢
媚清澗寒潭瀉丹溜秀水映朝暉蒼烟吐陰宮
架壑開朱扇屋傾動疑覆石罅蛟霞變空冥象
雲樞灌莽扇神颺淵淵叶金奏箕坐運虛心

流旨堪漱誓將躡太霞於焉采三秀

苦熱詩呈不二老禪

火正秉爐冶南箕鼓其橐朱鳥何馮陵肥蠟代
爲虐赤阪揚絳氛炎州故融燔毒霧蒸幽潭歎
煙吐藂薄咄嗟下土民日趣鼎與鑊臥葦若施
裊負絺如襲貉渴吻費噓呵薰心困焦灼寧似
沸泉鱗驗咽信沉躍靜勝豈無微默朝良有託
睠彼功德池四寶自嚴錯行樹流祥颺空音散
樓閣我願乞醫王或爲瘳羣瘼楊枝洒甘露蓮
花生火宅大地盡清涼熱惱恒無著

汲古堂集

卷四

十三

送王贊夫之金陵四首

條風扇原隰中天廓游氛澤芷含藻景澗芳亦
懷新我友肅嚴駕倏袞撰良辰薄言戾京邑涉
江辭所親容光日已遠靡由望車塵重趫始伊
邇曠褻邈何因躑躅遵大道氣結不能申幸用
慰寂蕤蜚音託行雲

昔我歎行役懷歸鬱以紆及爾溷間左下流
久居某蕒廣陌芝蘭化爲芻我欲營衣糧無

以自爲歸黃鵠日千里差池在斯須迴風奄自
扇淨室不獲俱孤懷獨陟側征心浩難摠

金陵寔帝宅建瓴高以臨喬雲象雙闕穹窿宵
沉沉八方轉才又冠劍何駸駸華轂接流水鶴
蓋自成陰獵纓騁雄辨雕龍吐鴻音俠游世足
慕結志存所欽

畏路窘且迫交道日交喪感彼代木詩中情慨
以慷宿昔展親昵符若建與璋交娛在貧賤著
簪不遺亡山川一以閱何可喻中腸驪至誰

汲古堂集

卷四

十四

賞憂來誰爲忘糾經洞濁中曾不如無生思君
亦勞止抽懷不成章

東林曉步懷王用敬時用敬久客燕中

山閣啓曙光衡門噪乾鵲初曙若微暄疎烟澹
長薄竹亞露未晞風定果仍落虛寂非可期神
恬自泯境與水本閒自覺禽魚樂飛潛各有
歸音鶴今焉托傷哉日月適含情望寥廓

晚過滌上菴作

林臥久虛恬出游偶乘興精廬隔山阿斜光

來徑入門聞妙香晚色林花靚法侶無俗情玄
言自高勝荳棚茗粥涼浴罷虛廊瞑散步延夕
颺烟霏拂秋磴素月生石泉垂蘿自幽暎倦就
南軒眠禪燈古堂靜一念了不生如契真性
夜寂衆籟空寒溪度清磬

同王用敬過宿王贊夫渚浦別墅時予將
有卜鄰之約

達人辭垢氛霞霽特高蹈游曠夙懷野矚敦
茲好冥覽協幽期風泉展清眺意慳物自遺神

汲古堂集卷八

五

超美爭效方舟極洄沿殘陽信弭棹微波寫夕
颺孤雲縱晴嶠平楚接修垌高原歛餘照暎結
密篠陰明銜遠山燒方欽靜者心願翦丘中
谷飲企鄭真巖栖景僧紹庶結方外游靜覈環
中妙

南臨子晉臺蒼蒼巨層霄冥筌湮往跡鶴駕誰
能要短景感徂運鮮華不崇朝芳艸冒春英朱
實辭秋條代謝不恒處願稅塵外鑣悰因晤
獲道以玄覽超佳人況在茲幽期遲江臯桂

泛水喬柘屐凌山椒山行擷瓊蕊水戲攀金膏
感此春彌甚終期謝天弢聊申獨往意臨風倚
逍遙

通津限郭郭清曠挹羣峯芝嶺秀北牖笙臺列
南窻蜚遯枉梅尉行田來謝公往蹟不可討今
懷冀能同我友秉嘉尚養真亦墻東深心討玄
囿清襟映寒松遠水納素月平林延緒風美稊
蔽南晦力勤觀歲功撫時願伊阻覽物慨彌重
川泳羨游鯉雲飛颺鳴鴻欣賞自夙昔結念庶

汲古堂集卷八

十六

能追永矢弗諼志冀躡求羊蹤
游岳旣嘯侶入林亦命儔禽尚非孤賞嵇阮欣
同游往者不可作興懷在千秋況我平生交音
徽結綢繆申唱有必和詒言無不酬伊余安蹇
劣適俗寡所仇豈不貴自我況茲日月道末路
有窘轍迅流泛寧舟在險詎忘戒履順亦懷憂
以此申永歎喟焉睇層丘終期援青桂欲去仍
淹留

人日同楊木父項叔慎過集雲寺訪有門

法師時法師集四衆談法華玄義午後下
座諸客列坐谿上流憩久之晚歸修淨業
作四首

開歲積繁陰游氛翳陽景茲晨暖氣達勾萌動
潛穎法侶訢相遇駕言命孤艇微雪冒煙巒陰
崖猶罔罔弭棹遵陂陀逶迤陟廻嶺松光照寒
潭彌覺香林靜風廊飯僧畢梵唄一何整聆彼
迦陵音似會摩羅頂未敢阿耨是應心已屏
南宗慧光滅智者亦云遷載見人天師十葉傳

法華集卷四

袈裟夜半華頂日光抱赤城霞心印契三觀宗
風超永嘉爲此衆生利三具浮海槎手握蒼松
枝舌湧青蓮花寶珠示衣誠覺苑開牛車化城
建鳴鼓亡子還厥家寶筏倘相假速津應
出羅陽已微夕光在山翠法侶協前期延幽共
流憩藉草結半跏旃林發清梵洞流壑激潭危
石漱寒淍衆象入鏡機雲霞互溶滴冷巖叶松
篁動與法音會谿流出廣長冷語眞諦盈飯
末衆香異舌應同味欲證匡山游竹中題偈

鐵馬穿層檐山風動蘿燈虛廊耿微光寒月暖
子覽出定曳屣隨經行緬彼安養國冥
靈四寶合樓閣行樹何晶瑩頻伽善
往來生東林久縣邈宗雷歇芳聲遺蹟
賢眷深情超然入空觀了了見虛明
毫一以攝五濁誰能嬰

宿羅峯寺曉起登絕頂臥龍潭

藍分夕余羅峯振朝策層巒上
靈宅霞蔚競秀崖瀑赴垂崩石
何官冥陰

法華集卷四

洞殊深黑神物偃重溟潭雲
神貴此淵潛德想見媚幽姿
具官隱蔽肪瑤砌直沆濯試
坐久神已凜欲去心猶惕險
威跡空谷厲長飈歸塗奄將夕

王贊夫過訪因偕往匡山游題一首

林臥昧節候閒門愜栖偃流覽有時間道書朝
未卷川晦連積陰林輝動微睨駕言覽窺
與適幽緬美人同所懷心期良以展躡步縱巾

恭芳園一行散崇蘭泥惠風華林隱涼館嬌翼
鳥交交綴條花纂纂撫化慨時流鏡機嬰物淺
嘉晤一以披會心寧在遠尊醪既前陳園鮮亦
時翦玄對意自冥微言間清辯日夕愔忘歸條
然得所遣

東岼江閣午睡起

片雨颯橫烟行雲渡江水返

全浮嵐盡

成綺臥欣枕簟涼起來聊隱

鼓柝音斷

續烟波裏

汲古堂集 卷四

自四十九盤嶺至能仁

疊嶺疲攀緣逶迤歷幽緬層巒及層巒游觀稍
忘遠磴盡嶮乍窮路仄林初密澗澗疏寒流風
篁媚清淺紫茸蔚蒲渚芳經行闌仄深徑已夕
霏懸厓猶薄睨廻合敞精藍中峯抗高館微鍾
度遙岑游雲互舒卷列廡休人徒夕息聊栖偃
夢與幽趣通情隨物慮遣汗漫極茲游靈區詎
能限

同吳翁晉邵少文自靈巖道中至響巖

崇巖積殘雨霽氛翳玄陰爽氣協真想惠風
靈襟羣峭通隱見晨曠蕩陽林合脊兩厓關路
宵青谿深巖傾響易發雲層結虛音嘯侶應
恍呼雌苔翔禽複嶂鬱衆竊廻蹊薄蕭絲
豈孤賞往跡欣同尋資此足嘉趣達生多所欽
願持乘日車冀獲靜者心一發蘇門蕭載鼓丘
中琴

同似菴禪伯尋淨名廢寺故址地有水簾

谷初月洞之勝

汲古堂集 卷四

三

雙林久寂菴風泉悶靈跡需跡能娛人屢枉紫
烟客開士邁前征披榛理晨策故術偃崩梁
蹊樵危石泠泠灌木吟瀾瀾清流激寒蕪立
幢遺基臥瓠觚陵緬旣以深忘疲亦云適斷峽
東長天輕霄覆青壁崖嶠限馳輝光傾景先夕
陰洞挹飛泉激潭漱靈液水碧信可掬瓊蘿紛
堪摘心契神已超日盡意難極感往結深情卽
事交欣感行當復來茲一振東林席

自響巖道中至靈峯洞

亭午命籃舉衆木陰修修連山自鼓帶靡迤邐
平疇側徑窈深入秀色相蟠紉天衢萬峯影
爭千澗流欹石攢六豹神淵駭潛虬洞腹縹緲
嶺雲杪開崑丘捫葛躡霧術蚌乳風濤瀾天宮
夜闌日金光結飛樓瀑泉夏吹霞丹溜湧靈湫
窺臨極遐想愉悅聊淹留至樂豈虛假冥心寧
外求雖非獨徃客言忘誰與酬願附息陰旨將
從鸞鶴游

鴨湖僊人榜

汲古堂集卷四

三

籃筍遵青蘿靈竒街深入藻景烟微雲波濺嵐
光濕複嶂無定姿陰陽匪相襲浴鷗狎近坑
鷗遙遙集新曦鏡寒潭乘空魚戢戢酒洞極
蔚芋眠暖原隰絕磴宵難捫危梁企猶及
介層霞孤標擘霄立軒皇事莫徵金書闕靈笈
誓將謝人羣超然解維繫雲窻時可憩芝苓良
以給躡足千仞圖青天片雲笠

陽谷洞

滄溟浴朝暎茲山已昭晰半壁抗洞宮丹

明滅烟術不可梯僊疑人世絕亂石踞龜鼉
立蛟龍窟逐勢架飛梁高低窮曲折瀾清爭湍
流黃緣尚艱斲石扇敞雙扉寥寥象三闕陰
忽旁通芝臺復高揭明晦旣以殊涼燠居然別
下瞰千仞潭方知在寥次倒影涵崖松游雲互
浮沒文苻啞纖儵晴沙眩金屑引目睇層阿遠
近散丘垤幽翳栖暗芳移時吐芬烈漫滅昔人
題縱橫見遺碣感徃情已深積光含暮節機淺
慮自嬰神超物可忽于役眇何期撫已慙薄劣

汲古堂集卷四

三

醉起效長慶體三首

青山同一觀靜者得其意綠酒同一酣昧者失
其味古人有知者輒爲造物忌子雲老耽杯家
貧不能致賴有好事人攜尊問竒字陶公臥柴
桑恥爲折署吏采菊向東籬白衣不時至兩者
雖得之一生亦懽悴我獨諧夙心畢願在中歲
綠酒時可揮青山日相對持觴拄頰看陶陶
沾醉意味斟酌間冥然與心會兀兀何所爲且
就北窻睡睡起趣提壺夕陽在山翠

雲壑日相待世人殊不閒却笑林下僧不知
外山重城曙光白輪鞅復班班終日驅車者豈
盡皆冥頑一中利名勒終老櫪與閑我幸解天
駒逃之泉石間朝隨沙鳥去暮逐沙鳥還欲語
無可會歸來聊閉關

人易爲人知此中一何淺人憾無人知此中一
何偏不如兩忘之置之了無辨興來攜一壺獨
自上層巒坐聽水潺湲行望雲舒卷超然寄曠
觀古人如在眼萬里未足遙千秋詎云遠扣石
汲古堂集卷四
放歌還墟煙日將晚

池上夜

涼月浸平林露葉光如瀉迴風振高柯雨聲時
墮瓦獨就南窻眠殘燈尚留地

卿雲館詩爲程君賦

瑞霽效靈符華雲藹青漢郁郁烟非煙綬綬
復旦偃蓋九葩映抱珥重輪煥昔紀王者祥
表幽人見朝媚三素車夕輝九霞館舒卷本無
心怡悅送流翫詎虞虞氏篇聊咏南山祭

歸自白門哭奠季父作

歲來不遑寧茲歲苦行役來歸感凋喪茹歎達
永夕晨起具羞醑銜哀奠靈席寒燈黯虛位涼
吹飄空壁曾父向我嗟吞聲扣胸臆具言畢命
初念我久爲客危淺難久淹何緣致消息倘得
歸山岡須就大父側死者如有知足以妥孤魂
言已卽就冥咽中猶苦嘗感此兩酸嘶鄰里爲
淒惻竊念在世時窮年苦運逢私願營一飽終
當侍寢食詎令琅日翁向衰事筋力何圖志全
泯古堂集卷四
年遂作幽明隔舊器委空篋故屐留遺跡絕跡
已無聞冥觀若有覩已矣復何言心傷語中塞

僊巖紀游

曉登僊巖寺鐘樓

層閣出雲標羣峯青壁立登茲散塵襟青華潤
堪挹朱霞麗江臯黃花綴原隰試扣法王首一
醒大千蟄

登翠微嶺望僊姑潭

陡壁積玄鐵飛磴界蒼煙奔瀑出雷峽淙淙瀉

瑤泉嵐光晃朝日霞受瑩激淵雲確寂無人激
輪自洞旋散步寓流賞依依憺忘言思無同懷
客幽辭欲誰詮

遊翠微嶺至玄通洞

蒼坪一憩餘亭亭還獨上翠重執葛巾巖虛應
筇杖霽心送流玩遙情逐前賞側身入洞門厓
扁忽高敞闔闔風泉音歌呼寒清響何當臥綠
蘿於茲謝塵想

自通玄洞至梅雨潭

汲古堂集卷四
人世苦煩歎仙窟饒風湍每坐火宅下輒作如
是觀今日騁吾足迅若雙飛翰去地亦何幾
薄層雲端兩厓竝相倚幽敞開重關四削千仞
壁中園一規天仰眎蒼蒼影皎如碧玉盤頽瞰
澄澄水瑩若青瑤環長風灑毛髮晴雪吹潺湲
幽宮極深黝玄府長清寒珍草鬱翡翠瓊柯結
琅玕山鳥不知名下飲疑神鸞靈境本非隔足
以養營魂臨風寄絕歎吾何在塵寰

從梅雨潭背登雷門尋龍鬚瀑諸勝

大羅信旁魄真源官何窮寧知萬仞表依然碧
龍從下瞰摩雙峽隱隱雲雷官上矚挂飛瀑沉
沉流白虹瑣細文魚聚聯絡芳蒲叢錦石眩波
駛霞紋爛丹紅珍木濺沫潤瑤華蔚青葱洗心
挹激泚照影媿塵容山椒欲斜景淹留悵莫同
倚杖重延脰遲徊遡林風

從龍鬚瀑東行宿休糧菴

鳥路不可上忽借風雲通石橋架絕壑幽泉尚
淙淙複嶂自迴合高林轉蒙龍林盡度疎磬香
出禪宮法筵肅清衆心境頓爲空微月出松
石竄爽微風夕霏漸滋液噓吸瀨氣中顧茲
是因靈所鍾未知諸法子孰爲象與
子洗鉢從遠公

溪古堂集卷之五

五言古體

東甌何自无斜著

初夏齋中卽事

苑苑嘉樹林翳彼中庭陰朱夏綴蒼雪時能清
我襟藻景蕩洞瀨風絃漱懸琴來日不可選
懷欣自今獨寤興屢歎微吟引孤斟昔人不在
茲誰爲發清音寄謝遠游子玄蹤從此深

林瑞敷進士遊訪山中

曠處尚還觀宣游濟玄賞吉士感素心
中執采秀第所如排雲聊直上鴈宕神秀鍾
成靈泉敞山行屢振策水游時命楫
期惠然人外想濠魚既會心陵鵲亦感願
泛秋英烟岑納朝爽幽探窮遠寂流
願言永今朝對君聊偃仰欲贈乏瑤華中洲
宿莽

新蕉

夜雨喧春雷新蕉展涼碧明影滢遙天

於織永獲幽居情中懷此何極

讀書山閣雨中卽事

林閣亂叢映飛雨藹平郊華薄響新溜翹翹吐
嘉苗歲功行可卽新酤注山瓢人外得所遣勞
農一清謠

孤花散餘香林木日苗翳山雨間冥冥蓬蒿弗
庭砌過嬾忘掃除誰爲芟薶人理信可推悠
悠付榛穢

晚雨有述

宿昔畏岑寂景晏中林時內顧本無感曠然如
有思及爾向遲暮翻與岑寂宜衡門少剝啄中
庭無履綦叢竹亞涼雨新桐蕩微颺柔翰偶隨
意道書行自披於此得深趣未令兒輩知去去
行自覺應將此心期

秋日飲王昭粹水亭待月夜登北岡望江
上諸山四首

東嶼北素商山晚秀雲木秋陰帶孤城墟煙暖
林麓輝輝霽景澈湛湛高天綠清吹扇寒松浮

陽動深竹餘暉媚芙蓉幽芳靜如沐拂石俯華
池山瓢酒新熟之子愛沉冥獨往甘違俗咄然
顧我粲孤雲照空谷高情不可招凌風矯黃鵠
任真縱談笑形骸外拘束日覺嬾慢尋頗厭衣
冠枯狗物乖中情氣沮理亦辱誓將從子游日
盡夜當卜

我昔客淮陽客心何悵悵日落河無梁風濤渺
難越託宿棧櫪間夜聞疲馬秣思子夢故山清
風動林樾雞鳴茅店秋疑霜滿車轍晤言欣在
溪古堂集卷五

今風泉對清越杞菊匝寒流芙蓉晚更發山影
動池光游魚行木末感此榮瘁情提壺待明月
白露變菸黃中林候鳴鵠

奕奕屋上山離離墻下桑象壁疏園沼規虹跨
飛梁散髮望河漢涼風吹廣場重陰迭明暗日
暮相青蒼朱霞閃餘映高樹熹斜光忘懷未辭
醉露坐移壺觴分甘及童孺談笑牽衣裳羅徑
隔烟火吾家近可望過從廢巾幘來往時相將
明日更開酌遲子華之岡

窮路日九折時情亦千變哀榮更共之物理寧
更底我既脫輪鞅胡爲更羈絆願隨西日車對
此南山來南山向夕佳就之池上冥日月易爲
邁美醞殊可繼遂開微吏書五柳先生傳達生
差可憑浮榮亦何羨遂爲子當勸
賓主失行次暝色入庭梧步止觀落日極
郊甸素月海上來樹杪江如練唯願及良晨時
時託親串持此歲晏情深衷子應見

澌水祝無殊夏日過訪清浦山中晚同遊
溪古堂集卷五 四一

吳東簪竹下夜歸墨畬堂坐月曉過王氏
別業觀荷分韻得四首

朱光熙南陸輪鞅炎氣紅寧知北窓客沐髮聒
長松林深禽鳥既絕風雲通愛有玉華逸遠
希人外談言清瀾瀾清韻何涼涼和茶酌涼
耐取適非期豐醴就古田舍平原來遠風文水
蔽綠水藤竹交蒙龍茶瓜餉鄰媼苔碯分釣童
遠心抗霞表幽跡晞墻東微尚已如此真與來
者同

額日沉半規餘光耿微沒羊牛下平阡柴關已
先閑廣場河漢低涼颺動芳樾練紱東林輝疎
篁延素月盥濯信所便芳泉薦清冽殘尊有餘
滋國鮮無再設縱飲奏新篇逸響入寥沈似邈
瓊嶽風一嘯瑤林雪丘壑虛無人音微賴往哲
將子策高蹤橫流振遺烈

山空枕簟涼神恬適美林居翫勝光維聲已
三起宿風沉霽霧生烟曉城頭曉風吹流迥悠
然縱巾履逶迤適理髮美髮如綺天清風

讀書堂集卷五

五

深日晶雲霞委野老笑相留寒泉沈縹李俗解
簡禮數形忘陋文體庚桑亦何爲規規

張

下流不可居上流難與期蹴躡沮洳中往往通
其泥我亦自茲去南山開舊扉子言兩華曉
峯亘雲霓甘泉涌陰壑朱草暉庭基顓頊開
水自足爲高棲比封樹橘柚安用榮折主冥會
豈云默所知良貴希歲晏協真賞匪子誰同歸

九日江浦道中

飛蓬送遙集軌路方悠悠今節易爲感況

暮秋野陰澹徠客獨行無匹儔原隰極夷衍總
望空而丘鴻飛夕景急木落寒江流長飈厲廣
沙昏霞氣浮回惑非素習前征安所由嘉期
可遲旅情難預謀九華無復采綠尊誰與醺
策下長阪目盡空夷猶

紀夢詩爲劉海日明府賦

并序

夫古今大地一夢也唯至人能以知醒出
于夢而入于覺離夢卽覺也離覺卽夢也
今夫有人夢而爲鳥而戾于天夢而爲

讀書堂集卷五

五

而泳于淵及其覺也如鏡塵如吹沙
女散花求其夢境了不可得是則爲夢乎
否也軒轅氏之華胥也南華之罔象也其
覺之夢乎邯鄲之枕也伽藍之覺也其夢
之覺乎使覺而夢也國土山河毫端一塵
耳使夢而覺也世主人符劍頭一呌耳又
若雄之夢吐舍之夢吞是皆無待于感得
之于已之不可知雄也舍也進于技猶若
是矧其大於是者乎吾浙四明海日劉

生以比部郎出爲合肥令之明年夕寢於
庭夢有所之廬舍開闢氣壤闐昧穢而帶
埽頃有丈人僦而入公叩以言玄旨中窺
醒然若吸清泠之淵而游於閭閻之野也
寤而官然若失其百里焉於是召集諸吏
嘗之以言曰吾治之北有徑如是者乎衆
曰然徑行而左有廟如是者乎衆曰然公
往仰眎椽桷頽庭除井然夢境也已讀
壁間古碣知爲上真左慈實主是廟公潛
然心異之它日公出中道有巫若有憑焉
遮公而告請與邑侯旦日期于廟中當有
以請質明公往巫乃升層檐登峻閣足不
蹶實軒若鳥舉作而言曰我神也司上茲
地祇奉潛山上真之命請以上太累公當
有以報公曰諾巫指畫既畢竊焉有指而
控於地公出人或謂公是巫誣妄公曰
公曰固也我若以一囊赤仄而食之
我何哉卒葺之如所指閱數日公復自思

曰巫卽我妄疇昔之夢豈涉因想耶丈人
之言豈因想所逮耶乃設像于庭再拜而
起曰天棄我耶復爲密疏以禱真真有以遇
也是夕復夢丈人呼公操舟而渡已之中
流巨石屹立波濤漸漲公錯愕失聲丈人
第曰無恐人間沉溺者多也公已而與公
談往往與前夢相合公意其亦前丈人世風
波如大幻海起伏無常在迷妄上真之
旨倘亦卽耶之說佛道之窺乎昔上真嘗
魏武時見其陰謀狙詐窺竊神器管肅其
民始欲匡之以正業已知其不可爲故托
之擲杯變幻神奇以瞞爲海鷗鳥耳公最
爲郎亦以持正不阿乃復遲迴仕路得非
精氣有所感召歟抑亦龍沙之會公是當
其一歟上真以夢覺公公且覺矣若予也
顧安得以予之夢夢公之夢以公之覺覺
予之覺余旣弗得矣則余猶然夢夢也予
請爲之以夢說夢

客有九霞想冥心凌紫虛飛夢若有憑雙鳬騰
颺車轡車渺何際言造仙人居何來一老翁羽
服青霞裾百歲匪不足千齡或有餘老翁聞客
至肅容出門樞稽首再拜翁飄飄攬翁祛翁居
誠易知乃在潛山隅黃金爲高堂白玉爲廣儲
門前何所有月樹交星榆門內何所有三花正
芬敷堂上何所有寶帙啓綠圖蛟龍守瑤笈蟲
魚粲金書讀之了可辨與天合靈符東廂拊琳
璣南廂奏笙竽翁言辦麤飣青精出天厨飲以
沉湓汁漱以瓊田腴駕言命水戲方舟翼文魚
鬚髯泛弱海隱隱見蓬壺昔亦雙飛鳬今亦雙
飛鳬飛鳬一何駛倏忽騰九區塵世苦脆促天
都信爲娛下跡塵世人何異壤蟲且叶再拜謝
老翁小臣實凡愚老翁笑謂客何當復來不叶
今日樂相樂延年天地俱

贈黃荊卿

突立天壤內廓然無所依奇思入縣解靈光吐
清機終夜破萬卷長年闔雙扉高論駭流俗往

往來彈譏詆高行乃獨貴在知者希我來一相
訪草閣當淮淝狂狷聖所臧匪子誰同歸

登鎮淮樓寄懷楊木父王昭粹邵少文柯

茂倩即古北門

縱目古北樓憑高極遼遠大澤接長天千里了
可辨連山走衛荊長江控吳鄢天下形勢交東
南此雄健壁壘含風雲霸圖猶在眼想見真龍
飛羣材挺英產應天開帝期八埏咸席捲電掃
羗羗空旗指攬槍偃重輪御扶桑六幽盡明烜
汲古堂集卷五

豐鎬澤靈長固茲萬世本比屋化侯王帶礪銘
金鉉戡定鴻業昌黼黻龍文鸞慨往情已深懷
人感寧淺吾黨二三子耽奇頗高寒所恨不克
俱勝此向誰遣邵生困公車雄心未能展潯潯
竹素園千秋見鴻撰足不出門樞所歷一何徧
懸河談九州得之在圖卷王郎日杜門風神自
玄散麴蘖與詩書長年共沈湎幽興託滄洲雅
尚在林嶽當其意得時日夕每忘返我屋隅墻
東得酒互呼伴天影亂羣松亭空蝕紅薜楊子

意自超玩世愛疎嬾日午頭每逢夏月足長跣
削跡謝外交明宗探內典老瘦家復貧無資
游衍畫法太莽蒼詩骨亦精簡長恨不得騁鹽
車頓長坂老死如春蠶束身在空繭柯生稱壁
人游心翰墨苑掄材必梗楠語器亦瑚璉吹唾
落珠璣詞林貴瓊琬用壯九牛力一髮乃可挽
稟此生民秀況乃平生善伊予亦何爲脩塗足
重趼風塵苦未歸飢渴誰能免徒掬千古愁心
長髮已短晤言不在茲山川且凌緬欲寄南飛

鴻蒼蒼古城晚

五

十一

題卷贈汪明府時客吳興

弭櫂練川陰言息峴山隅土壤驗清淑行人爲
停車桑麻蔽原隰風謠載莊衢咸言我明府爲
政一何殊青陽昀萬物豈擇苑與枯苑者益以
遂枯者亦云蘇重續有奇溫翻悲昔無繻汚邪
有重穎翻悲昔無儲休明信足恃千載良不渝
野徵有餘感臨風爲踟躕

禱北山

孤生多艱虞窮年寡康豫寄命冰雪間願以保
貞固之子忽沉緜踰時遭霜露念子夙下歸
蓼甘同茹萊婦欣前聞鴻妻良可庶德薄翻詒
尤植弱能無懼咀藥寧有徵舞巫已云屢維神
棲北山朱宮啓岳戶陽沼涌玉泉陰厓挺珍樹
黼帳颯冷飈虹梁卷輕霧吸飲走飛濤雲車悅
揚騫山鬼衣女蘿靈妃拾翠羽受記陶通明權
化狗物務我來禱階下怵惕久未去一氣冀能
通神存恒若遇念哉恤我私瞻言鑒其悽淵默

起雷音沉痾倘中瘳

項季興蕭閣落成過飲賦四首

將子秉高韻夙尚眷丘壑激觀三十年委懷良
有託玄賞今在茲開林出高閣芳樾間叢篁遙
阡映華薄蕭曠貯清陰垂蘿自成幕斐儿列經
綳藜牀施苑翳汎覽茹今古懷賢時有作勸來
展衾枕興至命瓢杓山徑收夕霏墟烟隔籬落
月下竹垂露風生林隕籜虛寂冥道心翛然笑
恬漠崇朝足千秋一區函五岳內足信多娛外

獎非真樂

結蟻習汗濁轉丸方自矜寧知嘒嘒蟬吸露排
清冷達人抗塵表恥爲溫黈嬰與子同衣裳素
心良以并蔣侶叶隱操萊妻饒勝情撰杖每偕
往有酒思同傾童僕互操作兒孫解壯迎提壺
勞農事言刈秣與杭瀾瀾湖水漫習習涼颼生
鼓枻延霽景乘月歸崇荆太素賦說聊用遺
榮名榮名亦何物朝華夕已零蒼蒼沮溺儔千
載餘風聲

三才堂集卷五

三

三才饒名山隨地秀岳谷界之蚩蚩氓無乃丹
崖辱遙遙上皇時熙熙同野鹿如何季葉下澆
風及樵牧既散淳朴姿安用土與水與子當休
明襟期謝塵俗山水諧夙心遺書頗能讀又復
弄柔翰抒宣中所觸土性既已諳歲功聊可卜
燥濕本異宜高下隨種陸東陵方種瓜南山已
收菽柴車薄暮巾場圃先時築來歸息檐下
池匝松竹園葵未辭翦濁醪猶可漉流泉代彈
絲晚飢當食肉外物任去留乘化憑淹速人生

一世間於茲良已足令德惟日新願此交

相

悠悠我所思古人良在茲意氣苟相感千載應
同時陳編既兼兩自足友與師玄覽咀其華旦
暮冀遇之俛仰累代下惋歎殊足悲慨彼行路
子中達遂相岐琴瑟旣不固安用膠漆爲夙昔
事君子幸獲蔭光儀金石有時泐寸心終不移
放浪撒畦町傾囊無復疑奇文共欣拊綠酒歡
相持班坐失次第偃仰隨所宜想像古遺逸風
義應如斯朱陳不可作爲續江州詩

三才堂集卷五

四

對雪二首

遲暮感馳輝淒清歲云杪微霰響幽篁披衣坐
清曉四顧何蕭條平原漫流潦禽囀叢條魚
寒依密藻引矚思何窮往事空紛繞端居澹無
管幽貞幸相保翻憶故年時羈孤淹遠道
晏坐倚前榮玄雲結層陰流雪方漙漙微雨間
淅淅驚湍響遙澗蒼烟幕平林命酌遐遐想新
篇佐微吟守道謝形役韜精寄浮沉茲理苟可
庶榮名非所欽

李本寧公祖以廉訪使出按全制屢以書
邀予胥會湖上予以兒病不果行寄詩五
首

遙迢蒼山道我車不容箱悠悠漸江水我舟不
可杭豈無肅肅羽孤鴻正南翔中夜四五數起
坐獨徬徨驚颺卷高樹星漢相低昂眾草委晨
露菸邑生微霜踟躕忽已久太息通雞鳴感彼
河漢女悲來不成章

天目何莘莘莘莘復漠漠麗景煥名都丹樓豔
城郭使君從西來飛龍耀金絡沙棠爲君舟青
絲爲君竿朝憩湖上臺夕登湖上閣賓從美游
遨斗酒不爲薄繁吹蕩春心中洲采芳若日月

不恒居涼風卷場藿孤懷恒若新下車恍如昨
飛霞不崇朝千秋詎堪托唯有金石心悠悠慰
離索

孤鳳翔赤霄五色何離離感此王者瑞誰不希
令儀下有蕃籬雀寄命枯樹枝左顧比翼侶右
顧黃口兒黃口鍛其羽毛質何離襍鳴復鳴

嗥中夜常苦饑豈不念飲啄一步一徘徊徘徊
將何爲且復顧其私舉頭羨黃鵠相將戲池天

悠悠夢遠道沉憂不能掃中夜河無梁流波浸
浩浩慊慊念前期對食不忘飽白日何昭昭晨
暉亦杲杲寒谷得其偏誰爲起枯槁昔作園中
奏今爲負霜草草萎心不移春風幸相保

宿昔違嘉會薄言郢水濱結言申綢繆極宴娛
芳辰容暉一以間五載爲千春豈必藉行媒願
薦寧無因盤石不自固濁水羞清塵新者日已

故故者日以新爰有秦樹烏繞屋鳴且馴丈人
見烏喜愛烏不烏嗔烏雛尾畢逋下來謝丈人

荅劉以吉孝廉三首時計偕北上

劉生生民秀弱齡負奇氣睥睨百代間神明獨
標會抽緒出其餘卑趨亦高世懿彼中所存淵
雲共揚厲陳義挾風霜興詞灑蘭蕙落繁摧前
堅石梁飲餘銳降意及微躬殊堂自相媚信以
金石章深心託真契所嚮在厥施服義殊未沫
萬里瞻上馳疇能躡高轡

草昧一振僻適爲來者資若人寔駿發雄圖良
在茲陸離竦冠佩文采縱橫馳神颺翼高軌眇
眇流英姿芳蘭竟長座顧我揚風儀風儀豈不
淑朽質匪所宜常恐霜霰集條隨衆草萎潛頽
詎能固結念傾朝曦迴光倘不燭歲晏抱悲餘

明兩方會昌王塗尚清濬軌路方自茲爲子一
膏軻談湯天門開虎觀百餘仞憑軾轅才賢皇
風播清問遙羽騰龍驤芳徽待鴻潤藜閣淪末
光將子噓其燼雅奏希鍾期遺聲慕英蘭夫人
各有懷寧無念休聞倘因東飛鳧願言託來訊

送劉長孫守備楚中三首

湑湑庭前露靡靡露下蘭商聲振芳樹迴颺襲
微寒吾友四面集出錢江之干之子遠于役有
徒亦嘽嘽念當邁嘉會茹悲且爲歡爲歡未終
讌對食興悲端起爲黃鵠吟哀音不成彈莊遠
有駭轍下瀨多驚瀾萬里在眉睫君方振其翰
古義苟不劣吾懷良已殫

巫衡莫南離楚風思以怨霸功啓筭路雄圖控

荆汚慄俗迅且輕驚颺已潛煽子也懷令猷資
神合奇變無以溫蠖嬰蕭蘭遂同薦和者豈無
人三楚多英弁

鞠旅有時間軍書日已治飭駕寫遐矚懷古良
在茲橫稍想伯功浮湘感遺纍孔章愈風檄王
祭從軍詩攬結蔚奇思顧眄流英姿聯遠念粉
櫝能無賸我私母以麻泉賤微音絕於斯

和項叔定劉阮入天台山采藥十首

名嶽效靈奇層標倒重溟霧術閱蕭朗真氣資
神明中有萬年藥往往遺農經陰岫冒瑤蓋陽
林吐瑤英勝侶契玄賞適彼雲外情舉采送流
翫中天鬱霞城

霞城信娛人窮探復何適一澗瀉紅泉仙源窅
無極胡麻汜迴波桃花遲來客雲闕儼靈妃容
光若有覲流眄豈所存目成神已醺粲然解瓊
璫要之以今夕塵志殊未寧媿彼乘鸞匹

雙鸞下煙空神光乍離合華往藹霧綃文帔生
雲纈渙彩溢流波精搖曠難接安歌鼓太和神

人道彌洽明河信可杭洛津詎須檝雙情一夕
通丹臺已書牒

書牒符秘記羣真集瓊臺太霞館靈眷安事託
良媒阮子無俗韻劉生寔仙才淥景汎芝蓋玄
漿挹蘭杯至音絕容冶鸞歌自裴徊蕭羸有玄
躅千載期方偕下瞰東海上桑田起朱埃

桑田亦電頃盛年等朝霜豈若儷仙偶爰集昆
陵鄉太霞爲我宇景輿爲我牀饑食閨河桂渴
飲元和漿玉胎授靈笈太上飛龍章芳蘭竟玉

汲古堂集卷五

十九

三

體極宴娛心腸容與信可悅念來存故鄉

故鄉隔天路展轉交予襟脫屣暫遺物感舊綿
歸心道勝情自泯機淺眷彌深撫已何薄劣憂
來轉難任彼美軫私愛起撫雲中琴別鶴引妻
謂離鸞發悲吟臨風長歎息和歌不成音

和歌不可常小別爲千秋山川一以間白雲日
悠悠將子懷往路明發不能留裴徊源水上源
水東西流甫佩豈辭解裴杵竟何酬良晤不復
再羨彼女與牛誰云步玄曲爲子增離憂

離憂何鬱紆谿迴但崖峒淪誤惑荒塗遲迴

城郭所遇無所知井里殊非昨往來若僂仰人

代何綿邈耳孫通前聞驚看共吁愕塵蹤悵若

茲身世今焉托儻徊一嘯歌何似遼東鶴

鶴去無返時鸞絃豈能續冥運訓夙期流光何

脆促絕兩念行雲遷禽念幽谷挹景豈無感憂

來結心曲續線源上花似依想遺躅

遺躅應未湮駕言遵往路顧瞻所向津微辯雲

中樹谷轉磴乍窮重林屢迴互披榛邇上流忽

汲古堂集卷五

二十

三

到浮杯處洞宮浩無倪重巒隔烟霧環珞時誤
聲風泉自相呼青鳥宵難期何繇託心懷幽感
冀能通傷惶日將暮

華陰道中荅粵西督府楊濟寰先生見寄

飛鴻度炎海遙帶蒼梧雲口銜一書札錦囊五

色文秦粵萬餘里題書寄遐想瀕江片月來忽

墮仙人掌予本滄浪叟放跡邊城閑垂竿聊取

適無心罾珊瑚夫子亦何意遠投明月珠仲舉

延南州度遼禮章掖千載復見君山林爲動色

風塵苦愁人歸臥桃花津寸心如有會相憶烟
羅春

題竹柏圖壽吳大猷尊公太母

童童特生柏託根南山陽亦有檀欒竹娟娟媚
陰岡受命得其真相與凌風霜中有鳳與凰和
鳴何鏘鏘鳳凰將兩雛陸離挾奇章和鳴中清
律聞我庭東廂丈人偕阿姥攜尊上高堂兒跪
千金壽婦稱千年觴鳳雛毛質好羽翮日已長
饑食琅玕實渴飲瑤漿一鳴侯者瑞再鳴王
汲古堂集 卷五

者昌丈人起爲樂玉羅和且光歲歲雙尊酒彈
絲方未央

羅峯寺東廊坐雨晚步潭上望月

亭午暑氣灼南山殷輕雷玄雲冒山椒片雨生
吹臺迴風亞林木忽渡平郊來虛廊對厓壁屋
上青崔嵬殘日曳踈點流靄相徘徊須臾萬鏃
雄檐溜爭喧厓涼風爽襟帶石道無纖埃亂雲
晚相逐潭上青天開松際吐新月流光影毳毼
幽興與誰語吟思方悠哉

九日同王應高文學攜諸子姪登君子峯
憩劉氏墳長松古藤下

坐惜日月邁佳辰忽已臨提壺脩往事言陟雲
中岑良友挈童稚排藿凌寄嶽憑高縱遠目萬
壑當披襟平湖日光碎浮雲遍輕陰選石倚芳
樹忽聞樵采音游氛拂天半縱橫送歸禽下經
誰氏丘長松鬱林林古藤如赤虬蟠攬皆百尋
嗟此丘中人濁醪可能斟撫景一興歎浮生古
猶今

汲古堂集 卷五

攜尊飲湖上望吹臺山

委形託大化密隨冥運遷及辰不爲歡何以樂
當年高天散晴霽攜琴俯長川日晶淨湍鳴澤
迴低風鳶引領眺厓岑遙見吹臺山昔聞王子
喬驂鸞乘紫烟其人不可見安用探遺筌何如
對良時臨流陶一尊濯纓顧漁父我歌君扣舷
夕返衡門下隤然已忘言

久雨初霽課園丁理圃作

經時積霖潦閒庭日榛蕪蒼苔上齋壁重陰濕

琴書臥聞鳥聲悅起望晴雲舒穉葉尚如醒叢
篁已云蘇物我共清逸披拂涼風初陽景媚總
翠清湍激長渠曳屣繞後園衆草侵嘉蔬眷言
命媿稚童曹趣荷鋤一一出行列芳翹自扶疏
瓠葉蔓籬落冉冉疎花敷但得飽葵藿過此奚
所須鼓腹奏長謠庶幾蒼黃虞

雙溪晚宿

籃筍度西嶺落日山崢嶸流風蕩煩燠目霽寒
泉清薄暮藹芳樹遠翠空烟生掃石一流憩嘒

汲古堂集 大卷五

三

三百五

嘒玄蟬鳴遙想故山夕應憐行客情

雨後被酒睡起復命酌口占

涼簾沁微醒臨風送延竚濕翠晃斜光積雲漏
殘雨會心莫與同春醪還獨撫

棹抵江陰欲尋故人張邦粹止宿忽有舟
泊岸熟眎舟中人類邦粹遽呼之果邦粹
也登岸驚異恍若夙期因挈予歸草堂具
酒劇談至夜半乃罷予計別邦粹十餘稔
而邦粹適自江鄉歸晤亦奇矣感而成詩

海樞澄江夕客行欲何依故人限城郭何繇攬
客暉比舫見顏色謂是還云非隔水遙相呼遠
曆不復疑執袂且瞪眎驚定方稱奇神契有冥
合至精悅如期寒溫及僮僕攜手還同歸入門
具杯竿故情溢鬚眉叢篁映前牖高桐陰南扉
出詩感淪落懷舊悽心脾坐久夜已寂熠燿穿
簾飛撫枕不遑寐言盡重吁嘻

過陽湖王大參腸谷翁墓道述哀三首

儻個湖水湄茹哀獨流憩幾幾湖上山中阿大

汲古堂集 大卷五

三

三百五

如礪霜雲翳層陰玄宅蟠真氣夫子託英靈於
焉協金記劍履闕挺屨示化留遺範懿彼萬夫
詰瑯琊峻才地龍德應神理鴻鸞獨韜世揚烈
映當時辭榮在中歲金石被弦歌琴尊洽芝桂
迭蕩龍門開賢豪亦鱗萃分宅與脫蹻義聲流
四裔結言春休明汎瀾攬餘滄悵悵琴門琴悲
風夕何厲試展黃鳥篇何人薦重賵
生存處屋處昔人亦有言慨彼游光駛林園但
依然杏閣何蹇蹇平臺抗湖烟阜禽集珍水儻

魚躍清連實從轅應劉授簡多所宜周史度金
管飛音漱聲泉曜靈忽西匿俛仰隨化遷吹臺
倚雲杪子晉遺空筌應知挾仙侶笙鶴遊天
鬱鬱山陽阡九九松與栢羨道如截肪靈氛吹
魄魄我屋隔山阿玄廬時可卽冷風日暮來寒
雲莽無極漆火黯夜臺澗芳襲瑤席精爽悅君
存神期如有覲嶽嶽中郎碑煌煌照金石西州
有餘哀臨風一沾臆未報信陵恩生慙大梁客
大觀師敷座鴈山能仁禪院演說楞嚴玄

汲古堂集 卷五

義上足惟心過余乞詩予戲爲櫟拈山中
諸峯名品點綴成篇欲令頑石皆能贊說
般若吾師無笑老人憨態效小兒聚沙作
塔也

拈山老古錐孤峯聳高韻機警似天童風流類
支遁呪水渡香象鳴鞭策神駿三觀紹南宗無
餘標祕論試演迦陵音善巧能隨順稽首首楞
嚴無上法王印七徵拈真常八還啓餘蘊指亡
寶月圓華滅翳根盡錦溪久云涸法源待公濬

更願嘆龍湫普同一雨潤慧照今復明火燄揚
其燼玉女散花叅瑞鹿銜芝進大士施瓔珞翠
人具齋觀山樂不時鳴紺珠或盈寸老僧爲點
頭童子遙問訊物物契真如何況諸檀信曰予
晚焚修雅慕吾家胤欲具浮海航辦香一親近
政恐東林公裁書拒靈運

同鄭昆巖中丞游鴈山張匡源令君招飲
西臯塔院和鄭公韻

出郭盼西岑窵寄薄雲霧礪道細盤空披榛躋

汲古堂集 卷五

予步蓮臺冠山椒微鐘出深樹仙令展芳譙任
客叅芒屨憑高引睇遙賞與幽心晤千峯奄南
趨雙流浩東注飛雨海上來烟霏澹將暮亂飄
信洄潮歸禽共揚鶩儻個春故都依依釣游處
枌榆夢平阡松楸感霜露昔邁修已新今遊嘔
非故懷土軫深情願言託毫素況對子大夫登
高未能賦

李本寧太史甫栢臺詩其栢爲太史先方
伯公手植

日暮臨高臺高臺高以軒上有特生栢孤根何
連蜷翠景揚文瀾蒼藁沐朝暉移植豈不艱稟
命良獨全亦有秦氏烏爰止巢其顛朝出暮還
集鳴聲何連連感此起悲歎傍皇以翻攀仰瞻
新甫陽周覽西陵阡清醑湛觴爵流塵生几筵
刑儀曠何許精爽恒若存三復蓼莪章中懷不
能宣

同馮元成大叅過訪趙凡夫山居

殘雨澹晴曉濕翠光爛爛迴風吹松蘿流雲動

夜古堂集

天卷五

五

春澗言造故人居林堂在天漢呀然啓竹扉風
廊接烟館興狎紫芝謠餉有青精飯日夕出崑
扉臨風發嘉歎

寄懷陳仲醇

士抱萬古資豈必期世用徒令一代人望之若
麟鳳子也王佐才非時待誰控緬昔雲間游微
言墮殘夢欲覓雙鯉魚正值河水凍

寄懷黃貞父明府

志士獨高世近爲千載期黃侯何落落穆然寄

深思懷此寸心在寧斷當世知偶對古賢烈遺
言見鬚眉掩卷發長嘯居然若同時如何烹小
鮮用此神騁爲一試進賢組令譽縱橫馳伊予
感投繯薄劣匪所宜出處本殊致懷賢獨在茲
中林坐搖落悠悠當告誰

太玉樓詩爲王笙臺賦

夫君縉山系吹笙諸鳳鳴十五學冲舉翩翩鶴
上征結樓倚霄漢飛甍凌九清星杓礙巾幘雲
霞挂檐楹前對十八天容成之外庭方壺接珠
殿

夜古堂集

天卷五

五

館六經連玉京松寒五鬣古芝繁三秀瑩砂
輝金蕊寶露滋瑤英龍鳥大洞書赤文襲丹
煥爛虛无氣紫戶秘元精幽寥存玉兆玄華保
黃寧我來屬霽景天地涵虛明渌煙汎華蓋靈
嶠浮東瀛髣髴挾神靈雲君紛來迎滅没八景
輿娜婀三素旌試讀太上篇翻作昇天行誓將
從子游永附登晨名

江樓曉起望海上出日適接徐廷珍比部
手書并示近作及新撰鴈山志成

飛樓跨滄溟天雞弄晨光雲日動鼇背倒景浮
金光憑虛吸沆瀣散髮睎扶桑何來雙赤鸞銜
書向東海開函見情懷故人心不改今爲畫省
郎昔是神明宰憶昔宰江邑百里流清風自署
鴈湖長高標追謝公瀑流湧銀海石梁駕烟虹
著賦挾神秀奇文勢爭雄山靈爲訶護深閟青
霞宮遙情向野人引領極天末豈欲匣龍脣三
歎未絃絕感此起徬徨憂來不可擬安能一合
并相將弄瀛渤

夜百金集

卷五

七

五

王與敦文學每遇輒稱予詩宜布東深愧
荒謬無以仰副來雅賦此志謝

道降已千載大雅不復還誰云塗巷罕真詩在
人間楮墨塞天地與日相滋繁予亦抱空腹朽
然木石頑風水偶相觸鬱爲籟與瀾輪囷兩牛
腰延蔓疇能刪願待羸氏炬芻蘭同一燔矯矯
王文學吐吞竹素園崑崙遡天脊積石窺河源
芴采及瑣碎時時亟爲言似欲扶正始斯義何
其敦恨無揚執戟負此桓君山

山居二十咏爲周思皇民部賦

水簾

一泓漱雲根隨風散飛瀑誰綴夜明簾日輸珠
萬斛乃知第一泉不在康王谷

清淺池

華藏納菴羅妄計有近遠方池一曲間滄瀛幾
千轉作書與麻姑蓬萊又清淺

晴雨池

池飛不盡雨萬古鳴淙淙迴風曳初日銀竹森

淑世堂集

卷五

三十

五

晴空何似海天暝烟霏生白虹

曲池

一曲浸寒玉與天青不波定性本非動因風時
蕩摩忘言繞池坐夜靜來纖阿

垂雲洞

白雲日垂垂山中自相逐長風一夕來吹之出
岳谷膚寸自成霖八表同霖霖

碧蓮洞

古洞宵無際石華開碧蓮前身住仙掌仙夢仍

依然箕坐送餘照峯峯生紫烟

洗象巖

翻却香海波爲君浴狂象鼻息雖深深 叩一
迴響說法方熾然莫生頑石想

黃石溪

一試噓朱光再試昌皇極懷中一編書化爲溪
上石它日來穀城孺子曾相識

水因洞

水作九疊流一疊一東注拄杖上上頭真源不
汲古堂集 卷五 三十一 二五〇三

知處時來洗藥人石上留芒屨

紫芝巖

一朵九莖芝燁如紫霞韞日落暮天青雲端搖
婀娜潭上放歌還微波生淡沲

響泉

飛泉擘荒烟清音中琴筑松風一和之相與鳴
謾謾我欲夢釣天頻來巖下宿

澗中石

小者如跪羝大者如臥羊解衣拂蒼蘚時還陶

我觴醉試初平術一叱俄騰驤

忘歸石

日日弄清暉獨坐雲邊石嗒焉我喪吾冥心了
無得聊舒一嘯歸前林山月白

懸流閣

寒流懸冰綃就之管我閣閣中拂素絃清聲似
相荅雅許山僧來預爲施一榻

松石閣

閣前何所有偃蹇石與松石古攫玄豹松高盤
汲古堂集 卷五 三十一 二五〇三

赤龍著我共三友頽然冰雪容

白社

白石白於霜煮作香林飯片月墮前谿經聲出
南澗東林十八賢法席儼未散

浮筠館

萬玉憂叢筠風來自成浪赤日不得驕秋聲生
枕上濕翠落洮瓊盎盎松煤漲

沆瀣堂

沉沉郢上堂深靚涼如水五夜沆瀣浮凝光

盤髓若是金門仙持壽漢天子

含素亭

太素一以斲萬象紛然呈至人悟無象象表探
玄精苞此元始質坐觀羣化成

舟泊石門有懷江幼清張朔少

薄曉歛山椒前林夕霏暝沙際宿殘霞洄波耿
靡定裏賢諒在茲林泉自輝映素月窺岳肩鮮
衆動羅磴林英紛可奪澄潭靜堪鏡昔游迷故
溪今應感新徑逃虛神自超含真道逾勝冥心

汲古堂集卷之六

東甌何白无咎著

五言古體

甲辰獻歲後八日古田舍錄別四首時將

治裝西塞赴鄭中丞崑巖先生之招

迢迢雙鯉魚忽枉故人書相去在萬里駕言脂
我車念茲古田舍卽事良多娛王春輟羣動比
屋歡相呼村墟暖晨旭蓬門自涓除樂歲足清
醕困箱有餘儲窮年肆研藝于時解勤劬野老
感此歲閒逸中懷爲躊躇引領望南畝眷然思
荷鋤

父老集我廬念我遠于役節節各有攜班荆旅
漿炙舉爵前致詞君今復何適豈無田家歡良
辰及農隙村鼓喧叢祠華燈闌永夕況當初陽
交融風動泉脉霽日暖平阡雲霞媚川澤林鳥
懷好音園翹吐佳色卽此多所欣能無眷行客
深感父老言愀焉念離析我期良弗諼結言在

疇昔蒿華表瞻觀天都有奇蹟用以披靈襟行
當返蓬華秋社足雞寒樂事庶可卽問問歲晏
心要之以金石

穀日天氣佳春暉已駘蕩潭影涵樹光風靜文
魚上峯陰寫景霞虛堂納晴爽故人出城闌爲
我理行枋入林諧笑談風期何散朗各攜所贈
言披析共欣賞流颿四五通山泉荅清響知我
關洛游奇懷寄遐想園閣拂尊壺松蘿對閒敞
適意相與期斯形骸隨俯仰高處縱遙情超然肆
天養胡爲行路人栖栖復爲客念此誰使然相
膺殊悵悵無爲軫別離衆觴聊自廣

予昔卜東村隱言在中谷齒閣抗清暉千崖媚
雲木爰稅北垞田時飲清溪猿寒雨閉空齋人
閒酒新熟散髮披道衣晚眺北窓讀林樾隔精
藍鐘聲出深竹似聞世符快然良亦足胡爲
倏去茲舍情念過細我行豈不遐秦隴緬以
虛已游自超遺物理無辱何似阮東平騎驢忘
羈束懷古欣在茲依稀想遺躅去去返中林陽

阿長黃獨

贈劉厚吾觀察二首

劉燕人以庶吉士外補

天都啓幽薊皇矣敝神臯羣靈效貞符吹萬咸
光昭伊人應嘉運霽雲垂慶霄日下麗苞彩脩
翮連長飈遠紹中壘業石渠振前標難黎挾天
藻玉璫布璫條金石非不固蛾眉難久要張弛
資神理遂飭邊城鑣分岐豈殊轍易纓元同操
一麾竟西邁眈茲右文朝

西邁麗榆關雄圖帶河朔揮羽激清風揚旆塵

汲古堂集卷六

氛廓沉機狗所務英聲振沙漠燕寢開墨林華
懷蔭飛閣塵尾對玄超阜禽思寥廓紛予協前
期方果遠游諾名蹟驗故封震氣客靈嶽君子
揚芳徽風期每相索吐論自琮琤清襟汎蕙若
庶結千載知深心願有託

同金伯庚集劉參知署中分得雪字

南陸熹朱光窮幽盡昭晰陽林始舒桃陰厓猶
綴雪戟門宵沉沉笳吹靜不發肅客開東廂
陰散清樾園卉競向榮華滋紛可結清言不知

疲抗音俱赴節欣賞況在茲琴書對怡悅日夕
眺層臺引領望天末霞氣暖丹樓烟光動危堞
悽矣懷土心因君慰忡惓

秦湛若計部署中夜集

飛蓬振玄朔胡馬驤且鳴疑疑庭樹色策策寒
颼興游子感流序營寬不遑寧度支寔人表祗
命遵邊城士馬騰芻粟我庾溢坻京七萃起嘘
拂望塵流惠聲置酒肅賓客廣儲延夕清吐論
河漢立顧盼風雲生徵歌既宛轉騰觚亦縱橫
汲古堂集卷六
羈愁忽如撥笑緒良已并攬轡未能去踟躕獨
含情

龍王廟同鄭中丞李督護燕集

廟在榆城

泉極甘冽古名飲馬泉

古湫涌寒泉神物閼幽宅佐彼滲漉功表此靈
長德積潤輸雲根萬井霈餘澤華旭動波光翹
塵浮紺碧兩工王所司雩禱信有赫蘭墀宵沉
沉貝宮飛翼翼黼帳颯冷飈嘘氣生青壁鳴條
避灌壇休徵良匪忒時哲況在茲相維樹嘉

玄化自湧流雷音起淵默文武既恬嬉民生漸
蘇息天河已洗兵陸海無驚鏑暇日散清襟壺
尊暢幽適笳吹流繁音芳薌薦瑤席近眺歷亭
臺遠矚窮沙磧授簡夕景催崦嵫來暝色誰摘
龍珠仰媿龍門客龍門用任
訪中丞事

三子詩別邵不朋鄭仲仁汪問文

子客駝城忽離寒暑日夕宴游三子間甚
昵也濡翰命什假濟偉於霞標撫景銜杯
申風期於人外睠茲東邁離緒嬰懷破涕

漢石堂集卷八

五

爲歌聊代投縞云爾

不朋富文藻弱齡飛令譽談鋒忽注射神光何
燁如練霄吐芒穎所向如投虛韜精古所貴慎
矣懷英圖

仲仁瑚璉器蔚爲清廟珍珠淵不可綆玉山巖
照人鴻鐘時發響四座流英芬飲醇挹玄暢斐
疊春空雲萬里自茲始遲爾鞭駢驎

李老起溫陵別鑿鴻濛竇放言驚八垠里耳皆
如褒鼎父早升堂微音出於轂天穎藏渾侖

華吐深秀九辯激悲風匣琴爲誰奏

傳父爲溫陵
卓吾高弟也

林居偶作

霽景散宿靄湖山湛餘清風光動芳樹濯濯虛
堂明穰田集農事社鼓村村鳴我始返南紀營
覓甫平寧久苦塵土澆益深丘壑情昨者豈非
我寔爲飢渴嬰臨流足自活終焉守巖耕

偶作

天空衆山靜雲日蕩微和隱几挹羣爽流風吹
女蘿迴森汎原隰新苗生綠波興來命尊酒數
斟顏已酡人閒鳥亦狎嚶鳴止高柯黃鵠摩天

漢石堂集卷八

六

嬉無復憂虞羅余亦屏機事對此聊婆娑玩易
契蜚遯疎詩賡在阿撫躬媿薄劣永言託歸歟

善祝京兆草書後

宇宙一元氣林樾無獨稟披枝鮮碩果誰云才
不盡休運道素昌離隲雄力隱通觀哀感原百
技同一準京兆當熙明藻思亦華欽御造在筆
精直上畧凡近扛鼎抽長毫神酣氣邁紫扶石
擲怒猊跋浪振玄蜃時焉信康莊驛驢步深穩

當其意趣融鍾張躡齊軫狂狎俠少游恥爲豎
儒謹被酒恣挑達彈箏傳胡粉五白縱博場千
金散微哂雖爲禮法讐未覺身名損余亦慕臨
池疇能脫畦畛欲令故習忘終當師段本

雲丘館詩爲曹文學賦

白雲何油油翳然媚層丘丘中無結構嵯巖宵
以幽巖居者誰氏被服蒼麕裘瑤軫靜猶汜寶
書時日袖看雲坐盤石欲去雲仍留閒隨碧潭
轉遠送青天流乃有丹丘子欲往從之游山川

送車觀察侍養歸邵陽四首

昭時隆孝治錫類洽臣鄰遂令匪躬士私情亦
已信君子早通籍中外流英芬夙夜匪不力
嘉良已殷顧茲感明發眷言有慈親披陳予其
請優詔廻高旻懿彼東都餞藹藹交朱輪高標
激千載若若嗣清塵豈若悠悠者託思秋
昔人履危機超然愛遐舉雖抱中孚爰能無念
靡鹽豈若當休明鷄鸞方筮羽憑軾遵百城王

空何膺膺駿烈既已宣功成良不處結言烏鳥
私誰能戀主組擊汰指舊疆揚帆洞庭渚循埃
擷其蘭用以介脩祜

擷蘭掇其英芳香薦霞觴愛日日爲永迴景熙
扶桑文鸞將其雛離離粲苞章苞章耀丹穴逸
響叶歸昌二酉饒異本駕言挾其藏龍鳥啓瑤
笈金石抽琳瑯采詩異在浚綴辭反浮湘承歡
一以敷千秋殊未央

千秋有遺愛風聲良在茲婉婉表清閒遙遙被
芳徽緬彼山水國寨開臥閒帷仰睇石門椒頰
瞰甌江澗謝客有高詠君其紹清暉陰霞動晴
練烟海揚文漪念此欲邁邁前車已載脂一葦
渺難迴何繇展光儀引領亦云屢臨風獨陳辭

宿箬舉山莊晚步溪上田父泥飲

林臥便寢興晏景隨偃息下牀繙道書冥心了
何得盡室事東田鷄鳴古堂寂行散恣幽尋臨
流憩盤石石出寒潭清文魚媚寒碧晚風霜葉
疎星星溪相白夕陽人影長接跡來樵客芸芸

澹無言澄觀如有獲野老立荆扉知予無所適
遮我謀濁醪開軒欸涼夕鄙語含箴諷先民有
遺則始媿惑多岐更欲泯知識氣狎肝膽遺形
忘神累釋相送林燈紅餘歡此何極

楊木父六十誕辰宴集戲有此贈

楊子詠宕人天姿故脫畧中歲困明經恥爲章
句縛青衫脫還渠管雲縱鷗鷺一廬鄰市屠居
喧若寥廓陶奴亦碧眼盧婢但赤脚浪跡溷微
卒書聲應關柝臥起一鹿牀點檢惟茶藥燈火

張古堂集卷六

九

晚熒熒殘編佐深酌麥口風雨生排調賸嘲諢
大笑閃電光南箕鼓其素依隱玩人世榮辱何
自若能事工縑素江山出盤礴氣韻陡淋漓墨
華噴崖壑新篇橫排空鞭螭恣揮霍當其意得
時欲折天隨角木父詩高逸
頗有皮陸風一紙換百錢三日
閉齋閣孤白非所溫犢鼻了無忤近復愛逃禪
身世無任著隨意宿阿蘭機鋒供戲噱何如風
法華顛狂契無學我念平生歡襟期風有託緬
懷疇昔游奇氣森噴薄斗笠岸玉甌極望無鄣

郭彈丸辯滄溟髮髻看台嶽豪侍忽羸化天游
真雀躍虛氣通紫微擊石招黃鶴豈有憂生嗟
信爲忘死樂六十忽到君風客仍綽約我少較
一紀顛毛已非昨適君當懸弧值我來江郭兒
爲羅杯盤誰言厭藜藿渴吻漏蔗漿飢腸駭珍
錯胎鰈充雋味疑肩當大嚼孫娛俄跳虎客賀
同翔雀家釀傾窺鬯耳熱呼瓢杓漸覺帶孔移
未嫌觴政虐我起浮一觥壽君君莫却屈指廿
載間升沉幾悲愕蟻蟻與侯王石火同一燭但
願共百年依然還雙鑲繞街看盤鈴投壺與六
博希風楊王孫襍笑何必惡

曉起行田間

林深積繁陰夕寒戀新醅醉甘土牀寢不知春
雨來晨雞警殘夢牀頭殷餘雷起來望原隰原
田何每每生烟遂微雨流風與徘徊倚杖聽田
水野老襟顏開所嗟兒女長日月行相催

觀捕魚有述

河水豈不廣上有竭澤漁游泳豈不

流眾驚驚及鳥鬼頸細腹如壺養養因穴憐
伺防沙鰈小魚罔知覺復爲大魚鋪大魚苦趣
避鹹機又多虞嗟爾鱗與鱗生意何由舒人生
信可樂亦苦世網拘當其中羅罟頗羨鳥與魚
貪生匪異致越死唯一途感此起歎息適觀機
智初庖犧德如天萬物同濡濡胡爲造網罟飛
潛麗其辜復念朱門內列席陳筵第一飭併百
命絀腹窮卽腹安能返太始起臥同嗟吁厥烏
盡靈鳳厥獸皆騶虞蠢動悉生遂太和濫宸區
造化豈能詰臨風重躊躇

林居

風乏逢世資素心乘嘉尚炯炯聊自知悠
予諒託跡營一飽隨流挽其蕩及爾臥
期仕玄暢無作境目空不斬神逾放臥
鳴晨望川光漲倚杖步閒園林花照新
我喪吾何似義皇上

苦熱喜雨作

午閣愁蘊隆炎氛浮遠野一雨收輕雷松風忽

如瀉回看滌滌山碧陰連縹瓦林居已不堪何
人尚騎馬

夜雨大作因念鄭叔仁是日發舟江上

狂飈卷林屋衆木爭怒號驟雨亦交至呖聲
逾豪展轉不成寐夢短神勞勞故人發江口舟
楫饒烟濤

葬伯兄下山作

萬曆丁未臘月初二日葬伯兄子簡先生瞿溪金巖

之原是日雲色露曉垂垂欲雪猿鳥悲鳴不勝嗚咽舟中作此其語酸楚不可竟讀

定錄此

哀古堂集

卷六

十一

顏雲澹寒陰斜光開復翳悲從暝色來幽幽欲
何寄竟去廓無依神傷兀如醉萬古一揮手百
年此臨隧玄猿亦助號孤鴻官何逝遲遲出中
林行行獨歔歔遣哀信爲難灰心持四偈

送女仲則出嫁項錫宜震時余抱病初起

爲女得自嬌爲婦良不易念子今有行方舟已
水裔移根托令門蔦蘿茲得地況我兩家翁異
姓若同氣豈不願有家情緣天屬綴睽汝少聰
明淑姿寔中惠羣知古賢媛彤史播芳懿三百

言開雕聖剛有深意乃知四教原往往始闢內
勿云一女子家聲隆替大義固所敦謹之在
微細凡百慎汝儀抱王期弗墜

余少負奇懷雅尚在山水卜宅兼卜鄰於焉成

一紀

余自己亥移家浦東已十二年矣

生男遺以安嫁女不出

里似隱或似通可農亦可士繹思我古人婚姻
有芳軌烏羊繫柴車提壺酌清醴媿我非古人
安能行古禮德誠可師荆布良足恃內外居
汝賢汝母劇歡喜母令蘭蕙蹊一旦生荆杞

汝昔離母婉余方客游燕歲暮裘蒙茸入門一

十三

笑罵紫鳳繡文綠福字懸金錢十四工毫素亦
復親詩編余戒姑置之女德非所先日月曾幾
何長與母差肩念汝事父母少小靡間然酒渴
進清茗冬寒問添綿帶斷賴汝續衣穿賴汝緦
銀鐙及蜜勺調和悉周全阿父有此女身腹寔
所便況我久癡瘵侍藥不遑眠依倚強談笑對
母淚潸潸余昔當少壯恥爲兒女憐及爾衰病
主誰能免憂煎扶牀向東壁強坐緩斯篇

今汝之太翁寔我平生友締交弱冠年心期亦
云久興至每和詩狂來必呼酒當時孫垂髫牽
衣戲左右翁起謂余言方爲孫擇婦聞秀無踰
君求汝爲佳偶寒脩俄及門欲辭難啓口舊契
復新姻來往益相厚拂席便斟酌散帙隨所有
昔翁共朱顏今翁同白首彼長我十年我今四
十九但願兩家翁百年共爲壽村醞泛以菊溪
鱗貫之柳歡呼至夜分歸舟定橫斗風義有如
斯相期子孫守

汲古堂集

卷六

十四

若愚山莊尋北山石壁飲周生山樓

羣峯涼氣早高樹先迎秋白雲映紅葉青天瑤
澗流靈境未辭客尊酒宜淹留胡爲遲明發仍
問江門舟

和陶淵明飲酒詩二十首

壬子仲夏山中苦雨塊處無儔濁醪獨引
間取架上淵明集時一諷之泠泠作金石
聲以代鼓吹興至依韻成篇非敢唐突前
賢譬之風蟬壤壤亦各自鳴其天而已醉

後錄之齋壁

窮達會歸盡昔人安所之寸心有冥會千載如
同時良晨本無待爲歡當在茲興言命尊酒達
生寧復疑不爾保貞素歲晏將何持

茵閣坐柱頰爽氣來西山藜牀散殘帙昔人有
名言倦卽命瓢杓兀傲將窮年緬彼古真逸弱
毫時與傳

末路無直道叔世多深情康瓠自爲寶嶽嶽矜
高名招要竟長衢指顧風雲生一倡百人和飾

汲古堂集 卷六 五
智方相驚霜霰夕交下春華欲何成

積雨晦川澤玄雲不停飛野田抱饑雀日暮鳴
聲悲喟喟念儔侶比翼交相依君看羽族向大
小各有歸嗟爾遠遊子齒髮行當衰一生亦何
幾長令與願違

隱几愴無作嗒然忘寂喧寓形羣物內孤生得
其偏夕霽偶出戶行望吹臺山浮陽汎新綠湖
外孤雲還我稼忽已長時序夫何言

悠悠行路言未知孰爲是末世無真符玄黃互

相毀我獨黜吾聽一尊聊復爾新故亦何常試
看紈與綺

秋風爾何來吹我籬間英采掇醞涼酌悠然人
外情芳香達於面繞花頻自傾玄蟬警霜露違
時亦無鳴行將縱孤棹言尋南郭生

鴻鵠有六翮鷓鴣無九姿鷦鷯雖微細快然唯
一枝翡翠嬰羅爵無乃毛羽奇神龜旣屠割安
用笥匱爲去去北山北塵網誰能羈

汲古堂集 卷六 六
故人遺尺書再拜起自開耿耿見情素一一申

中懷念我久離俗於時無乃乖人皆集於苑子
獨安卑棲下流不可處蹶躄隨塗泥深感故人
意里耳誰能詣南轅與北轍與世寧不迷豈待
阮生慟日暮驅車廻

初日浴扶桑照耀東南隅風塵不相識輪蹄轉
長塗一入羈勒中若有鞭策驅寧知一頃豆卒
歲食有餘所以古賢達盛名終不居

麟麟萬里車悠悠北山道王侯同一歸百年豈
終老晨爲青梧枝夕隨嚴霜槁峨峨墳與丘珠

僮徒自好一朝時運移泉臺出重寶日落樵牧
還寒鴟嘯華表

昔卜皆避世我獨當明時既無憎歟虞疲病復
何辭鳳皇雖不鳴唐虞信在茲酒云飲得僊此
亭令人疑試酌百情遠斯言不吾欺聊持景山
鐘時復一中之

五十媿無聞稍得酒中境當其醉夢時猶恐寤
與醒達人賞此言愚者殊不領仰天拊缶歌淋
漓命柔穎臥游一室中吾師得宗炳

汲古堂集卷六

十一

百七十六

夙志日摧積冉冉老將至鬢髮隨化遷惟知謀
一醉太上兩不讐少欲思其次身隱奚以文知
希乃爲貴願從柱下史吾其味無味

我昔來渚東遂營一晦宅西眺梅尉山子真有
遺跡勝日呼所親當杯宜滿百弄舸迂衡門中
庭月初白高明亦何爲徒令鬼神惜

我本無所遺所遺惟一經欲希先民軌豈必冀
其成諷咏有餘韻往往達深更我亦佐之酌開
尊面前庭熒熒燈火靜泠泠澗水鳴欣然非

獎聊以陶吾情

火德昔云季俊顧爭趨風噓燼豈不力抗之乃
失中明哲處惛濁反經以爲通一起潁川弔諒
共陳仲弓

竺乾有奇書無得以爲得下士大笑之誰能解
其惑吾家東山翁晚事伊蒲塞酒德苟不哀何
關衆香國尚有獨醒時一叅居士默

我昔諸故人浮沉隱與仕殊調自諧音金石托
知已氣合劍有神瓶罄罍所恥俛仰廿年間屈

汲古堂集

卷六

十一

二百七十六

指半萬里微音日已遐風軌疇爲紀陰陽無停
機行行殊未止綠酒聊可揮玄霜非所恃

我愛柴桑翁一生惟率真遇酒輒快飲寧擇
與醇嗚呼革命初憲章忽已新詠軻期報燕懷
賢思避秦保此歲寒節苦心良已勤忘懷任得
失披豁無疏親所著入冲澹烟波渺無津我和

飲酒詩試著漉酒巾累懷千載下悠然見其人

述政詩六首贈鄧田仲司理遷廣平郡丞
治道貴操本政術亦多門至人運冥樞機園化

乃神拊馭互爲用應時達其權飛霜本甘雨孰
闕造化垠入關與理蜀寬猛亦相因試觀韓韓
世豈必煦煦仁煦煦亦何幾夕潦不及晨我侯
執大象龔康康斯民吹之乃秋肅噓之卽春
拔鋒在微末蔓滋亟難圖綠林與青犢順風始
一呼在昔苟失馭能無尋斧柯斧柯一在掌所
傷良已多吾國寔慄悍民風亦孔詆昨者隴晦
間戈矛起燬鉏我侯不動色平戡在須臾爲法
既畫一王道無偏頗緬昔炎炎始燎原當奈何

歐陽文忠公集

卷六

七

孰知飲啄樂不待灼爛餘焦頭受上賞古今同
一吁時鄉民以牛耕田有使時有司類
結息其賦愈嚴公立捕擊魁數人置之理
畫舊例著

令亂乃息

玄造無偏阿不擇枯與莖王者法大化均之在
勞佚經正俗乃敦賦平民自壹吏道日已殊無
乃乖其術我侯獨蒿目喟焉軫民疾持衡示平
準更張絙朱瑟困者日以蘇休禎墮羣物備
披春雲熙熙就冬日展也古遺愛千秋永無
王政賤繭絲不居山澤利權賦集算緡無乃非

國計如何季葉下箕歛及頭會漢法籠水衡唐
征疲兩稅田漁日浸尋況乃石壕吏貿遷一以
蹙民生亦云瘁我侯孺秋荼歸之乃如市水德
貴平施激之遂奔潰誰謂昔人賢國僑但
士師布淑問金天告祥刑荏蔣寢鳴鐃漢池無
弄兵庶政一何飭適觀文教成瞻言集般倬橫
宮翼飛薨東序陳鐘簴西階列匏笙樂職宣中
和四子揚德聲我侯寔戾止維莪亦菁菁魚樂
欣在藻鹿鳴思食苹

歐陽文忠公集

卷六

七

七

除書下九重平干推郡貳平干古邯鄲雄圖控
幽薊標場工刀劒俠窟養聲利風塵饑饉餘探
丸起沉鷺況近輦轂俯呼吸若指臂 當宁方
幽憂匪賢誰與治拊髀挈付侯侯其共爾位雷
霆走砰訇日月洗露晞所悲吾州民無繇借河
內萬人思叫閭疇能挽飛轡片石在九山聲光
與天敞

抱女孫效長慶體

風嬰兒女情刺促傷懷抱憂虞二十年爲父

爲保五十婚嫁完非遲亦非早回頭語老妻度
幾畢父道自茲得餘閒禪誦以娛老有孫付兒
曹毋得更相擾昨歲抱女孫中夜縫文綵今歲
始扶行雙眉何姣好學語半未成啞啞若雛鳥
對酒掣杯盤牽衣索梨棗侵晨呼阿翁提攜日
纏繞狼藉自畫眉撫掌爲絕倒有頃過嬌癡誰
能卽嗔惱乃知情所鍾欲了未易了安得逐金
僊從之以輕矯

登積穀山寄王玉宗丈時予卜寓山麓山

汲古堂集卷六

三

二五〇三

有飛霞亭及磴道石橋久廢圯近王翁捐

金新之

九斗紀圖經茲山表靈特崇堞帶層城千尋削
丹壁創景陰長松方塘擁危石橋廻象虹亭
轉疑厓坼山椒冠孤亭日謀時有獲扶腋
風盪胸吞海色疎樹驚輕帆遙峯沒歸
古名區懷賢若旦夕霞洞矯劉根巖扇來謝寧
憶昨委荊榛遺基慨陳跡公也役殷僣華懷繡
丹碧興因遠眺舒趣以憑高適余夙慕幽奇於

焉營一室空翠覆檐楹流雲生几席何當挈杖
來共蠟登臨屐

壬子除夕效長慶體

一年到歲除三百六十度上牀與下牀朝朝復
暮暮疾疾幸不侵骨肉喜無故燈火羅杯盤妻
兒共歡聚況我當茲年已畢嫁與娶卽事良可
欣寧辭劇歌呼妄形天地間百年信行寓大藥
不可求朱顏孰能駐浮光日西馳驚波亦東注
何況旦夕間變幻生指顧憶昔有鄒君能通紫
微數自言已命屯今歲頗危慮除夕幸已臨苟
免吾其庶談笑未及終疾作俄僊仆救療竟不
蘇呼吸等朝露甲午除夕予臨鄒君若若自
中秋間一疾幾不起今歲終庶幾感此亦何常
幾無恙言未終而疾作已遂瞑追歡宜達曙細拈焚尾尊更誦淵明句縱浪大
化中不喜亦不懼

蜃徙謠和劉以吉駕部

葵深山中蛇與雉偶雉卵輒陷入深上中
產而爲蜃產則牝牡自雙四距偶角黑質

偉鱗全具龍體閱數十百年乃徙而海及
其徙也裂山爲壑雨雹交至居人輒有當
其壑溺之害者以古以癸丑春季客婺州
蓋得之彼中父老傳聞如此云因著廢徒
謠一章累數百言歸以見示閱藻瑰奇卽
龍鮮麋脯莫以喻其珍異也次日逃暑東
陂竹下因感李白賦希有鳥事乃廣其意
戲成和章聊資謔浪云爾

王華聯金華中當癸女宅合沓烟嶠橫窈窕雲
汲古堂集 卷六

關闢其陽氣魂魂其陰風魄魄古洞紛霞拳飛
泉喧電激指掌謝巨靈燎焚辭伯益重趺外夾
步四乘怪禹跡神姦竄幽篁山鬼帶長薜龍蛇
恣驕蹇猗猗肆騰挪日馭曾未臨帝命不可徵
物各以性呈厥屋亦憑席論種類本殊匪偶口
成匹其父爲雄勉其母爲雌翟靈孕自潛滋神
卵不輟殪困蠢穩鼈蟠沉綿靜龜息睡酣授玄
龍志猛吞白澤薤翳歷年蘂充盈盛膚革儼侶
同一栖脩軀具千尺蛇鱗黝以蒼螭文礫而黑

談閃語厥妃疇能長跼踖嗟呵一欠伸睠言舒我
跼游行與化俱以神不以力四足壯健與兩岸
漩渦摩雲車走豐隆天鼓訇霹靂狂飈運六輪
驟雨射萬鎬素然丹壑開豁爾蒼崖坼星漢陡
翻迴地軸俄傾仄所向無前堅江湖生兩腋驤
首指歸墟樂茲娑竭國振鬣天盪摩煦沫濤湍
清下泛官潭潭上浮輕拍拍幽府旣空隆玄宮
何廣斥海若訢比鄰鯨人備下客偃蹇滕文虬
連卷翼長霓叶珊瑚枝叢扶疎珠胎紛的鐙傲然

汲古堂集 卷六

頗自多乘風更南適如脫疏屬拘轉見天池逸
吞吐本無心珍錯自充溢矇山或逆鱗猷鬣時
宵噬南徙轉無倪望洋迷四域中有太古魚其
大不可臆陽侯莫得聞天吳詎能悉日月耀雙
瞳蓬壺聲高顙虞淵頓腹腴天心蹴肩脊翹仰
乏從容睢盱但逼窄喜怒作陰晴呼吸爲潮汐
千鱣不涸咽萬鯨充半食藐爾溟海鯤細於邪
昔鯽孫子窟介鱗其麗亦不億稽天浸八荒老
淚出涓滴崑山召衆噫微呻僅啾唧倏聞山族

來舉眼試一睨再煩左右顧環碎渺難索呼蜃
命之前居然一蜃蜃瑟縮莫仰眎色羞黯無色
髮髯類焦僂昂頭望龍伯又疑似侏儒延頸覘
長狄大小信有殊林樾誰能析姬孔漏蒐獮惠
莊莫詮釋疇爲發奇談劉生善堅白博類識鮪
華名掩繡虎植敏傾對鼠攸辯過雕龍爽把讀
蜃徙謠光恠四注射我亦志齊諧聊供一笑劇

池上樓詩贈張文乾孝廉

茲山亘萬古閱人如傳郵如何到康樂始登池
上樓樓前千仞壁烟鬟橫素秋雲木自經緯下
映池光流想見雙蠟屐時來池上遊池草古猶
碧巖雲今尚留去此千餘年依然落君手一片
青蓮花忽墮尊中酒洗剔蒼玉屏頰之在南嶺
山響荅笑談如對平生友精藍嵌雲根石扇鏤
房剖朝昏鐘梵生枕上法雷吼野色連石橋斜
光動林藪倒影明鏡中行人帶疎柳興來支瘦
筇拄上東南阜下見千里江矯若游龍走明月
出松間顧影還成偶題詩繼昔人寧羨昔人有

卽事信可樂豈能謝風塵未免謝東山捉鼻語
夫人出處亦何常所貴能清直達者領其要功
成合抽身早試山玄珮還君澆酒中無今謝客
兒姓氏垂千春

司理高公祖見示翩翩之什蓋繹詩人翩翩者騅之義而作也奉呈一首

惟昔欣懷英行役遵太行反顧望親舍悵悵孤
雲翔抱此一寸心凝爲百鍊剛及乎相牝周神
器終歸唐悅若薄蝕際再洗日月光君侯天中
秀儔聲起中鄉爰典外司寇理郡甌海疆百城
樹風采千里熙春陽靡臨典需歎有懷不逞將
感彼風人旨著此翩翩章再拜繹斯義白華其
水芳肆擴錫類仁永言思遐方於鏐我羣后老
治軼百王褒封有殊典金泥燁斯皇侯也抱嘉
韞嘉運當休明況承穎川績差肩古循良願
播芳烈德崇名益彰臣子秉忠孝庶幾兩頌
無讓古人業千秋照縑緗

送王昭玉文學應試

白馬如游龍迅若一疋練蹀躞向康莊驛驕復
誰先君寔阿戎儔目光炯如電藻思敷春華展
也瑯琊彥器重昆丘珍材標會稽箭已表南國
奇行登北海薦一緡聊贈君託意鄒長倩

寄懷俞羨長范東生予以甲辰歲取道榆
林二君餞予於吳門舟中

神契諒斯在嘉期難再并夙昔展良晤會餞亞
字城高譚吐瓊屑芳尊瀉蘭英簞羽念同集比
竹憐同聲游子卽長路扁舟忽遙征歲往意不
淡跡曠情彌嬰俞子勤編摩著書方告成范生
類徙陶揮金不期盈蹇予安拙劣驅車返柴荆
獨往安所慕依依惟友生霜露日蕭屑願言保
嘉名

過宿施天治太學兄弟齋中論舊詰旦復
爲前倉黃公洞之游賦此爲贈

逢君昔何所乃在澄江潯緬惟先君子江城佐
鳴琴九苞蔚三鳳琅玕問璆琳君才天所冶赤
堇流南金躍作蓮花鏐瓊瑰以爲鐔龍文燭十

斗聲價騰天琛兩都事游矚風華傾藝林遂令
六館士挂轡來駿駿一別動十載檄書幾浮沉
何意燈火夕文尊論夙心倦言命蘭羅共歎雲
中岑洞壑暢玄覽溟漲窮窺臨幽勝旣欣賞故
人況追尋明發耿中懷海嶠俱高深

途中懷吳德符

駉駉車馬道前臨廣川陰巖挹清泠淵仰披
樹林下有貫濤鯨上有雙栖禽出門各有
庭日侍尋故人時不存誰爲濯煩襟何當
具同登玉山岑

汲古堂集卷之七

東甌何白无咎著

七言古體

五峯菴

江澈精藍太蕭爽五峯高摩仙人掌東林日落
萬松寒南澗雨殘百泉響老僧相對無一言古
堂掩靄蒼藤昏夜深月出山路白竹外春潮自
到門

傅明府宥座器歌明府先文敏公爲宋名

臣敏器賜自尚方爲漢元光年物

傅侯家藏宥座器自言傳自文敏公火德寢微
趙祚薄公也赤手撐蒼穹當時賜予留此物世
家徽烈垂無窮發函罔罔光相射土花翠奪千
峯碧金粟微茫蹙海濤勾闌宛轉參義畫憶昔
承恩出尚方天球翠釜爛齊光昆丘烈燄俱灰
燼金馬銅駝蔓草長風塵瀕洞平臺下汴水流
枯飲胡馬麒麟石冷寢殿空鴛鴦霜裂官牆瓦
細看依微留欸識蟲魚半餌元光字山堂注水

一試之辭漢銅仙淚仍漬臨風太息三摩娑
侯翻作歌器歌周宣石鼓文已泐岫嶼禹刻空
嵯峨郊廓之隅久寂寞乃知此物神應訶先王
烟戒垂萬世傅侯寶之有深意奕葉千秋表來
裔絕勝範金盟帶礪

谿堂對奕歌贈小鄭鄭豪於酒

永嘉鮑髯奕中聖李叟方生亦超乘誰其後來
陳與鄭鄭生晚出益趁趁汗血兒駒故驕騁溪
堂虛映南山麓清閼蕭蕭萬竿竹竹日流輝動
幽巖坐看飛鴻天影綠雲根一局何可無愛聽
天楸迤哀王方罫魚麗布六花左盤右感常山
蛇幽并小兒射鵰手漁陽老將柳生肘灌夫賈
勇能爭先闌入吳壁無前堅有時佯敗棄旗鼓
漢幟初驚趙王虜西道又聞短兵接陣脚斜飛
風颯颯一夫當關搃萬夫棧閣不通千騎合六
國合從來仰攻祖龍揮鞭鞭羣雄虎啖六合須
吏空忽報簾鉤西日落拍手推枰笑蠻觸主人
綠尊良夜開鯨燈鼉鼓行相催鄭生不獨善心

陣更於驩伯能投分三百何須橘中樂十千立
盡宜城醕角勝頻呼力士鎗登壇亦剖通侯印
瓦封除是醉鄉銜賭守還須酒泉郡

竹林飲酒歌贈項季興

造物有礫裂控搏或爲人酒星忽墮甌江濱化
爲項季子昂藏出風塵在唐爲李白在晉爲伯
倫餘子碌碌何足論卽有飲者非其真季子南
山有茅屋繞屋蕭蕭萬竹入徑吹香釀新熟
酒池千頃蒲桃綠林間笑坐四五曹一飲旋能

傾十斛膏騰不知西日沉瞥見垂蘿影明燭渾
忘狂客若處眠間有侍兒甕邊宿夜深月出星
滿天池上松風吹謾謾牀猶自濺濺鳴時與
松風相斷續小聲清注水簾泉大聲急瀉匡山
瀑繞池行散動林霏樹杪朝光映清旭壁間尚
有墨淋漓醉態縱橫不能讀南山當面青濛濛
何可一日今尊空接離嬾著已三月贏得小兒
呼禿翁項季子眼中之人吾與爾江東米價爾
張目塵世風波吾掩耳商畧人間何可喜破除

萬事無過此劉叅軍李居士捉月亦偶然頌酒
短章殊有旨爾無塊壘安事澆入脣自覺消泥
滓鍊成醉骨輕如烟騎鯨好待長風起

追賦壽宮扈蹕卷贈唐華濱公公時以大
叅治兵甌括昔公爲民部郎扈

駕萬壽山繪圖紀遇暇日見示敬有此述

碣石傀俄開赤縣萬壑千峯繞京甸月樹星榆
共蔽虧卿雲佳氣相蔥蒨太微華蓋切神臯仙
路瑤池開別殿離薨天矯美人虹珠網逶迤神

溪古堂集卷七

女電虹橋流水古桑乾馳道平鋪白玉寒翠撲
芙蓉環御宿陰連松柏映星壇雙龍繡閣雲中
出百雉佳城樹杪看睿藻穹碑盤嶺鼎翠華羽
騎綴鵷鷺諸陵迤邐連銅爵金粟堆前喧乳鵲
夜月長聞瓊珮聲殿輪或度咸池樂今皇別築
萬壽宮蓬丘寧訪千年藥金芝珍草更紛葩瑞
靄榮光故盤礴守龜卜日出嚴城六龍肅駕羣
峯迎副輦金根隨日轉侍臣寶馬踏花行雄鎮
陳兵排虎旅羽林擐甲動霓旌爐香曉藹凝仙

霧天樂飄飄上紫清帝所雲霞通宿夢弔湖弓
劍軫皇情更向新城事游囑柏寢椒塗錯珠玉
重輪帝日麗扶桑千載乾符膺寶錄宣監朱提
賜近臣尚方珍饌傳光祿未論穆滿黃澤謠詎
言漢帝橫汾曲唐侯曾忝侍從班望入清塵扈
蹕還願效葵心傾日赤朝朝長得奉龍顏

七夕有感

兔能管窟未爲狡鷹欲攫人那得飽人間半點
須半癡謾向天孫頻乞巧君不見東家錢翁心

汲古堂集卷七

五

計多猶恨生兒不了了

戴嵩畫牛歌

戴公淞東老從事筆法遠師韓晉公當時曹霸
亦畫馬神妙生動將無同細觀此圖足奇致毫
端縑素驅天工郊原平碧芳草短一夕青皇翠
新翦柳絲牽地紫晚烟斜日江南春水滿駁牛
勢逸那可羈牧兒不得施鞭箠踉蹌逐勢莫
及手中斗笠迎風歌滿堂烟雨夢林樾悅披撥
襖來東笛一縑何物能千古閱世流傳不知數

華屋吹殘牧笛風荒臺幾換耕犁土雞栖鼠壤
幾沉埋猶有精光照尊俎戴公戴公隨意掃豈
知異代人爭寶妙義誰從象外傳一技可觀寧
小道欲知酥酪出醍醐須食雪山肥膩草

道存上人東游吳門雅習周公瑕王伯谷
二先生茲有天台鴈蕩之游訪余山中因
以長句爲贈并訊王周二丈

存公標令如支郎身上水田薰戒香心宗妙契
語言外別鑿天寶開靈光瓢笠東行復何適南

汲古堂集卷七

六

朝古寺長干陌伊蒲朝供王珣家石燈夜坐周
顒宅周也捨身牽堵波王持半偈稱頭陀迷淨
差可擬支許和歌謬謂當羊何飄然仍振曹
錫沃洲天燒摩空碧天台一萬八千丈華頂飛
霞搖海色桃花澗水合猿聲桐柏官壇行虎跡
豐干寺前落葉黃嵐光曉暖寒山夕偈成曾進
異人參梁間半滿留殘墨竭來更踏靈峯月彷彿
我眉夢中雪草荒寶座詎那菴苔封金薤先
朝碣琉璃井塌海眼枯芙蓉塔古珠輪沒浮杯

忽渡白鹿城東林落日尋何生南宗密印受開
示針芥似契生前盟中宵禪鋒露機警行空神
駿搖鞭影參破明珠本在身覺後黃金寧再鑛
十日繩牀意已深南還苦憶龍池境來去金繩
路不迷含情相送重淒淒更語故人焚筆硯好
從圓藏乞金鏡

送黎將軍從典轉輸北上并簡王恒叔參
知

君不見直北王師事征伐赤羽徵兵向南越遼
遠古堂集卷七

城猶閃漢旌旗懷遠初開秦日月江南荒稷困
征輸萬戶薦饑民力竭天下江南邊餉多柳長
三月渡黃河丁男上瀨費牽挽萬艘銜尾愁風
波舟人爭避桃花水勞者猶翻瓠子歌黎侯或
胃起文學十年不調居甌駱紫苔欲繡綠沉
白虹閒臥青蓮鏡中丞昨下尺一書須君轉換
甘泉票護羌部曲識王遵都尉行間見朱博憶
從去歲訂島夷厭見腥風海氛惡父老親經戍
年年夢裏猶疑夜吹角羨君方畧太精練日集

材官工水戰龍驤天上擁樓船魚麗波間組
練卽看縈帶却九攻豈獨干城當一面吾邦槍
纍君是倚君胡爲今條千里司農國計在邊鄙
努力功名從此始嚴霜滿地鴻鴈飛耐可天涯
別知己瑯琊使者東諸侯赤城一別七經秋道
經濟上倘相見爲余問信平安否

木父齋前歌爲木父賦并序

木父齋前一峯高十尺許畢具洞壑文理

紺碧迤而旁睨杌然一朽株也蓋自海上

汲古堂集卷七

漁者網得之以歸木父木父常十日不出

戶日散髮孤獻其下以爲有得一日觴予

且大醉屬予歌予爲之歌

老槎千年墮江水化爲何物輪囷截巢而窵窪
然俯如渴猊飲寒澗翔如快鶻搏青天霽如陽
厓明積雪晦如陰壑浮空烟鬼工斲就蛟龍窟
纏纏峯紋開突兀蝸迹俱成赤蚪文矚房半作
玄駒埳倒影時交雲葉重迴颺幾恐冰花折揚
郎早帽白方袍攬肩吟望秋空高夕陽波光鬬

寒碧疎籬樹影銜庭臯此時楊郎命尊酒摩挲
顧謂何无咎吾山不假愚公移一片崑崙落吾
手飲君之酒君放歌雖朽藉之能不朽何生耳
熱氣益振峯前澆酒呼其神木居士石丈人是
耶非耶孰偽孰真身已隱矣奚以文好奇無乃
戕其身君不見櫟社木千條萬幹高承雲物以
無用者辭斧斤

王時可文學襲錦衣北上

崑崙雙玉樹皎皎如王郎腹笥千軸開琳琅子

汲古堂集

卷七

九

弟之間見王謝皇王之畧談虞唐圖南萬里起
鵬翮無前四足看飛黃江南九月聞砧杵颯颯
枯林夜吹雨王郎結束北游燕白馬銀鞍照江
渚酒酣慷慨神揚揚膝前按劍蓮花吐金吾伏
飛輦轂臣王郎矯矯羞爲伍王郎勿太息我且
爲君說學書學射粗得名何異天門光列缺君
不見夫南海之蜃龍呼翕莫致膚寸功坐制一
壑將與沙蟲同阿香一夜扣其角驅雲八表鞭
豐隆先朝司諫君大父吐氣徃徃成長虹海壖

憶昔賊干紀公也奮迅摧其鋒運移事去寶刀
折天縱嬌子厄乃公國殤猶自語深夜英靈長
見來陰風赤心俠骨雖已矣壯士聞之髮上指
獨留片石在燕然此日莓苔待君洗男兒生具
七尺軀策名金石真雄圖徵輸南北困邊鄙
天子亦念狼居胥乘時努力振前烈能令解辦
歸羌胡肘後囊橐彈金鵲袍朱紵紫階前趨人
言衛霍爲老革無乃賈董爲腐儒男兒變幻無
不可汨沒胡乃隨區區歸來紫塞秋雲孤四垂

汲古堂集

卷七

碧漢如穹廬轅門燒燭集詞客輕裘緩帶可以
談詩書王郎王郎毋忽諸

偕劉忠父飲王恒叔舟中

青牛谷口畔蒼雲白鹿城下逢使君使君卜世
住桐柏朗陵僊令金門客胸臆橫盤五岳蒼眉
稜倒瀉明河白星槎翩翩落海隅相與斗酒澆
菰蒲是時明月出海樹萬峯突兀天糊模弄珠
不少宓妃出翼舟疑有羣龍趨夜深長嘯興不
孤君言兩生真吾徒何生可當一上駟劉生足

靡千雄夫使君手掣青珊瑚醉探驪嶺海色枯
卻走圖象愁天吳眼中作者不知幾誰復登壇
執牛耳風雅空揚東海塵英雄半逐中原土看
君直是千載名要言眇論何縱橫嗚呼卽今此
江爲帶山可平兩生者足以垂芳聲

同朱在明張邦粹王季中宿僊巖清暉樓
曉起尋梅雨潭雷門龍鬚瀑憩休糧伏虎
二菴登絕頂望海上諸山作

深夜宿清暉蕭蕭晨躡梅雨陰風瑟瑟吹洞門宿
鷲飛嵐互吞吐散髮送冥鴻赤脚踞石虎掬滄

浪今浣塵纓擷紫芝今出岳戶朱公矯捷如清
猿張郎苦吟如寒蟬王生何生較奇絕手挾蒼
藤凌紫烟烟開徑轉孤峯出峯頭亂石流泉活
風習習今行飄飄心怳怳今坐超忽上逼蔚藍
天下瞰蛟人窟石峽長吹太始雲碧潭寒酒千
秋雪天門一線開璣璣淵淵雷雨行秋空空青
映水碧瑤室開珠宮峯峯秀色搏蒼鶻澗澗秋
聲生日正勝亦不可窮清興殊未極狂呼手中

危坐踞水中石酒酣耳熱氣益驕穿雲忽轉山
之均翠屏一片開水綃髻獵獵騰玄蛟摩挲
舊碣書年月昔人姓氏苔花沒休糧居士垂空
名伏虎神僧遺腕骨千載無論身與名人生快
飲差稱達寄謝山靈下山去海色蒼茫墮烟霧
一鶴橫飛海上雲問訊安期一槧素

送劉公與道由鴈宕天台還江右

江南米價粒爲王劉生獨游滄海曲復誰下士
過式車空自雄談能炙轂嗟予抱病類子桑蓬

版古堂集卷七

七

翟蕭蕭隱邁軸君獨胡爲愛清狂足音楚然響
空谷日憑裴几供一編晚對青山同半菽出門
款段復首東跋予望之空彳亍君有陸離雙寶
刀何以淬之鵬鵠膏君有綦組五色綺何以濯
之錦江水唯有鴈山橫絕凌蒼蒼赤城霞色飛
石梁羣真隱見紛相望招邀倘遇赤松子爲乞
金書辟穀方

戊子中秋予生二十七度矣舉酒自壽戲
成短歌并序

歲月易道志意不廣紛如六籍汨沒無成
膠膠有生乃滑於物將管糟丘子托於茲
老焉

呼汝名澆以酒長生木瓢爲汝壽今夕何夕又
三五汝年何年已三九憶昔無家太劇顛耳熱
悲歌拊額缶只今有家太劇貧婦服豈諧操井
曰人生快意逐兒曹風昔紅顏等風柳心長已
非十載前短髮寧論十載後沾沾無乃狗空名
兀兀胡爲於散帶卽令羽化跡已陳轍有遺言
肯俱朽落日封狐跳故丘當時印鵲曾縣肘人
且爲身作贅疣物亦由天作狗得失從它司
馬占沉冥但指尚書口大兒伯倫小季鷹九原
可作爲良友拍浮三萬六千場醉來託宿無何
有

題金碧山水

宛宛垂楊翠堪把翼翼飛覺俯平野妖童拍手
白銅鞮俠少行鞭紫騮馬將無寒食灞陵東可
似春風洛城下

龍谿小隱歌爲王恒叔給事賦

清谿淵淵搖碧空曾傳龍子珊瑚宮兩涯渾莫
辨牛馬二儀恍若開鴻濛陰風蘋末吹許許萬
籟羣靈自相語弄珠月下游宓妃牧羊風髮走
神女草堂突兀半烟霧舊是使君讀書處使君
攀龍登紫宸虛枯能令天下春膚寸曾將作甘
澍赤手還看批逆鱗雄心瀟灑莽無奇乘槎重
探天河津預掃谿頭一片石遙睇羣星朝北極
功成天上蚤拂衣釣磯不向君王乞

鄧翁耳聾豪酒善射覆樽蒲

鄧翁天矯人中龍負俠大有夷門風結轡能令
漢廷尉攬袂曾逐浮丘公秋風社酒薦佳客射
覆呼盧時破的大叫還看扼雉梟奇中頻能探
蟬蛸世人貴耳乃蓬心翁也木雞自全德青谿
婆娑八十春枕流不宛人間塵掀髯一笑各冥
會余亦與翁皆異人

恒叔齋中逢徐伯楮伯楮善鼓琴

南州孺子都門客夜過使君慨今昔都門舊事

宛可論風塵。須洞白日昏。使君一言反。齊魯
鬻虎豹。盤九關。翟公門前可羅雀。國士何人
報恩徐。徐郎獨挽單鹿車。車傍側挂酒一壺。看
意氣各慰藉。道逢魑魅爭。擲揄徐郎徐郎得如
此。世人酸醜徒爲爾。專諸蕭政非壯士。而曹自
爲千金死。吁嗟子舉世但知徐郎鼓琴能令四
文。淚承睫。說劍不恥有蹊之目。攝男兒有心人
不知。更輕裘五陵俠。

同龍君御使君過劉忠父齋中作詩歌行

汲古堂集卷七

十五

我爲楚歌若楚舞。空堂淵淵夜。擗鼓倒著岑。空
影。使使歷亂燈前。劍花吐赤虹。寒射酒色殷。
薄。之。光。下。照。空。左。抱。孔。文。舉。右。扶。楊。德。祖。快。意
還。北海。縱。飲。姑。且。獵。南山。虎。息。陰。不。息。更。不
陰。丈夫不流。從寸心尋常。七尺頗凌勵。三十一
官非滯。淫片言便貴。洛陽紙隻字能賤。秦城金
舞且休歇。奏閣萬里寒雲天。突兀醉瞪雙眼何
太憨。千古冥心坐超忽。

同龍君御再過劉忠父齋中放歌

酒盈尊。非君之故。將安適。君不見。座中僑。矯子
大夫二十領。佐專城。符字挾風霜。大塊寒手探
明月。滄溟枯一辱。泥塗騎馬出落魄。日擁高陽
徒醉敲如意。誦天問。男兒有身亦何恨。意氣窮
來我輩偏風塵。失路黃金盡。劉生軒渠向爾言。
昨日霍官今日關。田家力作苦相勞。荷鋤種豆
歸南山。生也生計差自足。先生且據便便腹。明
朝有酒能復來。家人莫問鉗中粟。

汲古堂集卷七

十五

同黎從典周文美王季中劉忠父楊木父
集龍君御知白齋分體得歌行

水寒靈氣宵。瀉長蕭。蕭樹底飛嚴霜。光搖巨
酒如乳。輝吐鯨燈夜。初半笑拍周郎肩。臥就
郎股。楊郎聽我碧落詞。黎侯且停鳩拂。舞。已
子東魯生。爾生幾何時。僊骨今已成。梅福元非
漢小吏。安期寧爲楚老兵。君不見天台卿雲敞
靈界。鴈宕倒影搖方瀛。中有羽人之福庭。玉京
十二樓。五城碧桃千歲芝。九莖子能食之。令身

輕氣孔存兮悅有物道可受今不可名驂雄虹
今駕赤豹嗽朝霞兮游紫清天上巫咸幾迴苑
六鰲骨霜東海平豪華決背若列缺富貴朝榮
同薜英下士聞之乃大笑游戲蠱睫如焦冥
戲吁游戲蠱睫如焦冥

歲晏行

出門復入門今夕復何夕東家坎鼓歌送神高
燭華堂光燭絕西家置酒會比鄰阿翁起舞兒
行炙回眎盎中無斗儲寒突無烟塵四壁妻兒
泣古堂集卷七

背立默不言丈夫何以共其職爲文逐貧貧
若吟詩驅愁愁轉劇欲除斗酒強破除豈有百
緡償舊直起來自笑還自嗤古人三旬九遇食
長年能不厭蓬蒿半生幸未知兵革俛首寧爲
女子羞低眉肯下屠沽色未必公孫念布衣浪
聞皇甫尊縫掖有身七尺差自強時來或假垂
天翼君不見門前負荷者誰子雪行赤脚猶絺
綌

周服卿百花帳歌爲郝明府題

國朝以來盡花鳥氣韻生動誰擅場林良呂紀
爭鴈行逸品獨稱陳白陽近時服卿亦好手
商或出梁周昉吮丹含墨落縑素風神露態
毫芒翠幹亭亭望猶舞繁英灼灼疑飛香紫苔
錦石照文雉金塘白水浮鸞鴦恥與凡工鬪華
縵疎烟微月開蒼苔
范含意
七寶珊瑚長春嘉文綵紫霧使君政簡
訟庭閒花影滿牀正高臥勢舞曲江春宴歸馬
泣古堂集卷七

送劉長孫北上

劉生家聲出東魯二十駘駘氣如虎不獨爲箕
讀父書已見斷輪繩祖武只今詞臣登赤霄
薄介冑如升髦年少青雲起經術卽有備
鴻毛漢代侯王出屠釣寧知草昧皆賢豪承紹
子弟承平久不事詩書事聲酒壯士寧爲兒女

憐英雄自歛風雲手飛龍天馬何代無不還
良甘頰首憶昔先將軍揮毫萬人敵草檄未論
陳記室使酒常輕程不識一時意氣吹白霓
不逢年悲失職簿籍誰收上黨功僕姑但射南
山石哀歌慷慨激陰風夜半彌體語沙磧吁嗟
往事欲沾纓一貧一賤憐交情江干賓朋同惜
別我獨低徊待君發不愁行路逐炎歊一匣蓮
花照冰雪

題大若岳赤水洞圖歌

汲古堂集卷七

十九

大若巖巖連永寧洞門石扇中天橫朱孺昇仙
有遺跡紫厓兀與孤雲平華陽真逸著書處日
光倒景開霞局中有赤泉泚且清丹砂涌出浮
寒泓靈籟曾吟鬱未吐漸與牝谷相琮琤山中
老人飲此水洗髓伐毛身較輕玄芝紺草紛蘊
靡餘潤如乳凝瑤英我曾撰杖一宿此便覺謬
謬神飈生夜難松肪坐岳下僊鼠撲人如雪明
曉謀深入徧歷覽足傲昆閬卑蓬瀛一辭真境
動十載未能唾涕兒與嬰名山奇人兩相待方

外未冷雲霞盟朱陶二子倘冥契應遣白鹿行
相迎

壽周公瑕先生八十

江東夙昔振風雅翁也登壇和彌寡只今人文
日零落轉見孤標映寥廓闔閭真氣眇以縣靈
光突兀仍巋然豈無煥絕照寰宇東陵裘馬青
門土鬚眉蕭颯橫秋霜花間初度春載陽淮陽
一老不臣漢南極老人應壽昌千載風期起縫
掖龍門社中虛左席漢庭丞相舍蓋公鹿裘弟
汲古堂集卷七

三

子師文眷憶昨徵車來洞庭簸蕩少微不得寧
河渠書傳太史筆胡天墨灑燕然銘先生嘗受聘朱司空
河功志感大將軍邊城碑霞飛岱宗渤海紫雲開恒嶽蓮花
青萬古精靈泣光恠嶧山片石中郎經風雷時
掣蛟龍紐呵護應煩鬼神守已看著賦準長庚
況復藏書窮小酉予攀若木江之湄東向壽翁
金屈厄更因珠樹雙青鳥遙寄仙人碧落詞

醉中贈崑崙山人王叔承

世人飲酒不知味我獨愛君真善醉醺然自放

不關渠間發清機獨超詣近來長句得三昧心
融境到翻游戲法同韓虎梨花槍向風跳盪皆
如意文章有神道在冥相示無言得真契安得
攜君太華頭一振遺音滿天地

兩華山房歌贈蘭陰祝無殊

金華玉華相競爽雙峯對撲仙人掌蘭陰狂客
奄有之向我還稱兩華長我聞真錄紀金華石
室珠庭松子家雲君烟客條來往班麟赤豹騰
威車露披靈草枝枝王日射芝林樹樹霞洞門

蘇詩集卷七

正

詩餘宵莫測飄風忽墮天壇花又開玉華更標
勝絕壁寒潭隱天鏡泉涌靈砂丹氣溫波吞初
日珠光迸虎嘯遙聽風吹林鳥飛不辯雲來徑
高真樓閣架可數有時空翠來鍾磬雙峰奇狀
不可名帝命乃屬蘭陰生前身或是黃初平
記鞭羊叱爲石至今萬角橫蒼坪還尋舊跡
茅屋桂楯蘭楊交兔迹雲間瑤畛課龍種月下
嘯田呼鹿畊近來不合工長句風塵誤踏人閑
路穿天鏤月真宰怒欲遣夸娥負山去壙埃從

刺難爲儔何如歸守青山臥送君歸兮山之阿
橫江日暮多風波文章古來帝所惜眼看我汝
無顏色臨岐爲賦兩華篇飛電繞梁雷破壁

白門送林逸民先歸永嘉并簡諸同好

石頭城上風夜吼石頭城下江聲走時序驚心
旅食中東南多故流亡後風波奄忽去住難天
涯兄弟同杯酒酒畔高歌阿鵲鹽壚頭愁折藏
烏柳秦淮潮上花滿煙花底女郎彈管弦林生
不飲心茫然忽憶去年寒食邊鶯曉碧窓花葉

汲古堂集卷七

正

綠朝擁細君方晏眠興來忽振俗宗策輿蓋卽
買山陰船我留君歸各揮手風塵同病窮相憐
聞道長安大搜客樓上美人笑綰掖竄名海上
廷尉書托跡間從袞蓋匿跂予望之涕交臆因
君一寄東歸翮東歸故人樂事多春風日日相
經過縹碧江瑤映晚盞鵝黃社酒吹微波此時
對酒倘相憶北向吳余金叵羅輪蹄班班涉遠
道儂道不如故鄉好挾雌舐犢可忘饑屠狗釣
魚差足飽

春夜同謝少連曹子念梅子馬梅泰符

季中集楊姬微波館贈吳翁晉

因來枕葉渡夜上秦淮柳底雙扉夜沾酒馬

門外風蕭蕭江左風流傳月露南國佳人翻

一樹梁塵倒飛連袂歌墨潘亂翻題練句就中

軒軒吳季子天半飛霞照茗水談鋒疑授帳中

書賦草能傾洛陽紙千秋氣合信有神一片雄

心爲誰死君不見都門操觚爭鴈行人人自得

雄爲王翡翠蘭若飾容態珊瑚鍊網沈光芒予

亦東南同越產瓠落風塵雙白眼少年睥睨劍

術疎家人譌笑時名晚吳季子尊前酒滿百不

辭有情那得無悲癡龜頭剝落蠶尾滅身後安

用文章爲不如醉攤秦淮女四時猶能歌白紵

一夕爐頭足千古

同季中登任城太白酒樓放歌賀知章嘗

爲任城令與太白飲此

雖門望鄉幾千里夢魂飛渡錢塘水一夜長風

挂峭颿曉望濟河流瀾瀾明霞倒影動女牆月

宮雉堞遙相望季真太白昔游處高樓標出層

雲長想見伊人清風僊僊欲冲舉野衝指顧直

與岱岳相低昂噴礴灝灝氣睥睨大荒西弭若水

東拂扶桑吐吞渤澥爲杯鐺倒翻河漢驅毫芒

笑摘驪珠九淵底纍纍穎縣清光我輩遺蹤

已千載爾躡金鼈不相待龜蒙北望接徂徠馬

陵東走臨瀛海阜陵滄桑有是非金石何能駐

精彩吁嗟此事難重陳池臺宮闕幾迴新昔時

編穀園歌舞今日羊牛散禾黍英雄魂魄不可

招玉杯銅駝莽無主王郎王郎大清舉慷慨

懷我與汝有身七尺百不憂寧辭此夕酣高

燕姬塵曼善調笑婆婆起舞揚清謳葡萄笑

北平口笙簾翻出西涼州吳綃裂作錦纏頭如

意盡新詩湖鉤曲聲繚繞入寥廓狂呼明月青

天愁須臾海底飛天鏡一道寒輝破烟暝酒罷

因之發高咏暮下荒城酹一杯君不見青蓮居

士謫仙人四明狂客任城令

太白樓讀王恒叔詩慨然有作因憶天台

舊游劉忠父陳大期皆化爲異物時恒叔
以司諫外補粵西觀察

任城落照平蕪夕起酌椒漿呼李白朱甕縹瓦
照城闌鳥外冥冥遠天碧荒碑斷碣臥林林剝
落龜趺燹無色孤光忽迸夕郎詩差似寒山一
片石憶昔尋君過赤城烟濤鼓柁窺東瀛天低
海樹殘霞明瀑流喧歷河漢傾華頂秀出摧紫
清海日欲上天雞鳴手翳紫芝笑披拂瑤臺石
室相縈鬱龍嘘寶壑石潭寒虎嘯空林山月出
汲古堂集 卷七

酒酣起舞歌嗚嗚激賞繞牀敲唾壺劇語蟬聯
不知曙門前楊柳聞曉鳥我騎白鹿還江渚君
向金門謁明主謬謬翻令世不容一官遠渡
翎浦袖裏空留三載書雲中難寄西飛羽陳生
劉生條爲鬼撫事悲歌淚如雨我聞八桂鄰夷
窟勁弩長弓好馳突撫綏須用出羣材繡斧煩
君開百粵伏波銅柱炯未磨洗兵應借蠻王血
念茲夙昔同心期側身萬里令人悲清溪重來
亦惆悵長江恠底名相思相思江在粵西過眼
惆悵溪在天台

勛名亦如此遲迴莫待車生耳早晚相將雙闕
間采真共鍊金鸞蕊

邵少文投以長句乞予作畫口占奉荅

君不見李唐鄭虔稱畫師拓落一官無馬騎酒
錢時乞蘇司業詩句空傳杜拾遺又不見近代
唐伯虎月明蒐冷桃花塢一坏雲封處土墳千
金價涌雞林賈古今作者何紛紛強半埒堞經
其身乃知造物亦憎命豈獨詞賦能窮人當時
饑寒人不惜後代好奇皆耳食心苦平生祇自
汲古堂集 卷七

知名成千古終何益何生艱難太痴絕盤礴揮
毫思超忽曉來偶作山海圖生動螭螭元氣裂
斐亾欲飛峯頂雲輝映長含巖際雪起來自咤
仍大呼山妻孺子爭擲榆寒突無光烟火絕百
錢斗米炊明珠紀叟壚頭酒如乳無錢繞簷空
將鬚爲文不能逐窮鬼郎工練素胡爲手吾聞
此言但撫掌邵生詩來還激賞桑皮乞我寫秋
山欲令動操山皆響我笑邵生安用此豈若真
山與真水署名紙尾最寥寥乃是江南一男子

邵生謂予聊復爾不妨給酒日三斛爲君作
龍湫瀑

客上庸徐公子斯達招飲元和觀地有呂
公洞白雲厓諸勝跡

上庸峯巒開腰隄星聯井絡西通蜀刀耕火耨
上皇風瓦卜鄰占荆楚俗青眼驚看徐伯子片
語論心薦明水幽蘭孤生空谷中赤珠炯照重
淵底西郭名山並轉游斗酒相歡破羈旅錦屏
高掛天半青寒波踏馬風冷冷松下巖扉吐朝
霞溪頭寒石沉秋星呂公洞裏元和觀燈檣
楓蒼崖斷移尊列籍俯流泉擊石高歌日將晏
明發萍蹤隨所之爲君臨登重遲遲白雲厓下
看明月江海悠悠寄所思

吳門逢項伯紹監州猶憶去歲與伯紹從
燕市平康中言別

昔逢何處燕臺下萬里黃塵眺原野客愁紛逐
木葉飛斗酒從君對傾寫酒酣並繼白鼻嘶五
劇門前阿那家風吹烏柏曉晚鴉胡姬十五雙

碧紗越羅吳綃凝紫霞隔窻手語彈琵琶水弦
流指月如練珠斗錯落明河斜麗甌滿堂客盡
清尊躍起按漁陽過此時誰解嗟天涯我送飛
鴻下東魯君亦之官向南楚斷蓬飛藿隨秋風
風昔心期渺何許今年旅食淹吳會不分逢君
遂此地憐君落落獨開顏值我栖栖方失意一
掬風塵劇孟心再收岐路楊朱涕金芝玉樹非
凡柯歷落欽崎本僊吏伯通橋畔弔鴻梁闔閭
城下尋梅尉兩度逢君又隔年嘉遇千秋誠不
易君今新命拜監州簾下青山臥閣幽玩世一
官聊偃仰名家爲政亦風流刺船共遲朝來發
感舊撫時生旅愁燕市琵琶吳市酒思君飛夢
武昌樓

將渡靖江訪朱在明光祿王百穀先生以
長句贈別奉荅一首

我昔漁獵橫春澤悠悠忽忽無所求胡爲乎身
騎土牛滯吳市幸舍無魚彈蒯緱浪聞皇甫尊
縫掖豈有臨邛重賓客我行旅舍柳花白風

城南近寒食宮鶯曉殘桐葉長又從鄰女縫紵
綵白馬小兒期門郎胠篋忍堪爲盜賊落日樓
烏行旅單悵望南雲歸未得廓落風塵小吏輕
遲迴踪跡監門識結交未信是錢刀壯士寧知
少顏色憐君磊砢吳門豪一掬華陰拭寶刀爲
我哀歌擊如意爲我勞苦澆濁醪因思去歲曾
經此兩度尋君當上已分攜北走黃金臺馬首
長風沙齒齒曉踐嚴霜上薊門夜履堅冰過易
水燕昭池館生旅葵荊卿酒壚沒禾黍黑貂蒙
茸刺漫滅執轡何人似公子還家三月突未黔
出門千里衣猶渾人生好游知奈何低眉覩而
徒爲爾江東朱季我故人繞屋栽桃疑避秦百
丈清江開水榭千章夏木礙藤輪前日飛書問
行色早艤青雀江之濱臥看風雲寄舒嘯臨流
且浣人間塵槎頭縮項賤如土彈劍得魚何苦
辛輪蹄班班問南北何如歸煮青林石叱牛且
隨沮父耕絕糧不向監侯乞年年歲歲耐思君
柘屐櫻鞵寄相憶

長干逢朱唐卿話舊

憶昔與君十八九健似猓原追免狗長記東林
古佛廬雨響寒塘夜沽酒出林閃閃動孤燈隔
水蘇蘇照疎柳徑微竹密垂露繁燭滅相呼失
先後更分佛火始析薪濁酒初溫夜已久有時
赤脚走寥廓斷崖千尺臨江陡遙看萬頃涌波
濤頽瞰羣峯眞崕嶮狂呼明月海上來嘯聲高
應鼉鼉吼歷落欽崎駭世人咿嚶翫鷺鷥却更
廿年已往等電光一呖還同吹劍首中間消息
幾升沉南北風塵各奔走失路相逢共嘆嗟覽
鏡形容俱老醜形容老醜君勿嗔當時豈少平
生友半作山陽笛裏人墓草芊芊骨應朽君今
折節方下帷便覺聲名滿人口長門雖乏賞賦
金邦溝已載當壚婦我曾早卜東渚居一片翠
屏時在牖披髮入山君未遲過眼浮雲我何有
洞門寂寂長蒼苔有待青林日攜手黃綺由來
稱外臣龐公秬合依南晦糧糧不繼有禁方預
築水碓春雲母

汲古堂集卷之八



東甌何白无咎著

七言古體

阿母謠

北堂鸞管吹鸞曲，海霞凝夜裁春服。
鏡掃天邊白玉盤，颯沓秋霜掃蛾綠。
阿母瓊筵俯八荒，寶婺垂輝五雲族。
歷歷寒芒映白榆，城頭江色近蓬壺。
三危露醲仙郎醺，千葉蓮趺佛母圖。
東方先生太無賴，袖得冰桃還入拜。
共看走馬東海濱，不獨長江狹於帶。

客長干寄朱司理

春風躡屩登華頂，首夏披雲臥龍井。
鍾陵秋色復留人，六朝四百招提境。
殘雪淒淒歸不歸，羸馬獨吟江上影。
江上形容麥裏家，故山離弄舊煙霞。
遙憐散吏應多暇，侍史抽書護碧紗。
池迴臺迴千峯出，逕轉亭空萬竹斜。
賸有清香凝燕寢，可忘東閣賦梅花。
花信愁看歲華改，日送行雲向東海。
明年春色倍還人，爲語東風好相待。

題五龍礪葛道人青雪樓

羽仙結樓五龍窟，天半經聲下寥泲。
池喧南礪北礪泉，窓動千峯萬峯雪。
誰令此樓有此人，日與山靈聞清絕。
薄暮高寒不可留，惆悵松間與君別。

壽陳虛樓

昔聞馬少游爲語，阿兄新息侯。
身騎欵段足自快，安用浴鐵冠兜鍪。
陳翁家冑亦萬戶，素心雅尚冥千秋。
以茲於世無所求，瑞石之東百尺樓。

翁也高臥樓上頭，酒人豪客歛來遊。
南峯籃筍西泠舟，桃花鱖膾行瑤洲。
蒲桃玉釭香拍浮，興來訪舊之東甌。
東南山水同冥搜，飄然身世雲悠悠。
王翁亦是神仙儔，爲陳家樂揚清謳。
更待月出彈箏篴，夜深瓦白霜滿溝。
座客稱醉翁，否人疑密緝潛真修。
翁云每笑道者流，團焦瞑坐如拘囚。
枉形桔性非良謀，何如饑殍飽卽休。
委心任跡隨去留，翁不問道道自侔。
知翁引年良有由，何煩濡足探十洲。
豈必把袂追浮丘。

東走馬亦細事會看蓬萊清淺流

同鄭崑巖中丞憩靈巖寺周覽平霞展旗

天柱玉女雙鸞蟾蜍龍鼻天窻石屏小龍

遊諸勝中丞約予築室上方醉後放歌

山色橫高空一磴潛與風雲通遡風躡雲

見雕鏤愁化工雙闌瑤臺闢紫府芝蓋

翠羽星海真源接鴈湖絳河練色低天

寒蒸太始霞石屏晴噴靈湫雨玉女烟

髮彩雲欲駐雙鸞舞蟾蜍不敢薄陰精

閨日初吐蒼龍天矯驕未醒玉乳鼻端吹

鄭夫子丹丘生谷口君爲子真後琅函

期名手翳綠芙蓉飄飄遊紫清我亦鞭龍

扁天台委羽但咫尺孟中一綫搖滄溟對

隅行六箸殘棋石上窺明星帝之弄臣玩

夕憩棗館晨椒庭安能隨離離啄腐而吞

言上方足靈氣攬結清暉還此地看君姓

登晨以我風神應度世玉筍虛藏五嶽圖

名山

坐挾千秋闕金臺七返飛黃芽琴心三

華間從瓊吟種瑤草醉向天壇眠落

青蓮居士李太白司馬紫微相賞識逍

大鵬掃揮手青天游八極

集王季中殄英館燈下賞菊觀劇

昨夜秋風入庭樹欲尋秋色知何處錦

萬花齊始知秋在君家住越羅吳綃裁

帷銀燈燃九微絳河一道列珠斗似與

光輝又如霓裳烟明滅珮環自繞行雲

三古堂集卷八

三年倦爲客別路逢秋怨秋色馬頭落

聞客舍黃花未相識今宵對此神躍然

光異去年素娥青女亦世態有霜不得司

香烟曉曉尚疑夢寧辭茗芋花間眠栗里

忘世者余亦悠悠野人也明日白衣期不

摘繁英空滿把

水南阻水買魚沽酒作

靈鰲一夜搖坤軸洪濤千尺翻銀屋曉

樹杪行晚傍沙鷗岳際宿白波百道飛游

帆下瀨如奔虹寄聲未了已超忽篙師倚舵仍
呼風我舟蠕蠕若旋蟻傍岸溯流流益駛懸崖
引纜窺荆榛欲行不行還復止乞靈燒紙向船
頭願爲溝水東西流石尤坐掣陽侯柄屏翳獨
操青帝令申椒桂醕糴渚蘋薦以芳薌了無應
估客帆檣晚相集共說風波路艱澁蘼蘼底
目爲蒿瓦鏑雨外炊烟濕山女村酤清可憐谿
翁網得槎頭鱸谿鱸傲殺吳淞膾村酤差似宜
城味脫巾露頂與自許擊鮮舉白冥然醉醉後
悠悠忘南北臥看沙痕落三尺依舊芙蓉鏡裏
青黏天野水平于席

昭關老翁歌

子胥昔出昭關口亡命吹篴中夜走我今豈是
蘆漪人胡爲幾飽而曹手溧陽女子無代無江
上丈人有時有君不見昭關何人七十九龐眉
黃髮田間叟我行大澤日無光北風吹草天茫
茫雲低雨急夜昏黑路迷徑絕川無梁馬蹄屢
陷蒼耳窟僕夫尚困青坭岡高低狂顧觸且兔

左右踴躍窮林麓風雲珂鈴雜衆竊悅疑鳴鑼
虛張皇老翁開關止余宿問客何暮來何方入
門拂席展賓禮瓦燈半滅添松肪屋後燎薪炊
夜忝屋下暗井斟寒漿竹籬命婦摘荳甲星留
呼兒尋蠲黃又言窮村酒味薄粗糲何以克君
腸感翁情真爲翁飽倚壁藜床重拂掃解衣撫
枕定始愁向來倚伏何難保男兒皮骨絕可憐
七尺之身胡草草獨行踽踽將安之可憐汨汨
風塵老平明上馬謝老翁含愁更問荒山道

含山道中遇雨策馬六十里至巢縣遇程
德懋黃孟公黃仲宣招飲

含山山下吹黃塵堀堦漲天沉日輪渡河飛雨
嘯空澤遂馬寒雲低撲人潢潦縱橫每及骭亂
流咫尺成迷津衝泥日行六十里下馬荒城小
知已旅魂未返賦難招客愁已絕友同處雞栖
牛阜對盤飧失路誰憐遠游子白雲紫芝空待
人我今奔峭胡爲爾宣尼此地卽回車巢父臨
流應沈耳

邑有孔子題車
里巢父沈耳池

廉託跡屠沽裏去年曾枉楚江篇春風餞別都
門市襟期更挾兩黃郎意氣軒軒頗相似豁然
捉臂雙眼明爲我勞歌洗泥滓孟公深沉愛騷
雅仲宣清舉能揮灑扶風俠節有心人博陵賢
豪負奇者雕盤行炙酒如澠絳蠟交輝壁衣赭
風勢疑翻瓠子宮雨聲似震長平瓦士窮易德
復難忘今夕何夕登君堂眼前裘馬養聲利豈
念飢寒岐路傍知君此意真千古此意今人委

如上一搗雄心持贈君拔劍悲歌淚成雨

漢書堂集卷八

羸馬行

居巢道上泥三尺鷓鴣聲中行不得道傍驛馬
太伶俜東蹶西傾老無力紫鵲全銷夾鏡光賴
毛暗落桃花色伏櫪能忘故主恩差繇尚隸奚
奴籍昨者曾經達官過官帖僉名給軍佐五更
鞦出趁點齊催促未能克豆莖殿後猶爭意氣
雄先日寧知心力破皮裂蹄痕午未停血迸鞍
瘡晚猶坐黃塵一道亂鳴珂橫施鞭策誰能那
青泥曲阪霜淒淒水深故道盤渦迷眼看艸綠

不遑食向風驤首時酸嘶憶昔鴻荒少銜原
息成羣五雲纈烟綠春郊碧草肥蹀躞游盤戲
相扶飲沙自浴渥洼波嘶風行蹴余吾雪何人
伐性傷天經燒剔羈縻主芻秣還從北牡論精
麋亦向騶黃求滅沒有時浪被麒麟名無端自
賞驪騮骨遂令行旅遍九州深夜隆隆聲未歇
我來江北思故鄉兼看羸馬重惋傷倘逢剪拂
終餘惠好待當今田子方

倚馬望征鴈篇

漢書堂集卷八

朝出主人門客行主人入左手據馬鞍握衣猶
未及仰望征鴈飛神去形空立僕夫驚訝圍夫
催寧解行人心已摧胡床扶上失次第欲去不
去仍裴徊人生七十忽已半望鴈胡爲長異縣
今歲淮陽馬上看去年湘水舟前見湘水淮陽
萬里餘江南江北張離居生憎併入鷗絃怨不
信能傳錦字書望鴈思家家憶我不知晚宿何
村塢少婦顰眉燈下聞稚子無心月中數處處
江湖繒繳多行人底事復經過甌汀兩岸秋無

限何日平分占綠莎

同黃仲宣程德懋夜集贈歌姬韓喚兒

并序

夫越人見似而喜楚客處廊則悲亦人情
大氏然也豈古今有異于茲是以江州司
馬或寫怨於商女東阿公子亦託思于宓
妃故情流則音聲動物感則興寄隨爰有
江南行客淮右孀姬相逢陌上感歎天涯
情既同于淪落時亦怨其化離柱尊暮設
蘭缸夜施堦音度曲含睇凝思梁塵乍動

汲古堂集

卷八

九

簾霜倒飛零露垂幕朗月入帷綿駒聞聲
而卷舌左驥傾耳而低眉一時共賞抑揚
以赴節四座莫不慷慨而沾衣乃舉酒以
相屬願上客其賦之

君歌韓喚兒儂量金屈卮酒光如海宵漏遲
荷紫蘭纏九枝燭龍陽烏愁避之舞裙窄地香
離離碧剪湘烟縈藕絲星靨微酣不容頰素秋
流波慢相暱清音纖指一齊發燕蹋風枝語春
活瑤柱朱絲金雁撥玉瓶翠綆銀床戛吳綃三

尺宮心裂冰花乍破跳魚潑小姑窗外星河乾
濕露隔簾啼井闌月墮清淮古水寒粉霞半壁
天漫漫

獨立

淮水一石泥三斗牛場在前鼠坻後豆糜茗汁
膠齒牙飲噉有時對雞狗入門出門安所之一
望寒城渺何有黃沙獵獵吹白楊夕照離離澹
枯柳比翼歸禽將厥妃長鳴疲馬求其偶我今
胡乃寡儔侶大澤蒼茫獨搔首人生有情長若
茲三見河清未爲壽

汲古堂集

卷八

題美人曉睡

天雞鼓翅東光弄露凝花房碧華重閨練縈烟
織水紋湘雲楚雨扶殘夢雙鬟膩綰角枕斜寶
簾文皺素霞夜粧香冷淡蛾綠黃金等身春
不除一片冰綃束紅玉杏梁長絲盪涼旭燕叩
珠簾一百迴清晝沉沉鎖金屋

雪后渡橫春江是日大風幾覆舟

長風劃波貝宮裂浪裏危檣如沒鵲雪閣山腰

澹似雲日沉海氣昏如月丈六七尺魚鴈毛乃
與海若爭風濤吾聞古人不弔溺如此之軀何
足惜

碧湖古墳松樹歌

碧湖誰家萬古宅槭槭陰風聚魂魄長松數本
皆異材一本礪礪偏恠特中分兩股如赤虬天
半涼蒼浮黛色東榦橫梢谿雨青西榦斜通嶺
雲白卑枝夭矯勢不迴翠葆羽旗寒瑟瑟離奇
不受秦帝封春容未遇華陽識想見悠悠清夜
汲古堂集卷八

王金吾歸自武昌以詩見示賦贈

金吾昨鼓南遊柁一片帆飛揚于雨潯陽潮水
遠連吳蒼梧雲氣遙吞楚非非澧芷紛可佩的
的皐珠光欲吐羨君弱冠執金吾耻與期門飲
飛伍朱鬣朝飛柘彈弓紅粧夜擁蓮花舞名客

文彩自歲鞋聲華裘馬誰能數清時未勒燕山
銘掉頭便解腰間組藝林還開南畝田種瓜已
闢東陵圃興來散跡隨所之到處逢迎具賓主
我昔清秋發武昌孤蓬十日橫江雨讀君新句
按君遊歷歷雲山如再覩夢落巴江萬里船枕
邊彷彿呼耶許

王伯度孝廉還天台歌以贈之并簡其季父永叔黃門

君不見黃門任達如中散把臂入林思小阮名
理於今對阿戎瑯琊子第多門風羨君摠角稱
懸解弱冠深心托千載興公早賦赤城霞暑倚
長嬉紫泥海鰲戴蓬萊天倒開日射金臺烟五
彩奏牘南宮未見收玉壺醉擊珊瑚鈎平生著
眼濫溟渤興來放脚無神州昔年獨上章臺臺
七澤冥冥雲氣來蟠空紫蓋嶽蓮斷動地清江
巴字迴因之鼓柁向三蜀萬里汶峨通井絡花
落陽臺曉暮寒纜牽沙雨春衣綠人語時從鳥
背聞勞歌乍斷猿聲續翻作流泉三峽音曲裏

奔濤猶噴狀

時以楚蜀游草見示

君家世主天台山名列

瓊臺雙闕間

飄然訪我子真嶼紫芝咫尺同追

攀興闌仍問橫江渡離心離思搖江樹客散城

南舊酒樓明月寒潮送君去回首龍溪憶舊遊

溪雲溪水日悠悠欲作異時磨鏡客祇應扶醉

過西州

四明許子長過訪以長句見贈奉荅一首

四明狂客許子長奕奕神鋒自豪爽生平勝具

隘九州寒廊高蹤叶真賞杖藜獨拄太華峯蓮

波古堂集

卷八

三

花翠撲仙人掌坐臨碣石望滄海寧便欲探

方丈北渡黃河下大梁雪殘嵩少三花香夷門

兔苑萼芳草空餘汴水東湯湯更擬蓬池阮公

咏興懷今古同悲涼雍丘相逢劉侍御片語千

秋肝膽露侍御昨剖東甌符夢裏龍湫飛瀑布

青錢自買蘭葉舫片颿夜發桃花渡主人不少

劉真長賓客何如許玄度詩篇秀割芙蓉峰酒

瓢寒挂珊瑚樹余也卜居東澗濱山影野陰青

蕩人一泓海眼風激激半林日脚松鱗鱗片絲

清醪引深酌潦倒爛熳皆天真林光扶醉送君
出綠烟一片春城月坐携餘興步空壇高柳蕭
蕭暝鍾歇

寄李本寧先生

文章得失心自知每從千古論交期谷風雕虎

氣相感沉乃萬里同一時崢嶸百代人文會鏘

金戛玉嘉隆際李侯崛起楚江裔濟南吳下神

俱廢赤霄驚驚不世見卿雲行天光照地身騎

麒麟曉上馳弱冠蓬萊親謁帝先皇激賞得王

波古堂集

卷八

四

褒里人豈必逢楊意藜火宵分太乙光璫函日

抽金匱祕甘泉侍從奏子虛金馬迴翔儼寶戲

酷烈寧同蕭艾芳聲華坐使椒蘭忌乞身幾上

北闕書掉頭載返東山第諸侯齒頰不借人羨

君滿堂羅衆賓駿馬鸛裘允名酒賜金結客家

仍貧每爲章縫動顏色能令培塿迴嶙峋永嘉

邦君門弟子白也州民稱國士葉飛鄂渚蒼梧

寒美人娟娟隔秋水青楓蕭颭青天高江有蘭

兮汀有芷世人願識李侯面賤子它鄉復異縣

玉樹瓊枝不可攀，祥烟甘露何由見。尺書往寄漢殿鳬，浮沉寧待衡陽鴈。鴈來忽枉青霞篇，五色靈文玉璫璨。華陰赤土雪青泥，三尺白虹匣中爛。愁深肝膽莽無寄，感激悠悠歲將晏。嗟余偃臥東海隅，席門圭竇羞爲儒。蕭蕭環堵募荒草，青林落日啼封狐。長鏡歸來萬壑暝，男呻女吟無斗儲。掀髯搔首了不顧，巡檐挾策聲嗚呼。有身尚爲安邑累，學文已失邯鄲趨。獨行高眎憤流俗，緬懷夙昔空踟躕。弁州馳輪去不返，雪浪遺址埋寒蕪。古人今人安在哉，寧甘七尺隨蒿萊。青春擬挂洞庭席，問奇一擢扁舟迴酒香。山下足勝事，平鋪湘水爲尊罍。浮雲送盡崦嵫色，狂歌竊弄章華臺。

王永叔給事北上

使君飽飡東海霞，胸蟠靈氣揚天葩。掉頭不肯住青瑣，兩從華頂營丹砂。靈藥應逢異人采，雙關藥爐烟猶在天低石扇瀑千重。日射機絲霞五彩，題詩搔首問青天。乘興揚颿向滄海，海上

飛書一問予。咲攀瑤草還相待，隱囊紗帽傲滄洲。花底殘棋午未收，小史青鞵拂瑤席。竹陰方罍流文楸，司馬承禎誦經處。邀予共向雲中住，萬樹碧桃空笑人。落盡林花未能去，聞道浮槎上漢庭。臨風爲謝草堂靈，欲知西母千年核試問金門舊歲星。

泊舟蘭陰過訪胡元瑞孝廉元瑞出示所著詩藪留酌雙樹園座客趙心白朱賓鳬能爲新聲酣飲極歡達曙而別

胡郎今是文章伯，六洞雙溪與精魄。芳蘭竟體質清羸，仙鶴軋雲鳴磔磔。命今令古惜齒牙，倡女和予饒賞激。談深相眎欲忘言，捧腹笑聲高裂帛。開尊爲我簇芳筵，折簡比鄰來二客。阮咸清和紫玉笛，吳歛輕按紅牙拍。垂頭傾耳妻心脾，歷案沾盃墊巾幘。他鄉此夕賸爲歡，一呷乾坤同戲劇。願將餘日送杯鐺，何必浮名敝金石。夜闌醉問下江船，樹杪已看斜漢白。

朝邵生

引生耽奇誰得似剔腎雕肝幾迴死書淫仰書
但看天詩癖誤行時墮水野夫骨相太瘦生不
因索句兼噉名興來爛若宮鴛舌啼作春風滿
舊京

飲龍潭背野人家

沙堤幾曲綠青溪雨晴石磴清無泥冥冥白日
杏花醉寂寂綠陰鴨鵝啼繞門惟石雲爭聳跨
澗古藤沙半擁風來如挾山翠飛泉怒欲翻溪
間動野人爲我開新醅瓦甕未倒斜陽催且携
風物下山去應待月明飛夢來

汲古堂集

卷八

七

大鶴嶺曉發

喔喔鷄聲茅屋曙馬踏空波夢中渡隔山先聽
寄風泉過嶺轉沉烘日霧每逢舊處暗悲辛忽
到深林生恐怖何如歸采故山薇看婦夜織機
中素

莆田康孟擔遊武林四明訪徐懋吳屠長
卿諸君南下芝田訪余於永嘉尋復過武
林遲所期客取道白門乞此爲贈并簡劉

海日林叔度余宗漢宗漢嘗爲孟擔序緒
佛齋鯉湖紀勝諸草漫及之

靈公康郎真好奇黃鬚矯若鮮卑兒十年閑牖
長蓬藿下鍵著書人未知人倫亦有全椒長獨
按水弦落清響潛夫自結度遠知平原雅許司
空賞古風突過黃初前高情遠寄青霞上吾家
九仙辭人寰九鯉班班去不還康郎攬結扶奇
勝路隨猿鳥窮巖攀醉向山靈乞靈貺書成直
欲藏名山瑤函芝檢不自閼片語往往傳人間

汲古堂集

卷八

七

昨來偶作西湖行揚帆更住官奴城廣東居士
折風論大滌山人通姓名南行復訪芝田宰片
帆東下浮滄海火雲赭地晝飛沙石林毒霧蒸
作霞不妨苔逕爲君掃濁酒如淮時可賒時無
擁筆不堪仕蘭艤曉發江門樹凌歎還就藕花
莊殘夢尚迷桃葉渡林生作客復經年前日人
來飛尺素江東名理思眞長方外襟期憶玄度
時叔度客
劉海日許
鑄劍齋詩爲歐羽明賦
羽明歐治
子之後

起谿竭赤堇裂太一況六金出蛟龍捧鑪流絳
雪鑄成三尺蓮花鍊含景斜飛明隙月萬古不
銷一匣霜斗牛夜夜沉寒芒去吳入楚吃神物
龜紋龍藻開精光觸之無聲曳霄練水溢寒塘
水乍渙連星錯落迴陸離燿如太白雲中見陰
風蕭颯吹赤虹秋氣淋漓搖紫電吁嗟歐冶久
不作玉璫珠函亦零落鉛刀牛刃空紛紛千金
自賞芙蓉鐫歐郎良冶起南海家法猶傳幾千
載金精火德配陰陽手運鑪錘酌玄宰平外越
汲古堂集卷八

砥礪鋒鋌倒挽龍江淬光彩狂來一日三摩挲
若爲劍舞吾劍歌修怨何心逐游俠要使旂常
紀鴻烈尚方乞斷佞臣頭邊庭或躡休屠血價
重由來都萬戶駿馬千蹄城十五谷量金珠無
足數世間何物氣未平座上有人公莫舞春風
楊柳黃金絲結束翩翩何所之殷勤爲語張公
子會合雙龍自有時

十五夜同王伯度丁叔明盧叔度中山翠
微閣踏月閣有唐任翻題云絕頂高秋生
夜涼鶴翻松露滴衣裳前月

照半江水曾在翠微開竹房余舊同王恒
叔給事憩此悅仰十五年矣不勝今昔之
感

天垂平野橫江樹城烟漠漠喧春渡桃認劉郎
前度來松記任翻舊游處老鶴翻松露滴衣半
江明月動巖扉欲携九節盧敖杖共逐遼陽丁
令威

驪珠篇答金元玉孝廉

金郎手提三尺蓮花鐵醉吸天漿雙耳熱拂拭
研波波爲開踏翻海底珊瑚關排闥適逢赤龍
汲古堂集卷八

臥寒雲不散腥風冽金郎調笑之戲謂驪王
我不愛女五花樹亦不愛女千金之禁方女領
者何物能作百寶光用以奉生女莫惜貸女釵
釵血玄黃左手挽領右手掣寒光旁溢紅髯折
玉鱗銀甲紛飛雪阿香不及扣其角醉簫兩睫
何由決天鷄未號夜方午獨攜神物波中出海
客大笑之東月初升日西沒二儀正昏閉萬象
胡昭晰既非三足鳥安得波間兩明月至今大
惑尚不解夢中傳夢時能說赤龍欠伸失所圖

貝宮無色滄溟枯蒼蛟玄蜃助啾唧陽侯淵客
爭擲掄便欲蹋雲訴真宰屏翳假蹇寧爲駘墮
淚還添海波溢古泓寒夜吟鳴鳴金郎襲以木
蘭之寶墳裹以身毒之氈氍豈特騰輝照十乘
坐令索價領三都靈蛇萬斛黯似土甕社千琲
皆如塗駭觀日走波斯胡照影夜泣靑丘狐寧
知至寶不易識宋人掩口方胡盧金生脾睨向
何子願以贈君君藏諸解爾貂褕襟繫爾紅羅
襦翻愁懷實易爲罪卽欲納腹誰能剗還君驪

汲古堂集

卷八

三

三

珠三歎息逼皆熒熒猶五色曾聞物產鴻濛先
結胎孕采從無極軒皇失之赤水傍罔象得之
旋復失靈山老瞿曇探之在衣襪若存若亡幾
千載非君之故何由覓吁嗟嗟乎瓊夫魚目充
都國陵陽三觔仍題石生安用此爲而不自蔽
爲赫赫而不棄之無何鄉楚人失弓楚人得吁
嗟嗟乎萬古茫茫同一擲寄謝赤龍母惜惜

問棘園爲林蕭苞文學賦

恨中之園唯半晦雲夢盪胸吞八九未論芥子

結須彌別借壺天通小有蟲書鳥跡掩三倉金
薤根函抽二酉階前虬幹欲凌雲匣底龍文時
貫斗林郎抱膝據藜床幘峰倒影天蒼蒼滄海
霞生洞門曉碧窻花落桐陰涼博山之鑪沉水
香端州古研淪糜光神情蕭朗自玄暢吟成秀
句題綿細鳥外殘虹嶺雲紫竹中返照茶烟黃
閒來手捉白塵尾顧我超超析名理暮色冥冥
池上來悅挹烟波幾千里君不見玄龍蟠勺水
鬱爲四海資威鳳隱丹穴燁然千仞儀蓬丘方

汲古堂集

卷八

三

三

丈宵何許似君之園胡不宜何以名之名問棘
氷雪僊人貌姑射托跡誰云隘一區騎氣時能
周八極與君擬結逍遙游南溟一鼓垂天翼
立春日金千仞過宿觀夢菴卽事

少年逢春惱不徹尋春眼醉春雲熱何如啼鳥
得氣先不向春風惜喉舌花滿南城一百迴草
綠東郊二三月當時風態今何之狂飈遇空燒
自歇非君之故誰啓關茗汁香爐對禪悅半池
山影寫游雲一樹梅花滾晴雪聊憑幻化且歡

喜未論形骸終變滅林外無愁虎跡深送君出
竹門仍閉

歸舟至會昌湖遇大風雨作歌

紫芝峯前雨如注天低雲壓吞江樹萬馬奔濤
澗溜懸六龍卷海雷聲怒扁舟初出會昌湖六
鵝退飛那可渡兩涯不辨望欲迷咫尺風波如
灩澦雙童舞漿顛且僵泄雲狼籍難禁當空中
斗笠出還沒浪底孤蓬低復昂一葉浮沈寄微
命去留不得翻倉皇眼望前山逐飛電樹杪河

汲古堂集卷八

流時可見柴門漸近劇傳呼稚子竹中燈火亂
燈前放歌公無渡河百年一日哀樂何多拂衣
脫帽澆以酒耳熱起舞朱顏酡君不見人心波
瀾更難測平地虎鬚高百尺今日下堂昨傾國
朝種芝蘭尊荆棘拂床且就北窗眠夢破華胥
東日白

金陵賣卜鄆翁

南城老翁身姓鄆城邊賣卜三十年神明不關
市塵事端策拂龜留數錢衣食無餘非不足朝

不暮返何倏然爲言天曉鍾初動郭郭重門宵
如洞往來填噎聲隆隆日似蒼蠅鳴益覺閨人
閨世春復秋傳舍達官幾迴夢世路浮蹤踏雪
鴻夢時孰有未知空人間腐鼠鴟方嚇不滿鄆
翁一笑中

汲古堂集卷之九

七言古體

東甌何白无咎著

何仁仲銀臺采芳洲歌

吾家銀臺富文藻陸沉金馬銅龍間長安黃塵
晝撲面倒柱手板看青山昨來偶讀芳洲記三
湘七澤流雲氣篋裏長飛郢雪寒腕中似竊蘭
臺祕蘄阜匪止虛映空鶴渚漁梁迥幽意丘壑
真堪置此君山水由來屬仙吏與忘魚鳥故親
汲古堂集卷之九
人心遠市朝堪避世湖上春風憶采芳湖光澹
澹春日長曲堤通波連月榭璇臺臨水望星廊
變童欲歌齊擊汰游女窺人搖佩璫林花落尊
酒山禽下笛床柳長拂釣石蒲密隱紅梁虞淵
日落天如水宛宛三洲明鏡裏極浦蘭香憶美
人中洲草綠思公子公子青袍白馬驕一官清
世未能拋援琴時奏思歸引對客何心賦解嘲
他年黃冠謝朝請夜鶴曉猿頻引領鑑湖一曲
未足誇坐占煙波三萬頃僊源深處覓故人千

樹桃花繫孤艇

將入天台贈王伯燮

赤城城南桃李花白雲蒸作青天霞醉眠花下
夢歸路柳拂春江啼曙鴉江烟冥冥攪離思踏
花何處拜眉驕王郎藻思更清發謝庭琴從無
高華我豈夷門抱關者君是扶風豪士家日馮
文木安南几萬軸牙籤插文史屏障間圖華頂
雲茶經試品中冷水狂來抱匣拭魚腸興至臨
池書蘓尾叔則清標玉作人玄暉麗句霞成綺
汲古堂集卷之九

十日平原醉不辭況對家君好兄弟江花江月
故留人春酒春衣將燕喜燕喜朝朝樂事多紛
紛賓客日經過雙聲初度南窗綠日詞難勝金
巨羅回首春風石梁道役欄干重滄海三惆悵
溪頭惆悵人思君一父令人老

壽故將軍王見石翁八十翁長君啓南參戎以瓊花介壽卷乞詩曩翁六十初度啓
南守備廣陵養迎署中一時名流類有篇什題曰瓊花介壽王元美司寇周公取曹

子念尤子求諸徵君張左虞劉忠父
軍詩歌書畫各臻雅致俛仰二十年諸君
奄忽漸盡而翁獨歸如魯靈光予披卷慨

然題之卷末以應啓南之請并以爲壽

王翁世胄上輕車少年俠氣聞海隅千金不侵
楚人諾萬錢日付黃公壚美人小史玉不如錦
鸛珠勒桃花駒曲房銀燭紅氍毹客醉不知清
夜徂興來一試銅虎符秋風便憶吳淞鱸耳熱
悲歌擊唾壺如意并碎紅珊瑚有子豪雄氣揮

漢古堂集

卷九

三

三十登壇肘懸鵲憶昔初周花甲年小侯方
鎮淮南幕壽筵香簇廣陵花輿輪穩御揚州鶴
千年丹實舅情桃半部清商尉進樂想像風流
若可追撫卷襟期宛如昨當時盛事誰掄揚弁
州居士瑯琊王曹也不忝王之甥旣吳將軍劉
與張公瑕書法子求畫苑詞林俱擅場燿焉
諸子等流電歸然翁獨如靈光回首人間歛升
載壽域還看敵東海世家助業盡麒麟奕葉金
緋自光彩耆舊曾無麗老存新知只有何戡在

吾聞俠骨通仙真看翁燁燁饒風神馭風欲吸
姑山露走馬行看碧海塵倘傳句曲茅盈訣應
有金丹起故人

王蒙秋林障子歌爲蔡民部賦

吳興山水稱老手何物王甥能似舅時名欲壓
高克明逸駕爭馳黃子久使君示我秋林障便
覺秋聲在堂上鵝谿綠素三尺強丘壑幽深意
疎放打樵瑟瑟霜葉鮮長松落落翠蓋圓松間
草屋枕絕澗耳根髣髴鳴風泉屋下幽人獨箕

漢古堂集

卷九

四

臨衣冠淳樸神儵然淵流激石欲裂濺沫吹
波捲晴雪隔水山翁獨杖藜水上危橋橫木末
想見盤礴當含毫直道造化來生綃白帝司秋
素娥泣高天黯黯風色惡使君自是端明裔
洒南曹稱傲吏焚香晏坐挂頰看但見朝來浮
爽氣吾家鴈蕩四百峰胡爲久抗風塵容明朝
便挂布帆去一量芒鞋九節筇

長干客舍集張泰貞將軍同羅伯倫江幼
清分體得七言古風分韻得秦字卽席作

長風獵獵吹荆榛繁霜縞夜水鱗鱗江南裘索
者誰子夜半放歌哀四鄰君不見新都都護張
伯子華門長掩南山貧耻逐鷄羣共爭食由來
龍性真難馴手中不律撼風雨玉鈴寶劍埋牀
塵強項那能媚時貴侔天只合稱畸人向予慊
慨既有以一夕酒價傾千緡又不見六代三山
舊佳麗龍蟠虎踞何嶙峋生王死伯不可問玉
食錦衣難具陳墓門蕭蕭白楊濕颯杳寒雨明
積燐穹碑倒薤折扇高墳斷楚埋麒麟與君
源古堂集一卷九

留別陳公衡駕部時予將有廬江之役

朔風吹雪寒雲滃玄狐夜渡河水凍楊子潮聲
接富春遠將越客江扉夢夢斷家人夜杼寒小
兒未解憶長干女催獻歲工刀尺燈下縫衣拭
泪看寧知遠道客游子短髮蕭蕭皮肉死朝解

僧衣始出門夜分佛火方炊黍時從司馬乞
錢窮落風塵少知已司馬高義縣千秋道廣不
殊陳太丘橐中月俸給賓客江上未營三晦宅
名高爭識鄭當時餅空自笑陶彭澤此日江干
耐別君離心黯黯隔江雲三老沙邊看風色颶
毋橫江行不得南征未發石頭城北渡尚迷廬
子國明發蕭條一騎孤酒壚差可慰窮塗羈離
若問騰恩事輪與鮫人泣有珠

春日大雪同程仲權過集歐陽惟禮兄弟
源古堂集一卷九

雲住閣限韻卽席作時仲權自塞上還

鍾陵積素高龍旋長干野客裘蒙茸殘雲飄瞥
散還集清曙不聞蕭寺鍾飛花漸失夢中路削
玉亂迷天畔峯宜城九醞苦無直牀頭欲解雙
芙蓉高陽酒徒曉相命因之便發山陰興杏閣
高臨北斗杓主人預掃中林逕憑高縱目呼大
奇河山萬里開天鏡珠樹瑤華爛自披銀海煙
濤寒不定鴈臺雉堞融冷光玉關璿宮閃餘暎
黃山程子薊門還從軍愁說車班班層冰未解

飛狐道朔氣猶衝倒馬關空傳穆滿謠黃竹未
見虞庭致白環搔首江南望江北哀歌盡是江
南客絕調齊廢郢下聲妍辭欲據空同席虛擲
薄牋涼寒漸漸覺林容漏春色春色梅花曲裏
催一聲聲夜高樓笛

乙未除夕吳阜情招集浦子冲劉仲偉程
仲耀彭子木邵道卿羅伯倫胡仲修夜飲
達曙各賦七言古體

朔風千里吹蓬跡顚悻風塵舊京客淚逆南雲
淚古堂集卷九

夢裏家愁見寒江浪頭白客鄉日月如轉圍歲
事悠悠復除夕長安道遠徒勞歸入門忽忽知
何適頭顱自笑如禿鶴僕夫向予相對愁懷踰
握瑾自不售然說即書誰足求結轡空傳漢廷
尉擁篲浪語東諸侯身計未成歸計晚登臺日
暮空夷猷風義慙顧吳季子雪裏扁舟來下維
俊氣欲壓江東豪美譽能傾汝南士蕭齋日暮
張綺筵四方賓從何駢闐海內相憐盡兄弟眼
中豈必皆豪賢默爐鳳蠟欲赭夜火樹銀花爭

絳天程生匹馬來宣府狐裘猶帶榆關雨黃山
數子嘆叱離蠡水彭生感羈旅闕閭浦叟善滑
稽胡郎酒酣鸛鶴舞燈前豔曲度吳趨天涯風
俗傳荆楚浪飲能禁此夜長一掬雄心付千古
千古豪華此地多曲池藻館幾經過秦淮未厭
金陵氣桃葉猶傳玉樹歌雲過屋氣幻樓閣野
外鶯花散綺羅珠襦玉匣何王墓禾黍離離不
知處詎聞西陵笳吹音唯見南山松柏樹延局
日落宅玄狐萃表天寒春白鷺季鷹小兒差達
生身後榮名草頭露行行游獵歸去來手臂蒼
鷹逐獐兔

郎中曉行馬上思家

長庚欲墮晨星稀枯楊蕭蕭風裂肌滿地清霜
馬蹄響半林澹日鷄聲微我今胡爲此騎馬中
風狂走塵埃下對面青山不當歸忽憶南窓淚
如瀉

署
光化汪明府招同劉芝山將軍飲城南公

大都名士真仙今清夜張燈酒初命維蝶鳥啼
碧柳迷錦石涼雲動高興紫髯將軍出武威獵
纓說劍開心期夷門監者身堪借扶風豪士山
可移我亦扁舟下南楚感君意氣深相許布衣
豈必平原期一夕雄談足千古酒酣揮手月如
霜馬踏空壕夜未央蒲帆曉發襄陽路別意相
將漢水長

龍泉觀天津橋橋爲武當山最勝處

疊磴千盤窮九渡夏木叢雲莽迴互四垂忽闢

芙蓉城一綫潛通猿鳥路黃冠肅客坐石橋耳
邊颯杏鳴風濤臥看飛鴻天影窄峭峰日落爭
摩霄石氣淋漓寒漠漠翠濕虛壇羽衣薄排空
似馭碧霞車置身如坐青蓮幕玉龍蛻甲架蒼
烟雄虹含雨吹陰壑夜深月出聞吹笙知有雲
君下黃鶴

見道傍醮碑偶作

一從混沌漏元氣名山不復藏靈閣萬國若狂
男女來百里傳呼林壑沸口念西方古佛名

身朝北極玄冥帝朝罷依然下
八宮年年修醮昭神功琳瑯遠近聒松栢幡幢
上下排烟空醮畢磨碑題姓氏道傍林林若鱗
次泥埋苔蝕縱復橫後人礱洗重鐫字泰氏之
世若禽鳥年不疵癘民不夭吉凶順逆天之道
帝本無心爾何禱乃知末法行權教鼓舞勞來
此其效林中奇石日漸稀請看山後山前碑

拾身臺臺在玉虛巖

拾身臺下觸髅語生爲愚人死愚鬼狼籍膏塗
野草青模糊血迸顛厓紫不知作俑何年月遂
令昧者神其說相傳有女思報親母病願言代
以身身投千仞若飛鳥仙鶴祥雲倏圍繞金甲
天神護送歸阿母沉疴尋亦好又言心正無忌
怖帝臨爾身能爾度下品隨生欲界天上根不
墮輪迴趣貪癡僥倖來乞靈翻令愛死勝愛生
豈有金神爲呵擁不聞雲鶴來將迎妖祥弱惑
固難破年年白骨徒縱橫昨聞山東尼五步一
膜拜撒手下龍頭

拾身臺前一石長丈餘橫巖上斷成龍形名拾身石

一命等皆蒯尼乎尼乎何足惜爾也無知自
賊更教帝慙好生德我來聞此三歎息暮倚
杆淚沾臆

馮元成大叅分守旌括志喜時余客大叅

耶襄署中

憶昔行吟白門柳首夏扁舟上樊口使君高義
薄雲天賤子虛涼復何有衙齋三月無所爲飽
飢卽同鄉夢期脫畧何如郝從事幕中解咏嫩
隅詩歸計逢秋苦不速異國重逢故園菊宜城

九

九醞復留人風吹漢水葡萄綠大隄月出樹如
烟騎馬還尋蕭寺宿往事仍留峴首碑新聲無
復銅鞮曲使君隼旗移枯蒼夜聞起舞真欲狂
未論百城望風采且與萬壑增輝光楚人遮轍
挽不住越人引領歌來暮耶塞雲含遠別心門
湖鶴引曾遊路仙都朝絳節平生作吏典名山信是君身有
仙骨早晚孤帆下惡谿石門瀑布吹晴霓謝客
題詩遺舊跡遲君共躡青雲梯

湖上再別傳令君令君將赴象郡時八月八日也
命今以便道歸溫陵時八月八日也

會昌湖上風烟暮鴻首南飛帶可住片語難酬
國士心欲別未別空言慰爲吏應知別家又家
人遠候寒江口明月偏從歸路照到家已落中
秋後郭外何須季子田門前且種陶公柳兒童
喜近菊花天賀朋興洽茶更酒爲歡未幾復之
官十月炎州尚薄寒鳥道侵雲柳樹綠猿聲啼
雨木樨丹離題徃長遮塵拜岳侯官立馬看

聖世易興周禮樂居人久習漢衣冠況君已試

神明宰宜宅皇風應有待政成倘念布衣交好
寄丹砂向東海

黃生曰雖十餘年乃剪一子從鳴山寺剃
落持楞嚴呪心二年所目忽有見因贈短
言

君豈阿律陀無目亦自見華盡翳根滅衆色誰
能眩我本具雙瞳爛如巖下電但作世間觀不
見如來面有兒相與話無生眷屬同居舍後城

日夕香臺疎磬發一根攝盡六根清

尋天台隱者不值

紅泉寒浸一溪花碧靄晴分半嶺霞遙逐鍾聲
尋古洞行隨樵客到山家山腰日沉萬峯紫峭
壁摩天去天咫女蘿裊裊寂無人唯見溪雲閒
照水

臥龍潭尋寶玉上人

大羅山高高百盤芙蓉倚天空翠寒遙想精藍
在空翠屢憩松陰行始至澗靜泉香鹿跡交日
高花煖鶯聲醉法門昔共鳥巢參歲宴還栖燕
子龕不信白雲腥不散擣池下透臥龍潭

玉淙歌壽王季賢先生六十

我聞琅書洞天三十六十八之天名太玉靈潭
耀景光相通誰其主者容成公玉泉淙淙鳴洞
底寒如紺雪甘如醴瑯琊之真人逍遙玉泉濱
飢食玉泉華渴飲玉泉津因號玉淙子緱山子
晉爲前身瑤臺瑤室鬱金堂蕙閣蘭櫺文杏梁
飛霞倒影映朝日華蓋涵虛浮黛光鴻鴈噉噉

遵近渚鳳皇歲歲聞東陌疏沼漸雲分九曲琪

樹青葱瑤草綠服食無煩華井蓮益算何須鄒
潭菊憶昔攀龍謁紫宸直倖含香稱近臣滑稽
耻效東方朔調笑寧陪郭舍人爲挹天漿釀天
酒公在仙掌芙蓉復何有聖王仍稱甘露年
侍臣曾獻南山壽金馬春風幾虛擲玉洞桃花
遲歸客滄海還浮貫月槎明河嬾問支機石歸
來重拍容成肩入洞眠雲漱玉泉未說蓬萊幾
清淺仙家直以劫爲年

送姚叔父還吳門叔父明年六十初度并

此爲壽

姚翁老臥鯽諸里盡苑驛境稱逸史屏障寒飛
笠澤雲水綃碧剪吳江水有時輟吟無酒錢片
紙出門訓十千呼兒入市換珍錯旋命酒徒羅
四筵通州車螯瑩於玉惠山雪醪清如泉但愁
跋燭夜易旦寧論曲突朝無烟至今不問家人
產一室蕭然榜玄散稱詩耻徇衆人憐逃名嬾
挂當時眼自言未討東南跡鴈蕩龍湫每相憶

興來鼓柁下錢塘忽爾揚帆過赤石箚驚驚穿
虎豹羣波濤愁觸魚龍國薄游豈必尉陀驚
事頗窮靈運展明年六十當暮春握有青
不貧遺世真同視鷄叟天游自是驂鸞身爲君
放歌且爲壽一尊預薦秋江蘋壽筵此日歌此
曲應向故鄉思故人

黎從典將軍使者自四明來不得一札歌
以奉寄并懷舊遊諸同好

健兒昨發桃花渡怪底將軍無尺素放浪唯知
禮數寬與前覺以賢豪故將軍風昔來東甌腰
佩雙健嘶羣驅是時海宴百不憂將軍無事著
樊蔡武陵散吏神仙仙劉生迭宕俠成癖
父虬髯刺天膽兩眸與君共結逍遙游中川
之上東山頭清江百丈吞飛樓興來汗漫窮冥
搜將軍身披紫綺裘侍兒玉立韜青鞵絲繩玉
瓶瀉涼酎蓮花銀榼行璫羞龍宮月吐夜復幽
鯨吸欲枯滄海流酒酣詩成狂不休便覺一日
當千秋嘉會安能每如此雨散雲飛各千里嗟

予偃蹇臥空山獨立蒼茫憶知已龍君賜環
夜郎南省猶含難舌香劉生已掃祁連冢面上
苔深木成拱君今千騎出東方海日鱗鱗玄甲
光戈船直欲淨窮髮雕獵已見懸扶桑莫論舊
事華陽社撫劍憂來不能寫亦如揖客重將軍
吳道曹丘非長者

雙乳歌爲張孝廉賦孝廉觀古松本輪

北丁題曰雙乳

容成洞口真華觀怪底雙乳壁膏滑赤麟駁薛

敬古堂集卷九

其

黛色古蒼髯拂地雲光乳紫增兀兀青天高噴
氣排山辟怒號絕頂寒通大羅日空林夜捲滄
溟濤昔聞容成公鍊藥於此處戲攝雙龍精化
爲兩松樹厭勝曾煩人下護猛氣猶能吐烟霧
數年年苦盤攫雷雨時時欲飛去雖云靈物
群斧斤進來誰復知其神細看遠勢太古色直
與華嶺爭嶙峋黃冠恥比溝中斷俗眼還同髮
下薪張耶見之三歎息攝詞應知鬼神力日櫛
書卷臥繁陰更掃茅齋倚蒼壁憶昨炎天火雲

赤九陌黃塵行不得我携枕簟一就之恍然置
我冰壺側枝上陵君百丈垂石根珍草千年碧
須臾古院迷朝夕但覺寒飈生兩腋玄冥羽葆
蔽天黑祝融自此無顏色往年曾宿紫霄宮宮
前謾謾多長松大者高撐武當澗小者低壓蓮
花峯一從文皇表玄嶽卑枝耻列秦官封遭時
遇主雖少異抱材負質將無同張郎張郎本奇
士男兒變化每如此何不乞鞭容成公鞭之出
山從赤龍沛爲霖雨徧九野胡爲偃寒山之下

長安集卷九

七

七

江上逢張邦粹卿舊借朱在明東討派

嶼龍漱之勝俛仰十六載朱君化爲異物
矣握手道故不勝今昔之感酒畔放歌

憶昔君偕朱十六東尋鴈客看飛瀑霞幃遙塞
海嶠青布帆晴挂江烟綠鼓枻因之過石門灘
聲滿滿間清猿右軍遺墨苔應沒內史題詩跡
尚存邀余共選中川勝千里江山迴幽巖蒼春
中天湧月來屋宮殘夜珠光迸仙曲梅雨吹濛

蒙雷潭潛與滄溟通鴈湖以東七十峯紫雲
揮青芙蓉雪城銀屋皆無極狂來欲探湫中龍
別穿鳥背上天柱更欲躡雲騎彩虹此時逸氣
如鵬鵬俯瞰塵寰隘寥廓擬逐浮丘訪十洲每
笑向平誇五岳十六年來一映中八百峯頭殘
夢覺對爾紅顏異昔時看予青鬃應非昨朱生
俠骨繡莓苔千古榮名一丘貉榮名寂寞安所
之南山石柳亦奚爲求仙服藥應多誤乞令尋
砂已較遲寄愁天上何逼迂人生達命差堪適

長安集卷九

七

有錢且付酒家胡醉鄉直是華胥國

夢游康樂園歌爲郝仲輿黃門賦仲輿於
康樂里築園十畝頗極水石之勝命予作
圖并系此歌

郝侯口談康樂園舌上雲霞時吐吞跋予望之
不可見目極千里勞心魂東風吹夢渡江去月
色江聲漢陽樹銀笛吹殘黃鶴樓餘響鳴鳴隴
江霧神爲馬兮尼爲輪乘月尋君栖隱處見山
郭上青冥濛白谷西來相對雄泉光樹影闕幽

寂挑溪忽轉花源通雙垞中分天一曲垂楊低
拂寒塘綠飛閣憑霄抗紫烟虛亭倚竹鐫哀玉
平楚蒼蒼交遠邇田家隔水帶春星玄猿白鶴
日相待閣上衆山虛翠屏天雞喚起海底日枕
撼松濤吹乍醒醒來拂拭鵝溪絹筆底經營夢
中見古堂突兀生前眼前黃門拍手奚奴羨康樂
昔爲永嘉守郝也剖符千載後遺蹤往跡空烟
藪來者徒悲昔人有空中鳥跡了無定花下歸
來一壺酒我歌且舞舞且歌去日苦多當奈何
拂衣歸臥留侯洞洞裏青霞許誰其他夜空山
一局棋剪燭西窗話殘夢

松泉篇寄屠田叔

松泉篇寄屠田叔
松泉篇寄屠田叔
松泉篇寄屠田叔

昨客長安中馬頭塵蔽天忽逢道傍柳斲立神
泠然故人屠軍諮示我九龍山人所畫之松泉
墨華飄灑意渺綿松陰泉落風涓涓松下二老
一袒肩霞襟天逸人耶仙胡奴赤脚抱甕汲石
陂彷彿生茶烟恨不置身於其側日與二老相

周旋我今真坐松泉下松間一道飛泉掛
空裏國中入此時翻作人中画嗚呼此泉此松
隨地好胡爲乎羈馬風塵老燈前但展圖画看
聞難又踏長安道請君捧畫持鏡照應有新霜
點烏帽

寄龍君御先生

君不見洛陽賈生才似躁柳下展禽通近傲乍
賢乍佞既無憑半點半癡聊自笑班超生入玉
門關歲星早待金門詔積薪十載未見收執戟
一官終不調武陵源上歸去來萬樹桃花繞丹
竈

穀日舟次橫塘蔣叔範買魚作膾

扁舟夜泊橫塘麋密霰舞空寒製肌曉聞橋
響策策隣舫理楫難聲微腥風逆鼻魚市近初
日倒波光動天手提赤鯉者誰子芥米入舟泥
沒腓丹鰓碧貫柳枝弱錦鱗紅濺桃花肥向人
掉頭若有訴映水鼓馨猶欲飛吳娃纖手事剖
剖鐔刀縷雪春霏霏試調芍藥薦薑桂興來縱

之無停揮天涯朋舊且爲樂風塵回首音書稀
清耳熱極延眺野陰初霽流晴輝欣逢穀日
暖氣達農祥有紀無恒飢忽憶吾鄉足魚稻作
客經春胡不歸烟波釣叟日相待因之夢落滄
江磯

過海壇竹院訪徐廷珍明府
城隈別敞招提境一曲峰陰竹千挺沙擁江聲
佛骨寒井通海眼雲根冷由來仙令愛名山歇
馬時過雙樹間手拈小品對涼碧隱囊紗帽何
蕭閒亦知褐父悠悠者把臂入林共披寫自言
作吏苦風塵窮海逢人和彌寡如此清真一使
君右軍內史更何云山經取次勞鉛勘呵護先
煩玉局雲

爲王生題長松瀑布圖壽新都鮑翁
古堂峭壁高摩天中有噴薄飛來泉長松倒挂
擎紫烟石蘿吐花垂裊裊潭風卷溜凝澌澌平
坡穩當松瀑下雲霞半壁相新鮮金芝珍草迥
幽遠更添玄鹿崖之顛臨流一老神爛然黃山

鮑翁無乃似天襟散朗風儀儼昔翁志氣常
年廣陵酒暖花滿船花底二八彈琵琶酒酣
語吐然諾俠游耻干京雒權文心儒行自標格
醉墨時灑蘂菊歲竭來投老黃山曲入雲種藥
開瓊田張翁老去但食乳陸賈歸來頻擊龜王
郎繪圖傳好事邀余賦壽松泉篇吁嗟此圖髮
髯在何許將無軒轅宮畔黃山前長松飛瀑日
在眼世人苦乏看山緣何如此翁坐盤石北窗
靜聽松風眠不辭爲翁歌此曲吳綉一掃張寶
庭

送張孝廉計偕北上歌

憶昔真龍起潛邸明兩煌煌燭南紀中興賢
屬君家千載君臣若魚水正人在位百邪伏聖
主垂衣萬邦理貂璫不得干時政關寺祇合供
除使著成成憲垂萬年外藩何預刑人權郡國
惟行平準法關津自給水衡錢寓內昇平六十
載吁嗟往事仍騷然麟衣玉帶日相假虎冠紛
紛遍天下采珠竭澤澤已枯鑿鑿開山山盡赭

寧知日月所照臨寸地尺天盡王者焚裘却駿
賤珍異世后由來絕妖冶衣冠被繫憂晨霜父
老吞聲淚盈把未能指日烹弘羊空憶當時相
司馬張郎亦灑賈生涕載牘三千隨計吏入都
咸識孝廉船賜顧猶存丞相第匣中寶劍鳴風
雷倚天決雲雲爲開反經任勢不一試十年鏞
室胡爲哉知君少小鄙章句莫怪山人談世務
射策須憑轉日功匡時豈籍凌雲賦只今玉燭
須調燮況遇橫流顛舟楫韋門高軌自可繼行
待後先流奕葉無忝先朝賢相名再光世廟中
典業

汲古堂集卷九

康大甫過宿山房以詩見示俛仰今昔慨

然放歌并簡季輿

大甫爲徐卿先生孫

昔我弱冠時謁汝大父方稱詩女髮未髻受論
語空山五夜聲吾伊項生結廬近東嶺扁舟黎
杖同襟期中天忽坼少微霄總帳夜長猿鶴悲
吁嗟往事已并載源水重來人代改別院花飛
燕壘空古堂草暗螺書在邇聞落魄更伶俜喜

見傳家尚文彩憶昔爾祖人中豪少從將軍
子高樓船渡海將萬艘手掣鯨鯢出飛濤
洗血匣寶刀從容草檄含紫毫黑雲壓波萬鬼
號燈前笑談持蟹螯功成長揖不受賞千金立
散輕鴻毛結束翩翩游白下耻逐狗屠居幸舍
書掩會稽內史名詞傾少室山人價紫駟更踏
燕昭臺駿骨黃金安在哉五侯七貴爭擁篲一
日聲華動九垓歸來唯留書一篋苑後何煩殉
玉匣眼中見汝能綴文地下有知寧悔俠項生
已艾我過壯清時天意容疎放汝亦足張
軍未覺山林氣凋喪沃汝以潤汝顏頰白石
兮雲之間聞道宗生留祖書相將長嘯入匡山
王昭粹舞劍傷足歌

汲古堂集卷九

四

用神鋒雖利不利爾不若鉛刀能補履劔乎
乎少用此夜半狀頭市如注繞匝風雷忽飛去

過平輿

廣放遠能遠笛中歲爲關北山麓牆頭紫翠
峯四圍上清絕一曲呼簫耳熱朱顏酣醉
寒多亦移家近西嶺相過有時惟露頂湖中
月色醉可賒林下泉聲吹易醒我醉欲眠君不
留還倩蕉風送歸艇

張吉甫

自是如上人遊仙都過歷陽湖峯忘歸湖

至遠至野湖中劇飲沽醉矢口放歌附奉

使簡鄭公并寄葛了成鍊師時鍊師久客

愚公洞南游未還

五雲縹緲仙靈區碧流丹嶂開清都夢僧策杖
石橋出秋風笑落匡山圖谿光碧浸千峯靜一
柱剡天九霞頂仙掌高擎漢帝盤神丹光浴軒
皇鼎河漢斜傾匹練暉日月長虧半規影激激

潭風馬迹寒冥冥松雨龍髯冷支郎指點探靈
異日夕題詩滿空翠意歸石上意歸人飽殺烟
霞不成醉平頭青絲雙玉瓶中丞送酒來山城
蓮花銀盞饌黃獨楓林石間炊青精知君標韻
故玄朗結屋祁仙幾來往行邊一現宰官身初
衣仍仰名山長愚公洞裏春無恙重來便撰盧
放杖更欲南尋葛煉師芒屨共踏芙蓉嶂

張吉甫

張吉甫

淡古堂集卷之十

七言古體

東甌何白无咎著

長夏渡江乘月至羅漢

火雲如織倒波赤江魚掉頭鳥拊翼日落佳峰
烟翠深水風野色清人襟停舟遙望林烟起稻
涼沙路平於砥前村綠樹明月來照見隔溪人
渡水

憶昔

淡古堂集卷之十

憶昔南尋王虛洞屢渡初從一溪入鳥飛空翠
俯可拾人行瀨氣清堪吸仙翁獨坐土室靜深
深鼻息玄龍蟄白馥春餘大藥壓池丹洗器
砂汁巖虛微聞空籟生庭空坐使大魔泣我
短綆臨九淵萬丈幽幽難下汲塵心未盡輒辭
歸只今夢想嗟何及天際如聞鸞鳳音五老峰
頭高戴笠

送鄭可貞之白下

諸侯賓客紛如麻鄭也閉門窮五車稍辭雲

出山去始知大海多龍蛇金陵佳麗人文蔚
淮明月長干酒懷古達人共賦詩領下驪珠
君手

憶昔行

憶昔十八二十時落魄無家頗豪縱雲金鴟
俊莫羈嘶風胡馬狂難控擊鉢千言猶恨遲
孟百罰寧辭痛赤脚晨登天柱峰大雪夜尋梅
兩洞隔林虎豹正啼飢酒氣淋漓色不動
忽逐鬚絲來風顛漸倩年光送北窗丘壑
淡古堂集卷之十
眠中林筍簾宜清供佛火焚焚冥道機金磬冷
冷過禪誦聞來忽憶往所爲撫景驚心還自訟
霜飛水落理固然不信醺醺尚迷憂哀樂無令
兇章知炙背前軒續殘夢

新都吳獻卿久客伯兄參軍署中暇日訪
予三谿草堂秋暮將近黃山歌以爲別獻
卿且訂就予十居故及之

布帆春水漸江歸君到鹿城春已暮落葉頻驚
官舍秋歸夢推推懸海樹伯氏之官江上郭喜

奉連枝慰離索得句頻臨春草池看山不出蓮
花幕而兄頗念客計貧愛弟應憐宦道薄松膠
稍可給官厨祿米祗堪供海錯興來忽買蘭葉
舟高情愛我林塘幽雙溪繞屋月窺沈萬竹掃
天風滿樓起按繁音叶吳曲更翻急調楊齊謳
耳熱鳴鳴不知曙鷄鳴村巷晨光浮雲日熒熒
亞桐葉池上微風動烏帽紫纈初裝瘞鶴銘白
麻試搗來禽帖或寫南唐小錯刀便覺湘煙流
素箋麻卿家酒詩諸體
中多法書名畫更羨吾鄉七風好汚邪

歐古堂集卷十

萬頃繁秔稻雨綠桑麻野色昏霜黃橘柚湖光
晶賣藥宜開韓伯奩種魚欲壘朱公島不辭千
里可浮家願分一壑從吾老故園舊在黃山邊
條來話別心茫然歸期須落清鴻後遊情好發
江梅前爲君且卜安道宅春風早稅東臯田
寄亦止嚴令君於郢上林公舊宰永嘉
憶昔飛鳬向東越花滿清江照明月今日鳴琴
入郢中風拂朱絲流白雪白雪操餘憶賞音越
江明月悵同心願隨明月南之郢來照夫君膝

上琴

過廢園

重門無客春仍到寂寞池花開自笑亭臺斜照
孤兔騎草木慙生禽鳥傲更聞天陰月黑時鬼
火青燐鬼車叫君不見梓澤梁園鉏作田牛背
笛聲送殘照

醉竹翁歌

醉翁宅近仙山麓萬個琅玕寫寒綠影浸微波
漠漠烟清諸遠瀾蕭蕭玉鼻觀香通簾箔林神

歐古堂集卷十

期雅愛簫管谷伊人古貌足相當此君高韻能
超俗閒憐瑤笛石上叫或把琅書林下讀雨殘
返照生白虹天遠流雲送黃鶴桂牖涼陰夢乍
醒瓦鼎素滷茶正熟恨無千散共欣賞忽有羊
求來剝啄酒傾縹緲只舊醅懷裏青荷惟脫粟
鶴髮從教紫羅冠世情聊付文楸局出林漸見
龍孫長啄實應看鳳雛宿從教物色來蒹蘆何
似詩人咏淇澳我欲從君選釣竿歲暮頭來就
林屋

大水嘆

丁未歲自五月不雨至閏六月八日大雨得五月夜不止水暴至城為壑見易三港開居民窮乏以十月縣及結後開

至有母子相抱浮尸于河者是歲都縣罹此患尤甚

君不見水母夜掣鐵柱飛淮鎖嚙斷無支祁鞭
空壁蜃房瀉湯欲空南國壘蛟螭阿香使者訶
不止亦電無光鼓聲死長風拔木雨翻盆一望
千村唯白水近聞昆陽半為沼北港居民淨如
掃麗王笏簇怨不還曹娥魂魄空相抱野夫獨
立山之阿呼天迸淚空滂沱已失旌陽第三劍
龍乎蛟乎奈爾何

九古堂集卷十

耶耶行寄廣平邵伯劉際明公祖劉公傳

以侍御史出守東甌

君不聞平原君當時幸合客如雲魯連豈是有
求者談笑抵掌却秦軍平原置酒起為壽堂中
上客徒紛紛太行東走耶耶野秋風日暮漳河
瀉往事空悲珠履塵行人悵望藁臺下千秋復
有廣平公五花驄馬高纏髮借名不倚諸侯貴
下士能高俠烈風白日放衙無俗駕焚香款

多清暇東閣寒梅北地春西園明月南皮夜水
閣西園勝勝游可能無夢憶并州南來倘倩隨
陽鴈麗藻先傳東海頭

寄題四明章長輿竹圃

章郎謝客門長闔不令俗物當眉睫手種篋管
千挺餘日對此君惟挂頰哨然清嘯倚胡牀
爾冷風爽烏帽涼霏不散白日靜碧雲忽墮空
陰合茶烟橫拂紫瓊琴花氣微薰青李帖夕光
練練素月生照見熒熒垂露葉螢飛驟聞山雨
來鶴鳴遠與風泉答幽蹤不違右軍知遠躡未

九古堂集卷十

黃居士以稜鞵見贈

木魚初綻犀皮老良工織屨輕於編葉縣徒誇
賜履奇香山未覺飛雲好道人贈我良足珍着
令丘壑廻嶙峋松間雅稱屬賓衲水陸忽映華
陽巾傍人問我者誰氏東林居士無懷民與君
共禮須彌座步步蓮花塵不泥他年携此向西
行蔥嶺相逢指歸路

鄭昆巖中丞開府榆關遣材官致書見招

不果行奉寄一首

延川中丞飛尺書趣秣我馬膏我車我欲從之
不可得側身西望空躊躇開函恍若度沙磧黃
沙滾滾胡天碧穹廬毳帳接窮荒幕府憑高臨
漠北鵬邊雲色翟城寒雁外河流秦塞白千烽
掩月夜行邊萬騎嘶風朝獻賦詞客誰鐫班掾
銘中軍自草陳琳檄此時置酒清寧臺詩臺
上諸作銀罌豹血傾金罍鱗鱗寶甲憂寒日淵
淵金鼓殷春雷幽州壯士盡豪雋西飛將俱

及古堂集卷十

七

雄材終南泰華倚天紫北風吹雪關中來獵纓
四顧何雄哉知君夙尚標林壑禹湖白鹿芝田
鶴碁墅難藏謝傳名穀城終試黃公略神仙將
相一流人功成便合先抽身他年共抱九仙骨
瓊玉臺前覲玉晨

夜泊遠河聞灘聲

中宵肺病恒無寐客枕灘聲靜逾厲忽憶山內
石澗秋酒醒候疑風雨至乃知哀樂逐境生何

事同聽不同思

方子謙雙孫歌

詩於李本寧人史

寧馨孿生盡英物天骨嶢巖氣道逸月生海底
媚雙珠雲剖昆丘瑩聯璧神駒初浴渥洼波坐
矢驪騮一萬匹阿翁含飴花下戲文簾斜光花
滿地向人解作吾伊聲挾書亦辯之無字一栖
兩雄世已稀伯也觥觥食牛氣子謙長孫君不
見徐卿二子生絕奇杜公詩中如見之君家兩
孫更奇絕眼前安得如公詩早晚扁舟過郢水
須乞作歌人姓李用李長吉
贈唐兒語乞詩足繼杜公後
君與徐卿同不朽

及古堂集卷十

三十五

楊木甫過宿山房醉歸墮會昌湖作歌曰

傷且嘲同舟金師厚拯之不力戲成和章
君不見麗玉簾簾聲正哀公無渡河歸去來又
不見呂梁懸流空蕩潏丈人蹈波與波出得全
於天復全酒何人濡身且濡首棄之者誰如敝
帚一昨楊郎掉晚風耳熱扣舷明月中翩然撞
入馮夷宮醉眼模糊不知處解衣欲卷水禽臥

脫巾便挂珊瑚樹調笑靈妃顏薄怒歌翻地軸
百川注貝闕幾幾欲欲仆赤龍磨牙撼銅柱
聞主者麾之去水面仍煩老龍送登岸欠伸窅
疑夢似云扶出老明經且盡黃荃三百毫嗚呼
似君之狂投之龍宮尚不受何怪乎眼前無援
手人生吊賀亦何常且再向花前呼大斗

題郝仲興給事實寶鼎堂歌郢上土人耕於

野得二門焉一闢一方光惟煥施三代時

物也仲興購得之顏其堂曰寶鼎乞余作

歌

土人曉耕平畧中逢逢金英生白虹斲地三尺
得雙鼎出土射人光炯炯陽圓陰方各殊制芬
郁輪囷章采備空青的皪爛燭銀雷紋宛轉流
雲氣還皆初疑七寶成翠珉光惟珊瑚碎巧僊
斲指餐示貪比象鑊形昭厥義諦觀銘字不可
辯微見蟲魚留款識神物欲出良有時沉埋千
載寧容閱世人空按宣和圖後生驚見先王器
鬼訶神守川效珎天祚休明方告瑞郝侯得之

喜欲狂遂以寶鼎顏其堂正冠拂拭不敢褻時
分芝火焚名香尊匱直昂鳳所好坐今索莫無
精光譬彼冰蟾出天漢累累列宿收寒芒平生
好古癖良已似若天爲醫膏肓一官棄置何足
道照乘連城非論寶家人日午告絕糧赤手摩
挲那得飽君不見惡少封侯狗盜雄範金鼎耳
邀殊功

後寶鼎堂歌并乞揭款識古篆見示

郝侯乞我寶鼎歌恨未身登寶鼎堂一摩神物

漢古堂集卷一

其差賞與若髣髴遊軒唐先王采金度典則比
象制物通神明叶商彝錢鬲狀非一形或大小
隨園方媚祇薦廟賚勛烈所貴明德昭馨香形
鑄夔龍間饗餐文勒蟲魚叅史倉神凝志壹費
珎鏤寧爲後世開滂荒頌銘炯戒準謨訓告成
表瑞垂無疆吁嗟世降禮樂廢積波汎濫疇能
坊康瓠瓦缶日充御黃鍾丹雘同淪亡宣和之
間頗崇古欲借文具爲鋪張君臣營樂禍亂作
內府珍玩歸擅鄉幸存遺譜布貞東摹奇搨異

留緣細乍可按圖索神駿或如愛禮存餽羊古
文歷代日孳乳變化出入爭毫芒大臨呂永叔
歐陽集古錄尚功欵識差周詳蒐羅斷簡出
金石刷剔泐本傳琳瑯螺書龍畫發衡嶽鸞翔
鳳翥搜岐陽我生好古亦成癖披索寢食時俱
忘眼中之堂若可見中夜西望空傍徨我侯此
鼎豈世出地不愛寶天呈祥吉蠲亟宜告宗廟
更用十襲深珍藏玩物溺志古所慎願侯肅穆
如持盈叶況侯苗裔出神聖永保子孫宜壽昌
汲古堂集卷十

本支百世慶餘澤相將漢水同靈長

客長干除夕前三日旅思作惡程生拉余
飲城南酒樓醉歸僧寓口號

客中送客仍爲客日日思歸歸未得我獨胡爲
淹此留空囊難具東行丹程生同客百不憂爲
我呼酒城南樓不辭醉倒長千里醉眼迷離天
似水踏馬還尋蕭寺來燈影香塵如夢裡忽聽
吳兒歌竹枝依舊愁同未醉時

姜艮峯先生竹梧書院歌

華蓋峰前舊書屋屋繞屋高梧映深竹編摩上下
數千年圖籍縱橫三萬牘金石琳瑯差甲乙月
露風雲費標目象胥稗史每連床海志山經動
輶軸裝潢未覺萬穀盡繕寫已看千兔禿先生
兀傲盤其間澆澹古今笥爲腹梧坪月轉寤以
歌竹塢風生行且讀水面魚來杏粥香亭臯鶴
去茶烟綠興至臨池自揮灑盎盎松煤漲洮玉
古隸遠法師宜官小篆近傳韓擇木後覓扶石
勢騰擲龜鱉飲江形瑟縮一區故自足千秋未
汲古堂集卷十

解人間有翻覆君不見平泉與金谷不貯緣細
貯琴筑綺羅花石委荆榛夕照荒烟下樵牧又
不見李渤書堂留白鹿青蓮亦在山之曲君廬
突兀共巋然一笑浮榮如轉燭伊余汲古乏修
綆俛仰遺風企前躅我所思兮意不忘彼有人
兮鄰可卜相期問字過玄亭稍待山瓢酒初熟
朱翁種菊數百本中有名紫芙蓉者中挺
一枝獨着黃花咸以爲瑞賦此紀事
朱翁種菊數百本滿堂爛爛明朝霞一本駢

分二色遂令見者咸咨嗟恍如丹鼎中文火抽
黃芽又如絳宮裡紫氣騰金華農經服食首稱
此輕身益美非浮誇南陽甘谷豈無本東海仙
丹空如瓜顧翁采掇入靈藥不煩辛苦營丹砂
平生我亦好奇者來看一日門三搥摘英泛酒
慕元亮繞花索句同劉義爲翁更續彭城譜欲
令好事傳無涯君不見名園豈乏一萬本欽烟
池露空交加已教繡閣護青幕更遣錦屏圍絳
紗曉霜贏得美人護雙雙紅袖低相遮那得靈
源古堂集卷十

亥有如此新羅龍腦徒紛葩於乎醴泉芝草豈
擇地余亦歸來處士家

同高行之將軍駕樓船汎海作

霞光倒海半天赤蒼蒼海色玄於漆潮吞欲斷
不斷山浪吐將沉未沉日侍兒聞美小忽雷狂
客吟操銀不律遙聞金鼓哨舡迴采得江瑶佐
崖蜜

放歌行贈陳太史

君不見陳孟公豪氣盡傾三輔雄開尊投轄秦

賓從立侯七貴爭趨風又不見眼中陳太史風
流儁爽將無同憶昔抽書開虎觀日斜下直麟
殿門前車騎集如雲堂上歌鐘夜張譙碧梧
錦石高雲涼花撲金尊琥珀光銅盤紅燭夜方
午飛爵騰觥殊未央賦成對客誇鸚鵡酒盡呼
兒典鵬鷃逸思豪情每如此須臾日上觚稜紫
黃門飛鞚催宣麻酒濕宮袍呼不起醉眼迷離
趣著冠還如李白直金鑾寧獨填詞邀唐賞已
看飛檄走呼韓蛾眉忽與流言會碧山賸有

源古堂集卷十

南

書地一曲西湖卽鑑湖萬頃醪醑千日醉忽憶
中天秀華頂人外襟期有宗炳飛流曉漲石梁
橋霽雪夜明銀地嶺太史同宗山人游天台問
雪銀地嶺精舍十餘日
乘興仍爲鴈宕行舊題殘墨錦苔生春牋一幀
挂海色霞標倒影連東瀛夙昔心期欣把臂歷
落嶽寄自風致東山絲竹寄沉冥誰言謝傳終
忘世腰下銀魚不用焚壚頭酒綠未辭醺愛客
長憐北海相酣歌且就左阿君

和王昭文夢仙歌贈劉衛卿衛卿通古篆

印章

子晉軋雲吹玉笙天風忽送昇天行似聞昨者
放僊子倘是當時徐佐卿我愛劉郎有靈氣曾
經分治芙蓉城偶然調笑迂上帝騎鶴飄飄辭
玉京雖向人間稱放逐尚賜黃山作湯沐芝田
水畛浴丹池坐領僊源三十六琅函一編太上
書變化孳乳皆蟲魚誤逐浮名向塵土素心遂
與雲霞疎赤日黃埃苦飢渴復向東來飲溟渤
太玉樓頭一遇君醉上華峯攬明月黃山山中
太古堂集卷十

黃鵠篇爲邦伯蔣公太夫人賦

考洪鐘斟大斗堂上雙尊壽貞母母也兩髦今
白首將炙者誰東海守四座且莫誼聽僕黃鵠
篇黃鵠昔栖閩海濱宛宛比羽嬉青雲一朝羽
翼中乖分襁褓抱影求其羣秉性耿介誰與倫
翼拊六翮雛口銜五色文將雛髦髦文五色托
義比之貞母德大夫英英萬夫特昔爲尚書郎

今爲二千石綸綍煌煌紫泥施三命女宗天所
錫東方千騎居上頭隼旗子子來南州分疆楚
服今諸侯時那伯權侯拜稽首揚君休母嘗君
羹食君祿永錫爾類昌爾族昇母長年綏母福
試聽絃歌按黃鵠

題遡源紀事卷送李又思孝廉還全椒

高皇又思始祖爲樂成人
帝定鼎金陵以良家
至三世祖其公者從征西洋累功襲百戶
侯食采全椒遂爲全椒人至又思且十世
矣又思東歸掃墓邑人高其義贈詩累數
十篇援筆賦此以附末簡

憶昔高皇造中寓手揮天戈掃胡虜百靈景鏢
六龍飛三輔良家盡英武李公發跡東海隅浴
鐵前驅備行伍功成仍隸羽林軍壯士悲歌激
暮雲隴西將種起三世還從絕域邀殊助世延
賜食全椒戶七葉承貂昨疆土滁陽遙望海東
雲人間幾失城南譜聞孫君似金閨彥未論南
金與東箭策名生際右文朝賦聲已壓靈光殿
一棹飄然訪故鄉甌江淮水澤靈長越吟楚奏
須臾事誰似百年能不忘沐蕭臺下墓門道馬

鬚髮迷深煙草殘碑剝落爛不磨四朝詩

又思韓大父曾來

遺老會修家來而去物色相看喜復驚

按牒殊分明靈鐘冥應豈徒爾重為十世修宗

盟嗟吁何人不忘故只今蘿附皆浮慕一朝赫

奕登要津託體同根等行路知君高義薄千秋

況復時標第一流他年鵲化黃金印載見天開

忠孝侯

雨後行池上讀韓昌黎盆池詩戲作

朝往觀滄溟荒荒渺予目道逢夸父如渴虹俯

飲僅得當一掬

卷十

韓終與子喬對博不能客五太史人聞此笑且

嫺予亦歸來聊開圖試弄盆池一拳石居然山

海蒼茫間老翁依舊是童兒欲語世人殊不知

殺君馬詩

殺君馬詩

殺君馬歸傍兒君馬何所之君馬向東馳青絲

為君絡黃金為君羈敗君之駕君詎知神不食

而當告誰我縱邀君亦奚為口燥唇乾不能追

吁嗟嗟兮我心悲

寄張叔弼別駕

歲在乙未予有出外之役

予意與中人類叔弼方為縣令

及入城縣縣從典將軍乃知

叔弼也

得往路不相聞問

為書郵口

青上錢塘南登岸層濤如山秋向半手持方麴

大道傍斜日隔塵人影亂輕車蹴踘從東來掩

人面晚過黎生借問君知爾乘車向江畔可堪

相失在須臾咫尺盈盈不相見平頭走覓孝廉

船已報帆開疾於箭桐江雲盡片月來目斷南

天淚如霞風塵回首阻升沉廿載流光激飛電

聞君載剖銅虎符興託尊鱸即投傳陶潛

凡幾叢李謐擁書盈萬卷浮名於我復何益美

酒向人殊可戀予歸亦罷梁苑游畏路轉憐余

士賤閒同野老紀歲時恥學文園草封禪知君

高臥大姥山偶因小朗書筒便則公南還有報

章令余長價蒲葵扇

乞王明元臨聖教序歌

蘭亭匪刻昭陵上牙搗唐墓宿難覩陝右猶存
三藏碑斷壁殘珪差近古登摩本日失真珊
半折春蠶股今人愛肉不愛筋魚目墨猪方
泥珍千金駿骨失之瘦似君那得宜今人喜君
龍浪語機警書苑驂驪流景誰言文弱不勝
衣連腕居然力扛鼎懷仁集古獨沉淫興到神
融撒畦町筆端內擲頗森嚴稍覺龍淵露鋸頰
翻笑天將壽此翁一病十年塵事屏承調貫蠶
老益工臥被畫穿臻妙境平生吾亦愛臨池自
汲古堂集卷十

笑鈍指真如推崑崙本領感故習邯鄲匍匐愁
多岐一幅吳箋瑩於雪墨添煩君時一潑臥看
不獨三日餘要借金丹脫凡骨

客中酒盡向林君表乞家釀遂蒙見餽走
筆爲謝

去年酒價傾百緡酒徒俠客來如雲竹堂醉臥
月過午鶴憂柳風吹宿燐今年客裡少涓滴誰
爲老面開生色馬蹄路路醒向人臥壁羞稱五
侯客聞君能咏謝公詩拍浮亦有高陽池鼻根

自笑不如蝶鄰有香露今始知青絲銀盞忽
送已判今宵穩歸夢明朝不遣長鬚來須防畢
老眠春甕

楚江越吟

楚江越人愁少眠切切波間聞古絃憑風吹夢
故鄉去買醉乞眠拋綠錢惝恍如雲帝子降沙
磧蘋青渺余望霞綃半剪湘潭烟天低翠織橫
秋嶂楚魂喬喬鬱未消越人擊榜歌勞勞越人
魂逐楚魂逝更倩楚人歌大招

汲古堂集卷十

夏日過羅峰寺宿

遙識孤松到嶺平神先目往身爲輕峰迴情合
嵌山腹繞殿澗泉深竹鳴蓮臺輝映佛像好心
空境寂名香清禪房飯罷具湯沐披襟習習涼
風生晚來月出貯一壑泉光樹影涵虛明談深
起就古堂宿僧過石廊聞履聲

送陳君籲北上并簡其尊人良父丈

天駒汗血先超羣五花欲就龍爲文秣燕刷越
名旦暮歎沙磧景嘶青雲引步蹇龜卜千旦

詩如振綺殿將尋碣石宮破琴定跡宜
陽市只今舉子須制科袖裡三都一抔水
復漢平津行卷須子秦博士而翁青眼望
子眼中之人吾亦爾寧親況近苦寒月應念
園久離別倘憶滄浪舊釣游夢落冰壺湖上雪
赤城林孺苞孝廉過訪予曩游天台得交
孺苞乃祖初陽先生時予客王恒叔白龍
溪別業文酒相過從皆一時名士俛仰今

昔慨然成篇

昔驚綠玉杖狂躡青雲梯朝辭白鹿洞夜宿白
龍溪一時過從三數公赤霞照海城爲空共攬
瓊臺兩峰雪瑤花散落滄溪東云有初陽子手
鵲雙王童按節噓音入霄漢新聲七犯翻瓊璫
簾霜淒淒動寒色澗花漠漠搖春風微雲清夜
度銀浦華月中天流彩虹野人於此興不淺起
按漁陽聲坎坎王郎耳熱眼花落醉向龍谿探
龍領時初陽攜駒對兩歌兒過訪王蒼峯文學醉墮溪水中回首頻驚歲
月深袖中尺素十年心墓門宰樹冷松栢鄰

悲風散竹林翩翩有客來孤嶼則之初陽乃其
祖居然修刺向通家曾說射游同大父君今六
翩連青雲俊氣高標凌紫氛訪舊未忘屠釣者
忘機仍狎鷺鷗羣只今貴游耻章掖賓朋高蓋
嗟乎林生無與倫嗟嗟乎林生爲爾於歌涕泗
沾衣巾

大水後登瞿溪龍潭作

石潭風葉寒相語中有神龍蟠水府白晝微噓

風古堂集

卷十

按雲下方

汲古堂集卷之十一

東甌何白无咎著

江梅引

萬曆甲辰上元後一日赴榆林海泊高岡

徘徊月下梅花遂深離索之感用賦茲篇

江梅的皪吹晴雪獨樹亭亭映江月不因空谷損風神似爲征人惜離別別恨初禁此夜長雲津烟舸卽它鄉遙憐故國花如霰深閉重門月似霜高閣參橫斜照影疎窗風過暗吹香吹香

汲古堂集卷之十一

照影搖殘夢忽驚若曙曉風爲被殘生玉雲寒較水明合銀餅凍可憐江樹遠含情可惜河橋不相送折贈寧知塞北春調音未解江南弄江南寒北隔風烟春信難教驛使傳碎葉城頭頻破月賀蘭山下易經年黃沙積裏無春色覓寒梅訪消息却月凌風祇自吟連枝並蒂空相憶故國花開憶故人翻憐蕩子遠從軍祇應醉聽邊城笛一曲梅花馬上聞

石門夜泊

春波瑟瑟平林夕隔水洞門纔咫尺長飈卷樹映出雲素月流天江動石客帆殘夜近泉聲如此烟波倍繫情容易清秋歸路熟只愁明水惡塵纓

色波樓歌贈鄭孟仁

風流吾愛冲涵子揮塵超超吐名理仙人元自好樓居標韻脩然對山水何似長康盤礴餘畫出幼輿丘壑裡我來十日興未窮石床殘夜塵夢空霜鐘斷續溪流溪風羣峰橫黛紫霄半千家翠青連中徐看杲杲日出東萬嶺赤光生彩虹須臾日高遠天淨隔水松杉迴幽映鷗鷺翔簫點翠屏雲霞上下搖明鏡交關文練散都梁芳樾繁陰濕縹緗句就開尊呼大白情忘展簾拂流黃磯頭日暝釣絲卷花下舟移水宴張吹紫簫分弄明月石瀨濺濺動烟雪浮橋似泛客星槎銀漢微茫珠斗沒君不見臨春結綺空華縹回首荒臺走麋鹿畫閣俄隨盛氣銷舞裙唯倩鶯花續何如此樓山之阿攀叢桂兮長婆娑

流九萬若咫尺玉京十二空
嗟嗟洞中日月
弄人世一局千年已爛柯

鼎湖四老歌爲李鐵城大參竹峰冶沙鴻
臚旭山中丞賦

鼎湖岸峩卑崆峒玉臺賜谷摩高空龍髯烏號
事恍惚至今尚有軒轅宮千秋真氣闕丹壑五
夜靈光浮赤虹靈光真氣得如此厚地蟠根有
仙李君家兄弟住清都華胄遙傳周柱史鐵城
先生神炯然風髯雪貌疑飛僊矯矯黃鵠橫蒼
溟古堂集卷六

烟次公掃軌秉嘉尚游心結志慕皇上一官九
斗嬾折腰碧水丹山自玄暢叔也才譽傾雕龍
床頭未試雙芙蓉幽芬清滋百晦蕙遠韻鄉度
十崖松旭山中丞本人傑出處超超表風節
淚猶存淮水碑孤標高映龍山雪一堂鶴髮行
飄蕭白社青林日見邀何必商顏傳綺皓似從
霄漢挹松喬祁仙丹竈留遺跡無事重泥鍊金
液還於聖代激清風豈特山林借標格山靜
知太古時人閒課鹿種瓊芝洞中寶籙風雷

花下棋枰日月遲余愛名山事幽討深夜過從
傾素抱明朝惆悵別鸞驂風塵回首滁陽道安
用淮南訪八公聊向鼎湖歌四老

春雪篇遙寄鄭中丞時二月朔後三日蘭
陰道上作

春漸融日溜春聲客路韶光感客情梅風暖度
繖貂重陌草晴薰覺馬輕晚汜崇光初轉蕙谷
迎淑氣欲催鶯忽看雲色朝來變凍雨鳴林半
成霰沍陰低合暮天垂飛雲亂逐回颺旋脉脉
盈盈疎復斜凝寒積素宮還遮柳柳不分先
絮梨萼俄驚早吐花平接璫田銀作海光分
水玉爲沙數點殘更津口鼓一聲橫笛夢中家
家園知不遠回首音塵斷忽憶去年春飛雪中
宵滿簾寒圓輦月濛濛亞珠林花纂纂此日
征人憶故鄉此時對雪念他方隔年撫景增離
思兩地相望各斷腸腸斷江南客行行殊未息
何處是邊城問程初計驛光祿塞前凍未消赫
連臺下寒應積獨伴青春萬里行不知何日到

金明中軍已幸從神武僕射真堪托弟兄定知
郢雪流高倡散作春風滿翟城

同鄭中丞李督護遊雄石峽

赤峽峻嶒摩碧空橫崖鑿翠開琳宮兩山垂合
忽中斷天關重關相對雄澗流百折日東注盤
渦轉轍風雷怒雲生榆塞接胡天日懸駝嶺低
秦樹秦樹胡天萬里心憑高眺遠一披襟英雄
割據空塵土辭賦悲涼自古今清時幸際烽烟
淨暇日尊罍此乘興翠暢還從初地張石壇寶
汲古堂集卷之二
樹午陰涼蒨菊滿蓮花
禿衲小隊催歌舞南都吳嶺出新譜重許齊都
教勒歌摻揭更按漁陽鼓健兒角技校前分萬
馬嘶風日欲曛試控綠弦開滿月笑看驚華落
青雲樂方已殫軍中戲鹵簿傳呼引歸騎冉冉
行塵擁去旌微微纖月扶殘醉回看飛礮轉冥
冥峽色烟光晚故青況是單于初解纜天留片
石待新銘

甲辰仲秋初度鄭中丞置酒清寧臺爲予

壽醉後擬杜公七歌時予客中丞榆林幕
中

今夕何夕秋當半我母生兒日初旦兒生墮地
逢百罹覩面人開貧且賤哀哀何以報劬勞四
十三年如激電風塵不駐游子顏夢魂漸失意
關面嗚呼一歌兮涕泗滂北風吹作胡天霜
長鉞長鉞蒯作縑遠游萬里淩清秋故人開府
當延州北折日逐西渠搜當戶角崩羽書少日
爲高會城東樓柳營壯士散金甲青天洗馬荒
汲古堂集卷之二
河流豈無婉婉幕中畫舌卷人喉安事籌鳴呼
二歌兮歌激烈夜聞霜角頭成雪
有墓有墓漆僊紅灣不封不樹依孱顏昔當負
土苦寒月十指欲墮屑冰間游子逢秋感霜露
巖松林栢誰翻壘黃狐豎毛跳風草老烏叫月
愁空山嗚呼三歌兮渺何在目送飛雲何處
有兄有兄老無嫂面似死灰皮肉槁兄雖無子
弟有兒天道何曾孤伯道前月人來不得書常
發投七憂心擣恐成永訣恨無窮草頭朝露誰

能保嗚呼四歌兮颯以悽鴈行中斷聲酸嘶

有妻有妻躬并日老母相依當姑舅力貧不怨

四壁空脫珥還能佐沽酒來時烹雞燒爨應

念天涯行復久荒村兒女共悲辛風雪飢寒憐

八口夜深織素愁未眠寒燈自顧飛蓬首嗚呼

五歌兮悽以颯耳畔杼聲如札札

趙括徒能讀父書韓景誤改金根車陶公亦自

任天運安用戚戚空愁予大見明經美筆札小

兒頭角饒風疎只愁暗嶁少合抱勺水不縱吞

六歌兮子恩深每自失天畔

六歌兮歌莫悲芝草醴泉生有時

男兒生不能自致富與貴四十無聞不足畏龜

腸蟬腹長苦飢鶴髮鷄皮日憔悴千金百乘豈

不榮苟非其義甘溝渰眼前童僕空嘈嘈解事

長令寸心碎嗚呼歌終兮脂我轂去去南山有

茅屋

寒夜張大將軍招飲是夕託宿西館

欲雪不雪天荒荒烈風驚沙鳴枯楊炎厥客子

來朔方聲肩如山吟欲僵馬簪築門雙環鏘健

兒八尺髯蜩張探懷出書三兩行挾客上馬授

以韁主人肅客堂東廂獸火鳳蠟揚朱光蒲城

羔醪傾露漿雲州牛酥切瑤肪帳下射生得黃

羊和以芍藥桂與薑燈前胡姬彈蠻粧當胸圍

腹彈伊梁曲停藏鈎夜未央不問馬汗凝爲霜

夜闌客醉就匡牀錦衾狼籍雙鳳皇香烟魂夢

相微茫夢着不知關塞長入門兒女牽衣裳枕

邊涕泗猶淋浪黃金繞身非所望願隨黃鵠還

故鄉與僕相對猶糟糠

贈杜日章冠軍

冠軍胄出城南諸才地翩翩具文武輪囷七手

讓射鵰枕苑名家推繡虎賦成神女幾腐毫勁

發石梁猶飲羽秦關豪雋九塞雄桓桓宿將推

而翁登壇幾佩徽侯印投壺綽有前賢風更看

季父勇成癖疋馬蹴踏龍庭空羨君學書復學

劍左握韜鈴右鉛藥架翻縹帙亂牙籤匣展蓮

花騰紫猷意氣泰山輕一擲關內姓名恒借客

四海比鄰盡弟兄千里鄉風如咫尺故人豈少
總無知衛尉何論程不識橫梁算前解賦詩磨
墨楯頭時草檄還從騷雅割聲華豈向青雲借
顏色更憐愛客未言疲不薄江南老縫掖花下
看予倒接羅一笑掀髯俄折屐背郭名園幾度
遊胡姬二八按箜篌綠槐小雨青油幕夜月金
尊紫綺裘經年嘯傲邊城下逢君未覺知音寡
建牙倘訪浣花居千尺春潭堪飲馬

劉奕世文學以詩見投奉荅一首

奕世爲
劉厚吾

劉郎歷落佳公子想像風神剪秋水尺書遙自
日邊來高義欲領天下士開函三復寸心見千
里比肩如對面子雲筆札照綈繡內史行書灑
團扇而翁信是玉堂儔羨君振藻仍翩翩慕難
天祿書方就草罷靈光賦已傳家在長安倚京
縣論交四海俱英彥炙轂雕龍碣石談銀鞍寶
馬東都餞列筵酒滿烏當歌擊鉢詩成花點視
興來嘯侶望西山迴轡憑高眺燕甸霽雪春融

太液波五雲晴覆蓬萊殿豪舉從詩史遊才
名不借金張援前歲趨庭走雄石醉墨淋漓在
青壁書來頗恨不同登山水笑人何寂寂嗟余
落魄高陽徒旅食邊城歲欲徂未逢公子身堪
許況對而翁興不孤春風吹人欲歸去綸竿重
拂珊瑚樹倘因海月寄相思知是山人釣黿處
雪霽偕邵不朋汪鼎父登清寧臺忽憶故
山往年同楊汝建王季法雪中過仙岩寺
訪秀公俛仰今昔忽歷年所感舊述懷慨

波古堂集

卷二

十

然有作并呈中丞鄭公

不明三字

榆關雪霽天拖藍曉峰亭午晴嵐登臺
更奇絕水壺上下光相涵萬井寒輝自歷歷日
華浮動烟霏含頻呼大白敵餘凜不禁兩鬢風
鬢飄忽思疇昔臥空谷江天饒雪雲初暈千
卷帳坐茵閣攬肩苦吟雙耳聃荆扉剥啄有一
子僊僊斗笠同幽探擁爐煮酒興轉劇狂如駿
馬思趨趨更憶高僧住仙窟萬峰削玉圍茅菴
駕言挈舟遠相訪酒餘茶具充筠簋入門呼婦

族肴核芋魁橡栗兼壺柑手携洞庭古鏡節還
從比舍煩丁男烟村野水鷗犬靜琪林瓊樹交
相參停橈矯首見石塔隔山寒磬音微齋平橋
水合人跡斷緣谿小逕親曾詣貧緣入谷到古
寺經聲出竹間誦誦開關撫掌驚絕倒拂席添
香收梵函東林酒禁甕相假沙彌斲雪寒芳甘
不須持盃借香飯齋厨白粲猶盈甌荀羹溜七
欣一飽微醺暈頰情俱酣空庭暝色壓梅竹層
壇恠影交楓楠玉龍駕霧角鱗鱗素鸞騰月毛
及古堂集 卷十一 上

竹千秋自附同桓譚官廚名醢殊可惡其如求
舊憐著簪柔情繞指日婁斷吐絲自縛同春蠶
愁聞邊馬動歸思心隨越鳥長巢南夢懸梅嶼
古田舍晴江早種沙畦酣荆釵椎髻婦偕隱黃
髮歷齒兒寧慙殘書數卷尚可讀窮年畢願隨
枯蟬問湖公亦有別業文螭赤豹遲仙驂功成
拂裏訂前約許分半席蓮華龕

三川過杜拾遺故宅

甫也手扶風騷窟萬竅怒號從此出才兼今古
具體裁力洗浮誇專氣骨高如太華撲蓮花深
如長颯蕩浪澎湃如龍騰瑞雲宮殿如僊嶠金
銀闕壯如巨靈掌王屋擎掌道落蒼崖裂雄如
宿將出祁連馬蹄亂蹴黃沙熱憤如壯士賜屬
鏤忼慨仰天思引決怨如棄妾閉長門掩抑叩
心聲乍咽愁如逐客下江潭殘夜玄猿哭寒月
清如法侶禮星壇珠樹早禽咲晴雪整如萬騎
獵長揚龍旂鳳葆紛摩戛管如神女戲淵皋翠
羽金支遽明滅直如良史秉陽秋事核辭嚴

斧鉞忠如屬國滯種鄉水帝寧慮護旄節練如
妙算定安危論事披陳何激切識如石畫授方
畧聚米指爲分曲折古如銀甕參瓦棺矯如雄
虹騖雌蜺勁如玄圃騰後視快如青海盤鵬鵬
幻如蜃市吐樓臺惟如牛鬼啼林樾朴如野父
狎農談俚如裨官叢術說纖如花雨漾霏微幽
如村笛鳴咽嘶險如浪啣岸垂崩危如鬲繫絲
將絕或如隱者流衣冠自高潔或如老曇摩毘
衲何勃窣或如六郡良紫駟驕飲沫或如三市
微古堂集卷六上

行閱經年妻子寄三川奉歲妻涼衣百結憂時
欲揮廻日戈撫事空指衝冠髮桃林遺恨用舒
哥花門過計留回紇三蜀移家逐故人五陵同
學俱先達山川遲暮感飄零乾坤喪亂傷離別
一生枯槁忍飢寒千古聲名爭崑崙我來歇馬
川上游手摹蒼苔讀殘碣悲歌扣石何激揚落
木寒泉相和苔神交冥漠望眼空野陰髣髴來
烏恰

送方子謙往太原赴李本寧大叅之約時

大叅序子謙所輯韻會小補成

郭中太史揚馬儒架插萬軸應球更看理板
照荒喬坐令聲價震遐陬昔君躡屣從之遊下
帷繼畧同冥搜上薄黃墳極鴻鳩下采蘭若
歌謳儒林梵策道者流齊諧越絕兼周覽晉乘
楚詛與秦湫掩探鴻寶碑岵嶇漂鸞鳳驤蛟
虬徧扶金石窮該收十年書成傳九州黃金如
山不敢酬繇俗非古陋程邈聲病趨新車隱疾
子雲自晒雕蟲技直翁應抱前魚羞七閩漿礪

刷寄我寶之不啻珊瑚鉤山園焚香一展閱觸
之恐沾寒具油太史方持太原節風聲萬里仍
相求遙憐三晉古名跡垂鞭歷覽當清秋黃河
雲外控關陝中條日畔趨燕陘嗟予儂寒別空
谷何殊伏櫪看驂騮著書未就徒自苦閉門忽
忽唯窮愁近從化人遊物始懷與注脚生爲讐
反觀黜聰墮支體不令一字胸中留煩君柱下
問消息可能首肯予言不

過鵲鵲攜酒共坐聽防壁月效鵲之詞
鵲卿化爲異物廿餘技而余亦再再見
非復曠最狂態矣感而作詩

憶昔狂歌夜相過檐下燃天如斗大攜酒騎危
就月明踏翻屋瓦誰能那落木蕭蕭江水寒一
曲甘州方入破歌殘霜露濕人衣坐看落月金
盆墮酒醒曹騰曉日高尚枕竹牀書劍臥回首
流光已廿年往日酒徒餘幾個無論絃絕少知
音卽有清絃誰與和舊棟還來海燕巢殘花尚

有林蜂課登臨謾作牛山哀久置此身如涕唾

吾宗卜世金溪濱當門霞嶠青嶙峋雖云季葉
寢霜儉文采風流時有人眼中誰能繩祖武吾
兄黽勉持門戶高堂有母膝有兒嫂也勤劬習
機杼歲時亦自祭魚菽賓客猶能具尊俎吾工
文賦浪得名豈有家聲傾第五喜看初度當清
和將炙提壺競兒女兄今百年始及半願及百
年身更健此時小弟幾尊同尊前婆婆雙老翁

兄謂弟勸類爲紅先世種種
晉兒時幸庭樹生華風勿
聞吾言忽大噉誰是詩人多
莫驚人間儘有揚州鶴

題秋浦烟客圖送舒仲符還漣陽

雲子雕胡熟天鏡霞綃幽苗涼目送飛鴻釣車
連膾砍文鰾蕙絲香舉中洲兮擊汰遵狂渚兮
鳴榔思公子兮蘭芷碧望美人兮蒹葭蒼即此
可以送日月遊義皇胡爲乎寒驅布帽不峭冰
塵黃何不袖君之手杜君之口新詩妙畫落人
間七尺居然非爾有秋浦信可娛有琴還有書
一丘一壑吾愛吾廬龍不隱鱗人皆豫且歸去
來舒仲符

哭梁進父

干戈伊人不作標徽風流日影落去時
古道非長途轉見交情薄昔予弱冠君壯年
心俠氣俱騷騷高談雄辯薄千古斫卻悲酸
四筵沐蕭臺下集賓客涼月如霜哀素結餘
錦石照池開幾几曉來浮紫烟蘭英更泛騰
杓墨濤亂潑菖蒲殘更憶龍湫看飛瀑列炬還
尋水簾谷石牀夜覺白雲寒我醉不知曲下宿
忽忽流光廿載餘盈盈一水數行書舊游零落
賓朋散空向河山嘔酒壚可堪更聽山陽笛撫

事傷心淚沾臆竹屋殘燈忽夢君風雨蕭蕭過
寒食

荅程相如將軍予自萬曆辛卯歲從吳門
張孟孺將軍宅晤相如時相如以布衣任
俠勇氣聞諸侯間席上談兵自喜坐客咸
相顧愕眙予獨爲快然醺一觥船也嗣日
本閩朝鮮羽書孔棘王師乃有釜山之役
相如日詣司馬門陳便計當事聽其議言
之

上遂以相如爲游擊將軍之正使往諭退
國以兵備日本時日本重兵在釜山
虛可一鼓下也蓋其持論如此相如
命乃復過家上冢召故賓客推牛爲高會
數十日已行至粵東南渡海輒爲言者沮
厓至占城而還橐中囊皆盡所募劍客健
兒亦散去君旣忽忽不自得茲復從軍粵
西以興一障之効其意氣故謐如也戊申
復提兵延陵走使致書予山中予計與相

如別且二十年所俛仰今言爲之慨然遂
有此作

程生長不滿六尺氣欲吞胡鬚頭磔獵纓談兵
風雨生研劍悲歌雷電劃昔年相見闔閭城並
轡夜過張尉宅城上寒山暝色來命酒燒燈日
初夕自言願一當匈奴不數吾家程不識尋常
未遇有心人十二恥爲無賴賊論交一諾身可
捐結士千金貧豈惜上馬飛拈金僕姑下馬立
操銀不律談笑何論萬戶侯指爲定走千人敵

我壯君言

七

謝

我壯君言一后座之昔時易云飛雨散
宮難期屈指星霜幾回國傳日本屋前歸道
海羽書飛絡繹王師十萬事東征使英何人參
石畫程生請纓詣闕下一日非常賜顧已歸來推
牛宴故人材官將酒兒行炙車前虎旅羅千將
帳外牙旌光燭艷姓名已怖日南王樓船直抵
占城國惜哉衆口噤令圖壯士于今淚沾臆翻
笑侏儒飽一囊依舊相如塵四壁從軍猶自向
炎方醉裏雄心何吶嘯寄傲灘江百尺樓夜半

唾壺歌伏櫪伊予抱膝東海頭方外時通紫烟
客自愛冥鴻不可招滂發腐鼠空相嚇憐君千
里飛尺書把讀風前意悽惻顧我形容異舊時
聞君英傑還時昔吾聞海運待扶搖六月天池
方一息且匣神鋒莫輕試不爾善刀藏亦得丈
夫遇合會有時莫歎笑人殊寂寂乘時還欲擣
龍堆志士豈能忘馬革聖主開邊憶舊臣勒銘
待洗臯蘭石

鴈蕩山歌壽項叔定

我壯君言

本二

七

我壯君言上海傍海山如鴈如駟如奔勢
忽騰騰而上干闥等而下踏水國龍所堂
波無清吹涉洋洗滌土氣寒冷掌鬼工
玄黃廉隅圭角森以張屏展嶂銳切星芒雲
霞詭爛天章陰洞陽厓儼虹梁鳥巢燕龕綴
房鴈湖初日浴扶桑龍湫濺瀑輪銀潢厥木松
桂梗楠樟厥草蒲木芝芋薑近閱百齡遠千霜
秩侯王五岳之外莫詮詳茲山獨立當大荒

彼介士潛幽鄉饑擷瑤琤渴瓊漿域中釋戀薄
羶薌眼中之人叔子當金光引年宜壽昌被褐
懷寶符采彰蘭佩蕙帶辟芳藹風霽雪顏冰王
腸鼓腹行歌慕軒唐音出金石清琅環與君慶
育山之陽撰杖逍遙頻舉糧玄熊赤豹駕雨襄
紫鸞黃鶴相翱翔書成託之夔峯藏德谷有時
發幽光百年一瞬未渠央兀與大椿絜靈長我
言非誇亦非狂君其問之漆園莊

李唐司文學太古堂歌

太古堂集卷之二
青山不改太古色此堂誰標大太古
隔人世無那世人使世情堂中大獨懷古
青山作賓青山愛主人長在門主人愛山不出
戶北窗欹枕夢羲皇陽阿晞髮歌梁甫探無朕
今太古心操有聲今太古音邇玄姑今玩大象
思美人兮橫素琴風習習兮起蘋末雲英英兮
翳中林鳳采兮遙集龍德兮淵沉發金簡兮魚
豕抽寶書兮璆琳咸池九奏天籟合滄浪一曲
烟江深軒皇問湖在咫尺瑤臺石室相寄奎君

自深心託千載靜中觀物冥神解欲濟蒼生起
未遲傳笏承家應有待願將太古調六誡坐挽
淳風迴四海

吳將軍歌贈吳大猷中堅

子房狀貌如女子吳侯眉宇將無似公瑾論交
若飲醇吳侯溫克真其倫上馬挽強開十石下
馬操觚飛片檄豈無君子隸中軍騰有水犀分
兩翼名家十葉弓劒傳駿畧鴻圖相後先羨君
雄才具文武國士無雙推世賢何如鸚鵡解維
繫金天一嘯忠孤寒
使材官情天子拊解方事邊元戎唾手初收播
雲臺勲烈行遲君自古侯王起叅佐天閑神駿
老始成佩印會看如斗大

贈虞宗父丈

爾祖秘書書絕倫有唐開國爲宗臣人間已失
汝南帖僅存枕臥饒風神逸遊飛動乍邪正海
水起伏浮齋淪世祿祀積墨池涸代興誰復揚
清塵千載雲孫有之子博工籀篆兼行真太宗

卷毛骨已朽又見渥注生翠麟江流下委迎
家輪扁疇云終斷輪曾聞伯施稱五絕不獨
翰垂千春願言下惟恣探討好似播殖先舊
泥君策名左右史溫栗之器為席珍聖人東封
紀鴻烈有待椽筆書貞珉

贈王昭敬文學

封胡羯末烏衣秀淮水金刀卜靈胃鳴珂舊里
接華陽奕葉金緋映先後昔君大父參知公黃
髮中朝首耆舊勲畧應將太傅齊聲華寧讓安
豐石三吳輒解玉腰符五湖便神烟神水
金鋪借日懸杏閣芝臺象雲精微歌復無來
年投轄留賓錯昏晝登臨却杖儼飛仙到處
靈為奏奏已看民社薦藻蘋更見學官光組豆
百不試一世已驚惜者共嗟才未究詩留未盡
遲君來天路乘時鵷羽簞況君少具三仁
彩葳蕤出於殼願言勤下廣川帷泰山之石
飛雷馬蹏踏花應有期一日長安待曉驂

慈靈峯洞飲寺僧新烹龍湫頂新茶因寄

歲在壬寅予集茅孝若齋中過試松蘿虎
丘洞口請茶品遂作歌寄懷孝若

獨頂東南天一柱上有天池宿雷雨夜半光飛
一潭霞海色金銀日初吐仙茶盤饌于其前
靈霜鬢枝幹古石根濺濺養靈芬雲表靈
玉竊接烟掇露出萬峯稟性高寒味清苦山僧
事持汲白泉活火新烹香潑乳玉華甫敢
通一洗人間幾塵土粉槍末旗殊失其風味
羅何足數白茅珍品說洪州紫筍亦名傳
寧有此地種正可僻遠未登鴻漸
應有游天末相思獨延佇呼龍欲試
冰共向雲中煮

汲古堂集卷之十二

東甌何自无咎著

七言古體

古別離寄鄧太素孝廉

此處風塵定時黃絲歷亂不可治兩物雙情
有如此我今與子行見之風波奄忽與子別暫
若搏森蕩迴雪我指石門谷口雲子乘彭蠡洲
前月寸心未信隔千秋雲月何關兩地愁月至
安知非石鏡雲來或恐是龍湫只今何人不忌
汲古堂集 卷十二

同楊木父寫山水圖予分景得龍湫分詩
得七言古體

斷崖岐嶇幾千尺一片鐵花淡無已阿誰玩弄
太好奇云是巨靈之所擘中有噴薄飛來泉殷
殷雷霆起空寂玉龍天矯出幽宮玉鱗銀甲紛
狼籍迴颺吹作滿壑雲青天淋漓雨蕭瑟須臾

斜照開石林赤霞倒影光相射蛟人明珠落萬
盤天孫綃衣裁五色姑射仙人冰雪容笑矚紫
烟下空碧山人太斗稱絕奇萬壑冥冥去無跡
吳綃剪得青雲帶時有風雷生四壁

夜飲龍君書畫署中醉後放歌寄君超
長公時君起使來有書相聞

君家住南楚余家住東越余謂阿龍故自超爾
愛幼輿能作達握手容成太王天赤城霞氣滄
江月相逢何意即相違甌海湘流芳訊稀閉門
五見晨星改夢中思結春雲
轍策名未上黃金闕愁看烽火達甘泉夜歌飲
馬長城窺按節能令易水寒聞函自雪昆吾鏃
田禾公子東歸時尺素寄予來越絕故情遠意
篤綢繆錦字瑤函半湯滅君家愛弟金門僊一
官棄置東南天夜深翦燭命尊酒共談風昔心
茫然腹中貧交復誰是夢隔容輝四千里回鴈
峯前使者來求舊猶然問跡履寥落天南一寄
書烟空渺渺獨愁予秋色布帆吾已辦思君兼

憶武昌魚

武林客舍口占寄陳計部公衡

靈胥祠下寒潮白，葛洪陂上補霞碧。
錢唐客舍醉不醒，夢中疑踏金陵陌。
郎官署如馬曹朝，來但飽西山色。
平生不慣水衡錢，一片秦淮清一壁。
江上夷猷思轉孤，渡江雲去與愁俱。
稍待秋風蘇病骨，共賒明月莫愁湖。

送王笙臺應試南畿時乃叔致虎文客遊金陵并此奉寄

汲古堂集卷十七

君携緞嶺綠玉笙，子晉臺前吹月明。
魚龍起，波嶽立，濯足萬里觀蓬瀛。
十年未展南宮策，上雲門人不識。
青袍復向金陵遊，已見聲華動京國。
京國京國遙憐舊遊處，城頭曉色鍾山樹。
楊花如雪撲金尊，醉裡春風三十度。
振藻看君風有聲，翩翩詞賦賦西京。
談經應奪諸儒席，餘事誰先六館英。
江左烏衣況名族，定向雲津築高屋。
時論瑯琊不乏賢，也知王湛非癡叔。

谷錢功父

錢郎隱居吳苑西，繞門碧樹種桃枝。
如可掃焚香晏坐，疑林栖阿翁攻武藝。

郎攻文不攻武，人聞但購赤縣圖。
手澤唯存舊房，余稽古還看世業傳。
好奇聞有門人借，錄書數百卷，以是傳其手。

世遺編如啖蔗吟，成五字不干時。
擬有一珠學照夜，墨林萬卷聊婆娑。
富貴榮名知奈何，君言去歲渡伊洛，雪裡驅車臨渭河。

何如對夫子，衡門安得愁風波。
嗟余坎懔亦如此，末路何人託知己。
戴逵未卜剡谿居，問叔仍爲安邑累。

當壚不供姪女錢，迷方空乞休儒米。
其無光豪士憐歌聲，欲絕雄心死僕瘡。
裘敝馬疲凌裡青山二千里，西遊更問魯朱家。

五月過浮江上，槎水面彈九龍子。
國雲中睥睨馬嘶沙，江上江氏臨岐送我歌。
黃鶴羽聲激揚風，柳絮寒洲倚和越人篇，東來好倩雙魚腹。

冊陽舟中別王涵虛北上

憐君少鍊黃金骨，登晨名刻虛皇閣。
夜半瓊波

涌紫房春午玉壺浮絳雪游戲人間者稀甘
年碧海未言歸太白山光猶在掌帝青雲氣欲
生衣去年拄杖登玄岳吹簫遙通曉鶴呼吸
真疑帝座通步虛時向天門落雲床夜宿清微
宮凌晨足躡香爐峯靈文五千闡霧縹羣山七
十開芙蓉瑤編能辯古苔字芝檢更發金泥封
王君以平午歲生
武當注通德經 竭來買藥長安陌時後擊囊
飛八石方瞳炯炯綠筋生玩世何妨半白三
竺秋清喜遇君毘陵江上復離羣他年共訪陶

都水真誥巖前臥白雲

送龍谿吳吉先太學之嶺南席上口占

冶城城頭畫飛雪長干市上無行轍馬嘶江南
夢未歸淚添客裏同傷別憐君歷落佳公子不
游狗馬游文史弱冠詞名埒子安眼裏文章歸
阿士珠含漲海月爲胎日浴漳江霞綺黃金
結客不言貧泰山一諾酬知己偶騎鶴限客燕
臺忽逐飛鴻渡淮水淮水東頭舊僧舍賓從
憧憧多俗駕逢君片語傾寸心痛飲悲歌每深夜

可憐臘盡未還家象郡龍谿天一涯君到羅浮
望明月夢中定憶賦梅花

委羽山房歌爲林叔度賦

劉根騎驪雲中行游戲玄洲過赤城東逢若士
卷龜殼南邀子晉吹鵝笙羽衣忽隨片雲墮此
地長留委羽名委羽山窅何許中有九真開九
府靈根出地蟠滄溟寒綠掃空拂天姥巖扃石
戶若爲通芝蓋挂旗紛可覩林郎早具度世衣
十三學道思冲舉師事浮丘稱鶴奴鶴背僊鳳

派古堂集

卷十二

吹六銖紫房蓮脆凝丹髓碧茶花開近白榆持
頭不住壺公山鍊藥於焉曾閉關忽向淮南攀
杜樹無端長句落人間紫芝白石迴陶意紅塵
赤日愁朱顏笑我朱顏忽已槁對君日暮傷懷
抱何人更遇綏嶺桃有客曾餐開河東山中人
今歸去來願分片石吾將老

郝仲輿使君寄示對酒自輓歌并寫山水
障子及玉卮一枚見贈山向披圖被酒遂
成和章

讀君楚狂歌試君王臣羅一酌耳爲熱再酌
爲醜西飛白日東流波我今不飲如君何爲君
賡歌出金石白楊颺颺悲風多浮雲一點等堯
舜千秋富貴俱么廢阿房萬戶羣蠹課咸陽一
炬流螢過麤顛劉蹶不須史蠶觸方酣槐穴破
金粟堆平鳥雀呼羅薦香消蠟燭賀卽令服藥
求神仙逍遙何似壺中天卽令佞佛飯極樂快
意須參米汁禪眼前何必辯清濁孟底宜尋真
聖賢安能冷坐黑山下乃與婆毘外道同作緣
玉座金輿生貴甚牛羊落日空陵彩夜臺寂寞
無酒爐白骨有知那得飲花間有鳥名提壺何
可人不如鳥乎有田但種金釵絲有地須栽長
頸葫君不見郝仲子昔排高議金門前杞人憂
天愁欲死正諫諫諫徒爲爾鳳凰在野馬在市
日暮騎驢漢江淚驢背一笑拍手歌方悟昨非
今日是楚人善怨惟屈平胡爲乎獨下踏地稱
獨醒懷沙自沉非正命江魚不醉猶今腥君能
一破楚人俗不讀離騷飲露辭苦子思從荷擗

遊升沉不問垂簾卜書得青山信酒錢無用呼
兒賣黃犢

木父老兄以書抵予云秋色甚佳思與故
人握手一回相見一回老殊念念也予讀
之悵然因足成篇用寄木父

一回相見一回老開函惻惻傷懷抱豈無未契
託後生轉念故人携好手思君咫尺限河梁盈
盈一水蕪葭渺昔予綺歲君壯年身與生駒闌
矯矯雄談頗覺四座傾鯨飲真今百川倒遙憐
攬勝坐天獅顧窺下界飛雲鳥峯頭岸情礙
杓雲裏題詩行樹杪醉臥不知滄海春狂歌
見晨星晶流光在苒廿載餘去日幾何玄髮
誰從伏檻賞權奇空自喚人看騷憂君公牛
溷屠沽長卿犢鼻衆備保問投白社稱淨名
食僅能營一飽短章長句矢口成醉墨生綃
意掃聊因當下自爲娛未論身後人爭寶予
窮愁嬾著書莫問名山藏副草世間愛染漸
除方外襟期足探討泥沾落絮絮龍顛狂霜入

藤去纏繞莫辭頻過趨蕉風林下放言傾綠
河伯無爲海若嗤蒙莊大笑彭鏗天

壽徐復初先生五十徐爲予仲子婦翁也
吾聞容成太玉天金庭石室相鈎連只尺清都
在人境世人遙望空雲烟徐翁家近洞天側登
晨名注丹臺籍脩然抱膝寄一區嗒爾放神袖
八極農經軒記每自剛太上秘文皆鳥跡翁詩
只今五十髮未華軒軒玉貌顏桃花井通神
灘涌玄液日蒸林杏飄明霞余忝風期風投稿
漫言堂集卷二

江鴻臚墨苑歌

天都通史金門客夙昔爲郎疲執戟尚玄不遇
右文朝歸臥黃山頭欲白老奚墨法世莫傳程
也神奇與之敵稀膏濃掃石林煙縹膠清和玄
霜淡試看圓壁開錦囊黠黠龍文動寒色恍疑

陰魄薄蟾蜍一規天鏡沉雲黑受看蒼顏
龍瓊奇珍異光相射或如貝闕疊靈犀紫鳳天
吳自騰擲或如鐵網出滄波火齊珊瑚紛的皪
漢女應遺結佩璫天孫乍失支機石坐令好事
播寰區學士篇章光燦絕伊予頗結陳玄知斷
琴殘瓊能秘惜豈因劒閣待鐫銘不爲眉頭供
草檄竹窗風雨弄新晴洗研臨池愛清適題詩
爲乞雨三螺松間願老牀頭易

送陳行之游姑熟謁余郡守

陳郎七尺神鋒爽脩脩野鶴煙霄上慷慨何如
燕趙雄風期頗仰雲霞長廊池墨盡筆洞精懷
古詩成珠照掌尊前痛飲百觚釐醉後悲歌三
日響夙昔曾爲大梁客傍徨日暮平空側登臺
長嘯悲風來千古雄心收不得範金空鑄信陵
君夷門屠市無顏色歸來負俠家仍貧三逕烟
蘿空復春賓朋滿坐日呼酒酒債依然傾四鄰
故人今是當塗守鈴閣青山待君久澄江猶憶
謝公樓定有新詩滿人口

寄壽高行之叅戎五十

君侯宿昔來旌旄臨江醴酒烹神鰲樓船壓波
海氛豁牙旂忽捲青天高功成翻挂中山牘豐
草長林自麋鹿醉鄉日月較舒長人間雲雨何
翻覆只今半百髮未華匈奴未滅臣無家聊攀
白岳三珠樹自理青門五色瓜家近天都酌天
酒半部清商爲君壽聖主行訓海外功能忘舊
日雲中守

東吳袁無華徵君投詩見贈歲暮將返吳

江歌以奉答

七

黃庭樂府新聲填白紵故人建牙東海頭劍
裝翻翻來遠遊月極烟濤氣遙逸挂帆坐狎洽
溪流扶桑浴日湧鰲吞海市噓雲飛蜃樓琅玕
贈我何以報玉貌如君非有求作客經年滯於
越夜深忽夢婁江月昨來忽枉山中書明發便
爲江上別長至知君始到家過門臘酒正春華
未忘永嘉山水好先期玉漏醉桃花

李將軍歌

李將軍桓桓萬夫特猿臂通身插雙戟擘擘墮
光紫石稜颯颯風颯颯毛磔四十登壇七命榮
臨印雙懸光燦施方畧能追霍冠軍功名未數
龍領談兵夜獵縹胡纓朔氣淋漓滿沙磧戟
門金柝不聞喧風生大鹵水潮白襟帶南通鄴
子城提封北繞無諸國日浴扶桑島嶼海波吞
清氣聞天碧已看號令怖夷王坐令瀚海無鳴
沙余跳盪劍術疎裘馬濫爲兩都客虛勞千
騎過蓬蒿欲借懸無纔制策他年刊石誓無聞
贈爾和椽銀不律

送陸明府入計明府乃祖嘉靖間以名進
士出守東甌有政績祠在孤嶼

雲間鼎族鸛鸞戴奕葉承貂曠先後君侯出宰
來東甌大父東甌虎符守祖德在民民不忘蕉
黃蘋綠昭馨香百年棠樹更培植益令祖烈增
輝光民愛君侯思厥祖更喜侯能繩祖武始信
吾民有二天翻疑眞宰偏吾土吾家家住三溪

邊條栢溫麻還力田經時不苦石壕吏林下讀
書高枕眠試問枕高誰使然實賴邦侯才且賢
侯今萬里覲天子于旄子子何時旋只恐臨軒
徵卓異豈得長爲一方計但願天下皆如甌四
民飽暖吾何求

題一清泉圖送關別駕入計

華蓋峯頭松吐月松下一泉清且冽風含靈籟
應蒼濤月送流雲沁青雪澌澌瀾瀾漱石根泉
頭古蹟恍猶存草催康樂春池夢苦繡義之古
墨痕使君清襟一何似政暇懷賢每來此志在
源泉讓水間家居瀑布屏風程子送君明發
去朝天山色泉聲共愴然共迫使君清不減爲
君寫贈一清泉

王玉淙先生與內君借壽予寫大羅山圖

并作歌爲贈

大羅之山湧蒼脊僊的飛霞插海色長庚燭地
天四垂銀浦白榆何歷歷真氣千年若流水日
月別開華蓋里瑯琊上世共靈長寶樹青葱映

金紫次公開美有門風問旬甫七初稱翁寧知

僊史居塵世信有人間許侍中公亦爲丞交戟

下歲星避世依金馬漢皇好道非僊才掉頭還

我華陽社華陽社裏日似年太玉微通小有天

天上樞歌飛畫舫鏡中樓閣卷風泉人行深竹

迷青靄客醉高花臥紫煙句綴鹿柴摩詰畫墨

鰲魚網蔡侯牋九苞靈鳥栖珠樹千尺瓊芝產

玉田內君亦佔丹臺籍華髮齊年仍比德黃姑

分石與支機素女傳書教鍊液雙函尚記初度

長頤歌蓬壺開壽域三才靈錦牛初六鉢衣

步江霞碧迷迭香中展芳譜不爲聽鶴集僊眷

更有庭下列兒孫觸目琳瑯人共羨錦屏花簇

錦糝糊獨寫羅山佐玉壺健年振筆初元去好

附金箱五嶽圖

登天台華頂尋王右軍墨池池上有太白

讀書堂堂中肖二公像志稱右軍尋詩玄

度至此太白訪司馬子微讀書池上至今

遺跡在焉醉後作歌并寄王承叔給事

昔聞王右軍來尋許玄度又聞李青蓮亦以子
微故二子俱爲千載人李也來適王清真神遊
八極恣揮斥氣壓五岳爭騰胸方寸襟期擺人
世區中心賞辭風塵墨池書堂留過頂巖扉長
閣烟蘿春我來吊古山之側古堂清影池光黑
白雲天末日悠悠手掬寒泉薦瑤席玄度當年
去不還子微已悔出名山寄語西莊王給事吾
將揮手謝人間山下有馬

從華頂下趨石梁夷道中二十五里皆五

溪古堂集卷十一

色杜鵑花蔽天絢目天秋間此歷亂
若蛟綃龍錦熒熒不定真平奇觀也人
叫作歌

籃筍東趨石梁美仰瞰青天唯一縫千崖噴落
百重泉返照入林如潑永澄石聲琤綠青溪迴
看華頂垂天梯山花萬樹漲嵐靄高林咫尺令
人迷續如珊瑚宮前九霞散又如芙蓉閣下五
雲爛武夷絲楊集躡輪織女機絲照銀漢欲行
不行還倚杖廿里疑穿金谷障好從深處著茅

堂座頭霞酌和花釀狂傾繁花倒綠尊醉臥落
花日酣暢年年歲歲落還開誰復開時一度來
笑殺名園誇芍藥黃金先築避風臺

送關別駕擢滇中北勝州守

昆明遠接華夷界萬里黔巫連徼外馬蹄行盡
貴陽山天半滇城青若帶碧鷄金馬城頭見日
射昆池明素練白雲擁蓋雨隨車九十九泉分
邵甸六詔中當北勝州太平官府即僊遊四時
天氣常三月千樹花林無九秋惟善夷官叩馬

溪古堂集卷十一

自共拜漢家新太守銀禧懷德供作茶盤柳
子呼爲酒太守此時方問俗文教行香移卉即
何如夫子愛居夷不數文翁能化蜀我惜吾州
別駕賢相思遙隔貴陽天不分迴車仍捨輶
逢飲馬亦留錢它年北勝較東甌聖主書徵關
內侯粵浦辦香沈去水鬱林片石載輕舟

西臺反招辭登嚴灘白雲原謝舉羽

粵人謝翺宋丞相文文山公客也宋亡翺
避地桐江特登子陵釣臺以竹如意擊石

歌曰魂來兮何極魂去兮江水黑化為朱
鳥兮其味焉食歌畢竹石俱碎已又撰西
臺懣哭記後人悲其意類有和章予登桐
江尋翺葬處賦此以弔之

紫濛亦孤吞漢日天若穹廬黯無色淚迎燕雲
魂未歸蘋綠楓青江水黑勞勞誰是田橫客笏
劃寒波裂雲石六龍不返虞淵夕魯陽聲吞無
氣力鵲張鵲怒朱鳥餒饑心酒血凝為碧西亭
遺響令人悲土花烟莽埋殘碑嗚呼孤意日還
西亭集卷十二

沈檀香屑雕鏤花鳥人物工巧若神

周生二十好眉宇雖不通文解文語極精雕鏤
若鬼神因物隨形析纖縷贈予姚校和楚羅上
刻唐寒之宮玲瓏炯炯戶素娥僊僊霓裳羽衣
紛以舞老桂婆娑根礪硯兔向桂根提藥杵人
間巧技一何奇信有吳剛修月斧老眼一線了
無雙小兒從傍爲予數誰云技小不足傳棘棘

玉葉俱千古周生周生莫差沮君不見壁上么
蟲工補蠅尚得令人稱作虎

吳翰宇以雙松見贈移置山壑歌以爲謝
吳郎笑修禪佛民栽松道者爲前身夙習難忘
雙樹長鏡斲破青嶠岫拂簷盤攫厓十尺斑
駁已具虬龍鱗顧余雅許歲寒友贈之笑指蒼
輅曳不辭移置向山齋僂覺涼雲滿虛牖憶昔
與君俱少年春衣夜宿桃花煙繁夢破悟禪
寂入社晚締東林緣人世浮榮任虛擲握手相
談古意興云卷十二

送莊明府入計

永嘉孤城枕東海景純秘記云千載雖云神
效靈符風聲寔借神明宰借神明宰爲神
陵莊侯今在茲春風橐籥應青瑤陰陽燥濕
朱絲恭默自神功自倍雨露有浚天何私高
退食門如水太玉飛霞當紫几一蹊桃李
言四野弦歌已盈耳操清壁上有懸魚化洽
間見馴雉明鏡寧因屢照疲善刀立使全牛

聖朝奏績傲周官還從六計分景鸞元朔五雲
開閭闔先期萬國集衣冠忠自信波濤易廉
吏寧知道路難是化王喬雙鳥去囊存劉寵一
錢看鴈鴻翻向南天渡雨雪應憐北地寒父老
無由遮去轍但從日下望長安君不見飛霞松
間一片石謝客當年來蠟屐又不見太玉峯前
一勺泉右軍昔日餘殘墨兩賢徒以文翰傳千
載猶令感遺跡何況我侯德邁倫足掩前美揚
清塵天長地久口碑在元與九斗爭嶙峋

汲古堂集

卷之二

七

五

補浴伽僧淨如來白故人張叔子陽
前三日過訪予山中時予病初愈淨如將
有薊門之遊出卷索贈口占以

宰官曾謁張無垢居士湯尋何子有歸來自
小白華濯濯人如春月柳塵埃淨處一毛端爽
吐潮音作雷吼野夫抱病臥空山經已社毘
耶口雕菰炊飯薦伊蒲水蘭燈燭分八酒洞庭
綠未經霜籬下黃花到重九一瓢日入薊門
遊狎狎王公作師友清涼山頂雪消門乾闥城

頭目生後長安驀直一條街欲出風塵須抖擻
三溪釣叟圖歌贈陳入素文學

三溪之水澄且鮮溪上晚山生紫烟長松影落
赤虬臥古藤漠漠風涓涓阿誰獨坐天釣船釣
竿遠拂滄浪天細認無乃陳伯子畫史托之毫
素傳華陽之中碧霞毫風髯玉貌神飄飄陳伯
子閉門讀書三十年牛腰兩束皆奇編渾渾追
太上幽渺參靈詮撰結準前古點勘窮丹鉛珍
奇耀瑰玖芳鮮襲蘭荃鸞鳳恣軒翥
經用之足以瑞昭世贊重玄補龍宮調朱絃昇
平坐可致三代五緯各以其序咸無愆胡爲乎
徒有彌天之網不羅鸞鷟羅鷹鵠坐使青鸞成
華顛卽令華顛尚可坐而論治道胡爲乎緝
目下仍茫然懷中連城白璧竟未售夜深光恠
往往聯星躔以茲於世不足玩掉頭長往風仙
仙手持渭川竹口諷南華篇不設金穉幣不釣
槎頭鱸釣亦不得得不賣卷綸濯足聊窮年目
送雙鴻落遠渚狂呼明月來清川聯髮自元微

鼓枻隨河沿茶烟濕翠壁永光生白泉江妃天
鏡頗可拾海客石華時共舉我亦上宅三溪邊
與君早結名山緣我放歌君扣舷歌曰玄龍兮
蜿蜒抱珠兮高眠飲風雲兮不雨八埏飲波濤
兮自偃九淵嗟嗟龍兮神孔全已再歌曰老鶴
兮蹁躚瞥雲兮孤鶩掠縞衣兮辭華軒唳玉禾
兮戲芝田嗟嗟鶴兮骨欲仙我歌已闕月將落
惟聞石瀨鳴濺濺永願與伯子烟波泛宅相周
旋

汲古堂集卷十二

題玉洞桃花萬壽宮壽麻城李太公

玉洞迢迢敞玉京桃源隱隱接桃坪春風早汎
陽林萼春水先浮曲瀾英露凝花光晴亦雨霞
蒸花氣夜還明泉香欲下銜芝鹿谷溪頻催選
樹鶯泉香谷暖仙源家處處明霞映白冰世外
洞天秦日月雲中雞犬晉桑麻何人愛住仙源
裡九螺仙翁李夫子雅慕龐公臥鹿門已道庚
桑穰畏壘挈響移時花覆船基聲過午花侵几
丹成竹節刻蘆刀酒泛蘭英調石髓種桃却憶

領桃都幾見天河長白榆書附鶴奴邀羽客夢
飛鼇背隔蓬壺仙郎況是金閨彥丁年秦賦麒麟
殿人傳佳句似陰經帝議歲星爲曼倩太母
同書玉牒名前身自是玄都翁千年桃實薦壽
延五夜桃花簇芳譙花迎彩服共爛斑花映璫
披更蔥蒨我貌仙源洞裡人桃花萬樹駐長春
他年試按圖中景來向仙源一問津

題周東村松泉高逸圖壽良峯姜翁七十

東村胸中富丘壑點點螺烟恣揮霍此絕閭閻
三朝墨瀋風神宛如昨
萬壑迴泉噴薄長松夭矯開
雲從雲黑驟疑雷雨至風號
鳥相野塘晚隱隱松陰凝
服姑射雪容同綽約閨間
子調玄鶴人間此境不易逢
細觀高士似誰者髣髴姜翁
坐相向恍若朝來爲翁寫從
翁更作松泉詩何以侑之全
局起泉以方翁明

潔之泉志松以壽翁歲寒之英姿沉翁居當華
蓋處高松沸極泉通漣八尋
石分彈朱絲穴石著秦系之
是以忘老而樂飢待君十年
上者師翁謂此言非我知但
問翁爲書畫爲翁笑而不荅
人問住千載移居指葛洪
項懋德水部奉使歸里茲當
過訪東

范山中言別詩以奉贈時懋德
觀尊公月山先生廣文卿中
官年作天都長天與各山寄
對門霞色生衣峯在掌人間
鐵如山走商驅使君一笑若
氣爽作令曾無種秫田爲郎
坐客古堂在江聲四壁生寒
逕竹裡漁樵共鄰竝片石琴
舟再乘興寧親方自七閩迴

高情淡蕩仰蕭咏欲發不發還遲徊陪京松
夢清暇落日鍾山在官舍杜
念清東風雨夜

仙門圖歌爲王昭采賦

君不見昆丘之寶璫與瑜滄溟厥產昭涼珠瑯
瑯仙胃接縹嶺仙骨迴與常人殊又不見仙門
子麟之定鳳之雛何年謫放來清都濁世可兀
傲澆泥不染青蓮跼風期玄散寄遐矚不煩逃
覽探方壺仙門之山在何許乃在大羅之關東
海闊千尋臥波石飲露一輪出
高與元化俱頽脫人間如積蘇
清臚兼兼頗有須放神恣入表
裡縮五嶽毫端吞五湖玉函金
圖杏堂錦石幽花扶鶴鸞嘯嘯
毗兒腰間懸轆轤游閒玉勒桃
一字無仙門子飲玉漿今假雕
敷腴安用駕黃鵠何須躡青鳬
塵真丈夫九垓汗漫天爲徒乃

無下白石清泉良足娛爲君起舞歌鳴鳴定見
東海三廻括田織雙魚問麻姑

呂元輝太學碧澄閣歌閣在東湖仙壇山
麓上有葛稚川丹竈遺跡時同徐時瑞章
元瞻孫光前光翰施天治天覺諸君子譙

集同賦

愛爾飛閣河之東倚檻玉壺清若空遙吞海日
曙光晶赤霞倒射潛蚪宮空波漠漠散晴靄文
縠沉沉生白虹梵書真籙襲芝檢主人允傲般

漢書卷之六

注

其中博山沉水動窻練散散散散散散散散
千年時水底忽當人面青濛濛上有羽人宮
之浦增麗輪雲服去不還紫芝瑤華誰得
上瑤玉月明裡八琅飄落雲之開結雲
烟徑雨後千秋挾其勝八窗組綺照錦屏
風泉入明鏡天容適逸縱豪吟地幽
興嗟予十載幾臥游雪裡扁舟今始命
海和羊何人豈臨邛過程鄭況看明座
名理超超俱絕倫竹林寂寞竹溪冷古人

非今人不辭此父呼一醉烏啼睥睨晨星墜
拂蒼苔石上題留與山翁傳故事

汲古堂集卷之十三

東甌何白九咎著

五言律詩

苦雨十首

長夏翻蕭颯直披五月裘竹含山影夕松應礪
聲秋風雨移熬極烟波結屋樓未須憂澤國天
地亦虛舟

病色便支枕清齋對暮林華門無式駕藥畏自
關心竹氣含殘雨煙光抱積陰跼爲愁霖潦何
似武城淫

半畝青山宅清晨自糞除草深三月五苔暗
牀書卷幙時通燕疏泉欲種魚江南早濕地愁
絕對鷗鷺

跡散神何放雲舒意自閒賃春居廡下賣藥寄
人間嗜飲非荒宴逃虛習閉關隔籬呼酒伴牛
屋對青山

行雲連晦朔淄淄暮江垂未測乾坤意難占箕
畢期力耕生事晚肺病著書遲寂寞揚雄草空

求異代知

颶母朝仍見行雲濕未還愁霖猶病稼噫氣欲
聾山近寺微茫裏空亭曉暖間反關塵事絕長
日悶蕭閒

旅蔣颶江湖高林鶴鶴呼城烏啼睥睨梁燕語
侏儒薄俗無今日青山有故吾久諳禪悅味松
下供伊蒲

蒼藹沈東嶺微鍾殷上方晚涼蘇病骨夜色傍
醫王水觀離塵網蓮燈澹竹房時瞻金粟影觀
見玉毫光

江市渾連水絳暉着釣槎鳴榔樹樹行磯上
簷牙翠帶愁護草紅衣落藕花魚龍未覺滯爲
扣阿香車

獨念冥栖意略焉何所爲枕蓐無患木草長合
歡枝卽事愁能破孤生病不辭禁方殊謬誤差
有濁醪知

宿清谿菴

此鄉吁可恠十里曠人烟鬼嘯青林雨狐叅白

社禪幽篁迷往路絕澗壑飛泉孤客窮相傍羈
魂耿未眠

臥病山雨閣雜言六首

山雨夜來作蕭蕭枕上生不眠支鶴骨匡坐候
雞聲涉世悲生事居貧見物情昔人曾病渴未
敢望金莖

涼意歇疎雨雲光歛白虹鳥鳴殘夜月螢亂墮
林風心折荒雞後愁深警柝中平生兩眉宇端
不向人工

五古堂集卷三

三

蒼烟萬目寧時事蓬心且歲年何煩故賦
臥亦條然

緬懷雞上勝蘭閣對雲林塔爾迤名皆茫然
足音借鋤無德色抱甕杜機心我欲攜妻子於
焉竝陸沈

種樹於吾拙艱難亦自花瘦空頻潰蟻葉暗屢
驚龍米掇侵晨露逡巡逗晚霞因之觀物理聊
以閱年華

千尺築糟丘崇朝但拍浮萬編開墨藪卒歲送
窮愁醉就中山臥醒從上古遊如斯吾事辦寧
顧鶴書求

送林玉父北上赴藩侍御之召

幸舍蒼虛左君才足可依易消燕市酒信美帝
王畿善白高堂鵲流黃少婦機殊方見秋色好
逐鴈南歸

答朱光祿在明

共尋南苑勝簾櫳出丹楓夜壑明殘雪秋泉落
斷虹芳蘭徒在徑飛燕修條從風引金臺雲土
之寄海東

同楊太父過林翼之林仲一山房

愜爾意中人空林岍葛巾脫衣漁市近酒壓
瓶新山月秋今夕烟霏晚四鄰清暉對披豁
款得吾真

盤山道中曉發

月寒沙路白爽颯客愁新噴水頻驚馬空林若
有人風迴紛落葉草暗幾十里衡門不曉荒

雞滿四鄰

哭劉忠父

官左身仍死書成志未酬神應騎六氣業已辦
千秋斑管書文伯糟丘謚醉侯於君有餘貴寧
復恨藏舟

寄懷邵少文時少文養病桐嶼山莊

憶爾閉關地悠然忘世喧綠波青蔣亂白雨翠
屏昏人世渾閒事殘編亦剝言無心舒一喘清
旨合蘇門

次堂集卷十三

眼前無俗物何恙不歸除藥氣透深竹松風約
亂書小多閒靖趣近與世人疎自可交游絕
詩或起予

蘿燈宵禮佛林雨晝分眠支枕聽黃鳥思君臥
紫烟冥心各有得幽意總難傳清旭輕鷗外相
將與放船

廢寺

空山無鳥雀雲日晚淒淒石雷鳴琴靜藤花步
障齊獨行隨虎跡清嘯應猿啼偶剔殘碑讀苔

荒姓氏迷

長干精舍晤文太學

昔離傷在苒良晤愜蕭齋瑤草忽盈把珠光朗
入懷江帆過越嶠風柳落秦淮一夕雙龍台仍
嗟羽翼乖

舊遊張夕譙河曙促離盃變曲丁都護才人薛
夜來辛卯歲予東歸文
生座有薛卿行酒弱雲栖苑樹寒月下胥
臺客易宮鶯歇空篋掩紫苔

不待公車詔仍浮海客槎明河憐永夜青鏡感
夜古堂集卷十三

霜華協律歌傾國夷光尚浣沙陽鷗遲暮節絕
藍腰明霞

何仁仲初至白門官舍夜同汪仲嘉過集
分得尋字

曉到官舍種竹未成陰淮水賢人酒鍾山隱
吏心府中怕趨走方外狎招尋共話燕臺筑易
令寒漏添

木末亭曉鵬懷龍君御謝少連時小連客
君御壯浪署中

秋色朝暎裏蕭條樹杪看雲霞上陵美風雨故
宮寒去國崔亭伯浮家管幼安興懷無與晤林
墮葉聲乾

簡所知時予將有廬江之役

晚出名難附長貧衆所輕江山流寓跡風物古
今情露白溥鴛瓦礎清接鳳城東流吾欲渡時
病入秋平

黃巖灘夜泊懷木父少文茂倩

落帆遵枉渚蕩楫信微風樹密方舟隱洲迴曲
岸遙雲市翠臨殘山閣丹楓

情無異同
夷歌竊聽引銀樞青蘋山影暮愁客

蕩人藉林花氣合還樹鳥啼新悲聲殘

媒寄所親

寄程仲權時仲權客楚中有悲憤詩見示

蕭瑟氣悲哉登高宋玉哀無情江漢水有限古
今才表馬雄心收風塵老病催楚天寒雨夜旅
夢好歸來

崔姬館同程康伯宴集

春風動簾額春思蕩琴心殘雪粧梅淺晴波看
柳深楚腰宜艷舞吳會合繁音莫待傷離夜雙
尊誰與斟

往館送客之夷陵

別酒若爲醺離歌耐可聞銜悲向湘水流恨託
巫雲烟雨夢何極江天望不分知君斷腸處猿
樹空氛氲

雨中策馬至宜城縣

水闊半烟雨楚天陰乍晴泥深馬蹇車中云
鵬明望遠心俱折登危骨屢驚雷鞭如有聞失
喜見孤城

漢口

寒郭晨光裏輕烟水國浮榜歌江夏酒商女洞
庭舟遠浪鳬殘小寒花雉堞幽歸心與鷓鴣思
聽獨遲留

楚山連百粵江漢合沅湘川嶽雄圖在風雲伯
業荒皇風天共遠聖世日重光熊倅魚劉客登

樓一望鄉

登嶺聊極目不獨畏途難沙樹先秋落江湍未
夕寒舟人喧客枕舍長厭儒冠望遠憑何寄涼
風折紫蘭

雨

芳樾宵沉沉晨七自後陰低雲拂遠水疎雨霽
高林哀樂傷歲艱虞損壯心閉關人事絕自
死酒盃深

賦得夜聞霜鍾

寒鍾應律鳴雲邊水呼月上
層林哀樂傷歲艱虞損壯心閉關人事絕自
死酒盃深

曉

曉霽宜羣動禽聲亦自春開身方處我物候復
催人潭影在芳樹黃光為未歸不須鉤氣色野
老得予真

夜

寂歷憺忘寐抽書坐夜闌雨添殘燭暗暗蟲響古

堂寒餘日能相假清尊幸自寬角巾散竹下細
酌老江干

神樂觀

小殿宵沉沉瑤階九曲深清雲玄時氣叢檜紫
雲一代興王跡千秋過客心五莖無復奏風
簫送遺音

至日別陳柴中并簡高行之將軍時子將
有廬江之役

潮游廬子國惜別謝公亭落日懸江樹鍾山虛

翠界忽添南至日跡散向晨星為語雲中牛

時諱勒銘

留別程森冲

臘殘頻送客日暮獨愁予賴爾同羈旅時能
索居晚眺庾信句少薄計然書明發廬江遠清
霜滿鹿車

送王文學偕同里黎孝廉之京口訪夢

嗟君仍臥疾行役復它鄉石友談枰社山童檢
藥囊旅愁生白髮客路逼青陽揚子江邊渡相

求有風行

同禁衛部恭民部宴朱到微巷座客有吹
蕭者時舊古摺歌聲入得三首

仙音臥法暇出郭問禪柯苑樹雞園寂城雲雉
紫齊聞歌鸞欲下仰秣馬頻嘶極季春風夜須
隨過客迷

幸官初並駕居士舊開林斜日含春海寒霏重
夕陰泉香來法供七寶合潮音樹杪青山色
然吏隱心

風吹宵泠泠
茶經內史來
酒易爲醒

客王長公無漫園雜言十首
方伯暨諸郎伯燮伯度伯純

水部藏書處歌鍾感昔遊芳蘭四十步追尋
千秋遠樹春天綠寒江日夜流
嘯一登樓

錦石交文甃銀牀引碧梧
期寄宴渾長

湖雲籀曲幽花綴
巖巒局細路分
局中歌楚領空
憶比封君

香閣翠微外寒鍾應遠
湖影懸青漢
高映赤霞標
清世河難埃
寒天路不遙
欲騎遠海鶴
續續坐吹簫

久容翻為主
馴鳥不避人
柳深芳墅月
花暗石橋春
石室留金記
仙家有玉真
胡麻如可遇
源水

是通津

時手將入天台山

荅金元玉孝廉四首用來韻
風霜意氣憐飛動
神情接溫江
三言萬戶不
羨秣侯章

湖美無如仲時能步履
過赤城
色明滄海月
明多易挹二危露
難拚九醞醺
顏色新柳色不
醉奈君何

古意園中柳新聲
陌上葉春風
萬壑蟬宵月
隱芝房行酒深
觴政爲歡
勝樂方弄
與適清

夜半渠央

藥畏無時聞
逢春酒禁
清羸宜節骨
踟躕損
龍絲寂莫
當時事飛
其代才吾將
拾瑣草
早晚瑤臺

長溝舟膠二首

波光搖白舫
柳蔭覆青簾
過縹緲書帙
征心殿
酒帘十朝淹
蓐食百里滯
無靈
道其升沈理
無賴季主占

天垂齊野曠
路繞漢宮斜
堤曉先歸柳
川明緩落霞
并兒衣
韎韐羞樂奏
琵琶現
臨渴潑水
遊人
去日賒

將之吳江中諸子出江上得遊字

斗酒城壕暮
依依去住間
竹林遺
事別春山
月出寒湖上
鐘殘送客還
未能贈物
長煙
酬白鷗閒

桑溪道中

旅宿投寒月
林欬戒曉霞
碧溪流野市
綠樹蔭田家
火樗留
燒風殄
對落花
酒錯隨地
覓一路
悶春

黃山草堂爲朱時行賦

爾家住名嶽屋底聽潺湲紫芝榮暖谷青桂冒
寒山鳥拂餘花落鶴帶斷雲還悠緜軒皇蹟龍
犀寶草繁

碧潭垂釣石翠壁讀書臺偶逢窮苦至時同風
晴來人貌天倪合肝膺靈氣開方學東方隱其
樂未可猜

墨林開萬軸汎覽獨泠然玄經揚子授赤字許
詢傳霧縠流丹氣霞局逗紫煙賞音無與雅
漢書卷六卷三

夜拂水弦

重玄寺別朱時行用韻

出山精藍風雲膜樹含歸心懸越鳥客思
吳楚江流深交盡窮途久客語無情亦愁思孤
劍響霜匣

富陽別林生同賦折楊柳

津亭亭畔柳露葉未舒翠遠道愁難折相思日

夜新眉窺臨鏡婦花撲渡江人何處傷心地風
烟滿富春

宿仙都坐月望獨秀峯懷鄒中丞

衆峯茲獨秀不問定知名星動崖雲逐林空露
葉明十年塵土客一夕羽毛生老吏歸何晚新
芝又幾莖

過西隱精舍訪余節侯分得心字

寒江喧夜枕念子臥西林飽歷羈孤亭因傷倦
客心鍾聲沉夕雨佛影冷秋陰細酌泉門酒蕭
然道韻深

題長干怨別卷

長干怨別卷

宛柳澹華滋長干欲曉時春情黃鳥後思
翠蓬楚岸將愁引湘波與夢期定知大隄上新
月想蛾眉

送客還夷陵

歸人江上棹流歎及春遲花盡黃陵廟雲深玉
女祠離情漢水廣鄉夢嶽猿聲莫道區區彭秋
來比素絲

送楊汝麟翁洋授徒

吳辭今夕醉講肆定長離日日江舡至家家海

市腥博物知龍鮪熬波出虎形魚鹽有膠鬲莫
厭老明經

宿陳翊唐山齋

江齋何所有一曲占江春綠酒稱歌伯紅蕉字
夫人客尋村徑遠俗驗土風淳流寓昔賢意
將擬卜鄰

滁陽

跡近滁陽驛長懷庶子泉片鴻鳴曉市一鷄美
江烟捧擁中官至喧呼午夜傳廢人骨到骨情
馬更分錢從人索錢

吳間北濠水樓

南北一濠水朱欄兩岸張蕭船迴夜雨珠斗錯
春燈度曲游兒慣戲釣姦女能客愁正無賴車
遣酒如繩

寄子馬

左尉官何左山川限一隅江聲連白馬雲氣隔
蒼梧飛夢春猶隔題書處但悠悠隨故民
鏡惜泥塗

同崔姬程生泛江上

天碧哀長笛風遲浦口帆蕭蕭流盡蜀江色上
彩綢曲逢公瑾調絲對阮咸江南春草外落
日半牽衡

清明日過唐裕卿先生舊居康久客燕市
歸隱山中僅二載歟

從從塵土老稍傍石林眠白髮空餘日青山不
待年草堂仍舊主鄰塚已新烟誰復知余意心
勞魂寂然

久雨喜晴

微霽雲仍沉風低力未禁野光流日氣山暗照
雲陰稍稍花舒萼沾沾鳥美音衣裳猶帶雨連
爽一披襟

重過仙巖寺

重尋香積路塔影出雲層澗杵喧春碓應花落
古藤舊候雙樹宿夜對五臺僧欲語無處宿
經傍石燈

水桐廬驛樓

水宿波舟相結天喜驛風波殊浩漫
沈浮海樹迷春望江花倚綠愁故山有遠近
宛美羣

瓜子湖阻風

風亞崩雲黑榮朝此繫船土人憐水草在鼓
春田命寄龍龍窟愁催大馬年僕夫殊未覺白
浪穩高眠

湧興

懶慢便高枕閒身委物情鄰翁忘我姓山是問
知名底招皇國恩春清海兵經時志海神
箭上增生

一物真何補天猶養不才如何衰朽質難免
情猜日落孤雲細江空片月來鄰人送魚鱗
不廢銜盃

望雲峯望海尖

東峯一逕通鍾梵亂雲中水聲響如雨石潭清
蒼空倚杖忽移日被襟欲透風迴秀所來遲
時增飛鴻

淮陽酒肆逢王俠游

王生歌慨慷日暮酒壚停匹馬渡淮水十年歸
夜郎寶刀明隙月旅鬢黑秋霜好共田橫客門
前種白楊

寄內

已解思無益未情時黯然應逢初度日記得在
家年積水流螢度虛窗片月懸夢暗誰與與
女正鑄眠

孟公仲宣德懋尊相過

孤峰正蕭颯客舍偏梧桐
朱空葑艸泥疲去馬花淞阻
非關泣路窮

寄荅李明府

不堪吾有七敢謂士無雙書
楚邦鹿鳴思野草鷗汎劇春
風且北窗

焦湖

亂山青映郭一水白吞城
亂山青映郭一水白吞城

龍鱗未可嬰客心爭北渡鄉夢數南征日暮烟
波思漁郎自濯纓

晚尋巢父洗耳池遠望焦湖湖川遭八百
餘里三百六十汊之流漚焉中有公姥兩

山

日月凝從出乾坤似向分兩山相北壯一氣自
氤氲龍起朝吹浪鼉蟠夜吐雲更尋巢父跡池
草動清芬

喜晴

不寐呼童僕窺天數啓關忽傳殘夜月照見隔
林山下榻催燈至比鄰乞火還理髮獨自笑秋
益髮毛斑

同逆旅主人過包龍園香花墩祠堂

主人憐廓落訪古得幽偏洲偃波間月橋飛鏡
裡天稗官空志恠雪貌儼如僊此地宜清夜何
人與放船

淮陽夜雨懷方湯夫

異國過逢少淒涼紺殿陰無人時獨往感于思

福深久客疑秦贊微病起越吟淮陽秋雨夜酒
醒忽聞碁

東城曉眺

到花危巖院上一悲辛土壤吳幾接風帆楚
甸鄰世情殘幽莽客路日荆榛車馬班班地誰
爲失路人

再過包孝肅香花墩

郭南包氏里待制跡猶存奕葉還遺廟香花亦
故墩地偏無好事愁破憶携尊寂寂尋來還
陰碧水昏

金十曉發

野望山形斷雲開見壽陽草低車轍水柳晚石
橋霜馬氣衝寒白鴉翎閃日黃心分歸路熟
減去程長

清微郵舍

暮山青滿屋鄰樹翳積垣燭暗飛蟲亂庭空
馬喧心驚湘水客夢引越江魂月黑聞吹角於
鬼夜繞門

望仙樓

中天鈴語細雲杪見飛甍窻岫層層碧風泉泯泯清星橋紛引矚珠樹迴含情仙路何寥廓紅塵白髮生

遇仙宮謁張三丰像

蓬壺窈窕難卽冀一遇真君不返寒天鶴空餘紫雲型金傳委脫芝檢閱靈文見說仙臺月瑤簫靜夜聞

早發紫霄

林晨露濕初日正蒼涼青漢挂松蘿紫霄閣房世應疑太始境亦似寥陽念此何懷客心未可將

青羊澗

昔聞關尹子石上覓青羊曲磻迷仙蹟何人辨洞章樹光泉眼碧雲氣額頭蒼鳥路虛烟夕鐘動上方

萬丈峯

虎皮曾羽化半壁尚諱茅澗飲隨猿挂風栖並

鶴巢陰懸樹木波陰信翠藤交扣手徒爲美塵心可易拋

口占贈憨道人

松杉一片石坐符孤雲歸白鹿族慘然時守扉禹糧含露滑充莊胃烟肥相對了不語天風吹薜衣

桂閣

桂閣月盈盈曼姬體復輕霞綃凝夜紫縹酒醒春清彩艷銷蓮炬淒風澀鴈筆門前烏相樹

溪古堂集卷之十四

東甌何自无咎著

五言律詩

寄林靜伯四首

一從廻五馬無復寄雙魚
父老傳遺事循良未
經書鑑湖寬帝澤果里受吾廬
脫曉人間事蕭然下澤車

天與巋巋袁青山弄紫霞
龍蛇騎瀟瀟天闕
雲霧接曾無草忘憂尚有花
浮雲北極今

古一

人世汶汶神從歷應羣與肥今見好少

來聞一典隨芳草幽心持白雲
荷杖屣

謁武君

豈有山人忽何顧佩紫蘭治客
俗學古遺

時難正清蒸花綠山城荔子丹
板蕢客在

雨郡齋寒

谷洪從周和來韻

雨亦迷清世余先臥綠蘿
盈盈望人鵲脈脈

星河舟認源花入琴隨欄竹過不
雲際宿殘
夜聽農歌

通潤洞

初雲路絕忽轉崖崖通光射天
窗日寒吹
寶風谷喧春磬鳥潭飲石橋
虹得似東林客題詩與遠公

般若臺

一嶂虧天景千花湧法臺
遠看雙湖
雲來細竹浮輕浪驚波殷薄
雷午鐘

鳥下

微秀公

平一溪繡塔竹雲四鄰青陰
建海石潭虹照影丹嶂鶴疏
緡石上經

微仲一

俗並宜求野青林有素交
踰鴈散北

中應融具鄰家借山經野客
鳥自來巢

望長南

思處蕭曠憂無聞
山交會語下

望明橫海雨風掣渡江雲把酒惜之子偷

世氛

望故鄉

雲東海至知是故鄉來我住客成迴憶當年

一臺家人應望遠旅客未言迴日想江

花落復開

送友人先還永嘉

望市安其感越吟
鄉音陸蛟龍窟浮雲水國

爾寄心

開元寺再別紹仲時余將有

望總之峯勝猶栖雙樹開長為滿海

洲山信來鴻早時名去鳥開詠郊

馬亦班

離夜

廣界斜漢華池揚素波離堂暖銀燭

歌涼涼烟暮樹隱隱月低河故情那可

之雨銅

寄王光祿

望先辭秩居然那曼容江聲大羅月雲色半

望世業傳玄草清襟薄素封不須添結佛輝

望無心宗

望蓋京頭路青山曲抱城林端開別宮霞榜早

飛颺秋氣分襟爽湖光與席平僅能撥書牀

望月中行

望市與以詩見
野氣是樵風外更清

望紅事足艱處後說深感
首送飛鴻

望蘭元異本意氣有同心竹連錦衣玉貌尊注

望金明情鳬渚釣幽賞蟻腹琴院仰先民意清

望自古今

望泛

望尖竈宿雨清曉似涼秋
朱尖竈宿雨清曉似涼秋

搖柔目恬羣有適慮滄衆峯幽漸覺靈襟豁
歌若有求

江上

歲夜故園夢經年旅客顏相陰委晨露江影冷
山鶴盤仍下鵬是去不還羞將塵土鬢重
對菊初班

懷吳少君

緬想清輝骨金華吳鐵冠梅花古苔靜鶴影空
江寒避俗長年病看山并日發華陽夜深月曳
履步虛壇
吳古堂集卷十四

聞

帝澤元無外王師示有征忽聞驛虜潰已解朝
方兵邊將休開鬬狂生湯請纒江湖無術數天
地正昇平

過鳳陽

一自胡之反天很彗紫微宅中堂言地祗左侍
衣漁海真人起皇圖曆數歸至今雲五色猶
六龍飛

清明周南道中時河溢歲餘人相食

心河迷月失堯封近市無新火飢鳥下

春祠官望馬太祝祀金龍

老經過地花綺原重

華陰廳

雨霽曉登天青白帝宮明星隱堂前樹影
雲迴時聽清樂神光燦彩虹曉來飛翠濕
色滿庭中

離殿雨中

寒限胡仍募城存谷未平山雨春風
西京風急胡鵬勁沙寒代馬嘶
是一書生

重過雄石禪室

靈山含紫氣一望一網緇深樹密生
白雲林霏分遠近石黛變朝暉上
春許綠分

季興張閣八首

一曲潮千頃平吞丈室間鏡中

寒山梵筴逢僧譯茶經對客刪浮雲殊未極輪
輿道心閒

水檻通秋爽攤書盡日凭鏡機含寂照觀物契
真乘樹古藏風雨波空散鬱蒸綠陰漁父醉落
日在懸臂

烟荔娟娟淨風簾嫋嫋斜香稷雲子飯寒水綠
沈氏鷺坐橫隄柳魚驚曲岸花兒童少機事不
遺釣爲車

用拙今爲政藏名隱是真魚能樂府草木近
溪古堂集

風人大令鵝羣結華陽鹿耳山款空碧命棹水
寒未辭頻

湖光先曙白積氣變朝霞葉甲分農圃溪鱗給
釣槎天青松影直山碧鳥行斜已識餘生理傾
壺就落花

子晉賓仙去空山有吹臺烟霞渺予望笙鶴幾
時迴大藥嗟何就芳尊宜夜開最情明月下竹
外棹歌來

湖形分磬折冉冉曲雲涼村白曳殘雨林明生

夕陽磬聲香積院鶴跡午橋莊久不來行藥勝
花滿石床

人外論真契微音亮在茲寸心應有會微尚復
何疑宇宙今誰在文章老自知松陵饒倡和皮
陸擬同時

重過瓠閣和前韻

溪合東西崦居當一崦間夕虹常帶雨秋水欲
浮山字許桓譚賞書從汎勝編未能忘竹素長
日一消閒

溪古堂集

卷十四

八

綠酒欣相命烏皮嬌自凭留光狂未已詩興與
堪乘湖日金波委林花紫霧蒸漸看平楚曉煙
火亂魚罾

菰堤沿水曲村逕逐門斜彭澤先生柳東陵子
母瓜水絃閒玉匣蓮鐔繡苔花莫論雄飛瑞降
心付麴車

瓢落從吾好交情見爾真神龜甘曳尾龍鳥肯
依人桂舸先秋具柴車向晚巾涼雲吹散屣未
厭放歌頻

日日生東嶺遙連海嶠霞壽藤攀作榜枯木
爲槎澗石挈音響風林帽影斜東籬未岑寂秋
色漸黃花

秋色橫侵澗澗波曲抱臺席前流經至苑外澗
船迴天鏡流光入峯蓮倒影開東林齊雲巖
暮道人來

澤國清秋遠兼葭白露涼酒應傾下若池卽儗
高陽法侶尋支許玄言得惠莊反關無俗韻清
夜每聽床

十里地花水仙源豈異茲如竹武勝隱翻遺晉
人無自壑日堪往風塵終未切長營古島士抗
跡亂離時

三過祿閣和前韻

何必羲皇上已超人世間牀頭忽明月臥內亦
青山馬白辭空辯雌黃口不刪天風灑髮目
送去鴻間

谷虛靈嶺發片石靜堪凭白鳥沙邊狎鳥健雨
後乘藕香溪女雪梨熟野人蒸大澤便高臥玄

龍不可醫

隔水青蓮宇嚙幢竹外斜比鄰分符獻開士供
茶氏鳥啄香臺飯麝街覺苑花時來法雲地一
演三車

與興云放達逸少本清真外物知無我中林合
有人茶烟浮石鼎花露壑鳥巾無那提壺鳥枝
頭勸客頻

斜光在巖未涼酌酌流霞款乃生漁浦烟波盪
香槎驚寒迎露咽螢濕受風斜誰謂溪楓冷青

林轉高橫閣籬紆別引臺侍童聞客喜游文
人迴義胃晴絲動魚吹碧荷開晚來岸在宿

有弄珠來
嵐嶺鈎簾出風泉卷幔涼駐顏發巨脉益美
昌陽鍊藥逢梅福論文得謝莊嘯歌聊遠勝
地徙胡床

昔賢思避地予亦卜於茲直道猶三代今人
九疑朱紘存古調白水有深知永矢平生志

秋此一時

四過發問和前韻

清時借石隱共住翠微間示疾稱金粟當歌倚
玉山竹書傳有紀稗史不須刪試誦離風句田
家亦未閒

濟勝偶忘遠行逢古樹凭三溪深不極一輩近
堪乘葛級長松上菌從斷枿蒸稍聞新令意權
稅及湖罾

感懷昔人句飛騰暮景斜但教灑似酒安用更
如瓜交讓臨池木忘憂繞砌花

下響胡車
閒中叅白法靜裏契玄真天末思君子四方

美人足忘能適屨髮短不勝巾每到無處
令擊節頻

咫尺辛夷塢丹樓望若霞中流起長笛淺瀨

浮槎叢桂千林馥蒼簣萬玉斜含臺古石照

龍夢生花
鴈齒飛虹棧湖心印月臺練光雙澗落雲氣

峯迴松院蒼濤合蓮塘錦浪開綠山雙白鶴似
侍主人來

泮衣恣絮礪灌頂有清涼爲問金門直何如
水陽隱居言易放調世語難莊語元龍傲猶
分上下床

耦耕終不悔卒歲總因茲何用青錢卜元無赤
琴疑遠心隨地寂真隱畏人知始信長林下依
然太上時

飲口施食二首

飲古堂集卷十四

心外元無法根塵妄作因竟於方外說食
生津立可除飢酸須憑轉法輪欲知無不足抱
水向河濱

能飽恒沙衆香林鉢一盂上游傾法孔大海盡
醍醐六道空流浪三塗定有無真城若漸滅
夜動陽烏

抵征

乘風過泊處日落尚孤征晚怯水天闊時驚孤
蔣鳴始欣兼往路轉念細歸程誰信初稱壯陪

中華髮生

甫中林伯玉客安國陳少府將中寓青相

聞并示羅浮八咏臨發操舟適遇相遇中

流未幾引去因用羅浮詩韻奉贈五首

羅浮經粵嶺曾作采真游海日生鼉背雲帆

樓丹砂勾漏近瑤草洞天幽八咏清如詩

音嗣隱侯

分以神交合心從尺素通吳笈流麗雪華賦

雄風禦寇高騎氣張驚遠鑿空看君飛動意

用叩鴻濛

一臂旋相失差強刻上碑竹林必向通社

宗雷佩解青琴去伯玉自書珠伯玉自書珠伯玉自書

東渚月空掩北山萊

吾友全椒長徽音久不聞尺書忘音面梁月

離羣余全椒宗漢寄書伯玉一別成黃壤空山

斷日雲更懸徐孺子誰表太丘墳伯玉自書

也伯玉自書致生易言之於邑

邨林千萬葉樹樹盡琳瑯爾傍哦松井時

王離心對麗水歸路指前隄他日當公展

期宿上方

贈陳少尹三首時擢憲副參軍

民戴還稱母公真不負玉清心金堂露爽氣玉

臺水涓滴河分潤汚邪歲歲登嘉禾初報政已

有紫泥徵

安固環江嶠爭推百里才鳴絃蘭雪汎迎刃

連開退食雲生閣題詩月映梅土風如建德

稅不煩催

用韻

少陽參軍越幕府去路指沅湘他日當公展

陰比召棠

晚晴行藥至後村寄楊木父邵小文

濕翠浮新竊高原碧樹滋水邊殘景暮為外

陽遲雲氣隨行近蟬聲逐聽移落葉聲綠陰

與故人期

王伯無廣文攜一童子抱臥具邀余

能仁精舍適天台僧照宗亦至信宿

頗極枯寂之致紀事四首

人外得真趣連床依定林殘燈對息坐如香清
道心暗枕夜蟲雜釀寒山雨深欲知離言說試
或無餘事

廣文冷不足仍愛竹林眠疏廡旁生茶烹品
外泉談詩如說偈了義卽離筌晚傍煮風便山
光半在船

童子似獼猴山僧若海鷗去留隨泛泛身世
悠悠帶雨連農圃風泉撼佛樓始知空寂舍一
汲古堂集卷十四

法本無求

疲病嗟吾老杯盤到爾寬閒心知歲月閑語
更闌林僻梵音寂山空燈火寂無餘事此
晤古今難

和馬李孫若英書寮一韻八首

試讀與公賦塵襟已滌除張華發馬鮮寧子食
飛魚起或因心會機應與世疎中郎如劍屣一

探帳中書

君齋如在眼花藥映前除有夢應添無幾心

羨公清波槎不繫管漢網何疎定續龍門業家
藏書六書

市塵煩磬洗林葉借風除門靜無題風琴清有
聽泉聲依井密黃菊映籬疎煮茶供真筍
窺太上書

時還南湖勝非關爲祓除水禽何鶴鶴童子亦
魚魚尊長青絲弱松寒翠蓋疎野王堆尚在
護讀殘書

曾參甘蔗氏俗諦日蠲除酒禁別在象齋期
汲古堂集卷十四

窮魚窮消華自滅境寂夢應疎時過東林社
緝竺國書

蓬戶經時閑蒼苔欲到除閒情園敗蝶幽興
禽魚茶熟期僧闔花飛過客疎寄言山丈師
著絕交書

幽事如相約清狂耐可除自芟三徑竹蠅種九
溪魚洞空題將遍烟霞計未疎芝苓吾自給不

試計然書

中年捐夙好清癖稍難除霞醺浮香醴春櫻清

木魚紫蘭露下折青桂月中疎尚有閒
抄勝書

山齋雜興用瓊閣韻八首簡季興

我之用我法君與不材間閑閑宜聽雨
見山微言如有會少作不勝刪更有東林約同
金佛日閒

老惜三餘晷書床盡日凭
用家殊小勝是隱正
堪乘蕙暖風先汜花晴露氣蒸
偶窺清上意風
及晨醫

卷二四

花

一區藏密窻引徑曲還斜
節盡嘉陵竹
域仄稻畦多種秫
崇圃半栽花
頭臘五車

君平終避俗許邁久尋真
忽遇平生友
世人市朝非故物
童稚已勝中
夢髮今如此
能忘笑語頻

歲時占老圃陰雨卜朝霞
水國渾連海
洲居若泛槎
山禽調曲換風柳
著行斜不記
中宵醉
看舞帽花

雕龍元刻技市駿只荒臺
碣石當年事
部郵一旋迴
蒼苔無客破綠醺
待君開細雨
江村路還
能跋屐來

霽烟初退暖芳樾
午含涼
玩易從
裴遜
詩和
載陽侵氛銷
海色漁獵
較鄰
漸醉
春風
眼拋
書下竹床

梅尉辭官日曾聞
隱在茲
至人無不可
下士但
傳疑
真賞從誰得
心期許爾知
應教千載
後有恨不同時

流古堂集卷十四

大

三

寄和匡山社諸君子集張夢胥蓬蒿園分韻詩十二首
有序

南州張夢胥示予蓬蒿園雅集詩一編予
讀竟竊歎曰大江之東何地無園何地無
蓬蒿第無蓬蒿園客耳是則蓬蒿園名海
內非幸也予不知蓬蒿園作何狀日取蓬
蒿園什讀一過則蓬蒿園隱然在予眉
間予就眉睫之所見按而和之得詩亦十
二異日肩瓢笠謁匡君并索諸君子於茲

社請先以是詩爲世外雲霞券不識蓬蒿

園主人更能著此一門外漢否也

今入匡山社匡山生眼中遙憐羣彥集雅有昔

風屐齒看花折文心琢葉工誰能如介維吾

命飛鴻用余潛穎一東韻

星本天上夢倩偶人間奏牘辭金馬藏書傍

山用晉書爲洪興春江鵬欲下珠樹鶴初還何

事雙龍氣猶令斗色殷用朱伯壘十五刪韻

關逕應三曲爲臺定九層雲光生積水月影臥

汲古堂集卷十

寒藤楚佩紛裁菱吳飲豔采菱忽驚春磧日客

散出林鐙用器叔敬十蒸韻

花片流殘雨崇光洗石泉游蟻喧藥從老樹落

江天黃石曾傳素青衣亦與玄寧知謀野從肉

食正囂然用朱仲衡一先韻

中林長謝客一水歎伊人入竹還迷逕排花始

認津沙晴分鳥跡松老圻龍麟枕上匡廬添別

君夢轉頻用張玄逸十一真韻

人境滿清暉還疑在翠微雙桐生露井片石

云星辭賦關開闔風塵有是非眷言子棄子吾

與爾同歸用張昇晉五微韻

蓬蒿路不分抗志謝人羣竹素千秋業過魚五

嶽文排絃遠月露染翰挾春雲欲問平泉賦無

暇下文賦用謝安美十二文韻

臨劉遺往躡惠肇洽清襟客去雲窺席僧來月

在林香臺喧鐵鳳霜簾應臯禽一悟空三際方

知出世心用余節侯十二侵韻

暝色薄郊烟風煙暗草亭河流樹杪白林火雨

汲古堂集卷十

中宵松子洪厓飯蓮花竺國經應知抱鄰者聊

獨托沈冥用彭仲升九青韻

徑寂忽聞香行行過草堂臉糜流葉几金燈滿

藜床客座青氍毹暖朋尊綠醪涼引人著勝地長

日到羲皇用王伯仲七陽韻

竹屋火初明匏尊酒復清風林鳴藥杵夜榻覆

棋枰丈室函三藏談郭擬百城不知人世更蠻

觸自縱橫用樊致虛八庚韻

未覺芳園少瞻茲名士多玄言探理窟藻思

潮波吾亦宜蓬蘽人皆艷綺羅因君到海應
和羊何用李雲將
五吹韻

汲古堂集卷之十五

東甌何白无咎著

七言律詩

曉坐玉虹洞聽黃道人吹簫

復嶂盤空鳥路斜高標石扇倚谿筇道人鍊筴
裂雲石殘夜羽衣生月華泉落洞門吹作雪日
蒸江氣散成霞青芝赤箭非難致何事吾生未
有涯

寄武當憨憨道者

雙臺有昨倚雙岑香藥草茸遍古林紫峽泉聲
宮樹深青天雲氣嶽蓮深聊因之子寄相憶只
恐幽人不易尋石髓如飴那得致月明似夢
師禽

過白門訪王恒叔先生話舊因憶

游

青溪給事舊西莊小別雲霞動十霜瓊湖絕春
芳樹合石林積雨碧蘿長山陽聞笛思嵇阮地
下何人覓范張華頂未泥丹竈去誰能雙鶴不

蒼浪

集邵必明孝廉齋中共賦明月照高樓分

得洲字

虹梁天矯俯長洲明月窺人故入樓萬嶺寒飛
天鏡晶半規光抱棟雲流駕央影度鳴機夜鴻
鴈聲催擣練秋小婦城南獨愁思更教鄰笛按
涼州

臥病四首

樓居

蘿蘿微風自穆如游僊吾亦好樓居雲霞纂組
開斜日水木清華溢碧虛盤餐每從萊婦饋熊
經時閤化人書霍然已動眉間色不用觀濤賦
起予

斷酒

一病羸然動浹旬幾虛紀叟甕頭春提壺竟日
來窺客鶚鵲經時解笑人壘塊故須長引滿形
神漸覺不相親默醒自調家中婦無賴那能似
伯倫

科頭

妾巷無媒長綠燕刁騷雙鬢笑頭顱九陽許許
卿睇髮一月蕭蕭但據梧於我接羅渾長物悞
人側注浪爲儒迥然坐嘯中林暮目送飛鴻海
色孤

煮茶

茶竈匡牀次第陳竹林雅愜據梧身軍持曉汲
雲根碧僊掌春開露裏新烟暝忽如山雨至火
降初破浪花勻啜餘坐愛桐陰午點筆詩成覺

有神

獨不見

閒殺珊瑚匣底琴淒清莫按白頭吟染絲到葉
憐絲苦滋水琴芳畏水深南浦芙蓉曾並蒂西
陵松柏憶同心願教礪上如霜月遙寄閨中搗
練音

同陳良哉賦得霍小玉

霍家小玉破瓜年一曲春陽絕世妍寶珎佩光
掇半月博山香霧裊雙烟辭秋苑弱思重御詰

旦蘭膏苦自煎白馬一從門外去青蛾空作鏡
中憐

同楊木父夜過周孟男得連字

城上歸鳥尾畢連尋君袒跣坐菰蒲斜欹白幘
歌金縷直遣清絲繫玉壺歷亂風篴天籟答微
茫烟柳月輪孤飲醇況復周郎少良夜何其夜
欲徂

同陳公衡明府集劉忠父將軍紫芝山房

得開字

汲古堂集卷十五
都護池亭向晚開飛霞谷口客車來曉曉紗帽
烁林奕薤簾胡牀夜月杯身現宰官神玩世愁
關異代更論才紫芝秀色如招隱安用幽深事
鑿坏

人日同徐懋吳司理陳公衡明府劉忠父將軍王世周隱君集東山分得來字

人日聯鑣騁望來栢香彩勝闌深孟烟沉雉堞
春燈亂月吐龍宮海色開風雅一時還正始東
南羣彥坐裴徊且從郢下麇流徵不用尊前按

落梅

巽吉山懷白玉蟾和洪從周

一磴綠雲鑒翠通山腰清閣化人宮松聲泉響
春容裏樹色河流莽蒼中明月於焉曾駐鶴紫
烟何處命飛鴻懷僊三詠洪厓賦人妻冷然欲
御風

同潘司理王司諫登玉甌峯

飛磴真疑落紫氛冥冥風雨夜深聞天門呼吸
中峯近日月蒼茫半壁分滄海使君黃鶴馭赤

波古堂集

卷十五

城使吏碧鷄文最憐政暇多閑事坐來分石

上雲

巖瀨夜泊

萬峯迴合古祠幽烟外靜無人暝愁山月清秋
縣古樹客星殘夜帶漁舟郡名猶借嚴家姓江
色空餘漢水流明發王程南北路幾人能解問
羊裘

春莫書裏寄山中頂季輿

江上春雲處處生綠陰山閣聽殘鶯如新自古

悲交態求舊何人不世情烟運蜀葵苞漸放雨
墻天棘萼初縈鹿門有地能相假不用修琴更
入城

酌酒與友人

濁酒澆它氣未平窮愁無乃太勞生水融陰壑
爭噓沫春盡陽林自落英却笑雕蟲爲長物看
來野馬是浮名五湖烟月能賒客醉和滄浪且
濯纓

波古堂集

卷十五

六

安江進晚風舊集芙蓉

九服新成月露教秦宮篋間一字貧堪賣鏡
裏雙蛾老自工雨後尊絲霜後膽中霄呼酒更
誰同

送朱光祿在明道由天台會稽還吳

爾從三汭下三谿歸向天台入會稽華頂建標
通帝座陽鳥出海唱天鷄探符定有金庭闕沿
月將無夜雪迷一幘布颿青不斷峭峰雨岸聽
猿啼

陳公衡明府招集同社泛舟陽湖得雪字
秋色南湖惱令君扁舟狎長白鷗羣千峯青送
蕭蕭月四野寒飛莽莽雲客有蘇門舒鳳嘯劍
從延浦合龍文無論象緯關今古此夕風期未
易聞

姚龍文歸自兩都詩以訊之

十年辛苦賦三都萬里歸來艸一區但使風期
雨董無論蹤跡混屠沽匣中秋水千金劍杖

心消不得夜深猶自讀

汲古堂集

卷十五

七

春日李君益鸞酒集王謝對雪席上同
姚龍文賦雪後見新月得臨字

雪融碧瓦開殘霽月下空庭破夕陰金鏡半
初試匣瑤華萬樹欲辭林光迴積素寒無影春
洩流斯夜有音鴈咏昔賢曾此地往來興慨一
登臨

翼之席上同楊木父咏秋鴈得塵字

丹楓瑟瑟對蕭晨深樹流鶯較暮春幾度憶從

南陌聽一聲翻訝後時新清商緩指
葉迴歌按節頻絕勝灞陵花底度日高驚馬踏
芳塵

忠父避仇吳中

一官顛顛最憐渠托跡初從廣柳車拙宦自堪
卑燕雀避風爾且學鷄鵠談鋒擬續齊諧志說
劍曾傳越絕書日暮思君擷芳芷蒼茫今古獨
躊躇

山房以詩見懷賦此奉

汲古堂集

卷十五

八

十晦青林半晦宮林清氣坐烟空忽傳寄遠
題檄至信是登高賦草堂霞發碧潭寒濯纈且
交陰壑晚生虹欲尋換嶺吹笙侶一借浮丘
背風

靈峯洞

積翠中天竦處幽侵雲飛磴躡空遊直疑帝
魚鳧國幻作僊人十二樓日落煙霞金碧晚
深風雨石林秋便堪並駕雙鸞去
湖口濡足句

願望十洲

夜宿玉虹洞同國方城隱君林翼之林仲

一兄弟曉起觀海上出口分韵得前字

杖底星河樹杪縣石牀清聽落風泉日華殘夜
生滄海寒色中峯散紫烟僧在翠微譚往事客
從灌莽探遺筌風塵一片驍騰意消盡鍾聲五
夜前

同劉忠父將軍過龍君御廣文齋中分得

汲古堂集

卷十五

別炬不知寒劉生注

係三軌晏倩浮沈寄一官變徵歌聲迴海月
予香澤汎秋蘭雕龍炎轡還吾黨千載齊盟
下壇

同周文美楊木父黎從典王季中劉忠父

集君御廣文席上各賦一物分得筍韻得

十四寒

烟芽始茁檀藥種風味初登苜蓿盤潛穎已舒
零雨夜蟄龍猶抱溼雲寒玉分白社禪僧供饌

解青林處士冠嘯拂湯教迴暖律碧霄千尺見
琅玕

劉比部爭青宮事左遷詩以却寄

僊郎蹙下白雲司封事嶠尚赤墀吏議漸明
霄漢際政聲初洽瘴江番君王自起歌鴻鵠黃
綺終焉咏紫芝遷客由來深托思湯將孤憤寄
江離

送龍君超孝廉還武陵君超試南宮不第

趣裝過四明覲其尊公載訪仲氏於永嘉

汲古堂集

卷十五

因覽天台鴈宕諸勝君超雅名地故好著

白之術

沅湘公子佩江籬皎皎風前玉樹枝燕市浪聞
收駿骨楚宮猶自貯蛾眉側身轉覺烟霄闊
意翻尋海嶽期孤嶼四明堪一葦寧親訪第
吾之

振落憐予病鶴身相逢呼爾謫仙人瓊臺石髓
三時滴玉室金芝幾度新汗漫總忘頻甲子閉
關猶記守庚申武陵夔絕人間世花底漁舟許

秦子虛

夜坐寄秀公

樹杪涼雲曳素陰
間然羣動一披襟
有涯寧狗無涯知
住世長懷出世心
風外亂螢紛積水
天垂纖月半平林
曾同惠遠題詩處
行踏空山聽梵音

吳將軍雙壽詩

青髯初辭灞上軍
尋仙早逐大茅君
席前舉案行青玉
月下吹簫駐彩雲
二逕已馴魚鳥陣
六花不動鶴鵲鄰
遲半部清商樂
多屬曼延醉裏聞

同張郡丞王明府集陳光祿綺園二首

綺湖一曲抱名園
水榭波樓翠紫繁
山近女牆疑背郭
鳥馴人境不歸村
夕飈初起林光亂
涼雨初銷海氣昏
願向今朝歌以永
平臺斜日更移尊

萬木蒼蒼水上樓
暮天衆籟盡鳴秋
荷侵野迳留霜葉
波落寒塘響泐流
裘馬已醒槐穴夢
壺

觴猶憶竹林游看君用意同張邴始信青門有故侯

望仙臺望太和絕頂

風泉松籟書冷冷從倚崇臺思宵冥雲葉晚蒸西日紫岳蓮暎撲太霄青帝居似見標雙闕峯勢如看擁萬靈後夜石林明月滿臥聽仙客藍珠經

飲李鍊師丹室戲贈

寶籙支牀半已殘藤花不掃步虛壇一林竹箭汲古堂集卷五鳴秋早半壑松濤攪夢寒核醺青田沉琥珀月生文簾濕琅玕黃冠日住雲霞裡管領名山不解看

曉發十八盤望玉虛宮

晶晶晨光翠蔭圓獨乘籃筍思冷然棧盤斷壑曾駢石樹綬懸崖半隱天霞起玉虛開黼帳雲生珠殿散爐烟漸看真氣神臯近半部咸池曉露蟬

紫霄宮

扈從千峯別羽儀空中日月太常旗七星成天象五老如迎告帝期鑿翠香臺分點綴雲輦路鎖逶迤人從賜劍傳遺事碧草離離禹跡池宮前首山池展旗臺七星樹五老峯賜劍臺禹跡池諸勝

太和宮

三門中斷轉嶙峋斐亶祥光擁玉晨雲棧盤空疑箭括星廬垂象法鈎陳天低蓮萼長銷夏雲暖林花始覺春咫尺朝元猶宵耿欲從羽客借廳輪

汲古堂集卷五

太和山天柱峯謁帝首

五城帝時迥高懸絕壑長松坼紫烟落掌雲生巴峽雨齊肩天擁華峯蓮軋符乍啓星占北水德初興色尚玄怡喜九關無虎豹采芹親獻至尊前

文皇握鏡撫神州瘞玉升中擬介丘芝檢金泥藏秘典瑤函寶籙協玄謀雲根潛引崑崙脉天路時邀灝氣游入夜六龍銜燭影祗應來往北山頭

浮雲日下望長安萬里青蔥正北看天關三門
華表遠雨殘千嶂翠濤寒叢霄清切招搖近小
有虛無沆瀣乾聞說先朝饒瑞應登封曾紀漢
祠官

徙倚玄冥獨杖藜陽鳥出海照層梯赤珩曲几
文綈錦秘殿雕榱浴褭蹄夜作豹嗥青洞犬曉
好鷺嘯白雲雞下窺銀海人間世不獨襄城咫
尺迷

玄時祈靈走萬方朱旛翠節觀瑤光金庭日畔

友山堂集卷十五

五

三

瞻芝蓋鍊鎖雲中接鴈行歷歷繁星然絳蠟
濛宿霧燕都梁不才自合何時棄且就生前乞
醉鄉

五龍宮坐月

空庭清闕晚蕭蕭新月初疑曉未消縹緲寒風
生積雪峭峯游靄拂輕霄雲邊石坵千霜樹竹
裏泉飛百尺橋一自通津來俗駕香臺無復駐
霞鑣

上庸房陵道中雜詩十二首寄馮大參

敏

天近庸城枕萬山畏途車馬日班班星古井
通三蜀地擁中條繞百蠻旅夢鄉心郎子國斷
雲飛鳥穆陵關蕭條不獨悲生事肺病逢秋且
未還

高臺一眺一沾衣遠望誰云可當歸
難解贈洞庭水葉未應飛落梅樓上仙人笛連
理城南少婦機何事湘靈猶怨別月中錦瑟思
依依

友山堂集卷十五

三

五

風雨龍池散鬱蒸山連岬峴古房陵泉聲澗澗
穿林過雲氣峯峯入戶登吉甫斷碑沉倒薤黃
童故宅募寒藤城南蘭若微鍾歇清梵蕭蕭古
佛燈

憶昨行吟淮水月故人問訊古麋州尺書遠
越南國幕府春開漢上游訪古獨尋王粲井題
詩曾上禰衡洲無言冉冉催時序颯沓空山首
宿秋

風俗殊方耐可親村村瘴癘迴傷神殘宵急雨

龍蛇氣落日空山虎豹鄰三逕難成獨往客一身易老倦游人武昌魚美非吾好早晚扁舟問水濱

千佛崖西日欲曛蒼涼又逕官難分行隨水鶴穿深樹坐聽江猿哀暮雲金檢如探小西洞玉書好寄大馮君秦州浪紀東柯勝仙客尋源獨未聞

詞林振藻鬱煙虹神駿奔霄步獨工直剪繁蕪追正始不教蕩草委王風卿雲紛映天門爛俊

鶚高盤鷺鳥空此物盛衰關氣運野夫未敢薄雕蟲

文章歲晚感蹉跎才似平原頗患多長孺積薪甘偃仰子山枯樹漫婆娑江山麝藻含飛動郊遂甘棠式詠歌多少僕王同過客一坏寒土翳

烟蘿

百年麤糲腐儒生傳食何當忝客卿騎馬有時尋筑嶺聞鷄殘夜弔方城閑生流寓依安邑阮藉疎狂乞步兵南北栖塵滿髮開門何日著

書成

忽忽窮途黯自傷先秋雙鬢欲蒼浪遊梁自笑才名晚慕蘭空懷俠骨香越鳥繞林啼夜月吳鴻抱匣嘯寒霜離憂況復思公子起對明河賦七襄

鷄占瓦卜荆南俗火耨刀耕谷口田百道溪流搖竹箭六時山鬼嘯林煙迎人亂石驚蹲虎束馬層崖俯跼鳶絕壁武侯遺廟在手摩殘碣夕陽前

高下茅茨星散居四垂壁隄避秦餘青拈巨勝抄香飯翠摘茵陳薦晚蔬林漾竹光開吉貝潭涵峯影上文魚不知人世多離別悵望南山有敝廬

送郝仲輿令君入計北上八首

寒裳江上勸加飧澤國飛霜海樹殘斗柄春占秦太史星躔夜繞漢郎官黃河風急蛟冰合紫極雲連鴈路寒倘問治平應奏最姓名先已借長安

芙蓉雙闕五雲間
勝裏官花萬樹殷
綠仗章移金馬直
紫微春散玉晨班
百寮端拱尊周典
九德休明動聖顏
君自退朝攜手板
蕭齋爽氣迴西山

金拆江關列戍嚴
早傳廷議罷朝參
提封欲使淳風徧
洞壑仍宜吏隱兼
天馬由來思代北
人情元自厭江南
漢庭舊賜尚書履
晃影先煩太史占

足歲海上飛龍
神君爲政亦忘機
岳邑齋居滿翠微
廳事草齊

及古堂集卷十五
鳳引臥黎牀
花落烏銜飛鳴琴
雲泥游仙曲削
牘雲生侍史衣
豈必戴星吾事
海垂簾差可對
清暉

手疏黃庭早放衙
縣門古洞接飛霞
麗家居上空諸有
勾漏真人鍊五牙
弓冶承家工美錦
板輿將母出深花
右軍內史曾遊地
今古風流說永嘉

橫經虎觀漢諸儒
名理超超楚大夫
爭向蘭茝捐翡翠
獨探鐵網掣珊瑚
人從僞俗思瓊樹
君

自冰心映玉壺
驛路儻迴炎海鴈
一函好遣慰潛夫

諸將東征屢錫弓
羽書猶達木火宮
歲不入周王貢宛騎
長嘶淚水風白前
久虛丹穴鳳霜臺
欲試鮑家驄亦知
鷁首無東意迎伋
虛勞郭外童

悲風落日佩刀鳴
目送行雲共北征
肅肅冥鴻迴朔氣
蕭蕭班馬雜邊聲
懷忠附義王臣事
報稱銜恩國士情
善政儻諮東海狀
不煩占對藉王生

寄朱在明四首

江邑孤懸一水間
早辭金馬此投閒
布衣曾共平原飲
寶劍空留國士顏
楊子波濤吞楚甸
晉陵風雨失君山
峭壁苦憶經過地
悵望浮雲海上還

高堂伐鼓日淵淵
豔舞嬌歌雜管絃
鳳吐流蘇寒鼻霧
鸞窺複帳夜栖烟
樓侵平野江雲入
月墮空波海樹懸
寂寞只今人抱病
可能長就步

兵眠

團團桂樹蔭雲廊招隱歌殘失異鄉愁對靡蕪
江雨白夢驚烽火瘴烟黃降心祇合依聲酒結
客從教典鷓鴣獨有夷門思報稱蓮華一匣照
秋霜

青春瓠落臥燕蘆千里懷君海一隅直北樓船
聞戰伐小東杼軸困徵輸繕糧便欲舉三秀卜
宅行將傍五湖爲問高堂三婦豔可能挾瑟奏
吳趨

送林玉父從張太守入蜀

酒畔嗟君萬里行朔風遠道雪初晴月中猿啼

青泥坂雲裏烏啼白帝城叱馭自深遊子意寒
衣不淺故人情後車已藉王生重占對能高北
海名

三茅觀熊壇曉望

絳節芝幢接宵冥燭殘紺殿曙春星洗丹泉洞
桐生井禮斗壇空月在庭樹隱寒湖江氣白竹
浮晨露石林青八琅不是人間曲冉冉天風送

鶴翎

九日同王九靈王贊夫登塘湖大善寺鐘樓
樓四首九靈託跡方外贊夫游學北上會
予社友也

天畔佳晨客裏催繫舟雙樹一徘徊橋烏曉集
千家市珠鴈光函七寶臺飛蓋浮雲吳會出渡
江秋色越山來無令真氣驚關吏箕坐星河共
舉杯

雲際憑高一望鄉玉毫猶可照迷方兼葭乍白
汲古堂集

江村月橘柚初丹海國霜嘉會漸隨秋易盡別
愁翻與路俱長呼鷹戲馬當年事結客空懷俠
少場

積翠中天此鬱盤頗臨飛鳥一凭闌蒼巒雲入
雕胡熟天目霞飛錦樹丹澤國布帆秋共遠
窓牖被夜生寒殊方對酒俱朋舊何必黃花
國看

雌伏雄飛恨不同行蹤南北共征蓬歸心客倦
長千里高論鴻鸞碣石宮井幹風前喧鐵鳳津

梁天際落煙虹蕭蕭旅髮茱萸媚莫遣繁霜入鏡中

送黃伯傳還靈岩山中并簡張孟孺將軍
白雲天遠片鴻微江上離心五雨飛林屋青霞
峯夕暢靈巖蒼雪映朝扉
逢長者停車轍豈必諸侯重布衣
被廢只今憐宿將藍田射虎夜深歸

別羅伯倫二首伯倫久客不歸聊用微諷
柳園垂柳屢芳菲別路頻驚破鏡飛九月塞鴻
迴馬首雙栖梁燕妬鴛鴦
機楚吟昔感姜姜節吳曲猶歌緩緩歸
日落蕪城青閣晚捲簾別有怨金徽

蘭燈桂酒夕筵張起眎明河夜有霜
篋裏真圖留五岳懷中奇字掩三倉
佳人坐惜華年晚烈士空悲去日長
歸臥臨邛堪著賦孝王客散聞池荒

過愚公碧峯寺萬法菴
林間白足款荆扉古木蒼涼一徑微
買斷碧峯

蘭若竹賜來妃子水田衣六時僊樂山禽演四
座天花解葉飛車馬城南行未息石壁匡坐對清機

雙溪曉發

雙溪百里翠撲眼天勞兩峯開勝觀杏花壓雨
倚春態櫛葉拂雲生暝寒旅夢不迷越山岳客
心無賴隨風滿茅堂日午息徒侶濁酒劒歌行
路難

嚴灘逢龍君御

萬里同風異羽翰差池遠道問加餐
花深嚴灘啼鶯合潮上錢塘過雨寒
莫以陸沈疲執戟日辭雲臥起彈冠
功成倘乞桃源去共著東南釣一竿

林中翰招飲西湖孤山

中翰八十餘猶如少壯好黃白術

故為永嘉人

隔水青山鏡裏孤獨撿舴艋出菰蒲竹間留客
談金虎花底聽鶯送玉壺曾說射游同大父近
聞過訪有麻姑峯頭南北堪騎鶴不向君王乞

鑑湖

度沂河懷楊木父

酸風吹雨度沂河
葭菼蒼蒼水自波
一病頻令神理盡
孤生不耐別離多
弋童日上吹桐角
游女烟消出棹歌
遙憶寂寥楊子宅
可能揮手入雲蘿

鄭昆巖中丞在駕草堂并訂鴈山之遊時
榻李陽水窪尊篆書見贈

開府蹇韜黃石略
閉關日事紫陽君
偶尋緱嶺
汲古堂集 卷一五
驚笙侶先贈窪尊鳥篆文
風動檐花銷宿雨
翻林樹劇晴燠
規非賣畚嵩陽客
捫虱聊談鴈
蕩雲

汲古堂集卷之十六

東甌何白无咎著

七言律詩

江上阻水寄高行之將軍

樹杪飛流數仞懸，疎燈寒夜宿潭烟。
空留萍潒千金技，欲引篳篥廿五絃。
孤客水中辜薜荔，將軍天上坐樓船。
遙憐博望河源使，日暮迷津何處邊。

王永叔左遷龍標尉時取道楚中有懷

汲古堂集 卷之十六
望盡巴陵江水流，江聲一夕長離憂。
虞翻去國書應就，賈傅浮湘涕未收。
烏止不知誰氏屋，猿嘯偏近逐臣舟。
龍標西去三千里，瘴雨蠻烟易白頭。

贈高行之參戎四首

魚鹽沃野古封疆，行幕高憑越海傍。
旗撼龍蛇占太白，士雄貔虎列中黃。
敢論上客煩虛席，曾枉前綏過賣漿。
禮數總如嚴僕射，野人箕嘯坐胡牀。

胡牀

曾提十萬朔方兵，載起能令浙水清。
揚僕樓船傳下瀨，伏波銅柱紀南征。
已看鉄鉞收蒲類，實有韜鈴授穀城。
自是名家工筆札，著書可擬尉繚名。

赤城南控古東甌，枯嶺勾章接上游。
大鹵龍驤迴絕島，炎方虎竹擁諸侯。
勿云形勝堪憑險，自古訐謏貴代謀。
猶記里人胡少保，曾憶先帝廟堂憂。

鮮卑山下近如何，雪裏王師未渡河。
不信蘇奴知水草，早聞漢語出夷歌。
已宣威德能全國，未可懷柔擬止戈。
南服入春憂不細，莫令瀚海更揚波。

聞沈君典太史歿同梅季豹作

我愛宛陵沈次公，今人綽有前人風。
拂衣歸去有雲月，橫刀徑出無奸雄。
鳳鳥不至尼父歎，騏驎一蹶天開空。
錦袍寶瑟日零落花月，長干餘舊宮。

一無上人自南海歸隱霍童

鏡中日月接方萊，龍背金銀湧法臺。
龍女過杯浮香海，象王來行參勝地。
閑空門厭辯才知爾此行應杜口，且留半偈與人猜。

雪霽歌馬山家

赤阪青崖轉百盤，雪殘歇馬障泥乾。
松門暗古木懸水草閣寒濁酒僕夫還共慰窮
櫓兒女自相歡即看賸有藏身地何事頻歌行
路難

桐江阻風夜宿山家

天半雞鳴草閣懸，樹垂秋原亂雲邊。
松如繡溪石含風水似烟呼酒忽聞黃鳥至解
衣欲掃赤霞眠山翁日住神僊窟翻羨南來北
去船

送王玉涼光祿北上

二月輕車指帝鄉，潞河水泮柳初長。
思鷁侶雲斷南天憶鴈行醉乞步兵能玩世才
同司馬薄爲郎近聞樂浪歌朱鷺應有新詩和

柏梁

聞警二首

王師西報失前茅，萬壘傳烽照近郊。
供竹箭不聞天馬貢蒲梢河蟠漢時開三輔地
設秦關擁二嶠深夜忽驚風雨過繞牀金劍一
鳴鞘

懸旂不動暗飛霜，苜蓿蕭蕭荻葦長。
關月黑荒陂飲馬寒雲黃書生輕敵深持法戰
士空春盡病創自笑聊成一白羽閒從天際落
雙鴈

桐廬阻風逢林孝廉方舟至金昌別去時

林謁選北上

烟濤入暝撼魚龍，一葉危舟此地逢。
探腹笥青天漢落談鋒坐殘嚴瀨疎燈雨愁
聽楓橋獨夜鍾金屋蛾眉春未晚可能相憶采
芙蓉

舟次富陽懷龍君御君御去歲與予由富
陽江上別

山縣微寒閣雨痕柳條旖旎拂離尊春潮暗上
灘聲小海日初生水氣昏伍員廟前懸古樹
君祠下采芳蓀涉江況復思公子官宦征心隔
薊門

金陵曲中逢曹子念

禁柳青青拂御河壚頭濁酒奈君何時違杜甫
交游薄歲晚江淹別恨多春盡銅池消宿雨夜
涼銀浦度纖阿雄心欲老愁難寄暫託吳娃錦
瑟歌

浦上懷古寄王贊夫張叔相王用敬

長淮南繞沛宮迴扼腕英雄醉一杯赤帝軒蛇
餘故地楚王戲馬有高臺代經雷火穹碑斷日
落風雲大澤來天末思君一惆悵慨懷懷古慕
生哀

淮陰書事

遺風莽莽霸圖存大野茫茫楚水渾蘋綠行人
祠漂母草青青何處吊王孫江淮自咽千秋恨涕
泗猶深一斛恩徙倚荒城不能去日斜驅馬下

平原

瓜步阻風同季中作

瓜步遙吞渤澥寬蓬窗濁酒共悲歡鼇宮月吐
千槁靜漁市天低萬柳寒南望羣峯隨海盡北
來雙鯉溯流難此中聞有蛟龍怪夜繞牀頭淬
劍看

宿摩訶菴同潘景升程仲權分韻得南字

上方雲盡撲晴嵐乞得蓮花第一龕禪悅祗憑
開士供幽還期與故人長松萬鬣潮音合複
嶂千重雨氣含欲向南湖采蓮葉不堪持贈到
江南

九龍池

別殿寒濤響枯松中峯僊掌削芙蓉更無銀海
浮乘鴈自有天池浴九龍風撼石鯨秋水黑雲
深錦樹日華重聖人淵默行時令不用祠官奠
壁琮

同潘庚生程仲權集西寧侯宋忠父逍遙
園錢別時余做裝歸越

詞盟將畧早登壇置驛留賓禮數寬露泣桂林
商景晏月流蘭阪夕光寒中山孺子歌三豔北
里名倡舞七盤回首天南惜良會秖應西笑向
長安

湖上晚步陳生邀飲趙娃花下

醉歌白恰信青鞵隔水羣峯日夕佳調得吳姬
歌芍藥寧辭魯酒試茅柴品花香汜鸕鷀杓砌
竹簾殘璫瑁釵忽憶曉烏雙槳渡夢中烟柳到
秦淮

汲古堂集

送郭生入關從軍

十二都城報父仇恩薪遠結古劍頭嬰刀欲借
玄菟血淬劍應枯異水流東海樓船防日本尚
方綵繒實雲州少年自喜誇奇骨莫道清時不
拜侯

枯蒼阻雨曉霽過王氏亭子

王氏亭子礪之曲南背高林萬木稠得水魚鰕
朝不上劇晴蠶蜨暖仍游烟青野燒新莢長雲
白春江複嶂幽一曲松筠長自閑幾人坐嘯對

寒流

宿周公瑕先生裴几齋投贈四首

千里風期濁酒樽槁梧玄對澹忘言南陽耆舊
龐公老東國人倫郭泰尊道似龍蛇宜藪澤心
如麋鹿愛丘樊城南近卜饒佳勝隔水青山似
陸渾

閒註浮丘相鶴經間操藤雪榻黃庭南金日貴
鷄林紙中使曾鑄劍閣銘水引橫塘雙練碧石
分笠澤片雲青已知玉簡通仙籍何似金門隱

汲古堂集

歲星

載從東閣謝徵車歸愛南山有敝廬明月不彈
千仞鵲白雲自種九溪魚名都早倦桃花騎鯨
岳先藏薤葉書却笑栖栖梅福市從君如攬化
人祛

把臂咄然入竹林龍門殘雪泥鳴琴國中自和
陽阿調江左誰操正始音題罷練裙留墨妙投
來縞帶示交心不禁欲鼓春江柁越絕千山夢
裏深

過王百谷半偈菴賦贈四首

寒松千尺覆藜牀日擁琅函散縹緲鳬藻片言
含月露鴻裁一字挾風霜汗殘菰苑家客竹自
賞檀林樹樹香絕代是君真獨立吳宮初日照
虹梁

平津開閣留賓日藉藉雕龍動帝鄉武騎總非
司馬好步兵差似季鷹狂夜抽金匱分藜火朝
倚銀箏擁鸛鷄不那五湖歸興劇布帆無恙白
雲裝百谷爲表相國重客預校中秘書

不復聲華關五陵千秋俠骨蒼無憑因參繡佛
頻中聖遂演蓮花即上承涼海碧霞朝供客雲
門殘雪夜尋僧由來水觀元無相遮莫人間有
愛憎

闔閭城下柳垂垂兩度春風共賦詩玉樹菁蔥
憐晤對芙蓉把贈覓交期高談轉覺神鋒偶絕
調翻令世路疑未必風流江左盡只今稽阮是
同時

送七閩林參軍歸養

三朝數馬襲家聲七葉承貂寵漢京官似東方
稱吏隱才如明遠有詩名春江遠嶂迎歸鷁水
驛飛花送曉鶯到日北堂將母壽乞來天酒是
金莖

送項伯紹監州之楚二首

清冰秋水剪風神四十監州選綬新驛裏踏花
吳市月鷓鴣嘯竹楚江春隔年河漢憐牛女卒
歲輶軒逐鴈臣伯紹去秋奉使入吳自是名家才不
忝赤霄鵬鸞出風塵

漆園傲吏寄婆娑俸比侏儒較已多蓮幕參軍
曾坐嘯竹樓僚佐幾經過天倚霜鏡君山月木
落寒皐漢水波便欲尋君采芳杜秋風澧浦奈
愁何

五月四日書懷四首

吳門弭櫂柳垂檐又見飛螢夜入簾豈有黃金
收駿骨祇堪白首混魚鹽舌存寧藉諸侯重身
隱何煩太尹占種豆刈葵歸自得且銷長鋏作
腰鎌

竹消殘粉放煙稍榴吐輕紅長露苞却笑游人
依逆旅何如飛燕護新巢懷歸空負刀環約觸
熱真蒙襍穢朝猶憶草門呼酒伴娟娟涼月翠
藤交

碧欄殘雨水淙淙愁色難憑濁酒降豈有時名
推第五浪傳國士是無雙曲中楊柳聞吹笛鏡
裏芙蓉夢隔江逢憶佳兒逢今節五絲親綰夜
臨窻

乾坤納納信芒屨祇笑吾生未有涯羞托雕蟲
及古堂集卷十六

工小技貧依繡佛愛長齋楚材何必終歸晉橘
性由來不渡淮三十栖栖生計晚且騎白鹿問
青厓

宿長洲陳公衡令君衙齋投贈四首予以
去歲自燕還過集齋中茲復遣使見招握
手欣然有作

清壺寒月此從容錦石疎花憶去冬直擬梁鴻
依茂苑敢去司馬過臨叩光翻兩砌春雲動翠
壓風簾暝樹重入夜共談饒感慨炙燈虹影盪

芙蓉

地扼勾吳百雉平霸圖葵奔閭閻城少年自時
要離塚故里虛傳季札名心作冰壺銷瘴癘政
行岳色頌神明越來谿上花饒笑越客經過倍
繫情

郭抱通津擁萬艘輶軒使者集于旄中原飛輓
東南劇茂宰徵輪撫字勞楊子桃花高夜雨胥
門竹箭急春濤一行作吏風塵下三十潘郎欲
二毛

及古堂集卷十六
沉冥日臥步兵厨忽憶青山舊
流日夜蕭蕭涼月照靡蕪夢隨飛鳥仍依
逐浮雲似戀吳明發欲移烟艇去儻何處
恩珠

同吳翁晉集邵少文齋中分得燕字

胡牀湘簟散爐薰日下空除紫翠分蠟煎鳳
催度曲酒行鸚鵡罷論文井通滄海騎飛雨
離羣峯畫出雲風雅只今同調少不問看竹
過君

代姬人荅少年同翁晉賦

西風簾幙卷清霜
皦皦明河盪畫梁
南陌妾家秦氏女
東方夫婿侍中郎
井寒梧葉迎秋早
漏滴金虬知夜長
萬里斷鴻書疏隔
盈盈恨不嫁王昌

送王啓南總戎暫還婁江

南服重關控棘門
水犀十萬不聞喧
月生島樹聲合月
湧空波海氣昏
報薄未能詘吏議
功高元自市流言
太湖萬頃清無恙
鱸膾蓴絲盡汲古堂集卷十末

王恩

閉門

寂寂荒村早閉門
月明山鳥撲林喧
扣歌寂寞燕臺筑
往事悲歡魯酒尊
千古共傷知已少
寸心難與衆人論
燈前只合垂垂睡
流水香殘茗汁溫

贈韓子椿

年少才名起大鄆
輕車家世出淮陽
長安欲借陳驚座
邊塞親隨趙破羌
江上青山猿鶴在

中寒雨夜飛觴楚歌忽向燈前起一片雄心寄莽蒼

過林翼之溪上分韻

行藥中林拾澗芳
坐分釣石潁漁梁
峯蓮窺鏡春潭碧
沙樹浮烟遠渡蒼
直遣窮愁供閑寂
不教多病失飛揚
羊腸莫問人間路
蠶月宜歌陌上桑

養痾朱山絕頂喜黃梅陽道人至

手披真筴讀靈文
珍草空林處處芬
烟合峯陰搖斷雨
風行潭影動疎雲
鶯囀遶樹春求友
鹿飲前溪暮索羣
寂寂巖扉人不到
祇應道士穆丘君

熱

六龍吐燄燄乾坤
唇乾口燥頭昏昏
炎風逐扇若鼓鞙
清月入檐如負暄
卽愁陰火海潛沸
不煩礧石泉俱溫
人生危脆懍無幾
咄哉銷鑠何多門

送王明府還淮陽

巢父掉頭不肯住陶公拂衣歸去來釣絲解解
風際捲菰葦叢叢籬畔開濁世風波已如此中
林日月何悠哉去去莫歌白石爛南山壁立青
崔巍

沈廣文過訪山中作

海內才名沈隱侯方袍白幘傲滄洲百年泉石
初開徑十里湖山此放舟道在無言寧有象機
忘相對不驚鷗未嫌嬾慢重相過溪閣看雲盡
日留

瞿思

盈盈明月冷琉璃嫋嫋垂楊舊板橋簾外誤聲
頻自朱鏡中擬笑爲誰嬌夢殘鳳鱗銷銀地淚
濺鮫珠濕霧縞樓上流黃書素晚天涯蕩子玉
關遙

登君山望馬馱沙憶朱在明

季札祠前木葉丹春申墓上草花殘日圓雨氣
夕紅濕江繞城頭練影寒繡帳不聞翻子夜玉
釵空憶挂臣冠豔情俠骨俱銷歇脉脉烟波與

恨看

送友人之燕

花下一壺君莫辭出門騎馬將何爲年過半百
已如此足底九州安所之月明難借上林樹秋
風欲老空山芝東波西日不相假白髮紅顏曾
幾時

江館

嫋嫋楊花撲酒缸客愁無賴倚篷窗紅交遠照
忽飛雨潮挾羣山晚渡江燕掠渚煙鳴乙乙雙

低風檻宛雙雙故林歸夢何由到一夜清聲撼
碧龍

芳草八首

堂下羅生冒綠蕤光風濯濯滌華滋瀟陵寒食
思家日澧浦斜陽送客時枉渚寒芳乘月晚隔
江拾翠遡流遲獨憐未歇王孫路采采幽香欲
寄誰

何處含情一里迷江南渭北玉關西冰波交映
青袍亂平隰斜分翠帶齊水驛聞雞庭露白野

旧射雄隴雲低陌頭夜雨花飄散紫馬行春并
作泥

章華烟暝鵲飛舊國蒼涼故苑非明月夜寒
湘女珮空江露濕楚臣衣淚滋班竹愁同積魂
冷青楓夢未歸鷓鴣數聲芳意歇獨將幽恨托
金徽

遺墟風掠短茸茸平碧如烟映遠空金埒新叢
紫斷礎銀牀疎蔓上枯桐辟邪天祿迷秦寢石
碣銅駝失漢宮千里傷心千古恨青青愁喚夕
陽中

汲古堂集卷十六

七

三

柳下雙扉隱閨寥春陰深巷故蕭蕭斷腸有淚
閒仍濺獨活無心靜自搖青海夢迴蟲語平白
狼書寄馬蹏遙可堪愁倚江樓望瘴雨霏霏暮

上潮

垂楊千樹覆青茵淺碧歲華近未勻日出遠郊
朝散馬月昏平楚夜明燐霜根烟暖淒淒長野
燒泥融故故新三月邊城寒尚短黑山青塚未
知春

纖雨紫絲綠繡成玉階寧辨美人名長門深鎖
歌臺合別殿無媒輦路平露葉如曉繁霜扇烟
萸含黛映桃笙君恩願與春風約歲歲深宮吹
又生

寒葉芳薌覆碧渠青林十晦擬逃虛晴霞畫護
康成宅夜雨春深仲蔚居笛破暝烟雲斷處鍾
英碧靄月生初山中遮莫年年綠白石蒼苔自
著書

舟次漢陽寄懷武陵龍君超君御二先生

汲古堂集

卷十六

八

三

雨銷南紀冷陰霞千里思君髯欲華湘水逐臣
零碎嘉武陵漁父失桃花淒涼飢色思萍實酸
楚歸心對木瓜木瓜山名兄弟總傳茅氏訣
官何物未應嗟

別郝給舍仲輿使君四首

惜別能消越客魂逢秋況聽楚江猿立談雙壁
寧論遇可報千金未是恩心逐歸雲思舊壑身
如疲馬戀君軒風塵南北期難定悵把黃花酒
一尊

天地悠悠此合併風波忽忽壯心驚歸憐烏鳥
頭應白勞似魴魚尾亦頽直以批鱗留鱗論莫
教鱗虎獨知名龍鍾兩袖沾清淚不爲懷家獨
繫情

猶憶鳴琴試宰年布衣曾厠上賓筵越鹽似雪
楊梅譙江月如霜橘柚船下榻高風還仰舉後
堂清樂避彭宣賞音自古稱難遇何必王門始
絕絃

徙倚層臺日欲曛一身拓落感離羣漚麻種豆
汲古堂集卷之六

家難定斷藿飛蓬跡易分馬上幾回朝日枕
中愁寄鴈山雲甌東鄞下相思路芳訊經時未
遣聞

贈匡鍊師

匡君度世主盧峯曉有雲孫事赤松玉齋兩扉
開絳蘿星冠七葉製芙蓉月明似水臺前鶴
影如雲洞口鐘咫尺太和靈勝地青天呼爾跨
茅龍

病中簡方子謙

行樂虛廊動越吟楚天風雨晝陰陰星占
過南紀客傷晨風集北林天末故人寬旅
闌鄉語緩歸心卜鄰它日真憐汝鴈蕩千峯思
未深

登玉冕廟下臨滄浪亭

亂石含濤殷若雷女巫擊鼓廟門開嶽蓮高擁
江雲出秋氣橫驅峽雨來何事楚人工寫怨祗
看風物易生哀叢叢蒹葭蕓蕓傷心放鼓柁滄浪又
一迴

荅彭季長孝廉四首并簡蔡去疾

君任天台第一峯早聞天藻揆離龍填詞白和
明妃曲綴賦誰邀漢主逢清樂泠泠聞帝所赤
精黯黯匣神鋒不辭今夕燈前醉共聽開元
裏鐘

才子翩翩集四筵諸生儁俗有彭宣乍逢趙客
難投壁欲挑周郎誤拂絃人識房精憐駿骨誰
占斗氣斷龍泉赤車駟馬非難致憤臬當爐事
始傳

南園佳人髻未華春江猶浣舊時紗破琴不入
宣陽里鬻汝寧過貴王家時向瓊臺發絳雪幾
從華頂照朝霞宮鶯御柳春城陌爲倩銜將上
苑花

綠酒青絲雙玉瓶送君秋色滿楓汀望中衣帶
寧江碧夢裏芙蓉委羽青溫玉何年充桂寢
珠璣夜風椒庭麻姑消息琅函杳海上傳書問
蔡經

招金元王孝廉小飲以病辭

淡古堂集 卷六

王

三

謝靈運金園序十斛蒲桃五色毫謝客新詩
海作孟公俠氣博陵豪草堂秋負松間月江
郭寒生枕上清莫使茱萸欺客病且看起色共
持螯

寄包蒙古時蒙古僦居吳門鱗諸巷有母
之喪將游大梁不果

拓落江南老漫郎漢庭無復重合香一身尚寄
鱗諸里千乘誰臨劇孟喪近日書成疑詛楚隔
年裝盡罷游梁由來久客難爲客不信他鄉勝

故鄉

湖上泛月同祝無殊用星字

挾將蕭蕭響晚汀杯盤隨意上漁舫沙明似疑
烟光白山暗如含雨氣青夜轉絳河流素月波
吞遠樹動疎星憑君莫話燕臺筑惡說風塵酒
易醒

答吳翁晉四首

昔探二鴈雲中勝似躡靈鼇頂上行青嶂東驅
滄海盡赤霞遙見石梁橫澤蘭結佩思公子水
淡古堂集 卷六

王

三

國歌別友生把酒忽驚芳訊至山城二月政
聞鶯
河水濺濺西上魚故人尺素渺愁予周郎未信
弦聲誤勾踐曾窺劍術疎卒歲校書依馬隊青
山失計類鷄居聞君廡下看天目不待秋風欲
命車

秣苑冥心接混茫愁來神氣失飛揚一時異姓
趨鳬燕千里同風起鴈行爾自才名卑小草誰
從文以薦長楊漢庭詞賦多冠蓋獨有枚生倦

客梁

滄江肺病忽春華日送行雲起自嗟往事烏
白門柳當墟人唱後庭花逃禪近愛依雙樹絕
粒空思點九霞桑落菰城飛戴勝政因春水欲
浮家

燈節項叔定以元日過訪詩見寄用韻奉

荅并簡季與

元辰相過復元宵叔也題詩慰寂寥幻比魚龍
交火樹清如翡翠戲蘭君筵開上日思拈草酒

汲古堂集卷六
況屠蘇憶頌椒不負春風湖上約烟波催柳欲

平橋

坐臺咫尺有仙蹤已覺條風入短笳花氣蒸霞

山在屋湖光浮練月遙松雲中清嘯連漁唱竹

外疎鐘應夜春小弟鄰莊能送酒玉壺銀盞莫

辭從

胡仲脩攜尊招飲吳山道院

竹下衡門舊結茅松間雛鶴旋忝巢入山日月
清如許隨俗杯盤苦未拋勝引江湖分塵尾涼

分水雪下林稍黃塵滾滾徒爲爾人外雲霞有
素交

重經江東門黎孝廉惜別處往歲予與黎君同寓此

甚驛尋有楚中之游余感之江上閱十載過此有感

此地重來忽默然依依猶記別君年移時獨立
江神廟片雨俄飛夏口船柳下餅師仍弛擔浪
中估客舊攤錢善忘無術偏多感頭白翻爲下
士憐

同林君表飲長干城南花下

汲古堂集卷六

桐林涼藹覆胡林柳浪晴光動女牆鶯語欲翻

今日醉客愁且拚一春狂游蜂爭繞紅妝妓細

馬嬌馱白面郎直遣芳尊邀勝日莫令青鏡照

繁霜

池河

長榆遠接鳳凰城細柳猶屯虎豹營四海橫流

百川沸一劔汎掃三光清帝力於人亦何有皇

風無外難爲名紫芝白石且歸去吾亦滄浪歌

濯纓

雲臺觀

金天爽氣三峯直白帝真源萬仞賒雲濕石林
埋虎豹月寒檜影卧龍蛇靈文赤玉窺真笈別
館青琳閣太霞倘遇仙人行六箸便從少室采
三花

同龍君御先生過萬壽寺寺爲先朝曹后
賜建今已傾圯東偏有蘇長公訪文長老
三過堂舊跡碑石在焉分韻得四首

雨中蕭寺冷荊榛斷礎離離野水濱疎閣畫銷

東古堂集卷六

三

三

神女屯石幢雲冷梵王輪雙林遺像思前度一
殘碑記後身南北經過還此地與誰重話去

來因

河流兩岸暎飛嵐徙倚空除雨色含竹箭千

沉暮靄烟霞十晦護精藍前朝遺事逢僧語吳

代殘碑與客探橋頌空傳陽羨作好山無恙隔

江南

吳公常言下
落陽羨不果

天矯飛梁落彩虹舊傳銀榜玉霄宮

寺舊爲美
玉霄宮

人粉黛荒烟外學士文章斷碣中苔座羣添松

溜雨藤花香散石林風也知去住元無定天際
冥冥有斷鴻

層蘇星散碧蘿懸竹下清齋結淨緣官柳自遮
寶塔女桑猶綠布金田曹后香火院今悉爲桑園林僧留
客消殘雨江鷗衝人掠暮烟俛仰莫論千載後
離宮路卽茫然

夜同陸履素運長集龍君御署中賞牡丹
花輝離欄綺席高明霞半壁暎蘭膏繁香夜逼
賢人酒彩豔春邀上客毫自有靈蓂分洛苑不
同芳芷怨湘皋時君御在萬年校下翻階影照
句會傳謝法曹

天台訪有門法師因雞夜坐卽事

一片青天瞰石門坐分千席俯松根鐘沉法
泉聲續月出幽林竹露繁境涉去來寧有住
空前後已忘言心香暗向師前熱瓢笠餘生定
弗謾

臨詞詒康伯

桃根桃葉渡江來瓊樹瓊花拂曙開樓月圓雲

上團扇流風迴雪照妝臺漫攜獨鶴同心彼且
飲雙絲長命杯誰道無情是潮水猶能催送酒
船迴

楊木父同沙彌悟乘過訪得林字

樹隱橫塘石黛深平郊雲日亂秋陰山如抱犢
堪忘世客與驅鳥共入林黃獨青精宜野飯酒
鎗茶具暢塵襟桂輪欲滿秋將半倘許幽尋再
抱琴

寄懷張太衡翁太守

苦憶風流張步兵秋風莫遣二毛生
無千頃賜第藏書擬百城積水雲霞初月映
天樓閣萬松晴想應散髮風廊夕醉踏冰壺伴
鶴行

寄趙國重

半畝青山故國貧素衣未化洛陽塵傳經蘭若
分香積問法蓮臺結淨因鴈蕩千峯憐倚杖滄
江一曲自投綈北堂有母垂黃髮縱壽千金未
許人

東嶺晚坡寄季輿時久雨初霽

悠悠東嶺白雲閒定有幽人相與選林齋花藏
寒食雨江清波動夕陽山林間采藥逢三秀松
下修齋受八關誰謂君平能棄世猶然賣卜到
人間

入潼關

赫連雪盡水增波路出函秦古堠多到海山形
分紫塞入關馬首見黃河雄圖勝跡行邊賞容
萬年光客裡過羌笛尋常吹折柳越人抽怨入
勞歌

汲古堂集卷之十七

東甌何白尤答著

七言律詩

同王圭叔方伯過赤城江上曉發一首

白門僧舍對雨

蕭齋雨門十日由南國野夫生旅愁長安街最
已飽聽故國梅花知係潯懷人杜甫賦偏側道
時趙壹歌咿嗟北山於人亦何負去去飲犢清
溪流

陶廣文携酒貫過訪僧金日

漢庭掌故魯通儒杖挂青錢問酒徒豈謂鱣堂
饒苜蓿更煩麇苑供伊蒲逃禪何點心無着入
社陶公興不孤翠竹碧梧能却暑對君長日坐
水壺

李超無文學招飲分得科字

虛牖涼陰翳石蘿古塙積雨長蓬科洛陽論事
生何少東海推名朗魏多似爾放言非孟浪對
余雄辯若懸河況逢伯氏仍開美不惜厭厭九
醞醑

過訪江陰張邦桢時滄洲社諸客同集

十年重欵故人扉，且就桐陰一解衣。
酒貰杜橋雲液細，魚烹申港雪腴肥。
閩中燭和新知滿，江上看山舊侶稀。
醉向北窓堪信宿，何煩留客賦無歸。

張照府構尊遊觀音寺遊晉寺有潮音閣
甄子圖舊跡

惠遠風流坐道場不教酒禁嚴柴桑寧知唐
蓮花社近在湖音甄子圖寶月初生諸品淨
陀時雨四天香不愁人世多炎熱一軟清泉灌
頂涼

五日赧江陰仲興使君招飲君山絕頂觀

萬木叢雲映紫巖侯人除道竹初生江流遠照
不慮閑樹擁殘霞過落帆郎有左喚歌白雲不
同司馬濕青衫時使君以綸前身信是蓬萊使
拂石仍題散吏銜

茂宰登臨復在茲憑高懷古一題詩
春申墓蕢蕢惟羞季子祠邑有黃陂帆外天垂
吳岫小鏡中鳥去楚江遲昌陽九節猶堪泛續
命何煩繫五絲

郁文學携尊飲季氏園時有小史度曲

曲榭通幽翳石蘿方塘遠思渺烟波章灌木
蟬聲集一逕晴沙鶴歸冬閣屐新翻周史曲中
洲時和越人歌酒醒蕭瑟風入客散平臺奈
晚何

壽洪從周丈八十

鴈水綸竿映小微白頭已息漢陰機花畦風日
通秋展月閣烟波動夜扉碧落吹簫蘿女在山
陽開笛舊人稀却秦藩魏當年事自是江南一
布衣

憶昔高談碣石宮幾人擁筆效趨風
推枚叟相國清虛舍蓋公公為雲陽太守長
路雄心銷櫪馬大江歸思托冥鴻名都花月須
史事歲歲空山老桂叢

垂白歸依日月燈春愁春恨折春冰麗妻能說
無生忍摩詰元稱有髮僧公自號莫問童烏傳
賦草且從野鹿演真乘觀心坐契圓明義十二
參羅盡葛藤

說傷冥叅靜掩關浮名莫問有無間分甘花底
堪娛日采藥林中可駐顏黃腸素經珠履散清

江長與釣絲閑卿簡桂楫堪乘興倘就何家大
小山

蘭陰張夢倩善詩豪於酒自楠溪過訪賦

贈

鶴袍雲笠下楠溪載贖三千半滑稽名借相如
非慕蘭貧同主父午游齊過江名士多標目到
海青山騰品題曾宿陶公著書處千秋重與護
龍泥夢倩曾一宿蘭

馮元成學憲招飲虎丘

海湧峰前日未曛生公石上坐氛氲花催寒食
風先落柳拂晴波暖乍薰金虎玉懸空古隧盤
鵬栖鶴自寒雲上方昏黑迴舟晚名理超超對
使君

李紹仲過訪投贈一首并簡張函一國博
紹仲客王司理署中時將還清源

黃河八月動靈樞風土初歸謝客衡鏡裏布帆
滄海雨篋中詩草亦空遺殘電自家家障看
汴口官身六卷一七
徧滿青處處花江國音發龍鍾異好國博物問
張華

同張叔相揚汝達邵小文茂備節國獻
集赤城林孺苞孺數間棘園孺苞先公情
麓丈舊無歸予於此并因之感

霞氣寒蒸海上城尋君還作采真行書經持扣
雷門石家釀頻傾力士鑑談向五君探理腐賦
從二陸起才名山陽舊是經過地欲奏朱紱半
楚聲

再過岩泉陳居士

老翁長日對眠鴉稚子前坡自放牛石壁紫苔
留佛影江村紅蕖過人頭逢君今夕復何夕行
客新秋感舊秋予兩集俱以此一曲晚山橋外路
班班輪鞅自堪愁

寄陸履素運長

關門祖席動經旬欲折疎麻意未申草色渡江
芳漸歇禽言入夏聽猶新何來國計須鹽鐵老
去才名起縉紳曾是鄭莊推轂予雲間時望後
及下官集六卷一七
申座

夜次金斗驛憶王昭粹鶴林水亭

寒早驛路古城東露井高梧自朔風日近至前
渾過客山連江北盡成童暫闌隔水沉秋折寒
月如霜起夜鴻爲語鶴林離畔菊可能留醉待

鄭翁

金斗驛寄懷林叔度

天低西日馬頭懸睥睨烏啼萬井烟驛路新愁
淮水月亭早遠夢越江船依劉無賴秦公子辭

趙長懷魯仲連白髮三千中夜滿前朝萬一故人憐

晚抵合肥城下呈劉海日明府

平沙莽莽遠天低天半孤城萬堞齊淮浦落霞隄樹外蜀山寒日嶺雲西塗長疲馬同時渴風急驚鳥伴夜啼聞道使君能待士出關無用候鳴鷄

淮陽歸興四首

淮泗秋風動地來月明如水鴈聲哀南經伍員汲古堂集卷十二運吹虎市北眺曹公較弩臺歸路漸香菰米飲佳期已負菊花杯愁聞烽火連東北極目浮雲黯未開

窮秋征馬出扶桑五夜流烏入建章土木再煩將作匠詔書頻拜羽林郎山連豐沛今湯邑江繞濡須古戰場安得漢庭長孺輩令渠一臥治淮陽

問訊吾家滄海君紫芝滿地吹涼雲長門無金可買賦谷口何人空勒文卽有淮王招隱士懶

從蠻府呼叅軍玉笙吹冷不歸去遙夜中天鶴羣

初陽古洞敞三扉憶昨題詩坐翠微嶺巒已騎孤鶴去弔湖無復一龍飛壇前竹浪雲連屐石上松濤雨濕衣翻架殘書風策策滿庭黃葉旅人歸

雪霽東叔定季興時叔定夜宿聽笙臺

玄朔飛雲滿吹臺君家和雪總仙才月中笙度難分鶴林下香浮始辨梅賦擬兔園連壁暎字汲古堂集卷十二探龍領竝珠來獨憐咫尺妨移棹不及山陰興盡迴

寄太和隱者

姑射仙人冰雪容廿年不下紫霄峯身疑倚木輕於鶴手種長松半作龍石上靈苗和露掇狀頭眞茂倩雲封風塵忽作游仙夢髣髴猶聞洞口鍾

和季興見懷韻

冥冥殘雨動涼氛蘭閣名香靜自焚飛欄隔花

喧石溜遠空低樹亞湖雲好奇時辭蟲魚字畏俗翻恬虎豹羣藻纂題詩勞寄憶平林斜日正思君

晚出天姥山回望華頂

目送霞標夕鳥還瓊臺宵露已難禁還疑太白夢來夜始信承禎悔出山去天台三十里有山名曰華頂山馬秀間扶筇惜與溪聲別一隔桃花已世間

孤嶼塔院曉望

汲古堂集 卷十七
夢聽江檻激風湍起攪清輝空夜闌波湧星河動高樹月橫塔影臥空壇金浮鼈背霞光晶花綴珠林靈氣寒滄海一盃天萬里欲呼赤斧跨雙鸞

戲和美人染指甲二首

金盆夜擣鳳仙膏試染揅揅裏絳綃一掬珠光隨袖隱十分春色軸簾嬌影翻銀甲移筆柱艷助緋桃整翠翹獨坐闌干閒屈指隔窓蜂蝶故相撩

紅豆疑拋玉簪長朱櫻誤調雪衣銀舞臺垂手臙脂濕粧鏡圖黃琥珀光影亂丹砂流盡扇色分檀暈繡羅裳綺窓寄遠題書罷彷彿啼痕在八行

舟次武昌

颯颯野風吹女蘿瘴烟春竹愁湘娥荇帶蘋花錦歷亂峯陰雲氣青嵯峨吳娃無賴漿初動菱歌乍停江欲渡武昌三月足腸斷楊柳依依離別多

黃鶴樓

武昌城下漢江流武昌城上黃鶴樓古人今人不可見江草江雲相與愁遠天萬里送飛鴈長風八月吹行舟從來二別小別大別傷心地一望烟波堪白頭

楚江秋思

南國微霜冷菱荷楚江水落水增波湘靈月下怨瑤瑟山鬼風前衣女蘿青鳥飛飛空碧海黃姑渺渺隔明河歸心一夕生華髮欲采蘋花奈

晚何

寄梅子馬

苦憶平生梅仲子廿年尺素幾浮沉折腰不作
河西尉擁鼻時爲洛下吟老病可堪銷帶孔春
情無復蕩琴心楊花飛盡蘭蕤歇時楊華馬
湘蘭二名款
淮水悠悠與恨深

晚

一逕蕭蕭落葉深起扶雙屐破秋陰夕嵐淅淅
寒侵幔野火熒熒曉隔林才盡徒知卑少作病
已化童心遺編自撫嗟何就每
人
撫余

柯茂倩自白門携妾歸

烟月長千古帝都遠山如黛正當墟郎騎白馬
來何處妾住青谿喚小姑桃葉渡江無用楫柳
絲空地已藏烏碧窓殘夢花倚曉莫道銀牀軋
輾轡

鶴林水亭

愛爾鶴林水亭靜若論人境真無雙松下涼雲

碧連瓦城上寒山青渡江盤剝橡栗晚留客花
膜滿桃春撲缸烏啼睥睨飲復罷課子分燈來
夜窓

悲歌

秋山漠漠秋天清黃花向人雙眼明南皮故人
半零落北邙俠骨空崢嶸回頭萬事了如幻入
手一杯差有情酒酣擊石浩歌公匣中古劍鳴
鳴鳴

村翁

溪石堂集卷之二
時政變臥街門自笑村翁不出村每惜花飛
繞樹只愁酒盡屢窺簞溪竹下同垂釣
老籬根對負晴惆悵柔風舊賓從當時授簡幾
人存

勞農

早唱清曉綠玉簪雨晴春酒勞春農獻嘲不敢
醉凡鳥抱膝非閑學臥龍梁苑何人虛左席聖
朝無事議東封蕭蕭短髮寒燈裏獨聽東林渡
水鐘

甲午孟冬

是歲雷鳴龍見桃李再實

今年玄朔春意動桃花梅花相間開白晝蛟龍
闕江口十月海天聞怒雷已看封閉日漏洩卽
防雨雪春氍毹東臯老農淚至地嗟爾股肱宜
念哉

澤國四月梅雨來今冬梅雨兼聞雷

細雨連二三日如黃

梅長蛇畫出蛤夜吠苦李再實桃復開老農逆
淚罪真宰野夫獨立看中台扶雲無力仰天嘆
剪燭扣壺歌自哀

及古堂集卷之二

寄趙常吉中秘

金門傲吏趙王孫垂白譚兵俠氣存臨彈平明
飛帝苑刀環殘夜築侯門屢求輜馬非沽直不
買盧龍是報恩

趙王孫名勝字子長

趙王孫名勝字子長

盡千金空四壁秋風蕭瑟臥文閣

人日晚集吳大猷中堅柳營分得潮字
人日日暮興不孤柳營垂柳聞啼鳥已看綠
映緹幕更有青絲提玉壺烟光冥冥花樹春
風渺渺吹江湖況聞海外散金甲賸與老農歌

大酺

同復支上人宿仙巖寄郝明府

開傍支公宿上方遙憐潘令在河陽
幽懸飛瀑秋生枕山壓長簷雨映廊
野鶻驚栖風鐸響鶯魚催供午林香
此中幽事憑誰賞塵外天花滿石床

病中戴子封丈見訪

山北山南感索羣每看爽氣挹清芬
子封家夏山平分梅嶼愁中月不隔
蘿菴夢裏雲耐可花時虛對酒何如
雪夜未逢君欲參不二毘耶室

及古堂集卷之二

及古堂集卷之二

石上松聲共眼聞

同余節侯集王昭文太玉樓分得分字

樓俯城陰切紫氛桂尊清賞洽蘭蕙
幽池天倒華峯樹古洞霞蒸碧海雲
丹壑空音傳鳳嘯晴窗殘墨辨鵝羣
好奇況對南州士定有雙龍犯斗文

節侯南呂人

西湖重逢林中秘中秘予鄉人也年八十
餘而神明不衰

前朝黃髮秘書郎劇語依依話故鄉
周柱史歸然身擬魯靈光鵷鷺舊侶俱塵土
鳥奇文識洞章先帝侍臣君獨在一歌供奉淚
千行

大柳驛有感

列騎駢馳擁內臣黃旗朱纓轅雕輪礦銷磨趾
荆山破蚌泣珠胎粵海貧可是皇天忘悔禍不
緣封事諱批鱗驛亭試檢輪臺詔坐對殘燈一
愴神

渡黃河

濁流豁日澹無輝斷岸橫天遠樹稀漢使尋源
來絕域客星取石辭支機波吞瓠子功難就冰
解蘆關戍未歸日暮寒鴻愁北渡征夫何事到
金微

潼關山閣晚眺

鴉首星分東雍州重關百二控渠搜剗天泰華
三峯出劃地黃河一線流春色逐人遙入望浮
雲極目迥含愁班班車馬亦何意斫劒悲歌非

壯遊

中部曉發

征途殘夢曙雞前絕岸層層故道穿人跡漸分
沙上路馬頭如見峽中天臺尋漢武曾遊處城
指秦皇舊拓邊今古銷沉堪一醉漠南春色到
延川

曉渡無定河

寒沙晶晶淡晨星河水濺濺響遠汀戰壘殘更
燐火碧獵原經雨燒痕青魂消古塞招難返骨
冷春閨夢已醒試吸月氏獻窟酒胡茄羌笛醉
中聽

塞上逢金伯唐有贈

無定河邊柳乍舒逢君立馬一躊躇解紛未借
聊城矢著論應過越絕書豈向平津厭脫粟耻
從幸含歎無魚銀鬕馬醺頻堪醉幾許鄉愁與
破除

同鄭崑巖中丞李維城督護金伯唐文學
集雄石峽

高下香臺紫翠通半空人語水聲中霓旌高閃
龍沙日駿馬長嘶石峽風壯士彎弧盤俊鶴伶
兒舞裏拂驚鴻況逢款塞多清暇參佐酣歌譙
賞同

寄粵西楊濟寰中丞四首

象郡龍城漲海遙中丞羽肅切雲霄已看丹服
來繁瓠載見朱干格有苗雨合灘江兵乍洗風
生桂嶺瘴初消只今麟閣論功日鵲屏聯芳出
漢朝

漢古堂集卷七

蒼梧南去嶺雲低萬騎天開甲帳齊楊樓樓船
炎海外伏波銅柱夜郎西村官一半分朱雀甲
士三千擐水犀不用記曹煩既聘捷書立馬待
親題

益部家聲起譽髦關西夫子舊人豪洪源地挾
巴江動井絡天垂玉壘高法契孫吳參變化賦
合揚馬合風騷桂林洞壑饒靈閼緩帶時堪命
紫毫

夕郎諫草動明光還憶提兵領晉陽折柳行歌

飲馬窟采薇載賦貼鳶鄉節枝筠醬通蠻徼翠
羽明珠貢越裳勛業未須輕陸買猶堪舌下粵
南王

集杜冠軍烟駕園

風流君是杜當陽蕭曠園如顧辟疆益部名花
稱聖帝月支異卉出戎王才情較似丁年薄豔
曲翻憐子夜長絃扇忽驚秋色早龍沙萬里月
如霜

送朱伯隆文學還廣陵和來韻二首

漢古堂集卷七

秦關並馬日過從形勝河山百二重月上高樓
聞鼓角參橫西第罷歌鐘締交雅愛朱叔子
論誰如陸士龍二十四橋歸路近美人相憶不
笑蓉

曲池別館是侯家姻婭過逢近絳紗窗自連城
償趙璧已看飛檄淨胡沙淮南招隱初生桂塞
北歸期類及瓜君到蕪城定回首應憐河漢滯
星槎

同金伯唐登曠觀樓

絕塞風雲岸幘高牛羊斜日下平皋天垂青海
連窮髮地引黃沙入不毛貂額健兒珠勒馬
騎小部鬱輪袍飛揚跋扈論兵地湖海元龍氣

自蒙

劉厚吾觀察擢隴右叅知中丞鄭公從檢

父老請疏留治兵如故奉簡四首

塞馬蕭蕭動地秋使君能不戀并州主恩元自

同貽蕩時事應知重去留河內父兄方借寇漢

南賓客舊依劉寒梅垂柳遙相惜不遣春風過

波古堂集卷十七

龍頭

鴈塞龍沙早策勳誰云供奉但能文隼隼我屬

安西部星使空簷隴右軍積裏馬嘶青海月尊

前鵬沒紫雲雙童夾轂頻相訊千騎空傳待

使君

青瑣金閨侍從臣及瓜初拜紫泥新棠陰久合

仍分陝草疏重成擬過秦腰下銀菟垂兩組車

前馴鹿擁雙輪河湟當戶驚相問解辦臨關

動塵

沉沉憲府白雲間吹角旗門虎豹閑命酒迴波
移鴈柱軸簾殘雪滿駝山前軍忽報霓旌出飛
騎仍傳露布還時有孤山之捷爲語西人莫惆悵陽春
未隔玉門關

送金伯庚還四明

獵獵長風吹鵝冠城頭酒盡勸加餐河山四塞
孤鴻沒雨雪三邊一騎寒渡口桃花江上夢故
園楊柳曲中殘懸金何必咸陽市著就潛夫信
不刊

波古堂集卷十七

清寧臺賞雪四首用不朋三字韻

琪林霽色曉相參天半崇臺此勝探萬嶺寒光

迴漠北千峯積素接終南任催銀甲調箏柱醉

脫冰花拂劍鐔遙憶故山當此夜華門空鎖徑

三三

風流地主漢征南絕塞行邊帝命三帳下健兒

曾挾纈幕中詞客藉分甘題書不待龍門賞示

偈還同雪嶺參最愛園丁清供好敲冰尋筍斷

宜男時園丁供萱筍

層臺快雪日高談不速無論客有三聲撼龍堆
移毳帳影迷駝嶺隱精藍陽春乍引寒先失吟
管頻呵凍尚含欲緩歸心憑小史可堪歌出望
江南

天畔羣峰隱夕嵐忽如銀海湧鼇簪堯羅界敞
珠塵淨不夜城空壁月含金析無聲烽火息鐵
衣方解臥初酣燕臺秦樹應相憶莫遣陽關更
疊三時不朋將入燕省觀

巖室對雪再用三字

汲古堂集 卷十七

巖室對雪再用三字
開寶藏諸天明月隱寒潭大同已混寒天一覺
路如趨快活三自覺冰心消欲盡多羅初啓誌
公函

熊叅戎過訪賦贈四首

海天行幕煩蓬萊建節今看濟世才水國潮生
朱嶺過石梁風響綠絃開扶桑坐見妖氛豁楷
矢曾看異域來他日聖朝論將畧何人勛烈在
雲臺

儒將風流禮數寬勛名三十早登壇飛龍翔鳥
跡鈴秘紫電清霜畫戟寒雲壓餘艗連百粵地
浮渤解控三韓鯨波不動江如掌南戒青山鏡
裏看

海色烟消緩帶過風前玉樹自傀俄威名再見
熊渠子方畧何如馬伏波帳下記曹傳檄草軍
前橫吹奏饒歌憑高坐嘯天連水咫尺樓船近
絳河

撫劍歸來越水濱姓名何意勳相聞自便抱犢
汲古堂集 卷十七

山中臥不買盧龍塞上勳時余歸自榆關捫燕豈知當
世務輟鸞空駐棘門軍漢庭事業須公等只合
羊裘臥白雲

鴈山七賢祠

百尺峯頭步紫苔七賢祠下坐銜杯溪花邀鳥
雙雙宿山月呼猿箇箇來嘯傲頗諧雲壑調代
興真媿古今才黃塵赤日亦何意玉匣銅駝莽
自哀

曝書得黃白仲遺墨有感

薊門烟月美遨遊梁嶽書成第年收樂府裁教
周小史平生不負魏其侯白仲與西寧侯神爵
駿骨金同盡盡惜鵝羣墨尚留欲問一坏埋玉
處葛洪陂畔待深秋

讀邊報因傷故人鄭邦章于文若閣中南
中丞相繼歿有感

歲晏關山雨雪開江天風浪鴈鴻來木皮三十
寒應劇蒜髮千莖老更催當守自操高世略拓
邊誰擬出羣材開元朝士俱零落野老吞聲賦

及古堂集卷十二

哀

仲秋余病甚劇九日壁能任杖而起適季
輿兄至山閣留酌看池上芙蓉作

秋山病骨關窗窺倚杖逢君笑口開人共葛陂
龍未化容疑遠海鶴重來林間病葉催霜鬢池
上殘花照酒盃共把紫萸成一笑未辭潦倒坐
平臺

遣女後曉起口占

焚焚庭樹散朝暉獨榻晨歌出遠村蓬髯有霜

愁攬鏡草堂無客額開門家貧奴去難留大
起調心已定猿高捲不禁新釀熟將茗碗代
匏尊

元日叔定季輿携諸孫過飲山雨閣

栢葉椒花自華門暉暉林水靜初暎遠山戴雪
橫青閣晴霽薰梅照綠尊開徑竹中來二仲分
甘花底及諸孫也知黃綺終偕隱始信朱陳別
有村

逃暑東陂竹下口號

萬國一治飛炎埃東陂亂竹連蒼苔走入涼
卸巾幘旋拂片石蒲風輕冰猴禮法肯不已
蟲袒跽真悠哉寄語人間穉穉子莫向伯倫
裡來

及古堂集卷十二

七

汲古堂集卷之十八

東甌何白无咎著

七言律詩

觀大龍湫宿詎那菴

橫厓忽斷微分屐齒鋤然散鹿羣
香嶂支天藏日月古波通海走風雲
林香不斷千年藥龍氣俱成五色文
是日返照射龍瀑忽成彩虹數道
佛母微微清梵定中聞

西村晚步

汲古堂集卷之十八
隴麥青青雉子班
李花皤皤桃花殷
青山不覺獨行盡
白鳥忽來相對閒
忘言似與古人語
每隨樵客還稚子
聞呼出深竹
微微新月開松關

送沈廣文計偕北上

江樹霏微欲上潮
江樓帆影去心搖
星河日與靈槎近
氣象深愁彩筆驕
鳴鹿呦呦思野草
白駒皎皎食場苗
聖朝已重王褒賦
曾遣宮人誦洞簫

王伯度以詩見懷步韻奉荅

秋來攬鏡鬢添霜
誰謂狂夫老更狂
逸駕敢齊名下士
長齋新受法中王
清羸自稱烟霞疾
戒定曾薰風世香
夢裏依依見顏色
瓊臺天半月蒼茫

白門雜興

閣道烏啼禁柳斜
春隄岸岸柳飛花
日浮縹瓦遙疑雪
烟羃丹樓近若霞
堂上雙樽孫楚酒
橋頭兩槩莫愁家
舊宮樂府翻新調
狂殺吳兒白鼻騾

天梅子馬參軍子馬舊與予飲俠邪晚就
秋橋望月夜分始別去

鴈柱絳絳映蝶裙
板橋酒暖夜初分
月明淮水渾疑雪
花暗湘簾不辯雲
碧玉已歸曾愛妾
紫髯難覓舊參軍
墓田遙隔長干樹
一曲西陵君詎聞

卅泊樊城

澤國時清戰壘平
霸圖形勝控巫荆
時危盜賊

分茅土事去英雄走來城水鏡自高司馬踣草
廬終負臥龍名隔江一曲襄陽樂五兩如林鏡
裏行

臨臯亭

龍戰玄黃血尚腥烟波無賴到江亭三分鼎立
成何事一局碁殘夢已醒沙樹雨消吳岫碧嶽
蓮雲斷楚天青布帆無恙懸新月坐聽漁歌出
遠汀

漢江曉望

漢江曉望
葭莢蒼蒼水氣昏寒煙半紫落朝暉江竹尚染
湘娥淚山鳥猶稱蜀帝魂樹合漢臯連鄂渚峽
分禹甸控荆門篙師來往輕風浪指點遺蹤與
客論

鄂渚陳鴻臚招飲舟中

積水明星動絳河蘇蘇垂柳晚涼多青樓白舫
木蘭棹紅袖小姬玉樹歌飛閣出城春鄂渚遠
山浮黛染湘波金門典客頭如雪月冷烏啼奈
樂何

白塔寺坐月望頭陀山

頭陀山擁白雲飛繡塔輪扶滿月輝滿月正當
文佛面白雲如曳定僧衣雲消塔影懸青漢月
迴山先澹翠微不用更參安養觀空音妙相總
清機

題丹丘石室贈葛道人

元逸人居子午谷葉法善住卯酉山吾師獨往
繼其跡鐵鎖高垂時可攀魚行水面藻不亂鶴
巢松頂雲同閒願狎漁樵老黃髮漫隨塵土凋
朱顏

秋日同郝大令包學憲集孤嶼浩然樓

島嶼烟濤入素秋琴尊勝日一登樓雲扶塔影
雙林轉天動江光兩岸浮叢菊再逢陶令醉名
山仍接謝公遊不辭倚杖楞伽石皂帽歌風晚
更留

江行望鴈山芙蓉峰寄大觀老宿鴈山能
仁寺唯常雲芙蓉二峰最高絕航海者從
百里外輒見其頂時大觀說法能寺

江行百里見芙蓉知爾譚經在此峯
龍席已生東嶺月與誰同坐
北岳松花衝寶苑來馴鹿雲
護香臺繞法龍何日竹房還
襪被上方深夜聽霜鐘

宿德出清驛閣大雨後晚霽

松間急雨走泉聲雲霽星河晦
復明暗葉水光螢仰照高林風
色烏廻驚霜鍾響徹開根在香
縷消餘鼻觀清屢宿上方成底
事規逢老衲二毛生

東清曉晴漫興

南湖一曲近東陂積雨初晴事
事宜明綠竹人鳥喜深青涼意
鶴鷗嬉世平澤國饒魚蟹農
隙出家紀歲時我去野翁亦何
幾稍多清興一題詩

寄鄧大素

烟花裘馬古長干日日花間竝
轡看九派潯陽心共折千重越
嶺夢俱難伯鸞甯不因人熱范
叔袍仍去日寒莫問平生飛動
意祇堪東海老

漁竿

和彭季長秋柳詩十二首

半拂津亭半蘸湖映簾猶白影
蘇蘇霜枝戀別愁俱斷露葉含
啼淚共枯折盡尚憐春繫馬落
殘無復夜藏烏飛花飛絮相思
路爲問章臺好在無

不復長條拂苑牆祇留疎影護
銀床枝驚烏鵲翻明月葉抱玄
蟬送夕陽向晚腰肢無可折後
時眉黛爲誰長武昌城外綠千
縷風笛吹殘五夜霜

白門葉落總堪憐六代遺蹤阿
那邊霜岸幾行偏剩月雨隄千
縷不輕烟玉蟾翻雪如前日翠
浪聞鶯待隔年一曲竹枝相間
發夜深商女繫歸船

隔水垂垂近若遙涼陰不蔽赤
欄橋麴塵泥露銷金縷螺黛迎
風委翠條鴟鵂啼臺城非故國
鴉啼宮井認前朝盈盈旖旎窺
人意憶得韶年靜婉腰

移種依依記漢南若爲摧落怨江潭風州玄灞
烟光澹霜脆青門晚色參聲較庭槐爭撼影
隨塵髻共絪絪多情獨有桓司馬向夕攀條思
不堪

始看鬱鬱覆金河又見青青委逝波古道漸空
那縮得宮鶯易老柰愁何池臺易主移新種邸
第無人改舊柯莫向風前傷老大中朝耆舊已
無多

一度芳菲一度疎贈行寄遠幾愁予平郊拋擲
人煙少斷嶺摧殘獵火餘繫纜古根憑水閣辭

條病葉半蠹書不愁何晚無青眼行倩東皇臘
後舒

粧閣芳隨砌草腓瑣窓葉間井梧飛腰疑束素
寬羅帶色亂流黃綴錦機唱斷陽關銷翠黛
迴沙塞失金微向來獨立繁陰處不分分霜上
搗衣

葉盡枝空耐可攀荒雲澹靄有無間天低曷
寒塘晚日落蕭蕭古戍閒不挽人行空寄恨慣

隨蒲老巧催顏江州白傳多秋思猶愛風情似
小蠻

猶憶條長陌草薰那堪落葉轉紛紛先零壽命
元同安易折輕離可似君廣武城邊無去使亞
夫營裏又移軍曉風殘月翻新曲願逐笳聲馬
上聞

盼盼樓頭歲屢遷勞勞亭畔澆依然嘶殘林外
青絲騎折斷門前綠王鞭寶轡夜寒金埒影羅
衣秋換玉河烟不如春暮飛殘絮化作浮萍處
處圓

弱態柔姿不自持素娥青女如修眉莫愁湖上
無情種蘇小墳邊不斷絲上苑恩同團扇薄茂
陵聲與白楊悲五株影裏叢叢菊獨愛柴桑九
月時

夢遊篁潭紀事余往遊篁潭引景大若巖間
雨宿洞中三日洞側則篁
潭林氏聚族於茲舊矣父老聞客至扶携
具酒相勞甚驩土風淳朴宛然桃源之牧
王千秋夢中恍惚其境曉起作圖
井口占一律將覓詩彼中父老

峯夾篁潭一水長桃源之說豈荒唐山中父老

鬚眉古品下風泉笑語涼沿月放船明鏡動
花泛酒赤霞香曾經三宿陶公洞僊夢重來意
不忘

再宿龍潭背山家

花暎澄潭不辯名鳥藏深樹但聞聲高田香稻
新輸稅絕壁積垣舊避兵陰洞雲腥龍女過風
林月黑虎偃行漁樵何幸當吾世飽飯松根說
太平

春日王邦彥偕伯氏邦瞻携尊招同王明

元張思吉泛舟遊雙溪寺在大羅山麓

九

二

中有百花潭石佛嶺諸勝晚復移具流觴
潭上得詩四首

潯盡花源維野艇行窮莎徑見香臺翠微鍾動
僧初出丹壑雲迎客乍來安用竹林追阮阮且
從蓮社覓宗雷布金又見開祇苑漫擬昆明辨
劫灰

列嶂爲屏曲抱垣雙松如蓋巧當門潭噓雲氣
臥龍出山動池光飲鹿渾風好天花流梵曉煙

中梧竹媚琴尊古今俛仰俱陳跡
衲論

大羅一柱障東南鳥道盤紆不可探翠壁別開
千佛嶺滄浪遙注百花潭古泓通海盤深黑絕
頂摩天近蔚藍宅日試臨登善帖六時彌勒願
同龕

修禊風流亦在茲興來拂石共題詩行厨竹裏
移香積曲留花間送羽卮雲盡遠峯新月暎霞
殘隔水夕陽遲
月時

聞裴在澗山人河間閭族也長齋好道足
跡遍天下夏日過訪山中臺疊寓內形勝
及當世知名士口占奉贈

方袍烏帽興條然杖底名山不計年豪氣未能
忘結俠浮蹤偶爾託游僊東方嬾對三千牘南
杜家鄰尺五天剪燭雌黃當世士伊蒲茗汁對
蟬聯

病中口占

竹下雙扉晝自扃隱囊裴几托沈冥茶鐺瀟灑
浮煙綠藥杵塵飛映日青示疾似枯金粟影補
衣漸化水田形玉書閒就南窗讀欲灌靈根老
復丁老復丁用

姚龍文重陽前一日過訪時余病小間龍
文袖携近著山居賦余以病未能讀也尋
赴王贊夫午餉因以示贊夫

空山臥病動經旬弭櫂蒹蘆意獨親聊示季咸
機在踵未同禁扃逐於真一秋積雨苔侵展明
日重陽菊笑人誰辨郊居雖寬字西家名士有
王筠

病起偶得名酒聊試小飲

筆床縹帙網流塵絕學蕭然一道人秋色任隨
青鬢改世情長與白頭新菊英欲汎床頭醞槐
穴初醒夢裏身一曲清江東接海醉鄉餘日送
垂綸

新稻作一首

平疇雲水淡湖濱颭颭湖風吹葛巾雨外香

喧野碓夜深斗瀉勞比鄰共憐衰髯殊非故豈
料餘生更食新自向法王叅四偈空中鳥跡幻
中身

壽姚龍文二首

詞林弱冠共論文跋扈飛揚總不羣名後八廚
難借客禮先一飯獨推君栽蓮已就東林社種
秫同耕北渚雲脉脉烟波三十里百年泉石好
平分

憶昔燕臺壯壯遊狂歌同醉董糟丘南皮賦客
秦公子北面門生漢小侯時龍文爲壽懷古詩
成傾座客開門書就失窮愁莫論牛耳當年事
只合餘生付拍浮

六月大雨後簡王伯度時伯度寓開元僧
舍將過壽州謁彭季長太守并此奉寄

六月山城苦炎熱一雨枕簟如涼秋稍聞清梵
出僧院況有綠尊消客愁月生莫作石梁夢潮
來欲送江門舟憑君爲問龔渤海何似當今彭
壽州

梅花八首

江梅一樹媚新晴
水際林邊韻獨清
離合美波時上下
欹斜映竹太分明
春浮石骨寒無影
香度冰心細有聲
醉舞不禁烏帽側
石床點筆又詩成

雪皴霜鬢轉愁予
耿耿孤芳迥自如
標格靜宜冰壑
睽風神清與月林疎
祇堪託質依珠樹
不願飛花傍玉除
奇絕獨禁寒到骨
未嫌籬落澹相於

汲古堂集

卷八

三

空山忽見一枝橫
獨立風前太瘦生
羽客雲衣三素冷
江妃瓊佩六銖輕
遙滿洗月高還下
斷岸捎烟暗復明
歲暮江南無驛使
盈盈脉脉重含情

鮫珠欲吐月爲胎
幽艷尤宜半未開
對雪此時傷歲暮
凌風無處覓荒臺
飛殘風片愁難寄
招得冰魂夢乍迴
曙月一痕霜角斷
鶴聲乙乙渡江來

密霰蕭蕭響竹扉
茶烟籠月漸霏微
春催水蘚

寒仍放香凝雲英
凍不飛東閣一枝人
共瘦孤山萬樹鶴
相依吹殘玉笛參橫後
一半星河在羽衣

掩映偏宜竹數竿
美人翠袖影樂樂花明
雨外村初暝香暗沙邊
路漸寒看去寧辭湖上遠
折來欲寄隴頭難
細桃穠李能諧俗
不耐山翁倚杖看

浴露壞姿迴出羣
無煩密布護霜雲
影橫瑤圃千林寂
香漱松根一澗分
微月淡烟難辨
蕭蕭編衣翠羽忽疑
君援琴自按凌波引
不是湘靈不可聞

汲古堂集

卷八

四

四

玄朔先開湖水濱
葢珠宮裏月爲人
玉麟編夜家家雪
石屋浮香樹樹春
寒艷能禁霜雪短
繁英初暝綠醅新
巡檐索笑渾幽事
檢點新篇句有神

又和前韻八首

寒梅淡雪雪初晴
幾樹垂垂照水清
花片時衝飛鵲墮
珠光忽動浴鷗明
流風枝亂松牕影
遲

日泉香石澗聲不分靈均惟頌橘蕭齋試續楚騷成

風華絮林下人同氣韻疎枝礙朝簾那忍折花飛
更於砌漫教除平生雅愛林君復水石清綠晚

流水冷泠瘦影橫坐看小鵲月初生綠山仙驥

同吭響姑射神人縞袂輕珠曉春春自住雪城
照夜夜還明遙憐聞笛湘江路獨慙寒香故

國情
六卷二八

南枝蓓蓓早含胎不待春先漸已開香雪一林
難辨逕素濤千尺欲平臺持觴獨引春無算繞
樹微吟日幾迴濯魄水空花影亂碧窗若有美

人來

琪樹玲瓏亞石屏遠如雲影入看微芳待月
寒相媚香艷無風靜自飛獨夜相思愁寂寂一
枝寄遠思依依長懷玄灞探春地驢背詩成雪
滿衣

竹傍寒英三兩竿仙姿綽約倚檀欒橫枉渚
籠烟澹花發西陵隔水寒相惜預愁齊放盡關
粧每選半開難拈紅拾翠當年事晚愛孤標不
厭看

羣玉峯頭態不羣欲成仙夢若爲雲鉏冰斲雪
裁非易似月如烟望不分佩解漢臯逢鄭甫花
明水廟曉湘君靈蓼未必能勝此四照同心亦
浪聞

館娃宮畔太湖濱手植曾傳古逸人水月不生
及古堂集三卷二八

塵土夢冰霜自飽石林春香浮苔榦離離古風
度亂柯剪剪新一曲綠河珠斗爛自呼尊酒酌
花神

紅梅八首和前韻

天碧霞明逗晚晴絳梅一樹近西清操凌冰雪
心難化色借胭脂眼倍明步障紫絲空十里象
牙紅板湯雙聲移栽坐壓河陽勝七寶爲臺定
九成

縱染繁華不負予歲寒標韻更誰如燭搖綠暈

深還淺霞剪冰花密復疎不送韶光隨逝水獨
分寒艷照空除可禁十日江城雪玉疊同心冷
共於

生亞雕欄紫霧橫雪中灼灼太憨生名同絳樹
生來絕身比紅兒掌上輕南岳瓊瑤留紫蓋羅
浮仙路近朱明燒殘絳臘寒侵骨不是天桃太
有情

吸盡靈砂幻玉胎律迴玄籥已先開耻隨桃雨
撥歌扇嬾逐梨雲媚舞臺粧助漢宮人綽約書
汲古堂集卷八

傳隴阪使遲迴芳菲不是玄都觀莫恨劉郎一
度來

玄冬播落此巖扉翻愛繁英點翠微冰濕霞綃
華月冷水殘蓮漏紺霜飛長憶桃杏春相憐自
許松筠晚共依鏡裏朱顏易零落且偎紅袖坐
苔衣

絳萼未耐傍綠竿上林千葉映重纈不知冰骨
元同誰翻訝瓊姿巧耐寒香過段橋板樹易影
迷庾嶺出花難一規璧月春如許只合垂垂倚

醉看

獨訝非時艷出羣雨中紅濕染春雲疑依霜柳
香方覺誤作細桃近始分異種如分赤水洞餘
花欲贈紫陽君好憑清韻餘酣後瓊笛來從石
上聞

一路寒香源水濱種梅疑是種桃人感時舊雨
憐今雨迎臘看春倍當春若見拾遺頭更白如
逢水部句逾新兩般標格還堪咏似爲甄妃賦
洛神

汲古堂集卷八

綠萼梅和韻八首

花信迎寒陰復晴梅中僊品闕孤清曙光不共
繁星落晦夕俄驚片月明苔映綠珩難辨色佩
搖蒼六不聞聲祇應金谷埋香處喚取芳魂種
始成

不辭韶和汝同予風過瑤華自穆如的皪琅玕
相掩映青蔥玉樹共扶疎未妨俗駕來唐突已
遣清標爲破除一種幽芳誰得似昔人何事咏
林於

婀娜枝枝水上橫迴颺淅淅素波生字題琬琰
名非重色較茗華體更輕深漾池光全滌蕩淺
含烟景半分明似聞曾過羊權宅不道仙家來
遺情

繫繫結綠是胚胎露凝烟梢歷亂開清韻真宜
却月觀高標寧假避風臺看殘客路仍千里醉
藉香茵又一迴剪刻欲粧金母壽西池青鳥不
曾來

一林如霞傍山扉照夜猶疑爛九微附密不致
淚古堂集卷一

千葉蘭枝空漸與四花飛綠毛么鳳長燈見翠
羽珎會詩自依獨立空階微雨後似分春色上
人衣

新波千尺碧沈竿戍削亭亭瘦影樂卓女綺琴
挑夜怨桃根羅襪渡江寒心依危瓣銷金粉並
綴新枝串木難自嗅芳香銀燭下雪兒留取鏡
臺看

縹帶都房獨出羣水香銀浦度流雲清如半月
泉頭兒綠似慈恩寺裏分但得一枝消俗韻不

須千樹比封君含毫欲廣前人譜要使風標異
域聞

殺紋浮動曲池濱簾下霏霏映玉人自天明珠
長不夜無煩綠勝剪宜春塵消明鏡烟鬟綠香
汎崇光翠黛新莫道碧牕難覓影更教纖月爲
傳神

送劉長孫都閫之官南昌并簡諸宗侯匡
山社諸君子五首

勛名四十早登壇七萃權牛動地歡舊案千金
淚古堂集卷一

消結客聚糧三月始之官清江雨歇樓窗直朱
夏霜凌劍旆寒君到龍沙思北望

高皇遺碣在嶢峴

鎮南鹵簿指南州庸蜀荆襄盡上游全楚先聲
飛片檄清時儒將委輕裘二峰秀色如相待五
月寒江正穩流定見綠林消寇盜蒼苔在舟楫未
須憂

清霜霽電淬神鋒將略軍聲遠折衝肘後黃金
懸一鵲斗間靈氣辯雙龍水犀行見收魚海天

馬無煩試蟻封廬嶽屏風飛夢數因君倘得臥雲松

洪都形勝控沅湘清興猶疑在武昌潯城章江喧櫓馬月生滕閣據胡床風華羊杜方驟乘詞賦應劉竝鴈行試問南州諸帝子虬髯誰似汝陽王

十年苦憶匡山社實有新詩海內聞此日湖山誰是主異時賓客總如雲無書莫問洪喬渚有酒須澆孺子墳振旅定看僚佐集座中試覓孟參軍

王季中社兄構冷吹樓成以詩見示予同邵少文過集奉和二首

子晉賓僊有吹臺君樓遙對吹臺開月明似聽鸞生度雲白猶疑鶴馭來源水桃花忘晉魏朝川勝事屬王裴芙蓉池上尊長滿絕勝金莖露一杯

臨池一曲縵廊迴萬柄芙蓉鏡裏開遠近涵清開洞壑高低鑿翠綴亭臺花間片雨新詩就松

下涼風急管催爵酒未辭金谷數主人不畏玉山積

題姚君長太學雲來亭

飛霞洞口生紫氛日夕中峯來白雲忽映空波自舒卷更與爽氣相細縈玉壺自挹雲表露瓊笙欲下雲中君我來試著謝公屐坐令池草迴清芬池在飛霞洞口謝客池上

聽濤亭

君家長松幾千尺落落獨立亭之臯古根入地

汲古堂集卷十八
飽靈液赤虬捲海吹蒼濤玄鶴忽至明月墮青天不動涼雲高我來亭下枕石臥欲向夢中尋二陶陶淵明盤桓陶通明聽松為樂二公深于知松者故云

送幻由上人歸天台壽其師幽溪和尚

幽溪嗣法濬靈源華頂東南一柱尊汝與人天添眼目世傳台嶽盛兒孫莫論俗諦非真諦能報師恩即佛恩持得瓣香歸獻壽拈花一笑已忘言

送劉逢祥小侯之南昌省覲并簡沈孺休

子侯豪雋孰如君
歡玉神駒迥出羣
歷齒轉令懸孺仲
英年沉復等終軍
故鄉爲客過黃菊
異地寧親望白雲
莫倚賦成無與和
座中今有沈休文

長至日送施雲翼廣文遷國博北上三首

關西各地起三鱣
鳳詔銜來雲漢邊
穠色暖浮南至日
賦聲新動北征篇
馬前月落桑乾迥
掌上雲生碣石懸
到日定知簪旆集
建章新柳入韶年

漢石堂集卷十八

三

五

五雲多處是神臯
六館開時集譽髦
璧水芹香薰曉佩
圓橋槐色上春袍
西清花綴鵷行入
左个雲扶雉尾高
元會聖人親講帳
甘泉雄藻待抽毫

橫經日在翠微間
鹿洞花深講席閒
誰謂龍門偏岨峙
時容褐父賸追攀
文噓餘燼朱光復
詩采流風正始還
憑想石渠燈火夜
可忘聽雨憶

中山公署適當中山之麓

客昆陽辱郭明府攜尊過真武宮見

以奉謝時子復有公同之海

一水接東溟
下九層山
黃公探舊跡
可能興盡刻

九山梅隱卷題贈虞梅亭徵君

美人手種寒梅樹
一徑浮香入草亭
殘雪籠烟漠漠素波寫影月
冷洽客來度嶺詩初成
返孤山夢欲醒飛盡玉鱗春
寂寂隔籬聞數九

峯青

荅張叔麟文見寄

渚東東畔數峯斜
一曲天藏四五家
日暮浮磻竹月生
雲石動江花
衡門無客歌金
甕經時醞晚霞
試咏四愁愁更劇
美人何處

岳華

汲古堂集卷之十九

東甌何白无咎著

五言排律

五嶽游卷爲葉元博賦

寒寨禽尚後誰復臘玄蹤將子探恒嶽仍聞訪
俗宗嵩高廻日月太華削芙蓉南望朱陵館前
營紫蓋峰有無攀漢柏曾否撫秦松日出先瞻
頂雲生遠盪胸百靈尊秩典列聖紀登封寶錄
藏金檢珠丘瘞璧琮浮沉前代跡寂寞上方鍾
宿莽千秋碣仙人九節筇天游無不可神秀騰
堪供巨勝黃玄實昌陽冒紫茸酒斟瓊液醴藥
倩石泉春鳳吹時能逐鷲驟冀可逢元君霞作
佩毛女雪爲容木客馴文豹芝童跨白龍因之
辭濁世兼以散玄踪小別仍千嶺冥搜信幾重
逍遙鵬謝鷄引領蜃麟蜃婚嫁無須待吾將曳
屣從

孤嶼觀塔燈同王永叔作

九微懸四照天半湧浮圖寶樹重重綴銅荷面

已於霞輪排鳳翼烟網錯鮫珠斜漢相經緯冷
動有無聲九千沸現陰火萬靈趨絕頂驚栖
體圖涉起宿鳬鳬西來傳慧談東出避陽鳥信是
丹丘地無愁清夜徂

送秀上人還吳二首上人曩從補洛伽航
海至永嘉結廬僊岳山中凡二載茲將取
道白岳入吳賦此贈別

憶昔向東嘉來從小白花香巖瞻寶地桂嶺閑
春華法鴈初銜葉驅鳥正聚沙巢居通洞壑覺
苑覆袈裟夕雷寥丹幔朝嵐縹緲紗觀心談四
諦同法演三車不住寧論去浮盃卽泛槎知君
登岳頂應望海門霞

一自携瓢笠玄叅跡每同人天方建草僧臘再
鑽楓山水雲門約風烟烏路通寒輝南嶺雪靈
籟北巖風鹿苑經行處龍湫晏坐中霜鍾來桂
殿宵梵出花宮上日思芳草先秋逐斷蓬慧心
唯忍辱覺路未論窮借問靈巖樹何年更向東
寄鹿田山中隱者吳孺子

獨立苦無骨飢來猶傍人憐君辭濁世削跡甘
清貧一臥動三月萬山無四鄰譚經僧裹飯乞
飲焦遺新空腸貯玉屑矢口皆天眞嚴顏日在
望高風殊未湮相思不可見寂寞煙蘿春

龍君御知白堊新成同用新字

閉關茲得地寂寞據梧身塔爾同家叟因之守
谷神時交冥漠際上與太初鄰隱每兼僊吏聞
堪署道民一塵非有障八表曠無累苦無惟行
雀蒿蓬堪沒人臥游剌水雪夢到武陵春以有

同龍君御使君集華蓋山得班字

海門趨萬壑江郭負羣山何處堪舒席
共攀鹿園藏佛界蟻垤俯人寰階樹古竹風
花破客顏社依開士淨身傍宰官閑
長予其伯仲間風塵寧汨沒天地付冥
鷗鷁杓行歌雉子班坐攜明月往得仙

拾翠

方春杜蘅草綠生漢水濱初日照青濤

綠塵天機邀游女當歌和榜人冉冉衣香雜
時靈葉新風前如有思天未渺何因道遠
寄芳聲懷所親

淨樂宮

淨樂鴻荒巨猶傳此降神應時扶日月彌敷
天人帝德昭靈昭皇居象紫宸駿奔騏驎
溝半城闕宣宏麗軒敞義禪主尊宗長明禪
內臣兩宮窮土木少府出金銀末法維僧
蒙感勝因聖朝資治理撫化御齊民

土虛宮

宸居開北極泰時麗中天簾著鴻苞
帝先神謨伴水德睿語煥琅編日月
霞藻并鮮穹窿規太紫盼嚮表重
栢峰欺華岳蓮平臨佳氣繞低
真人洞銅池聖水泉蛟龍盤腸
獨有波臣幸頻瞻玉几前

八月十三夜同諸子集高行之將登
分得蓉字

素點南極烟銷萬島烽星辰牛分野襟帶
提封福祐開名將風謠洽老農柳營虛客席蘭
鏡盛軍容家與桓宣武疎狂阮嗣宗歌頗微
榮秋及采芙蓉高纛迎青女奇書授赤松賜
形作虎函劒氣成龍履烏平臺月笙歌甲夜鍾
河低橫海樹雲動隔江峰粵國三千里秦關百
二重猶聞經殺氣未可頌時雍

同丁將軍集陳光祿西園送薛君瑜還四

明十五韻

天台綠嶂康公展清秋張翰孟護軍開供帳光
祿舊池臺南戒淹高躅西園引上才新聲傳玉
樹碧海浴珠胎斐几林間靜琴床鏡裏開鳳臚
全聯柳水榭半含苔雲影窺題練湖光漾聯陪
越姬調白苧周史美青梅別思賡三疊深情寄
七哀佩纓捐寶璫箏柱促玫瑰殘漏良宵短微
霜物候催坐攜濠上興更棹剡中迴後夜看明
月思君隔大雷

自冶城渡江至江浦

中流特引矚樓閣半烟霄水直看城近洲際覺
是柳塘疎映雨荻港細生潮望曉游情難逢
思搖烟脰漁子艇風蕩榜人謠回首夢京
已隔淮明月橋

陳石夜行遇雨

夕雷沉秋渡雲橫遠樹齊石危妨故道沙軟逐
新蹊斷枿疑人仆寒禽作鬼啼草長風蕭蕭苦
雨雨淒淒淒淒晶前征誤林昏後望迷時平關法

馳煙人近江

梁縣阻雨寄宿牛山道院晚眺焦湖因憶

故山草堂三十二韻

北渡蠡離客憑高一望鄕湖昏波殺沙白野
荒荒旅鵲先秋短窮愁入夜長僕夫老瘦我
馬日玄黃野水迷官渡秋陰帶女牆林空喧聚
雀風急過啼鵲寂寂行落逕栖栖倚荷房足寒
欺葛屨地濕從繩床近市無兼味何人饋五漿
流離嗟泛梗修阻歎迷陽雨伯憑誰訴天心未

可量崩雲低拂地飛溜潰侵塘祇益孤生感潛
銷百鍊剛乾坤成偏仄形勢轉蒼皇阮籍求名
酒蒙莊貸宿糧昔賢游不廢時輩濫相當半使
倚蘭質翻同藁草芳來薪曾未辨空谷更何傷
薄俗浮沈定虛名寵辱妨高門羅可設末路艾
如張翦肉看人而留皮養豹章燕臺虛塞產鵠
石久淒涼興或合飛動資寧藉頤頤幽期宜鹿
性生事合漁梁轉覺時情異難除故態狂若若
甌海曲人擬陸渾莊峰翠沈園開松風沸草堂

汲古堂集卷一九

友生閒命駕稚子戲牽裳綠隲傾家賦青片采
澗香如皐聊翳雉博塞總亡羊達命機思思
生物可忘晚來歌此曲歸思滿滄浪

十居東渚簡王贊夫項季與樂洲上人

郭外少塵鞅幽深得渚東眾山開列屏曲澗隱
盤虹百里三溪合千村一棹通卜鄰依地主折
簡報山翁未論中人產先營半畝宮繁欄分芍
藥植柳間梧桐北嶺松千箇東籬菊數叢人杜
同晉逸尚古咏幽風南嶺殷農事西成計歲功

春秋逢勝日舟楫命奚童社酒家家綠林花處
處紅開尊期必醉覓句不求工居士憐宗測高
僧愛遠公精藍青嶂裏疎磬白雲中佛日伊蒲
共禪牀襟被同未須辭俗諦元不礙真空憶昔
淹行李浮蹤類轉蓬自傷秦士賤每泣阮塗窮
恥逐依人鳥辛忘習蓼蟲以茲捐害馬嗒爾指
飛鴻息影應無作觀心定黜聰難空文字障興
至托詩筒

贈鄭雲巖次公

汲古堂集卷一九

索居非玩世抱膝思泠然自探環中妙言從象
外傳放神思入極參易契重玄天老靈蘭秘桐
君米藥編題評更月旦雄辨離言筌青白嗣宗
傲蒼黃墨子憐門當通德里座擁廣文瓊明登
嚴陵瀨懷君月乍弦

明聖湖寄懷李雲中太史五十韻予自丙
申歲訪太史於雲杜太史偕予至武昌爲
別今且歷九稔矣已亥太史起家蜀叅知
尋遷兩浙廉訪使數以書招予胥會湖上

以病不果甲辰春于役榆林低何六橋三
竺間感今追昔爰寄斯章

惜別武昌城江頭古驛亭垂隄千樹柳屈指九
迴青夫子仍三仕風塵笑獨醒撫時頻歲月懷
舊慨晨星憶昨來魚復乘春下鷺鷥雜茶申約
法祝網示祥刑響各鍾承簾芬迎刃發硯瑞圖
曾覽鳳惇史不書螭雉雖過閒砌花飛點靜庭
隱囊消雨局臥閣語風鈴詞客冬陪乘談鋒瀉
建瓴桂算分上若茶具試中冷關吏傳金鑰厨

漢書集卷十九

九

人游玉鉞湖波憑岸懷星漢坐揚舲西子開粧
鏡高山兀翠屏物情銷骸今古寄沉冥白傅
當時蹟蘇公異代銘昔賢歎留滯太史感飄零
要路才先達扶搖困北溟文章憎物名地半
朝廷早甫空資越宮賦巧妬那直玄嘲寂寞粉
黛吟妨娉別恨迷沅竹恒飢想楚萍臯珠詒鄭
甫錦瑟怨湘靈江晚青楓冷洲寒白芷馨金支
搖珂鄒寶珮動晶熒擊汰沿迴渚登蘋眺遠汀
行歌聊自賞張樂好誰聽念我敦疇昔論文許

弱齡吾伊頻擊節爾汝到忘形陽飈分纖艾洪

音起寸筵俯儲資與博涵瀟尚淵淳部護生叢

鼓焚尊出土銅綠情標月露用壯走風霆與至

羣象書成下六丁稍知迷借筏終媿濁如涇

考室依窮岫爲園傍近堀下車路隱約飛札慰

伶俜懸榻招徐稚揮金怪管寧養病支鶴骨匡

坐學熊經花雨沾行藥松風和斷琴烟瘴期屢

失蓬戶晝常局野色便鷗性溪光洗鵲翎許身

寧爲母辭使不因伶望斗神俱滿看雲恩每停

竭來三竺路已變五秋螢指佞居靈草流年數

落莫行藏應已定無事卜蓍筮

謁橋陵黃帝葬衣冠處

帝鴻龍馭遠冠劍闕珠丘一壑盤蒼檜千林舞

赤虬山疑宸辰立水抱渚虹流真氣咸陽歇金

天華嶽愁仙臺曾駐蹕前有漢武帝祁仙臺羣路想鳴騶

漢殿銅駝泣秦陵石馬秋翠瀉寒瀾瀾朱鳥日

悠悠襄野寧迷轍華胥豈夢遊烏號應未墮寶

鼎尚堪求誤殺羸劉氏褰裳望十洲

七夕鄭中丞張讌清寧臺令侍史度曲校

射作

鵲橋當此夕鴈塞感先秋坐見雙星渡仍嗟萬
里遊鄉心關尺素閨夢泣刀頭開府張清宴登
臺散旅愁九封雄鎮臨河入大荒流樵外龍沙
近雲中雉堞浮倦飛悲越鳥入破合伊州小史
停歌扇分曹遮射侯烏號枯白羽猿臂希青鞵
後隊頻看先鳴已報籌工應誇貫蠶巧勝乞
牽牛茂菓期難負杯盤晚更留月生河練澹川

漢古堂集

卷十九

七

曉夕霞收古木林堂靜疎花水榭幽離聲流戍
柝歸思颺風旂故國穿針綰合情正倚樓

九日壽觀察五嶽常公五十韻公楚人也

三字劇邑以文選左遷武林別駕晉南比

部郎尋備兵溫處

江漢分南紀衡察倚上游地簷鶻火次天擁岳
蓮秋勝槩雄圖在禎符真氣浮楚材掄杞梓荆
寶耀琳球夫子當英妙聲華邁等儔玉書掛宛
委螺刻辯岫嶺揆日捎朱鳳搏颺控赤虬

傾上國週閱表南州公先爲江右人許與無雙士風期

第一流令推三仕最才練九徵優琴靜魚懸壁

花深鶴在舟掌銓歸藻鏡補袞苔微猷吏部稱

江滙人倫得馬周覽輝俱鶯鶯索駿必驕驕已

緩宵衣顧仍爲畫錦遊和歌從郢里挹袂狎浮

丘道秘窺玄牝公好黃老家言機聞下白鷗滄浪孺子

曲雲月庾公樓靜覈環中妙神探象外幽豈能

忘魏闕終自曉靈修美譽題輿起深情佐郡留

湖山敦夙好洞壑待冥搜車過聞輿頌船迴送

漢古堂集

卷十九

七

掉謳江聲生枕簟峰翠濕衣簪南署還淹驥清
曹典獎鳩湯仁恢祝網秦法汰窮鈎佳氣來鍾

阜晴波繞御溝捲簾黃鳥至拄笏白雲悠謝朓

才何忝丘遲句竝道大鈞驅渾噩正始謝雕鏤

秉憲分朱雀觀兵引絳騶星文當處上處州以當少

微之鹵簿駐東甌形勝開雄鎮提封締列侯孔

明聊羽扇叔子但輕裘自得安邊略無須借箸

籌金天嚴令肅霜海瘴氛收已鼓三軍氣仍攄

萬姓憂齋心躬露禱甘澍溢靈湫秋禡期銷甲

春農競舉慶帝恩寬井稅我稼滿甌窶賤子悲
窮鳥中林自飯牛巖栖便石隱野獲乏嘉謀物
色能相假烟波得自由采蘭頻悵望行藥日夷
猷感激時將晚遲迴歲欲週國人逢燕喜鼓吏
厠岑牟壽域當三象滄溟近十洲更囊雜寶佩
菊醞薦穠羞紫府曾書籙丹砂不待求幸因重
九節願奉萬年酬

從王昭行乞夾竹桃

標竹自多名細桃復有情花葉元殊本根株若
竝生綠疑湘水影紅誤殺山英抱節含冬翠數
華當夏榮蕭蕭媚錦石灼灼映雕楹落去難期
實聞來稍辯聲孤妍無定賞雙美總宜井分得
瑤臺畔林扉雨正晴

父書齋詩爲余節侯賦

節侯觀答余
亦用少子也

觀察當時傑歸然起豫章才應名世出運際中
興昌氣類關飛動嚶鳴藉頤頤提王依鳳舉攀
李騰龍驤下雉分牛耳清茗接鴈行齊聲流儔
賞合奏發高倡意象含蕭爽風騷與激昂情

同適口琴瑟或更張荆壁人人玉旂林處處香
詠謠成貝錦岐路轉羊腸簪綬辭閩海田廬在
武陽百城聊睥睨萬卷自沈洋之子才何忝遺
編業未荒童烏與玄草子駿述緣細幾食神仙
字頻分太乙光世家仍烏奕友道日淒涼逆汝
思前烈題詩寄草堂匡山雲白處應護舊藜床
逃暑涼月灣竹下寄季輿

逃暑涼月灣竹下寄季輿

積雨愁卑濕初晴困鬱蒸百年何脆促畏日故
憑陵喜有東陂竹陰連北澗藤科頭臨水石當
午坐空水適似忘機鳥清於結夏僧誰能禁盤
礴自不厭指髻草色涼堪藉松根四可凭稻畦
煙疊疊波日錦層層翠洞元無餘響不用細
酒鎗時指點肱枕暫膏騰理遺忘無偶言拋繯
更增委緣情不染觀物靜堪微聽等分樹疏
行若翳腰條藏窺立驚鳬沒避遊鷹牛屋兒編
笛漁舫婦結習舞雩風自至舒嘯谷頻磨冉冉
重林暝微微片月升幸能辭俗駕恨不共長朋
陳行之書齋成扁曰黃雪杜唐入于武陵

桂花語也湯賦一律

繞牆雙桂樹，金思滿庭芳。影落香霏雪，林清月
應潮芝童分餌實，靈女伴吹簫。露積落錢厚，雲
蒸石竇饒。澗芳蕙野佩，僊酒臨山飄。近市稱通
隱，抽辭續反招。圖經臥游徧，日月著書遙。雅似
前賢癖，齋名一字蕭。

再賦

晴雪沁輕黃，輕黃復有香。更教清夜月，相與作
秋光。歷歷星榆影，團團翠蓋涼。夫君白雲思，上
客素琴張。寧汜僊人露，壺漿帝女紫。花叢金作
粟，藥杵玉爲霜。愛此冬榮實，宜隨節芳清。輝
自可駐清夢，耿難忘相憶。冰壺裏，伊人水一方。
行之所居里
名水壺坊

予抱病渚浦山中秋日，唐南張曼胥文
學同張太衡太守過訪，時曼胥出共同里
鄧太素余節侯所寄書，太素節侯皆予舊
好也。次日曼胥將發歸江上，寄贈長律
步韻四首并簡太衡先生。

聖世無遺逸，畸人自海隅。榜難邀匠石，粟易飽

侏儒。溪迴流漁唱，崖虛應鳥呼。隨泉便飲鹿，移

樹待巢烏。招隱援青桂，逢君到綠華。花津沿棹

遠，菰路入林紆。三簡諸三篋，清襟盡五言。臨言

延野趣，披豁對狂夫。牛斗雙龍氣，屏風九疊圖。

綴篇合月露，吹籥出笙竽。晃恍因求藻，飄飛不

離榆。山家虛剝棗，地主勝行厨。是日張太守
携具并中石

門浮新茗，繩床倚碧梧。日移文杏閣，篆燼博山

爐。發論傾枚叟，衡機失鄭巫。指橋麻轉王，激賞

源古堂集卷十九

病先蘇。念爾淹行役，因人傍畏途。朱紱誰可奏，

清徵調逾孤。舍館人爭席，關門吏索符。風波一

相失去住，兩脚蹢耐可醒。爲別惜堪醉，似愚歸

舟相憶處。江雨正鳴蘆。

簡太衡先生并再送曼胥江上

山繞溪三折，居偏地一隅。尚玄思準易，垂白笑

爲儒。市近鮮堪擊，年豐酒可呼。忽停上客駕，似

愛丈人烏。白板扉初闢，黃花逕欲蕪。曲池明鏡

展，香嶂翠屏紆。梅尉尋芳嶼，知章乞鑑湖。鵝鷺

狎道士奕趣逐樵夫適意鷓鴣杓閒情疎蝶圖
翠偏宜楚服技不濫齊竿郢水千頭橘柴系幾
樹榆吾憐酒泉守生願步兵厨幽討傾芝桂冥
心對竹梧涼陰流斐几迷迭潤薰爐調笑通齊
物椰榆類舞巫窮蒐盡金石傍米及護蘇明發
念游子天寒滯遠途風高帆影直波迴月輪孤
今古才何忝江山跡每符登臨同感慨離別重
踟躕舅士元宜舅愚公一任愚尺書如可寄好
附鴈銜蘆

汲古堂集 卷十九

寄鄧太素孝廉

歲月旋雙轂山川限一隅燕臺虛秦廣俗時
爲儒風昔時相索梟盧夜每呼朋來喧馬酒
盡起城烏寂寞新知散淒涼舊業荒荒馬酒
領蠡水更滌紆詞賦憐之子烟濤大湖薦
稱一鷓雄足廢千夫天路淹神驥風雲屈壯圖
主家羞度曲里耳好聞竿月琢團團壁屋垂
歷榆洞庭元帝樂禁嚮必天厨余病同衰柳
愁據槁梧委形隨大化渾物任洪爐君子方遭

瘡家入屢寧亞淳于功乍奏趙鞅夢初蘇送客
兼懷友龍霜已載途尺書行可達交誼未應孤
聞道仍高臥何時乞左符庭槐傷老大江樹動
踟躕幸際休明治寧爲有道愚湯令秋後鬢霜
色映寒蘆

寄余節侯因及其先觀察德父先生時節
侯書來知太夫人捐館舍

長憶論文地精藍定水隅詞壇今宿將經術古
通儒懸簾還憑扣因風或待呼而翁推續虎令

汲古堂集 卷十九

子即童烏玄草終歸櫟清裁劇翦蕪一泓初噴
薄九派轉盤紆觀察當中歲扁舟運蠡濤聲各
齊七子耕鑿溷餘夫玉笥藏真笑我國秘經圖
東林期入杜南郭笑工竿課子編蒲柳呼兒種
檉榆杜蘅熏雜佩藜藿厭中厨馬鹿幾尋機鷄
雖已佔梧五英融大冶七返躍丹爐世業東西
漢神僵大小巫梅花三歲別桂魄幾回蘇念我
憐同調違時本異途寄書悲失母枕塊藐稱孤
中壘分藜火常山探寶符支牀過哀毀行路爲

踟躕原憲應非病高柴豈是愚平原行赴吊定
不問葫蘆

王大參瞻明公祖入賀

萬壽公適值初度辰賦贈三十四韻

靈氣蟠三秀公才映七閩赤霄瞻鳳鳥紫電掣
騏驎釋褐分符竹司刑向海垠霞標看氣色華
頂競嶙峋明允交輿頌平反廊帝仁徵書推柱
史抗疏動朝紳擊每矜高隼批寧避逆鱗讜言
何激切體國更忱恂白簡霜臺出青齊憲節巡

漢口堂集卷二十九

九

薦賢先卽墨弭盜竝陳遵洙泗源仍濟茲歌
再淳渙雲迎擁蓋洱水待行春德意宣荒徼
風邈遠八日蠻山繞蜀六詔樹浮秦化洽黔
格時清燮燮馴長卿飛羽檄諸葛岸綸巾已奏
文翁績何論長孺薪旌旄移瀾土父老拜車塵
洞空寨帷慣閭閻問俗頻喜途褒異典重觀憲
章新憶昨遷甌括經時借拊循舳舻臨澤國樓
櫓接江津睥睨扶桑近風煙島蜚鄰簡兵俱七
萃穀弩必千鈞化國初含哺春臺若飲醇昇平

元有象訓練不無神壽域開南極嵩呼覲北辰
賓筵方秩秩徒御復駢駢金鑑千秋錄丹心一
个臣神臯雲五色聖世日重輪湛露分僊掌恩
波出禁宸對揚驚寵命褒美溢溫綸玄酌天厨
譙朱提內帑玕載賡新甫栢并祝漆園椿

題王季蕃百花帳同王季中吳翁晉分得
華字

冰練開毫素千枝映九華
華韞非含露重嬌似愛
風斜微月明殘雪凌晨駐落霞
錦衾繁紫爛

漢古堂集

卷二十九

九

枕亂紅遮春色伴金谷風流異石家彩分飛鳳
纓絳奪守宮紗夜夜江南夢朝朝杜曲花

題季中百花帳同翁晉用窺字

不分輕帷裏千花競吐姿霞綃生錦浪雲葉濕
華颺豈藉青陽令非關湛露私曙鴛鴦欲下風
蝶胃仍疑翠黛愁護草紅裊妒藕絲莫教桃葉
至鸚鵡向簾窺

百花紙帳同翁晉季中用題字

繪事工霜繭春風萬萼齊
蓼床留夕照蘿幌宿

晴霓映閣卿雲濕交因紫雲低芝臺分碧火寶
籙啓青泥夢幾同宵鶴魂先警曙鷄深沈愁裏
見爛燭醉中迷莫自悲搖落詩成取次題

題張叔相芙蓉帳

羅幃映綺牀萬萼爛齊光木末疑堪擲瓊枝思
不忘歲寒交苑蕩旖旎照都房蜀國虛裁錦湘
臯憶采芳檀心融曉粉縹蒂漬鴉黃蓮漏秋初
永蘭膏夜未央漲江曾寄遠出水近疑香漢月
流仙掌江珠結佩纓九華寒不御百子文空張

汲古堂集

卷十九

三

五

卓女分星曆秦宮曉露妝鴛衾同所願在上拒
風霜

歲在壬寅予久客江陰鄒彥吉大叅寓書
見邀累千餘言多所延獎復承書扇大集
之惠時迫歲暮趣歸不及艤舟梁溪奉謁
有負虛好至意賦寄三十二韻

憶昔澄江上經時旅食淹題書勞賞激降分劇
攜謙詰匠靈心清風人雅製兼畫圖摩詰妙戈
法右軍鉛把玩神先王行吟意未忤檄曾聞已

疾句信可除疴夫子人倫雋卿雲瑞世瞻閩江
曾建隼湖水載寒蟾造士懸金鑑提兵試玉鈐
掄材俱竹箭薪標盡梗枿寒谷春先洽殊方化
已漸文章驅海嶽弦誦起閭閻鵬運天池遠疆
澤國恬鴻儀方陸漸龍德遂淵潛卜築山當
戶幽深樹拂檐冥栖宜芟製蜚遞叶著占樓閣
雲霞映池臺水石添鏡分湖一曲峯擬華三尖
花影春移榭桐陰午軸簾奇文搜洞壑異本祕
細繖葉漬連床帙牙標萬軸籤丹鉛饒著述物
象具滋纖膏積雞林乞醪醕鹿苑霜威時愛情
悄愛客賦厭厭予學龐公隱寧希仲子廉范餘
晨露韭味膳水晶鹽宗炳依蓮社韓康事藥園
東臯聊命屐南畝或腰鎌望遠心難寄懷人酒
獨拈春風提碧草秋水渺蒼蘂許與應非漫過
從定不嫌何時竹林下一笑將公髯

汲古堂集

卷十九

三

五

汲古堂集卷之二十

七言排律

東甌何白无咎著

觀女劇

絲帳蓮燈臘九微
離雲壁月故依依
迴翔鸞影秦王女
離合神光洛水妃
冠側霧鬟留綽約
墨殘星靨失容輝
迴風林葉紛交集
變徵梁塵欲倒飛
客盡桂尊歌既醉
主更瑤席賦無歸
門前露白官槐濕
城上烏啼曙漏稀

汲古堂集

卷二十

七

泛舟至高坡訪林翼之林仲一兄弟因游

陶公洞赤水洞諸勝

題書遠問白雲期
弭棹江干候晚曦
脩竹數家開窈窕
晴沙一徑入逶迤
閣憑樹杪遙看野
泉繞松間細入池
耕鑿衣冠饒古意
渾淪真率亦吾師
風流兄弟同岑氏
隈隩谿山入羨陂
淺瀨低徊飛鷺驚
碧潭深黑動蛟螭
春原曳杖林光映
石壁題詩海月窺
行踏落花嘶紫燕
幾停垂柳聽黃鸝
金庭遍歷仙人窟
雪竇疑窺織女絲

有客上方吹鍊篴
奚奴隨地佩鴟夷
山靈豈惜千秋悶
陰洞真探二酉遺
十日襟期成汗漫
中宵風雨對凄其
贈君自擬金鸞詠
別去長懷玉樹枝
明日停雲江上櫂
也應回首意遲遲

冬夜借季中過君御知白齋同用南字

山齋返照逗晴嵐
晝靄林光暝色涵
目送歸鴻愁宿影
孤鶴髯髮貧交轉
向窮年戀名理
還從丙夜談人倚
冰壺雙碧映圖開
雪竇萬峯合離琴
匣底閒流水寶籙牀
頭亂玉函翦燭頻
呼烹露韭停觴屢
爲破霜柑行歌草澤
吾差適作吏風塵
處不堪處陸直教深
偃蹇服箱寧復較
駟驥殺青已擬龍門
令知白還希柱下叢
拙且循時同吹萬巧
難調世類朝三行
邊幽意扶桃竹醉
裏雄心拂劒鐔同是
乾坤皆帝澤肯將
詞賦怨湘潭昔賢陳
跡時興慨於粵名山
幾共探今古永嘉形
勝地遷來不似瘴江
南贈李本寧太史一
百韻時予入楚訪太
史於郢上將有武當
之游并及之

王風蔓草久荒蕪正始誰操兩漢觚豈乏頽波
廻砥柱公從元化運冥樞九河沙汰稱東魯
萬象微茫見大吳美俎豆雍容歸下雉明玄黃
黼黻羨新都玉同林蘭蕙芳元合異本梗楠質
每符流水拂絃寧改聽奔霄歛玉更齊驅岱宗
不讓羣峯伏渤澥由卑衆壑趨紋濯江霞開蜀
錦胎含海月媚秦珠盛哀運每關王化雅頌誰
云匪令圖大夏諧音陳帝所列星垂象麗天衢
絳河機杼絲初織青帝朝華綺乍敷垂露直疑
汲古堂集 卷三 三

館迂先德尚存新甫柏永懷仍感舊臺烏清陰
市地流文甕然色叅天發故株澤較種時柯轉
茂淚滋攀處曾枯太史先方伯公手植古柏
蕭蕭已分形骸同土木漫希姓氏出菰蘆違時
偃仰窮欄下散髮行歌碧海隅橋以渡淮羞作
枳蘭因束楚化為芻聲華豈有稱鄉曲蹤跡猶
慙濁市屠佞佛六時叅白法全生一壑養朱愚
憑陵俠負千秋骨骸饑貧餘七尺軀寧有借交
傳賦草屨逢屬和競春春懷慨時將晚旅
鬢刁騷歲欲徂時見一班固管豹立窮五技似
谿廳瑤華曾荅衡峯隱尺素初憑葉縣見延佇
疎麻時載折浮沉遠道渺難踰踰踰奔走憐牛
馬冉冉烟霜感聽聒招隱駕言依桂樹遠游有
事託桑弧三山曉色開殘夜萬里春光犯畏途
好藉發蒙窺浩蕩豈辭重趼歷崎嶇經時雷雨
增波浪上瀨帆橋輾舳舳菱曲忽驚聞楚調榜
歌漸已變吳歛天邊翠影看匡阜鏡裏新秋出

小姑星過豫章分翼軫江廻蟠冢合巴俞雪銷
丙穴來王鮪花落黃陵聽鷓鴣雲斷岳蓮盤紫
蓋雨殘湘竹帶蒼梧入門望近真人氣劇語心
將國士輸恍發秘函窺蔡帳如欣珍鬻入郇厨
襄陽耆舊誰標的姑射神仙自雪膚此日風期
訓夙契忘年禮數展交娛華陰成市依賓從棣
萼連枝接友于雙壁乍聯看驥子五花欲就是
龍駒芙蓉初日涵秋水礪壑清冰映玉壺燁燁
謝庭皆寶樹翩翩丹穴盡鸞雛食魚無復彈孤
汲古堂集 卷三

古剎辨盤盂懷賢豈擬浮湘作董道將乘泛海
桴丹壑尚虛天上詔清時猶賁握中瑜絲綸近
簡鼇屏儔撰結重開虎觀儒自是一時尊秘典
更誰百代贊鴻謨名山副本藏司馬良史何人
擅董狐斧袞不無嚴筆削憲章何以盛陳鋪宏
裁業已歸元老廣聽還應問八虞日月並懸胡
鹵莽廟堂求舊廢諮諏時內閣議修史將薦公後不果亡餘郢
質斤難運絕後朱絃調轉孤濠上寂寥蒙叟歎
鄴中代謝子桓定知有賦悲鄰笛更識興襄
汲古堂集 卷三

明滅羽駕烟裝信有無石髓曾聞王烈采茅龍
或遇子先呼陽產萬仞桃皆碧陰澗千年草盡
朱仙篆雷書留鳥承金箱瑣籥守熊羆獻珠何
代逢龍女守竈前身悟鶴奴閒掃天壇雲曉曉
靜窺黼帳錦模糊秋刊祀典儀尤重靈著圖經
事豈誣擷秀終期同攬結臨岐且復立須臾王
函有待書成後預向清都選一區

題郝仲興明府百花帳十韻

復帳流蘇四角懸永統丹粉故嫣然連枝並蒂
標雙豔疎蕊孤英笑欄妍玲瓏似霞搖婀娜芝
房初日照嬾嬌圓開缺曉勝王障波浴鴛鴦濯
錦川夜冷九華明絳雪朝融七寶透紅烟芳辰
詎是因春駐清影元難倩月傳氣借爐香迷艾
納色分鐙暈映銅蓮合歡長得青皇妬薦寢還
教碧玉憐握裏彩毫頻結夢林間翠羽儼游僊
將無勾漏還丹日或是河陽試宰年

吳明卿先生攜仲子臯倩入吳弔王元美
大同寇茲將西還下雉吳叔嘉集吳越

詞客四十二人會集於虎丘座中分韻分
體題別予分體得七言排律分韻得八齊
中原七子建安齊郢雪長寒楚水西蹄髮陽阿
弄溟渤拂竿天外截紅霓漢江日湧春濤合衡
岳星垂海嶠低載向玄夷探玉簡更從泰乙乞
青黎下闕赤縣游無間上薄鴻濛宮莫稽萬象
微茫愁載筆百靈黯澹泣羣犀游僊自許呼黃
鶴奉使曾聞祀碧雞佩裏陸離紛杜若握中光
陰歷歷照北山嘉木稱文梓西極名駒是駉驎
貞幹亭亭承露掌神姿獵獵逐霜威仲子有子
前爲御史詹星定聚奎
車仍渡越來谿笛因夜咽山陽感笛爲明前
客懷芳草歸人千里望離魂
弱水傷麟鳳劍冷高柯
散可堪還聽白銅駝一時雅合凌雲駕
期惜解搗片石清齋聊俯仰上方飛觀共攀躋
龍游笠澤隨烟霧塵過香林趁鹿麋丹嶺桂輪
初學扇碧欄桐葉半含圭五金已失荒丘虎七

寶仍留紫座貌詞客鴈行爭挾藻歌聲辭次
分題時以歌姬自芙蓉繞郭晴嵐撲
翠迷已覺茲游身亦幻寧辭今夕醉如泥
余南粵稱狂客抱甕中林學灌畦霞起芝田聊
引滿雨來茵閣愜冥棲久諸黃獨時堪煮不信
青雲自可梯象外倘能傳密義白毫光裏施摩
尼

至金斗投贈劉海日明府二十五韻

城臨金斗切星辰地挾清肥接廣津放浪尋君

及古堂集卷下

九

三

月仍淹漢署薪舊識爽鳩來鶯鶯昔聞神駿得
驂驛九關扣額名尤著三輔遺風俗載淳朗映
清水淮甸月暖迴寒谷蜀山春靜庭漸覺爰書
簡墨苑驚看麗藻新屈戌紫烟浮鵲尾橋梧清
微動龍唇入懷赤壁來縣圃照握明珠出大秦
猶記彤庭賦紅藥恥同枉渚怨青蘋幕中坐嘯
留公孝方外襟期問許詢下士每迎縫掖屣跡
予曾望後車塵白公堤畔游同忝蘇小墳邊跡

未湮拂柳驂驪行綠網隔花鸚鵡啖紅巾幾經
鳳曆移星紀一別龍章遂海濱啄飲真同原澤
雉浮沉難寄越江鱗羸糧悄悄泥塗遠躡屨遙
遙客路貧訪戴子猷乘雪夜依劉王粲感蕭晨
前綏出郭過逢數別館開尊慰藉頻鳬是尚方
親賜履鶴爲華表再來身旌陽道行功初滿勾
漏靈砂事已真紫府姓名書寶笈平昌仙夢紀
貞珉嚴霜爽颯逢搖落遠道遲回媿隱淪地近
西江清可挹倘因餘潤及波臣

及古堂集卷下

十

三

李維城督護以皮林功晉秩一品奉贈三

十六韻

銀州鐵嶺控遼陽仙李蟠根奕葉光一德山河
盟帶礪三朝茅土畫封疆渥注欽王俱龍種雲
路同風起鴈行飛騎未須論衛霍承貂無復數
金張地浮渤海玄苑外天近勾陳紫極傍雄基
世傳黃石秘備聲風負日眉良圖橋弱冠推經
術上國時名溢縹緲公少游太學以寧夏之變
繩武未忘良冶業起家仍綰徵侯章卽看節鉞

臨東夏已見新鈴靖朔方特進左軍分虎旅指
揚列校屬龍驤風聞金鼓官門靜日下觚稜紫
纓長獵獵羽旂開大赤桓桓壯士選中黃芳尊
卜夜呼鸚鵡別館傳燈前鳳凰分闢應知垂客
想剖符遙指向炎荒山通玉壘連三蜀水合珠
江接五羊虹繞寶戈輝氣足流蓮鐔動寒芒
風輶架入羅施國霜符依清瘴癘鄉上賞早懸
關內爵長纓獨擊口南王先教種落沾皇化未
遣騷人賦國殤銘柱立收交趾績却金寧問尉
公元和中 卷三十一
陀紫公 卷三十一
外夷歌至白狼蠻女離離陳桂香裝童碧靈蓮
椰漿五谿春轉輸沙細公 卷三十一
熙熙知帝力刀耕處公 卷三十一
服都護助名勳公 卷三十一
檢自焜燿公 卷三十一
秦塞絕戎管公 卷三十一
軍容盛氣壯榆關公 卷三十一
苦欲繡綠沉公 卷三十一

破恙芍藥新聲徵北里葡萄美酒出西涼花間
張宴應宜數堂上調絲且未央自笑曹丘非上
客還同杜陵胡牀昔人炯戒因君獻賓座遺
規幸不忘
壽中丞崑巖先生六十初度七言排律一
百八韻
鼎湖一柱表祁僊賜谷羣峯接洞天以鈔庭
標棗館曆因軒后演瑤編神區建福扶貞運夫
子儲精應斗籙鈇鉞驅馳三出塞河湟經畧再
公 卷三十一
簪遶乾坤雲盡泰關壯日月低分曉樹懸代馬
長嘶前海雲龍燭不動玉門烟星迎甲子逢初
度堂敞寅賓簇舞筵更奏六幺燈燭集泰逢吹阿
彈鼓齋齋長庚流耀朝南極壽域無津隘八埏
蒼陸條風隨律轉崇臺藻井映霞褰龍沙曲
青冥外嶽色高盤紫氣前涼沁金莖雲表露香
沾玉片華峯蓮花繁火樹宵三五公 卷三十一
先期於壽寧酒汎新豐斗十千盟儼儀宗刊若
礪詩廣天保咏如川匡時石畫安危倚奕葉公 卷三十一

音寵錫駢身際兩朝名益著官經三任節逾全

昔當穆廟臨軒日正是清河入洛年路上公車

聲藉藉賦成羽獵思翩翩材標竹箭初收越價

溢龍媒已售燕通籍都官茲不忝解谷當為剖

觚寬法更爲園灰燃時按平反獄律暖春調燥

漚絃咨爾祥刑郎署重恭承典禮帝恩偏宗儀

斟酌叅中古郊祀寅清格上玄聖主薦禧祠泰

時侍臣待詔奏甘泉田生姓氏曾題柱江湛風

華蓮掌銓昭代人倫歸藻鑑中朝庶品藉陶甄

明堂環器題瑞璫清廟良工譔梓機藏鳳皇

隨羽筵振鷁鸞屬班聯于時東閣收私謁或

就平津托附鸞鸞執從來由直道齋膏終不運

方穿一麾問俗迴閩海九曲尋源訪魏騫粵嶠

靈丘資攬結無諸舊國待旬宣斑衣苦憶萊庭

絲初服仍紉鄴澤奎入道歲符都水監陶弘景

亦以是年武公抽簪興似剡谿船承歡甘毳唯

親供侍寢中葦每自前蔣誦屢能開竹徑戴符

未具買山錢尚餘祿堪烹菽豈有佗裝屢擊

鮮聳望長松蟠翠蓋繞籬叢菊委金鈿平生祗

贍王恭簞故物惟存子敬瓊精舍別依雙樹苑

窪尊間飲五雲巔公思谷山房後爲五雲山上

探幽茗碗留鶯語選勝巾車倩鹿牽水落石潭

開釣艇風生天籟荅歌絃熊轡忽起東山臥鶴

夢翻驚北牖眠遂向赤城持憲節早聞上谷戎

戎旂銅焦行擊嚴游徼尺籍頻稽汰濫員絕漠

犬羊屯蠓螭高空燕雀避鷹鷂量移頃復遵河

洛汪歲應知沛澗瀝中土褰帷迴菜色南陽爲

政示清鞭提兵遄指雕陰旬建隼俄停榆谷嘔

彰武軍聲飛白羽朔方俠少枕黃眉烟銷古戍

花迎蓋陰合行營柳拂轡坐使折衝摧部落並

宣威德止戈鋌皇情特簡勛庸舊青土欣瞻圖

制專遼左旌旗殊未偃大東杼軸正蕭然常平

難致鄰封糴昏墊微紓井稅蠲六郡賑饑捐月

俸萬家就食待晨饘時山東歲凶公煮粥賑饑

俸以佐復於沙生徒講德歸如市流寓同仁悉

受厘盜散綠林齊解劒農占赤鹵事屯田縱逢

蠅點光彌瑩何卹人言職罔愆鱸膾正思嚴
美蛾眉空妬楚宮妍老更遠道攀轅別參佐深
愁命駕還高韻豈宜嬰世網冲襟差可離冥筌
清都竚窳通輪闕愚谷徭隴類善卷掃軌避人
忘俗諦閑觀妙契真詮素書業已殲黃石密
印應須證竺乾藜杖行吟風謬謬團焦暝坐息
綿綿每攀古洞衣單綯便倚層崖結數椽絕頂
鳴鐘懸梵唱散宵飛組載輕篋公於仙榜巖半
輿轡雲谷
輿轡雲谷
輿轡雲谷遠公投贈匡山偈白傳歸叅淨社

五

三六四

禪危傍鵲巢，劍磴道添從。驅引潺湲欲資舟，
楫須商佐爰卜能羅起，涓吸啜芭陪京元舊宅。
奉常清秩，暨南遷精藍，繼日晡休，暇臥閣齋心。
愜靜便，操動因之，是年平賊，幾几望吳箋爐。
添艾納浮筠，松架插牙籤，照蔥嶺問宇園橋多。
掌故時本攝國學校文芸閣，費精研解，願自昔稱匡
鼎疏注于今，賴服虔幾夕，刺閨傳翟道，獨推開
府鎮鄜延，和親每隔前朝議，戰欵兼收策虜權。
卽遣貳師搜肉套，更催飛將出祁連，雙龍飛渡。

胡天宵列騎駢駢漢壁堅甲帳佩刀裝大食鬚
奴腰帶刺于闐伏飛角勝時超距部曲消生日
獻研斯泮芹河晴浩淼泥融駝嶺碧蜿蜒客翻
勅勒頻中聖境拓波羅徙右賢草合獵塲圍蹴
踰槐交馳道競鞦韆殿兒監牧過毛仲侍史諧
音類左驥彩勝葳蕤連理豔蘭膏璀璨百枝燃
丹青早入麒麟畫徵烈行將琬琰鑄笑我丘樊
甘瓠落因君夙昔共周旋晤言恒挾環中秘逃
覽兼收物外緣澤霧無文非隱豹逢秋抱葉信

六

三、五、七

寒蟬仙仙喜遇鴻蒙後嘿疑探象帝先國士
長懷知已感雄心恥受衆人憐鳬舟往附鰲宮
泛驚蕊遙思鴈宕牽劇語鄉音經歲洽游桂
魄幾回弦鴻裁舊已傳通邑蠡測真慙忝握鉛
擢異羣珍羅秘藏鈎深織繭出重淵錦寧待繪
行行麗珠不煩規字字圓以爾陽春侔下里亦
如濁水映清蓮幸叨藥籠終難棄雅愛著簪未
忍捐亭榭公餘閒引矚壺觴燕喜醉還傳渠分
龍井流波細池攤蛟水觸浪漩繞剏芝蘭芬姍

娜將雛鷺爲驕蹕功成未許從松子道在何
殊侶俛佗欲借靈椿持作頌試繙莊叟大鵬篇

侍御揚揚水公祖行部東甌招余胥會冊

中寄謝三十三韻

朱陵赤館倚天開江漢沅湘割地廻分野正當

川嶽會代興因見古今才載聞夫子關西起其

識前身帝所來爲是仙鳥飛葉縣驄爲天馬下

蘭臺炎方瘴已餘霜雪寒谷春先動瑄灰賸有

越裳通貢篚試從大庾馳蓬萊蜃樓雲氣浮千

嶂慈背海聲懸九域畫竹洞懸連鴈蕩扶桑霞

起映天台咸池浴日分華頂石壁題詩拂紫苔

彩筆定看千氣象山靈曾爲護風雷更從遊七

探陳蹟每惜焦桐拾愛材慕義雅聞公子舊逃

名敢繫野人坏九峯幽簿停游囑孤嶼樓船倚

源洞折節總能寬禮數倒衣何幸忝追陪昔賢

市駿寧遺骨此日登龍豈暴顯似向鄂君歌擁

楫真從星漢接行杯寰中形勝歸標品篋裏篇

章示翦裁賦弔孝娥鑄琬琰詞同幼婦燦瓊瑰

公按部全浙門覽會稽天台鶴岩諸勝出示
曹娥詩及登石梁華頂觀海上出日諸石刻

式廬漸覺風還古表墓能維俗久積揮手長襟

霄漢隔題城聊避物情猜各家時論推勲德象

緯平臨近斗魁瑞鳥九苞元鳳彩神駒千里

龍媒連枝譽望傾三殿奕葉風華掩八裴自是

聖朝據遠略故煩計相宰多財編摩有論追鹽

鐵毗倚何人和鼎梅獨揭寸丹輪北闕未忘純

白續南陔及瓜始見功方奏授鉞行看轂再推

好采民風扶羽翼直須公等樹願頌願窺正始

汲古堂集卷三

追中古浸效衰風寓七哀紫氣望來頻引領綠

蘿夢後失崔嵬洞天詩風塵在詩音書斷

歲序崢嶸日月催結轡第令廷尉重河山無藉

笑

娜將雛鷺驚舞蹁躑功成未許從松子道在何
殊侶偕仝欲借靈椿持作頌試繙莊叟大鵬篇

落魄

吾友程仲權近游燕晉隴蜀間竟以
游倦客絕白門

程郎落魄仍云沒感舊能禁涕淚深足趼欲窮
千萬里囊空依舊一孤琴過河較似枯魚泣入
塞長憐倦馬心黃馘未應生白髮朱顏先已失
黃金小兒何處呼郎罷少婦依誰詠藁砧憶昨
上都同放浪每從蕭寺費招尋當杯頓喜吾文
進擊節還同座客吟白下故人俱寂寞天涯足

汲古堂集

卷十

七

素幾浮沉風塵末路饒荆棘鄰篴悲風

何日黃山陳絮酒焚詩地下竟知

汲古堂集卷第二十一

東甌何白无咎著

五言絕句

荅王恒叔先生四首

客從赤城來貽我飛霞素長跼開玉函乾坤莽
迴互

龍宮吐海月的天四垂下見泣珠人淚落如

綬縈

平生一片心匣中三尺水千古縣陸離一日輪

知己

孤嶼望赤城霞標若在眼臨風奏長謠努力加

餐節

清谿十咏爲王恒叔先生賦

瀏瀏千尺波下瞰蛟龍宅明月吐貝宮萬潁光

相射 右白龍谿

朱草擢紫莖曄如卿雲輝沃露闔輪囷吹風搖

婀娜 右紫芝館

白雲不出山去來滿岳戶昨夜春風顛吹作江

天雨 右臥雲坪

上枝拂青雲下枝蓋綠水承陰美流泉得似陵

陽子 右嘉樹臺

三石如突星濺濺響寒瀨悟身千載前重與題

金薤 右三星瀨

放腳不知疲偶拂苔上石坐當上游山清暉澹

將夕 右忘歸石

承流汎輕竿洄波激鳴琴興慨係已往冥感得

在今 右流觴

羲和獨弭節濛汜散餘灼蔥蒨紫翠交偶與冥

心約 右夕陽逕

謾謾松風鳴白鷺翔復下儼似華陽君披襟愛

陶寫 右空濤谷

傾耳谷中音杳杳春亦清聽偶逐流雲來復與疎

鍾應 右春雲碓

城南涵墟觴陳行之

落魄未虎嘯悲歌混狗屠風塵一相見拂劍黃

公壚

桃花曲六首

儂家住何處湖上桃千樹傍水齊作花儂舟從此去

女兒來折花折花呼阿爺日日待花發花時偏別家

回頭語阿母花似去年多阿爺昔栽桃一日三摩挲

昔謂行當歸不謂行復久一月無客來滿甕餘春酒

祇恨儂行早不緣花較遲含情掩羅幙一任春風吹

花吹風易飛萋萋葉初密計日待儂歸纍纍已成實

客有對鏡鑷白髮有感賦此以慰

老信知誰寄春愁與鏡傳同游半黃土鑷白未須憐

不隔他鄉夢無期夜夜歸近來愁少寐翻覺到

家稀

有懷

客思如淮水悠悠是恨長東流無日夜憶爾共思鄉

翠羽詞四首爲小陸文學賦

翠羽小家女含羞無禮儀寧知儂所憐翻在愁

歡帶

今日工笑言明朝學妝洗時時過鏡臺圓身自斜睨

以彼昔日愁持比今朝妍逐時好姿首不耐阿儂憐

鄭崑巖大中丞內署十一咏

偶現宰官身鏡機聊應物退食此委蛇長齋依繡佛

右內院

今人仍緩帶談笑走呼韓他日駝山石還同峴首看

右緩帶軒

金葩映紫莖託根非有待異本不異林同心復同采 右芝蘭室

空齋澹夕陰疎鐙照幽獨枕上生風泉淙淙漱寒玉 右鳴玉齋

欲探雪竇泉真源宵何在七竇阿耨池一勺函香海 右雪竇

高秋眺崇臺大漠黃雲開振衣一長嘯雄風萬里來 右清寧臺

雙樹陰平橋獨夜驚栖鳥不知片月來誤作關山曉 右雙樹橋

山曉 右雙樹橋

文木何夭矯脩脩映華林手弄綠玉塵冷風生素襟 右嘉樹坪

孤亭一以眺落水連寒山乃知會心處不獨濠濮間 右會心亭

葡萄覆層壇采采釀名酒自乞步兵厨不博涼州守 右斗壇

五月初放飛英點水濱玉關芳意晚翻憶故園春 右流花逕

秦淮閣夜同周叔宗賦四首

快鵲自摩天駿馬不著鞭少解石城曲能取小姑憐

小姑住青谿夜至青谿宿不見蕩舟人樹底秦淮綠

鳳凰嬉朱光承君長夜飲鴛鴦結兩頭繡作葦蕪枕

燭影盪流波波光含蕙閣白露凝玄霜芳蘭委華薄

天門山

山到天門斷江吞楚雨渾征心宵無際暝色帶荒原

東坡晚霽

半畝東坡竹流雲涼翠通日落微雨歇漏螢耿幽叢

吳門別冒伯麟

寸心忽千古愁來無一言昔人不可見長嘯下吳門

東甌何白无咎著

七言絕句

同楊木父王昭粹邵少文集孤嶼分韻各

賦九絕

烟嶼微茫水國分四天樓閣俯春雲潮音欲沸
摩羅頂得似楞伽石上聞

碧海雲霞乍有無晴陰四望衆峯殊伽陵樂奏
金輪鐸寶月光搖佛髻珠

復古堂集卷之二十二

峯陰海色滿藤蘿謝客亭前水自波采得石華

亭下薦千秋誰與和羊何

江柳江帆映遠洲江門餘照帶羣鷗香臺茗供

蓬僧闔曲檻鶯聲盡日留

兩峯南北信吾之酒殘茶鏞動自隨醉殺醺醺

江氣暖斷霞殘霽會心時

中天繡塔擢雲平磴道盤空飛步驚龍極欲終

龍伯國蓮臺忽湧化人城

灌木繁陰深欲煙冥游猶及送春先東林蓮

延清賞落盡檐花日似年

竹裏琉璃建法幢鏡中四寶合雕窗一從龍象

開初地信是獼猴別有江

飯依自供寶華光銷盡淋漓酒態狂跌坐盤陀

飛鳥盡渡頭纖月別支郎

鄧太素孝廉自廣陵携妾過白門取道還

豫章贈詩五首

隋苑瓊花影碧窗花間翠羽隱雙雙絃如五鼓

城鳥起兩槳橋頭催渡江

復古堂集卷之二十二

不勝羅帶擢纖腰離合神光近若遙郎但渡江

無所苦妾家慣識廣陵潮

秦淮水榭月如烟月裏歌聲阿那邊橋上女郎

齊看月不知箇月爲儂圓

十二飛鴻玉柱寒黃姑織女絳河乾深閨不解

含新怨鴛綺縫襦是合歡

九江九派九迴腸石鏡何心照晚妝不道無情

猶有恨小姑隔水望彭郎

南麂四首

青天寒寫萬峯高挂席來觀碧海濤便欲因之
龍伯國看予一釣掣神鼇

霞氣蒼涼日一丸恍疑神謁浴金丹試招夸父
吞精魄先借長風吹羽翰

素車如擁海神來貝闕銀城次第開爲遣白龍
翼丹楫更教玄蜃湧樓臺

金膏水碧賸爲糧亦有鼃鼃架作梁倘扶飛仙
向蓬閭便遺玉舄白雲鄉

題畫竹寄空上人

汲古堂集卷三十一

空山十日雨爲霖欲往從之湖水深消盡雲堂
一聲磬祗應翠竹比禪心

虎丘東林書壁

滿寺寒山十日登三生石上一枝藤東林洗鉢
西林宿悟得前身義衲僧

彩霞詞四首

初日流輝照屋梁瓊臺含彩爛舒光可因飛霧
隨秦女不學行雲逐楚王

濯錦江邊濯錦迴浣紗溪上浣紗來采蓮歌罷

波侵轆轤水芙蓉向日開

風前半臂颺紅綃一道行光近若遙花氣未消

留對酒彩雲不散待吹簫

自是青天一片霞豈隨塵世闕穠華飄飄倘逐

丹丘去紫蓋峯頭共餌砂

莫愁湖逢程德懋

莫愁湖邊驚莫春暖風霽日搖青蘋柳條繫馬
不辭醉飛絮滿天逢故人

刺艇東林竹下

汲古堂集卷三十一

寂寂春山誰與同隔林田水亂溪風石潭竹影
臥寒碧小艇焚香細雨中

池上晚酌

晶晶波光暝色遲一尊耳熱放歌時峯陰忽送
空烟白雨挾松聲已到池

題林松嶼隱君壁

天半雲霞翠壁開一春風雨水含苔山翁日坐
林間石落盡潭花無客來

東湖偶憩

十二烟鬟鏡裏開
潄胸雲水思悠哉
前山倒影夕陰重
蒲響荷翻片雨來

吳江舟中

飛盡殘霞江水平
江風斷續送歌聲
女郎柔櫓蕩舟去
落日烟波無限情

清江謠

江南紅豆最相思
南客心驚遠別時
飛盡寒鴉明月上一江
烟水夢歸期

無題

太古堂集 卷之三
杏梁歸燕背人飛
深院沉沉靜落暉
夜燭隔花簾影動
綺窗惟聽劍聲微

羅峯寺晚坐

日沉西峰紫烟重
散步虛廊過曉鍾
掃石更看明月上
半潭寒影浸疎松

蓮上人西房

百折幽溪繞竹房
夜深拂簟水聲涼
曉開南牖仍欹枕
林外千峯半在牀

環燭峯戲贈范又馨

蠟燭峯頭一磴斜
祗應天近羽人家
看君未曉塵中骨
安用千年住紫霞

飲紫霄宮郭鍊師蜜酒作

醉臥天壇松子家
百花涼醞釀流霞
石牀不畏松風冷
一枕游仙日未斜

夜宿天柱峯坐月山下是夕大風雨

昨夜月明宿天柱
俯見峯腰雲一縷
朝來下山溪水深
始知山下終宵雨

天津橋坐月橋在崇嶺萬峯中

千峯繡作碧蓮華
身在花房太上家
明月一規天似水
玉盤清露汎流霞

武昌舟中口號

朝發嘉魚暮武昌
落帆猶自惜殘陽
丹人笑指歸程近
越客翻愁歸路長

秦淮美人家賞牡丹送程仲權行邊

銀笙玉管夜紛紛
紅紫催開簇五雲
預愁邊塞無春色
賒得名花倍贈君

人日送鄔生還蜀

新年有客感年華江上孤帆挂落霞思發花前
纔七日雪消峽口到三巴

午就碧雲寺幻公禪房睡起戲簡趙中秘

常吉

開簾峯影動禪扉欹枕泉聲滿翠微爲問鳳凰
池上客何如蝴蝶夢中飛

古意

君家淄右妾河陽鵲尾金鑪換夕香剪得水繞
初試扇不知宵漏爲誰長

汲古堂集

卷三十一

南明寺夜對蜀僧觀寂

何須舌上吐青蓮天貌風襟自灑然木榻對
羣籟寂古堂佛影一燈懸

夜宿雪厓樓居五夜起觀海門殘月作

枕上霜鍾夜欲殘醉扶餘夢起憑欄月懸遠樹
沙如雪百尺樓空海氣寒

舟泊靈福

靈潮隱隱撼船因斜漢沉沉界石幢深夜起看
天在水數峯寒影臥空江

綠水曲

晚妝臨水競相窺南北停橈惱阿誰瑟瑟晚風
帶動夕陽古木女郎祠

春夢詞爲開先

五夜微霜透紫綾潘郎愁重髻難勝春江無限
相思夢一半金陵半廣陵

登明教寺臺舊名較弩臺曹孟德閱武處

淮水東頭魏武臺阿蘭門對夕陽開江山萬古
銷沉恨有客看碑日暮來

汲古堂集

卷三十一

留別逆旅主人靳六老

微茫烟樹遠連吳明發蕭條驛騎孤公子俠烈
呼不起只今賢者在屠沽

綠酒如烟不待賒酒醒殘夜爲敲茶故山他夕
能飛夢淮水東頭靳老家

舟次桑溪待潮

落帆淺渚逗蘅皋瓦盎蓬窗試濁醪碧水鱗鱗
魚浪動青天剪剪無風高

夜就湖陽移桃李歸栽草堂口號

花影婆娑映綠波月明雙槳動星河荷鉏商畧
宜栽地爲問園丁柰晚何

山房木芙蓉盛開晚携妻子張燈飲花下
戲成四首

木末芙蓉爛着花晚涼無客過山家直須綠酒
酬秋色更遣紅燈綴晚霞

小兒雪藕女焚枯花下山妻酒一壺試插滿頭
鸚鵡舞不妨醉倒倩兒扶

葉底田田颭晚風燈光花暈翠流虹接離倒着
汲古堂集卷三十一

花零亂影落空壇一醉翁

翁醉花狂興若何詩成還教侍兒歌絕勝步障
圍金谷花底銀笙醉綺羅

再過越來溪訪周隱君觀復

聘君家住越來溪三載重尋逕欲迷猶記別時
語童僕門當空腹古棠梨

三訪周觀復

年來訪故人可堪已化北邙塵溪邊小院
平爲圃門外棠梨伐作薪

漢陽舟泊

澹雲殘雨暎樓臺暮寒山水上開夜半歌殘
風露急月明鶴影渡江來

水簾谷

霞扃雪竇古明庭爲惜幽奇策屢停水石漸窮
雲路絕紫厓千仞暮天青

鵝湖晚歸

微風蘋末蕩涼氛聽盡漁歌過夕照湖鏡乍昏
深受月峯蓮欲斷細生雲

汲古堂集卷三十一

白塔寺同超公待月

白恰方袍遡晚風石門幽事對支公水禽磔格
衝人過繡塔陰長月出東

曲阿道中別李道人禮茅山

句字山前路欲分華陽洞口水空聞黃塵碧落
須臾事好爲中峯禮白雲

憶羅峯寺蓮上人

羅峯峰下古招提曾記尋僧竹院西黃葉舞空
山路寂日斜相送出前溪

題仙都圖贈潘縉雲人計

由來仙吏領仙都
謁帝還飛葉縣鳬
聞道武皇思采藥
勿云東海有蓬壺

舟中夢羅峯寺

古寺繙經憶去年
林僧寒夜對牀眠
短蓬殘夢蕭蕭雨
誤作羅峯石上泉

閩詩人朱長文卜居廣陵四首

計然舊策嬾重操
不比朱公乍徙陶
自是一瓢宜病色
無煩客奏廣陵濤

汲古堂集卷三十一

三十一

三十一

朱樓夾岸古蕪城
五兩如林鏡裏行
鍾鼓沸天僧父醉
何人執轡過柴荆
板橋廿四接隋堤
故苑離宮取次題
不是暢亭無夢到
江都花月使人迷

纏腰騎鶴兩難兼
鶴背天風飄紫髯
莫道仙家唯絕粒
盤中賸有虎形鹽

寄廣州別駕馮太衡

悟後浮名等蠶脾
廣州別駕好隨時
桄榔樹下涼風發
試讀山人寄到詩

送諸三石之五雲并簡鄭孟仁

烟裝風馭遠如期
白鹿城頭出餞遲
十石蘭英千日醉
故人今是鄭當時

清都別館倚蓬萊
玉樹玲瓏對玉臺
君握綵毫相倡和
始知塵世有仙才

軒后行宮傍五雲
鼎湖靈跡古來聞
和歌定有飛龍引
帝時千峯半屬君

吏隱山前跡未湮
窪尊亦在好溪濱
尚堪注酒留君醉
未必今人讓古人

汲古堂集卷三十一

三十一

三十一

一墮風烟又隔年
泠泠仙夢尚依然
毛公石上賒明月
遲我狂歌弄酒船

王季中光祿玉介園紅白梅花盛開是夕
主人懸燈數百枝花林中花下布席陳歌
舞爲高會紀勝八絕句

瓊樹懸燈照萬花花間深夜醉琵琶
誤疑曉霽羅浮雪海日先蒸庾嶺霞

參徑繁英繡作茵
幕天珠樹暗香塵
儂家自有花爲幄
步障虛藏梓澤春

東園今春春較遲勒寒千樹尚垂垂青衣欲奏
風前笛愁倚胡床未敢吹

寒豔流輝照叵羅橫斜疎影度纖阿雲霞齊布
天孫錦珠斗離離出絳河

丹素齊開四照林林端空翠覆松陰紅烟半染
春雲濕絳蠟微昏紫霧沉

似挾飛仙宴玉京瑤華樹樹照層城醉披宮錦
呼明月更向昆丘頂上行

水晶簾外捲霞綃歷亂春星綺樹搖倒着接羅
汲古堂集卷三十四

鵬鴒舞滿身風露潤紅潮

羣玉峯前春欲來凌風臺下參差開名園萬樹
寒飄霰作賦誰當水部才

壽朱無逸四十

亂髯猿臂貌桓桓丈人矛戟左右盤無乃笑人
殊寂寂白頭宿將未登壇

何事四首戲東朱無逸無逸新有所歡

風髯雪貌儼如仙便合騎鸞躡紫烟何事執及
聽旗鼓朝朝腰項府門前

薰鑪茗椀盡當家合住青溪弄赤霞何事十年
衣韎韜日隨小隊曉排衙

繡衣錦帶佩吳鉤借面能充萬戶侯何事薄糜
仍不繼月隨哨長散糧籌

問君何事奈君何一物於君已較多聞道錦窩
人似玉燈前低按石城歌

西湖戲爲陸君策孝簾贈侍姬

小姑歸去晚風多脉脉湖煙送棹歌深夜月來
山在水天留玉鏡照雙蛾

汲古堂集卷三十四

羅峯寺

風落餘花石磴香樹翻殘雨竹床涼讀餘小品
了無取清磬一聲來上方

別仲權

廿年離合幾含情此別應難問死生拚不知君
何處去津亭他日莫題名

鶴林池上

水滂橫塘半夕陽烟波汜柳動晴光文魚咬荇
驚盃瀝幽鳥銜花下笛床

游榆塞江上臨發別社中諸子

春江別酒惜斜暉江柳垂垂綠未分容易滿天
吹作絮梁園立馬正思君

山色依依別故人風花嫋嫋渡江春終南太室
堪乘興不是懷書西入秦

社酒吹香生綠波離心倚醉托悲歌預愁飲馬
長城窟楊柳青青奈爾何

駿馬長嘶夜渡壕俠游曾逐五陵豪風塵一掬
雄心盡慙魏尊前脫寶刀

漢中堂集

卷三十一

六

三

和邵不朋孝廉寄遠韻七首

黃榆撼撼動秋風正馬西征逐塞鴻才子獨推
秦上計青閨錦字較誰工

玉河寒月墮空階無寐敲殘紫玉釵侍女更添
沉水待不知夫婿已天涯

驚瓦微霜夢乍還夢中髣髴見榆關宮娥好待
張京兆嬾拂盤龍畫遠山

黃河遠接受降城豈爲戾封自請纆莫道深閨
愁夜漏風旂霜角總過聲

儂家家世本金閭一闌烏栖按曲房越客欲填

吳語澀淚滋庭樹暗吹霜

相思亭下雪初飛鳴咽泉頭客未歸月出愁聞
南去鴈含情自擣舊寒衣

入握鮫珠字字圓意中幽恨倩誰傳駝城亦有
思歸客爲和平原贈婦篇

簡張東山大將軍

清世將軍且息機兜鍪生耳劒生衣雄心一片
知何寄日暮南山射虎歸

漢中堂集

卷三十一

七

三

塞上

赫連城上月如珪鳴咽泉頭烏夜啼臥聽胡笳
吹簫築秋聲一夜滿關西

望嶽樓

華陰春望陟春臺臺上三峯曙色開漢時已平
芳草綠天空仙掌白雲來

孤山探馬

胡烽夜渡陰山窟城頭野日昏如月一道黃塵
探馬飛唯見旗尖出復沒

延安

寒山斜影塞河流高柳荒雲隱戍樓人馬縱橫
斜照裏分明畫出古延州

清涼千尺湧蓮臺山下孤城百雉迴石扇白毫
千佛現雲標翠壁五丁開

城外有清涼山清
中鑿佛像千餘尊

偶見村兒放紙鳶戲成八絕

二月天宜放紙鳶楊花滾雪絮飛綿手中線急
須防斷莫遺春風太放顛

羽翼唯憑紙數張偶因風力恣飛揚羣兒莫漫

誇高下試較懷中線短長

風高線弱轉難收飄瞥東西不自由刺罥春衫
渾未覺那知前面是深溝

西山却在東山西遙望西山山影低何惟兒曹
不解事自矜鳶與日輪齊

日日飛鳶向此來平郊不放長春苔偶然戲劇
須臾事鷁第鷹兄莫浪猜

如雲片影任風飄似向煙霄惜羽毛放盡線車
天不極依然無際蔚藍高

不須六翮也翩翩亦自搏風簸遠天四海湯隨
黃鵠舉一絲偏繫小兒權

圖書空傳郭恕先紙鳶竹馬憶當年童心猶有
詩狂在欲倩扶提送上天

同楊木父集王昭粹池上

北郭先生愛酒狂掇英滿把泛芳香挂衣藤夢
低臨水拂石雲光近度墻

青袍白恰南鄰客葉響霜林來拓展拍檻繞池
呼綠尊水雲日射鱗鱗白

江陰發舟

十月遲迴江上城夢中離恨客中情人間何日
勝今日打鼓發船第一聲

打鼓發船亦不遲挂帆復有便風吹煮魚把酒
蓬窗下恰對清江斜日時

柔櫓咿咿酒數巡燈前童僕轉相親解衣拂簾
未成寐七尺方知不屬人

一昨離歌淚滿纓依依無限故人情舟行稍覺
歸心緩惜與親朋別較輕

橫春曉渡

潮落空江水葉稀霏微水霧掠人飛雲扶海日
眉間起暖氣先浮露濕衣

送王贊夫應試北上并簡項休寧劉合淝

時贊夫取道
白岳金斗

送君明月滿山阿陌草青青水綠波一棹素絲
聊解贈貧交其奈次卿何

軒皇遺跡有丹丘風馭烟裝作勝遊溫水香分
雲外液赤珠光抱日邊樓

汲古堂集

卷二十三

三十一

白榆歷歷挂叢霄嶽頂玄冥絳節朝應有雙鳥

過葉令月明天柱坐吹簫

風流劉尹舊過從夢隔浮槎江上峯閑叔那能
累安邑相如元自重臨邛

大羅天上蕊珠班奏牘三千動聖顏駟馬赤車
歸未晚爲君先主吹臺山

送蔡審理需次赴秦府

淮水相逢欲暮春楊花歷亂滿江津昭王不樂
應侯老躍馬看君正入秦

贈祿命家馬生

布笑傳君技入神翻因儒術轉相親與君同住
熙熙世唯願江湖少異人術者挾詐驚愚往往
致亂近東吳名家子
爲之游故有此贈

夜坐

松龕繡佛一燈明寂歷林堂夜色清掩卷已空
文字障坐聽寒雨欲三更

同龍君御行部雲間戲作時君御左
還監判官

打鼓蓼蕪曉發舟半爲行部半清遊莫言江上

汲古堂集

卷五

五

塩官冷曹佐如牛喘未休曹佐如牛用
李長吉語

方船歌

月出湘江風露涼方船兩兩棹相將楚雲飛盡
天無盡一水牽愁羅帶長

赴弔鄭中丞送朱生還吳朱以善謳稱

此地逢君又別君鴈山明月虎丘雲尚餘一掬
西州淚欲和吳趨不忍聞

已酉春日酒中漫興四十四首春寒甚劇
夜坐無聊獨撫濁醪陶然耳熱偶感今昔

所遇矢口成韵拈筆隨錄聊用自娛而已
語猥雜鄙俚不倫弗論也

衡門一水接三溪東渚東頭似瀼西子晉笙臺
梅福嶼青鞵隨地有攀躋

南汎沅江西入秦梁園賓客半灰塵髣髴如此
不歸去逢着沙鷗定笑人

愛對雲山日倚樓貪看煙水晚移舟酒鎗詩卷
從吾好濯足放歌殊未休

南山欲雨雲不開草堂坐失青崔巍晚風雲卷
翠屏出白鳥一行何處來

古藤覆瓦竹穿沙竹下西鄰是酒家閒就涼陰

壚畔醉臥看風落石楠花一溪中畫垞東西雙垞家家傍綠溪決溜種瓜

文鯉上開門洗藥水禽啼

瑤池桃樹一花開人世興亡又幾迴誰信侯家
開邸第只如屨氣吐樓臺

藥嶼茅堂處處幽碧潭如月印中洲儂家家近
蓮花蕩稚子乘風解美舟

顚慢相仍不用名力桑寧羨拜公卿只愁俗客
來多事爲說山翁困宿醒

兼乘連床動萬編欲令拾筏轉茫然冥觀好擬
秦灰後獨探庖羲一畫先

何人高潔似王維贊有美詩名過項斯季谷口
子真陽今不忝歲寒三老共襟期

道韻文心與勝情每從千里覓同聲美人何幸
當吾世咫尺雲山共主盟

中歲卜居還卜鄰種松那得似龍鱗東家百尺
人言癡叔豈真癡謝傳徒云自教兒商略眼前

何物好且揮陶令手中卮

力田輸稅食爲天誰引羣操反噬權急遣渠魁

先釁鼓耒鋤不到縣門前

負暄散帙重吁嘻上下千秋幾亂離飲啄只今
忘帝力幸逢畊鑿太平時

此生幸與太平期野老時能說亂離聞說亂離
猶下淚況當身遇亂離時

夷舶漂風到海濱自來自去若無人輕裘緩帶
多方略林木先教受斧斤

買絲欲繡趙平原曾示山妻舌尚存晚向桑門
叅不二毘耶居士本無言

山風如霧掃松花石埭烟青正煮茶誰肯同僧
上方住雲根箕坐嚙朝霞

標枝野鹿更何鄉一枕空令夢上皇騰有青山
如太古今人誰復祝康桑

紫霧困困海氣蟠春殘水國足風湍雨餘忽送
漁舟一葉集

魚龍氣落盡江花尚曉寒

十日春陰羃野昏一溪殘雨帶花渾夕陽小塢
遊鱗亂新水方塘浴鳥喧

梵函未惠締初因始信堯天有外臣誤逐酒人
工兩舌已從法侶證三身

繫馬長松日欲曛縱橫斷碣辯荒墳夜臺有酒
能沾否爲問此中冥漠君

玉鞭寶馬鐵連錢曾逐春風俠少年回首萬緣
成一笑獨持半偈佛燈前

渾綠煙青沙日黃天空雙峽應鳴榔漁父得魚
鼓棹去散髮放歌溪水長

投竿閒釣石溪魚溪上晴雲自卷舒爲問漢家
何事業祇憑圯上一編書

亂山浮黛壓魚舫目緩行雲進晚汀兩岸野風
催舞棹委波千尺挿寒星

春醪獨引眼離迷勝事隨人信杖藜乘興偶然
無所詣欲尋村北誤村西

大鵬風背恣飛翰聒曉焦冥亦自寬湯何二蟲
汲古堂集

論小大十方寶剎現毛端

團團芳樾浮新綠習習涼風蕩微燠一室蕭然
佛火紅所欠山僧來共宿

少耽聲伎醉絃歌晚愛空山臥綠蘿清興莫教
消煞盡但逢村釀飲亡何

吹笙臺上雲如笠君子峰前雨似麻三日不來
池上看樹頭飛盡一庭花

十笏方池水石寬飼魚每爲減朝餐誰言魚樂
如濠上白鷺朝來照影看

襖田社鼓走兒童醜酒叢祠乞歲豐深夜言多

田父醉兩行燈火出林紅

故人過訪感離羣促鄰論文坐夜分夙昔雄心

時一露月中呼酒隔山聞

逐虜曾隨趙破羌拂廬炙血噉黃羊豐貂裘額

脂狼籍笑憶胡姬半面妝

東家娶婦鬱金香三年刺繡成鴛鴦西家娶婦

牛衣宿一歲生兒似鳳皇

疎狂祇合世人嫌何必藏名與到廉一月喜無

汲古堂集

卷三

美

三

車馬跡晚風細雨讀榜嚴

苦憶平生康聘君君一坏湖上冷孤墳追思二

十年前事悵望高天有斷雲

黯黯春愁獨閉門東林鐘鼓報黃昏挑燈兀坐

不成寐拍案掩書無一言

我家小女字平陽善病何緣乞禁方彈舌夜來

持佛母洗心曉起禮醫王

移得山花不辨名愛花長自繞花行只愁毒螫

防毛戴先向如來懺殺生

夜集王季中光祿宅賞夜合花花環列四

座數百本燭下香氣蓬勃殊快人意醉後

和季中五首

廣除四月雨初晴夜幌千花月避明二十四番

花信後殿芳應讓合歡名夜合一名合歡

合歡一朵已飛香況復千枝競素粧洗却鉛華

同號國稍留宮樣額微黃

縹蒂微頰瓣卷綃檀心香暈逐風搖中含一點

鮫珠濕仙掌熒熒露未消

汲古堂集

卷三

三

三

接葉欹風向晚披四筵花影碧迷離已教流豔

欺銀燭更遣吹香點玉卮

林香酒氣沁涼雲燭下細繡望不分新譜已看

邀彩筆素心未許浣紅裙時座客云恨無紅裙行酒戲爲解嘲

長干客舍送黎孝廉入楚後夜口占

十日連牀袂乍分夜深酒醒誤呼君應知兩地

傷心處江路猿聲也獨聞

別友人之夜郎

萬里泮河繞夜郎千山密箐瘴爲鄉月明猿嘯

盤江路不待三聲已斷腸

重過楊姬池館時姬已沒

池光如鏡含朝景美人粧成照斜領蛾眉已逐彩雲消日與鴛鴦弄雙影

臨池曾倚赤欄杆露溼銀笙玉指寒一片歸雲

閒美影猶疑月下步嫋嫋

池上簪花照影來履綦行處已蒼苔碧桃不殉

香魂去依舊春風一度開

同金元朗過傅氏舊園同賦句對體元朗云

沈氏集

卷三


三

戊蕭關一絕乃唐人句對格也因同擬一首

一番艷曲一迴新歌扇埋香舞袖塵今歲燕尋前歲主看花誰憶種花人

病中金生以相人術見訪因書其卷

行散經時闔竹扉雨中苔色欲生衣可能游戲如壺子先示巫咸杜德機



汲古堂集卷之二十三

東甌何白无咎著

鼎湖草序

縉雲之墟層崖崇巘霽霞揭日縣亘而迴複闢
若清都紫府者是爲祁仙妙庭之天洞宮石室
潛通冥廓不可殫窮積澗下委則好谿之水出
焉水上二峯標拔介立若表四望者曰鼎湖蓋
神秀之所會而靈真之都也崑崙鄭公寔產茲
土公夙負高世之度冲夷淵穆脫落塵滓雖志
存拯物而德標素尚於世固泊如也是以應物
迎機運而不宰其邁往之韻若舉一世無足以
移其神者豈非恬愉虛靜有足以資其用哉公
弱冠登朝歷試中外綜練國章鑒達治體乘理
照物動必研幾乃聲詩之道勇往獨造渾雄邁
逸直抒性靈遠謝雕績瀏瀏乎輞川襄陽之逸
軌也公嘗林居十餘年逃覽返照故其所撰結
咸得之激觀冥會之表又嘗偕余撰杖鴈山之
顛流覽諸勝所在題咏率多玄遠冲愴之致其

志操潔故託物芳興象融故鏡機徹風神爽故
寄興超造詣深故命意遠要之宵眇之旨不可
得而窺其倪也豈若輓近之習務獵菁藻縛采
以售時好者已耶公於書無所不讀至若軍國
遠圖刑政大典靡不淹通具有成謨茲集者特
其旃林瓣香香海一勺耳異日告成藏之鼎湖
石室千載而後必有龍威左元放者流能發其
秘斯足以闕公大全矣

白下草序

夫世所論次道德功能無待於言乎微言弗
見也是言者豈非緯德之符樹功之表乎卽有
振世之傑顯定宏業恢張嘉猷芳徽懋烈烺烺
流于無窮者非籍遺言而聲施益章者乎至若
苞德蘊真之哲栖神無朕游思霄霓芒乎習乎
似若無待於言矣時或契機采韻印法宣音無
不合響赴節淵淵焉泠泠焉若被諸金石也者
庸詎非天動之妙哉人將自託於玄虛沾沾於
功名或以爲剩言或以爲末技自遜其所不必

知固非通人之論也。枯蒼崑巖鄭公弱冠影綬中歲慕道出則鳳跼退則鴻冥或顯或晦弗拒弗留蓋執其道樞而遊於世者也。乃於風雅之什氣韵沉雄音節淵亮肅則玉藻冠裳古則瓦棺神鼎巧則銅儀木爲清則玄霜紺雪是編也蓋公官南奉常之所著也。秣陵佳麗自昔稱詡古跡名區往往而在而又學士大夫鴻生碩彥之所畢輳公休沐暇接席方車多所宣覽或寄棕于雅集或紀事于勝遊或觸景於撫時或蒿目於世故淪淪乎熙代正始之音也。余不類受知公最深比客公署中凡閱月間扣公以經緯安攘之略公輒爲譬說若鑿鑑之在懸鴻鐘之承簾也乃復請進于是者公之言曰萬物之微出於一機百事之根攝於一門不爲事始不爲物先虛之至也物觸則應應盡則融圓之至也寵辱不載嗜好不存和之至也不爲物散不遂境遷粹之至也嗟夫是寧獨喻于詩乎太上所謂不朽者三公庶幾其人也余之於公也猶鑿

蟲之於黃鵠也烏足以知公又烏足以論公詩
項季與名公贈言小序

丁酉歲余與季與同客長千里季與向予指酒壚舊遊處未嘗不慨然低徊久之往季與年甫二十從闔閭遡長江縱觀金陵風物遂移家焉凡十年所季與藻思瑟飈酒氣淋漓一時賢豪高勝之士爭願交季與而貽贈之什溢於絺帙然季與邁往不屑之韵豁然自如未嘗以是相倚重爲名高季與既歸臥陽湖之上手葺先叅知舊廬傍斥隙地藝松竹時花藥引礪疏池芟林開逕峭閣涼臺頗極清遠幽蔚之致汚邪蟹螺種秫居半歲了麴蘖事客至輒擊鮮行酒酒半命韵賦詩詩成擊石而歌意象簡逸自足於懷醉就美蔭卽哈臺軒臥矣不問客之去留也又十五年予得卜鄰於浦東往來季與居不三里余既與季與爲世外交復與冢君申以彥深敬弘之約烏羊繫車提壺爲禮春秋佳日撰杖相過從無間也一日季與手名公贈言一編投

余曰不佞顛毛種種請從少文一室臥遊第念
海內交好詒之篇什一別如雨俛仰夙昔慨焉
交心乃從簾中發投贈詩若干篇詮次成帙以
付剞劂竹屋燈火間命童子歌之恍若其次於
面也夫嚶鳴黃鳥則託興於高恢求匹孤鴛或
緬思於王粲司空以椅桐寓贈東阿以芳草喻
懷綢繆之辭豈獨古人哉季輿重交道敦風義
以是編藏之山中當不與金石並泐也予既覽
集中諸君子溘焉異物十居二三至若西州山
陽之感則又不獨季輿也

石屋先生詩序

今人稱詩者無論五都之市卽十家之聚亦不
乏人莫不沾沾家寶火齊而櫝珍木難標樹靈
蛇而品目繡虎首簡不必授之見解論列不必
見之精覈卒多游詞無規有頌以序求詩弗得
也以詩求人弗得也茲道於是不競矣余自弱
冠遊海內海內人士操詩者雲興霞蔚類多標
撮菁藻步趨時好卽之非不雕績華縟於古法

未有益也輒然當於余心者抑何寥寥彼其
於外燒故不足於內天機淺人欲深其不爲於
審宜也余鄉陳石屋先生少負清操授徒里中
垂四十年幾令華陰成市而玄散高勝之韻超
然物表昔人所謂宅不彌畝而志忽九州形居
塵俗而心栖天外隱不違親貞不絕俗則先生
其人也故其所撰結多清華蕭曠語瀏而不浮
沉而有致境真趣遠出自胸臆不假議擬卽象
天隨意匠有餘生動不匱讀之如吸雪山酥酪
如嚼梨瓊蔬快當何如先生雖浮沉閭右乎
吾知其拙於今而贏於來世也必矣若彼操技
取償目前者以先生眊之直蟻矐耳先生當不
以此易彼居其實不居其華蓋先生得之柱下
之旨云

湖上草序

予友季中王君刊落游閒純素之習而勝情遠
寄風藻遐騫豈不翩翩韶令名士哉季中先大
叅公治別業於陽湖湖當三溪之匯天空水濶

松古雲寒季中暇則刺艇藕花蒲叢中沿逗於
烟波沙嶼之階左摩彝鼎右披圖書焚香煮茗
脩然人外望者僂之趙孟堅米海嶽書畫舫日
吸其靈爽清寒之趣發爲觚翰合音赴節若繹
儲孟諸人逸思雋響也其取境傳情清暉映發
又如攬翠子岡輞水漣漪與月上下濯濯挹人
清徹毛膽孱弱冠交季中時予豪於酒藉以消
其坎壈佗傺之氣被酒耳熱仰天烏矢口放
歌纒纒累數千百言不得休季中亟規予曰子
所不足非才也大而無當法於何有所謂屠龍
無用不如履絺玉卮壘折寧寶康瓠子其取法
於古則古幾已予未嘗不心折其論間酒酣輒
洗洋跳盪行意自若也今駸駸過壯精氣銷亡
比卜一廬東渚山中去陽湖若衣帶時時以文
酒相過從奇詭高勝之事得與季中共之間一
諷季中湖上草覺我形穢悔其少作今且從事
季中疇昔之言庶幾若裴迺自附中允取信來
世不識季中爲我儔一指否季中篇什尚多茲

湖上其一種云

鴈山十景記序

鴈蕩於予爲家山也俛仰二十年所所屢凡六
至昔人謂鴈山旁魄遂復山靈不自愛其秘我
得濟之以勝具一月聚糧之厯得皮膚耳審是
則非乘蹻徑度者終不能窺其蕃乎予獨爲不
然若縋海者業撻昭涼明月而出無論紫貝明
璣已藉令冥搜逖覽勝有踰於龍湫靈巖之大
者乎余曩遊當其遐矚吁賦之際極欲有所述
及山口堂集卷之三
顧賦範者如彼其瑰麗此則方幅卑卑兩者不
相值而難於名狀輒憚而止已從它所見紀載
政不必雅馴及稱所經歷犁然有當於予心乃
復自悔曩卽不文豈不賢乎恣恣夢境耶王昭
文文學嘗侍其先公駕而邀乃撮其大者得十
景歸屬婁生圖之毫素持以示予予披閱數四
喜其赫蹏僅盈咫而所挾甚弘予乃置身其間
若可覆探也者豈古人所謂撫琴動操衆山皆
響者非耶乃知予嚮也動與物交謀於目者其

機淺今也靜與物遇會于中者其機深圖之不可已也如是夫退而抒其昔所經歷撰爲十記卽不文弗論也乃若丹青其舌組繡其詞則有國初李著作五峯先生諸記在

送劉長孫將軍守備三江序

予弱冠操觚爲韻語雅習里中劉將軍恒山先生先生目光如炬神鋒奕奕顧盼燁如也於書無所不淹綜援筆數千言洗洋自恣符采渙發舉其節則淵淵悲壯慷慨沈雄時推執牛耳不得不歸之先生先生固無所讓也先生世將家子乃於珠鈴金匱捫闔竒正之秘靡不心融神會乃復練達當時之故務叅其變先生所負既瓌竒意氣務上人盃酒淋漓稱說天下事鑒鑒中窾會文吏或以跗注易之先生輒瞪目直視而或佐以排調譁浪卽其人形色不堪先生夷然弗屑行意自如也於是終其世與時相枘鑿時長孫爲子侯方髫年有異質日記誦亦萬言一日先生詔而謂之曰夫子也先世以徽烈昭

宣於時豈造物者獨嗇於予邪或謂乃公竒於數乃公非竒於數而竒於人也使乃公稍煩而趣功名之會無論萬戶侯卽持梁刺齒肥懷黃結紫豈瞠乎人後哉人我易之我故難之人乎何尤予之不能爲籙條猶直不可以爲輪曲不可以爲矢天寔命之矣雖竒於人而寔竒於數哉小子勉之矣長孫旣勝冠襲爵服世官才名輒駸駸起長孫藻思閎瞻綽有父風而清華冲婉不啻過之淵靚玄遠之度望之令人意消文吏間有易之者長孫弗之忤稍與之周旋覽其風期韶令文采葳蕤不自知其色降意下已復扣以軍國大政長孫輒又纏纏中機中權不必得之故習而量劑時宜較若懸衡始易之者而終內自責似若無所容者於是諸縉紳無不交口劉君也者國士少雙洎從事主衛篆則衛事效主芻粟則漕事效甌三垂踞海爲越最要區脫槍纍不戒唯倭是虞頻年以來弓無解檠矢無離箠氣稜廓清而武備特奮者伊誰之賜哉

實長孫居中堅勞苦董振功居多當事薦剡凡
妻上遂擢楚三江守備誠行有期在事諸將佐
以余名世習長孫乃以贈言見屬余野人也烏
足以圖當世之務卽終日言固知無裨長孫囊
底餘智也雖然予雅好游足跡半天下比從關
洛出西塞黃河源委大漠莽蒼壁壘要險土俗
羯羗士馬勁弱間從諸宿將稍習之竊謂當今
西北策虜東南策倭九邊當天下勁兵處割縣
官財賦之半以事邊雖政有張弛而將士思一

汲古堂集

卷二十三

三

三

當匈奴以自見者在所不乏且遘胡運式微角
崩乞款我得以表餌羈縻之嚙梨則與款跳梁
則接戰戰款之權實出我握日本思內訌非藉
風汎不得竊發我瀕海險隘在在戒嚴戈船樓
櫓時而修繕蘭鋤渠犀時而飭治將領兵士時
而汰練勞逸之勢我亦得而主之至若當今隱
憂計無踰於楚者楚自蚡冒以來修其車賦與
晉更霸門戶庸蜀襟帶荆吳昔何充亦謂荆襄
重地得人則中原可定失人則社稷可憂矧當

今爲

肅皇帝湯沐邑頃承平久武備寢弛余嘗浮漢
沔窺鄖襄顧城無完郭士唯空拳罷敝已極夫
憂人之憂者則策周而形著憂人所不憂者則
策拙而形隱先事設無衣袂之防一旦緩急如
禦侮何邇者撫臣失馭獷宗干紀足爲寒心長
孫倘不以蘆食之言爲迂吾知長孫足以辦楚
矣先將軍未寃之緒長孫將昭宣而昌大之剖
符胙土皆異日所有事楚其基乎顧余之精日
銷亡不能據長孫左席通觀其盛卽勒銘賀蘭
則長孫又善觚翰不減孟堅越石輩又無伺於
余也庶幾他日告成之後余爲長孫西向華庭
仙門間酌一鑒落以告先將軍地下可也長孫
勗旃

博古圖序

爲司理吳公作

粵稽玄始沕穆之際邈焉不可攷已洎乎列聖
繼作比象制物以通神明之德故軒轅氏範首
山之銅告成表端上賓於天夏后因之貢金九

牧圖以神姦明民牖俗俾入山林弗逢弗若鹽
茲以還物采益章厥類滋備故載味異調登實
異品於是乎有雉有雉有鈇有鬲有卣有壘之
屬靡得而勝原也以之用媚上帝則休明馨香
以之有事嶽瀆則靈貺斯洽以之祀宗廟則薦
禧以之錫宗臣則宜烈以之供燕饗則上下惠
和秩秩乎期協于禮以度其典則豈細故哉大
適房烝小適穀忝忝稷粿餌醇酎明水莫不有
宜昭其用也天子以金其數九諸侯以銀其數
七大夫以銅其數五士以鐵其數三昭其等也
陽園而陰方三足爲公象四足爲輔象昭其形
也夔龍雖形雲雷饗餐昭其義也蟲魚其章或
銘或頌以告戒於上下昭其訓也旣而世降政
熄禮樂廢墜先王之重器日就湮沒後迨有宋
宣和間君臣嚮於豫樂欲以文具飭治盡集三
代之器實于御府溺志不返卒淪於敗亡嗚呼
使能炯戒於滿溢酌中古之禮而修明之寧有
覆餗之虞哉第所刻博古圖款識形式總總悉

備默而存之足企建古基隆之治豈徒爲博洽
賞識者之所資耶予旣讐其謬刺復以考玉圖
二卷附焉噫夫有國有家者卽先世之冠履弓
矢莫不卡襲以示珎秘矧先王之重器禮樂軌
儀於是焉出昌言法語於是楷模其可不務乎
若曰玩物溺志將以宣和之遺燼沃其膏而熾
之也則余之罪也滋大

無盡法師五十壽序

萬曆歲在攝提上巳日余偕臨海王伯無入天
台從金地嶺訪無盡師於高明寺寺爲智者大
師談經故處也環峰崖寧韜霞限日幽谿之水
瑟瑟東注水上古木蔽虧盤石蹲踞師爲品目
題詠得景十六乃一一引人着勝地流憩欣賞
就石上支茶竈烹茗標會宗趣泠然若蛻凡
骨而挹靈氣第未知與昔人匡山東林龍門水
西之游何如耳已從山陰度羅剎江而東每從
精藍名剎晤對高流韻士輒津津談茲遊若喫
彌勒泉八功德水出齒頰間一洗從前現在塵

垢或獨處稠濁中遙想而存之若已再升者已
閱明年爲師五十誕辰師上足正路若而人詣
余乞言爲師壽余竊謂善逝以三身乘運顯化
不可殫極世出世間非來非往寧以刺住爲重
哉乃菩薩有住劫者以弘誓慈願爲津梁願出
一切於業海渦漩中渡盡乃已彼且視千百禩
直彈指剎那頃非若熊經鳥申迴黃抱紫貪生
引年者比也師爲龍丘著姓生有異徵少不好
弄弱冠警敏絕人每於教典了若夙習時妙峯
和尚宗風廣暢爲人天師師從剃度深爲和尚
所器畏已而潛修密證載離寒暑於天台三觀
單複之旨十境互發之論深入諸祖精髓冥契
圓徹廓然無倪其負荷用壯寔台宗龍象哉師
既嗣法往哲已復建立玄義普惠學人東南資
叅者雲集請師悲悔師輒爲捉麈尾演說妙義
譬彼渴者之挹河無不隨分滿足故上足若正
路輩願師長生久眎建大法幢轉大法輪永爲
醫王能續慧命者其愛戴爲何如徵言爲壽胡

可已已也夫師已超無漏出息入息不染塵累
不居世中安所謂壽者相然以無上之資遠紹
台教垂絕之緒下度未來無量有情其弘誓慈
願故無異菩薩住劫者是則恒河沙數阿僧祇
劫皆師之年也豈以人世百千禩爲限耶於是
諸上足和南讚嘆謂余爲知言方展帳將命中
山氏客儒者從傍譟曰吾聞西方聖人屏棄華
縵衣糞掃衣炫耀纖麗之觀於彼法中所不載
也今也素池赤緣雕績逼皆無乃蓋乎余曰不
然余聞如來國土七寶莊嚴華鬘瓔珞充滿其
中以彼視此直蠶口蟬翅之末耳奚其華
燕越壯遊序送韓子棊還白岳
夫御氣馭虛乘躋徑度汗漫九垓揮斥八極脩
然而逞條然而來至人游也是爲天游采真扶
勝冥搜逖覽栖神名岳放志靈區高逸之游也
是爲勝遊量形度勢營沙聚米洞營利害區分
要險出奇喜功弔詭畫筭國士之游也是爲壯
遊子棊少懷奇抱長負高情好修俠節高世之

行雖其托跡酒人乎而雅不廢游故勇往不屑之韵豁如也曩高將軍之有萬全之役也子綦實爲將軍布衣交子綦杖馬箠匣三尺起從之出上谷適幽州登涿鹿渡桑乾討軒轅之故墟覽召伯之舊蹟邊政興弛虜情虛實子綦靡不與聞焉當其受賑振旅推牛釃酒僚佐上壽賢豪稱觴子綦獨兀然據左席衣岑年冠側注正襟獵纓風論超超四座莫不灑然改容易聽也然子綦終不以貧故而招權利割錢刀以自徇

汲古堂集

卷三十三

七

三

於是將軍稱子綦長者益善遇之無何將軍提兵甌括間子綦亦周旋靡有間日與登樓櫓望島嶼超然有挂弓扶桑意將軍顧子綦奇男子間有所建白不難樹尺寸子綦適然弗屑也一日謂余曰不佞將歸隱黃山白岳間子其爲我述吾之所之燕越之跡可乎予曰唯唯余觀戰國游士之習類多操短長縱橫之術揣摩世主傾危曹耦莫不低卬榮利浮沈珪組至若魯連之蹈海淳于之辭封虞卿之捐相印莫不嘖然

泥淖蟬翼利達距其節概非大有過人者何以若此子綦庶幾近之矣且予又聞至人奇士往往游戲墟埃之表以自放然後歛其揮霍之懷冥栖一壑遊神于憺今也黃山之顛白岳之頂丹池藥竈靈跡宛然悉爲子綦天游勝游之資乎予嘗約庚生潘子仲權程子仲嘉汪子狎長兩山子綦其預拂片石遲我否乎

高行之將軍鴈山圖序

異日高將軍嘗閫司武林矣時屬疆土乂安上

汲古堂集

卷三十三

十二

三

下和洽日集賓客載酒西湖低迴伍胥武穆祠下徜徉六橋三竺西陵南屏間泠然善也衍衍焉忘返遂爲西湖長已而叅戎甌括建隼于甌復爲鴈山長間與直指觀察使者行部流覽其下神罷爾而弗懔懔然自失也歸而語何子曰始吾之奄有西湖也其樂洩洩今吾之奄有鴈山也神規規而弗融若其洞壑鉅麗之觀風泉靈籟之觸非有易於吾耳與目也今吾之意似若不能醺然於吾者其義何居何子曰今夫

毛燭夷光必也施之以丹素熏之以薌澤被之以雲縞霧縠爛麗較好望而知之也若夫煙客雲侶必也飮以青精餌以黃獨加以方袍斗笠高逸修古望而知之也西湖之勝蕩以靡君侯出則具樓船陳聲伎是則以丹素薌澤雲縞霧縠施之麗人也固宜鴈山之勝絕冥介立奇削而枯槁君侯出則下吏除道郵人供帳鼓吹鹵簿林壑爲沸是則以丹素薌澤施之方士而復饗鸚鵡以牢醴鐘鏞也無乃左乎是以君侯始則衍衍今則憬憬也將軍撫然曰有是哉乃介吾友楊木父圖其厓略得景二十木父少有勝情歲必撰杖茲山宜得之精若胡寬作新豐阡陌閭巷井井如畫一耳異日者君侯縮鵲印談笑尊俎間暇則展此圖撫琴動操衆山皆響恍若挾我二三子肩鴈厲屐獻歌其上豈不愉快耶何必從赤松侶黃石餐霞辟穀然後稱高哉是爲序

林孺苞憐藥草序

往予遊赤城獲納交三子焉爲林子孺苞金子仲玉王子伯度也彼三子者咸負韜世儔俗之氣而藻思淑射濤涌逆走橫擊奔放不可禦日與揚扈風雅之旨訢然賞會莫逆於心三子謬推予執牛耳予竊自謂爽俊高華則異孺苞悲壯忼慨則異仲玉幽譎新奇則異伯度兼撮標會予則時時有之三子亦以予爲知言於是修盟於無漏園願以第一義相砥礪已而三子上公車皆不利一困於綠林再困於河伯三子生同里交相驩其坎壈拓落之遇亦略相似而孺苞復罹父兄之戚樂樂不勝衣日手一編反關謝客則與二子稍異也時予亦策羸馬從塞上歸精日銷亡息影桑陰竹浪下時望飛雲流月以尻輪神馬游三子神情間恍若遇之也比孺苞走一介以書抵予曰吾曩質所業於吾子吾子陳義甚高期吾能至所必至今者天以蹢躅厄我又以疾病重厄我乘日之車問塗萬里安望其警昔日之志耶將哀其大都且授剗

子幸爲我序首簡予旣深悲孺苞之困厄已讀
孺苞詩又未嘗悲孺苞之困厄也夫非衣氏所
謂諸天著樂不暇精修人懷慮危可趣正覺孺
苞當盛年擢高科藉令繼取一第如類拾雍容
細旃之上俛仰交戟之下含豪未竟而諛者在
傍安得侘傺沈深之言而稱之能極其變以臻
其所至乎孺苞復深於名理乃時拂問棘園一
片石寂照澄觀昔之所遇時而擅個時而悲憤
美人香草之思邊馬河梁之憾雖逐境輟轉於
吾前此中未嘗有動也故其詞旨溫穆和平可
以諷咏可以管弦庶幾風人之致也此天欲先
昌孺苞詩道耳豈欲終困孺苞哉孺苞行奏牘
金馬門將令天子發飄飄凌雲之思是什也其
爲陵陽之璞乎幸并爲我語仲玉伯度今
上行且前席問公等皆安在

孫雲巖先生偕陳安人齊壽序

予讀太史公書至陸賈傳未嘗不想見其人賢
且智智且達也夫當陸生時中國宛轉鋒鏑之

下唯趙他嶠疆南越乃陸生奉璽書狎之如狙
公鷗鳥能令雕結箕踞之長奉約束惟謹而漢
卒不加兵于越而越父老子弟終其世不罹鋒
鏑之苦者生之力也是則生之辭令賢于百萬
甲兵天下旣定生獨優游好時之上出橐中干
金裝治生產歌舞鼓瑟時過諸子擊鮮供具以
娛天年何其達也越千五百年而得其似者則
雲巖孫翁翁其人也翁嘗爲南越保昌丞保昌固
尉陀舊國也時禾金貂璫四出境上璫虎而冠
賜張益甚郡邑長逞逞以不如指逮詔獄守令
威人人危彼中父老子弟不勝誅求幾成脫巾
之禍翁獨毅然身任之奏記兩臺陳晰利害中
機中權兩臺深加器異悉以調劑委翁翁謁中
貴極陳不便狀詞侃侃無少撓中貴色沮開采
之役遂中寢越民欣欣更生其事之偉吾未知
與陸生奚若時當路諸公無不交口保昌丞賢
薦剡交上旦夕且有卓異徵翁顧夷然弗屑斐
移書告致竟飄然歸臥故里中乃以暇日自逸

於風泉雲壑間時飭尊疊召舊所習賓客爲高會不至丙夜不告饒其達之旨吾未知與陸生又奚若翁少以文學傾邑庠生已游太學又傾太學生尋拜鴻臚序班益能于官一

扈從幸壽宮再侍

經筵又再侍
諭祭壽陽長公主屢錫白金紅綺皆稱異數秩滿外補江右峽江簿政績懋昭既遷保昌丞其措注之大又章章如是時薦紳或以翁非科目

源古堂集

卷二十三

三

三

稍易之及聆翁敷陳時事援古證今鑒鑒名理每爲傾挹不覺席之前也南海令山陰王公當代知名士時對抵掌未嘗不心醉已又曰夫夫也者生遇右文之主雍容交戟之下其論列敏給豈盡出陸生下哉蓋爲名流所推重若此翁既脫屣仕路日與內子陳安人爲德于鄉三族之鄙恃翁以舉火者若而人兩造之爭藉翁而敷口者若而人甃道繕梁無虛歲指困捐橐無虛月黌宮久圯則首倡義以新之前後邑長式

翁廬兩借蜡賓爲倚重翁丈夫子五六人類皆韶令溫文蔚爲國器諸孫十二森然玉立每旦上堂問起居肅如秩如居然萬石氏家範今歲十有一月十九日爲翁七袞初度辰而陳安人亦一週甲子矣前一月二十日其設悅辰也諸親友將謀登堂爲翁媪壽乃以辭屬予予竊謂曩陸生引老於家適諸呂用事劉氏幾殆而陳丞相絳侯卒用生策社稷以安生亦以是顯名當代垂勛竹帛孫翁生邁重熙累洽之朝衍衍林下卽有奇謀石畫顧安所施乎翁將苞其未究之以遺後裔其未享之祐以養身其遐算繁祉寧有涯耶卽百齡未艾也夫擬人者必於其倫予讀陸生傳而有概于翁故爲論列如此且用是以爲翁壽翁其驟然以爲當否

戴元統西閣草序

夫瑤臺石室仙的神靈所以資玄真而鍾神秀者詎非孤標絕溟而遠隔湫濁哉金膏水碧風實雲子太上之藥也以其苞質清虛凝液英華

故能立斃凡骨而銷塵滓若夫高人貞士希夷窮岫冲漠中林舉則鴻冥處則矍伏引嘯則神驚叶音抒藻則雲龍彎彩方將玄覽霄霓鬱滌氛垢何可舉世而無若而人哉不圖輓近而得之戴山人也山人家在天台鴈蕩間壁臨靚深山水明淑夙具傲骨長負勝情鹿牀豹席取暢恬寂一區之內曠若九州十笏之居冷然五嶽且復几饒異書帳餘秘秩長日閉關終歲托疾上自漢晉以訖三唐旁及眞詮梵笑無幽弗詣

少異時而嘉州而有逾冲五七言絕故自濯濯各臻其妙七約則東阿陪乘景陽分鑣要之清真閒曠情與景會景與心融不斲合而無不合其入於道而出於技者乎山人又言嘗携五尺童遡巖瀨泛西泠覽虎丘登金焦北固從大江抵建業縱觀諸勝快然自足懷刺宇滅盡而竟無所詣已又南謁武夷君洄沿九曲仰睇三十六峯若可拾束腓行淺瀨中水風激激蒲茸蔥蒨如紫烟擷而餐之腹爲果然遂寄蹟名藍凡三月人莫之測也其嘉尚足可想已余業謝墟埃逃之蓬蘽行將尋山人瓊臺石室間共證玄真以營大藥乃拙其緒而卒業斯道藏之各山汰濁揚芬實有望于山人也山人將無驅牛上流而避我乎

送樊伯子遊燕序并詩

樊伯子童牙味道慕景倩紫海之游綺歲采眞追陰生青城之躅邈塵區如螳埴竦仙轡於霞標隘滄海若蹄涔濯靈襟於天外夙招勝侶爰

叶高情蔭芝蓋以遐騫縹緲糧而邀覽訪文始
先生于青羊之肆尋四目老人于白鶴之峯或
探易於醬翁或授方於帽子仙仙乎仰白日覩
青雲不遠矣已而情牽維梓未忘彩服之娛詩
咏采芹更與青衿之選多歷年所坐捐盛時譬
彼享鷄居以鍾鼓節鸞鳳以樊籠豈所安焉非
其質矣於是撫往日之可惜慨白駒之易流悔
腐鼠之誤人命文螭以騰駕從吾所好無假太
卜之龜舉世何常寧待邯鄲之枕還吾故物一

庚子集

卷之三

三

三

肩則月清風濟世大還半鼎玄霜紺雪遊朱門
若蓬戶向柳巷覓真人豔說長安莫不向西而
笑湯遊朝市方知卽俗爲真花外車聲會見兒
童迎邵子壺中藥餌莫令女子識韓康爰寫離
悰用拙俚語敢附霞籤雲笈聊伐芳草疎麻云
爾君昔思冲舉冲齡道骨成瑤笙聞碧落石髓
嚙青城寶籙龍文細銖衣鶴背輕玄心冥俗諦
塵謁綬霞征仍灑金壺汁還尋玉杵盟洞宮虛
列姓終掖困諸生長嘯醒塵夢狂歌薄世情飄

飄烏帽側抖擻白衣行仙窟懸人境神臯指帝
京公卿迎薊子河漢問君平大藥能蠲疾雄談
坐獵纓武皇方好道應識歲星精

送古予上人入吳請經序并詩

幽谿有門法師以智者絕學倡東南則古予我
公其上首也絕若寶山晬焉滿月吾知其容相
也六龍獨象巨霧曩屬吾知其負荷也玉府珠
丘龍堂貝闕吾知其苞籀也玄霖甘露香飯醍
醐吾知其法施也飛雲流月野鶴欄泉吾知其
無住也予嘗夜宿高明朝登佛隴則古予偕焉
放懷寥廓朗咏長川笠影卓天悅挹化人於琳
館策聲鏗洞疑追若士於鴻濛紫氣紛郁乎霞
標赤縣規蘇於華頂眠八鴻如縈帶望三壺若
聚沙掉臂一辭於茲十稔歲當玄默律應素商
公將浪拽越來指塗江左木奴丹而洞庭波楓
葉紫而吳江冷至若山名海湧峯號支硎靈巖
乃館桂之故宮北禪是戴顓之舊宅又若龍蟠
虎踞之勝控帝里於鍾陵獅子牛首之奇莫神

庚子集

卷之三

三

三

舉於天關臺雨花而說法山有草以攝生斯竝
高真之靈嶠僊逸之玄岫也吾昔友者彼有人
焉乃若百谷校書凡夫高士簡栖才子東生寓
公莫不字挾風霜胸吞雲夢雄辨標雕龍之目
麗藻掩碧雞之辭咸鼓柷於玄津早殂機于世
驚或示淨名相則青蓮爲金粟之後身或爲隱
居服則德耀從伯鸞而高蹈品目或表奇于流
雪琬琰或紹美于頭陀孤情絕照則道猷無忝
其徽音標舉會宗則安石定賞其儒逸談塵注

汲古堂集

卷三十三

三

飛流于雲母靈詮滙衆派於谷王公雖以采真
尚友爲奇遊乎而尤以闡教請經爲勝事也餘
綿漬蘂悉輦寶葉之文瑤匱錦函盡發蓮華之
藏皮之精舍廣示迷津豈非無上之盛心希有
之弘願乎故覺華長者得授記于定光空王如
來亦印心于寶手皆因造藏得臻果位補處作
佛非公而誰于寔顙蒙時沾法渾每象融於適
意無得而稱恒神契于忘言相眎而笑東林法
席未寒白社之盟孤嶼離筵聊擬碧雲之什錄

之素楮用代疎麻性海真如藏虛空不可量師
將一芥子盡納須彌王耨池攝衆派帝網灌交
光寶樹枝枝玉沉榆辦辦香爲霖同一潤立表
眩多方法苑開精舍天花積講堂驚桐委夕露
餘菊抱晨霜日出乾城隱雲飛覺路長會看龍
樹返娑竭指津梁

送莊令公入計序并詩

夫詩本緣情情生于愛愛斯思思斯永洵德澤
之入人信金石之匪固也故嘉穠繁滋于烏鹵

汲古堂集

卷三十三

三

鄴中興時史之歌紫雲鬱術於庭階洛下紀石
卿之頌益部借文翁而更化冀方藉皇甫以寧
居鄧攸挽不留已縣思于吳什叔度來何暮亦
繹韻於蜀謠于公歸東海之祠石氏表臨淄之
社豈非物情之所嚮今古之同歸乎於鑠莊侯
寔鍾靈氣苗裔啓楚芊之始賞瓜瓞綿延陵之
舊墟邁跡華宗光昭前烈才華揆日振鴻藻於
江東精氣干霄燭龍光于斗畔劉家羣從盡握
靈蛇謝氏諸昆俱標繡虎蟻封盤駿荐魁莖榜

於兩都牛鼎燁鷄暫試銅符于百里維茲甌土
越在江垓羅九斗於鏡中封一丸于掌上城頭
瑞鹿似夾鄭公之車天際飛鳧忽下王喬之舄
侯正身執物虛已推誠躬叢脞而弗辭恐一夫
之不獲疾邪憤惡恥斯民不爲三代之民錯節
焚絲綜國政爲一家之政至若清裏冰映雅操
霜凝公儀以却獻稱賢子罕以不受爲寶園無
鹿之可瘞壁有魚而長懸賢畏人知縮令客覩
其廉介有如此者又若明懸秋鑑朗徹冰壺燭

夜古堂集

卷之三

三

三

幽不假乎著占摘伏何煩於鉤距壁分倍厚去
予咸得適其從鏡亦何心妍醜莫能滑其質人
稱詰匠邑號神君其明啓有如此者迨乎煦如
冬日熙若春臺陳太丘之賞激人倫謝法曹之
獎成齒頰吹暖律則寒沍敷華假順風則穀雛
振羽展也藹藹令德溫溫恭人其豈第有如此
者或析楊臥草慈操不害之文獄櫓生桃仁洽
無刑之化邵農等賦版圖成畫一之規清詭銓
徭逋蕞詘朝三之術用是俗熙郅治運洽蒸隆

擊轅聲播於三農講德詩賡於四子茲當展觀
夙戒脂車蕭條去日之圖書伴侶來時之琴鶴
九重錫命已屬穎川萬姓懸情難留河內白窪
衡鼻士下澤疇人食土之毛拜誰之賜既誨我
子弟復長我黎民周穆荷下榻之榮任棠乏拔
靡之喻鑄徽揚懿不辭身化貞珉戀別銜悲聊
假口爲石闕何以爲述詩不云乎肅肅者鳧言
北其羽維戾于征亦莫寧處朝發于滄夕宿于
渚嗟我懷人褰裳伊阻江之悠悠不可以厲舟

夜古堂集

卷之三

三

三

之搖搖不可以濟憂心如熏昭焉增喟右紉紉
我絲疇其緯之膺膺我疆疇其壹之侯之來斯
孔明孔微玄風藹藹甘雷祁祁蚩蚩齊珉是徠
是綏翹翹皇士是式是儀我稼既登于何弗粥
我卵既翼于何弗育何以祝之邁爾百祿又何
復之介爾百福於赫君子民之明牧右於昭明
堂計此萬方萬方來同車服斯皇明明后辟倫
物用彰顯顯君子嘉猷孔光施奕五絲備言錫
命受命于天克之斯聖受命于地植之斯正欽

哉欽哉民莫不敬。天子曰咨嘉爾良宰。孰令
我民既壽且愷。玄澤滂流。荒于東海。其以翼予
曰女亮采。累繡纓。懋茲無怠。九山巖巖。表于
邦國。企其齊而惟侯之特。惟以永歎矢之無斁。

東園詩序并辭

樂成東臯之趾。有隱君子東園倪翁。隱居在焉。
居之東爲圃。凡數十雙。藝蔬蒔藥。旁列松竹桃
柳之屬。激澗引流。日伍園丁。抱甕荷鋤。爲程令
勸。則挾冊鳴鳴而哦。或撫古瑤芳一再弄。脩然

汲古堂集

卷三十三

三十三

三十三

游物之表。有以自樂也。時邑中鴻流高士若朱
蕩南趙侯齋章千峰李后峰諸先生咸以聲詩
相上下。彪彪稱盛雅。慕翁高逸之韻。納交定人
外契。良時萃止。翁爲湘葵。蕨拂尊。蠆班荆。桑陰
竹浪之下。清言移日。或撰杖東臯之上。頽眺五
雲玉局諸山。若波濤起伏。大壑中或刺扁舟。沿
月兩溪之渙。擊石放歌。夜不丙不休。興至則探
韻爲詩。鎬然中琴筑。客去則枕襪。襖臥于于徐
徐望之。有古逸民風。翁旣長往。諸君子亦相繼

汲古堂集

卷三十三

三十四

三十四

化去。惟餘篇章墨妙。裒然成帙。一日翁伯子曉
江君携冊以請曰。茲所謂東園之什。徵諸先生
之寵靈。以光被先子也。者。唯執事賜之序。足以
不朽。先子譬彼始以雲門。亂以咸池。夫乃不可
乎。予慨焉歎曰。夫東園之爲圃也。其游觀不過
薑畛芋區。桃坪柳汧之爲適。非有梓澤平泉。瑤
林華池。金埒之瓌麗也。其寢處不過環堵窪衡。
鹿牀豹席之爲安。非有波樓月榭。藻井蓮礎之
詭異也。其適口不過茵飯芋魁。濁醪清薺之爲
甘。非有鰕胎爵騰。桂蠹之膿臙也。然而平泉梓
澤。種種珍奇之飾者。轉盼之間。幻若蜃市。燿如
電光。惟淒寒。蠶枯木。蹲鴟而已。迴眎翁之東園。
世有其業。林樾若益而蒼蔚。畦町若益而膏腴。
絮彼較此。詎不大相徑庭。矧遺言之煨煨乎。予
旣慕翁之爲人。不及見。復讀諸君詩。撫焉有概。
於中也。語不云乎。惟桑惟梓。必恭敬止。故不辭。
爲役。若曰志吾思而寓之辭耳。辭凡三章。辭曰。
若有人兮。圃之東。蔭石泉兮。巢雲松蔚矣。匪豹

今淵哉匪龍命飛鴻兮曷不我從羗思君兮我心鬱懣圃有澗兮澗有芷寒泉汨汨兮白石齒齒赤虬兮曷不我俟羗思君兮我心勞只圃之人兮今焉適兮父析薪兮子寧弗克兮羗思君兮我心惻兮詔來裔兮曷其有極兮

誄德錄序

上饒王侯治安陽之三月政化大行捷於桴鼓舉百里內外融爲滌漉禎祿煦煦焉灑灑焉無論品物生遂卽斷梓無不若蒸出菌芝也者於是士頌于庠商謳于市更老扈駿鼓舞於郊遂之外其神明變化之速前古未有也凡再閱月方篝燈乙諸士子交俄疾作擲筆而逝舉國縞素若嬰兒乍失慈母之懷易頌爲誄士哭于庠易謳爲慟商罷于市更老扈駿易鼓舞爲擗踊磨而號咷于郊遂之外其哀慕盡傷之深前古未有也邑掄其素惟一裘一葛無長物於是士民益感慟曰侯儉其躬而勞吾民固若是乃驟金爲賻不閱旬得數百鏹而羸或曰是定似報

汲古堂集 卷之三

誄

三

侯已諸文學曰未也之人也之德也弗崇祀名宦豈所以樹風聲勵政教也哉采其行事請之當道當道可其議卒修祀典如故事或曰是足以報侯已諸父老曰未也侯雖永光俎豆乎然未有專祠何以詔我子若孫弗諼之思已而庀材鳩工不三閱月而祠成翬飛雲構肖象而事之罔敢弗虔也蓋其入人之深之若此諸文學已復哀諸莫章及哀輓歌謠請祀公移付之剞劂題曰誄德錄既成編乃以首簡授余余鄰氓也寔啁洳河潤烏容以無言已作而嘆曰嗚呼異哉昔朱邑殉就吏民葵桐鄉王渙絃歌薦食祀洛陽史起尸祝鄴歲穰文翁廟食蜀教昌中牟歲時社仲康清河老人泣世良彼皆縣以季襁長我子孫漸摩淪洽通底于成固也寧有治效若侯如是之亟疇非賢喆之用心遑厲前古之烈者乎余旣異侯過化之神而復嘉與爲侯之士民者好德之良庶幾前古直道夫天下理亂係于是非之昭沕而已是非詭隨亂乃滋甚

汲古堂集 卷之三

三

三

如世道何余觀安陽人士秉彝之天居然三代
典刑也詎不于維世康俗有利賴耶嗚呼是編
也亦足以爲勸戒已故不辭而僭爲之引

汲古堂集卷之二十四

記

東甌何自无咎著

鴈山十景記

能仁寺

自樂成東行八十里抵四十九盤嶺踰嶺由筋竹澗過行春橋拾級數十武拓而爲寺曰能仁爲十八叢林首刹也寺左一峯聳拔天半白雲英英冠其頂故名常雲寺后芙蓉峯若負辰而戴辰火焰諸峯環而銜秀於堂廡之下火焰刻刻上尋而色微紺峯下置巨鑊焉或云取厭勝術以泄鬱攸氏餘烈若蜀之刻石犀以鎮水惟觀名屬玉以禳火災耳下有鴈渡堤經行峽燕尾泉下培潭諸跡類皆清蔚鴈山諸槩咸雄拔瑰麗故以峯泉洞壑勝茲寺四山映帶若剖千葉青蓮中而建寶王刹故自沉沉幽邃遊者自大荆來首歷石梁次及靈峯諸勝耳目眙愕厭飫之餘眈此似若落落無奇者余友楊生強爲

解謂諸景若散聖神通遊戲變現霞謫波詭種種惟異彼以常雲一峯上黨於天爲衆山父若如來不動尊自足屈下諸奇也余謂若爲茲寺左袒非篤論然遊者自茲始後及諸景斯得顧虎頭啖蔗法漸入佳境耳

大龍湫

朱蕩南先生龍湫志畧云湫水合四山谿澗爲巨淵淵側石檻有龍窟深黝不可測檻中作微凹削壁數百仞水從凹中瀉下望之若懸布隨風作態遠近斜正變幻不一或如散珠如驟雨如飛雪如輕烟或飄轉斷續或左右飛散或直下如建瓴或屈曲如蜿蜒或細瀉中琴筑或大注撼震霆種種奇態不可名狀余讀之灑然神逞前後凡三至顧瀑水雖多奇第不甚警朱先生言意先生文人好奇多溢語耳萬曆丙戌冬余偕東吳朱在明撰杖往晚至能仁寺大雨陡作夜分乃已五鼓枕上聞空谷風水聲若百萬戈甲相摩戛余攬衣趣諸君行凡三里至錦谿

谿石如砥紋理璀璨碧流寒駛陽景媚之光益
瑩徹清沙的皪綠蒲丰茸班鱗文雉上下若乘
空信如白地明光五色纂組耳山閒寂如太古
微聞石上拄杖聲稍進山翠益逼皆天無游氛
不雲而雨已乃知湫水濺沫也再行三里許一
峯當中流上千數百仞垂杪而岐曰剪刀兩厓
亦陡絕雄拔小立寒嵐淒清益衣而進谷轉耳
根淵淵若聞輾萬轂過馳道中足底蹶蹶爲動
客皆大叫稱絕奇仰見瀑流與風相鼓翕俄頃

汲古堂集

卷三十四

三

三

萬態忽中爲風所遏半壁嫋娜久不下忽風從
下揭輒夭矯若玉虬騰擲空外忽勁如萬鏃注
射人急走避詎那菴瓦溝若跳千斛珠檐端懸
溜如秋雨亭午風稍和日腳穿雲罅斜映高壁
彩虹數道絢爛炫映余偕諸君扶掖憇瀑後厓
中剝若半瓠瀑布前挂水色與日色相盪摩如
坐石齊奴紫絲步障中眎人面咸有異色作青
紅熒熒不定狀朱君屢引舩船遮醕客咤爲生
平奇觀余於是知蕩南先生言非溢猶恨其不

盡究也夫瀑一而已風與水交相濟則山靈不
自愛其奇或水壯而風殺風壯而水縮咸不能
窮湫之變惟所見適遇適不遇耳予嘗聞登岱
宗不見日觀非遊也然日觀非極晴明不得見
陰雨暄零春夏六之秋冬三之已霽而登登而
或翳已雨而阻阻而或舒於是登岱者十不一
觀焉信遭之不易也余於鴈山非不數數也於
茲始睹湫之變微龍山靈良腆哉

靈巖

汲古堂集

卷三十四

四

三

予嘗謂造化之於物曷意哉若水之觸石也不
得不澎湃湍洑風之扣牝也不得不調調刁刁
松韻之於簣也雫蒸之爲霞也造化於物曷容
心於其間乃於靈巖裝綴之奇位置之巧又疑
造化似若有意也者靈巖外戶固無奇兩厓壁
立若闢嚴關稍入萬峯林立中拓而廣足量萬
牛而諸奇畢萃焉背懸巖屏展橫亘二里許半
壁爛爛若五雲曰平霞障障之趾清曠若步廊
者曰安禪谷左右天柱展旗二峯爭雄競爽窮

目之力不盡其妙已而崇峦恠石林林總總售
奇效靈於兩廡間令人目謀心會應接不暇左
峯之巔有石若累丸者曰紺珠方堵若設屈戌
者曰石屏展旗之腋有洞甚深窅捫葛而上人
憑石檻若騎衡上有圓竇望見隔山天影如懸
鑑下有深淵黝無所見以石投之聲輒鏗鏜厓
端跌伏而昂首者曰蟾蜍是則東序之事始既
右峯若相顧而對舞者曰雙鸞挺而亭亭古松
盤攬其頂者曰獨秀銳而膚立者曰卓筆烟鬟
汲古堂集 卷二四 五

三層閣異日與子兀傲其上日夕吸飲靈爽之
氣凡骨不難立屹耳忽忽十餘年今中丞方出
山而予亦見二毛山靈未嘗謝客而客斤斤奉
七尺若春蠶吐絲自縛豈不大可姍笑哉披圖
爲之憮然

龍鼻水

從靈巖右脇扳危磴轉而蛇行經獨秀卓筆二
峯側拾級復登數百步兩厓垂合而闕者曰龍
鼻洞厓端石龍長數百丈蛇蜿蜒下垂鱗甲悉具
石理作縹碧色中爪陷入厓中若攫拏狀龍首
下垂去地不十尺鼻端小穴泉涓涓時下一滴
石盤承之香滑甘冽足傲神瀛而凌玉酒余爲
一軟塵坐若滌大都名山峯峦以其形似者錫
以嘉名厓得其髣髴耳然酷肖惟老僧巖與龍
鼻水稱最奇詭洞口玉女峯適相對余笑謂龍
得葉公之似若玉女者如曷鼻魑肩何寺僧從
傍曰春夏之交峯巔躑躅花亂開宛若村姑縮
兩鬟挿彩勝故自妍嫵余復戲曰第恨腰肢不

作諸宮舉止直女中笨伯耳爲之撫掌大噱僧亦听然第不知予言云何

淨名水簾谷

淨名寺久廢故道亦荒蕪不可辨遊者或問水簾諸跡輿夫給以久湮輒馳去余嘗二至其地始從林間小田塍轉達溪岸遥望層巒簇簇曰蓼花峯寺故址在焉石幢斷礎離離榛莽中何論昆明劫灰哉漸進二舍許兩山皆純石綿亘二三里曰鐵城障言言軒軒屹若百雉之郭間

汲古堂集 卷二十四

七

三十三

選溪石小坐仰見高天若翠幄厓端猿狖唧唧嘯向人又若丹行三峽中也再入爲水簾谷水自洞頂飛撒若明珠數千百琲晶熒奪目洞旁藥草色如綠珩微風拂地翠光作浪秀色若可餐右側有初月洞洞傍舊有屠山人隱居處余嘗謂鴈山諸景皆跳處一隅獨淨名介於靈巖靈峯間又復輔之以響巖之勝且夷曠可廬杖藜听夕足可攬結諸奇桑麻鷄犬居然秦人日月澇邪蟹堞宜秔稌來麥復有竹萌茶薺昌陽

黃獨之饒可以服食第恨兩厓太束不甚受自光非栖真吐納者不可處或云日服鞠芋山精粉一刀圭足以練靈明而汰陰滓豈山川固有待邪抑世乏孫公和梅子真其人邪

靈峯洞

出淨名可五里許遙矚天際靈芝峯婀娜若可拾隔溪翔鸞五老仙掌諸峯又若揖讓肅客者稍迫靈峯兩巖造天中闕爲洞及抵洞口仰望洞中飛磴逶迤數百折若懸足練稍深入石扇

汲古堂集 卷二十四

八

三十三

蔽虧畫色熹微若清旭始旦磴窮乃達平臺臺方廣可蔭數百人爽塏穹窿恍挾飛仙尚羊天半中設大士像傍列十八應真洞口飛泉時墮冷風中若飛絮冉冉左方有性井寒沁而甘吸之毛髮皆爽頰欄下瞰洞口携具小奚奴蠕蠕如蟻余大呼聲隆隆鬱而弗吐若數部鼓吹奴初至輒驚悸睜目左右視欲反走已知人聲亦呼而相和已而相樂也予憶廿載前初至靈峯計入洞是迫下春時洞中一老居士方舉火喜

客至卽爲供茗設豆粥復爲謀臥具甚周先有成都行脚二比丘已宿齋結跏趺坐佛火熒熒風泉激激余與楊生相對蒼然隱隱毘耶丈室會上也頃之皎月清瑩可數毛髮予復出洞口倚石長嘯山中鸛鵲咸驚起軋軋掠長松而去顧楊生不能從也嗣後凡數至而老居士已化去無爲煬竈者坐是不復止宿每塵恩中想像茲遊以當濯魄水壺耳

東洞

汲古堂集 卷二十四

九

有宋太平興國間禪僧全了經行至東洞聞巖中童子誦經聲圍繞作禮竟於焉結刹名芙蓉菴後因高厓有飛來石羅漢復名羅漢寺相傳羅漢自清漳航海來將禮諾詎那遺蹤適遇樵者卽躍上高厓立化爲石其語頗恠誕不經傳疑可也地有石船按山塔諸蹟寺久榛蕪惟聞風泉松籟聲若昔之朝鐘夕梵相和答而已

梅雨巖

梅雨巖僻在鴈山西外谷無論遊客杖屨罕至

卽詢之山中人亦鮮有知者余鄉梁進父文學嘗一再至宅以爲奇余偕在明遊適進父請爲東道主亟津津梅雨巖慙愚甚力遂決策取道從長嶺原入山長嶺沙土犖獮原隰樹烏拍動以萬計時初冬柏葉着霜如丹砂筍輿穿紅樹間二十里衣袂皆紫若馭冷風從天台赤霞中逕度也已入靈雲寺故趾縱覽闔鴈巖九龍山諸槩便覺奕奕清舉繼至梅雨巖則兩石挿雲對峙飛瀑自厓顛垂下半壁一石特墳起瀑勢春激潦射亂注霏霏若烟雨風排之陣陣過絕壁若曳霧縠水綃於空中也對瀑爲含珠峯大小天柱皆偉觀在明起浮大白謝進父曰嘻觀止此矣進父謂在明日茲景較之靈巖靈峯諸勝直齊魯之與邾莒耳在明又不覺爽然自失也

石門潭

石門潭在鴈蕩之陰十八灘之委瀦而爲巨浸焉沉竿續蔓莫底其止廣可數十畝兩山夾溪

蹲踞勢若虎闔下望屹若天門云中有巨鯉長丈餘每遇風日和煦輒從容揚鬣水面小魚景附者以千計土人常夜見赤光上燭潭水盡紫蓋神物窟宅也地主干識夫云曾於月夜刺兩艇以巨絳聯束之與客携酒具轟飲令小童吹紫簫一再弄簫聲挾秋氣爲益雄殊有穿雲裂石聲夜半古泓聞殷殷若雷鳴客思而散嗣後無有繼其遊者

石梁洞

汲古堂集 卷二十四

十一

三

遊客從西來者過謝公嶺登石梁洞而勝事始窮然操蛇之神技亦殫矣梁橫亘洞口若偃虹左復下垂挿入地呀然中啓若兩扉蹶級而上入洞中洞軒敞可容坐具百餘洞後有水汨汨注爲小窪味甘冽不減品外泉引領南望則老僧巖兀立天際宛若比丘衣糞掃衣現由舍那身聽雪山老胡說法也見者無不輟然大祭鴈山諸景頗借附近峯巒助奇而茲洞獨介然特立無所因藉巖孤高士自標一幟亦可尚已然

遊者方倦登頓樂趨夷衍至此則平原無孔道委蛇又若重趺出九折阪而卽康莊也

游習家池記

予自雲杜取道抵鄖襄先一日李本寧太史觴予於甫栢臺顧謂予曰子馬簪且西西至襄陽襄陽據江漢上游環郡名山遑昔名賢之蹟往往而在襄陽守王君非子之里人耶子非不足糗糧也非不足屣屨車徒也第乏勝侶之與俱子盍往見馮生見之馮生負奇自喜雅游山水

汲古堂集 卷二十四

十一

三

間子其訪之襄城之塾予謝而領之次日辭太史行凡四日至襄陽是爲四月晦日乃往詣襄陽守子請以詰旦游習池公遣二騎以從予歸僧舍適客有造予通刺知爲馮生見之也把臂劇談如平生驩遂訂詰旦習池之約旦日昧爽荆門劉元善過訪談少頃謂予曰先生僕馬在門將爲習池之游乎僕故人劉伯子俠烈多節槩委琬習池之阡墓草宿矣今且齎絮酒一酌伯子尋當追隨杖屨於池上可乎予曰甚善遂

逆見之於道見之復與王汝賢將軍期不果汝
賢快士也爲之惘惘卽並馬出文昌門南行數
百武夾道皆高槐綠陰交映茅茨隱見便覺麗
然再行二里許山逕犖嶭坡陀上下款段行亂
石中益蹶躓不前岸漸迫入江江流滌洞如帶
隔水鹿門南陽諸山依然如昔而賢者不可作
矣道傍古塚纍纍斷碣林立不勝悲風白楊之
感復行里餘沙中片石署曰杜甫故里予下馬
低徊久之髣髴往跡於殘烟斷草間覈其遺蹤

漢古堂集

卷三

三

三

舊趾已茫然不可考爲之一慨復循江行二里
地漸高山麓墳起松栢蒼鬱朱祠翼然爲羊叔
子祠祠前有亭中樹御製穹碑

肅皇帝起自潛邸嘗經此地親爲撰文論祭又
五里折而西四山環抱若藩屏中喚而曠山皆
蜿蜒不生草木一徑循山趾入中漚爲陂塘受
衆流菱芡荷芰田田水面亭抗其半予與見之
解衣箕坐亭下四面皆高柳掩映陂水水爲縹
碧於暑益快少選羽流斟澗泉淪苦薺供客予

輒盡數鎗笑謂見之曰此水自劉固無減中冷
惠山也惜烹法不按鴻漸火候耳爲之一噓頃
元善從劉伯子隧道攜劉仲子同助至同助以
元善往酌其兄墓廐亦花酒榼至因坐共飲見
之笑謂仲子曰伯子有第豪爽乃爾何必伯子
在也出亭循短垣轉東拾級入門有堂三楹軒
敞爽塏堂前有臺廣袤二丈許臺心爲高陽池
舊蹟池縱丈有只衡亦如之淵渟作蔚藍色白
石齒齒朱魚千餘頭出沒上下從容可狎池上

漢古堂集

卷三

三

三

有亭蔭之堂右祀東漢郁習習鑿齒山簡唐
杜審言及孫甫郁卽習池所自始主人也是爲
五賢祠祠前有亭頗宏麗楣楯左右皆一時薦
紳題咏予不暇讀亭外山四垂飛青撲翠映帶
遠近予亟呼酒偕諸君分曹劇飲稍已沾醉見
之以謂茲亭不能盡領諸山之勝更命移尊戶
外藉草列坐高柳中柳下洑流自習池出瀰瀰
走田塍間岸傍古柳橫俯水上如渴猊狀予乃
箕踞濯足上流拂拂若泛貫月槎亦一快也見

之因澗水爲浮觴水淺膠杯見之命童子以草泥壅下流水浸溢因駐侍者於上游浮巨觥諸君爭從下流攫飲以不得多醕爲負於是子與諸君茗芋竟醉矣見之擊石歌李供奉晉朝羊公一片石龜頭剝落生莓苔清風明月不用一錢買玉山自倒非人推之句向予曰達生哉謫仙人之語也予曰古人寥廓陵谷變遷今之陂池臺榭或異於昔乃罌如峴如爲山爲阜者固非有異於昔也今寓內丘壑若斯類者在所不汲古堂集 卷二十四 五

歸人遂驅馬而去馬上各占一詩閱明日予追紀其事

遊武當山記

萬曆丙申五月余客馮元成大叅鄖城署中凡二浹旬日唯婆娑一室時時夢中作大赤清微想六月一日大叅行部襄陽余從公乞一力爲太和前驅客有笑余曰大暑鬱勃鑠石流金矣履涼臺無陰可憩子欲撰杖絕壑層厓之巔襍穢攀援疲於重趺然徒見啞山靈耳何論濟勝甚矣游計之左也余曰不然余將昧爽而往禺中而止蔭茂樹濯寒泉折華翳日披襟遡風偃仰長林輒復移晷當其六龍亭午火雲揚旌余方箕踞青霞蒼靄間下眎人世炎埃堀堞則客所謂穴厦涼臺皆火宅也客無以應遂於是日決筭行出止唐德觀遲輿夫久之午後出東門環郭而南蜿蜒崕嶠皆荒岡斷山童然如禿連亘百餘里漢水映帶逐勢宛轉亂石蹲踞若鼃鼃隱見水面筍輿沿江上下六十里至遠河時

日已迫濛汜矣遂止宿館舍初二日五更發遠河曉色陰雱涼思蕭爽行十餘里微雨泔泔久之益甚輿夫行泥淖中二十里廼趣田家小憩傍午雨止出田舍行五里爲黃洋岡天益開霽時久亢暵四郊得雨若益蔥蒨登岡遙矚高山屏展羣峯合沓蒼黝深蔚如千葉青蓮華掩映天半白雲斐亶若氷綃素練橫亘其下山顛綵霞若朱旛若羽葆種種奇詭不可名狀余覺有異因指詰輿夫知爲武當絕頂也躍然神往又

及古堂集

卷二

七

行三十里至均州過淨樂宮宮闕敞瓌異金碧絢赫藻績雕鏤若鬼若神可謂殫極人間鉅麗之觀矣其寬廣幾割州城之半殿左爲紫雲亭構撰益精是爲祝釐之所道家以謂當神農時均爲古淨樂國眞武嘗爲淨樂太子宮由是以名武當蓋言非眞武無足當之也又名峯上又名太和文皇賜名大嶽世宗復勅爲玄岳以冠五嶽云初三日出均州望岳門石道如砥道傍夾植高柳陰若環堵四十里至迎恩宮又十餘

里四山漸入幽邃山黛亦稍稍加抹又里許兩山垂盡若闕而敞表以石坊署曰治世玄岳又里許馳道益整道傍爲沐浴堂爲修真觀又數百武山勢恢拓左右襟帶杉檜萬章行列井井仰視遇眞宮朱甍翬飛亭亭林杪宮後倚鳳凰山鵲鶴嶺右峯光嶽而峯者爲望仙臺前峰蟠曲而俯者爲九龍山廡下有張三丰像并銅碑

小影三丰當

高皇帝時嘗結廬於此文皇屢遣使以書招

及古堂集

卷二

七

之不得因賜號眞人并銅筮銅杖今御札制誥羽士珎匱完好如新余因挾羽流尋宮後小逕登望仙臺列坐松根流覽諸峯目謀心會形神殊適適羽流携酒至後日宮觀朝謁之盛余稍爲指點品騰幽勝皆憤憤無有領略者殊敗人意乃立醺三卮下宿方丈初四日出遇眞宮里許有門翼然榜曰仙關兩山陡立石道徑其中林樾交蒼灑然非復人間世又三里爲元和觀再折而東二里許地忽清曠平曠廡然宛然社

落阱者耨者餉饁者飲牛者舉桔槔者時絡繹
田塍間若從圖繪中所見桃花源境又行二里
遙見峯巒外抱地形中廊棟宇鱗次雲蔚霞興
儼若千家之聚者爲玉虛宮玉虛之制爲宮爲
殿爲廊廡爲亭臺爲丹城爲彤墀規畫視遇真
淨樂無所損益其大可兼淨樂之二遇真之三
殿兩序懸以銅鼓石魚擊之訇然中節羽流以
謂出自土中不知爲何代物殿之左爲望仙樓
八窓空洞環以欄楯循欄回繞四望烟嵐繚碧
面面可攬結也樓下爲雪洞洞前有聖水池折
西而入爲三丰洞流憩久之輿夫趣行甚力登
輿從殿後小逕窺叢莽中十餘里始達孔道石
磴上下內倚斷崖外臨深壑古木輪囷大者百
圍懸綴陡壁根纏纏連絡亂石中壽藤天矯緣
木而上糾結林杪飄風怒號恍若龍蛇鱗甲奮
張至此耳目駭愕頗詫詭異又二十里至太子
坡坡躡級而上迴旋九曲夾以朱垣垣盡爲復
真觀觀亦幽絕時已下春余欲託宿觀中黃冠

不欲止客意色甚窘余遂揮輿夫出行數百武
至十八盤磧道降陟巉巖間樹亦茂密不夜而
晦只尺莫辨盤磧垂盡目境忽朗曠若發蒙仰
睇返照猶熒熒山椒未歛也負山爲龍泉觀觀
臨九渡澗澗上誇以石橋縱可十丈衡半之橋
下清流縹碧時幽咽亂石間淙淙如中琴筑倚
橋四顧草木蒙翳峭峯周遭如入困中仰見天
影少選新月初吐濕翠襲衣又如坐清油幕中
生平幽討之趣於此信可忘死舒歎低徊不欲
就枕顧安得吾黨二三勝流舉白相賞以蒼清
賦因吟康樂惜無同懷客共登青雲梯之句爲
之悵惘初五日出觀行三四里道傍棹楔曰玉
虛岳別穿一逕甚微似若久無行蹟者輿夫難
之第謬言無它奇谿谷寥曠不足辱眉睫也啓
余輿不可已且復怖以多虎余乃舍輿徒步賈
勇而前兩奴跟蹤尾余後輿夫頃亦至逕緣清
溪兩旁峭壁摩霄逕石屢斷屢續信猿狖窟宅
也溪流灑灑文石齒齒綠蒲玳草蒙茸澗底秀

色可餐仰瞰青天如一綫初旭盪射兩厓樹陰
濃翠淡綠變幻萬態余且行且憩恐其易竟也
兩輿夫相和大呼聲應牝壑若出數部清商冷
泠久之乃止行可五里高厓孤懸勢若欲仆傍
厓剝石半之外輔斷木爲棧曲折以度數百步
得地少坦左折梯而上中有小殿殿外架壑爲
臺朱欄四繞瞥若尚羊天半便覺兩腋習習風
舉白雲剡剡從厓巔出久之目眩厓若振動恍
與飛雲頡頏低昂爭馳天際厓石班駁纂組如
霞綺縠理起伏作波濤狀下厓人行深澗中蟠
踞如蟻真奇觀也頃循舊路出溪口登十八盤
行深林中十餘里至紫霄宮沿逕亦饒奇石紫
霄勢若建瓴後殿特聳漸至步廊輦道亭臺以
次而降益覺雄峙兩旁羽客丹房遠近高下星
分基布殿負石障曰展旗峯左右竝若華表曰
大小寶珠前有日月池七星樹外有陂瀦水淵
澈其源自金水渠下注廣可二畝而羸曰禹跡
池復從殿後拾級而上數十折至厓半曰太子

汲古堂集

卷二十四

三

三

巖下有洞甚隱相傳真武修真處中有平石如
座承膝處光若髹漆可鑒厓折而升有小山隆
起者爲道書福地七十二之一也稍降爲賜劔
臺臺前五老燭燭諸峰亭亭若在籬壁間物載
折而降爲萬松亭亭外松杉偃蹇如蓋廻望展
旗若建牙日色欲晡下至方丈宿焉初六日早
從山右脇躡級而上逕頗陡絕又行里許至烏
鴉廟已渡灑穀嶺嶺界兩山旁皆絕峽中衍如
隄嶺盡折而西行峯愈奇峭林愈竒篠五里許
爲榔梅祠祠下榔梅二本柯葉扶疎故自濯濯
又二里漸迫羊橋萬丈嵩呼千丈諸峯卓立雲
杪時聞鍾磬若出半空止輿仰觀乃知方士結
茅懸厓之下狀若贅疣爲之辭舌卽道人虎皮
張修真舊址竊惟彼何所自往藉非乘蹻御氣
之士鮮有不慄又行二里衆峯益迫磴亦隨險
水激激噴薄樹根亂石中是爲武當澗又數百
武至朝天宮輿夫氣不暇平余亦艱脆股栗乃
舍輿單絃徒步而上仰眎鐵絙危梯廻旋百折

汲古堂集

卷二十四

三

三

自峯頂下垂猶之空中曳帛屢喘屢憩梯循峯
勢險夷幾數十百盤歷天門者三始至太和宮
羽士架屋崖巔如累基或至五六層下俯千仞
上盈下縮狀若壁燈風蓬蓬起礪壑中構檣輒
輒軋有聲顧羽士寢處其上晏如也余兩足如
膾負風欲僵乃從太和方丈午餉沐浴久之神
色始定出登天柱峯以布繫腰間命兩夫曳而
上顧兩邨時相擊願頽間又數折入紫金城城
依削壁巖危架險繕甃精固非驅石神鞭不能
及古堂集 卷二十四 三

辦可謂力侔鬼工矣入城拾級數折爲元君殿
爲靈官廟爲神厨折而東爲古銅殿制亦渾成
簡朴爲元大德年造再歷梯數級始達天柱絕
頂四周環以石欄中爲金殿開牖東向棖桷拱
桷柱礎窓櫺製作工精中像玄帝擁護諸將森
列左右以至几案爐瓶悉皆塗以金液焜熿燭
施逼皆不定作禮畢凭闌下望香爐熾燭三公
五老王筍天馬鷄籠諸峯若供若獻若拱若立
目力稍遠則萬山叢伏或如儀仗鹵簿或如翠

葆珠幢或如鸞鶴圍繞或如百獸率舞或如萬
方輶瑞逐影肖形不可殫紀縱目遠窮則南自
汝鄧西自荆楚連嶂奔騰疊疊總總如丘冢之
封殖北邙波濤之澆潏巨壑也漢江繞其下厓
如衣帶余爽然自失翩乎僊僊欸忽神游八極
之表徙倚移刻畏日驕蹇且欲褰裳下山羽流
止余於南廂小閣且曰雨立至矣少選雲霧四
合下眎臺外彌漫一氣則嚮所見陵阜丘垤皆
茫習不可辨唯三公五老香爐諸峯頂時露雲
及古堂集 卷二十四 三

氣中乍隱乍見時若鳬鷺點點出沒海上無何
風馳雲片冉冉低度如白馬如翔鷺如裂素如
擁絮風止雲盡則山色嵐靄依然也余西望香
爐峯之半有逕若綰帶因問羽士彼何所往羽
士謂余言野人范丫髻結廬處其人頗可與語
尋當拉之俱來余曰真逸可坐致耶又指熾燭
峯向余曰此下故多雲衲間有異人余遂循磴
下紫金城披榛尋香爐小逕時時援松枝乃得
上西折凡二里始至柴關剝啄良久童子應門

揖予而入野人出迓客共坐土室落落穆穆頗
覺疎暢叩其語殊鄙俚如嚼蠟予竊疑之意謂
道人玩世聊示其麓耳中未可涯涘也復有頃
大詈其曹耦御風道人者語屬持其陰事不覺
爲之捧腹委頓而返下香爐峯復尋故道數百
武小憩松陰下有逕北折適有居士休涼者因
問居士此當何之荅曰由此而北可抵瓊臺觀
燭澗頃復北指謂余曰何處尋范子髻此中
大有人掉臂而去余爲悚然乃循其後不覺至
瓊臺觀沿逕有金童玉女旗竿諸峯皆拔地離
立無所附緣余再揖居士問曰居士向者爲誰
居士第言殿後厓厓有愁愁道人者吾不知其
他予復問居士爲誰听然余曰我瓊臺觀傭
作耳何以姓氏爲余乃踵殿後小逕道人方跣
袒綠陰中不爲客主禮但云何乃從烈日中來
顧指片石曰此可小憩予覽其風貌高逸脩然
有度世之表移時不交一言予乃乞師作一轉
語道人第舉拂子曰予欲潛修密鍊先治爾心

毋拈枝葉所謂至言不煩目擊道存矣時夕陽
在山予亦徬甚不及過燭澗乃辭道人出道
人因謂予曰覽子之貌非庸庸者幸善自爲計
神仙去人何必有間負才寡識此叔夜之所以
見誚蘇門孫生也子其勉之予爲之惘惘若有
所亡者久之復循來逕尋方丈宿焉初七日從
三天門下至朝天宮乘輿趣南巖宮則昨所歷
若羊橋萬丈諸峯會真橋武當礪則又髣髴若
夢境矣復從榔梅祠灑穀嶺憩雷公石過南巖
南天門折而下爲碑亭爲大殿從殿後掖門入
見石广橫生跼跼欲墮狀如曲旃上有巨人跡
隱隱可見又數十步爲元君殿爲啓聖殿爲南
薰亭殿後懸厓斜覆千仞中多小穴如燕壘穴
中填以五百石靈官宛若影壁厓端蒼松翠栢
皆蟠曲倒垂如流蘇如寶蓋下爲石壇壇外護
以石欄下臨絕壑天柱插漢前峙如青螺髻頂
有微雲冒之予戲語羽士此所謂無見頂相左
右七十二峯環列森繞壇外如空青曲屏丘壑

清華當無踰於此矣稍折而上爲禮斗臺逕復下折可二里一峯卓立峯半爲捨身厓攬其杪有亭冠之爲飛昇臺相傳玄帝昇真處午後謀往虎耳厓訪老僧不二出宮後間道行五里許忽聞竹外鷄犬聲又若遺身白雲也林轉爲虎厓茅菴三楹予入菴禮佛畢有頃不二邀予共坐竹榻輒刺刺人間眷屬恩愛離別種種可悲可喜事忽笑忽泣極其形容言雖淺近托寓甚隱予獨憬然深領其旨間雜謔浪無非宗趣

派古堂集 卷二

三

三

命沙彌作伊蒲供飮已乃引予繞菴後斜而上至峯頂觀蓬室方池叢卉美箭澗瀉潺湲石刊梵字頗極秀野枯寂之趣已復捉予臂曰和尚頃與若語於意云何予荅曰師言自著而微自淺而深顯密互融空有雙遣此所謂深入不二法門也師曰有是哉莞爾而別出菴取道五龍宮行十里至仙侶巖巖畔清流泚泚曰百花泉又二里爲仙龜巖又折而東爲滴水巖巖若覆鍾水自巖頂時下一滴有池承之晴雨不減又

三里過竹笆橋林樹蔽葑境益瀕洞二里至白雲厓仰瞰五龍若在咫尺又五里至青羊澗志稱爲文始真君舊蹟夾澗絕壁石脚插入水中樹影與潭影闕碧作翡翠色澗底亂石凹者曲者窪者突者如斷珪如殘壁如藥磨如磬曰可泳可沿可踞可倚可晞髮可濯足可施酒盥可支茶竈種種具備過青羊橋曲折陟嶺凡十餘憩方至嶺顛予脇息萬綠中斜日入林翠陰濃淡落霞曳彩時補樹隙交相映發表裏虛明如

派古堂集 卷二

三

三

坐滇南料絲屏也又數百武至五龍宮宮後山勢騰躍如龍翔虬蟠前面金鎖紫蓋二峯階前五井爲五龍井泉皆甘冽上有天地二池右有日月池月池色黛日池色赭朱魚數千百頭游唼藻荇可狎旁有小殿肺附宮左內供玉像五高可七八寸皆鏤碧玉爲之羽流以謂出自瘞中石匣不知然否出宮可二里爲凌虛岵又二里爲自然菴舊爲孫思邈陳希夷隱居五龍嘗於此授希夷睡法再折而下爲希夷誦經臺下

臨桃花澗臺前後青楓文杏羅繞交蔭如行步
摩臺後有石廣可二丈平如擣礎曰晒經石載
折而東里許至華陽岳中有穹碑刻勝國李浩
然小像畫法類吳道子上有自贊及摹壁間記
知此地爲李所搜剔也有頃片月從林杪出庭
陛階除無所不受予獨徘徊露臺俯眎廊廡山
門碧瓦瑩皎如雪又如積水流螢青黃自照殿
上鍾磬殷殷出翠微鬱而不吐者久之已而兩
廡道房琳瑯笙管四起相和如聆咸池雲門隱
隱太古堂集卷之十四
隱天路也內顧靈腑清朗毛髮森爽超然有餐
霞絕粒想乃知自逸於山林者以軒冕爲桎梏
榮名爲土苴信非漫語初八日出宮山行三十
里復至玉虛宮道中所歷老姥祠磨針澗仁威
觀及五龍行宮無非佳境不能一一縷悉臚述
也午飢至玉虛晚行十餘里宿遇真宮初九日
復從故道至均州淨樂宮遂爲之記何曰日今
神僊家所紀載弱水十洲不盛言其琳庭玉闕
瑤室瑤樓鉅麗之觀則必稱神獸珍禽靈草奇

樹族產紛葩之衆在昔萬乘之尊若秦皇漢武
力不能一至焉徒託之想像髣髴褰裳濡足而
已若夫玄岳宮殿觀宇金碧煥燿大者侔閭闔
紫微少者壓靈光景福班麟赤豹玄熊白鹿朱
草黃獨棚梅僊茗往往而在無論簪紱騷墨圓
顱方趾之士卽田婦牧豎輿皂之人皆得親覩
其盛彼何所取十洲哉古者禪主七十二君柴
望之禮加於五岳寔以盤礴高明神君所宅宗
長山川統攝羣品故王者受命告成也若夫玄
岳綿亘八百餘里高可二三由旬滲漉之功侔
於造化直擬攬挈岷峨伯仲崑崙卽五岳尊明
亦何多讓焉說者或謂茲山在昔泯泯一旦遇
文皇遂膺特拜不啻超五岳而上之爲茲山幸
或謂宵昧旣啓靈真盡洩輪蹄喧飀羶穢蓬勃
殊非神明所宜止戾是以羽駕迴翔而不下森
輪橫空以逕度無論帝真卽張三丰謝天地之
流一何寥寥也爲茲山不幸或幸或不幸我又
惡乎知我請質之玄冥之帝

游滄浪亭記

滄浪亭在均陽之東後負玉峯前臨漢水古孺子歌濯纓處何子謁太和還再宿淨樂既辭帝所復之人間昔之靈秘清華之境乃舍我若遺而人間之塵鞅交軸接軸復輾轉於前矣恍若簡子之寤意快快不自得與一濯滄浪以少紓其懷居無何州大夫林君詣余余告以杖履所歷而復請爲滄浪主人大夫曰嘻不佞幸爲香案吏寔宰太和日局於奉職期會歲不一至焉

汲古堂集 卷三

三

三

卽滄浪近在廡下復糾於案牘簿領月不一至焉子踣履而辱吾境不十日而奄有太和乃復沾沾滄浪之水何子之不屬飫耶雖然子挾吾有以寄其牢愁之思吾因子游而得以甦攄軼掌之困吾兩人者交相藉也不亦可乎予詰旦出城北門操舟以濟江干卽古槐渡爲汝之鄧陝之商所逕道也是以驚渡者以百計子旣濟折而上數百武爲滄浪亭亭踞半壁下瞰大江波光滉漾白鳥晴沙亦超然一曠觀也後再

折爲玄覽亭從亭右折而南踰級而上爲玉峯菴菴據玉冕之半古柏蓊然栢下石逕錯以文石子披襟其下耳根清籟謾謾若拊鍾鏞頃之大夫至大夫屏從者於山半葛巾方袍神氣適逸不爲風塵磬折狀已陳酒脯飲菴後太和精舍精舍四周藩以若榴蒼桂前甃石爲臺雜藝牡丹芍藥頗極蕭遠之致菴左右多隙地簣簣萬挺沉沉却暑碧石清江隱見林外少史掃石命酒予與大夫盤礴引滿就陰避咎尊亦屢遷

汲古堂集 卷三

三

三

俛仰吟嘯觴爵交錯積然自放左右之人爭竊觀不知誰爲太守也日暝下山子與大夫方丹而渡水裔行旅擔者負者接袵聯趾趨渡喧囂余謂大夫曰余不穀幸徼大夫之靈得爲竟日之游衍衍然樂也今截江而渡者指不下數十百而爲茲山一寓目者若而人哉乃知清華之享天所靳也敢不拜大夫之賜已之中流烟際漁榔鳴榔相答復謂大夫曰今之漁父非昔之孺子耶何久之不託於音也予乃扣舷倚和滄

浪之歌歌曰漢之廣兮豈撓而濁誰爲爲之匪
揚匪漉漢之廣兮豈汰而清誰爲爲之匪激匪
澄毋塵而纓也毋泥而足也大白若辱兮又何
之濯爲詞舉音息登岸捨舟一笑而別

竹山竹谿房縣游記

麋城介雍梁間萬山綿絡井里虛涼厥土境瘠
寔爲楚郡十五城之寢丘也其民罷敝其習固
陋其俗悍慤其屬邑曰竹山曰房縣曰竹谿壁
鄔益深土風益朴竹山爲古上庸地房縣爲古

漢古堂

卷三

三

三

房陵州 國朝成化間竹山流寇嘯聚官軍討
平之因割其壤設今尉爲竹谿縣竹山之鎮爲
霍山庸水出焉房陵之鎮爲天馬沮水出焉南
經於郢俱入於江其地憑高負險谿澗盤結澗
水噴薄勞沱瀾騰濁流一石厥泥數斗土人汲
飲項下多瘰男女半之甚至大者如甕盎國人
弗之覺也出見賓客其脰肩肩其種藝宜穀菽
黍粟巨勝吉貝其方物多竹萌葛蔓野蘭白蠟
密脾麝臍狐白麋鹿猿熊虎豹之屬利甚饒而

土著莫之享也四方流寓黠商雜處諸邑咸操
錢刀植布俟土沃瘠甚輒應之居數月盡箕歛
其方物之它郡得手錢浮於母錢幾三倍商民
益衆家於境內者以萬計剝削滋甚民力日敝
有司莫之誰何有司稍加煩仰商資弗出土人
食貨弗通公私交困於是黠商更得畢持其籌
箸蓋土人不自觉其日搜其精髓而更倚以爲
命可慨也其形勝爲羊佛巖千人洞白雲厓東
岳廟靈泉寺學堂古洞觀音閣元和觀其險絕
爲黃茅山岳州山八道河七十二渡女兒厓閭
王區曲尺山石纏嶺其古跡爲呂巖洞殷家井
安期足跡黃香故居尹吉甫冢廬陵王墳至若
萬嶂韜霞千峯虧目谿澗映帶洞壑豁舒觸目
會心類多可悅不幸處於閭昧之鄉闕焉無考
更茲土者不悲愴於山木謳吟之感則絕聞於
蓬藿足然之音卽加標目誰與相賞是以往往
難爲灌莽世竟無聞焉丙申七月初五日余因
竹山李洞南竹谿沈荃石雨令君之招發自麋

城得恣搜覽肩輿上下登頓千餘里至是月三
十四日復還廩上歷志經歷之處覽其人民皆
編茅爲室不蔽風日星離電布山谷中男女椎
髻裹以花脫樵蘇耕耨雜處田間晨夕饗餐止
於麥餅豆羹而已其寡者甚至麥屑糠覈野菜
半菽日不再餐乃視鹽豉蒜韭不啻大牢之享
是以小人輕命或以一言之忿輒至自裁推原
其故寔以地不知有養生之樂生死等耳故閭
閻之間雉經仰藥沉淵者比比然也今大江以
南沃野千里泉貨輻輳汗牛炙轂貴介之子弟
驅堅策肥耳倦絲肉口飫膾炙身厭羅紈者眎
此殆有間矣然天道於人胡贏彼而詘此庸詎
知羸之非詘詘之非羸乎茲後也不獨攬結其
山水之勝而於編民之隱頗得其槩寔深有感
焉不可無記作游記

散花閣記

觀夢居士汨沒迷津望洋覺海五濁世界一切
煩惱居士嬰之者十五蓋賀焉二十年於茲罔

有聞也於是聞圓通大士從無數恒河沙劫發
菩提心以聞思修入三摩地三十二應觀聲拔
苦若諸菩薩進修無漏圓通現如來身而爲說
法令其解脫乃至有學宰官居士比丘比丘尼
優婆塞優婆夷種種等亦復如是居士發願皈
依大慈懺悔往業與以攝受庶幾其拯拔乎作
是思惟已澡心滌念昕夕頂禮是謹昔者富春
之役圓通施以楊枝法水度我於尼居士別有
紀歲乙未春居士徙舍率蓋之東偏地緣羶鄉
之聚魚鹽輳集日與駟僧伍後有樓三楹稍靚
深以一楹藩爲二堵一以庀儒書一以供大士
中設一燈一几一座無長物顧四周皆高垣無
所見居士從西向穿一牖隔垣碧桃一本當牖
前桃始吐花亭亭掩映几席間適赤城超如上
人造居士少選風瀏瀏吹花片穿牖入飛舞久
之下著上人衣居士戲曰結習盡者花不著身
上人結習固未盡邪因署其榜曰散花閣有間
上人登坐設難曰吾聞西方聖人住持圓覺清

淨妙明十方澈徹各相不立有無雙遣爾以通
塞明暗風動花翻觸塵緣影種種迷著居士無
廼自生分別乎居士矍然起曰夫道本無言微
言弗顯也言立而名相立矣山河大地妄想幻
結也而也浸假而居士也浸假而比丘也我與
若皆幻也卽幻卽覺幻覺不相勝我將幻覺兩
忘之而冥於道我將與若乘夫莽眇之鳥而游
乎太虛我將與若總轡乎圓頓之門而晏坐乎
大覺妙場相盡各滅翳盡花滅滅所滅滅滅滅
亦滅而則何如上人拈花而粲向居士曰如是
如是乃下座

羅浮林氏霞舉序記

維浮少南林君一日告予曰吾少有裘馬游閒
之習子之所知也中歲一切悉屏去獨好堪輿
家言爲益甚乃於玄女楞里希逸景純之秘青
烏白鶴金函玉髓之編靡弗殫精劇心以臻其
奧已復縱觀寓內各山川以證我之所究犁然
若有合也比券得竹浦霞嶼一席地原其來龍

騰驤飛舞數百里若十萬戈中旌幢捧擁而來
中繇郭溪天長嶺分脈自兌而亥開障結穴其
法負子而向午上合天星紫微之垣予登穴四
顧則若獅若象若箱若印曰天馬曰御屏曰捍
門曰華表波譎雲詭森衛獻秀售靈於左右目
不暇給予早晚將營玄宮焉子其爲我記之以
詔來葉蘭陰王地師貌其大都題曰坎離交媾
本乎易也夫易逆數也金丹地理悉準焉陰中
之陽爲坎陽中之陰爲離逆者迎也迎則交不
迎則不交金丹之有鉛汞則嬰姤聖胎於是乎
孕地理之有龍穴則神秀英靈於是乎生逞昔
神聖冥察遙覽手握化機用能顛倒五行裁成
萬彙庸詎方技之末邪林君研精此道積有歲
時獨詣冥樞盡發玄鑰卽柄造物者終不能自
秘其靈君於茲山若取諸寄誰曰倖致者哉昔
司空圖預於中條山中爲生壙勝日引客舉酒
賦詩爲樂姚最亦於萬安山麓營此署曰化臺
茲皆古達人之致也林君年始望七神完而顏

澤既能遠紹賢達之曠抱復爲昌後靈長之令
圖其識超超去人遠矣予戲謂林君曰自茲以
往閱百餘年君之孫子其麗不億將顯融昌熾
大而門閭光而泉壤異日報功上冢以修歲時
之祀君將汶汶漠漠與化俱徂乎將歷歷昭昭
有所獨存乎將翳芝蓋桂旗驟赤豹以遨乎將
託蟲臂鼠肝與委蛻以化乎將歆其羶薌而吐
之乎將其爲有知乎爲無知乎林君蹶然曰以
予今日之知欲遡往昔之知弗得也烏知後來
之知能知今日之知乎予第爲我紀其知者而
已其不知者子又烏能知子無以難也遂書以
爲記

汲古堂集卷之二十五

東甌何白无咎著

頌

靈雨頌有序

蓋聞上玄不宰潛通獨契於至誠大灝無言冥
運若歆其純德神默動而天隨息相吹而類應
下逮六幽之窳上薄三辰之精不有昭乎孰云
斯格若乃風襲齊臺霜飛燕地星蝕秦庭雲開
衡岳莫不渙汗往牒氛氲縹帙者矣歲在闡茂
月中蕤賓肥蠶爲災上天降割赫曦孔熾不濕
乃臻灰人無徵偶龍不效圭壁未崇于奠瘞枯
倬已疲于頽仰燦塵絳天曠氣燭地山靈毛髮
其焦枯何假陸渾之火河伯人民其爍爛庸難
牛渚之犀黍稌向枯原隰含瘁於是永嘉宰林
侯蒿目興歎齋心引憊對食不御徒行却蓋百
舍重繭羣靈荐禧一誠動物已覩德克之符五
體投地匪因忠信之薄斟靈泉于湫谷迎墨蜺于
幽宮已而皇祇悔禍百神振咻放火正旱旱魃

驅屏翳鞭玄冥氷滿畢星氣衝郊地重淵吐潤
觸石含姿淙雲鬱術清陰露晞靈飈颯其潛扇
甘澍森以橫集其始至也郊甸祁祁原田萋萋
動植靡靡潑渙華滋其少進也滄霛黢黢滲瀉
霏霏草木欣欣其如悅秬芑油油之若醒鳥鹵
之赤穠重穎汚邪之紫種駢莖乃有鮓背之叟
穀音之子犢僧牛醫田畯牧豎擊轅行歌含宮
應徵巫覡暴而擲揄冠脫焚而抃舞接袂成帷
聯裾爲堵總總乎鱗鱗乎咸充斥於莊廬闔閭
于阡陌者也於鑠我侯民之父母明明上天厥
澤霈矣溫溫恭人厥德浹矣撫撫平疇茂稼登
矣我箱萬矣我庾億矣疇非精誠能徼靈貺哉
故石卿用之以蘇洛陽平仲用之以潤華邑諒
輔用之而惠澤流廣微用之而頌聲作徵之曩
昔載觀來茲敢抽柔毫聊希贊述然銜石微禽
土不增于大地標薪爇火明詎益於耀靈竊附
民風用備淳史云爾頌曰 玄雲族兮甘澍零
稼用登兮民以寧羗吾侯兮爲民正

天樂頌有序

萬曆歲在甲辰時維陽月天台有門法師說淨
土生無生論於剎之寶相寺每登座豎義輒聞
空中天樂作焉法嗣寂公嘆未曾有退而著賦
辛亥中秋過予觀夢菴出以相示且乞居士一
言居士欣然援筆作頌以助贊歎 如是我聞
寂公所說有大法船艤于於越定慧爲柁猛利
爲楫一刹那間出三界劣俾無量生永辭淪沒
俄頃有音來自寥泝匪竹匪肉匪絃匪鐵含宮
扣商應族蹈節如噫氣聲始于蘋末如春雷喧
發于蟪穴如蠶吐絲欲絕不絕如蟬曳風欲咽
不咽如餅瀉波若竭未竭如鍾度垣若歇未歇
倏從空生倏從空滅衆竅皆瘖雲收河澈霽雪
照林寒溪現月或疑帝樂張於洞庭又疑梵唄
出于化城湘靈手瑟龍女手箏君山手遂縵嶺
手笙吹光索影敲影求聲思惟計度無得而名
廼有佛子返聞自性不以耳聆不以目聽泯爾
何知廓然無證以和合和非動非靜以空印空

非垢非淨以手側手非倒非正以物相物非緣
非境問之太虛太虛不應師亦忘言但豎塵柄
拍床一下我說法竟

仁暨南交頌有序

夫以獨角之獸游於郊則穀雛無殂九文之鳥
儀於世則孳乳咸熙累洽之時邇猷斯應明明
上帝眷茲含生薦誕大良俾作岳牧覆育羣品
以作乂於王家於鑠王公德音孔徽產無諸之
舊國亶川嶽之上靈神翰秘圖天授宏略威德
所至悉底於寧惟以甌括之要區寔爲東南之
雄捷連衡自粵控帶三韓乃厯
睿圖授公以鉞公旣跋於四履飭彼槍纍動九
地之下以發謀見萬里之外而制勝于是殲鯨
鯢以作醢架龍鼉以爲梁海國廓清橐弓臥鼓
維歲在大淵獻之夏颶風焱扇溟渤簸颶乃有
夷艘闌入內地我戈船咸集師徒戒嚴羣夷罔
敢或抗稽崩歸命束手受組諸將士欲以斬鯨
奏績公聞亟以騶虞旂詔諸裨校毋得妄戮一

人始獲七十人爲黎光武等再獲二十人爲裴文孫等再獲四十一人爲弘連等類皆雕題黑齒辨髮跣行語言侏僂象胥無得而譯也已而獻俘轅門中有裴福寧者稍嫻文字奏稱爲安南國人祇奉主命有事於長沙葛黃祀神罔或有所覲公廉其狀無詭辭竊嘆曰夫安南者卽堯典所謂申義叔宅南交是也自漢爲交趾九真諸郡五代時始竊據其土宋元因羈縻之我太祖高皇帝始定天下安南修貢最先帝惠顧

欽定四庫全集

卷五

隆洽涉瀝歷四十年所其臣黎季犛弒主陳日瑋擅兵自立驕恣日積

文皇帝乃布告中外命成國公朱能討平之舉國降附上遂按漢故事郡縣其地置官司如內屬

宣德間黎利復叛上方厭兵從閣臣楊榮及士奇等議謂交趾越在萬里外棄之便乃遣少宗伯章敞赦利權署安南國事黎氏凡六傳至黎譔復爲其下莫登庸篡立嘉靖九年

重辟盛寧侯倭鸞進討駐師境上登庸詣軍門乞降上表自理詞頗卑切鸞承制許之遂班師後黎譔手黎寧復遂莫氏仍據其國至今奉琛惟謹蓋中國之於四夷叛之則討順之則懷矧列聖功德涵濡無外予奈何以掩殺爲功哉宜上請釋之歸國時叅戎沈公建公議會報中丞高公直指張公具以疏

欽定四庫全集

卷六

聞帝若曰俞哉休哉咨爾明牧爾能畏天之景命不愛其助而廉於殺以柔遠之仁漸漬於海外昔仁傑典豫州以全活楊休曹彬下江南以不殺稱美方之前烈何以加焉朕甚嘉乃伐用錫爾以朱提之金其餘叙賚有差厥惟昭哉於是三軍之士驩譟雷動羣夷加額欣欣更生某伏睹盛美莫罄揄揚謹拜手而颺言曰昔羊祜惠綏江漢則峴首有墮淚之碑竇憲破虜私渠而燕然有紀功之石史不絕書焜燿竹帛至若我公遠撫訐略鴻廓帝仁卓掩前聞光流來葉謂宜鋪張以耀遐荒闕而不述何以示遠某謹

次第其事以播徽烈於無窮云頌曰

惟帝式靈眷茲甌土乃命蓋臣建牙是撫維茲
甌疆奠江之潯遠控窮溟近襟大鹵顯允君侯
爲皇良輔鹵簿來斯嚴霜靈雨誕敷以文孔赫
厥武仁爲儲胥義爲干櫓飭我餘艘陳師鞠旅
乃誓乃心曰羆曰虎方漢三明埒周二甫威德
漸摩罔敢于侮惠澤滂流爰寧我宇維歲重光
季月告終谷王倒流箕伯其風有三夷艘闖我
內江洸洸我士爰集衆衝纍纍者夷從風乞降
獻俘幕府以昭厥功君侯曰嘻邇彼交趾啓疆
于南越在萬里罔敢弗虔貢琛獻雉戴髮含齒
均吾赤子矧也稽崩宜贊九疋言告中丞言告
直指僉曰都哉仁言孔旨具疏以聞達於
宸扈帝曰俞哉念彼遐陬曰廸於彝則仁是柔
厥惟弗迪則法是糾咨爾良牧咎爾嘉謀宥而
弗劉惟爾之猷再拜稽首對揚王休某也下民
通觀厥懿懿而不揚小子是懼載筆作頌以告
萬世播之貞珉詔及四裔

賦

素絲堂賦爲陸衷虛令君壽有序

夫太素不與玄黃期而玄黃至玄黃不與黼黻
期而黼黻至土鼓始於路鼗塗墍終乎藻桐疇
非流俗之波乎哲人軫焉用是振起惟涼爲法
以儉是師故上有弋綈之章下有羔羊之咏豈
細故哉迺有海虞陸侯平原著族乃以退食之
處顏曰素絲累纒累緝佩長倩之名言五絨五
紕叶風人之雅咏準易履先於白賁著論覈旨
於玄同于是何子拜手抽繹斯義以著賦曰睠
茲堂之穆清兮轍四虛而中闢面笙嶺以標南
兮劃重溟以奠北左華蓋以餘綢兮右紫芝而
旁魄苞神秀以激凝兮滲玄膏以滋液象九斗
以名邦兮界三台以分域允南戒之望區瀾東
之興澤也乃有平原鴻彥發跡海虞用盅不盈
表裏以虛游物之始澈道之腴衡命出宰於焉
剖符而乃廓玄邈以爲宅秉端操而爲廬示之
以不局之鑰宰之以冥運之樞規灝噩之宏址

撤文致之周陸雪輪堅於玉案月借朗於冰壺
延祥風於虛牖涌甘液於前除民物用是以生
遂動植以之而昭蘇羔羊委蛇自公退食有圖
有書是宴是息肇錫之以嘉名曰素絲之是式
緊前修之董道漸姬周之遺則乃示民以不悖
遂化行於南國感風人之永言旌澡躬於休德
企微燉以齊而信景行之可卽旣範節以昭儉
亦衡正而標直卽五絃之惟涼期服之以無數
顧世俗之佻巧競華予以爲度棄庚庚而弗由
派古堂集 卷三十五 九

九山歸興賦有序
夫飛遯保名見機而作茲非詰人之曠觀達者
之高蹈哉昔季鷹身貼危機尊鱸自引長公拙
者爲政不能取容四明季真季八十餘始乞鑑
湖一曲當時標以高尚之目何哉二疎以達則
晏容秩至六百自免庶幾知止足之分上下累
千百年何厓厓若此也吾甌副守郢都九山陳
侯之官甫六月遂飄然投傳去茲其勇往遐舉
之致蔭映昔賢遠矣感慕交膺退而著賦
何九山之逸伯策飛鸞於泰霄凌倒景以橫厲
朋瀾氣而逍遙濯霞情於溷濁鬱雷音於清寥
頓萬里而一息覽八絃而載超漱玄冥之煙瀝
嚙青丘之璠條旣栖心於雲之際兮羌託跡於
域中龍騰車而連蜷兮鶴乘軒以臻璫雖申脰
收就鞠終蜚聲而麗空體用盡以應物亦通人
派古堂集 卷三十五 十

之所秉魁而影華纓於異都試基組於涿鹿既
倅物以裝懷亦攬寧而蒿日掩尊昌之英圖驪
震撫之高躅建標幢于百城騰榮光于九牧繁
風義之蠅蠶信若人之明淑載守邦於甌堦復
徂徊於海曲方長離之來儀胡竊脂之弗穀朝
稅駕於芝田暮秣駒於空谷苟用心之由人何
詹尹之可卜丁王道之平平胡異趨而趨起撫
芳歲之悠悠寧迷塗而不遠復睨置爵之恢恢
縱瞥天之黃鵠已焉哉洞庭波兮木葉飛瀟湘
源一曰堂集 卷二五 二一
寒兮鴈南歸舉薜荔兮爲佩紉芰荷兮爲衣擷
中洲兮杜若擘層阿兮留夷操林林兮曄曄紛
郁郁兮菲菲露盈筥兮萼帶紫雲流匙兮菰米
肥撫寒松之獨傲覩杞菊之未稀挾烟客兮江
之渚攜佳人兮河之湄嘒嗟曙之已邁訴來日
之可期款情話之疊疊交申旦而依依屏尊疊
之已覆汜清音於金徽春秋佳日駕言有攜載
游載泳以遨以嬉或探書於酉洞或訪蹟於灊
溪或濯纓於滄浪或飲泉於廉池或流憩於南

睺或有事於東菑睇穠稔之芄芄遡冷風之披
披歸揚舲兮枉渚吹洞簫兮極浦日薄兮虞淵
月生兮當戶鶴長鳴兮向人山售奇兮待主雲
讓臥兮辭局霞分栖兮承宇於焉抗音高歌頓
足起舞歌曰山中人兮歸來乎騷赤螭兮馭飈
車餐玉英兮吸雪腴薄溟滓兮鄰太初已而清
響既度朱顏微醺曠若有懷載起而歌歌曰山
中人兮胡不歸山有蕨兮林有薇悵佳期兮不
可遲霜淒淒兮霑人衣於是滿堂稱善舉觴進
祝君子萬年以膺多福
源一曰堂集 卷二五 二二
喬如園賦爲鄧虞一文學著
鄧伯子南陽華胄駿發郢都勝情天逸標韻風
疎游心物始獨與道俱愛斥羨圃於焉考廬僊
的聳乎北牖神瀟灑於南除覈玄旨於柱下錫
嘉名曰喬如客有過而諗之曰吾子負韜物之
雅量懷高世之英圖將逖覽乎八荒胡削跡於
一區吾將進子以游觀之邳樂華詭之極娛發
子之覆子欲聞乎不腆大楚實曰與區玉衡鶉

首之次赤館朱陵之墟左獵雲夢右眺荆巫乘
堅策駱載馳載驅窮日不足卜夜有餘奈何跼
踏蓬藿之下若縻株拘精疲於秘典神遊於玉
書胼胝皴瘃無乃憊歟伯子作而言曰噫噫若
客所謂馳騁之娛亦奚以爲吾想夫盼冒之奄
有楚國也肇土畫疆篳路藍縷作法惟涼土木
之侈溢於後王渚宮轍轍章華鏘鏘層臺九仞
飛觀百常翼藻枕以橫驚跨雲窠以高驤被翠
羽刻龍章挂曲璫綴鳴璫裂綿錦兮繡文埒規
汲古堂集 卷二十五 三十一

塵起忽寒暑之迭更亦烟消而雪委莫不感行
樂於當年傷流光於逝水予方攬辟芷以旌潔
擷留夷以信芳揉秦蘅以紉佩集芙蓉以爲裳
散芳襟於華薄蔭翠幄於朱楊叢桂發小山之
馥猗蘭吐大國之香信夫薄榮觀而燕處其樂
洋洋者矣又若舞按陽阿聲徵北里激楚迴風
前谿白紵含宮咀商變以流徵啓朱脣發皓齒
采靡蕪於山間咏芍藥於溱洧已而曜靈西匿
戢暉濛汜逸響與梁塵共滅玉質偕歌臺俱圯
汲古堂集 卷二十五 十四

雄虹兮鳬飛梁復有秘閣邃闥曲榭迴廊或涼
或燠乍陰乍陽誇大蒐於夢澤詭豔詞於高唐
俄代謝之忽及慨榮瘁之靡常紅蘭旣化白露
爲霜玉甃蓮礎灌莽荒岡詎若吾廬挹清欲爽
雲霞在衣風泉落掌冥觀則萬古崇朝臥遊則
十洲函丈几上獨嗒然而噓空中契泠然之賞
及夫歌扇舞衣裁絀列綺淫冶繁華燁如桃李
結幌流蘇千重步障紫絲十里絳綵北竇之孺
纂組五文之履舉華珪兮光風迴動凌波兮香

予方振天籟於空谷舒鳳嘯於中林擊泗濱之
浮磬撫彭澤之素琴泉叩牝而諧調風振杪而
飖吟豈美夫驚心動魄桑間濮上之音哉客曰
唯唯否否蒙竊未通方今聖明在上如日方中
懷才抱道之士叩叩顙顙若修鱗之赴巨壑鴻
毛之遇順風先生耿論若高蹈之義則獲而兼
濟之道未宏也伯子莞爾不荅抗音而歌歌曰
治人事天莫如嗇兮早復重積無不克兮無不
克兮莫知其極兮客喜而謝泠然若灑乃知堯

生非忘世者

辭

陳鼎卿反招辭有序

於乎鼎卿故嶽寄歷落奇士也胡適以自沉彼造物者將子爲鼠肝牛爲蟲臂嗟嗟悲夫鼎卿自離估俾業好奇詭畫筴譚劍自喜當其杯酒淋漓歷歷抵掌寓以內外疆圉險阨要害掌列五兵席擁萬竈居然有封狼居胥意間有所論議後輒中窾非徒務爲浮說游辭者已而譚

汲古堂集

卷五

五

天下山川名勝尚類雲霞眉映煙液僊僊乎騷騷乎若吸清泠御六氣左浮丘右洪崖而游乎盛埃之表已而仰天而噓散髮孤獻靈籟和聲萬壑會響則令人有天際真人想鼎卿亦沾沾自快也鼎卿少多負俗之累或以爲病痲爲狂爲矯爲谿刻然竟莫能名鼎卿者鼎卿既不諧于俗日益與俗左居恒鬱邑而卒歸之天問思玄茫昧謬悠之說以自托焉已耳逮鼎卿之死也或以聽于神淫于鬼也或以仲子之殤也皆

非真知鼎卿鼎卿故好讀柱下漆園書以有生爲委形以溘化爲返真此鼎卿之所以脩然長遄也世寧有真知鼎卿者哉夫景老宋玉傷屈平被讒幽憂以死廼作大招招魂豔以人理之樂鼎卿非有被讒幽憂也常以有身爲大患是則鼎卿托此以擬南面王之樂也余因擬反招一首噉以桂醑薦以申椒借二三友生謂以要之楚人以些余以且九淵冥冥幽不開且潮洑汨汨遄復來且魂兮歸序不重廻且天寔爲之謂之何哉且魂兮歸乎無不之之或上或下載湛載浮且龍鼉爲砮蛟龍爲梁且雌蜺爲帶雄虹爲裳且金膏爲醢水碧爲糧且清江爲醑濁海爲漿且咨爾水德寔靈長且靈潮吐納森窮荒且滂滂泔泔漶潢洋且沃雲盪日流湯湯且天吳馬銜翕以踰且蜩像靈若欸來翔且寶光靈氣耀皇皇且蜃宮貝闕闕龍堂且水晶樓桷犀文窗且突廈璿室蔭雲廊且網戶朱綬疏曲房且煙消霧縠霞幃張且琉璃角枕珊瑚牀

汲古堂集

卷五

十六

三

且鍍鑲宛轉結琦璜且璽龍竄篠煥以涼且玄
珠赤壁充圓方且璆鏘丁當鳴琤琅且鮫人鮪
衣爛齊光且江妃雜佩曳鳴璫且靡顏賦理眩
靚妝且綽態姤容儼成行且蘭裙蕙帶還風揚
且藉帶翠鞵騰芬薜且湘靈拊瑟咀清商且神
女拂箏穆鏘鏘五音繁會君謙康且君洩洩兮
樂無方且魂兮魂兮無復哀茲故鄉且故鄉頌
洞兮羅罽張且鵬止坐隅兮鷄鳴于桑且胡爲
乎麗之兮罹此殃且反顧迷惑以俛俛且躬在
廣古堂集 卷三十五 七

林太公哀辭有序

萬曆己亥春吾邑侯林公三年報政詰封太公
如其官時太公几杖無恙七箸無恙宜介景福
以康吾民也仲冬太公捐館舍君侯斬焉苦塊
中部民何白謹撰楚些一章乃假友人楊汝遷
爲巫陽歌以要之其辭曰歲當龍蛇賢人菑些
耀靈匿兮玄雲隕些羗晝晦兮風以靈些玉鸞
逝兮荃將安歸些無諸故都荃篤生些紛內美
兮姱修能些服義未沫秉幼清些輦操乾道以
爲旌些綈綈含咀啜其英些琅函金籥窮絕冥
些玄淵澆澆其族難名些一龍一蛇貢幽貞些
厥有昌胤爲帝輔些帝命作理維旼之土些崇
山大鹵采以阻些侯恤民隱飢循拊些歲在閏
茂月建午些肥蠶爲政室如燬些侯貞禱兮紛
屢儼些神哉沛兮飈靈雨些歲以登兮多黍稌
些土伯九約角而羽些齒斷斷兮競人肺些鼓
氣揚癘蒸民失所些指重黎兮軼前軌些樹崇
堂兮翼周廡些物有馮兮以寧處些六穆潛銷
獲安堵些誰其生之有賈父些父我子之念厥

祖些王夫張兮旌以武些晉申兮復齋怒些
東艾盈腰棄蘭杜些虺臯雕肩謂蛾不撫些蔓
掉尾兮域含弩些善謠詠兮競簫鼓些揭日月
兮以容與些披昌橫厲莫予敢侮些皇報績兮
降膚語些綬若若兮基五組些荃宜豫康享五
釜些下民不天荃胡罹茲不祥些駕赤螭兮遑
以翔些佩寶璐兮鳴鏘鏘些芝幢挂旗儼成行
些遵先路兮龍驤驤些含朝霞兮漱正陽些荃
東邁兮首炎方些滄溟浴日嬉扶桑些過勾芒
源古堂集 卷二十五 七

雨霜些荃歸徠兮登斯堂些御彫胡兮間黃梁
些荃盍歸兮歸子舍些咽素驥兮肅靈駕些巷
盡傷兮市爲罷些荃莫贖兮侯不借些心結悒
兮涕交下些青春不歸白日謝些江水寒兮奄
將夜些出國門兮掩悲咤侯無過毀無怛化些
王侯哀辭有引
何子適瑞之郭有祠翼如有像曄如邦之人聚
祠下旅俎而薦之何子曰茲非王侯之祠耶何
邦人思慕之深也然爲治柰何諸文學曰其爲
人也毅而慈察而和閎而密敏而勤字民如子
肄士如子弟時而爲慈母時而爲嚴師鯁鯁焉
惟瘼之痼侯之弗延民之不天也吾何以輟我
思焉余曰噫夫今長民者傳臚其下去之日惟
恐其驅之不疾也甚至腴腴自潤怨讟載塗弗
顧也悲夫侯生爲名宦死爲明神雖死猶生也
余復感邦人報功之勤知侯之靈爽不遐棄邦
人也審矣敬作誄辭俾邦之人歌以祀侯其辭
曰 山維峴兮江安陽高施施兮浩泱泱粵自

有邦惟侯良邦之震愆罹厥殃侯騎六氣翼天
間列爲星辰麗寒芒照臨下土物以昌騰茲故
疆民用康蘭肴桂尊粢羶薌崇宮闕清騫鸞皇
靈陟降兮於斯堂靈之來兮般裔裔騰文蚪兮
雲之際颺靈雨兮神哉沛稼蕃熟兮多黍稌禦
不祥兮駢疵癘江若帶兮山若礪贊玄功兮昭
萬世

傳

東甌何

丘雨川先生傳

雨川丘先生名一龍字義瑞世爲沙園所百戶先生生有異質七八歲時聞市井人唱樂府小說輒能默記雖累千餘言不失一字父故貧不聽就外傳時提其耳命之曰兒故將家子識字麓能記姓氏而已安用兀兀作老博士耶先生

汲古堂集卷二十六

乙

性吝抱不自檢束日逐少年握槊走馬或擊弓弦作霹靂聲招搖江市中間被酒起自填小詞令所狎輩合弦索而歌日相樂爲常也及長始折節讀書一入目即能成誦稍涉獵又不肯竟讀以其地易爲雄長耳間操筆爲詩歌輒立就而意氣激昂才力矯捷滾滾累數百言不竭及弱冠襲世官乃發古名將陳圖方略開一究心每誦一過輒醕一觥船至醉卽箕踞放歌噓聲入霄漢傍若無人者時瀕海中倭所在倣援東

吳定山袁公以部使者飭兵甌括先生以裨校隸中堅先生修軀濶步深目高鼻面骨巉削踰時袁公未之奇也頃倭艦乘風猝至樂成安固諸處勢張甚張叅將邀袁公眎師寧村公將發亟命飯饗人倉猝甫及席飯覆於地公色動左右皆股栗先生歷階跽而請曰公萬福已拾食器而起曰且喜金甌無缺袁公色喜左右歡呼稱萬歲公卽趣駕行是夕倭亦失利去蓋先生

汲古堂集卷二十六

二

之敏給往往類如此公亦稍聞先生能詩歌間命奏一篇未嘗不灑然稱善也時沿海寇舶出沒披猖遠近震駭道報沓至諸將領日集戟門下議戰守策或唯或否首鼠兩端先生時闢入抵掌陳說仰指天而頰畫地語刺刺若燭照指計衆皆目攝之尋先生去喈噉宿將不直之曰咄嗟豎子酒徒耳何足築成敗事奚以喋喋爲居無何而先生所論畫皆中的於是衆始知先生非果於忘世者忌者或言於袁公先生使酒

難近終公之任不使效一障之寄日雖給筆札
餐錢先生夷然弗屑每所得金錢卽市牛酒呼
所知爲高會嗚嗚吟達旦或同列有急捐索與
之弗計也是以益拓落無所遇詩道日益昌間
有佗僚不平抑塞磊塊之氣壹以詩發之後洋
山凌公亦吳人秉憲駐東甌時先生尚從事注
跼間雅聞先生善詩公一日出祖他監司鹵簿
駐江心寺四山積雪倒影空江如玉壺公登高
命題限江字先生卽矢口成篇以進領聯有一
天雪意雲連海兩岸梅花春渡江之句公擊節
賞其奇警乃數以大白浮先生先生且醺且咏
更奏數篇瓌恠益甚然公雖暱之而終不以一
旅俾自見信數之奇哉先生將及耆乃以世職
授長君而怏怏不自得以坎懷終焉先生久以
旗牌官逐
逐班行中心甚厭苦之乃白某觀察公請以兒
代觀察未之許也先生請之堅觀察命題一
每句以八音一字冠諸首詩成方聽遂其志先
生俄頃獻詩曰金風吹破舊團花石屋分泉自
煮茶絲盡已知蠶欲老竹枝還喜笋初芽靴爪
霜後終難繫土偶春深未足誇幸故得新身合
退木奴洲畔繫歸艇觀晚年貧益甚素善祿命
察嘆賞久之乃聽解職

家言乃垂簾郡市中日得百錢卽趣付酒家郡
中諸薦紳及文學士雅慕先生間爲具酒脯交
先生歡先生攝獎衣冠據上座獵鬚譚天下事
鑿鑿如見或授簡命題人人皆厭志或拔所携
杖作劍舞跳盪合節四座盡傾座少年或以酒
虐先生及稍侵狎之先生不爲迂卽拂衣去雖
謝過百方弗留也後以老病終於家而世竟無
知先生者其所著篇什亦散逸不存悲夫
丹丘生曰予自髮燥時稍知書及讀東方曼倩
魯仲連事未嘗不想見其人鬚眉面目所幸者
猶及交先生乃跡先生之才辯有口使遇漢武
調笑人主前寄寓謔浪譎不失正疇非歲星之
亞歟若當兩軍方交勝負未決使先生陳說利
害不以一矢相加遺何異仲連責新垣衍立使
秦軍却行也不然使先生稍抑折亦如傳修期
上馬殺賊下馬草露布亦足有聞于時也乃竟
泯泯沒而所著業亦不傳冤哉天寔爲之謂之
何哉

李後峰先生傳

吾鄉鴈蕩之陰蓋有南北二閣云南閣世爲章氏居章氏以簪紱起家蔚爲名族而北閣李氏世乏顯者而又未嘗有文章有之自後峰先生始先生名經勅字明典甫齒穎慧絕倫始就外塾輒能屬對如宿構會村中雨水驟溢先生與羣兒戲捕魚水中隣父老呼之曰兒能屬對乎乃曰淺水游魚露脊先生隨口卽荅曰高林鳴鳳揚聲衆爲之齦舌驚異稍長雅不好博士家言每閱不終卷輒欠伸起一擯於試遂棄去去而發古文辭先秦兩漢騷賦諸體降及唐李杜諸家集無不綜博精研務得其旨退而議擬爲詩歌匠心獨苦勑則展古法書對臨響榻無間寒暑時南閣章公玄梅世所稱千峰先生者爲湖口令初解印歸山中公風節詞翰標映一時有重望詩宗少陵得其神骨性高簡慎許可一日偶於他許見先生詩極口賞激不置乃命季子宗孔招先生入社一見定忘年交日夕相過

從靡間先生亦莊事公公品極高薄糜不繼晏如也一日先生過公公方倚簷挾冊日向午公親握二升麥命先生引磨相對疊疊談自若麥成屑旋命內治不飢共飽啖佐以赤莧紫茄談極洽日晡乃引去公間從容語先生曰吾鄉名能文章當吾前者唯元李著作孝光五峯公後公而起者其在子乎因呼之曰後峯子公晚年出則策一蹇必邀先生撰杖以從雖窮厓絕壁無不眺覽晚則止佛廬出橐中毫楮分韻賦詩爭奇角險相向嗚嗚吟每至夜分燭跋則命寺僧以松明繼之或十餘日忘返也南閣望北閣隔一溪溪上架木橋以渡一日公策蹇尋先生坐驢背覓句屬思方苦至橋忘下驢驢蹇蹇至橋半公方覺水濺濺走橋下蹇蹇目眩計無可奈何唯閉目聽之而已驢亦馴習竟得渡公望先生廬尚隔數十步乃大呼笑喧動墟落先生旋貰酒共引滿鄰叟聞之更進雞寒魚脯以佐公歡遂託宿草堂作圖題詩紀其事至今山中

傳爲盛事云先生性迂緩雅不問生產授徒里中十餘年歲入修脯以供伏臘先生每慨然慕子長遊以家無餘財不能治裘爲恨會金文峰公昭少從先生遊時起家爲刑部郎挈先生北行先生所經得縱觀吳楚齊魯幽燕諸故跡託交海內名士大夫居久之非其好也買舟辭公歸公餽以白金三十先生預割道塗費以其餘盡付書肆買所未見書以歸舟中發書流覽舒卷欣然忘食對所親曰吾此行侈於陸賈南越

汲古堂集 卷三六

三

年僅得及艾耳先生居恒神觀恬靖雖茅茨之下焚香洒掃終日兀坐不繙書則作字木榻承鄰處幾穿內行純薦孝友天成與人期雖風雨必赴對後生肫肫以名言往行爲訓迪先生旣沒貧不克葬以文太史書及古研齋富人始畢襄事先生所著集尋亦散落厖有存者嘗聞鄉先正趙方伯公廷松朱太守公諫招諸詩人集臥雲莊先生亦與焉共賦暮酒載酒詩用歸字韻先生先成中有園林變色櫻桃熟時序無言燕子歸之句咸爲閣筆白大王母爲先生同胞女兄也先生殂之歲而白始生故厖得傳聞其梗槩如此

汲古堂集 卷三六

八

三

表士君子修身堪岳之下生不厭藜藿至沒亦
泯泯無聞爲善固足恃乎昔范蔚宗著東漢書
以隱逸登諸史冊其意豈無所存歟以先生之
操履潔白孤高寧有媿於古高士乃竟聲光弗
耀豈不痛歟予故表而傳之以俟後之君子

吳少君傳

金華吳孺子字少君孤高弔奇人也晚號癩和
尚又號玄錢道人少君自少年時卽負奇癖獨
好佳山水家故饒中人產中歲妻子死盡棄其

汲古堂集

卷二十六

九

產更購古名畫法書漢鼎研山之屬浪游吳越
間水行則具一舫設几榻盡出其所常玩環列
左右止則選僧廬道院必先訪有長松流泉或
修竹千挺綠蕉一叢最幽寂處始解裝至則如
歸汎掃極潔四壁著沉水香薰一過已陳設玩
物如前區置皆有法所携一銅竈光瑩可鑑日
費炭厘十斤許而湯茗食品取辦于咄嗟頃少
君曉起坐繩床盟櫛畢冠樓葉冠或匏冠披曳
地白布方袍著草屨童子具粥已卽漬水浸香

熟古鼎徐展古書及名畫一一鑑定或自題數
語或細吟陶淵明韋應物詩一二篇他詩不甚
讀也故少君諸作亦近似清綺幽淡如明霞映
水殘雪在林興到則捉筆伸紙畫鷗鳬鸛鶴鵲
鵝之族遊戲蘅渚蘭沚間清遠之致絕可愛間
遇高僧韵士輒持去弗問非其人卽具幣乞一
筆不可得也少君故善病最不喜對雜賓其人
不韵雖貴顯者亦辭以疾間有所當意卽體中
小惡亦相對清言或親爲具酒茗不覺日之夕

汲古堂集

卷二十六

九

也遇春秋佳日携一奴裹十日糧及襍被茶具
筇竹遍游名山遠望奇峯邃壑卽賈勇如猿猱
忘其疲病嘗游天台山驚奇深入直犯虎穴乃
以百錢募樵夫采萬歲藤及古槎枿斷枿肩而
出舊居停主僧聞少君還逆之山門少君乃把
手大呼曰此行得實甚夥及解囊乃一聚櫛櫛
也無不掩口笑其癡少君以次庀治之因形賦
物其直而多節目者爲杖蟠曲輪囷者爲几爲
如意中窪而空者爲龕上圓而平者爲座咸著

之銘終日撫摩之若護嬰兒也又嘗從宜興山中得一瓠小口大腹色溫栗如黃玉日摩挲之光益瑩發夜置暗室中其光上燭屋梁如滿月少君益寶異之將用以爲壺納名酒深念中枯燥納酒則易壞且口小不容施漆具乃沉思得其意遂命冶工鍛一鐵彈丸極圓轉外衣以綿綿外塗以漆投入口中用兩手抱而搖少選復出丸用綿用漆如前法久之則閣閣有聲則知漆無處不到矣復從它處采紫竹根狀如鸞頸

汲一口堂集

卷二十六

三

者以爲嘴少君每撫弄之自詫富于荷頤也一日過太湖納瓠橐中顧時時珍護橐不置舟中盜從旁睨以謂橐有重寶夜半竊發及開橐乃一瓠也亟以刀靶撞破之而去少君抗聲大哭一船皆駭交竊罵爲老狂奴及往謁王元美先生先生恠其色沮乃述以酷盜破我至寶故我且不欲生先生謂我何先生戲作歌贈之中有赤手向余不得驕之句遠近傳聞以爲哄堂予曩以辛卯歲客金閶時少君寓雍熙蘭若日夕

相過從甚驩少君每讀予詩未嘗不心醉也尋別去遂不復相聞近詔之婺州賣藥人云少君往歲年八十以長至後苑鹿田山中矣於乎予往讀王冕孫一元傳每想其人風采異代不可得竊幸當吾世而得交少君一臂庶幾髣髴其光塵今世風漓日趨于俗其人清絕若少君者又可多得乎吾友林隱之善書畫酷慕少君之爲人壯歲亦夭死嗣後無復知有烹茶焚香趣味者

汲一口堂集

卷二十六

三

三

方湯夫傳

吾友方湯夫陳義甚高乃以善奕特聞遂掩其生平余竊悲湯夫之不幸也乃采其行誼以伺後之考湯夫者知不獨以一技傳也作湯夫傳湯夫名日新世居吾郡龍首橋里其先有爲諫議者事具李本寧太史傳贊中湯夫父諱道言以貴雄于里好行其德不幸早夭母嚴稱未亡人時湯夫尚在腹長兄日升甫離襁褓也安人及舉湯夫強眎息撫二孤時以劇役外侮紛至

家日益廢箸湯夫及髻而安人亦逝兄弟戮戮
依外太父嚴翁家時湯夫與長兄子謙治博士
家言俱通敏絕人獨湯夫善病嘗在床蓐間湯
夫故慧甚日苦呻吟智慮無所寄乃于床頭置
一枰以指畫方罫而沉思之忽大悟深得其解
乃呼鄰之善奕者每對局輒絀其技已好之彌
甚雅聞前輩有鮑澗泉名一中者爲國朝國手
冠深以不及見爲恨乃從故老覓鮑所藏秘錄
及鮑同時周源徐希聖所傳圖勢湯夫日精研
覆覈盡得其蘊時李小山中年七十餘奕家宿
將雅自負足對壘鮑君周徐以下弗論也湯夫
往與角李遂北已再試再北李嚼齒擲局于地
大呼曰神哉遂歛膺歎服于是永嘉小方之名
滿天下同時稱國手者則廣陵之方新安之呂
溫陵之蔡彼三人者鼎峙海內人人自謂得大
將未知鹿苑誰手也既聞湯夫名莫不爲爽然
自廢湯夫故名家子每恨與伯氏治帖括皆不
售墜先緒而又恥以一技鳴乃挈妻子居焦坑

山中刻志讀書及爲詩歌極力摹寫卽數易稿
不已也篇什雖寡而與寄自足每過子輒袖以
相示且字字乞子抨射子感其意直爲商訂不
少假湯夫每欣然滿志去讀書暇則抱甕灌園
種豆漚麻以自給室中無間言終日洩洩如也
時四明劉公志選以比部郎左遷福寧州佐雅
慕湯夫名遣騎敦請湯夫往溫麻一見劉公遂
定交居久之公擢合肥令復邀湯夫偕公念湯
夫貧無以具饘粥膳爲湯夫置買山資而湯夫
未嘗有所干也湯夫久客劉公署鬱鬱不自得
會劉公入計北上湯夫以病不能歸及劉公還
而湯夫病已亟相對談笑如平時再浹旬而湯
夫奄然長逝矣劉公哭之哀乃爲歛賻甚厚伺
其仲子履吉護喪歸歸之夕劉公夜夢與湯夫
別湯夫從懷中出一紙授公公眎之了可臆誦
及寤止記末四句云余性嗜奕余志言詩悟道
成真形神妙時異哉湯夫豈霍霍與石火俱滅
者乎湯夫孝友夙植風義尤敦奕聖特其餘事

耳予幸托交湯夫伯仲間最深子謙晚以修校
有時名獨湯夫溘焉長往鄉搢紳雅不言巖穴
卽湯夫純行絕技闕焉不書嗚呼又豈獨一湯
夫哉吾鄉弘正間有林翔之九溪先生者與博
君子也其大小篆俱臻神境秦相斯唐令陽冰
後不多讓而世之惡札糾結如蛇蛇顧飾以錦
緣玉軸豈非有幸有不幸耶

項季輿傳

夫士旣陸沉明時乃以酒德自全其天矣則於
舉世宜若落落無足玩者而又慕義無窮迫老
靡篤茲其人豈汶汶自托於酒者哉項季輿名
敬祖鄉先賢大叅甌東先生孫爲齋公之季子
也季輿少負跼蹐之才習功令文輒工然非其
好不暇竟也性故通脫曠達輕財好施每思高
蹈遐舉消搖墟埃之表以自放遂携家陽湖之
上湖受三溪之會天空水濶四山環抱故大叅
公所葺舊業也季輿乃傍斥羨地十餘畝周垣
治圃開徑鑿池手植長松百餘章修竹數萬挺

紅白梅花玉疊綠萼異種各三十本桃柳梧桂
半之凌茗紫藤薔薇之屬輻輳聯絡於樛枝之
上花時人行其下若逕紫絲步障中遠近綴以
小閣平臺空亭靚室不事鈎盤彫飾唯取足蔽
几榻而已歲取甌婁汚邪之入釀酒數百斛以
給賓客季輿長年不冠親友至不爲客主禮坐
定輒布席呼酒旅俎滿案不問豐旨粗糲唯取
足適飲啖而已終日高談雜以詼諧客不茗芋
不聽去卽昔人車輪括頸投轄井中不是過也
汲古堂集卷二十六
季輿埋照渾物雖市井妄庸駟僧之流相對未
嘗有迕色遇則欣然與之引滿而胸中了不可
溷以蒼素季輿雖日事洗腆乎中實剛伉耿介
間聞人間不平事輒面頸洞赤或唾罵不休聞
人有名言善行則又慕悅揚詡不置也性故忼
慨赴義若渴生平交知宗黨及中外親疎之戚
間有緩急走告季輿季輿一一應之若取諸寄
甚至窘迫則脫珥解衣弗問也季輿少年豪甚
雅不喜以一丘一壑自多日逐逐從里中統袴

見相浮湛乃携孥僦居金陵金陵故四芳賢士
大夫子墨客卿之所輻集也季輿名家子少從
祖父習知海內鴻流詰匠賢豪長者而又善詩
賦投壺六博四方士聞季輿至爭就季輿戶外
趾相錯季輿則爲拂尊疊具胃脯酒漿甚備客
皆大喜過望間遇春秋佳日則挾客携具縱覽
六朝之故墟賦詩吊古或襍被四百精藍中及
秦淮桃葉小姬家累日夕忘返也是以交知遍
寓內類皆有重名當世者在括蒼則李鏡城旭
山何賓巖鄭崑巖諸公善在永康則王衛尉左
史伯仲善每琴酒相過從遞爲南明萬象出湖
華溪之游乘興或連朝淹期則累月在蘭陰則
胡元瑞父子善元瑞贈撰結慎許可雅愛季輿
其尊公公泉公亦暱季輿相得甚驩在武林則
施虎泉李岫嶠善日置酒湖山更致他客飲狎
無間在構李則同宗項少溪墨林玄池善敦修
宗盟之誼甚殷也在金閶則周幼海王百谷俞
安期及三張諸人善嘗一再過弁園訪瑯琊兄

弟鳳洲麟洲二先生二先生雅與季輿尊公
文字友深喜季輿能以詞翰世其家每與轟飲
輒田酒德過其父呼爲小友在金陵則陳橫巖
姚秋澗張白問邢雉山善時甫中方劄菴爲水
部郎雅詩豪酒乃拉季輿及周鴈山諸君結白
問社日以奇語險韻相角爲快也里中大老二
谷四谷侯公賜谷王公皆季輿父執時引季輿
爲忘年交其投贈寄懷諸作悉具季輿家集中
季輿年及艾遂偃仰湖山不復有五岳之志矣
時王贊夫別業在渚東余亦卜鄰於茲距季輿
居厘三里許鄭可貞亦移居相近季輿兄叔定
時過宿山中文酒相倡和爲常也一日季輿謂
余曰昔王濛有言劉君知我勝我自知然知我
者莫子若也子其爲我傳之丹丘生曰余與季
輿交垂四十年始申以縞紵中託以葭葦季輿
每淋漓盃酒間言及先公及大王父事未嘗不
泫然悲甚至左右不敢仰眎母夫人從諸兄域
居季輿旦日操一舫起居太夫人膝下問寒煖

依依若嬰孩及太夫人以天年終則季輿幾同
嗣宗嘔血莊事諸兄怡怡如也茲其孝友內備
仁心爲質者耶至若壯心不堪耗磨故借杯鎗
以澆壘塊季輿豈游於酒人者耶噫人固不易
知蓋古人言之矣

汲古堂集卷之第二十七

書牘

東甌何白无咎著

與郝大令時在羅峯寺寫經

昨至山寺塵襟如滌虛廊間敞山影逼欄凭高
一送目片雨自遠而集爽颯飄舞忽斷忽續已
而晚虹含霽彩翠流暉初月在松白雲映水此
時覺舉體輕安四山間寂惟聞廊下革履聲已
而日入瞑坐丈室佛火熒熒與老衲共趺木榻
相對靜嘿久之不作話柄庶幾白香山所謂一
念不生前後際斷耳君侯自是大誓願人卽以
淨庭爲法界喧寂二境不相凌奪未免軒渠野
人尚墮黑山活計也使來以付一喙

荅郝大令送酒

梵網五戒米汁居先習氣未除聊復爾耳寺後
溪水縹碧溪中巨石數十如飲牛中有一石甚
平可列三四坐具有桃樹如偃蓋晚涼箕踞
其上因攜酒呼所知共飲石下斑魚數百頭戢

戢波面間投餅餌啖呷翫狎游泳上下信可樂
也遂至大醉已呼寺僧爲津梁始得渡首戒之
愆政恐不免惟日作禮繡如來或得開罪少分
也

慰劉將軍

順逆關捩卽是苑生消息呂梁巴峽轉轂盤渦
善游者與沫俱出爲輪爲彈任運騰騰願足下
有以自廣無過咄咄爲也賦機潛伏昧者蹈焉
自刃程前不救流矢孔文舉魯國一男子耳何
所不容兜鍪襁褓寧足以籠絡國士耶足下戚
戚亦復何爲頃過高齋當爲譬說

與楊木父

大羅旁魄孫眠衆山在吾鄉若大地中有須彌
山王耳昨飯後偕僧蓮巖從寺後披榛而上行
數里許所經隈隩夷衍處輒有聚落十餘家美
箭清流蔭映前後及至半嶺始窮龍潭之事峭
壁摩天飛流奔瀾至若龍街又特奇詭清泉瀉
瀉流砥石上深可沒脛街獨隱起兩傍青石如

截肪肉嵌白石宛若躡級狀其光澤不類它石
僅赤脚緩步街中水風逆激清寒沁骨俯窺巖
洞深黝不可測寔神龍窟宅也遂股栗而出山
下有諸君者許以重陽日携尊再過此時倘得
足下偕遊亦人間一段奇事也

與何仁仲

昨過高梁橋萬柳蔽天空陰翳勃如行十里青
油步障中下有溪流數道縹碧映帶曲折若窮
忽又無際白鷗矯翼黃鳥弄音沽女當爐餅師
弛擔杖頭錢不滿百因就取酒欣然獨引一洗
半年塵土引領南望又見佛廬朱閣點綴遠林
落照間益信輞川吳興畫品神妙耳此時頗
恨措大酸氣不若景升豪舉細馬馱燕姬血色
裙掩映深綠中亦復何所不快耶數日後儻得
足下休沐暇並馬出郭續此清賞庶不負北來
此行耳

與程仲權

十六夜遲足下不至與景升託宿摩訶菴晚涼

聽無弦師鼓琴一再行音響清越沙彌非幻髮
根微綠輕染如畫法韻標舉清言妍雅自濯濯
可人意乃共散步西廊明月如金輪挂塔巔與
景升對浴古栢下忽憶此身去家六千里沈痛
悽惋脉脉欲絕昔人所謂未免有情亦復誰能
遣此比來鄉思益深直以日爲歲但季中未有
動理耳

與吳病鶴

大都高流韻士五內清虛如大羅仙人必服玄
霜紺雪消融礙質然後排虛入冥飛行自在足
下儻俗出塵故其言亦相副讀二作如嚼玉英
瑤蕊寒香熨齒但格調稍溢於法耳頃之過禪
房蕉下清言爲快

與陸君策

昔張司空謂君家平原獨患才多昨見足下藻
思飈發顧盼吟生姿雲間之喬代不乏人哉扇頭
小景氣韻濯濯自佳第位置稍落時人窠臼中
不若龍君便回生動適逸耳豈善逝以小乘人

如聾若啞遂不豎無上妙義耶袁履善先生極口渚塔望月大爲吳淞奇觀每一想像便欲濯魄冰壺望舒正圓須得足下靈槎共坐天漢倘得一入成都卜肆占驗亦爲異日此中一段美談也

與王伯穀

不奉几杖於茲五年緬想徽音曷勝欽挹比聞起居佳勝神情蔚茂太丘道廣而汎應無方北海名高而賓朋駢集劉穆之之百函俱發溫庭

汲古堂集卷二十七

五

三

筠之八韻立成廣坐長筵無不人人屬厭是以價騰絕裔紙溢鷄林豈非通身手眼疇能爾耶間與邵君竊歎先生本乎天成匪由人力若夫巧穿月脇博該海藏諧音靈籟高挹霞標春波遠靄無以爲其澹淡之容芳芷新蒲無以喻其芊眠之致龍堂貝闕無以狀其窅幻之奇翠壁丹厓無以方其幽峭之趣至於擢新拔異化腐爲奇擘若巨靈之掌而大造不能掣其肘也舉世後生妄加訕評間誦短章未窺巨帙或病傷

於纖巧過乎靡麗烏知非麗無以宣五色之章非巧無以肖衆象之妙信乎知言之爲難賞音之不易也白識慙桓子頗知玄草之必傳才謝中郎深解論衡之足秘行年四十限足尋常妄意聲詩未窺堂室徒爾磨鈍策陋未免力蹶思窮托志遙懷拊膺增慨亦知蹄涔乏運尺之鯉鰈無合抱之材揣量自疑灰心中廢時又披閱先生諸什輒爲氣奪神駭昔君苗焚研於士衡平叔毀書於王弼良有以也唯以每念疇昔吳苑之遊仰辱先生獎掖之至有失雅望坐負盛心未嘗不終寢九嗟含餽屢輟者也乃於前歲卜居東渚前榮榆柳不乏十章後閣簞簞亦叢千挺土風醇朴庶幾建德之鄉山水清華頗協仲長之志吹臺前抱子晉之玄蹤可尋芳嶼後峙梅尉之隱跡未泯芋區薑畛交映家園花汧松坪近聯籬落時或振策亦復提壺晞髮繁陰放情遠壑聽田水而懷丈人聆杖擎而思漁父罄老農之極悰希先民之逸軌可以忘死可

汲古堂集卷二十七

六

三

以樂饑故以餅無儲粟而欣然覓覓見嗤而不
悔者矣嗟乎先生日邁不居河清難俟交道日
偷世塗日蹙谷風興刺伐木輟音比義有黨人
之名當路下逐客之令舉足則駭機暗伏驥首
則恢爵高張夫輕義尚利則秦稱士賤砥痔得
車國多下醫積風不競下流難居所從來遠矣
此昔人所以高蹈而不返被髮而行歌者也所
賴賢豪嘉尚策飛轡於雲標靈哲匠心寄冲情
於天外庶以不朽鴻業昭志將來足以濟偉下
汲古堂集 卷三十七

與潘景升

比來窮愁忽忽老病侵尋槁若陳根雄心銷落
不比往時慙慙也猶記燕市之遊酒人徵逐若
生駒更駕勁鶻盤空日夜沉酣別去猶作悵悵
惋恨之色今都不復耳山齋燈火獨坐蕭然間

捉陳編亦嬾竟讀入目了了掩卷紛如或拈禪
門公案一二語謬爲叅證淡若蜜脾黑猶漆桶
微有會處亦覺欣然足下亦復賞此空寂之趣
否江山變絕會面何時裁書叙心唯強飯自愛
與鄭崑巖先生

野人汨沒塵勞道機未熟須得法侶藉作津梁
必也其人如甘滑寒泉灑心沁骨庶足却塵勞
而祛鄙悵斯爲佳耳比來緇羽附景趨風競嗽
名根絕無本色或有動牽貴顯語雜市朝卷冊
自隨詩文爲贅意揮不去心逐莫知豈勝委頓
唯當求之真實苦行中但知噉飯靜坐者差強
人意寧必口轉轆轤手揮塵尾爲標致邪此下
劣邪見不滿門下圓通法門一喙也往見門下
所舍蓮方老衲句曲道人乍挹神標輒生歡喜
可謂言簡意訓目擊道存者矣豈非門下企注
之至安能致此幽人昔劉安好道而伍被登門
許掾真修而支郎入社氣以類求信有以也何
時共坐鼎湖一峯商訂爲樂茲因買茶人往輒

附寸楮伏惟門下炤亮不宣

與陸君策

足下渡江更與麗人偕來懊儂一曲當不減王家桃葉耳筆牀茶竈日與鳬鷺上下藕花蘭薄中當其雲光閣雨涼吹皺波湖鏡窺妝山眉寫翠時以摻摻拂端州片石不知日費脣糜幾螺許明日擬同宋彥過訪湖上昔人有隔簾奏伎自是任達足下高風雅致何必遠遜前美

荅袁履善先生

汲古堂集

卷二十七

九

三

承惠大什包舉衆體盟手發函光燭四溢茫焉習焉終成窺豹尚有恠類羶羊奇疑龍鮓異如萍實玄若洞章顧非神智何能與於斯乎僕庸人也譬之蒼蠅雖終日行不越階序宜乎其舌橋然而不下也

簡龍君御

適聞體中小惡想是麴生作祟豈以中山近在几席間耶昨飲大樹齋從典拊節抗音咏使君醉歌行音節悲壯氣韻沉雄劉生虬鬚直視拔

劍起舞忽爾疾雷破壁飛電繞梁急雨撼床白虹纏柱丈室之中光恠百出豈以逐臣牢悵排側之音足可呼吸靈物耶昔歐冶鑄劍天帝裝炭太乙下觀爐冶之物用精既專尚能致效若此矧此道奏之郊廟足以調八風而饗百神者乎唯使君自愛無更牢愁爲也

與陳鼎卿

猶記昨歲十月大醉冰鶴壇夜半攜壺更躡飛霞洞頂已而海門湧月萬頃射波下眎人世恍若兜羅綿色界咤奇高咏長風振林哆口共談荒誕宵眎人間絕無事不覺東方繚白滿地飛霜下遇射圃漂絮人大相錯愕疑我兩人爲鬼物已乃向之長嘯彼益駭異莫之測也今復歲週狂態頓減信奇晤不可多得耳適有名酒思與足下共之幸卽躡履

陳鼎卿

橘中之樂不減商山何物老嫗逐客之令峻過祖龍十倍矣此中風土事事宜人卽此一章古

榕足敵渭川千畝儻遂此願他日散髮共披雄
風足以傲雪山而凌冰井散入散木擁爐適同
櫟社有神當聞斯語足下其亟圖之我亦從此
逝矣

荅鄒吏部孚如書

白甌越鄙人也行能無所底歲在丙申撰杖叅
山頰眎全楚其氣旁魄韞靈滄異代不乏人時
足下關關于夢澤本寧杜門于郢陰已而馬首
而西得與太史壇坫揚挖風雅稍究指歸及發

沈下堂集

卷二十七

十一

三

足下撰結讀之渾噩閎麗典則清瀏色非一采
律非一音信爲文固之逸軌藝塗之駁鑣也若
僕之爲門下所謂探蠡酌海以郊視文烏究其
端哉竊欲納履門下一叩鴻蘊且念足下却埽
謝客傲然霞表虛薄褐夫無足以迴足下一眴
徒抱曹蜩望塵之羨有感許劭入穎之言却步
儻個精飛神逞有懷耿耿于茲三年已讀足下
古離別諸作託意既高鑄辭亦古益知足下憤
俗傷時其思深其旨婉殊非寡識淺見所能游

其蕃也鐘麗水信來遠承手教謬辱周稱乃知
足下不讓微塵弗辭非類劉勰攜書而未奏稱
衡襄刺而莫投甚非足下折節雅意既傷足下
兼收之義復悔疇昔自棄之失僕誠則陋矣僕
少孤賤長復音薄託意聲詩未窺膚腴行之罔
效屢廢屢疑妄謂此道本乎性情盈之咏歎牽
合雕斲殊失源流逐於擬摹則守而未化傷於
直致則俚而無文非經亂離而詞過危苦何異
無病呻吟偶值游觀而專淫豔無乃寒林剪綵
境非齊梁時非天寶徒取材過差耳是皆格緣
詞扭語匪由衷無當作者必也議擬以一其格
抒寫以窮其情叅錯以極其變殆稱合作然質
非一致才亦殊科小大由稟成家寔難連篇傷
體無貴逞長隻字諸音巧于用短故玉卮無當
寧寶瓷甕孤白落毛反資重續者也僕懷之有
年深心未遂加以寒暑催督風塵汨沒迫于貧
窶兒女嬰情開逕乏資下帷無日青山待主白
雲笑人日月侵尋夙懷荒落年未及強而精已

沈下堂集

卷二十七

十一

三

銷亡中夜拊膺唯有雷歎而已聾聵之言何異
夢中囁語足下得不哀其狂而笑其愚乎辱索
近稿極欲求正大方第使者艤舟待發繕寫未
遑謹以淮肥拙刻一種呈上聊資噴飯無當解
頤倘因飛鳧願言嗣響

與王贊夫

弟臨發時殊爲梗氏憂不虞其不起也今得九
月廿日報不勝惋歎鐘情自是吾輩人足下何
以自遣如電如露當作如是觀哀但或可衰減

汲古堂集

卷二十七

十三

三

耳絕塞寥夔賴賢主相听夕羽書多暇惟燕息
焚香談芝討桂而已署後崇臺迥榭流泉茂林
頗自濯濯足散煩襟其地故將藪也宿將家食
者不下數人咸以開府有重客間爲具鐘鼓召
客酒半上壽時復談異時戰陳事鬚髯蜩張指
天畫地的如畫或解衣指癢悲壯忼慨或據
鞍舞稍以示矍鑠大類李驍騎射虎藍田尉鄂
公田莊社飲足當半部梨園也不勝大喙昨從
李都護提數千騎獵大磧中甲光鏡野胡女漢

見拓絃作霹靂聲刺肥割鮮舉酒相勞復於馬
上盛陳音樂百戲第意興殊索然居然一死灰
頭陀也而來教云云若望第畫奇策佐末議無
乃大相謬刺乎嗟乎贊夫足下長松修竹白石
清泉何者不足吾所顧乃逐逐馬蹄間以壯遊
自好豈不嫻笑山靈乎亦願足下拚此老明經
直若孟敏之甌共修宗雷白業一噓東林遺燼
亦復何所不快且聞兩寧馨風氣日上嗇此豐
彼安知非造化意耶叔相復爾點額深爲扼腕

汲古堂集

卷二十七

十四

三

幸願以頓挫爲涵養無以漂越爲奮揚則芒刃
不嬰而氣有餘用矣審是則何壘弗摩何的不
破邪十月塞上已堅冰非重裘不出無論霜凜
亦勢不能脂牽而東耳緬想黃花遶籬新篴浮
盞時與比隣歡呼謔浪樂事可想每一馳神恨
無羽翼篝燈觀縷苑結何言

與邵少文

九月廿日得足下報書具悉尊體康勝足慰悵
懷來教詞旨婉縹乃云何物何生足當秦州諸

作後塵何其言之不情而詞之過溢也僕之少也尚不踰人今行且老矣欲與昔賢分路揚鑣不亦大相謬悖乎大都此道以氣爲主持之以志凝之以神氣昌與昌氣索與索僕賦子既薄采載復單困於羈孤則貧病得以撼其守窘於酬應則流雜得以分其專疲於奔峭則勞勩得以搖其精恬於媮惰則弛慢得以弱其志一日之內攻非一端於定力乎何有譬彼無源之井復當千家之聚豈有不泥淖枯竭者足下擁書

汲古堂集

卷二十七

一五

三

萬卷左對孺人右顧孺子杜門掃軌則座鮮雜賓舉白持螯則目無俗韻咀古茹今扣商激羽此天之所與孰得而扼其吭也昭父尚臥飯饌山中高標遠致奕奕如見昭粹山亭風物日佳寒梅翠竹日損濁醪幾斛許塵勞中輒以鶴林清蔚之趣當琉璃水月觀把臂入林想在改歲清和之候耳臨紙悵悵

與項季興

七日從驛騎得仲權燕臺書乃知吾兄偕長君

入白門祠部試事何似何得悠悠乃爾據前牒所云吏部需人甚亟則非虛文可知抑攝事者故爲推諉邪抑疾足者先據倖竇邪展轉不得其解然淹速之度固有定分但第忝在肺附不能不爲之惋歎耳闔宅康勝事事可娛青山白雲故不廢我嘯歌信自愉快第天之慘民也寄身絕微百慮嬰心木皮三寸縮項入懷以一日爲一歲計明春夏當膏其輅足下幸貯蘭英一石遲我中林共話風塵行路難也不旣

汲古堂集

卷二十七

十六

三

與木父

萬里之遊不及捉臂而別臨發殊憤憤已而客枕不寐夙昔情境一一現前不覺爽然失次也嗟乎木父自少而壯自壯而老酒盃詩卷耳耳拍肩卽悠悠面朋於世不數數見矧弟與足下風義氣分相於者乎知足下亦不能遽忘我也頃從李大將軍提七萃出獵沙漠中與秦隴銳頭兒揚鞭鳴鏑割鮮中野非不雄快第對境豪氣易盡殊敗人意信老馬不復爲駒耳不知足

下庸渠能關入少年場依然夙昔狂態耶家仲
今歲授徒何所月入供米凡幾囊侏儒飽欲死
豈虛語邪一笑

與柯茂倩

第燈節作萬里遊時足下擁絳帳臥郡齋不及
提臂而別恨恨之懷無以爲諭郡伯長者想能
爲太夫人具甘毳費比聞已擢粵西驛程寫遠
上下束馬跼蹙之鄉想足下不克與偕耳足下
天才霞騫景鏤足以鞭撻中原雄睎秣苑今既
束縛諸生便當埋頭制義志以凝神神以御氣
神氣合一純如木鷄則何堅弗摧何關弗透耶
雖理無二致而緩急有序此既超乘而上彼亦
奔景絕塵未有江海溢而百川不倒流者也若
欲左挾風騷右持帖括首鼠兩端遠難責以專
壹之效今世非科目不足以發舒願足下俯采
迂言乘時努力莫若第落落終於不振也翼之
兄弟山居想已落成不知亦念及西塞老客黑
貂皂帽驢背鳴鳴作秋蟬聲乎

與少文

離析以來僕僕長路每撫景有觸頻響踟躕緬
想遠韻輒脉脉如醉僕自仲春達晉陵舍舟就
陸取道中都洛陽抵關中所歷名蹟往往而在
第恨與俱者皆從軍兒日走百里趨利促刺不
得休且驛程與馬無淹期徒御告欲稍一寓目
輒復舍去安得如雲水僧肩飄頂笠超放自如
也大都關洛山川旁睨雄鬱殊乏清遠幽靚之
致每憑高眺遠極目千里寒日澹野風沙蔽天
輒令人悲慨黯黯不自怡頃停車北邙之陽洛
水之涘想像疇曩車擊轂人駕肩別館離宮雲
興霞蔚于今委之耕牧麥隴漸漸雉兔蹄而
已已經函谷虎牢成臯潼關在昔英雄以智力
相角莫不驚擊龍驤狼顧虎據于今聲銷跡滅
斯盡灰飛古塚巍峩殘陽慘澹馬童牧兒猶能
以尺箠指合圍戰陳處已登橋陵祇謁軒皇葬
衣冠地及眺泰華尋陳圖南脫骨石室爲之僊
僊飛動自媿凡骨無伯昏瞀人之術從白帝一

探真源又恨不及携足下驚人語搔首問青天
耳他如往古英哲故宅遺墟或下馬摩挲斷碣
爲之欷歔低徊不忍去左右之人孰有知余悲
慨之深者偶因郵筒聊用相聞他日山窗剪燭
更爲抵掌之資耳足下自愛言不多及

與王贊夫

東渚烟霞頻年以來第與足下迭爲主人今復
遠出信是人間缺陷事何如日坐清泉白石間
接席而談方舟而出以一日當千秋也第從晉
陵取道榆關凡歷驛程五千有奇計日七十有

汲古堂集

卷二十七

九

三十八

七已歷關洛諸名勝地旁諮樵牧秦宮漢闕于
烟莽中則不勝雍門承睫之悲已覽嵩少太華
仙蹤異跡則飄然有佐卿控鶴之想已經虎牢
潼關古戰場則令人發嗣宗廣武之嘆情逐事
遷感隨境起電露夢幻起滅何常不滿達人一
喙也第恨所至日不移表輒舍去然僅勝一室
夢游耳他日空山燈火當與足下噉蹲鴟媚妮
也邊塞蒼莽躍馬騁望便覺霍霍有激昂氣頃

與中丞期以初秋提士馬大蒐黃沙白草間令
健兒射鵬逐麋兔若曹景宗所謂生噉其胃如
甘露漿爲快耳便中附聞願言自愛

蔡去疾

丁亥之歲不肖擢杖赤城道出委羽車殆馬煩
寄炊牛屋足下携尊過我轟飲狂歌能令稽阮
却走荆高無色豪爽奕奕之致恨無畫史解衣
盤礴傳之縑素流傳好事以爲美談耳忽忽幾
廿稔不肖衰相見凌風流頓盡不識足下比作
何狀猶能引大斗累數十酌戛紫槽唱大江東
去否僕去歲從洛入陝隴縱觀邊塞沙漠諸名
跡間從上郡銳頭兒躍馬沙磧中逐黃羊射赤
鴈頗有曹景宗風槩但恨不得足下豪舉一當
之耳舍親項季輿快士也酒態曩爲弇州公見
賞足下爲之堅壁相持未知鹿炮誰手韻語亦
足鼓吹林壑受知君家吏部公最深今重趼走
謁以明國士之感瀕行敬用相聞幸有以復有
忘曩好請鑒明水

汲古堂集

卷二十七

三

三十九

王伯無

尊公名德風華兼長往哲文心勝韻頗賦時流
盛業未竟奄然厭世當時衿帶之士藉以揚聲
莫不雲合景從足謂一代龍門傑斷朽株耳
亦辱出之溝中收之爨下乃於足下不相聞問
者四年於茲足下得不以僕爲非人耶所恃寸
心不渝或得見亮吾兄弟耳壬寅暮春撰杖
石梁振衣華頂勸則扣石而歌渴則承雷而飲
精藍襍被方舸聯袂膠漆未足比其綢繆琴筑
汲古堂集卷二十七

金元玉

足下天穎玄超風華高朗而才藻燿若練霄神
光逼皆又若游龍戲海快鶻擘霄非人間所能
維繫籠罩也且義分英英凌霜貫日一言契合

千里頌聲居然古俠烈風曩辱不鄙夷託以縞
紵頃竹屋燈火風雨淒然舊遊種種現前唯慨
慷悲歌拍案而起耳比闕然不聞問知吾兄得
不以我爲人面而強行者邪去歲從關洛走塞
上太華爽拔黃河源委大漠莽蒼戰壘險絕兵
革犀利士馬精強稍一寓目恨足下英爽之
氣顧眄風雲盾頭磨墨爲雄快也季輿高士足
下試與周旋固當勝王阿大多多許

王圭叔方伯

閭橋之別炯在心目間四載猶一日鄙人疵賤
何以得當大雅乃爾門下微烈烏奕掩暎逞牒
乃久角巾私第僥得之者纍纍若若莫邪爲鈍
自古慨之門下龍蛇其德桃李不言旣無子幼
種豆之謠又笑深源書空之狀非門下深挾道
秘疇能爾耶不拒不留信爲靈哲作用耳不肖
去歲作榆中遊經歲始歸山中每用引領名園
佳勝惟有色飛神注頃季輿行時僕適有括蒼
之役厓略布衷懷負媿不可言季輿風期玄散

天韻超曠酒態文心翩翩饒致知必把臂入林也

王永叔諫議

閭橋之餞勝流畢集寵以篇章薦以琴酒卽賢豪俊爽所不能致乃於窒衡含糗之子奄得之遭遇亦奇矣前歲鄭生還甌出翰札并拜髻盒名香之賜讀扇頭白嶽四作如發丹臺琅笈傾耳步靈之音也闕焉久不報臯狀若爲擢髮世局日非而足下尚後賜環之命良可扼腕然足下邁往不屑之韻固自廓如且得從子舍帑鞞曲臆日侍大夫人三事不易良非虛語僕昨歲走上郡出潼關渡無定河縱覽河源太華之勝足咤生平壯游第恨推不文不及班椽袁虎諸人草檄勒銘坐怖老上休屠耳頃有五雲之役而季輿過赤城敬陳厓略季輿酒態文心殊強人意非而夫誰當倒中郎之屣者

王伯燮

曩傲天之衷得游金昆玉季間抽毫授簡則藻

思飈馳列藉呼尊則羽卮波卷昔瑯琊羣從俱善篇章馬糞諸賢咸超名理方斯篋矣一別忽忽四易星霜天台旣非天上甌水實爲比隣宵若異域唯有浩歎僕去歲浪遊榆塞躍馬黃沙時從幽并健兒射獵大澤中酒酣耳熱鼻聲爲出塞入塞之歌差足雄快恨之足下豪俊之氣上馬着鐵袴褶舞稍數迴爲快耳

王伯度

昔我二三兄弟狎主齊盟牛耳壇坫氣類相感則丹漆椅桐觚觥抽思則霞興雲蔚被酒跳盪擊鉢放歌快意當前狂態轉劇自謂建安不足八開元不足五也無何僕旅食金陵琴師李生來接翰札蘊結如沆讀春容長律爛若披錦闕然未有報僕初夏自塞上乘驛騎至邗溝舍人方爲具食適聞李將軍捐賓客王孝廉爲經紀其後事甚周今尚在甥館僕投匕而起跣而赴之及至幕府知足下養痾浮玉先發三日矣言念君子實勞我心足下韜精輔餌何恙弗已豈

毘耶示疾隨順方便者耶僕方有古括之役適季輿來季輿才情酒德足與不佞分路揚鑣政恐不能當足下偏師耳

王伯繩

歲在攝提得侍清燕足下風華標映朗如行玉山而文情蔥蒨復自引人著勝地名園之會何忝山陽殊恨褐父屑屑無好致乃敗人意耳伯繩足下一別如雨人壽幾何僕願且禿矣唯剗心太上宴坐覺場斯爲得耳其如鈍根下劣習障難祛不識足下何以振我季輿兄標致高逸自是竹林一流人足下試捉麈尾與語當不落野狐葛藤耳

盧叔度

祥風甘露朗潤來拂人蓋叔度先生其人也僕得侍光塵忽歷年所間從故篋檢墨妙諷一過聊解結惛而已僕去歲乃爲故人黷之不置久客西塞竊得縱觀邊圉秦漢諸名蹟經歲始作歸計弱植絲絇多病乘之衰相駸駸花冠墮地

其時矣每念憤麓翠微之遊唯有蹶蹶神往

與梅季豹

白門爲別動歷年所不肖弟頭顱旣非曩態鈍劣不減故吾言之於邑足下神標外朗靈氣內融翳鳳鞭羈行空徑度下眎第輩直泥下潛擺耳玉洞一賦似不從人間來已而竊讀入閩近體諸作卽境躡實陳事切情非不天骨森張而造語頗傷率易政如宗門道人登壇說法雖言言真諦未免墮落宣偈窠臼於風人之致似稍有間唐元白長慶體序事如畫彼亦自云理太周意太切理周則詞繁意切則言激然風趣未嘗不濯濯可人也足下之作較之二公離乎合乎足下曩自言不好近體好亦不善此兄自斷公案也居諸一集足以雄視千古他作不必廣示人可也此博地凡夫未能窺見善逝一毛孔竊欲有效于左右實以古道相勗當不當弗論也第自己亥携孥入梅嶼山中故君家子真所栖隱處墾圃十雙稅田數畝激流疏沼種豆漚

麻頗有世外之想卽一麻半菽目不再食意豁如也第天末故人海內名勝每一捐脰輒望風依依兄比儼居秣陵買賦金亦足細君取酒否人言長卿慢世慢世政足傳及乘駟馬車了不與措大面孔耳令姪豪爽快士落落伍籍尚無泣血以相明者奈何

李本寧太史

不肖自淝水歸偃息衡廬日苦里中屬以筆札之役稍爾愆期則訶讓隨之復有代作聲律箋

汲古堂集

卷二十七

三

三

記以干時者乃爲想像佞容髣髴媚骨拂情虧質心目爲碎蕪穢口甚而本根盡撥矣今歲已入山稍謝勞務料理舊業邁往之心以日爲歲子謙東歸長跼發函遠示漢刻復拜朱提捫心知感拊膺增慙成都之命足爲世道一快熊車所至百城望風昔王右軍謂彼土山川諸奇揚雄左思蜀都殊爲未備千載而下得藉明公補其闕略寧非山靈大幸且右軍思一游目汶領峩眉縱觀漢時講堂及問相如譙周有後否白

讀其書未嘗不踴躍神躍今且去右軍復千餘年名蹟當益榛莽比欲作數詩以申企慕託之夢遊緣家兒痢下十月未差心如焚縈子謙具能言之耳萬里雲天曷勝延結

與徐懋吳司理

昨山行殊佳塵襟如滌頗惟吳生對面翠微了無酬酢意興在瑤箏銀甲耳僕往客都門乃爲二三少年募入狹斜中二八代更絲肉迭奏快意當前非不骨騰肉飛去後神思疲繭生厭離心輒作數日惡乃與景升輩復過香山諸精藍遂欣然忘返已歸臥長安市清夢栩栩猶在碧靄赤霞間山水洞壑與僕信有清緣耳世路轉迫被髮長往茲其時乎來歲春水門下倘再發興台蕩當物色我於千樹桃花中獨往之趣非止一日門下勿訝僕漫爲雅語

與馮玄岳公祖

臺下投傳家食四徂寒暑山民未能踐夙約負糗出山登堂下稱主臣卽有炙輠之辯無以自

汲古堂集

卷二十七

三

三

文其罪矣非藉臺下破觚爲圓安能假其餘息
白比殊劣劣去秋一病幾作岱游重以荒邨寥
聞妻病兒稚墻無板築箐篠爲藩徑乏開荒蓬
蒿弗戶於菟暴客相屬縱橫夕惕朝虞不遑寢
處今春海氛告警夷舶闌入內地鄉民麻沸不
勝流離之狀乃知泰始之世野鹿標枝武陵桃
源桑麻雞犬豈不較若河漢哉比聞撰結日富
擁書萬卷何必南面百城第物情瞻注雷謗漸
明東山片石未能終于堅臥耳涼風天未我懷
如何

與王用敬

足下善病無緣過丈室一叅不二法門今天女
雨曼陀羅耳比聞四大安和深用爲慰第行年
四十憤憤無聞猶爾纏縛世網頃亦多病神理
頓盡每念一大事因緣未嘗不中飯輟舖深夜
起坐足下旣抱無上法器必須勇猛斬截自求
度脫然後持大悲心願力始大不然見哭興哀
未免沉溺愛河耳卽以現前老病爲醫王便是

淨名居士拈美處此小兒強作解事語不滿足
下一喙也遊鴈山五百錢留之敝篋貫且欲朽
猶然未命蠟屐千載向禽何可多得也暫用歸
上尚圖秋以爲期

與潘景升

花影閣長板橋之游別後此樂不可再且無吾
輩客也第束身習井眎足下不啻摩天黃鵠哉
第瀕年乃苦兒病不勝刺促何論丹臺碧落騷
驚控鶴之人卽一丘一壑寧尊瓢飲之享乃亦

汲古堂集卷三十七

三

三

太上所靳也去歲本寧先生秉憲吾湘弟擬出
山拉足下及仲樵輩就湖山爲高會庶幾鼓吹
林壑一振遺響且元成先生家居快快宜用相
存不圖此願不果良用浩歎第行年四十性命
之學旣類望洋鉛槧之業尚迷寄徑竊念古人
不朽大業貴在及時古不暇論卽國朝高季迪
何景明徐禎卿輩類有成撰皆在盛年恐一旦
脫不可諱齋志黃墟此寔志士之所深悲也中
夜拊膺若墜谿谷晦谷師來辱寄涉江大什汰

條精瑩百鍊千流唐初四傑足與分路揚鑣明興作者數家未免中有舛雜之恨若至思致縣密才法相須未若髯之逸羣絕倫也名山之業其在斯乎第雖瞠乎後塵不敢以鴛自廢明春擬俶裝尋足下商訂此業迷津大筏舍子其誰裁書叙心臨風延佇

與郝仲興使君

臺下何負於今也而詠謠者刻畫而文致之惟恐不密不過欲令受者憤懣抑塞牢騷無聊咄咄書空彼且從旁而睥之以洩其所不快耳不知達者能以夢幻泡露一切空之誰爲受者造化小兒竟柰公何可發一笑也曩者澄江官署

盃酒寒夜亦曾劇談至此今春抵吳門過王校書半偈菴方知臺下註誤之由校書能言臺下神宇恬謐竝不爲動益信臺下的有定力乃知疇昔之夜非漫爲雅語也第恐開場易于休歇吟寂未免萌芽願時以慧鐔伺之一起便咄一咄便消昔印公寓書蘇公有云功名富貴轉盼

成空何不尋取本來面目萬劫常住此真甘露門哉臺下天穎雄超靈根猛利籌之爛熟必不以此易彼白迫于妻孥以鼻息仰人者二十年於茲若亡子蘊沒衣珠而俛俛行乞也今且憬然汗下早晚決計割空山一坐具亟爲將得去地東林宗雷我師也幸臺下開我迷雲鄭中丞遣健兒招之榆塞署有林泉亭臺之觀足散人懷不致岑寂也翹首名園徒有神往

與程仲權

弟自惟介麋之性宜于丘樊乃今不安于樊自我黥剝羈勒之又豈制命者之故耶西塞祁寒木皮三寸身非金石日暴霜露賴賢主人羽檄多暇相與叅印無生針芥相投差解抑塞耳季豹化爲異物友道陽九豈勝摧痛想已歸櫬宣州兩郎君能繼先緒否遺稿不致散逸否此固後死者責也言之於邑潘髯比相聞否二三兄弟鴻裁景饒更霸主盟乃足下獨標神韻自立鑑鞬更自奔軼不以我之不類累用鞭箠其如

驚重不力何來春不識得一胥脂商訂此道不
仲嘉少連二君并爲致區區

王伯度

僕今秋奇病入勝瀨于地者數四黃門公至第
始離床第尚如出轂寒雞負風欲什竟不得把
臂道契濶不勝宛結大什蒿目不能竟讀矧光
恠注射奪人目睛耶咄咄伯度賞音析義千載
爲難子建有云後世誰復相知定吾文者伯度
足下舉今作者粗得其概敢不陳之伯度以求

汲古堂集 卷二十七

三

三

折衷焉僕竊謂國朝再闢區夏神氣亶厚國初
若高季廸楊孟載劉伯溫徐幼文諸子咸斐然
自成一家言大都無不矩矱全唐獨運胸臆卽
近體不無中晚纖弱之調尚沿元季餘風稍欠
錚錚耳然邇其源流若禪家宗派雖宗分南北
自是一門超出妙莊嚴路自茲以降代不乏人
蟪至北地信陽惘然爭雄斯道爲之一振何李
骨力雖軟矯勁究其深詣宋必遠勝高楊諸子
也嘉隆之際作者七人嗣後宗派既雜旁流漬

汲古堂集 卷二十七

三

三

出遙頽然不可妨矣蓋舟州生太直欲體其百
家苞葉今古豈不汪洋萬里崩奔自恣哉或云
太貴富贍詞多填實求其風雅相宜情境互暢
較之唐人有間矣似非過論濟南以高竿嘹曉
取勝非不全莖玉樹月鶴霜鍾第語過清空意
少變化如五音亮節必無淵閑悠長之韵五味
爽口自乏雋永滋旨之味一時尋聲附響者靡
然從風無不逮肖若孟之效敖夫技之淺者倣
之則易入境之深者擬之則難窮審其逮肖如
此則濟南不無遺憾哉於是詞家徒知厭薄標
剝輒又湧不知宗旨所在乃各立壇坫務標一
幟或持一說者以謂古選必斤斤步趨漢魏近
體必字字臨摹初唐路非不正功非不力所就
非不宛然唐音也第恨我之性情頗爲擬議所
拘又且不敢熟讀李杜高岑韓柳元白諸家以
窮其變究其歸宿不過詞家一剪綠珠葉手耳
雖瑣繪滿眼殊少氣韵生動之趣或持一說者
以爲詩爲心聲直抒吾之所欲言情境無盡吾

詩亦無盡當其目之所觸牛溲馬通無非上藥
外無乏境內無乏思此論未嘗不合作者之旨
但取材太雜則有穢冗之譏矢口成篇復傷率
易之病究其歸宿不過詞家一叢談小說部耳
雖胸次如洗殊少陶汰謹嚴之法又持一說者
立意以枯淡玄遠爲宗清癯骨立寧爲生硬而
不爲圓熟寧爲冲夷不爲濃艷殘山剩水非不
清絕政如趙令穰畫情境不越百里究其歸宿
不過詞家一聲聞小乘耳雖洗滌雅潔殊少博
大浩漭之觀嗚呼其中矮人觀場者或各爲楚
漢左右袒且信且疑終無成立此道不復歸一
無論古法卽何李宗派亦不可續矣殊不知此
道元乃至穩愜處方論美惡欲成佳詩必先尋
佳韵未有佳詩而無佳韵者也韵有宜於甲而
不宜於乙宜於乙而不宜於甲者題韵適宜若
合函蓋唯在構思之初善巧揀擇而已至若七
言歌行抑揚轉換用韵頓挫處尤宜喫緊理會
此處最能見人平日學力淺深工夫疎密乃至

排律長選亦宜斟酌韵脚穩妥庶無牽強搭索
之失境固萬殊情非一緒文生於境若水性然
曲折方圓隨形肖象渟淵則寂濺瀨成喧風鼓
之而漪生石觸之而濤激故情有欣戚悲樂因
焉不卽不離斯爲恰好陳固不可太新亦不可
庸固不可太奇亦不可淺固不可太深亦不可
輕固不可太重亦不可澀固不可太滑亦不可
所謂道寓諸庸過則失之矣夫星辰之昭回山
海之流峙何常奇特而烟雲晦明風濤蕩潏千
變萬化不可勝原何其奇特若此耶今人有好
奇者輒肆然欲別立爐鼎務爲恠硬嗟乎古人
異才尚恠者豈後於今人哉以其牛鬼蛇神淫
沒不傳耳且天之賦才有大小若鳬脰鶴脰鵠
白鳥黔咸有定品人能盡已所賦之量務極其
致不以已之所短強爲恢張不以已之所長極
流汜濫必也範古矩度傳我神情則無不傳矣
公安袁石公持論甚好真如神僧以嘻笑謾罵
作佛事此爲上機者說難爲下劣者言也當識

其矯枉救過之論無滯於筌蹄可耳夫古德說法或爲解縛或爲破執縛解執破更有何事若復解破不已終滯解破名相病已服藥藥病爲病鈍夫不解石公教外之言何以異此倘不意領心會其不流於打油釘較者幾希僕夙有志此道今老病交侵終於無成不勝悲咤讀析醒草不覺躍然的知當今作者唯足下才力駸駸可造古人畛域漫抒狂誕之見請證足下此言唯足下可以聞此或并示黃門公及伯無元玉

汲古堂集

卷二十七

三七

三

汝苞母令他人知行且箝我於市矣便中有以復我破我疑城

荅錢簡栖

仲秋之朔不肖忽遘奇疾寒邪入腠風火熾煽四大噓喁沸鼎中不粒食者四十日比奄奄一息若溺餘之灰暖氣欲絕不絕耳佳什尺素忽拜遠命乃令兒輩長跼臥榻下間奏一二篇不肖擁敗絮而聽之恍若趙軼夢之帝所洋洋乎鈞天廣樂九奏萬舞泠然善也無論枚叔七發

汎璋檄草矣劒策當與越絕諸書並傳陶通明力劒錄直土苴耳足下天才珠聯景鑠足以鴈行延清子安輩若不肖天賦旣慳方幅亦窘曩時計在中歲抱影一壑料理此道固不敢望妙奢摩他十地果位儻得一證小乘辟支如河伯沾沾自多而已不圖年將及艾而百病侵凌目力惛眊始知造物欲藏我拙故詎我我柰何以衡造物爲耶友人王君爲第編輯諸體計得若干篇異日未免灾本藏之家塾敢以玄晏先生累足下明歲爲次兒娶婦後便欲携老妻別結松間一室修持龐居士淨業聊以勾當餘生世路不堪着腳百念灰冷惟有二三故人情癡未斷每一懸注輒脉脉如醉耳

荅范東生

已巳歲僕自西塞歸憶與足下依依舟次一別五六年間問闕然每一懸注輒用悒悒耳僕自仲秋嬰奇疾諸醫袖手已分岱遊幸一綫不絕機發于踵今尚如人腊日臥牀第間啖薄糜不

滿一杓姜君至拜尺一扇頭四作令兒輩冷冷
奏之僕據搞梧而聽不覺灑然若吸雲表之露
吾兄近作一洗今人習染其旨趣玄淡在唐則
的然常徵君儲侍御張曲江鴈行也信如人外
品品外泉又如坐武夷九曲赤霞中聆謝英妃
撫長離呂阿香曼圓腹殊非世間比竹之音也
快當何如第年來有兄之喪家無當戶又苦婚
嫁相仍遊裝頓盡壁徒四立曩曾勸兄樽節不
圖吾自蹈之吾人孟浪大都類是明歲爲次兒
娶婦後當與老妻別處靜室精修淨業以爲他
日去路資糧耳仲權能呼而不能吸宜其短轅
促於長路也豈勝沉痛今其妻孥不致失所否
便中幸乞相聞庶慰恨恨之懷也

荅劉以吉駕部

奉睽光塵忽更伏臘言念君子實勞我心今者
足下顯陟清華迴翔粉署邁風雲之嘉會睽
高皇之舊都讀古今書友天下士憑高一呼微
音四溢無論通都大邑卽窮壤絕漠無不延頸

東甌劉君今之子政孝標也甚盛甚盛伏念足
下天牖六虛目營九有獨立無偶邁往無前權
衡千秋品隲百氏較若陵雲之木輕重不爽其
錙銖秦宮之銅瑩澈畢洞其心膽匪曰人工寔
繇天縱者矣今旣謝去括帖高軌皇塗左之則
周召之勛右之則揚馬之烈苞舉并收亦復何
所不詣耶惟在韜練神明以供吾役而已第雕
蟲乏技畫虎無成曩辱足下歡晤無間已復策
我以修名勉我以盛事始謂足下謔浪之談漫
爲抵掌之資也嗣復申之以緒言繼之以華牘
第拊膺內慙引吭仰歎未嘗不欲乘日之車問
途萬里長鳴一逞以荅深知其如志日摧落精
已銷亡每撫陳編徒有增嘔耳嗟乎華不再揚
蒲先秋隕夫復何言去秋時命不融陰陽爲寇
已分齋志黃墟委魄長夜幸留視息日就羸弱
加以婚嫁相仍百責交萃若來札所云協唐生
之雅言仲長之樂志茲寔上清之所靳豈涼德
所能堪哉比且詮次舊作類爲一編譬彼鳴夜

鵲不自知其不祥照水華蟲每顧惜其毛羽
第之不能棄去何以異此然必欲佳序畀之首
簡庶幾鼠坻牛場因君山而解嘲盧恠郊寒借
昌黎而樹頰相見有期言不多及

荅林孺苞

長鬚持一函至楚然空谷之音也發讀三過故
人鬚眉悅然如覲喜浣可知所附陳君尺一竟
成石城故事矣第前歲病甚劇伏枕作書與伯
度累千餘言妄加評騭聲病之學且并取衷於

冰石堂集

卷二

四

仁兄不知曾達尊覽否今人往往論詩以謂古
今人不相及若秦越然第竊謂古今不相及固
也然時有古今而境物色象無古今目之所觸
心之所感古今同也苟能極吾情境之所詣盡
吾賦予之所分短不引之使長長不促之使短
若鳬脰鶴脰各全其天不以擬議牽合損吾性
靈直抒胸臆我去古人何必有間夫漢魏之不
能爲三百篇非不能也蓋情源既濫勢難拘格
格與時遷欲其不變不可得也其至焉者卽爲

漢魏之三百篇可也其降自唐宋皆可類推然
三百篇未嘗一日不在人間若云刪後無詩則
鴉鳴鵲噪笛韻螽音皆瘖然無聲矣今之論詩
者必曰何者效漢魏何者效六朝何者效初唐
盛唐字字句句而摹之此乃漢魏六朝初盛之
面目非我之本來胸臆也昔人嘗以禪家設論
禪家自南岳臨濟洞山諸宗以下鐙鐙相傳心
心相印前心後心相去數十世若合函蓋者心
性之學也匪曰其貌無佛祖肖也其聲無佛祖
似也無弗披祖之衲也無弗蹈祖之履也夫相
馬者所貴滅沒能致千里也非驅黃能致千里
也若曰必欲斤斤以摩擬爲極則則優孟不獨
并其容止折旋之似叔敖也虎賁不獨并其面
貌舉動之似中郎也又曰古人法度格調不可
踰越尺寸此語信不可誣然舉今人之集已傳
者試覈其體何嘗篇篇無古人法何嘗言言泥
古人法調叶境融自無四聲八病之失矣昔人
所謂善學柳下惠無如魯男子米海岳臨智永

冰石堂集

卷二

四

千文無一筆類智永是深得智永解悟者所謂
精髓解悟者心學也形貌位置者時變也藉令
叔敖復生今世將冠古之冠乎服今之服乎其
不變者心也其變者時也若以衣冠禮貌異於
昔遂云非昔之敖可乎唯在靈心獨濬得其欄
柄耳承命詩序第不欄于文使者翹足待發勉
爲刻燭了此大什刻成幸卽寄示

汲古堂集卷之二十八

東甌何白无咎著

祭文

祭鄭司馬崑巖先生

於序嘉隆以還代有人焉蔚爲名臣公胡卓然
彼其所造各立壇坻或譚名理或託空言或矯
以劇或介而堅隘渺廣受爽乏精研泥不達變
沉失幾先互有所短均之則偏孰如我公獨操
其全左宜右有畫方畫圓藏之浩浩出之涓涓

汲古堂集

卷二十八

乙

三

理撤理障言遺言筌施之功業焉奕昭宣發爲
論著典實可傳處則龍偃出則鴻騫微猷風烈
無忝名賢曰也舅士蓬累丘園風蟬露鶴自鳴
其天公采輿潔度越拘攣戊戌之夏聿來海壖
惠而好我忽枉高軒談傾芝桂氣洽蘭蓀鴈蕩
之趾靈巖之巔佛廬夜火禪榻風泉倡予和女
躡險鉤玄平子絕倒阿大蟬聯公曰樂只於焉
可盤幸以餘日幽期是敦未幾別去歲星四遷
公起卿寺趣駕南轅邀予胥會載枉華牋爰策

我馬言疾長干奉常清秩齋閣蕭閒太丘道廣
冠體各尊鴻流萃止文酒長筵獵纓高論四座
駢闐價增推轂惠重分氈載燕載笑三月告旋
念我終窶乃橐乃饘已建羽纛出撫延川曾不
閱歲邊使三存促膏我率有徒嘽嘽乘堅策肥
館有授餐入門一笑展齒爲穿時逢款塞德化
湧澶登臺授簡振旅開尊高憑大漠頻眺平原
左引張掖右控樓煩近瞻青海遠望烏丸千雉
霞蔚萬竈雲屯我師斯赫虜可氣吞予曰雄哉

汲古堂集

卷二十八

二

三

百二重關何堅弗摧何敵弗探縱而互市無廼
長孺公曰咈哉蠢爾羗羗時而卽敘時而崩奔
或拊或撻可縻可剽五餌三表漢過不先營田
修戰我握其權赴機若蹶捷于轉鬪孟冬八日
有風自南繞室孳繁直拂旌旃公占曰虜將闖
其蕃衣衾甫戒狼望俄燃公運方略飛檄孤山
乃詔杜帥中夜戒嚴撤其故壘聿趨南墩過而
後擊渠魁可殲虜果膺至我則鵬蹲倏而伏起
一鼓而前乃俘元馘盡讐游魂予當曉曉寢處

靡安規公暇整色霽詞溫無何奏凱獻捷轅門
公出厥緒亦揭以掀燕然之石我筆匪掾脫有
班掾青瑤必鐫公於暇日手授一編曰壯迨老
有作乃詮君其我勘是竄是刪予謝不敏退處
懷鉛大言炳炳小言諛諛懸黎木難盤錯其間
有鼎蒼蔚有龍蜿蜒名山之業庶幾不刊豈無
瓊瑯務華絕根豈無鈎棘氣蕊神刊惟是理勝
結爲大年一解何贊予寔冥頑野麋懷故不斲
乎樊心依涕戀欲發仍值公爲治衰出餞東阡
揚解告予行矣慎旃訂言在昔期以弗諼閩湖
可憇好谿可沿君其撰杖予將挂冠丹竈尚煖
鷗盟未寒揮手長邁涕泗沆瀾尋聞顯陟移鎮
桑乾臂指九塞鎖鑰重開秩晉司馬賞及世延
冀襄大政爲時仔肩胡邁未疾入膝靡痊遠道
莫達憂心孔痾計音三至長號失咽公乎已矣
天道何論生平知已國士深恩疇望我腹疇安
我塵湯湯滄海精衛難填人如可贖奚惜身捐
憶公樹立未易更端孝友作基忠信爲垣大猶

及百堂集 卷二八

三

三

是經秉心塞淵丁年射策通籍秋官法惟平允
肺石無冤繼典蘭署復掌天銓振幽拔滯紕繆
繩愆杜門謝謁賦咏權奸片言納鑒羣組浮烟
有愚者谷天逸雲眠迫而後動匪美匪援兩秉
憲節三撫通藩綏馭緩急鞞鞞諸轄汪濊之澤
吹萬薦縣如桴扣鼓若鍾在懸凡茲巨細莫可
悉殫信如公者彌久彌鮮矧詒慶祚潞發璇源
重光奕葉寶樹猗蘭霧冥豹蔚海運鵬搏仙都
之宅爵爵芊芊來騎真氣返駕雲輶念茲大造
目斷脰悁何以誅公跪奏哀篇亦有旨酒藉以
芳荃恂恂有覲文螭連蜷

祭劉景洲先生

於乎維翁風華夙朗晚游類宮其聲隆隆起諸
生中儀則振驚文則雕龍陵陽不剖大美弗庸
纖芥取與嚴於律躬寧過於隘恥斬乎通翁之
先世素稱饒裕及翁盛年稍稍廢箸歲入廩餼
擊蠹供具能令二親忘其食貧不墮之孝以遺
後人躬雖弗融明允有子濯濯次公嶄然在稚

及百堂集 卷二八

四

三

日誦萬言澆澗百氏發爲文詞風行湍駛翁亦

曰嘻兒駒方齒銜之厯之可致千里甫及弱冠

遂舉於鄉洗洋自恣大業日昌偉節最怒白眉

稱良豈唯稱良孝友天篤衍無常衣室無私蓄

師友父兄一門雍睦問難質疑不出於塾洎乎

次公迨成進士始典騎曹偕翔南署奉使東旋

綵衣燕喜翁先臥病未離床第侍寢承歡輔以

藥餌何笑弗繇何恙弗已翁亦欣然漸爲進七

凡我親朋問遺錯趾期翁霍然計日可起何圖

天年終困二豎於乎豈無顯融赤車生耳寧不

懷歸王事靡盬翁有令子駟牡駢駢爾畫錦

麗服有輝親侍殮含以屆大歸烏鳥之私亦其

庶幾豈無黃耆一坏立朽雖美弗彰莫爲之後

翁有令子爲廊廟珎宗社之寄以俟經綸潛德

用光千載若新顧所歎者吾鄙親友粵自壯齡

以至白首晚節之盟推翁祭酒山水襟期異日

攜手何意返眞屣踰下壽言念疇昔能不連瀕

何以酌翁桂醕蘭卮凄風春飈斷雲晝垂翁知

無知悠悠我思尚饗

碑

吹臺山大寂和尚建無量壽殿碑

常甌城之南有山竝立雲杪屈屨旁礴而表于
東海者爲吹臺山遂窅闕深茹吐雷雨郡當牖
旱時覽其巔有雲如箕尋騰上爲白虹膚寸合
而雨立至圖經所稱王子晉吹笙處若其複迴
襟抱涵精孕英信爲石室之外館高真之靈嶠
也乃有開士霖公道行堅忍俗爲吾郡寧村許

及言堂集 卷二十八

六

氏子弱冠行游四明頗工繪事尋還天台薙髮
受戒萬曆歲在庚子師振錫茲山樂其閒寂乃
結茅山半發大弘願誓以立禪叅法悟以爲期
日夜經行持誦佛母閱數月兩腓腫瘰瘰理龜
坼血液滛滛承胥而下久之始平復身不坐臥
四歷寒暑腓腫而平平而復腫者數四蓋其忘
身爲法精顚類若此於是四衆感動檀施雲集
乃於甲辰歲首建無量壽殿中刻丈六金身彌
陀一軀殿四周甃以甌甃高廣宏麗巍如翼如

掩映于丹雘翠壁間恍若安養之境四寶嚴錯蓮花行樹種種相好見者如親承如來法會林園水鳥俱演微妙之音無不歡喜稱未曾有越七年復於殿左建雷音閣并塑左右二菩薩其費悉出於衆唯基則施自王門陳夫人也師夙精畫像前後所畫諸佛菩薩以萬計流諸人間一日過予觀夢菴而告曰霖之精勤蓋二十年於茲至若創殿始末予之所知也予其爲我記之刻之貞珉以垂永久然誹謗日起訛訛相屬

東石堂集 卷二十八

七

豈雕鵲之季吾法不欲興乎何其不譽之甚也子幸并有以規我予曰予凡夫也烏何知無已請以師昔之告我者告師可乎師昔嘗以語我來曩當立禪經行時久則神欲恍若四大飄忽罡風霏霧中頃見空際修羅奇鬼向人獍猛狀或見雲君天女華鬘璎珞容飾妖麗交相燒擾我以智鏡一咄頓銷漸見赤光萬頰從東方吐下瞰海氣融液若五金在冶少選而日馭已浴扶桑之上矣夫修羅天女外魔事也師能摧伏

矧內境可不務乎今師稍已安隱當於二六時中念念思惟夙昔堅定之行卽斷臂析骨無以過當知妄無自性隨處發生反而求之以大法杵壞人我輪心與空應譏毀讚譽刀割香塗等也何關憂喜益足以表我慈忍功德耳庸何傷師憮然有間曰居士命之矣頃又曰我之氣力尚強願以十襖精繪佛像滿八萬四千數散施天下俾在在處處無非我精之所注神之所嚮也然非通邑大都不足以流布我且肩歌北詣金臺矣子再爲我言以爲北行券予躍然起而作禮曰吾師願王上極須彌下窮娑竭無以爲喻雖然予亦有進焉願師當其含毫吮墨時不作法想不作畫想法界無盡我願亦無盡於一毛端出十萬億刹於一一刹中坐十萬億佛於一一佛口說一一法如是則微塵國土皆師一念之所含攝薰注也八萬四千云乎哉師曰如是如是予勉叙其開山始末因并及師願行之概云乃重系之以詩詩曰

東石堂集 卷二十八

八

吹臺之山去天盈咫昔聞真仙於焉爰止越二
千年疇爲法嗣曰有霖公是大雄子願王宏
重道力精堅以空爲觀以立爲禪四衆咸集渴
興奔泉瓊宮寶網剎那現前我法本空非真
非妄人我相搖卽非實相能克有終唯道是尚
如泥塑人何譽何謗雷音常震佛日長圓定
林法眷薪續燈傳我撰斯記貞珉用鐫與山共
久弗崩弗翬

疏

清古堂集卷二十八

九

鴈山重建真濟寺疏

鴈山真際寺者名刹十八之一也祥符緣起旋
賜額於熙寧初地效靈寔會昌于有宋繪繡
谷湧七寶於蓮臺槩日梯霄象雙林於桂苑蒲
牢吼夜百簾韓山迷迭噓芬四天寫霽況乃寺
當外谷地接靈區論旁魄則伯仲崑崙表嵒嶽
則兒孫泰嶺龍湫飛舞笑匡瀑之無奇鴈宕漾
洋睨具區之有洙洞穹窿則平吞林屋峰巒劣
則頽眡霞標信甲勝于東維獨標奇於南戒者

也是以數成有壞久就荒蕪末法寢微鞠爲茂
草蓮銷柱礎非關玉觀之灾燼冷爐灰孰辨昆
池之刼鹿園爲野狐之窟香林作宿莽之場莫
覩慈容唯見寒潭來滿月難尋香積尚聞流水
繞齋廚馴擾伊尼銜寶花而誰獻經行老衲禮
廢塔而興嗟乃有圓相上人縉流翹秀同心眞
量共主此山始挂錫于安禪口裁安衆繼墾田
於茲地力願興衰噓慧燄之末光濬法源于久
涸爰謀舊址載構禪宮思道力之較輕難動給
孤布地雖機緣之未熟願追文吉開山乞逋客
之蕪言代上人之蓮舌敬抒短疏用告檀那佛
以施舍而度貪慳行以微因而結勝果始感蕪
廢悟無常而達眞空行見莊嚴托假合而叅實
相庶累緝而成明光之錦異勺水以添法海之
波福不唐捐功難思議

有門法師講法華玄義疏

夫以能仁滅度靈詮託義于多羅列祖傳衣彼
岸借資于寶筏是則多羅乃載道之車寶筏本

涉流之具姑存蹊逕聊爲下士之津梁一落筌蹄已匪聖人之心印蠶自季葉誰解拈花浩浩恒河算沙莫窮其膠瀉瀾瀾幻海望洋詎測其端倪脫不藉以言傳亦何從而悟入非夫心含智海性徹慧燈者烏能采尺璧于昆丘探玄珠於赤水者哉乃有法師有門辨才無礙神光灌頂早發勝跡於龍丘祥露沃靈夙植淨根於鹿苑博該三藏不殊玉海之儲珎理悟一乘何異金瓶之瀉水挹教源於阿耨清分四币天池演

古堂集 卷三

上

秘旨於嶠山聲叶七行寶樹機鋒發穎銛如利鏘之開函理窟轉圜應若洪鍾之承簾於喁振杪春容天籟和鳴瀚濤扣虛吐納潮音荅響冥心止觀紹嗣台宗銅杖蒲團夙悟于圭峰丈室蘆浮盃渡爰止于無相道場始談楞嚴于翠微一敷高座繼說大乘於梅嶼載轉法輪四衆皈依遍洒彌天雨露十方駢轡同霑大地醍醐唯是玄義難宣宗風未暢機分小大之別道殊半滿之科九喻三周卽浩劫莫闕其交寅五玄十

妙非聖智孰究其淵閎於是十方四衆齊口同聲重請法師更搗麈尾俾朽宅通入大之文軌化城引不墜之昔緣高揭摩尼爍景垂輝於玄夜重磨鞞鑑溢精益煥于迷塗妙應環中何論止啼黃葉慧分牙後尚看舌湧青蓮敢告檀那樂成勝會孰不耕而有穫寔持儉而報奢獅子一聲百獸振驚于威力龍門千仞羣鱗噉嚼于懸流鉢鉢遍人天似乞衆香之國金錢布蘭若如叅祇樹之林信虛逞而實還固希有而難見者也

古堂集

卷三

三

跋

跋樂洲上人除散花疏後

予曩從居士家與觀追薦法筵顧其壇宇靚潔旖旎莊嚴主禮惟虔僧儀惟肅油然生信心生歡喜心生皈依心及至丙夜燃藥師燈緇流溺于邪習環繞燈下謂之散花交相嘲謔哄然一堂坱敎讀尊莫斯爲甚則嚮者莊嚴虔肅之容盡爲戲論信心歡喜心皈依心立成退轉竊謂

是輩不獨令其先靈沒在苦而又令已入泥梨
如箭吁可畏哉已乃詔主人設諭而告之曰今
有人焉適值父母疾病阽危百方救療不可得
忽遇流水長者子施以靈藥病可立掇也其人
將進之父母又令左右雜以鴆羽烏頭而飲之
遂令父母號咷床蓐而死彼不獨毒其父母而
復陷已及左右人寘于大戮亦人情乎今之法
會始以莊肅興得弘資冥福繼以瀆慢反令增
長罪咎何以異此時予自恨道力微劣不能爲

百堂集 卷二十八

三

之懺誨拔罪又自恨德薄言輕不能家曉戶說
令其永改邪習歸於正途往來於心十稔也不
圖樂洲上人乃有此疏上人戒律精嚴瑜珈龍
象深愍此舉溺而不返乃爲疏文以告修齋善
信及在事法侶敬遵明教永改前非矧散花蓮
想自有成語具在科儀何乃安於俗弊自貽黑
業邪嗟乎西方聖人悲愍末法衆生燒於魔事
輒以顯化力託之尊宿密傳心印摧伏邪見歸
於正見茲則上人其人也唯願大衆讀此憬然

汗下永永遵行斷魔種子續佛慧命聞者見者
同證菩提豈非斯道之大幸也邪

書葉子考母冰霜完節冊後

往葉母失所天不難以身薦殫殫顧呱呱在抱
與存葉氏一綫耳今天與之年黃髮完節且見
子考成立抱孫繩繩矣何者不足母所子考非
有矜紳之貴金張之游也往往見禮於鴻流名
士何哉豈非以母令耶母固十室之邑不二一
髮耳天下抱節以禮自坊者匪特一母而或泯

百堂集 卷二十八

十四

泯無聞而母獨得諸名家篇什踰於華衮者何
哉豈非以子操士之行有以致之耶是則是母
是子交相重者也雖然當母之撫遺孤也日岌
岌瀕死之不暇卽今日之揚詡豈始願所及然
母子非爲名高也者卽一二歌咏之不足抑亦
人彝天道也哉

釋問

周生以清善博士業將舍所業以業詩何
子作釋問篇以詒之

周生以清游於何子之門何子支離其身擁腫其質居無常處行無常跡土木形骸悠悠忽忽蓋三月不庭矣一日周生侍而請曰先生何以教之何子嗒焉隱几作而言曰若余也何足以知之若余者所爲天之畸人也不理於人也亦已久矣子將奚法焉且無舉世彼有昭昭挈挈眩智矜捷如建鳴鼓若揭日月匪水而寒匪火而熱總轡康莊趨時若蹶莫不據要津離澳渫步玉堂上金闥鶴蓋成陰車徒塞咽鳴騶而入

山谷集卷三

五

除道而出余獨憤憤昧昧色辱形穢魚處於陸雉游於翳莊龜不靈宋鵬却退不寒而慄不陰而晦違時陸沉物情屏棄手足皸黥顏色憔悴商頌之音若出金石而滿天地彼有霜紉露縠紛紛繁縟藻錦冰綃焜煌刺目狐白却寒阿錫清煥巖積峰皺綠飾波蹙以遨以盤是御是服招搖於市蔭映臺僕余獨蕙帶荷衣岑牟短後黑不待黔蒙茸塵垢正冠絕纓捉衿露肘敗絮是擁自參及西人皆嘻嘻彼何者叟亦孔之艱

山谷集卷三

六

胡顏弗厚彼有援槩拂絃考鐘命簾泠泠參差淵淵鼗鼓繇肉紛紜清商小部銀箏秦聲琵琶胡語按六么促鴈柱和陽阿歌激楚莫不骨騰肉飛赴節起舞余獨偃仰空谷介跡孤峯仰聞天籟頽聆壑淙灌木悲吟含商扣宮金石烟瀨笙竽松風情爲之移耳爲之聰自謂音樂之至諧而不知人間聲伎之工也彼有熊蹯豹胎鰕膾鷄跖釣引鱸肪彈求鴟炙冒以山膚和以芍藥金液玉醪飛觴騰爵余獨不厭糠覈藜藿牛菽厥狀鴟夷枵然其腹羹乏芋魁飯無脫粟此昔人之所羞匪吾生之荼毒也若余者落落無所容何異乎惠子五石之瓠櫟社之樗立之塗而匠石弗顧信吾身爲懸疣而衆人之所同去也子將奚法雖然余亦有規焉夫仁義裂而縱衡出道德漓而刑名設至若短長裨闔章句佔俾業無常師續紛百出分源殊塗衲鑿雜還仁義道德於是蕩然益蔑矣士丁斯時卽負鳥獲之勇操慶忌之捷具左徒之才持犀首之說欲

次一日堂集卷之二

求中竅破的投跡合轍猶之乎呈冠裳於艤水之鄉資章甫而適諸越也余將豔子以新聲餌子以利祿抽風塵之肺肝飭聖賢之面目指終南為捷徑策要津之高足寧詭遇而獲禽母正身而失鵠獵榮取資信如丈人之承弼則庶乎可免余曩蒙之詬辱子舍之而弗由夫乃學步邯鄲失其故步蹙蹢匍匐周生爽然有悟載拜而起先生之言一何纒纒小子不敏敬聞命矣小子竊有疑焉願因先生其終教之吾聞足於內者忽其外得其精者忘其麤自衒自媒智者弗居被服純素不衷是虞淫哇之樂飲食之欲窒聰腐腸饕人所須是以首陽之薇甘於方丈之瓊陋巷之瓢重於千駟之車若此四者寔衛之蝨匪德之腴小子不敏得志弗為余曰善哉子之言也魚相忘於江湖人相忘於道術若子之言應物而游不囿於物逍遙之游期以異日我其遲子南遊乎罔罟之野北息乎沈默之濱西窮乎冥冥之里東貫乎鴻濛之津周生避席

相眎而听小子不敏敬步後塵

贊

阿彌陀佛

如是我聞文佛所說安養教主曰彌陀佛放無量光如億日月慈誓普度十方含攝十方如來出廣長舌說誠實言亦無等別幻海無邊剎那可涉願為慈航信為智楫以念攝心以心印法九品蓮華萬修万結

為路上人題其師無盡和尚像

次一日堂集卷之二
咄咄阿師超然道韻南宗寢微師噓其燼載燎載揚宗風大振如喧春雷蟄封斯奮如甘露門苑枯同潤我昔謁師及聞餘論末由從之巉巖千仞法嗣路公能發厥蘊目擊道存心心相印浩劫剎那燈燈無盡嘆一門超出妙莊嚴路頭驀直何須問

楊木父畫小像作圓頂相戴斗笠着壞色

衣戲為此贊

滑稽玩世方朔于髡其倫乎不拘小節羅友景

純之倫乎詩中之畫自寫爾真畫中之詩自傳
爾神非仙非釋非儒非墨任運騰騰自行胸臆
所謂其妻不識而友識之者邪

偈

幻由上人談經後嶼精舍以書招予不果
往偶作墨竹題偈奉寄

亭亭翠竹真如相體直心空似和尚節外生枝
枝葉生忽與眼根添一障如來說法七七年點
墨何曾留紙上阿師通身出廣長說出真如作

何狀我不來時却是來聊付此圖包髻髻

立春後一日大雪大觀師過訪同作一偈
冰因春入融爲水雪爲風寒剪作花試與老僧
閒豎拂不知門外路三叉

九籥集四十七卷

〔明〕宋楙澄撰

明萬曆刻本

上海辭書出版社中國科

學院圖書館藏

九籀集序

大泌山人李維楨本寧甫

雲間宋幼清集其所爲詩若文
名之曰九籀取鮑玄暉昇天行
語耳蓋玄暉所言丹經也丹經
始自道家道家以元始天尊爲

九籀集

序

一

祖開劫度人所說經亦稟元氣
自然而有非所造爲劫運當開
其文自見凡八字盡道奧謂之
天書字方一丈八角垂芒光輝
照耀驚心眩目雖諸天仙不能
省視乃命天皇真人改轉天音

而辯析之此其說儒者所駭疑
然而于詩文之指有脗合焉必
稟氣自然不可模擬蹈襲一合
也得心應手若有意若無意若
可解若不可解不見作爲之迹
一合也神采注射如雲興霞蔚
壁暉山而珠媚澤光燄萬丈一
合也音調諧適如風生萬籟而
五聲六律具焉一合也幼清少
慕神仙多奇遇徃徃徵於夢寐
而其爲詩文亦似之昔人評詩
文者或曰讀書萬卷下筆有神

九籀集


序

二

或曰靈氣恍惚而來不思而至
或曰劉安雞犬遺響白雲覈其
歸存恍無定處或曰平生十萬
篇金薤垂琳琅仙官勅六丁雷
霆下取將或曰金莖百尺仙掌
銅盤流漦中天清寒獨矯幼清
所結撰足當此評矣陶貞白謂
頑仙不若才鬼真誥載文章之
士往往得仙官南華冲虚而下
不可勝舉而仙道已成勾漏句
曲之屬著述斐然成家與文苑
爭勝幼清仙才其生有自其合

作宜也余聞韓衆服菖蒲十三
年日誦萬言陵陽子仲服遠志
二十年覽書輒記不忘余老矣
來日無多乞幼清九籀刀圭庶
幾少益意知乎幼清之友范漫
翁獻笑曰數究于九而非九也
道有橐籥而非籥也故嬰兒妊
女龍虎鉛汞皆一切託喻而迂
怪者以熒惑人鼎中黃白房中
秘戲煉養服食符籙科教諸方
術紛然殽亂第供羽流覓糈探
囊之資子言不亦愚乎夫九籀

寧易啓也哉姑以世法論孟浪
脫容刀濫劣飲墨汁幼清於子
或可免二罰耳



九簫集序

唐以詩取士士之能詩者竭其
極思矣於文亡當焉一二君子
崛起工古文詞文體一變而詩
亡蓋至於今而變始極也物極
必反作者迭興漢室卿雲孔門
游夏其在斯乎謝子曰余得九
簫集而把翫不忍去几案也彼
其步驟班張含咀徐庾固近代
佳手哉恨不使先輩見之先輩
中如王元美氏牢籠群彥不惜
齒牙波及天下士士皆擔簦負

漢造其門余方蕩精舉於霞外
訪玄扈而問白雲然好事者傳
致余所結撰未嘗不粲然自失
也幼清產雲間居不數舍而近
朝夕與俱上下証奇璞訪深疑
華硯欲焚書籍盡付豈虛語哉

九齋集

序

二

余奉使過大梁韓王孫中耆舊
見其四壁有獻吉詩云為獻吉手
書年少時曾為門下士稱詩必杜
也有數初唐者聞而惡之夫數
法初唐易易乎非激六朝之芳
潤者不能或飭虛以自矜或倨

怠以自外其自矜也必稱引醇
樸以標其執其自外也必排摧
靡麗以絀其奇欺世之愚歲已
之拙肯成人之美乎且兩司馬
並稱誰能軒輊滿目琳琅何如
瓦礫索之何其不降心而屈首

九齋集

序

三

也華州襲先秦辨士唇吻而傾
動一時新安則澄習左莊耳歷
下稍讀漢書瑯琊氏亟稱之獨
用修放逐以成其博家藏秘書
換而之滇偕同好嘯弄盃酒間
探隱蹟以為奇發一奇而有不

能對者罰依金谷一座盡知舉
酒自罰也當是時王楊之名韻
相激射遠有晦伯近有子威彈
見洽聞應接不暇何暇論糟粕
之外乎而又何以傾滴液乎幼
清謂余曰吾鄉之有二陸也檀
九齋集 四序

奇響者千餘年鉛槧相望之息
製續紛求一言之幾於陸而不
可得也余聞而異之因習知幼
清於書亡所不闕其叢鑒擢微
其穎豎景峻其逸軌超其持論正
為人慷慨急於義而沉鬱澹泊

垂漠凝神出鴻濛想其含毫而
顧盼也挫琮璫摘綺縠尚有餘
妍素志濯陵奇迅拔閎富殆將
聲教為己任哉何其肆懷而矯
俗也闡幽紀勝壹壹忘疲蓋其
情之所鍾者非山靈則人傑濠
九齋集 五序

濠之情見乎辭矣昔阮嗣宗讀
張茂先賦而知其為廊廟才鍾
會亦然嗟嗟幼清尚困維掖耶
豈
本朝功令與唐殊祿利之途固
在彼而不在此耶然通者廣羅

啓篇拔異登奇榜中得人甚盛
豈以幼清之潛心大業而不寢
然為舉首哉計日者三千載牘
侍從鄒枚吾黨中生光飾屈宋
辨歌屬之不佳矣

萬曆壬子孟秋望日九紫龍會

九篇集

序

六

山人謝廷諒友可甫撰



九篇集叙

甄曹錢希言簡栖氏謨

華亭古由拳國晉機雲生長
其地至今祠堂冢墓猶存西望
泖水白波浸天微茫渺渺不知所不
際隱々峰巒點浮出其間
映帶五茸城星羅奕布蓋山
川靈秀之多不洩之寶玉金
錫者盡洩於人平原清河而
後俊彥鬱興彬々盛矣二十
年來吾黨之才而奇者莫若
宋君幼清故字狀意世擅雕

九篇集

叙

一

龍名父之子沐浴於家學既久
及長而亡續弗探年未勝冠多
所淹博名鵲起於館生徒中自
師春白霓諸草一出海內群公
雜然謂章華大友北門學士
再見云今戊申春初清自燕都
還訪余月駕園與之譚論因
出篋中九齋集一編相示則
君旅食都門時及跋涉津梁
間所著詩若文也余讀未卒業
蓋不勝驚歎焉知其學日以益
邃識日益廣譚理日益妙寸

品日益高著述日益富聲譽
日益燥光君之業亦日益修所
缺望者公車之姓名未挂耳
余謂初清千秋矣安用咄之歎
黑貂蒙茸豫章七年其材已
具顧寧無待於霜霰而售耶
君春秋方盛屢蹶於有司則造
物者霜霰之為棟為梁未晚也
少於詩好西京樂府建安父子
文綜十三經漢晉六朝諸史追客
燕中則靡籍不覽而淹博探二
氏之學故其為詩若文也務超

詣而恥祖聚喜鮮腴而厭枯澹
尚瑰異而薄凡庸大要出以清越
之音振以悠揚之調含以瓊古之質
命以高華之藻泳以冲醇之味暢以
芬芳之旨鍊以陸離之辭御以曠
達之象采寫以纖縵之思故而又

九篇集

叙

四

後以歲終霍靡之古情其清越
者浮鐘沉磬其悠揚者激吹哀
絲其瓊古者饒鼎斷禁其高
華者空青水碧其冲醇者霞
漿露瀝其芬芳者石葉荃芝
飲月而影不足為其陸離也翻

羽奔霄不足為其曠逸也冰蚕
吐浣不足為其纖縵也玉草金
苔不足為其歲終而霍靡也斯
蓋奇之正之周言而非入玄淵之冷之
靡曲而弗寡和矣豈峰之秀
秀不盡於人者若有待焉而

九篇集

叙

五

鍾之君之才耶以彼其才假令生
於漢唐之季不在石室蘭臺以
備屬車豹尾不移龍舟之饌則
奪獸錦之袍親被寵異於人主而
豈非盛事寧羨區區一第哉嗟
乎我國家以帖括之學束溫士

子使人白首浸淫糟粕中而片言不合則棄之移外與弁髦等波老生狂豎甘心與蟲莫俱稿者上論矣至今魁壘英奇之士幾無以伸尺寸天壤間故不得不假竹素以自見乃今之時何時也賢

九篇集

叙

六

愚相稱財貨上流中消不薦鄉人左右莫呼萬歲綴雕龍者徒累戔戔語燕者中矛鉞間一下逐客之令於朝則遽竄主筆士以不移吏議為幸安問權轂事乎繇是賓館為馬廐

蓬萊變成銅山拖墨紆青布在廊禁者因非羊肆之子其牛鑿之現而文人士子淪落道途挫於俚賴亡所之則退而仰屋簪言杜門覓句思以其業託之不可知之千秋良足悲矣宋君有感於

九篇集

叙

七

時事之非若此故往來長安數載不偕交不請謁不望塵下拜不持行卷傍貴人門儼一垞子春明門右鍵閣縱讀古今書暇則與二三酒人博徒潦倒書生輩之燕臺易水弔高漸離荆卿宋

意田光先生諸君慕其為之，之
聲一寄餘懷於寒烟夕照而已
君雖負才滋嫉不能取譽於
腐儒乎而素以行誼聲一涉
內視之落之雖合輕世肆志然
者徐而察之肝腸口吻悉先秦

九篇集

叙

八

以上人也見時為言賊之陋巷
莫有知者因署所居之門曰窮
巷不問長者輟短衣猶在少年
場復題其座中曰一樽自小能留
客七尺於今未許人其敦倫矜
誼如此又常慨慕趙廣仲之高

義乃即家建祠為文以俎豆之
詔憤可概見已余素聞青鄉一
日解后吳楚市倚把臂驩相得
轉盼之間歷十二年如一日也若
纓云文字交則以我上駟不堪當
君下駟焉敢執鞭韉解左辟同旋

九篇集

叙

九

九齋前集目錄

第二卷

記

虞相國祠堂記

夢記

東師野記

西師記畧

聽吳歌記

卷之二

序

九齋前集

目錄

壽曹君六十序

壽蘇泉叔七十序

卷之三

小論

四皓

從赤松子遊

不諫伐吳

先主不守荊州

報効曹公

子房徂擊沙中

說燒棧道

江陵張相公論一

江陵論二

附事語二條

卷之四

雜文

黃子澄先生墓田疏文

放生文

卷之五

傳

九齋前集

目錄

宋氏君永傳

曾王父西莊公外傳

附先王父三江公遺詩

有外傳刻正集

卷之六

誌銘 誄

殤兒協虎誌銘

亡婦楊氏誄有序

卷之七

書

上羅大宗伯暨左右宗伯書

與袁非之書

卷之八

說

言動說

狸說前

狸說下

卷之九

祭文

祭伍相國文

過嚴子陵釣臺

九齋前集

目錄

卷之十

赤牘

卷之十一

稗

劉東山

廣陵乘興

敬德不伏老

吳中孝子

珠衫

耿三郎

九齋前集目錄

九齋前集卷之一

記

虞相國祠堂記

華亭宋林澄幼清甫著

友人張京元無始甫校

不肖之少也嘗聞友誼爲五倫之一意甚酷敦之及年二十已後乃大笑仲尼之我欺或曰古非今也於是尚友於簡編而得所爲虞相國者相國趙王所傾信者也當魏齊之難度趙王之不足以存齊又度天下不能以有難於秦於是解相印而與齊俱亡夫位若曰相所斬項絕腰而不得後爭者九齋前集卷之一

也齊且亡矣非有昔日之顯榮可以相提挈又非有必勝之策足以却秦而存齊而頓乎妻子不顧以與齊俱使虞生於今時有不斬齊以博秦王之一笑則曰故君重於友又不然則曰姑握趙相之印異日足以破秦關而西又不然則曰有父若母者在又不然則曰我交淺又不然則曰困秦之策以博名高也余獨恨夫戀戀握相印而藉口報秦以文言欺夫交者此李少卿之所以有負於子長而豫讓之所以有辭於青荳也或曰友於五行則爲土於五常則爲信土無定色信無輕諾今人之

重諾而無常蓋有意乎順天之經然則相國之解印其於天人何悖逆也苟逆悖也余請從之雖然余有魏齊之急未必有望於故人也又非有相印之可以解而相從也獨恨夫文其惜去以西攻夫秦者或曰齊歟而虞卿存得無有西嚮意乎余曰客休矣毋深言余將祀虞於是闢廟而祀之家廟之左嗚呼魏齊而無干相國祀在齊矣齊之亡也其猶有溺范之心未忘乎若齊者可謂壯矣彼信陵施施目可挾而耳可塞沛之亭長奈何祀之或曰虞魏之不復振信陵逆觀之嗟乎是以見誚於侯生或曰侯生之勿蓋由此度信陵之不復有振夫魏也然則魏氏之亡蓋在公子之不存魏齊也始不然信陵固好士士豈不能斬晉鄙故客以報邪故曰魏之亡以公子若平原爲賤爲貧之言宜子孫之卒與趙俱亡也

夢記

余喜佛氏而不喜言神仙蓋以佛氏廣惠群生而神仙鍊形玩世不無迹於貪痴庚寅季冬日在朔余以寡妻病故應老母命策蹇南歸在途十七日將抵泗州晚不及渡宿於村中村云包家集同宿

五人醉酒鮮而浮村酒腹果然矣夜過半夢在燕市與二友人出北闕下神武門見胄士二三十輩皆乘甲馬持弓矢戈矛喧競出門最後一鹿青質素斑短形枝角步不甚速一鶴踵其後町疇蹇甚方頸方足其絳頂亦方白羽碧色兩翼翦丹砂之赤者其狀蜨蝶延頸而鳴舒翼而舞予也樂之彷彿之間鶴已化而人矣而肩亦猶故余因問之曰若何而赤對曰余千年而方首方千年而赤右千年而左赤也余曰將子無灰至於萬年通身如茶則爲絳鶴矣乎對曰然余曰鹿而前子者爲誰曰

九齋前集

卷之一

三

余友青徐君也子爲誰曰冶桃生也因數其友將可十人且曰余輩托體衆生以遊戲人間山川雲物吾數幻之余抑首而顧則梅花在雪中冷香紛集煖韻旋生似非人境余笑謂之曰余本南人未遑五嶽天台鴈蕩吾南土也先生羽衣行在亦有館舍乎曰石梁一渡翱翔彼中今日都門亦因暫到於天台則宅舍於鴈蕩則逆旅也君有意兩方便請貸君羽翼余曰余歸東南歲首深坐先生玉翻少稅雲中使余或參鳳麟或跨烟霧願得介紹山靈瞻禮諸聖對曰余卒事天台正月便來相拉

卽邀至一所可數十步室宇偏側似酒家胡先生解瓢覓坐余因辭出先生不發一語徐曰識之一揖而退竟失道見二匠人修檻下碎磚揖而問之則曰君之所出卽君之所以入也慙而出門出門而夢覺則重茵淡汗壁燈熒熒因誦陳仲醇贈王崑崙夢鶴詩曰雲糊模不可平北斗柄折海水枯何時一問我長瓜之麻姑黯然淚下噫向令此夢不覺從茲而去人間天上一時分却矣夫茂林修竹求之實艱况三水十洲又秦漢之君所欲舉裳濡足而不獲一遇者乎苟非心與境遇境與心違

九齋前集

卷之一

四

又孰知其悲哉

東師野記

辛卯秋琉球相鄭迴遣使奏日本目下十吉次郎弑主自立并豐前岐前大小六十島自號關白猶華言大將欲脅使內道無幾薩摩島術士許儀厚本豫章人縱黨告夷入犯狀與琉球同冬高麗王李昫遣陪臣入朝代夷求貢辭如儀厚至壬辰春果遣僞將平行長僧玄素等帥師二十萬號六十萬夏破高麗南京及慶尚等六道王奔平安駐義州告急遼陽裨將祖承訓自恃驍勇率騎五千

赴之軍陷時六師西討時逆未遑東顧夷妄冀中華遺書朝鮮悖慢無忌石大司馬星遣門下士沈惟敬詰夷夷言高麗阻道欲有其地以便來朝惟敬許爲之請更與期約禁勿相攻歸報而西師奏凱大司馬謂門庭利禦夷性畏寒當乘時往救冬合步騎四萬上命右司馬宋應昌經畧燕齊議與大司馬合也勅李如松都督諸軍受右司馬節制尚書郎劉黃裳袁黃宿負通術兼官叅軍事十二月師渡鴨綠江夷以敬約過期攻高麗鳳山右司馬駐鳳皇城陽遣惟敬申約議畫混同江東九簷前集卷之一

五

南於夷陰遣如松出不意抵平壤夷戰不利走王京斬首四千級如松乘勝追躡深入險隘復戰於碧蹄館我師少却退保開城已而潛攻王京殺夷婿三填郎復用間入城焚其輜重賊懼方議還關白率兵守對馬島不許揚言分道犯內夏我師疾馬有歸音右司馬進屯平壤佯使惟敬議貢密請益兵天子令蜀將軍劉綎充次將軍帥師五千爲如松犄角五月夷遂致王京其辭卑尋召六道僞將還釜山六月夷疑約復掠晉州右司馬遣如松救之命惟敬責其渝信且詒之曰去釜山當封

汝夷遂歸高麗世子及其俘退西生浦遣小西飛至軍中俟約秋八月師遂大還劉綎將前軍鎮王京領如松事便宜全羅諸道海上解嚴右司馬上言本末中外始悟夷退天子下公卿議兩臺及諸省郎以名器宜慎夷心叵測且暴露幾年資糧不度夷以封退又謂寒而歸春而至去來無關封否揣摩激烈不覺詆諸大司馬欲分嘻笑請以百口保封夷無患詔曰俟夷請始議東伐群臣建言守鴨綠聲應援效西閉玉門故事勿過重亦勿過輕獨右司馬短長陣法考制火攻慨然以波濤九簷前集卷之一

六

自信御史郭實慮遠道顛危劾司馬嘗試國事指陳切直出貶遠方由是奮激出師鬚臙歲素得斬獲相當若陰諾封貢獨大司馬得聞及抗衆論事旣盈庭謗訕蠱起兩司馬威名不加於昔日者上下徑庭故也或曰夷破高麗人給粟帛遠近謹虞然驕縱王京而徘徊平壤故得而不守及釜山東歸悉棄降者或不志中原少槩見矣至於李松畧無驍壯之思蓋彼先嘗三殺其君殆所謂天亡者歟議者欲立世子以效少康之一旅一成而其羣臣覲顏昧耻鮮有顧忝離而歌朔方者悲夫當隋

湯唐文竭天下以殉平壤亦人事修不修而然也
昔日本討賊來王 太宗賜以名號今固斬之盖
忿其睥睨而求且德過唐虞若漢文之賜書南越
不足效矣余觀大司馬征討兩方夙夜一人簡才
不次若沈惟敬出入蠻夷楊允恭募航御敵皆以
匹夫取効亦涓人收骨之意縱故都督劉顯子也
勇蓋三軍而方畧不亞如松如松寧遠成梁子也
並紹箕來時人多之野史氏曰人有言司馬以許
封退夷爲已功夷以求封退師爲事大夷幸我不
許以有名司馬幸不許以免譏於復寇斯言傾危

九簫集

卷之一

七

不如群臣之正言深慮矣始某姓居夷間琉球情
實行長命軍中誦曰受大球小球爲大國贅旒盖
近於滑稽者乎論曰四夷不治 高皇帝垂於訓
言又 勅遼東主帥曰虜報萬人當拒之以十萬
豈無意哉然亡高麗是亡遼左也自遼海而閩廣
萬里一帆要害百數爲蛇弗摧虺將若何右司馬
同心決斷可謂奪人心矣或咎其不務懲夷有不
及幾年之懼詩不云乎薄伐獫狁至於太原譬諸
盜焉排藩籬而窺門庭詒之以利出之通衢不煩
兵革善也况斬將折馘功有難掩者哉語曰兵難

遙度又曰兵死事也師之二九克象人君盖居險
而抗衆誠未易矣司馬見可知難非集思廣益豈
能底厥績乎若袁劉起文成武有志所當北面者
也

西師記略

呼拜西虜也 世宗時以部落三千內附撫臣處
之朔方虜犯塞稍稍有功由是驕縱漸繁名實及
党馨仗鉞略不假借屢施束縛呼忿耻盈懷乃與
其黨劉東陽許朝子承恩共殺党縛藩臣穆來輔
隨府却慶王結西虜以要命於朝 詔令罷兵赦

九簫集

卷之一

八

勿問不從時魏大司馬學曾專閩陝右卽命方畧
魏赴夏過期呼亦僭擬魏作氣討逆請引河水灌
城河去城二十里乃北抵受降者 詔曰可於是
去水關築堤灌城水過城雉七尺魏意欲盡降夏
人兵不血刃秋御史梅國樓奏學曾逗雷養亂
天子大怒命武士反接至闕擢山右中丞葉慶熊
代魏命李寧遠成梁爲大將軍子如松隸國樓持
節監軍事寧遠在遼不及乃以如松爲大將軍入
月虜救夏人如松戰於張亮堡走之賊勢乃孤國
樓陰使人說承恩殺許朝以免承恩遂殺朝請

降中丞以賊在釜中且生之無以懲後不許十月城破承恩出走浙東將楊文執之賊黨悉就擒國樓請承恩於朝天子從中丞議十一月獻俘太廟行賞各有差魏奪爵勒歸田里尋復本官如故是役也蕭如薰實扼虜賊之衝曰靖虜中外間隔故卒抵於擒議者謂其有睢陽之巢先是與虜戰於沙湃叅戎龔子敬歿焉子敬華川人陝之驍將也論曰昔赫連勃勃始築統萬及繼遷父子狐鼠其中趙氏宵旰者累世及於我明逆醜藩封豈非形勢不掉足資奸雄亦其風氣使然也若

九齋前集

卷之一

九

灌城已取効於往日噶氏其未之聞乎野史氏曰余聞禍始許朝及噶氏議降許堅初志造舟踰城潛殺守水以潰堤績慰撫夏人莫敢反正斯其才誠有過人者御史構而誅之用意遠矣孫子曰非微妙不能得間之實語曰斬首項不如刺心胃良有以也

聽吳歌記

昔人以漸近自然答絲肉之間千古遂爲名言蓋東西南北之音其聲皆協於齒牙唇舌不則雖秦青合唱難欺雅俗之耳而况能強附之於絲竹乎

自漢迄於六朝中間公莫俞兒之曲雖讀之不勝吃而其置吃之處乃其諧聲之極也近世樂理既失俗工以牽合爲奇書史經傳皆披之管絃影響依稀轉相附和假令不待協音而輒可入奏則古之蜚矣堯羊直巫崇語矣三代之音降鬼神格天地西方之呪致雲物驅蛟龍豈非至和之極能相感通乎蓋非聲無以宣氣非和無以會神是以歌韶而鳳儀審颺知國固知樂之有裨於天人矣唐初之詩諸公以入唱爲高自宋代以調興而歌詩之法廢金元以北九宮興而歌調之法廢元迄我

九齋前集

卷之一

十

朝以南曲興而北曲廢譬之於禮諸體猶羊而歌音猶告朔也廢告朔而供羊不可爲禮廢歌音而存體不可爲樂故詩廢歌而唐人始獨擅詩矣詞廢歌而宋氏獨擅調矣北音廢歌而金元始獨擅北音矣此固披卷自見揆世可推者也吳歌自古絕唱其歌至今未亡余少時頗聞其樂會歷年奔走四方乙未孟夏返道姑胥蒼頭七八輩皆善吳歌因以酒誘之迭歌五六百有其敘事陳情寓言布景摘天地之短長測風月之深淺狀鳥奮而議魚潛惜草明而商花吐夢寐不能擬幻鬼神無所

伸靈令帝王失尊於談笑古今立易於須臾皆文人騷士所嚙指斷髮而不得者乃女紅田畯以無心得之於口吻之間豈非天地之元聲匹夫匹婦所與能者乎時手太白樂府不覺墮地以余之癖於嗜文太白之善於琢句乃奪於儉父之肉音非至和之感人則不肖之無識太白之無才必有所歸矣余以爲詩必高唱而始極其致使起唐人而歌太白之詩將無斥建武而棄建安乎若夫南北之曲一失宮商便屬別調斯與詞家之商李豎壇之獄律豈盛世之音哉

九齋前集卷之二

序

華亭宋林澄幼清甫著

友人陸肇修元常甫校

壽曹君六十序

曹氏與余先世至近溪蓋三世交也甲午春余病還燕中則不及稱觴矣村居多暇見曹君輒以爲恨乃笑曰子四方之士也何拘拘早晚邪雖然他人視我則憂矣而我則樂甚也子能道我樂以壽我乎余喜而問曰他人之以憂疑足下也得無謂二子旣成而喪乎幼孫已歲而殤乎夫人當少壯

九齋前集

卷之二

一

則華髮朱顏甘寢嗜味或竟夕發千里之思片言酬睚眦之怨一笑擲千金之貲何者父母之慕衰而兒女之累輕也及夫遲暮則船背鯢齒醫霧而遠疑倚鳩而強步屬酒言舊未半竟以欬歎擇吉媒歡言終不禁破涕招壯年之憎尤忘事境之來往者得非以嫁娶之淑慝爲欣戚子孫之盛衰爲悲歡乎足下年踰知命始喪尊君又暮年而二子喪不暮年而愛孫殤無後之責足下之所辭也假令二子俱生居鄉者有妬嫉之備處宦者有山川之虞兒女未婚則急其長成已娶則憂其否泰致

致產業嘗懷空乏之愁汲汲貽謀猶思怠荒之志豈知耄耄之隨至松栢之已實乎今足下顏如春花髮若秋水縱飲則狂髡之一石是期劇談則質施之三百相軋豈天縱哉早畢稅糧郵役遠踪戶內罔分愚智惡言不入聰司拙子禽之躁煩鄙鴟夷之乾沒而隱然享五嶽之樂齊三致之高以弟子繼窀穸則無嗣而有嗣月旦祖陽秋則不貴而臻貴况齊眉相期於白首佳城永固於紫髯將嗤漆園之寡情笑王孫之裸體矣假之年而去其憂其謂之樂乎其不謂之樂乎曹君笑曰嘻斯樂也非吾不能享非子不能道乃作而歌曰禾黍如雲今羅我前旨酒如秋今匡我牀帝鄉渺渺今不可至家仁里兮恣倘佯余曰足下尚有美於神仙耶昔彭祖行年八百喪四十子而未嘗損神今足下二子亡而不改其樂其竊比於老彭者乎更相與大笑而罷是爲序

九齋前集

卷之二

二

壽蘇泉叔七十序

叔父授鳩之辰稱壽者百數第笑曰諸君子辭固令然非愚所以至今日也安得知我者壽我乎後有以告其從子澄者澄客燕飲至之後階從兄益

舉兇進曰叔父少年以及今日投藥而活子女不
千數乎曰然所活如是所得稱是乎曰不及也而
餬口則足矣夫生人之柄非鬼神之所司而人主
之所專乎叔父不出奚囊而濟人於頃刻生者之
眷屬歡呼相慶因是而獲享黃髮之期者又幾千
人天地以好生爲心其欲酬德而不以壽也曷足
酬乎又使辱在泥塗逮秋而登穀不數石而公私
咸賴何如斬刈藥草而朱提是方茂水旱之患餘
稻梁之資比夫閔閔之農夫其力之勞逸心之煩
簡孰得失哉昔尼父以靜徵壽叔父無憂於衣食
九簫前集 卷之二 三

庭雜群卉燦焉辰宿之舒穀樹林田紛當酒泉之
富欲致客之醉如縛仇人而快之戈矛求坐客之
來如疲津梁而資之車馬年已七袞而頻顧牀頭
不休付緩急於度外彼舉世之醉醒四方之夷險
寧足以滑其心乎既有仁者之靜而復兼智者之
樂其果有央乎兄益進曰雖然是致壽也若夫寧
壽爾亦聞之乎惟我一二兄弟皆繼叔父之術起
人白骨之中致勒甘脆之奉天人無異於叔父而
不問出入之多寡不分產業之隆衰日奉二親於
花巖石甕之間不憚延客以佐綵衣之勝寧有燬
九簫前集 卷之二 四

性之事傷叔父之心而嬖氏之皓首松蘿以爭永
於大椿者吾黨天倫之樂孰得而相比隆乎則亦
何藉於啗棗之訛宦隱之鄙也叔父鼓掌而起曰
致矣寧矣吾不能徐生之奇而東方之幻方且迎
風而雲飄臨流而嶺處矣若十洲可涉又何德以
居之姑叙吾人生之事而已因書之以爲序

九齋前集卷之三

小論

華亭宋林澄幼清甫著
友人顧承學思之甫校

四皓

高祖之欲廢惠帝孱之而憂釋今夫見四皓而知天下之歸惠帝矣留侯之致四皓非特安惠帝示天下歸劉氏而寢后之邪心也后之不敢帝呂氏思帝之畏四皓也天下者高帝之天下已之天下且不敢逆四皓以貽愛子劉氏而呂氏篡也天下歸之乎后之終身不敢帝呂者懼天下之多有四九齋前集卷之三
皓也故曰高祖呂氏之邪心奪於四皓之一致也不四皓致彼呂雉者刃在其頸矣如意而帝也漢亡無日矣

從赤松子遊

帝欲如意立而諸臣忌惟忌無不忍矣且將呂后惠帝是忍焉千秋之後帝之托如意者必良何也何既死矣彼平勃者食肉而皮寢者也豈堪託如意者耶良先去之而帝心孤矣然則惠帝之不廢由良去之後帝無可托如意也

不諫伐吳

伐吳之策出自孔明不成者天也漢出三峽而魏以重兵下長江吳且奔命矣矣與魏共析吳而徐俟魏之釁才十倍丕也理百倍丕也仲達卧病武帝初亡藉武昌而抵鄴中師武臣力日月幽而復明庸可既乎當時魏庭亦有與蜀分吳之策而魏文以爲勿是豈非天哉兵敗而重悼孝直惜魏施之不南也夫亦街亭而斬馬謖也夫

先主不守荊州

孫子曰利而誘之強而避之卑而驕之佚而勞之先主之不守荊州是也當時武帝將百萬而南劉

九齋前集卷之三

二

表不祿蔡氏求降荊州無主而操之所忌在主主爲德於楚之日淺矣將無遼諸之敵兵無幽燕之勁守則如奉先戰則若公路矣故走之吳而以魏疲夫吳携民以走誘之利也不與之戰避其強也倒羈而去卑驕之也故緩其行佚而勞之也欲守者孔明兵不可得而先傳也臣決守而主決去陰爲德於楚民也俟魏之去而取之也

報効曹公

官渡而孟德不利袁紹其帝矣斬顏良而紹臂斷紹氣奪矣漢祚少延者壯繆功也或疑侯幸於操

而不忍斬操謂侯溺於恩則不然英雄蠶起非操不能斬除矧陰惡未張荀文若亦受其責况羈旅之臣且侯之從主謂葛藟能庇其本根也及主以漢中王而侯且耻與黃忠同列矣侯而不主必不敢為帝帝而不救荊州或者有相忌之心乎不然以主之遇事嘗多主之集思廣益豈其智昏而獨委侯以荊州也

子房狙擊沙中

始皇帝東巡韓人張良募勇士擊之悞中副車或曰良欲報秦也或曰示天下不必畏秦也曰非也

九齋前集

卷之三

三

良欲安天下也祖龍歿扶蘇將繼立祖龍歿阿房且弗闢祖龍歿趙高必屏斥祖龍歿巡狩得休息祖龍歿詩書且全壁祖龍歿刀鋸無所賊而胡亥安得虐民上也彼匈奴已遠遁矣秦其藉扶蘇以世乎世則天下且休息矣而韓仇亦已洗矣

說燒棧道

留侯既相韓而復說高帝絕蜀道蓋欲使之後天下興也遺楚以齊梁反書而楚兵且東矣諸侯之欲帝者衆矣天下如肉界西楚割之久割則不能無鈍新我棧整我旅天下響應羽不必垓下歿矣

淮陰之定三秦急功名也說發喪者好奇計者也非計之上者也老子曰不爭之德是謂配天古之極仲章曰吾不敢為主而為客不敢進寸而退尺子房其有焉曰子何以識之淮陰而不先相國進也則侯楚之自斃也

江陵張相公論一

范宣子以賓州之讒也逐欒氏而囚羊舌肸祁奚乘駟而見宣子曰惠我無彊子孫保之書曰聖有譽勳明徵保定夫謀而鮮過惠訓不倦叔向有焉社稷之固也猶將十世宥之以勸能者宣子悅與

九齋前集

卷之三

四

小論

之乘以言諸公而免之 論曰叔向之功在言相國之德在民某也少不習于事請以耳舉曰○穆宗之政寬相國繩繩群吏敬六官習京師肅侍臣歛四方安小大無譁整乃靜靜安民志志安勿爭勿爭則樂二曰法必重重赦無倖夫民之嘗罪以罪之輕韓子之論竊珠安于之論深谿可徵也三曰赦不妄大青狄獄其害毒民其怨歸上頻赦則囹圄為室家遇赦也不上德而矜天助肆狠毒於冤家肆不得亡命為盜賊卒為姦回則四曰官無橫議世無作巧食祿于官其司有管小臣好奇賈

名忠良越官封事大臣章章糟粕六經口創聖賢
聲拆釣名是爲在田五日減驛傳簡庠校妻妾十
數侍從百人輜重衆多擾我小民饕餮窮貺貺我
賓彼已之子其終何居爲鼠爲驢安用是者何
六曰禁貸于京用人惟賢既貸于京以賄上官上
目瞽盲出宰外地虐釐侵官其政乃崩人之賢不
在文人若醜豈必尊七曰誅食稅艱矣稼穡爲蠹
爲騰昔赦是釋今則孔棘八曰辟墨吏國家之天
而津而涎夫子爲政廉則陟先重曰有一于此十
世宥之君子百行子孫赭之於今十年雨雪遺之
九齋前集卷之三

下民孔嘉皇天佑之

江陵論二

或曰相國置於黨于重地內結中寺一朝舉事四
海晏如則愚矣相國矣相國不軌宜繕修王莽故
事而市德兆民則可疑也乃相國之爲政過嚴矣
雖疑其結馮中貴以傾中外而中貴收日不具反
刑吾知其憚相國威名而祈卵翼耳今吮日黨屬
捉臯噀口曾無廬田廡舍之避委質衣冠何不幸
哉桓公好紫國人亦好紫敗紫也而易十素公謀
於管仲管仲曰君遠焉明日大夫朝公曰大夫勿

前寡人惡紫臭十日而紫絕於遠以此觀之相國
紫也嗟乎不幼以長不寬以猛無乃非計也乎生
避不遑歟獲重譴其驂乘之傷心近侍之中傷乎
諸子之高第皆逸才非命意也國家萬世能必無
少主乎霍光者鑒中言若矯

附事語二條

蘇子陰遣舍人以重資見張儀于秦王以爲相蘇
子喜曰從固矣儀將阻秦王不出兵函谷以報我
也有客曰不然儀望君甚從將解蘇子曰儀背德
乎曰臣幼遊於梁止于淮潁之濱漁父獲賴鯉將

九齋前集卷之三

六

批鱗爲炙客憐而買之欲舍諸河恐其寒也爨之
釜期煖而放之過炊童子起曰嘻其止投之乎客
驚起曰投之投之頃間鯉鼓鬣呬波沸水震電爲
龍而去覆賈人千金而吐領下之珠以報童子客
稽首曰子漁父之鱸臣浮子清冷之波不然將在
鼎俎與漁父之腹何以覆臣賈其夕龍緌表出水
中而言曰子故爨我微童子舟婦將加臣酸醢以
爲臭味則與漁父之鱸我曷異也故賈人以寒炊
鯉則不知愛我以炊而因忘其解衣之德今子慢
儀炊之也舍人從儀止炊也儀將覆子而報在舍

人蘇子曰客有以謀秦乎曰臣西見儀令儀德君
乃西見儀曰有客賣鯉將舍而憐其寒煖之以炊
童子禍執請之客而舍之鯉化爲龍報將在誰儀
曰客心叵測報在童子季子曰令客見不買熟不
舍童子柰客何儀曰無柰客何也曰蘇子無令舍
人從君舍人欲從君柰蘇子何也儀曰客休矣無
柰蘇子何也請得因君以報蘇子乃閉函谷關十
五年不出山東

孟嘗君城薛策版築之息者晝夜謹季子夕君張
燭而削諸侯之牘靡銳墨而與季子言季子曰若

九齋前集

卷之三

七

是其錯也一朝乎君曰將歲季子曰請石五寸臣
能一朝銳之君曰客間薛也

九簫前集卷之四

華亭宋林澄幼清甫著

友人袁保德微之甫校

雜文

黃子澄先生墓田疏文

夫道生天地聖人備道于身爲兩間之陶冶非特嚴其父而慈其母故堯舜孔子無名亦與天爲一者爾下之或履堂與而成君子或率本來而成節士蓋任五行之偏行五倫之一於是上及星辰下抵河嶽紛然相等數矣若夫志士幽閨或激於恩

九簫前集

卷之四

仇或溺於情欲挽日飛霜移山改物譬之子庶執偏強父母以必聽而莫之禁止者父母中和之心慈而子庶執偏之心誠也況乎任其偏以行其倫造化猶將避之孰敢較量哉當高皇帝鼎湖之日黃先生首發晁錯削國之議用開文皇靖難之師及義旗南向自竄於吳將航海外夷甘心不逞跡其行事信迂遠不情所謂動稱古人而行不掩言者也其亦狂者之儔歟然當其慷慨就戮真有薄天地而耻鬼神之心使其偷生惜死少能委蛇於文皇其寵遇功業豈下於李楊諸君哉嗟

乎妻子牽裾于矛繫頸恩威亂前利祿眩念有能視歿如生食焉不避浩然之氣信上可以無愧於九天下可以無愧於九地矣先生就執于吳之日二子匿於民間已而婁中武臣執之以獻文皇帝赦不問至仁宗世始得携喪瘞於吳中某山今皇上卽位之四年其孫與鄰人爭墓訟於縣縣尹申君令吏視墓吏至適霹靂擊其墓忽裂吏驚告尹尹至墓令人從裂地掘下得碣石乃啓於憲副公開府公遂請於朝建廟於府城隍之左春秋兩祀焉夫武王伐紂夷齊切諫而武不以九簫前集

卷之四

二

是貶王故文皇帝日子澄在雖朕將庸今天子賜祠之意與文皇帝寬仁之言有不合轍於武王者乎竊常論之先生之歿於建文足以蓋開豐之非於文皇足以抗征誅之義其精靈英爽千載如生是以數百年之後猶能爲雷霆風雨之祥其與子胥屈原之怒濤何異乎昔衛輒之難夫子不以非其道罪仲由則歿於建文者又烏得深罪之也噫先生雖不得預於中和其亦秉五行之偏以行五倫之一者乎計祠墓所需終歲不過二項之入凡我衣冠惟力所能惟願所樂不惜捐貲助

世營費庶司祠者因有業而守固受享者因有守而神寧既不煩 天子之詔令亦興起百世之心誠君子所樂聞而世道之急務也用列其所由如左

放生文

生歿一也經幾千萬劫而爲人又經幾千萬劫而知生歿彼未能齊生歿者之視歿如遇鐵狗而吞銅丸也故濕生則願清冷羽毛則願雲樹野走則願山林猶世人就桎梏而念室家有曰吾不願吾甘於獄者乎是以一切血肉名爲衆生不曰衆歿

九齋前集

卷之四

三

驅衆生而歿之之酷不若挽歿而生之之慈故五戒首先禁殺令衆生可殺則狂象神龍味種種具何至病中而止於白牛乳耶且如來說法自天龍以至阿修羅俱令得大歡喜今脫衆生於苦業歡喜當不減說法時則放一生如世尊說一未曾有也況有生則有業有性則有慧非性無以盡業非業無以通性業盡則空性通則寂餘業未盡行將復生本來未通行將復業非吾輩好生何以使衆生從容盡業以通其性乎吾佛固曰生歿事大卽莊生仲尼亦曰歿生亦大矣朝聞道夕歿可矣謂

之失而可輕歿之乎聞道而後可歿衆生之歿也聞乎未聞乎吾以爲不聞不歿業盡則歿不逢吾黨者非聞道則業盡者也歿可也遭羈籠而遇吾輩將藉吾輩以聞乎道者也可生也嗟乎是何聞道者之多而未聞道者之寡乎若思歿生之大當爲衆生方便思生樂歿苦當爲衆生解釋聞道之言特開悟衆生耳恐衆生樂生而忘業復作偈曰活也活也放下歿者歿也歿也放下生者

又偈

難舍父母妻子未免祭祀賓客六畜不能無殺

九齋前集

卷之四

四

餘錢放生亦得衆生父母妻子俱獲無量歡喜
鷄鵝牛鴨猪羊都恨不如野味
昔年與陳仲醇買放赤蝦十貫錢動活五六十萬後買黃鶯放數金不得五十然黃鶯放却便啼赤蝦悠然而逝黃鶯役于情者也赤蝦忘情者也以此思業業可知矣

九齋前集卷之五

傳

華亭宋楙澄幼清甫著

猶子芝孫瑞伯甫校

宋氏君求傳

族曾孫楙澄曰新之幼也讀世父君求傳

見其賣東岡立 皇后張氏有儀秦之風

及讀叔父所作傳抑又知幾者大羨既將

辛酸是陳是爲君求傳

君求諱志孝 少補諸生非其好也坐陷西庄公

不中遂亡之京事中貴人浦智浦司吳越御衣君

九齋前集卷之五

求從而南浦將市奇貨屬之數百金君求好施予

及飲博而癖於平康數月金盡空手見浦浦怒欲

歿之君求曰我亡金亦亡不如生我我亦能生金

浦奇其言寬其約君求乃假浦騶從出入衣冠甚

設陽言於群小曰內臣客我群小因訟言曰官惟

君求是聽於是府中無貴賤交事君求中外欲請

謁浦者多因君求君求故引避諸人愈敬信不百

日還浦所屬金數倍浦大喜始重任君求初君求

與東岡甚密東岡之奏訟西庄公也君求多居間

已而東岡屢負遂請和於西庄公自言爲君求所

賣君求始大慙望至是思所以報之乃裝蛟龍錦

十箱糊題極固若將遠行狀經過東岡家相與道

故極歡酒次乃曰行將抵越而復於吳行李往來

巨測幸頓弟家命從人自舟中携上開中一箱取

物皆故衣雜器開閉甚艱東岡笑曰止勿開他箱

別旬日忽有數十人醺醺擁君求而來皆持刀杖

君求銀鐙於堂柱人盡北音大罵曰此賊盜御服

稱頓若家尚思倖免耶分布從者急索東岡得之

牀下與君求對鎖盤旋拷掠既酷昇前所寄十箱

開之堂上鱗爪非常皆民間所禁東岡計窮乃出

九齋前集卷之五

生平之蓄以求免君求亦爲之懇於北人北人始

携君求去及從浦還京再客鮑忠家忠亦內侍也

鎮豫章邀君求 往宸濠生期鮑出菊扇索君求

題詩壽濠濠嗟賞良久謂鮑曰卿其倩人乎鮑以

情對濠請相見賜予甚厚及再陰知濠反情說鮑

曰豫章非用武之地奉化扼其前昭信尾其後王

狠而戾下悖而鬪無方收也不如避之鮑懼託君

求行賂於京以允請代未幾而宸濠反新鎮竟坐

誅鮑德君求之免歿也今持數萬金償責感家奴

請塩引遼陽諸貴戚奴故暴橫郎官余故有意抑

之愆期不給家奴毀扉門而入大詬郎郎訴於朝
君求策 武宗必先籍賈人金星夜輦金度偷關
而西已而詔下貴人金盡在籍中獨鮑氏獲免君
求嘗以他事下錦衣獄中有邊將觸江彬彬陷以
事至受 御杖詔獄時溽暑彬示意獄吏嚴三木
所居勿得引風令穢穢以灰君求重憐之厚賂獄
卒得寬械納涼少蘇詎獄吏曰是人有功邊陲外
人皆知汝曹逢迎江意異日妻子訟冤江豈能保
汝曹乎不如生之以不灰報江可也獄卒雅信君
求反爲將軍購湯藥因得不灰無何彬誅會赦邊
九簫前集卷之五
將持百金爲壽君求却之曰吾憐君死於冤不圖
君生而報也 世廟龍飛選立 皇后未定君求
說鮑曰君今危矣雖然余猶能安君也鮑大驚請
受教君求曰君向結 皇太后以自固今 太后
之日西頹矣君何不自附於扶桑之日使某得如
朝霞之映餘暉乎鮑曰吾以卿爲義和敢不唯命
君求進曰昨觀選中諸女唯張氏美且福然貧而
無援君若請於 太后而立之此所謂扶桑者也
鮑大喜君求乃見 皇后父曰君誠欲富貴乎將
以爲名乎張笑曰富貴哉君求曰君欲女爲 皇

后而以德容自媒徒自苦耳所善鮑司禮可謀也
乃偕張見鮑鮑與張結爲兄弟明日請之 太后
且說太后立 皇后以樹恩復散十萬金於宮府
張皇后乃得立君求少受府中鞭箠及爲校尉南
還持貴人書謁刺史刺史重君求節俠引坐款語
時君求子復爲錦衣西司房校尉兼官百長刺史
問郎君無恙乎君求起曰西司邏緝無暇刺史愕
然及出不覺引蓋送至外門當 武宗時君求頗
橫至 世廟始稍稍自緝長子早亡次子懷德
詔守錦衣獄尋卒與君求俱塋京師 論曰余叔
九簫前集卷之五
父遜庵公最純謹然其傳家乘亦復不廢君求甚
哉其悟於物理也萬物各徇其靈龍鳳之祥伊人
是豢蛟蜃猛志莫或近焉制之刀圭而左右唯命
矣若君求亦未遇刀圭者也
曾王父西莊公外傳
曾王父當高王父之喪秣陵也棺無良材時冬月
乃衣冠高王父而坐之胡牀如生人抵家始就殮
族弟君求善縱橫募惡少年據門大罵曾王父命
縛之陽言杖殺買棺焚之後園而陰解其縛善撫
之君求大喜訟於官曾王父率惡少以往惡少感

激乃言計出君求官大怒列其狀於督學君求遂落縫掖其後復說曾王父庶弟東岡爲訟至疏於朝卒莫能害久之君求爲西司房校尉竟以事中東岡而於曾王父終不能誰何也然賦性仁遠東西南北婚喪者助之不能舉者爲之舉有家奴從牆上盜數石穀出人以告徐曰此何事而偵吾寢以驚吾夢乎後遊園中忽乙石自外驚下縛字數行曰某日夜某時可開其門我當與某同會汝於某地亦飛石報之曰可至日命縛某奴而開某門門內設伏以待賊既得笑曰偷物小事向時幾破

九齋前集

卷之五

五

吾腦後石莫更大也竟陰縱之

論曰澄讀曾王父已下本傳如頭體四肢毛髮孔竅無不備矣外傳之作猶髭鬚焉有之不增無之不損然不至若癭瘤之有害於人也噫曾王父之廣王父之逸伯父之嚴先君其聿修之矣修我先君者誰與

附先王父三江公遺詩

有外傳刻正集

西湖

羅刹潮平好問津
隔溪誰復卧薪人
我來莫問興亡事
月白江空一酌樽

登飛來峰

芙蓉數朶鬱蔥然
竺國飛來又幾年
最憶冷泉亭上月
老僧施食又呼猿

亡題

桑椹垂紅麥漸黃
嫩槐成蔭午陰涼
書窓小睡渾無夢
閒看蜂兒課蜜忙

吳門卽事

一客五茸經五月
扁舟三日渡三江
濛濛落絮飄香雪
漠漠游絲網碧窓
夜月每憐珠蚌小
春風猶喜鏡鸞雙
水簾不動爐烟細
樓外青山倚翠幢

九齋前集

卷之五

六

待月

小樓偏愛晚來風
坐看冰輪出海紅
欲識素娥猶戀戀
生憎雲幙故重重
今宵把酒遙相問
何日開筵喜再逢
記得玉蟾原有約
團圓只在早秋中

夏日

晚風嘶嘯過西樓
半壁青燈對客愁
芳雨一番催結子
亂紅清曉下汀洲

偶成

倦枕殘書午夢饒
條鶯又值小春朝
晚雲欲送前山雨
先着濃陰度嶺腰

送君求

江北好兒孫江南好弟兄江南與江北去住皆爲情

詠雪

封梅紅綻萼醉柳綠侵條一點愁人髮經年竟不消

題王震澤留春谷

峭壁勒煖風深坳貯花嶼東君縱欲歸蝴蝶飛不去

九齋詩集卷之五

七



九簫前集卷之六

誌銘 誄

華亭宋林澄初清甫著

猶子蘭孫德仲甫校

殤兒協虎誌銘

宋氏殤者曰協虎林澄子也生之夕澄母夢虎登新婦楊氏牀婦驚死黎明乃育因命今名生十日而婦卒期年後慧敏超絕聞人言阿翁喜怒隨其臧否三歲出見客則道客狀於祖母前曰彼相慈彼眼惡澄母藉以解頤如此更復非一其最異則心知繼母施氏而迹極相能見父呵母必哀號其

九簫前集卷之六

間下至奴僕皆井井中情人竊憐之亦以其慧咸願獲其笑言生自庚寅至今乙未蓋六年矣夏五月終澄因事入華亭兒遲回欲語出入數四余不之解更二日母嚴使責澄歸歸則兒已不能言惟聞吾母哭曰更誰爲我於枕上問寒暖乎爲我於路布乾灰乎爲我釋愁顏慰加食乎蓋不肖好遊或憤外事而新婦更多病伏枕惟兒相慰極殷吾母行則先步曰寧我躓姑老不堪痛也天雨則布灰於路曰毋令濕侵姑履晚登牀則爲我毋推腰背早則進茶菓通父母晨昏或與姑論孝養及軒

冕尊榮或祖母怒澄暨奴僕輩則曰姑老矣拂鬱奚堪異日兒能料理之每出一言澄母輒嘆曰先夫有孫矣兒本城生五歲隨父遷於鄉意極慕城而不言城便奴城而歸則叩曰某門某戶如故庭樹葉稠載籍樓上無恙乎其冬澄出西鄰夜半發火焚澄廩澄母驚仆地臨庭命家人救火兒私於施母曰向依依於城而如父勿是何復問竈下動靜已則復就枕曰去寢尚遠請人自能撲滅澄誠叩之曰仆姑孰與焚廩痛侍女都言焚廩痛兒獨言痛仆姑也澄所善從兄謙之從甥王孟張兒喜

九簫前集卷之六

從兄而憎王甥一日相別兒獨揖從兄人問何以王甥獨否兒乃下揖甥笑曰奈何辱耶兒應曰虎謝伯父之賜禮也吾母疾平世父暨從伯父見母戲兒曰最善爲誰笑曰世父之衣尤美竟莫窺其旨四歲前數喜過外母陸氏陸氏持之便哭亟言無母兒苦兒不喜懇歸謂祖母曰傷兒心且成媾自茲勿往矣後雖數四招之終不聽及卒之夕閨門如夢而已嗚呼夢耶覺耶鵲巢知風雉去惡政鳳凰高翔覽德輝焉下之其亦以澄不足父而去之耶昔汝未生我母慕有孫之樂今汝志去但執

喪孫之悲設少失意於我 母未必致今日之痛
若此也吾母禮佛甚勤當於因緣少能豁脫又何
戀戀悲慕不捨哉况施氏母與汝有千日之歡竟
以歸寧不得一臨其與姑涕泣相向寧有旣也倏
而來倏而去不受一盃藥不發一情語譬如索負
已畢喜極乘風惟恐負人追至我亦如償債旣完
應時閉戶惟恐債主復來吾求吾情而不得不得
則無從發聲無從發聲者吾情忘矣而忘非一日
也不記昔年贈汝詩曰吾本無心遇君非特地來
使今日稍涉俗緣不幾食吾言乎若楊氏新婦遺
九齋前集 卷之六 三
藐孤而不能致之婚配其以程杵誚我矣雖然吾
情忘矣儒者有銘我釋有偈心禪而儒行乃作偈
以銘之埋於王父墓之東北銘曰

汝無言 我無涕 何如隨喜訖 掉首飄然

去
去去
大火因風燒柳絮

伯謙之曰余近見里閭姻婭無不泫然悲虎兒死者又無不爲禹成悲喪子者余曰非也虎兒未嘗有生惡乎死禹成未嘗有子惡乎喪虎生甫六年世故物情若歷之也彼其視百年生死寄耳直旦莫遇之耳而禹成自有虎以來若子之若弗子之

若愛之若弗愛之余猶記禹成游燕時臨行虎率衣以送左右慄然而禹成拂袖出門了無矜睠卒而無涕又奚怪乎余故曰虎未嘗生禹成未嘗有子也嗟嗟鼠肝耶蟲臂耶鷄耶彈耶輪耶馬耶孰知其所來而又孰知其所往來也無足喜而去也又安足悲試以此言進吾世母當爲一解顏耳雖然弟無情矣而誌之而銘之猶未能無無情也噫是乃所爲至情者乎

誅亡婦楊氏誅有序

楊氏華亭著族也婦世父故黃門崑南公與先人
九齋前集卷之六

九齋前集

Ⓕ

壬子同舉於鄉婦以今上丁亥冬歸懋澄澄母張孀自先大人亡朝夕禮佛願西方度置家事幾十年矣憐澄自食更臨庖鮮反馬之後若疾脫支婦克馴內儀恪供中饋晨昏不替於虔適臘月母誥祖禰牲殺畢嘉喜顧侍女曰未亡人獲見先君其庸覩顏乎母憂澄贖事戚容頻形婦開釋百端頽怡始退澄少年嗜酒任誕婦心弗是也間進隱語爾時自以機雲可奴劉樂可隸從橫揮霍則蘇張王何可臣也意甚不平而屈於辭理亦稍稍改節然喜陳孟公之爲人日置酒邀客無客則跌坐橫

脚仰面嘔呻追嘯千古蕭然懷鴻鵠一舉之思婦
脫釵屬置酒邀客客至無間炎冷期主客酣暢而
止資姓警朗侍姑湯藥非嘗不進問遺母陸氏溫
謹如女時未卒時偶就閨侍兒大呼石榴樹下鬼
火閃爍聲達姑寢婦度姑驚奔還侍姑咤侍女妄
言適經過樹間火無有也其純孝敏達如此時家
難薦侵歲事不繼侍婦裝奩舉火者累年臨盡之
日篋笥蕩然方虎兒之育也卽收淚抱置姑懷曰
婦旦夕早世不能事姑其忍以煩姑乎時澄方從
叔父遊燕會旅燕之音至婦展書再三命侍女開

九簫前集

卷之六

五

簾視日陰嘆曰不能待矣尋笑曰能忘情於兒女
乎及誤服人參散胃胃布滿氣脉轉塞始歛歔曰
命也起浴易席問其遺言搖手而已嗚呼痛哉昔
伯仁沉枉茂弘負咎於幽冥元伯永歸巨卿通靈
於長夜况始邀機絲之託終任梧子之期乃錦衾
溫罷已垂奉倩之神傷蕙幄塵疑復闕子荆之悲
愴將烈焰熾騰於祆廟嚴霜倒于乎鵲星矣夫靈
禽顧儔匹之止息而廻翔班馬從廣莫之哀號而
嘶咽若乃長途遊子蚤歲征夫蘭橈徙倚江村月
沉雨細欸段彷徨關塞雜語烏棲忿憎雋李之芳

華坐待芙蓉之凋謝晨梳鏡痛舞鸞於別賓折
柳臨堤妬粧蛾於京兆矧精誠杳幻杜鵑殞血冬
簾夢寐託靈黃鳥悲鳴秋葉令軒岐可續願肉靈
膠使崑岳貧廻難堙淚海何免穎之能陳龍藏之
可釋哉徒以悲歌過於痛哭傷心何爾招魂是用
貝列篇章蟬聯歲月庶哭都比肩根偶同於梓樹
雲陽蔽膝體尚合於華山匪徒效輦剪弦之明遠
刻畫長簾之德音而已也

九簫前集

卷之六

六

委禽時日淑良繇習貞吉夢協休祥夜舒姬德吞
孕如光體素玉理竄流姬姜見廟反馬爰侍余母
母痛余父對之良苦昏晨甘脆罔敢失情拮据靡
寧見余負荷嗟余數奇通扼鹽車翹袖折膝率然
流離輶軻親證脫珍稅衣晨趨泰山暮除險巖庚
寅補天羈縻吳會珩珮敢忘雄心所累望歲有娠
敏敏美美卑鵠浮汀素蓮敷水合浦葉翰剪顏索
羣扇影虧光帶減白雲月雪消玉蘅蕪罷燠眷姬
軍持附昵湘君數盈良月寤生宸至百草背霽七
采隧世吾旅甘寢夢而途次重明瓊琬湊理芒刺

朝詰巫覡悻紆致昏掌夢遺旋夫子憐恩沉雲
鴻慈命辱臨傷魂反舌赤棘藏心坐與庭燎移蔭
暗室詒曰伏枕口劣藥物星尾橋邊夕陽亭側雞
斯拙工驚帆蹇栗奴下小艇跼進計書銘湯贖腸
削心眸泐鼻酸腦楚遺躑人居追奔布詞遊神聽
此環餅餽餽馨香弗吐吾欲死旃計出曷所請謁
上帝爲厲殺我或跣高山崑嶷巖蹟於纍石斃
於迴巒或濟江河白浪紫瀾惡風吹墮蛟龍競餐
或夏焚厓雷礫電掣雲路雷馳形銷影滅或處寢
堂回祿熾烈薪賦脂膏焰于髓血或膳中厨鬻虞
九齋前集卷之六

擘鮮骨捐喉咽毒鼓五官或信逆旅暴客衡前刀
討強項氣綴呌天或入廢宅盤茶跳梁瓦墮懷棟
柱推垣墻或詣栗廣童瞻中央虎豹虺蜺班列周
行或抱小恙緩和冠理上膏下育甯然長逝多灾
穢身憂思踵至百躍文燃苦裁鼎峙嗚呼已焉哉
朝霞衣架晚月鏡臺精玉寒燬珠宮燼開山額百
靈花失含胎輕心欸種霏瓜孤媒長臂虹去鴛鴦
紫罷射聲蟻闔解形鳧寡拊髮凝膠消腸約竿玳
瑁簪灰輕絲履賣夜修萬歲日越耗磨兔絲朽索
雉噫秋茶續脉訪九桂星索查草神懷夢石寫鉛

華嗚呼嗟余小子遠詘莊生近慙潘令含嘆延娟
撫念非命生視擣心投鼠庸鏡弱骨把携華畿啓
徑叩叩距虛母使失性重曰浮玉邈今弱水深石
葉芬兮桂延精絕白鳥之啜喋謝青睞之照臨悲
兮神州毒無任於時玉曆抄數金壺惋心驚絕文
影猥落素琴臨燭熱海膚寸千尋爾乃揚霏寶珠
挹懷珠襟流飄蟬翼連卷桑林嗚呼哀哉

九籥前集卷之七

書

華亭宋楙澄幼清甫著

友人趙廷玉幼安甫校

上羅大宗伯暨 左右宗伯書

某東海之鄙人也北遊成均竊聞 皇長子講學有期雖身處草澤而欣慶不勝然愚以爲 皇長子之繼統不係乎太子之立否而群臣亟請之以致 皇上之怒是群臣之忠過也 皇長子之常尊宜謹於出閣之儀典而舉朝故事之以成上下之疑此執事之當講也且 皇長子講學而 皇

九籥前集

卷之七

一

次子預焉 主上豈非欲 皇長子爲聖君而

皇次子爲賢王乎然而中外之深疑者不然方且如弦之鐘而蠡之海是欲以講學止群臣之議適以講學啓天下之疑疑之之故豈無謂哉請立而不允也唯命出閣而同 皇次子也唯 命恐異日而或立長或立德之亦唯命也夫 皇儲之正名係 宸衷之獨斷而愚獨汲汲慮天下之疑者無他大小之事生於疑而大小之疑成於隙况疑者君子憂之而剖析其是非小人因之而思逞其微倖至起微倖之思則鬼神莫測其機賢聖莫弭

其變孰得而逆料之哉卽 皇長子偕 皇次子

而議學禮同儀而書同義果孰帝而孰王乎是疑未解於臣庶也 帝均其愛臣均其恭又孰先而孰後乎是疑未解于宮中也出必共聽入必共業

抑重此而輕彼乎是疑未解於 皇長子也起居無異晉接無分亦等威之素別乎是疑未解於

皇次子也令臣庶宮中而無疑則可苟生疑焉則臣庶宮中皆生變之機也令 皇長子皇次子而

無疑則可苟生疑焉則 皇長子能忘芒刺而皇次子能忘覬覦乎一疑動而衆疑隨衆疑隨而

九籥前集

卷之七

二

變故作變故作而 皇上天日之心不白群臣扶持之責誰歸哉惟變故之倏忽不必盡由於 主上愚故不虞九重有非次之心而慮天下有未解之疑也欲解天下之疑莫若定民之志而民志定於尊卑尊卑辨於隆殺辨隆殺而定民志計豈外於講學哉執經而陳理無異同矣有得之爲 聖主得之爲賢王意者宜殊旨乎講臣進見之禮埒也不特論齒而猶宜序貴意者當降殺之默寓乎聽講之居處周旋分左右矣不無有同立並坐之嫌意者宜潛相之以上下乎史書之鑒戒雖均若

夫孝友寬仁別嫌明微之道意者宜三致意於一篇乎下問敏求之言行等也進則鼓舞出則贊揚意者亦有緩急乎使臣庶宮中而習見習聞如此則知禮不可奪而徼倖之疑解矣使皇長子而習見習聞如此亦明禮不可奪而芒刺之疑解矣使皇次子而習見習聞如此必懼禮不可奪而覬覦之疑解矣上足以白皇上之心於萬世下足以釋上下之疑於將來既足安皇長子於朝夕亦足奠皇次子於藩封計孰出於此哉不特是也防微杜漸之幾日呈露於耳目塞其原而遏

九齋前集

卷之七

三

其萌豈非所謂陰移默奪消禍患於無形者乎此不必俟從違於主上而因分制儀以定之殿陛不必決二三於孔夫而執義起禮以垂之古今者也若曰皇上知長幼之難易矣而何必復生議論祖宗有故事之當循矣而何必別起更張則愚不知天下之疑何時而止而又安敢料天下之事如何而變哉方今車書異同無不文軌於宗伯矧養聖德以承宗社國家大計孰急於茲故敢以亟請過群臣以釋疑上執事用竭芻蕘之誠伏惟採擇焉

與袁非之書

柳澄不閑於教訓罔嫻於術業進乏天衢之榮退鮮鄉曲之譽奔走四方不禁落魄惟昔之春思欲勤修舊業則讀書余山之陽有馮承恩者偕其子時入謁詢其居則與寓間戶也承恩乘間指時曰能執雉而從君矣澄佳其慇懃憫其淪落叩其履歷則曰母昔任五兄家乳母今謝歸矣是以此澄疑其袁氏之僕則不宜咫尺相揆異也卽因事屏居他處豈其屬外姓而肆然不顧邪因以六金買時夫婦其父手契之辭語語忠實因易其名曰

九齋前集

卷之七

四

永賓迨及七月不肖欲自白下入燕遂携時以往道路往還間關共之及抵京師甘苦無二據時父子往來之書未嘗不以衣食有餘相慰亦未嘗不以移家入城爲謀也及不肖以病歸燕則復重之以勸賞計時前後所得不下二十餘金矣會病日間時父子旣疑就試之心行將復興且盜意外之財稍充自食遂縱情於跳梁肆志於跋扈乃不肖暗於事機屢使以招來頻加以寒燠彼自慙負恩終期反側遂以梟獍之心撫成風影之事昔之秦越門下者今且轉爲城社矣乳母自居者今且甘

於奴隸矣不肖始悔失策不勝念惋而已無如之何尋令小僕再抵其居意獲其罪已之言則姑置之度外若承恩係五兄之紀綱則將索馮時之身價而已乃承恩父子妄肆惡言狹小宇內視公府如外宅詆故主於浮漚因以一刺投五兄會五兄已就道金陵小奴私於尊使則曰承恩昔年之逐奴也爲時者向欲售之次公次公以無所用却之矣不肖悟曰惟其逐是以獨居惟其見却是以歸余雖然吾不可以造次也進而請之伯氏伯氏矜先人之遺孤憫無成之浪子一見卽叩馮時始末

九齋前集

卷之七

五

且曰此故逐奴之子也父不忠於我子復不忠於爾邪弛張聽爾毋兩相形影令叛賊得計然而未敢遽訟也以簡請於伯氏曰逃奴已領尊命將欲取之矣伯氏之復書曰逃奴之論何過緩也是明許不肖以正名矣於是而訟之官伯氏復諭隸人曰持之聽汝慎毋我虞是又許隸人以正法矣乃時父子違伯氏奉法之命其拒隸人則曰人已入次公之門自往領取其抗不肖則曰人已屬次公之籍爾當奈何隸人憚次公則躊躇而不敢前不肖重友誼則扼腕而不能決然而徐思其僞也請

得而陳其僞夫旣爲家奴而見逐其非心腹之臣明矣借曰不忌疇昔然而放逐之罪必有浮於乳母之功而至此者也況舍故從新何其炎涼乎功無加於昔日而罪重於往時卽德其乳哺恩推於承恩而止矣今子時身爲逋逃躬爲盜賊所謂愛莫能助者也而承恩又非有十世可宥之功也何至於愛之甚而匿之乎此其爲僞一也時之服役於不肖者兩易歲矣伯氏次公會無一字相及且遇伯氏而無慙近次公而不顧豈其綴旒於宿昔而卵翼於一朝乎此其爲僞二也當其無事之日

九齋前集

卷之七

六

雖承恩五兄之家奴也且以保母欺人而欲依澄以終桑榆之景及夫有事之時卽馮時不肖之屬養也且以世奴欺澄而欲抗衡以成鷸蚌之勢此天地之所不容人神之所共憤而況以伯氏之精明五兄之超達而肯緩則爲其筌蹄急則爲其保障哉此其爲僞三也不肖故護落然於伯氏先人則獲縞帶之好微軀則蒙倒屣之榮若夫五兄間隔則郵書以慰藉會面則把臂以論文豈其以一賊奴之故棄兩世之誼絕數年之交乎此其爲僞四也逐之而聽其遠近去來則其得其失何異於

楚弓其重其輕何異於燕石奈何始則任其悍然無忌終則憂其榮辱不置哉此其爲僞五也家奴不能無盛衰則不能無收逐逐者既無由而禁其叛離收者又無由而知其情僞無事且掉頭而不顧有事又掉尾而乞憐掉頭不禁故欺不肖以乳母也掉尾見憐故抗不肖以世宦也然試度承恩父子而無訟事將依違余渚而戀戀故主乎將計日南浦而圖新乎將從澄不終而復歸故主乎平居燕坐豈不念其及此而漫爲覆庇此其爲僞六也彼其父母妻子之未離余渚者徒以佃耕之故

九齋前集卷之七

使其既入茸城或移家我土而一旦得罪於不肖彼將望五兄之門而投止乎抑將窺身於海角乎愚以爲信既離之腹心而絕世交之襟契門下弗若矣此其爲僞七也諺曰狼子野心父奴袁氏而不快則棄去子奴宋氏而不快則棄去借使不肖聽時自贖其將心膂之而任之鎖鑰乎亦棄之不問如昔日乎任之鎖鑰則其長短反覆余既知之矣亦殷鑒不遠矣如棄之猶昔能保其不復欺人以乳母乎使又有如宋生之愚者而受其欺又將如之何耶故曰爲僞八也若其假五兄之名稱以

避隸人者則有故矣禾未登場米未就糶故依栖以待歲事之畢忍恥以乞尊使之憐朔風之候地北天南以避官府之拘深藏固隱以脫租貸之累斯時也雖五兄亦索之於無何有之鄉而已安能細其足滿其欲使之含哺鼓腹爲袁氏不侵不叛之臣乎以不可保之人心傷情可原之賤子此其爲僞九也承恩每茂縣官之輕微而恥於折腰快撫院之赫奕而甘於屈膝縣之不止而府府之不止而院而撫臺承恩引避之智愈工不肖忿恥之心益切此亦理勢之固然也伯氏五兄終不以逐

九齋前集卷之七

八

奴一子之故爲之解傷心之怨不已耶此其僞則十也然而不肖所求於時父子者淺矣徒恨其大言無忌肆意忘恩耳苟挺然屈志於公庭豈至履其肝而涉其血乎今隸人則屢述尊使居間之說以唐塞不肖不肖重違尊使還價之說以覲顏人前且還價之說未訟而已拒之矣顧不肖之致訟於時者盜也非責其還價也時之就理於官者盜也不止於還價也況伯氏畧無護惜之心而尊使忽與還價之說令不肖畏首畏尾旣無以見叛奴於此生又無以臨諸僕於後日而坐令賊奴肆其

狂悖昔則久疎翟公之門今則堅抗申公之執彼
既以不出爲得計某必以不出爲深慙含垢忍恥
將何時而止乎乞憐懷懷之情少遂區區之志使
尊价無預其榮辱無隱其根株更論叛奴無肆其
奸回無徂其勝筭庶平日之忿克洩而世講之體
猶存也若其投訴任情竊蚨買主更有不可筆之
於書者請以異日情迫陳辭不勝激切之至

九齋前集卷之八

說

華亭宋楙澄幼清甫著

友人郁承彬孟野甫校

言動說

江南生所居卑濕僻陋晝則啼鴉夜則啼鼠蛇蝮蜈蚣時出沒溝檻蒼頭挾彈以斃鴉設機以捕鼠蛇蝮之屬出則掠之余過之曰鴉鼠罪不至死而必先發殺之蛇蝮有咥無生若不得已而應之或往往生之其故何也對曰晝欲行志夜欲寧神甚無樂乎擾之而鴉鼠之擾我晝夜甚矣復假妖祥

九齋前集

卷之八

一

以恐我若蛇蝮之我嚙夫亦徂於勢之所觸置之水放之野則洋然矣豈若鴉鼠之可已不已驅之復來逐之益近不至於殺身不已乎且彼何不爲交交吻吻者乎余曰止彼之鳴也亦率其性以遂其生之所適其於妖祥未盡僞也彼自以爲有益於人而人尚如此乎惡之况習俗之語未必率乎性也無已而言未必志之所適也爭利害而度幾宜未必悉中吉凶也損人之德害人之生不止於擾神志也而欲免於彈弇也難矣交交者就籠吻吻者就獲亦何貴於鳴之善耶麟鳳而遺其角鳳

出而喪其毛龍見而亡其首令蛇蝮不出謂之祥於麟鳳可也

狸說前

甲午自華亭徙居村落遺一狸而去及再城則已就食鄰家間入我室亦爲竊肉而來非有戀戀之意也一日見擒於小奴鄰家肆詛甚急因命縱之去奴堅執形象曰產於斯育子於斯矣余曰向者見我掉尾見人掉頭非親我而遠鄰食仰我也今棄我如跡避我如仇非親鄰而遠我食仰鄰也我執我權而失之鄰俟我失而操之狸直與權而俱去狸固無失鄰食狸以爭狸鄰亦無失而我兩失之我又將與誰爭乎狸乎夫澄也東南西北之人也而又不能如胡寬之於新豐也遺將不止於狸與其并失於後不若漸失於前失之始今日矣吾不若人得人失之迂也

九齋前集

卷之八

二

狸說下

又一年而狸歸歿於吾室童子欣然曰曩者羈之啗之而不留奈何卒歿於吾土也願夫子討其罪取皮以禦風取肉以賜丐余曰嘻其就鄰勢也猶黃權之降魏乎久於鄰者思也猶豫讓之感晉氏

乎歸歟不忌本也猶慕容翰之還燕乎有古人之
道三亦何罪且夫去不能來之是不惠也歿不能
哀之不仁也就歿於我而戮之不武也剖胎破卵
而麟鳳爲之絕迹非所以招攜也曰然則投諸水
乎吾不忍其飄飄也埋而裹焉吾不能恣然也爲
之棺以葬之吾不欲其同於人也裹之房箔而埋
之戶外君子曰觀乎理之歸歟而李陵衛律罪通
於天矣

九箴前集卷之九

華亭宋楙澄幼清甫著

祭文

猶子存楷程先甫校

祭 伍相國文

唯吳相國寔楚茂胤莊王北轅武功祖奮考父伊平巧言勿順皇天助虐明夷處困兄歸弟奔肝食遺恨危矣蘆中又其壺漿薄楚鄭榮不王孫傷決泱江水跋涉吳疆所志者大乞食佯狂進說不遂退且耕野闔廬求士薦專諸者再虞慶忌走及奔馬順風剽之腰不盈把無歲不師卒救蔡侯雍滋

九箴前集

卷之九

大別荆無方收覆楚復楚在昔姑謀姓去秦師匪不能留漁父之子克存鄭國恩怨報酬我欲我獲齊婚晉通天子致福比迹桓文喪履不祿母忘構李進臨會稽丈夫君父忠孝允宜豈其天與卒敗偏辭父由讒死子因讒疑謂我父怨非吳不雪謂我父族非子則滅歟報吳恩孤存伍孽伍孽苟存吳恩不絕嗟乎使爲楚用霸焉足圖何以知之觀其興吳器越識沈過管夷吾逃死不遑潛結勇夫怨不後嗣功多輕歟范蠡包胥賴成厥美陽托我孤感動王子知幾出亡少康可俟當吳破楚曷不

遠行大惠父母依依我情及使齊時豈不念生艾陵弗勝庶幾悔萌死吳無怨實耻苟免錮鏤動君君心或轉此邦天亡良人早殄微然威名而不吳衍明貞勇烈勵百世風峙聖太虞制稜蛟龍星疑美珠月寫貫弓天地未央永祚江東

過子陵釣臺

先生素心惟我能識水清無魚絲長無力漁父帝王居然體敵在昔聖賢不泯其迹譬如星辰可親難卽何干先生疑其名實從茲友誼千載長寂卑矣後人信寡知識諂以山雲佞以詩易羅織巧言

九箴前集

卷之九

工其彈弋我之仰止不爾瑣瑣月爲先生水爲光武偶出其中無固無我客星依然帝非世祖庶幾世道亦云小補側思高誼于心無忤江水一杯用祭漁父

九齋前集卷之十

華亭宋林澄幼清吉著

友人趙佐文度甫校

赤牘

與白二

一切陰陽皆我父母一切五行皆我人倫過可除也

與焦三

歸日過黃河投片紙於河伯曰非不得已勿渡也

與藍痴

九齋前集卷之十

丈夫遇世不平片時隻語轉禍成福如作傳奇一過便了使經年動氣便令元亮促眉

少年筆

吾於灰生已竟其妄但願一作馬伏波擁綠珠輩十數人入地獄足矣

與王大

甲午夏已遷家故里復不喜飲飲便中夜起坐

戲擬與漢庶人

聞昨侍上林上喜一箭落雙鵝然楚羞養叔漢抑李廣未敢爲大王干城之壽

戲擬官人作書

練雀味香肉脆願從今不進豈有朝夕服膺而復利之口舌間邪

與周五

今有賈胡自云乘馬足不動而日千里價值尋常而人不顧者惡其不信也

與劉二

彈夜光於碧漢不可以爲星沉昭華於清流不可以爲月

與晁領軍

九齋前集卷之十

足下平頭狼過吳牛健浮胡馬碧油前人也

與從兄

弟少年隆冬往來幽薊耳面風削略不怨生此儻雖少加不韻猶是正月東風

答蔣孝廉勸禁酒

生於此中頗稱耐久燈下相親恩同姬妾便致媾嫌不若處仲後房一時驅盡也

與印二

僕聞千金市黑貂百金買狐腋然貧者之安羔絮不異貂狐也僕也有焉

簡袁先生

梅花百樹枝枝善眼僂人遙禮佳城恍然淨土玉
壺在艇功德淋漓敢不稽首以謝

與樂二

疲馬力行猶能五十循騏驥之跡日不十武卿之
所示得無似乎

簡周先生

深院涼月偏亭微波茶烟小結墨花紛吐梧桐肅
肅與千秋俱下

與鄭二

九籥前集卷之十
馬字浮雲足繫之千鈞則不過款段矣

與朱二

明駝負重駕須由人使舍人自負不一鈞而漉汗
矣

戲黑三

檀象掩映翁仲至泰山之下不敢比於岫石猶足
下之不能同我也

夢中與黔國

聞明公收一異人此人上帝所禁已勅朱衣少年
十五輩天下追索近又有禹步南行者口善風角

稍爲所撼恐髡鉗不免

與王五

此君白雪微有寒態請雕商刻羽以助煖律

與王先生

從茲以往舍名舍得興來則吟咏誦讀筆削記述
興去則散步涉世飲酒高臥要以期志之所適雖
流離顛沛付之偶然而已

與張六

我二十前好名貪得庚寅已後備嘗艱險始信奢
儉苦樂總是一妄然猶以進取自勵至甲午病胃

九籥前集卷之十

四

犯噎乃慨然束經病中追思往念悉已成空遂并
一切諸好亦復澹然

與楊大

貧賤少業而多苦富貴少苦而多業能無苦以絕
業外境任之而已

與姚九

以讀書消歲月則樂志以之干功利則束情

與月上人

十年來奉教西方而猶然以功利爲戚豈善男子

郭

與錢大

吾視天下猶剩物殘編不足煩我四大

與七二

吾人生於父母之欲故孔氏曰寡欲欲生於一念之妄故佛氏曰妄根欲則蹊舉妄尚始然却欲於妄猶戒懼於隱微乎

議呂不韋

呂公是我鴈行末年亦復不屑

與黃四

陳元龍謂呂奉先曰養將軍譬如養鷹吃孺子安

九齋前集卷之十

五

從戟間馬上得之

與楊三

詩文非怨不工我於世無憾遂斷二業

與酒人

痛飲可以全神年來胃不受酒覺思慮之煩

與天上人

涉世不深不知境苦妄念不繁不知業苦

與孟大

佛言三界如空花惟見在是機關木人若夫身後妄之又妄而竭志圖之妄根深也

與洪二

自七歲以至今日識見日增人品日減安知增非減而減非增乎

與卜十

近讀素書至苦莫苦今多願嗟乎孰能以多願爲苦乎某也不才請從乎此

與趙八

吾聞君子疾沒世而名不稱亦曰邈世不見知而不悔自今甘君子之疾永邈世之貞

與周八

九齋前集卷之十

六

聞足下日糾元常圍攻白學士不休白是先朝得利人莫令其有積薪之恨

餉陸三黃雀牛乳及魚豚

牛乳匪白黃雀無環聊藉土物以爲食德之報足下齒舌甚利異日吾當魚肉之二物又以志也一噓

與皇甫七

吾畏見風波由胃中無此

與顧八

此君愛煖愛涼爭餐爭色一力士成擒矣

與楊三

匹夫肆忿珠玉滿前擊之不顧居平遺烏吁嗟久之彼奪於氣而此奪於欲也

其二

來書巧於飾櫃寡於秘辭假令去其裏衣不能滿寸若爾傍羅古語便可盈箱寧無開鴻寶之靈奇比跡中郎之授受乎

與姜大

聞昨遇呂翁遭其雅謔神超固是逸足日入可行萬里何況斜矐男兒貴自信爲語老翁無強料人未來事也

九齋前集

卷之一

七

與朱大

昨遇雷將軍猛不可邇且勉余死使將軍之俠固以死爭之者也

陸三爲我問此生於布袋和尚

和尚料宋生二十年内落禍又比之行行之由禍吾所不畏未知行行向阿誰住也賺得和尚落吾舉公案亦大快事

與陸三

新詩大佳多緣與樂天輩作和耳白奈何令宋生

有後來之憾邪

與周大陸三和藍進士邊庭四時歌

邊庭四時歌令阿母咄咄五色雲上

其二

聞藍痴日臨城北痴况何如宋生觀其不入城市直落龐公凡耳

問從凡瘡兼送新文

狙侵君子當塗朱相欺劇畏桓生須緝蒲遠瞋弟以委頓之餘寄西飛於流光悵東顧於乃瞻來文修辭則乏霞錦之華敘事則鮮鼎彝之古終懷慙

九齋前集

卷之十

八

於七發兼有愧於四愁允宜覆瓿何堪擲地

擬連珠

灰不起願因葭管而旋繞須臾下駕伏鹽敢冒悲鳴以祈恩萬一

與昌一

自去年已來萬事了不動心惟見美人不能無嘆

報陸三

足下惠我多儀鳬者報飛鳥之去也或曰雙鳬相背飛長者窺我有遠行色乎鳬者想也志相思也

猶我以卵使我不得爲干城也二卵尚見秦況六

多乎肉自處於几上使我爲刀俎耳或曰肉食者鄙陸蓋以自況也

前厚貺具悉雅意今敬羞不腆鷄有五德足下一德之外似更無間用以相勗魚以虎名且善食蝦恐足下爲蝦王駙馬故驅虎食其魔五侯之鯖君之所欲治也或曰魚遊釜中似元常之困於樓下肉則几上之心無能改於其舊昔季奴以續命報盧循足下無效循苦相徃復也

與吳大

丈夫讀書欲以資通達定經權若惜字憐篇兒女九齋前集卷之十

九

戲陸三

小窓秋月竹影之間時雜禹期不若元常軒後止見萬竿相摩了無一人影也

與元七

性癖秋冬爽勁相近猶人愛春夏之繁熱若足下正可寄王於四時

戲從兄

壺茗爐烟几席常物手披數卷是天寶前人恨時有客來不免出酒對酒如對兄面

示家二兄

吾妻經妾史奴稗而客二氏者二年矣然侍我於枕席者文賦外宅兒也

與仲一

年來神散讀過便忘然必欲貯之腹中猶含美饌於兩頰而不忍下咽我之於書味之而已

與家二兄

聞虞山瀑布濯濯千尺如長劍倚天是東南之勝

與屠二

吾聞駱負千斤乃行虎豹有觸便奮是我爲虎而九齋前集卷之十

耿爲駝也噫吾將駝矣

與鍾離五

月之雌伏如禹期之懷隱

與范大

村居遇雨來徃絕人自晨昏侍食之外雖妻子罕見居植修竹間有鳥鳴女牆低檻疑近山岫晝則警校史書夜則屈伸一榻謝絕肥甘疎遠苦禮胃中無思或會古今得失一頓足而已如此數日天亦將晴人亦將至我亦將出不可以不記也因就燈書之

與顧二

曾於寶應看下風流一弄船長尺許竟爲一小船
所獲弄船乃大船小兒之所戲放見小船獲之兒
痛哭投衣想亡國之君亦應似爾

與申二

嘗思回回進獅子時頭纏匹錦日食一口羊稱官
跨馬亦極有名及獅子既死回回出平子門西去
感愴中懷悲何能已

與戚五

驚鳥當秋臨風整翮飽禽肉而高颺頓洗羈縻之
九簫前集卷之一
辱何爲復受人招

與于二

聞足下六月着犢鼻褌相將平頭採蓮此樂不減
簞瓢陋巷

又

昨遇採蓮於途前魚之泣繼以行歌疑是蓮花落
耳

又

平子太橫捉滿兒連夜不出頓令城西千頭豫章
化爲共枕

與沈一

足下朝出幕歸往往遇雨可謂朝行爲雲暮行爲
雨矣

與井大

梅花冷然影侵青鏡况防閑門戶不減內家守宮

與李一

但願一生受不灰之疾至四十許杳然長逝可也

戲僧無垢

和尚不須梳鏡未免壞却剃刀

與陳二

九簫前集卷之一
病者小人所苦而君子之幸人若未灰惟病可以
寡欲某不患無得惟恐病不嘗來

與褚二

少年善飲每致宣揚壯氣二十五已來恐其露志
傷生稍稍節飲濡首攢眉動肖女子二十六來頗
有微會復徐開此興因書之以見已之不如元亮
然阿堵亦烏能爲志損益祇見從前之妄歸當問
之吾友

與衛四

讀書不必過人正令得其趣

與程七

人生累我豈惟父母妻子皆爲古人所累耳

與陳六

讀書飲酒種樹筆削皆養生之道然萬勿爲其所累

與沈二

吾心以爲非是者勿行也他人以爲非是者勿行也

與勞二

自盤古以至今日人未嘗死也

九齋前集卷之十

十三

與龐千里

禹平水土利毛羽裸之蟲而不仁於分族

與伍八

萬物不資於火而人食之萬物無藉於金而人利之

與段二

人畜役於思草木役於時

與趙五

平生病在不養不學不大不遠不深不達不慮不恐

與唐七

士恨不生戰國當斲張儀而啗曾連

與焦三

世人見尋鱗尋見尺驚尺他日見我良應魂消

與蔣六

辛卯秋八月登牛首浮屠視右邊松七株飛舞而下極其冲致癸巳八月重來則已枯其三矣夫松壽千秋不免於天况吾人淹忽百年宜乎弁髦始去而短髮相尋也

與璩三

九齋前集卷之一

十四

近苦寒渴六月間裘而黃昏索茗

與鄒九

自伏枕已來搖首受藥如一老嫗憶爾時馬上山頭似隔世健兒

與徐大

帝王廟光武同漢高南向非禮也子不可以齊父則孫不可以齊祖宜以光武侍側不然爲龕間隔之可也

又

功臣廟以列侯侍六王非禮也列侯與六王皆

天子之臣則宜別立廟於左右功多者居右次者居左皆南向可也

又昔陸文裕常疏請之矣

秋祭文廟側宜用水不然臭穢不堪真腐儒矣

與酒八

兩京佛宇繁多宜存二祖所建毀其餘以修公署給其地於貧民汰僧道以籍兵其餘郡縣各存壯麗一區亦盛世事也

與祝五

頃遭家難惟日誦子建爲君旣不易詩耳

九齋前集卷之十

與劉大劉二

在昔京師兩足下少而不肖壯今不肖衰而兩君壯矣豈無壯事以振臣精乎

與諸七

吾朝名臣當以肅愍居首其人有才而無欲

與米三

假無欲以遂其欲反出有欲下矣去私之方當於平日識破一切諸妄

與艾一

君明臣良則太平立致君庸臣賢則元氣不衰君

良臣庸則僅致小康

與趙二

如廁而悟口腹之妄無及於嗜欲矣將歿而悟作爲之妄無益於身心矣必也思之於臨食臨事之時乎

與喬九

仁義禮智信終非止足處

與周二

癸巳秋九月別自金陵抵滁州經醉翁故道渡淮瞻高皇帝龍飛處於時淫雨飄流之後山岫間

九齋前集卷之十

十六

關津梁跋涉皆所未歷若竟如昔年安有所謂險阻艱難也

與韓二

癸巳入京至彭城無資遂徒步入京間跨生口從行止一老蒼頭復以忘物城中至柳泉轉取晚獨宿利國監畧無感慨昔者吾友子晉嘗言北行顧景生涕子晉好佛諸相未忘雖殞骨縋流猶當質諸燕月

與來一

狀六國之從也莫如以繩連鷄狀六國之橫也莫

如以肉投虎噉可以喻今事矣

與麻二

元美之駁用修也確矣然而不免有勝心也詆獻吉也似矣然而不免有忌心也譽于鱗也誠矣然而不免有黨心也

與程一

於境也明之而不能樂於倫也慕之而不能親於友也愛之而不能合於色也好之而不能懷於書也味之而不能記人情乎

與曹大

九齋前集

卷之十

十七

嗜古則能文尚趣則得詩勤儉致富專一取貴伎工於習事成於勉不必天也孔氏指之曰一老氏究之曰無釋氏體之曰妄道可悟矣有不須學不待悟而獨授之天者願與之同事焉

與從兄

聞鷄走馬蹴鞠牽犬臂鷹好色男子三十內所以銷雄心也而不才子往往亂之逃禪修煉鉛汞三十外所以銷雄心也而無賴者往往冒之劍一人敵耳書足以記名姓英雄豈欺我哉令雄心可銷割我血肉猶甘之也可銷非雄也

與方五

仲醇雪散而交道衰矣子厓霞舉而意氣絕矣茂潛日遠而無與作狂矣周大星疎而無與言奇矣人生情耳能無思乎而況歲寒乎是以吾之於今日諸君如沉海得船也嗟乎不以詩也不以文也不以飲也不以欲也吾其誰歸

與田二

子建如河朔少年風流自賞豈必文情爲人亦當乃爾

與仲二

九齋前集

卷之十

十八

白學士母看花墮井歿後官通顯彈者謂花井是白所諱乃咏花不輟復作井上汲銀瓶詩白由此功名遂落

又

胡文定能了一貫義門人擬稱胡一貫胡曰一貫可胡耶

又

王介甫黃庭堅諸公共至華林園遊戲蘇長公後到見諸公所在笑曰或降於池或飲於阿

與金龍四大王乞便帆

某大王之里人也奔走四方其志無已今病且倦將歸江南爲長者旣爲長者當作長者之辭敢祈大王一帆之便用沉玉以請

謝大王允風書

夕請而晨便得風一日而計里五百敢不啻賜但石觸船心衣履都濕意捉風人未達大王意懊恨宋生強語邪敢以詩自解其辭曰千濤萬浪任風行石破船心了不驚救苦觀音呼得應月中忽起妙音聲向非念彼觀音力幾不能破冢而出然非舟碎不能見此美婦人大王可謂風流不肖可謂九齋前集卷之一

十九

知命非菰蘆中人不能備東南之美一噓

與吳二

思之老拳耽耽向沈生沈生惡舌開唇觸諱令仲尼當面亦將掩口不遑足下奈何坐失此景青天重雲以冒色意有諷也

與吳大

向諾青城所射顯使待命毋使宋玉化爲令威示家中

近乞得一鶴可放之竹間俟其羽翼長成一聽冲舉

恐顧二不來會葬

足下不來僕借方相過船書卿年甲名姓灌酒鞭筆無所不至復令胡僧作呪則思之將兩頭八眼須臾化爲異物矣

與權五

作事如野鹿啣花同草俱下

與鹿三

視佛法如看天畔樹樹外有天天不限樹人竟不能於樹外見天以爲天盡於樹

與商七

九齋前集卷之一

二十一

自蕪城至白門高高下下戰爭之地其草不生果然

與溫二

灰如月過天上影落江河溝廁悉無一染

與甄三

某少癖山水常有詩自題曰宜水宜山一道人及癸巳偶讀太白集有山水何曾稱人意之句嗟乎此老亦爲山水所誤乎

與陸二

癸巳六月初十日登惠山南望震澤茫然洞庭所

在悵恨思惟同去日之難得

與薊一

癸巳六月初日句容尹以四人昇涼輿送至丹陽
風颺雲物間一回頭此身從天而下

與白大

我於女子不能忘情亦不能久癖譬如黃鳥山中
逢鮮花蔭木輒殺羽施聲須臾便翻然數嶺心境
兩忘得大舜被媒之意

與蘭二

壬辰四月住廣陵十五日不得至二十四橋處迨
九簫前集卷之十

壬

六月出橋李道中夢至橋下清水綠楊坦延里許
微風從月中徐下常恐他日負昔夢中

與樊一

少苦羈縲得志但願畜馬萬頭都缺嘶轡

與戈五

曹子建假令絕意功名其才當滿一石

與胥十九

曳大書如板上花趙二書如短翅學長飛禹成書
如天邊好雲不可想象

與艾七

十鱗於詩文輒曰擬議以成其變惜乎吾見其擬
矣

與荀二

王右軍誓墓文以質宜情以命定氣實獲吾心至
於耻下懷祖而狀罪諸郎不免尤悔

九齋前集卷之十一

華亭宋楸澄幼清甫著

稗

友人薛宣漢臣甫校

劉東山

劉東山世宗時三輔捉盜人住河間交河縣發矢未嘗空落自號連珠箭年三十餘苦厭此業歲暮將驢馬若干頭到京師轉賣得百金事完至順成門顧驢歸遇一親近道入京所以其人謂東山近日羣盜出沒良鄭間卿挾重資奈何獨來獨往東山鬚眉開動唇齒奮揚舉右手拇指笑曰二十年九齋前集卷之十一

張弓追討今番收拾定不辱其其人自愧失言珍重別去明日東金腰間騎健驢肩掛弓繫刀衣外於跗注中藏矢二十簇未至良鄉有一騎奔馳南下遇東山而按轡乃二十左右顧影少年也黃衫瓊笠長弓短刀箭房中新矢數十餘白馬輕蹄恨人緊轡噴嘶不已東山轉盼之際少年舉手曰造次行途願道姓氏既叙形迹自言本良家子爲賈京師三年矣欲歸臨淄婚娶卒幸遇卿某直至河間分路東山視其腰纏若有重物且語動溫謹非惟喜其巧捷而客况當不寂然晚遂同下旅中

明日出涿州少年問先輩平生捕賊幾何東山意少年易欺語間益輕盜賊爲無能也笑語良久因借弓把持張弓如引帶東山始驚愕借少年弓過馬重約二十觔極力開張至於赤面終不能如初八夜月乃大駭異問少年神力何至於此曰某力殊不神顧卿弓不勁耳東山嘆咤至再少年極意謙恭至明日日西過雄縣少年忽策騎前驅不見東山始惶懼私念彼若不良我與之敵勢無生理行一二鋪遙見向少年在百步外正弓挾矢向東山曰多聞手中無敵今日請聽箭風言未已左右

九齋前集卷之十一

二

耳根但聞肅肅如小鳥前後飛過又引箭曰東山曉事人腰間驛馬錢一借於是東山下鞍解腰間囊膝行至馬前獻金乞命少年受金叱曰去乃公有事不得同兒子前行轉馬面北惟見黃塵而已東山撫膺惆悵空手歸交河收合餘燼夫妻賣酒於村郊手絕弓矢亦不敢向人言此事過三年冬日有壯士十一人人騎駿馬身衣短衣各帶弓矢刀劍入肆中解鞍沽酒中一未冠人身長七尺帶馬持器謂同輩曰第十八向對門住皆應諾曰少住便來周旋是人既出十人向鑪傾酒盡六七盞

雞豚牛羊肉數數十斤殆盡更於皮囊中取鹿脯野雉及燒兔等呼主人同酌東山初下席視北窗左手人乃往時馬上少年也益生疑懼自思產薄何以應其復求面向酒盃不敢出聲諸人競來勸酒既坐定往時少年擲瓊筯呼東山曰別來無恙想念頗煩東山失聲不覺下膝少年持其手曰莫作莫作昔年諸兄弟於順成門聞卿自譽令某途間輕薄今當十倍酬卿然河間負約魂夢之間時與卿並轡任丘路也言畢出千金案上勸令收進東山此時如將醉將夢欲醉不敢與妻同昇而入

九齋前集

卷之十一

三

既已安頓復殺牲開酒請十人過宿流連皆曰當請問十八兄卽過對門與未冠者道主人意未冠人云醉飽熟睡莫負慇懃少有動靜兩刀有血喫也十人更到肆中劇醉携酒對門樓上十八兄自飲計酒肉畧當五人復出銀篋籬舉火烘煎餅自啗夜中獨出離明重到對門終不至東山家亦不與十人言笑東山微叩十八兄是何人衆客大笑直高咏曰楊柳桃花相間出不知若個是春風至三日而別曾見瑯琊王司馬親述此事

廣陵乘興

華亭錢福狀元已歸田里有客言江都某妓動人狀元欣然整裝造江都旣至適鹽司御史某甲狀元進士門生也投刺視却御史快甚獨意狀元出不易一朝率臨將無有心私屬吾事乎因問近日志意何如某幸爲政欲有高下唯命所指狀元應語某聞府中一妓姓氏來求見面乘便顧卿煩爲我訪問御史刺促某執符爲天子巡視義不得及聲妓狀元作色御史陰命行人訊市妓已屬積鹽賈人還報御史御史以難告狀元謂門生某苦無消息耳旣知去嚮安藉卿爲辭御史出同逆笑

九齋前集

卷之二

四

館人謂大賈賈人重狀元才名卽時反拜立日請飲狀元就酒語間呼主人某跋涉水陸特欲此間識某妓近聞歸卿幸賜一見賈人設席西隅出妓傳花把酒狀元興隨境到酒無重瀝酣次賈人令妓出白綾手巾請留新句時衣裳綰素往來燭前皎若秋月狀元持杯披袖引滿再三妓宛轉更多簫管之間不覺醉飛玉笛乃是一絕句云淡羅衫子淡羅裙淡掃娥眉淡點脣可惜一身多是淡如何嫁了賣鹽人仰面大笑而出明晨竟歸迄御史踪跡已不知遠近矣

敬德不伏老

滁人楊干庭萬曆中亞曹武庫尚書石星先爲滁行太僕與楊情好極歡後上下典樞互相振飭楊意氣過嚴請謁共忿乃堅卧乞休石至牀敦喻楊厲聲曰起某以刀理難再出直道風夷明公顧以明哲見諒耶石曰飲耻抗情實難早晚俟兩方少閒雅輒是從楊轉面向壁石微笑排簾及楊允請石出順承門祖道天寧寺酒酣將騎楊命優人劇敬德不復老石知楊謬已故嘆曰爾時多事不得以疎閒自嫌楊頓足曰大事已定高下道途不異

九齋前集

卷之一

五

蛇足已而西醜獻俘東師奏凱石終困疾藜時咸謂石之徘徊遜楊之明決石燕之東明人也

吳中孝子

姑蘇一賣酒人有母寡居其人復作客於三吳妻與姑不相能乃佯疾而令其姑當鑪陰謂媒者曰姑不安於婆當鑪以擇字媒乃引武康人託沽酒而觀之姑時年四十容未甚謝衣髻頗潔武康人亦欲爲子擇保母弗諭色也出五金令媒授其家婦受金謂媒者曰姑羞此出某日可密具舟至僕家後門便速下來慎勿爲隣人所覺至期船泊後

門矣婦給姑曰第三姑駕艇來迎日云悶悶當到

荒郊一豁第湖中多盜簪衣不必盡行數日後便催阿郎接歸姑苦婦節制快與愛女傾懷不假思惟向船輒下已而出入湖中四顧崖曲皆非昔年送女故道船中人又不相識向晚進食畧無動靜疑慮萬端竟夕不枕明抵一村風景門戶頓殊吳會矣姑遑愕伸頭轉顧船尾謂操櫓者曰何以至此舟中人皆掩面相笑姑知爲婦所弄頓足叫號據舷欲跳主人翁遙謂之曰媼家言媼欲作此今不爾耶老夫家二孫欲屈媼旦夕之任人生良難

九齋前集

卷之十一

六

死無益也媼感悟拭淚就撫二兒主家憐媼遭逢勿役以事歲時衣食不告而豐兼脫惡婦之手竟忘家矣其子客歸問母所在婦詬之曰好兒子儂娘作夜度娘不知也忿而問諸鄰則曰某月某日扁舟他去矣其子雖疑其妻而苦無形迹踰年客武康道出山中見一媼就石搗衣疑其狀貌不覺心動逼而視之乃是其母相持痛哭母語以故且曰吾耻北歸百年之後累汝一杯南向子曰母但良食歸在月終耳至家畧不言客武康一日謂婦曰汝嘗欲燒香虞山我三日內頗閒過此不得矣

其妻歡然束裝明晨攬衣拂鏡捲簾待夫買香不至手巾交纈袖中夫剛到門婦倒扇柄敲門板曰身欲早去何不助人敬佛如此夫携之下船婦小時歲至虞山至是忽驚巨浸其夫笑問之曰每言此路曾經今復憶昔年否婦人耻於不知以手挽鏡鼻曰青髻幾時遂爾桑海蓋疑夫故出他道戲之也及至晚不到益疑夫惡徐曰愁對錦鴛鴦殊思白鸚鵡乃閉目促夫搖船燈前手轉菩提口念彌佗不置明日抵一山中夫謂之曰我起置章疏岸上多惡少年勿得露面婦人許諾至主人門翁

九齋前集

卷之十一

七

他出矣有二郎在謂之曰尊君所置姑蘇老媪實下人母遭不孝婦得克貴宅掃除願以少而美者易之二郎欣然曰少而美者得就見乎其人曰可幸出我母於門以便相易至舟中呼婦曰起婦人以夫久不下顧叩舟人曰此去虞山頭幾許舟人不解漫應曰三百里及夫至罵曰非千里馬二時往返六百里耶相携到門遙見姑身始長跪伏罪其人曰汝當留善事後人此真桑田變滄海也二郎見婦人顏態儘工輕薄乃受其婦而還其母宋生曰廢人喜述此事蓋以其處變不擾也

珠衫

楚中賈人某者年二十二三妻甚美其人客粵家近市樓居婦人嘗當窗垂簾臨外忽見美男子貌類其夫乃啓簾潛眄是人當其視謂有好於已目攝之婦人發赤下簾男子新安人客二年矣舉體若狂意欲達誠而苦無自思曾與市東鬻珠老媪相識乃因鬻珠而告之媪曰老婦未嘗與娘子會面雅命所不敢承其人出白金百兩黃金數錠置案上揖而跪曰旦夕死矣案上二色敬爲姥壽事成謝當倍此媪驚喜諾曰郎君第俟旅中因此階

九齋前集

卷之十一

八

進期在合歡勿計歲月也其人慇懃而返媪因選囊中大珠并簪珥之珍異者明日至新安人肆中肆戶正當娘子樓前媪佯與新安人交易良久於日中照弄珠色把插搔頭市人競觀喧笑聲徹婦所婦登樓竊窺卽命侍兒招媪媪抗新安人金曰不賣不賣阿郎好纏人如爾價老婦賣多時也收貨入筥便過樓與婦作禮曰老婦久同里曲知娘子饒此此數物是老眼中奇樓下人高下不情想未有女郎者老身適有他事煩爲收拾少間徐來等論匆匆下樓過數日不至一日雨中媪來曰老

身愛女有事數日奔走負期今日雨中請觀一切
纓絡燦却窮晴婦人出篋中種種奇妙老媼宣嘆
不一形容既畢婦綜核媼貨酬之有方媼喜曰如
尊意所衡餘魄無憾婦復請遲價之半以俟夫歸
媼曰鄰居復相疑邪婦既喜價輕復幸半賒留之
飲酌媼機穎巧捷彼此惟恨相知之晚明日媼携
酌過傾倒極歡自此婦日不能無媼矣媼自言老
身家雜此中大幽請携卧作伴爲鬱金侍兒婦喜
曰妾不敢邀謹拭流蘇以待是夕媼遂移宿兩牀
相向嗽語相聞轉動偏側侍兒別寢一房媼携檯
九簫前集卷之二

望壺靡夕不至宵言褰句蕩雨沉烟新安人數問
媼期輒曰未未及至秋月過謂媼曰初謀柳下條
葉未黃約及垂陰子已成實過此漸禿行將白雪
侵枝矣媼曰今夕隨老身入須着精神成敗係此
不然虛費半年也因授之計媼每夜黑至婦家是
夕陰與新安人同入而伏之寢門之外媼與婦酌
於房兩聲甚戚笑劇加殷媼強侍兒酒侍兒不勝
醉卧他所適有飛蛾嗡嗡梁上婦仰視之媼卽以
扇撲燈曰噫燈滅老身自出點燈因携其人入寢
復佯笑曰忘携燭去則暗置其人於已牀上下帳

蔽之火至其人以被蒙頭媼與婦復酌許久各已
微酣語言無禁解衣登牀媼自言少時初婚情狀
因問娘子如此否婦大笑不答媼復以淫語挑之
良久媼知其情已蕩乃曰老身更有最關情者須
自至枕上言乃挾其人上婦牀婦以爲媼也啓被
撫其身曰姪體滑如是其人不言騰身而上婦已
神狂聽其輕薄而已是此之後恩踰夫婦奄逾夏
初新安人結伴欲返流涕謂婦曰別後煩思乞一
物以當會面婦人開箱檢珠衫一件自提領袖爲
其人服之曰道路苦熱極生清涼幸爲君裏衣如
九簫前集卷之二

妾得近體也其人受之極歡而起計此人所贈珠
玉已千金矣明日別去相約明年共載他往新安
人自慶極遇於路視衣輒生涕泗雖秋極不勝未
嘗離去左右是年爲事所梗明年復客粵因携珠
衫而往旅次適與楚人同館相得頗歡戲道生平
隱事新安人自言曾於君鄉遇一婦如此盖楚人
外氏故客粵中主人皆外氏舊交故楚人假外氏
姓名作客新安人無自物色也楚人內驚佯不信
曰亦有證乎新安人出珠衣泣曰歡所贈也君歸
囊之便幸作書郵楚人辭曰僕之中表不敢得罪

新安人亦悔失言收衣謝過楚人貨盡歸家謂婦曰適經汝門汝母病甚渴欲見汝我已覓轎門前便當速去復授一簡書曰此料理後事語至家與阿父相聞我初歸不及便來婦人至母家視母顏色初無恙因大驚發函視之則離婚書也閨門憤慟不知所出婦人父至婿家請故婿曰第還珠衫則復相見父歸述婿語婦人內慚欲死父母不詳其事姑慰解之暮年有吳中進士官粵過楚擇妾媒以婦對進士出五十金致之婦人家告前婿婿檢婦人房中大小十六箱皆金帛寶珠封卑妻去

九篇前集

卷之十一

十二

聞者莫不驚嗟居暮年楚人復客粵因繼室於粵携室將歸與主人筭貨不直主人翁就勢披之翁仆地暴死二子訟之官官即進士也夜深張燈檢狀妾侍於傍見前夫名氏哭曰是妾舅氏今遭不幸願憐箕箒丐以生還官曰獄將成矣婦人長跪請死官曰起徐當處分明日欲出復泣曰事若不諸生勿得見矣官出視事謂二子曰若父傷未形須刷骨一驗適欲見官他縣尸可移置漏澤園俟還時爲汝商檢二子家累千金耻白父骨且年踰耳順仆損難稽若欲罪楚人必虧父體叩頭言父

死狀甚張無煩剔刺官曰不見傷痕何以律罪二子懇請如前官曰我有一言足雪若憾若能聽否二子咸請唯命官曰令楚人服斬衰呼若父爲父葬祭責其經紀執拂躡躑一隨若行若父快否二子叩頭曰如命舉問楚人楚人喜於拯死亦頓首如命事畢官乃召楚人與妾相見男女合抱痛哭踰情官察其有異曰若非舅甥當以實告同辭對曰前夫前婦官垂淚謂楚人曰我不忍見若狀可便携歸出前所携十六箱還婦且護之出境或曰新安人客粵遭盜劫盡負債不得還愁忿病劇乃

九篇前集

卷之十一

十二

召其妻至粵就家妻至會夫已物故楚人所置後室即新安人妻也廢人曰若此則天道太近世無非理人矣

耿三郎

耿三者楚中人也矜其智能不屑經生技好遠遊常遊洛陽出城於樹下逢壯夫飲馬箕踞而坐意度非常耿下馬問其所往云欲至榮澤耿遂請同行於路常談不能測也既至縣復問所行曰將抵鄭州耿願自鄭返於洛陽是人曰吾欲至東門少時卿可待我於西郊耿陽許諾俟其行尾之而東

見人大典須臾便出一人携巨囊送之整頓鞍轡
禮如家奴耿潛小巷見其已過卽捉典人臂問頂
者馬上何人典人涕泣曰當爲郎君言吾陝人也
行販沒於河貧無以爲歸典衣貨柿爲業偶市於
向人視我再三曰子可爲千金之商奈何至此余
曰向固以七白金販者也曰如欲復商可書千金
之契來余意其詐謝不敢當咲曰子失路人也何
忍相賣乃畀之并收契畢携至一舖中謂主人曰
某年起至某年息可悉檢出主人隨年相付封題
極週如數日前豫囑者因以授余且曰河北若千

九篇前集

卷之十一

十三

貨收之販河内利約幾何河内河中貨賣於河
利約幾何一年之間當獲子金二千明年於鄭州
置典每年封三百金之息以俟吾不時之需今日
之所携者五年之息也耿曰何不少負之曰非惟
不忍負見其如此亦不敢負也耿至西郊是人已
在亦無異色夜宿店中耿張具作別飲酒甚歡喟
然語耿曰時當太平吾輩可爲樂矣耿因進說曰
余觀丈人之才足當一面設以總戎相屈亦降志
乎對曰吾未能必吾之低眉耿曰總戎所低眉者
大司馬而已曰伍長之所低眉者百長而已耿心

動不敢深叩明日分道而別數夕之內惟聞其中
夜長嘆他無甚奇也自是耿志意索然不復妄意
非分矣

宋致柔曰余觀沛公當貧賤之日直一無賴酒徒
及操權勢以爭天下亦在有意無意之間信乎其
困也若魚龍之夜奮也若握珠在雲何至若耿三
擾擾中原而不知所稅駕也余獨怪夫不逞之徒
幸天下之有事傳曰始禍者死此異人所以不敢
爲天下先也或者比之虬髯之流余獨以爲不然
大國之卿富小國之君衛溫原也彼扶餘一君

九篇前集

卷之十一

十四

亦唐鎮一卽度曷足與文台和頡頏且度其人不
至於有成不已亦其器畧使然豈若異人隱姓名
匿鱗甲舉世莫能想象其英雄之氣誠勃勃不能
爲人下者庶乎薄大寶而不御者矣非耿三孰能
物色之乎經曰機在目有心之目良可畏也

九齋前集詩目錄

卷之一

樂府

擬自君之出矣

明珠詞

少婦詞 計六首

採蓮曲

歌者有守嘲之 計八解

烏江詞

清明詞

九齋前集詩目錄

遊湖詞

梅花詞

子規詞

白雪詞

擊犢詞

祠山寒

采葛詞

夜度娘

桃花怨

葵花詞

櫻桃行

楊柳詞

橘柚

楊柳

笠澤詞 計二首

洞庭子夜四時歌寄內 計十三首

白團扇 計二首

絲繒

續華山畿 二十首

趙宋樂府

九齋前集詩目錄

渡江曲

風箏詞

清明詞

桃詞

石馬詞

相逢詞

郊馬詞

髮髻詞

楊柳詞

花瓶詞

金陵詞

桑葉詞

哀華川痛亡卒也

胡無人俱將來也

天上謠不忘危也

思婦吟憂國計也

促促曲有所思也

促促慢廣志意也

促刺行遠離別也

關山月哀征夫也

九齋前集詩目錄

三

寒食詞

暮春詞

卷之二

五言古

懷歸

遊子吟

自嘲

代內

代內答

欲歸

過嚴灘弔子陵

遊燕

咏史計三首

送周千侯歸合肥

卷之三

七言古

晚泊

離思

自金陵抵燕留別家從兄

送家二兄就試秣陵

九齋前集詩目錄

四

送洪二北上

卷之四

五言律

酬洪二

遷居會月

遷後規叔父

至夜

夜境

燕寢

獨步

遠望 計二首

夢後

晚色

林屋洞

登高以遠望

洞真宮

桃花

遠況

秋夜遲月晉二座得松字

過沉河

九齋前集詩目錄

五

歲暮

白下示洪二

春客

寄從兄述懷 計三首

月中寄洪二

春山同張大陳二

宿柳上塔同陳二送王大

憶別

與海門朱大

懷瑯琊王五

潤州夜自解

答陳二

蕪城病後得劉七信

不礙

燕邸感夢七首悼亡婦

觀兩臺閣視三營

再入長安

寒月

哭樂二

示焦三

九齋前集詩目錄

六

題武安王廟

招從二兄飲

五言排律

春日周氏庄

卷之五

七言律

慰離

王甥諫詩酒

復書

野飲

試日

華山洞庭

新柳

洞庭花飲

洞庭登臺

晚步

登嶺

桃花

洞庭清明

洞庭寄諸大

九齋前集詩目錄

洞庭携飲

南還

姑蘇道中

鄧大

寄樂二

又寄樂二

初妓

寄遠

思樂二燕中時

送從兄入南大學

七

支硎山懷趙二兼示上人 計二首

杜鵑啼

送劉太史奉太夫人歸豫章

鄭司馬經畧還朝簡寄兩公子

別陸三

上方山五聖行宮

仙子洞中有懷劉阮

劉阮重到天台不見仙子

題王大醉花庵

廣陵杏花村

九齋前集詩目錄

迎春不值

廣陵寄從二兄

再遊長安

與周五

送劉侍御請告還豫章 計二首

歸來

歸燕 計二首

卷之六

五言絕

迎郎曲

八

哭友

照別

咏盡 計二首

採茶詞

遠思

題畫

記夢

古意

舟中

僧舍

左齋前集詩目録

遊武林口號 計四首

嚴灘

歸思

湖中兒女

山中古意 有題計二十四首

流間

花去

鶯語

問月

美人草

九

東望

松音

舉爵

茉莉

淚

約夢

想象

茶花

倚窓

鴈初

九齋前集詩目録

斷腸花

薤桂

臨檻

理髮

燈卉

鑪烟

待渡

行靄

私祝

卷之七

七言絕

旅况

臨風欲舉

七夕

言離

淚別

相顧

機杼

客雨

拜布袋和尚

九齋前集詩八目錄

寫夢

武林歸

答詩

月

美人計四首

塞下曲

慰從兄悼亡

憶遠

旅恨

春不事

品詩

枕上得自愛兩字

示淨上人

蘸先君

春郊妓

送叔父遊燕趙計四首

宮祠

金陵宮詞計十五首

携飲

懷古

九齋前集詩八目錄

戲遊子

漁舟婦女計四首

過虞姬墓

嘲歌者計八首

徐三座有懷

懷震澤

畫衣妓者計五首

悼亡新婦計十首

感懷亡婦計三首

滕縣月下觀美人走馬

棄婦有所思 計十首

閩門竹枝詞 計二十首

讀東坡禪喜集

感亡婦

舟泊虎丘感亡婦

戲白下廝養

瞽女琵琶

嘲少年

戲題

名花

九齋前集詩目錄

三

祈雨後觀音上山

雜書 計十首

虜救噶逆敗遁

七里灘

戲水中人

記夢悼亡婦

再夢亡婦化為黃鳥

有客守孤山

三營 計三首

代贈妓素蘭 計三首

秋事

寶應河舟碎戲舟中同行少婦

閒坐

歸自燕中

卷之八

調

望江南 計四首

浪淘沙

點絳脣

九齋前集詩目錄終

九齋前集詩目錄

十四

九齋前集詩卷之一

華亭宋楸溪

友人陳繼儒仲醇甫

樂府

擬自君之出矣

自君之出矣蛾眉無時開思君如燃燭淚盡寸心灰

明珠詞

離離匣中珠用陳君子前一祝君心明再祝君心堅

九齋前集詩卷之一

乙

少婦詞

客從遠方來道經故人地既道故人顏復致故人意

其二

郎約妾家來鵲噪成密識月色入黃昏爲郎開酒

禁

其三

群鴉呼霜中始覺羅衣薄秋老五更長火樹桃花落

其四

閒來入山徑谷口浮雲起天風促雲飛

其五

秋色別山中郎來似較晚仗酒欲悲歌騫然落檀板

其六

郎從故鄉來芙蓉花在否可憐徑寸根與情共不朽

採蓮曲

採蓮何旖旎願得重生根以坐郎其上花大如車輪

九齋前集詩卷之一

二

歌者有守嘲之一解

兩耳貯歌聲兩目傾舞袖耳目有遺情眉額無間皺

二解

桃花三日前朵朵附故枝儘教風雨後瓣瓣嬌前池

三解

更衣拔短刀斷儂杯中酒纔分還復連到底不得剖

三解

邀歡姑少住歡云不得住歡留似彈燭刻刻將心去

五解

捉指燒炭一指爪起青烟火中雖熱痛還減憶郎眠

六解

欲掬相思淚傾向大海中情知毫無益不與衆流同

七解

九簫前集詩卷之一
提壺瀉玉碗炙口難下咽莫令酒稍溫不得郎心熱

八解

雨天蠟雙屐故向泥中行天晴洗泥去足下不留情

烏江詞

舟曳曳今下來念江東今無材駿馬今綏綏思美人今徘徊

清明詞

伯姊留江都諸姑嫁襄陽隨娘哭阿父楓樹隔年

長

游湖詞

後園桃花明儂嫌杏花肥大姊過花間蝶夾之兩傍飛寄語白馬郎及時來看莫折以歸

梅花詞

澗水落梅花風來泊不定長江濶波濤郎能識水性

子規詞

郎客錦官城耳中熟杜宇夜抱好女兒聽作莫歸去

九簫前集詩卷之一

四

白雪詞

白雪照梅花梅花黃梅花黃似妾三月鏡前粧

擊犂詞

二十夫婿玩酒坐呼奴逐犂斲作脯但擊犂子莫殺犂母令之蕃息供鼎俎開門日日喧鐘鼓

祠山寒

請客風送客雨龍池水喧來婦女

采葛詞

舖糜舖糜去歲絲采桑采葛刈麻泉淫淫白浪時葦航奚所之

夜度娘

東山月將出儂行不須燭來去桑麻中莫教驚布穀

桃花怨

小姝頭花下屈枝吹花口三月欲去來回頭妬楊柳

梨花詞

桃溪溪柳綿綿輕薄少年不寧錢蔡女太白梨花前

櫻桃行

九齋前集詩卷之一

五

櫻桃四五丈明明垂珊瑚留枝醉黃鳥逢茲玉臂採已多玉臂爲誰爲小姑

楊柳詞

如胡麻織春紗如鞦韆上客旋歸木雞葛

橘柚

玉牀月閣砧聲露肅遠人饑渴艾介福

楊柳

君子西征黃鳥來斯君子歸止蟬鳴素枝豈伊哀樂時也信之

笠澤詞

魚尾尾以揚波水滔滔而西下湖之神曰胥者

其二

而土膏而備墾而而木榮榮而而神烟馨香而祚而

洞庭子夜四時歌寄內

山色連湖色梅花動晚風更開天上月人在水晶中

其二

二十在城市不見桃李花包山春分過枝枝臂紅紗

九齋前集詩卷之一

六

其三

春茶綠過水烹作蘭蕙香買時穀雨後自種雨前嘗

其四

環園桑百株吳女慣養蚕持筐助採葉玉指動羅烟

其五

石榴勝桃花枝低附前堦一朝髻邊橫英英照玉釵

其六

六月園松栢澗水作冷聲白頭翁對語架上蒲萄青

其七

從來消夏灣十里荷花水衿裛到秋風山人賣蓮子

其八

剝菱浸水中與玉無分別露下添青衫臨湖賞新月

其九

早起望門外楓紫菊花黃抽簪嘗新酒餘瀝潤珠

囊

其十

霜露明瓦上蕭蕭多西風後圍欄下樹綠葉覆新紅

其十一

屈指其歲杪黃雲無盡日長夜廢燈油纖縑日一匹

其十二

天寒停刺繡白雪雁中飛黃昏漁火客欵乃醉人歸

十三

纖手轉銀鈎開簾喚鸚鵡指爪莫教長他年對之果

白團扇

文綵裁芙蓉挾之紗兩重汗生紗貸白花與玉顏紅

其二

解扇遮團月分影透紗來歡身如月色不待小窓

開

綵縑

醉去人多語春歸鳥不言色絲繡桃李那畏落花天

續華山畿二十首

妾如堂上燭心熱淚應流君如啣刀龍一生不轉頭

其二

左手把一刀右手把一劍刀劍上下磨兩情熱時見

其三

打碎浴手盤妾當自頸灰非是畏歡歸郎意

其四

碾碎一掬米安置蟻穴口今日莫遠行雙雙慙相守

其五

女兒奪剪刀弄斷機上絲總然接得好何如未斷時

其六

燒香博山鑪手提金香筋鑪中煖復寒與爾竟何

預

其七

儂寔人心腸又似青天面自從風雨中一樣難相見

其八

當作簷下椽莫作簷上瓦風雨瓦支吾椽頭搖錢

其九

養魚硯池中水淺弗及背生灰洗不清終身受君

累

其十

涕泣嚙指甲感此重悲傷郎情無斷絕指甲那能長

十一

教郎射蜻蜓箭從翅下過阿郎中不中蜻蜓只怨我

十二

屋上生青草烏雀生草蟲蕃滋供汝飽主人不縱容

九齋前集詩卷之一

十三

畫上一小船終日泊山底船中增阿郎船當自移徙

十四

舊人若衣食新人若歌舞惟有所歡人刻刻心頭過

十五

中夜讀藏經佛碎千輻輪郎心佛念堅朱門等微塵

十六

人生汗毛數神僊不能道比着阿郎心汗毛

十七

郎從人腹生慣愛馬背坐夜夢操長刀殺馬不論數

十八

乳燕未識路稅翼楊柳陰但知他鄉樂肯動故鄉心

十九

妾淚隨郎下交流忽兩合同向枕上乾無復生離

別

二十

日月限短長冬夏定冷煖人心難度量一日千萬轉

趙宋樂府

渡江曲

男兒心膽粗婦人畏風波風波不傷人蒺藜花發江南春

風箏詞

清明三月桃花候一心一線郎須守莫隨飄風落

人後 趙

骨格彈風半天欲迷寸麻繩手中轉底繩

清明詞

地下骷髏眼無淚兒孫哭罷花間醉花不開鬼當餒

來哭者婦見哭者夫江南生身江北食小姑娘嫁與

襄陽客 趙

桃詞

人心長清明穀雨愁何妨人心短穀雨清明見冷

煖 趙

昔如花開時蜜蜂蝴蝶貪嗅痴今如花開後蜘蛛

織網守白晝 宋

石馬詞

失足在澗回頭誰戀松柏榛榛摧而爲薪君不見

白楊枯於東陵路石馬折脚清泥坐 趙

耻而不食青草滿足驢耶駑耶雌雄不伏泥中居

相逢詞

月光拈花接衣架鈎住郎船楊柳下水中青蒲劍

花白爲儂劃碎郎船行不得 宋

羊頭伊啞馬足遷次宛額芳眉道傍迤邐 趙

郊馬詞

赭白在郊玄黃在廐主而不殊勞于何有油油稠

桑不及樗朽 宋

春草綠何少牽馬臨古道馬齒賽過刀何不同頭

斷苦蒿 宋

髡髻 詞

髡髻高礙花梢草蟲上頭奴心焦似郎背後來動

搔 宋

九齋別集詩卷之一

十三

髡髻高高過帽匣中鏡小不堪照歡不歸心如灰

整不整今問阿誰 趙

楊柳詞

大枝折來插水湄小枝折來贈別離綠衣斷送千

樹紅秋風不死因心空 宋

東遷西遷道傍離邊不如守故根葉相連 趙

花瓶詞

花瓶插花花不了滿頭翡翠丹砂老阿郎有心奴

不道 宋

金陵詞

江滾滾今渡渡車遙遙今碌碌胡今胡公不

今龍今守其國 趙

江爲池山爲雉古今英雄得之耳 宋

桑葉詞

桑如齒玉臂雙雙啼子桑如錢不得抱郎上床

眠桑如掌寶釵蒙塵鏡臺上妾身憔悴郎心蕩舊

織吳綾愛新樣 趙

喜逢野蚕食苦遭桑婦採野蚕作繭繅桑枝蚕婦

桑多上街賣 宋

哀華川痛亡卒也

九齋前集詩卷之一

十四

良家少年輕耳目安居仰戴 朝廷福孀婦前對

岐路朝朝燒紙臨岐哭借問臨岐哭者誰去年西

征帳下兒直渡黃河擒反虜賞得添花忘困苦旋

移曲伍鳳皇城幕府金符曉夜行驃騎龍韜足膽

畧十萬東夷三萬兵雨雪紛紛師再捷烟水泔泔

山萬疊狹岍奇兵魚鳥來將軍奮勇三軍怯親朋

隔絕華川頭尸骸暴露驪果州雖然無預國家事

西閉玉關漢天子釜山行長未全回能保夷人去

不來再來復出平安道老婦無兒喪荒草鴨綠秋

冬轉餉難鳳山春夏還軍好君不思天下大封侯

小又不思碧蹄若失李將軍山海狼烟雜五雲
周之闕恤發婦區區一兒曷足數無力男人終日
行有心婦女常年坐

胡無人懼將來也

胡無人天有晴明歲有春鴛鴦瓦凍辭閣寒亦李
花飛奏捷音捷音雖奏人未反仍急征夫與漕輓
滿朝文武周召倫倚仗將軍班定遠定遠邊勳第
一功玉龍啣劒虎生風去年白旄賀蘭北今年黃
鉞混同東父子諸昆人罕見懸鵲聯蟬世所羨胡
夷款塞千萬年白頭不覩撓槍面胡無人兮妾有
言東南財力傾輸邊小人啼號君子笑行恐將軍
頭皓皓

九齋前集詩卷之一

十五

天上謠不忘危也

去年胡兒孤山前金釧粧弓玳瑁鞭今年與夷開
城戰蔬飯將軍大宛蹇王冠銀艾爭好奇好奇無
復保氏時火雲武帳分秋色心前會想青蒲客騶
虞白雉未有期正是九重宵旰日中原最慮不逞
徒一時暇豫何其疎

思婦吟憂國計也

國初兵馬八十萬單于稽顙夷王悼斗量珠玉車

輦金禾黍秋風花爛熳兩年刁斗四郊多
農柰若何金鎖銀池官與客玉簪期養一事無可
憐白頭掩面泣饑寒忍看兒孫出鐵裏爭頭血
糧寶刀遲悞封侯骨關山往返何遷延家有舅姑
粮在田欲代征夫苦無力且拔銀釵先助邊

促促曲有所思也

促促何促促石碎心頭顏削玉流塵續帶蟾作蠶
朱絃絳沉金屋龍珠計日二千三鳳曆別時一十
六露井磨針穿繡魚實釵買魚不寄書沉吟欲借
刀環月裁殺銀河汗血駒

九齋前集詩卷之一

十六

促促慢廣志意也

促促何促促庭前野花含露宿日月紗窓短鏡光
弓鞋塵淨如歸鞦鄰家女兒工笑呵朝翻瓔珞暮
鳴珂斷腸花落紅心草折柳枝傳白苧歌朝朝暮
暮常如此手中彈挾相思子妾身不作望夫石還
從鍊石補天灰鍊石補天不可忘縮地神仙費長
房補天縮地心無極補却西南縮夜郎

促刺行遠離別也

促刺促刺閒過日天子軍兵不得力曉起橫持
鵠鵠刀裁却錦綾千百匹十萬千戈一兩年幾見

月支懸太白盛年恨作女子身不然換心與男人

關山月哀征夫也

關山月千里明珠三尺鐵劍鉞花飛子夜霜明珠
露潤秋閨血別時分割鵝跟錢不似清光缺更圓
天子羽書臨鳥道材官虎竹遠夷船天子村官心
不一月滿穹廬念家室夢魂中斷怨胡笳釵曆零
丁僧屈膝傳聞太祖禁長征一萬夷人十萬兵
虎臣勇畧稱無敵金匱遺言土塊輕

寒食詞

假梅符以櫻桃梅楊雪杏爲脂燭日熱無風雨是

九客前集詩卷之一

十七

爲寒食節

暮春詞

花駕雨蝶覓人波覘日今山倚僕平陽春小姑轉
輾枕玉腕明鐺珠汲滯共身

九齋前集詩卷之二

華亭宋秋澄幼清甫著

友人高承祚元錫甫校

五言古

懷歸

臘月歲聿暮遊子逝安適
雨雪依朔風雲黃涅其
白鳥雀略地飛四顧一何食
繞樹寒且饑肅肅振
羽翼日暮棲未安悲鳴顧儔匹
遠行多所懷何以
全顏色予馬首欲東深居而簡出

遊子吟

九齋前集詩卷之二

浮雲天漢湄遊子河梁隅
思心依親人彷彿還故
廬俛仰岐路間舟楫無前期
淚從中懷來聲氣安
可追玄鳥凌秋風厲羽臨當歸
斷帶屢失絲百結
附故衣貧賤無親人獨行苦
餬餒明月布嚴霜貴
與遺跡私安知夢想間異其會
面時人生非別離
景曜無相思欲假螢鳥輝
附彼鴻鵠飛

自嘲

強步忽自笑日月來行疎
小人固貧賤喜樂亦已
多中年遠故鄉親友少
經過曷以遣旦夕力耕與
屠酥生男婦詩書生女嫁
耕夫詩書繁口實耕夫

忘苑枯花深隱啼鳥桑綠引羅敷
絲管列華堂中
夜將如何燕趙之少年高陽無酒徒
終身事服食
雲路終峨峨朝霞奕車蓋
瞑海羅囚俘何如縱心
志醉飽聊相娛生無高漸筑
汶汶朱家奴

代內

二十不識字覩面稱書生
耳語謂細君携手山中
行細君自有姑謙讓辭不能事姑
百年後滿意事
食貧展臂彈其鼻髯黥何所名

代內 答

皎皎春三月黃鳥鳴高枝
桃李敷其榮東風日參

九齋前集詩卷之二

差良人在遠方何以明相思
願得雙飛翼一見
之明鏡掩塵埃眉額無光輝
浩浩江水長賴鯉違
追隨浮雲翳中天日月功德卑
君子志四方轔鯉
乏良媒相知惜不售携酒祝君歸
酒傾澗中水白
石自纍纍

欲歸

有客禹期山孤心不自主
杜宇勸人歸黃鳥留人
住人去與人歸約待春同去

過嚴灘弔子陵

幼年學識字偶爾遇光武
非有要結心康衢同道

路嗟彼中興業龍鳳多辛苦羊裘豈故然畏寒一
漁父帝乃好名者駕言思故人微時妻子廢舊交
安足論果如堯舜志寧其欲我臣足加帝王腹聊
以示主賓翻然拂袖去從此不可卽釣鉤免屈伸
魚餌得休息譬彼擊壤人終身忘帝力弔橫有童
心吊原傷憤激長揖茲山巔千秋俱爽逸或卑狂
奴態富春乃釣名或高先生誼巢許同其清我生
千載下無心亦無情徒傷世俗志沾沾辱山霽

遊燕

賤子行遠役夢寐懷梁津從橫意所向揣摩耻干
九簷前集詩卷之二 三
秦富貴能輕士鬼神好戲人明珠無媚骨神龍乃
能親折腰關者前自愧匪素心天地我參兩堯舜
我主賓轉轉今日志猶與時人倫顧形貌衰敝仰
視浮雲尊勾芒引雷電爲雨爲陽春

咏史

唐客

蛟龍得雲雨終非池中物奈何壯士身鬱鬱守窮
迫窮迫匪他故四海無知識苟其遇英雄如鳥生
羽翼片言平天下頃刻除荆棘卑哉管樂儔嗟我
誰其匹相幾而度時天授非人力舉世皆瞽盲安
知有月日危心且深慮屢矣勞筋力冉冉歲云徂

耽耽苦髮白寄語越勾踐揮戈每相憶

其二

蛟龍患蟲螯奮翼揚蒼穹虎豹苦饑寒震吼生猛
風大夫不得志奮志立奇功奇功竟何如耻與良
平同微顯至尊前短長公卿中爲德千萬世生殺
等天公日月可轉移伊傳較其庸非不樂賢聖誠
恐同顓蒙謙則稱小子傲則稱乃公三十將有爲
狐鼠徒凶凶

其三

舉世無英雄誰與言奇事舉世無任俠誰與言情
九簷前集詩卷之二 四
歎所以隆準公千載名如此不然魏武帝風流亦
可爾

送周千侯歸合肥

神龍潛本質匪血終不張丈夫有深意匪時不輕
嘗藏彼鱗與甲聊如豕與羊徒步黃金臺縱心恣
徜徉逆旅遇王孫束髮事戎行受書圯上老執戟
尚書郎猛心壯不遂髮髮羅秋霜王師罷西討旋
聞收東疆夷王旣稽首胡馬亦遠驤四海崇威德
卜年方未央不如挾詩書樂此時運昌送別易水
頭執手互彷徨荆高崗秦土流水何湯湯撫膺報

知已落魄行何傷世人貴耳目書生擅雌黃所以
延津劍千載韜其光誰能沒淵底一探鋒與鉞臨
岐起長嘯絲竹慎高唱



九篇前集詩卷之三

華亭宋林澄幼清甫著

友人楊忠裕世叔甫校

七言古

晚泊

有雲浮天衣落日曰赤曰黑爭吐色禿楊別水豈
秋意枯草蕤岸非春顏野人二人坐一船上下其
首橫波眠此時愁心易感激其聲有若來鴻然夕
陽不待暗風急海潮東歸竿櫓立酒旗何處家閉
門多少征人起復入何當佳士相追尋興復不淺
九篇前集詩卷之三

離思

東方美人字秋美以衣則月以居水鯉魚喑喋河
梁間來鴻顧盼秋風裏秋風夜入拉管絃夢中目
成醒不然雙淚然燈燈苦懸憶君恩情多所言

自金陵抵燕留別家從兄

浮雲離離媚遠天遊子意緒多淒然梧桐蕭蕭下
苦葉短竹沉沉生冷烟此時一鞭行薊北秋色秋
聲莽相續從橫不敢避蘇君詞賦行將讓枚叔秣
陵歸路慰加餐塞北天南好問安他鄉談笑關山

月故國低回行路難夾岼芙蓉分劍色鷺鳥凌風
旋六翩灘頭水清石依依其中黃者帝者師

送家二兄就試秣陵

秋風七月多商聲起視星辰從且橫鷄聲啾啾人
交語螢火疎微月半明昔年燈火同深夜風雨清
光相慰藉蟬翼時時鳳借毛鴛鴦往往龍驂駕自
從一別參辰分燕市歸來雋李新池塘靈惠矜神
句宛洛機雲笑隱淪亦董初融鋒不測華陰已拭
光無極會見蓮生彩筆花俄驚柳換青衫色莫愁
河上騎如霞雋葉灘頭女似花倚醉鳴珂時有會
九篇前集詩卷之三

送洪二北上

宛轉平陰之役讓先鳴于珂之盟恢三戰

丈夫無所志所志在功名丈夫無所耻所耻在無
成少年百事了無預獨守青衫髮如許寒夜銀花
倚玉山黃昏螢火森珠樹一朝振翼青雲中火雲
雜姪旌旗紅青髮裏香侵叢桂朱顏醉色借芙蓉
雨雪依霏馬北首劍氣煌煌集牛斗棄繻斷令傳
舍驚應詔盡稱牛馬走曲江三月花生烟雋花水
迅雷聞聞鳳凰池和陽春曲金馬門摘百一篇陽

石依稀舊遊地所恨無才辭
樵雪何時東海把鰲
骨與君一醉扶桑日



九齋前集卷之四

華亭宋林澄幼清甫著

友人沈時來君大甫校

五言律

酬洪二

車駕雖輕顧虛名敢遂安驪珠終自惜荆玉許誰
完月滿遲行意秋多助酒寒帝鄉千里外太史滂
相看

遷居會月

安土吾初意離鄉有是非兒童偏解淚鷄犬亦相

九齋前集詩卷之四

依廢井新苔色空房冷故衣家人屈指計萬一月
中歸

遷後規叔父

獨坐悲風起皇天問索居不能丘隴別未敢故鄉
疎酒綠思啼鳥花深斷板輿乘雲寄幽夢寢食近
何如

至夜

老父經營地今栖不肖身良時惟獨酌新月許相
親別久奴俱淚音疎夢未真傳聞有方鏡肝膽照
中伸

中夜境

試問人間世如何有不平呼天數行淚自訴
明欲漏燈無色孤魂夜有聲臨燈撫長劍赤電繞
雲旌

燕寢

黃葉如飛下西風作大寒故鄉高處望尺素夢中
看耳畏鴻聲咽顏憑酒力寬銀燈相對久清淚幾
時乾

獨步

春光隨客至花氣潤山中鳥綴晴沙翠魚翻撥刺

九齋前集詩卷之四

紅杜圻留越客金鼎去吳宮美爾桑麻地惟餘桂
楫通

遠望

憑高思故國暮色翠微宮梅久疎新月山多失遠
蓬野庭蔬及菓村酒綠兼紅乘興容舟楫相將待
好風

其二

主稱君子國客住大夫松細草工春翠殘梅薄雨
紅水寒魚戀澗城遠巒群峰泛泛飛蓬影參差落
照中

夢後

客久愁無寐風濤此夜長遊魂迷故國夢語涉他鄉
雨助春山綠花窺角枕香祇疑歸鴈信雲路失瀟湘

晚色

落日千林紫漁舟聚淺灘飛蓬雲外沒野鳥望中還
寺小藏深樹潮寬點亂山一尊頻對此無意美人間

林屋洞

巨浸疑千里探奇買棹來上真梁國建角里漢人
九篇前集詩卷之四

開橋抽滋山氣風濤近夜臺暮雲陰丙洞欲御燭
龍回

登高以遠望

稽首群靈祀臨流奠酒杯榜人繁菓熟漁父趁風
迴水漲山浮翠雲歸月滿臺相傳無錐雉爲有鳳凰來

洞真宮

晴日東南望波濤不忍看吳歌君自好俗禮我行
難見驚參雲色靄靄激水寒毛公丹井處鍾乳老黃冠

桃花

短牆桃競發何似美人歸笑雨魂生夢無風態若
飛梨花私粉黛燕子問紅衣爲語西王母東方可暫違

遠況

儒稱白虎觀舟勒赤烏年河北非吾土江南別有
天小星生落日疲馬畏長鞭題柱從來志低回濁酒前

秋夜遲月晉二座得松字

漏入未央鐘衣冠選勝逢候遲今夜月雲隱一庭
九篇前集詩卷之四

松銀燭搖寒色秋風煞酒容星光如有待螢影更
重重

過沉河

風猛辭孤嶼紅顏弄小舟鳥飛窺楫浪魚尾試銀
鈞曉日雲衣薄殘星水面收此中多宅舍安穩屬陽候

歲暮

南冠短髮侵歲月廢行吟守到梅花白看他歲月
深蛟龍輕故穴鳥雀戀長林自笑謀身拙追從廢討尋

白下示洪二

欲度秦淮水相將上板橋星沉燈影重雲渡月光
遙士女迎秋簾將軍遠射鵬羽書朝夕至故壘隱
漁樵

春客

歲歲爲遷客今宵又有行月流寒渚細風引片帆
輕楊柳逢春思殘水蕩遠情所嗟樓上女掩抑事
逢迎

寄從兄述懷

少年輕意氣不識苦饑寒能騎健馬慣欲別好花
九齋前集詩卷之四 五
難逢人避長揖愛色懶求歡蕭蕭古天地多向醉
中看

其二

人間既有命行藏亦屢遷賣文非我意縱酒豈徒
然柳色江頭水桃花馬上天男兒重七尺未擬受
人憐

其三

此生無一技誰復容我狂晴天舒綠酒好夢緩黃
梁凍解魚初躍花稀鳥未藏丈夫志四海萬里亦
難量

月中寄洪二

他鄉一輪月故國十年心對此頻相失追從久未
任遠雲懷驛路細草隱花陰欲發登樓思沉吟夜
已深

春山同張大陳二

小艇出孤城春潮細淺明風更輕乍轉花落雨無
情御酒忘心事看山聽鳥鳴莫教乘返照新月送
人行

宿柳上塔同陳二送王大

日暮風逾緊扁舟此暫依沙明魚隱見岸遠鳥來
九齋前集詩卷之四 六
稀旛帶沾花雨香烟近佛衣中流聞欸乃疑是老
僧歸

憶別

岐路輕分手其如別後何病因花下重心向酒間
多明月臨銀漢蘼蕪托水波往時無限約寒煖恐
蹉跎

與海門朱大

生平二十四白髮早參差仗酒悲心壯看花發興
遲張儀舌在日范叔齒虧時迴首倚閭處長途轉
自疑

懷瑯琊王五

絕壁此中平，淒清斷送迎。草長苔借潤，澗澗溜無聲。
新鳥去還至，淺雲輕且明。遙聞山頂上，隱隱若吹笙。

潤州夜自解

野店無人語，孤燈酒一尊。管絃迎絳節，鍾鼓定黃昏。
鴈訴沙場苦，猿啼瘴窟恩。所慙情與俠，齒長未能言。

答陳二

嗟我窮途日，憐君及念時。未能酬一飯，何以報睚眦。
九齋前集詩卷之四

眦衰柳期春煖，枯魚幸雨私。壯年懷遠道，深愧問安危。

蕪城病後得劉七信

起色昏鍾後，加餐佛座前。持齋常在願，於肉久無緣。
月黑星辰密，燈青刻漏遷。夷猶聊睎眄，微咏白駒篇。

不礙

明月簷溜下，含麗揚清輝。風動帳流色，花陰香近衣。
冰水涵簾影，螢火課蟲飛。樓中浪子婦，對此操思歸。

燕邸感夢七首悼亡婦

當年玉枕上，曾約一生來。頽鯉從江水，紅妝入夜臺。
魂銷形失影，氣冷淚枯腮。脉脉蓮花路，看他並蒂開。

其二

故國三千里，離魂四五年。美容猶不改，翡翠尚依然。
雲鬢籠金帳，珠簾鎖篆烟。月中青鏡裡，來去若翩翩。

其三

浪子多心事，關山誤日歸。生離花濕露，死別夢牽衣。
九齋前集詩卷之四

實匣明璫冷，紗窓翠草肥。春來杜鵑下，如覩子規飛。

其四

盟約千年後，恩深四載餘。曾聞拋鳳館，止爲恨魚書。
玉洞桃花香瑤臺，月影虛人生多去所。比目感離居。

其五

擁被持金鼓，私心與月謀。饒他滿眼淚，贏得一生愁。
馬齒疑雲路，蚊髯耻帶鉤。依依桑梓處，搖落幾番秋。

其六

除却三生癡俄驚千載疑金疆分別處玉手奉羹
時對月花臨鏡逢堤柳書眉山頭望夫石移作隄
山碑

其七

憶昔逢殘臘吹簫下碧空金蓮月淺淺銀燭夜重
重梅借妝臺粉椒傳玳瑁紅平居思此景愁恨滿
春風

觀兩臺閣視三營

漢家熊虎士十萬護京華星影翻旗帶刀痕疊露
九齋前集詩卷之四

花連營車列雉發仗馬飛沙胡虜得前輩還家日
未斜

再入長安

長安多好月夢斷蒲孤衾水陸關心事艱難恨雨
淫飯思交道遠寒切火恩深不寐生長嘯遺音入
短琴

寒月

東海如絲月重來上竹床空餘梅影瘦無復菊花
香淚冷冰生枕途窮水侑糧舟中頻對此河水共

蒼茫

哭樂二

有客浮屠內傷心下馬鞍燈烟依舍利蔬菓倚檀
檀北嶺無心白西風黯自寒可憐吳市酒幾度到
長安

示焦三

海內精誠薄焦郎獨有神桃花開免影珠澤媚龍
唇曾對清溪月相看白下人兩心無可語禪意好
相論

題武安王廟

將軍既神武英爽亦超群魯史青藜杖神駒汗血
九齋前集詩卷之四

文魚疑三峽水鳥恨楚山雲風流曾子敬尊酒每
相聞

招從二兄飲


離居因畏暑來日願相將避熱乘朝露持杯傍晚
涼新蟬初試語醉竹半餘香此後饒明月多應仰
屋梁

五言排律

春日周氏庄

二月東風煖桃花爛熳開他鄉色無恙詩思望中
來美饌漁舟任春紗治女裁柳枝迷百舌馬足共

舞台頻就鄰人語多悲景物衰山深開廟貌湖遠
俯高臺坐久行雲暮溪深逝水哀飛僊笙度曲馴
鹿樹深迴歸路同明月相將更幾杯



九翁前集詩卷之五

華亭宋彬澄幼清甫著

友人楊繼禮彥履甫校

七言律

慰離

竹葉牀頭何所求
牛衣馬食問貂裘
年年肺病來鄉思
處處浮雲動旅愁
西子共憐歌舞月
相如獨卧涕橫秋
自知罪極漁陽鼓
何幸恩寬鸚鵡洲

王甥諫詩酒

野人喜醉尤喜詩
此味此意誰復知
小婦太吝王九翁前集詩卷之五

壺淺外孫恒苦金印遲
已從雙樹齊生處
那更三階效委蛇
早晚劉伶應斷酒
解醒猶恐廢長辭

復書

使者乘槎出帝城
玉寒吳下壽狂生
小樓卧病當秋色
大地馳書傍月明
自愧支離熊寢問
誰云詞賦兔園名
東歸不棄離群客
秋熟孤村酒價平

野飲

骨立萬事辭雙眸
舉杯聊共鄰人酬
孤楓隻鴈莫深淚
明月寒潭無恙秋
落魄自甘違俗眼
袖羔無復解狐裘
酒酣出門樹邊立
夜烏相語聲啾啾

不稱其服義

試日

故人子墨賦長楊
有酒如澠坐未央
月對有愁光若掩
風生臨淚曲移商
孤城寒色流黃外
小苑秋聲擣素長
寂寂庾公高咏處
英雄雲雨自難量

華山洞庭

上方地僻酒人稀
縱目湖山醉酺歸
花擁仙家香引路
竹臨谷口粉沾衣
風師按節銅烏靜
龍伯貪雲石燕飛
漠漠洞庭千樹綠
可能白首莫相違

新柳

東風乍暖露霏霏
綠盡江南夢不迷
青鏡春山初入畫
都亭別酒若含啼
吹將玉笛梅同破
唱入黃金縷未齊
待却流鶯來隴樹
關山明月古安西

洞庭花飲

陰陰返照雨痕開
携酒登臨湖上臺
野鳥樹中窺密菓
美人窓半剪疎梅
金庭青翠雲將散
渡渚蒼黃月上來
更發畫船椎羯鼓
玻璃水上玉山頽

洞庭登臺

烟渚春山醉幾回
酒船臨處玉簫催
香風總爲佳人至
紅雨還須燕子來
海翠雲迴垂露鳥
菱湖月

漾夜明苦不愁路黑驪珠引還許雲收石室閑

晚步

千家樹發洞庭春湖外群山爽氣新鶯語柳枝如對主花開逆旅若逢人因風青鳥雲中斷沽酒胡奴月下頻山路砧砑芳草暗遠從危頂澗相因

登嶺

春雨春寒辭故鄉白雲白雪限吳疆漁舟收網千帆轉梅樹巡簷滿座香丹嶂可盤屯羽衛冷波消夏悞君王數聲短笛斜陽外楊柳依依欲斷腸

桃花

九齋前集詩卷之五 三
紅顏如醉倚闌干好似珊瑚間木難鶯戀彩雲絲竹暖粉溥珠露夜明寒輕隨柳絮風前度影落清流鏡裏看疑是酒深嬌不起相將春色上雕鞍

洞庭清明

天懸風雨送清明故國春深白苧城盡日女兒山下哭數聲杜宇客中情灣連明月龍盆見塢列桃花鳳輦迎收拾夢魂歸去却非溪如鏡嶺雲平

洞庭寄諸大

鶯語稀聞我所思酒卮轉屈習家池銀房草潤流金乳電柳風抽綻綠枝夕照映湖山泛泛小窓醉

眼月遲遲故人縞帶千秋祝白幘清時未有期

洞庭携飲

異鄉遷客酒爲鄉水荇遊絲白日長氣接五車通石室洞開三穴引梅梁龍窺珠樹雲凝露燕出桃花語帶香新調拭拋金管內可消清夢漫霓裳

南還

朔風凜凜獨辭燕齊魯雲山鴈影連瘦馬倦行停岍側野人俟客倚牆邊孤邨醴酒開寒夜白雪晴雲涉遠天寄語春光三十度護持梅使五千言

姑蘇道中

九齋前集詩卷之五 四
旅鴈紛紛度戊樓暮雲靄靄送行舟三年裘馬燕臺月此日帆檣白下秋愴悵自疑虛問寢乳兒未語已關愁布衣觸忤平生志往事空教逐水流

鄧大

同是長安侍從臣一杯聊慰遠行人長鯨淮海應歸命匹馬關山通幾巡老上臺荒砂磧夢明妃冢漏故園春知君緩頰嫖姚席莫令呼韓別有論

寄樂二

已及尊鱸解蒯緱忽聞羅網竟何由中原豈意逢哥利朔氣誰云改蓐收淚似蓮花空有露身如柳

葉再迎秋書生髣髴長安路夢裏關河每逼邇

又寄樂二

去年同人極樂寺花下馬頭香上衣柳堤灘頭水
細下砂磧草中鴈息飛野僧禁酒苦淹住美人畏
晚連促歸入門似聞金吾語大內傳教罷打圍

初妓

十五羅敷初長成偏斜雙袖學逢迎簾前看去常
疑月花裏聽來半是鶯對客含嬌生避酒共娘密
語暗呼名一春寂寞梅花約莫遣催殘玉笛聲

寄遠

九篇前集詩卷之五

五

長安歸路許相隨馬首黃花負昔期白下不傳鸚
鵡賦彩毫三出鳳凰池曾聞隔帳陽春曲更想賡
歌公讌詩四海多虞南北事月中太白已相宜

思樂二燕中時

小樓極目遠氛塵歲短年華在再新羌笛關山征
戍客夕陽何處遠行人垂花香稻侵郊岸惜羽沙
鷗戀水濱燕喜西都聲籍甚卽今散落感星辰

送從兄入南太學

相將春合赴長安人有雙珠江有蘭遲日片帆雲
影外天涯微雨鴈翎寒先朝歌吹餘山色後進威

儀習漢官客路倘逢重九日茱萸莫惜一枝看

支硎山懷趙二兼示上人

三年重到白雲鄉無恙諸天酒一觴鳥語乍停新
溜嚮竹烟深裊焙茶香飄風楊柳千絲月宿露禪
扉徹夜涼槐里美人應好我雙峰水國兩相忘

其二

共謁禪林白日曛上人重晤更殷勤試尋嫩筍添
茶色戲採新梅帶葉分半綠半青山共樹欲紅欲
白晚來雲故園會有離居思黃鳥聲聲遠近聞

杜鵑啼

九篇前集詩卷之五

六

曾經巴峽纔聽得誰料吳中樹底聞啼到不如常
斷絕若於歸去更殷勤月明想象千年恨春去間
關萬里雲非是人情宜客路荒蕪三徑久離群

送劉太史奉太夫人歸豫章

帝城三月問歸津墻拂桃花岼柳新早晚起居青
瑣客風波珍重白頭人石渠銀管移南浦高閣朱
簾啓北辰奉詔往還期早赴鳳凰池上待陽春

鄭大司馬經畧還朝簡寄兩公子

躬承玉節鎮金方補袞旋歸帝座傍魚鳥陣喧花
下凱蛟龍錦染御前香九秋繁弱長安月三載牙

旗翰海霜回鶻昔干戈象驅馳一擊郭汾陽

別陸三

急管繁絃錦纜輕淺沙清水柳條明雲行不定晨
昏色鴈返初迴遠近情隨地逢花思故里空庭落
月迴孤城側聞衛霍功勳盛莫學終軍浪請纓

上方山五聖行宮

羣靈帝服玉橫腰鍾鼓喧聞寒絳綃車馬夜驅滄
海月旌旗時度彩雲橋拈香翠靨宮花見掛低漁
帆傍水飄日暮蕭蕭啼鳥靜千峰烟合鬼神朝

仙子洞中有懷劉阮

九齋前集詩卷之五

七

寶瑟曾將勸酒卮霓裳却令夢迴疑波翻魚尾驚
虛影月耿山頭想畫眉洞瑣桃花空窈窕書傳野
鶴半差池總然會想長生藥無柰胡麻出水遲

劉阮重到天台不見仙子

洞口依然對夕曛流泉細草滂氤氳空餘禽鳥雙
雙語似有笙歌隱隱聞曉路斜通尊酒月天風低
度往來雲女郎若到桃花下莫逐桃花滯水紋

題王大醉花庵

定劉紅梅
故詩辭花

千枝冉冉暖微茫明媚窓紗映女牆夜冷紅顏天
外飲酒深脂口雪生香臨風欲醒遲嬌語對月全

酣倦理妝解得主人起舞意錦衣飛上萬年觴

廣陵杏花村

王母祠連太乙壇玉樓絳節擁仙官月臨華表蘿
烟暖露冉雲旗斗柄寒二女弄珠紅杏樹雙成遺
翠碧闌干無緣乞賜金丹力生轉瓊花一借看

迎春不值

風細天清雪罷飛纔逢春事又相違美人度曲花
能語駿馬屯雲錦作圍翠幌湧開嫌袖冷珠簾試
捲送寒歸不愁日暮笙歌盡煞喜流鶯得所依

廣陵寄從二兄

九齋前集詩卷之五

八

期旬不檢白雲篇夜發征帆是偶然水長新荷魚
繞躍山生好樹鳥留連嘗時竊卧窺西子一勾難
勝笑樂天無恙池塘春草色月明迴却廣陵船

再遊長安

夜投蘭若建慈航夢起猶疑焚妙香去日梅花辭
上苑來時柳色斷河梁霜嚴五夜牛衣薄水漲千
山鳥道長一自鬢毛零落後幾回伏枕月蒼蒼

與周五

時修安樂宮

碣石秋風紫塞寒諸侯領卒護長安不愁鴛鴦經
營急縱爲能罷版築寬繡柱畫懸丁令月飛霜夜

拂錦征鞍王師頻歲多征討早晚旄頭倚劍看

送劉侍御請告還豫章

三年起草侍明君乞與初衣輒報聞此日星軺辭
帝里去年執法犯星文花飛春水開秦鏡恍帶晴
光入楚雲莫以東山高卧穩早修霜簡淨妖氛

其二

松風冬日想刑儀遂志青門有所思綠柳不遮驄
馬路白榆莫遠矧期豐城劍氣中宵合敲室珠
胎出水遲脉脉故園明發處依依長樂曉鐘時

歸來

九齋前集詩卷之五

春愁懶聽建章鍾歸擁餘編一畝宮夜短玉衡陳
不及風微鐵馬坐無功芰荷遙映朱簾綠芍藥斜
侵石砌紅二十年來笑中事海雲早晚欲從龍


歸燕

淒清風色祖離筵欲別還來更可憐故壘今宵空
夜月烏衣此日近南天社嚴鴈信蘆花候秋老雞
聲子夜前極目似乘烟霧去好吹葭管入新年

其二

不隨秋葉委泥沙何處天涯更有家忽領新雛辭
畫棟還來細語過窓紗黃雲去日離離菊紅雨來

時樹樹花願作零陵山上石漫從龍尾拂晴霞



九簫別集卷之六

華亭宋林澄幼清甫著

友人景萬齡延卿甫校

五言絕

迎郎曲

江水無西流明月無東逝良人有歸期那得亦如此

哭友

漆燈半明滅淚急聲哽咽暗風動流塵空庭冷孤

月

九簫別集詩卷之六

照別

窓前起羣鴉鴉首見明月以彼離群人各照一回

別

咏畫

屋敞尚可居木枯尚可倚豈不畏風波人間隔山

水

其二

良人事遊閒賤妾心如灰妾顏如枯木君恩似流

水

採茶詞

桑婦上山頭四望桑椹綠桑椹未得熟穀雨櫻桃

古意

桃李競顏色春風不得閒萵蒲花一草盡日水中

題畫

翠鳥上芙蓉花笑鳥無言鳥身飛不去花態慙生

記夢

魂夢多往還紅粉作燕子飛入江水中相思傍風

九簫別集詩卷之六

起

古意

妾無相思方君有歸來散莫學竈上烟從風不復

舟中

坐對紅顏老何曾進一言春風如有意翻却兩來

船

僧舍

小樓初罷雨焚香對窓坐星光媚而鮮神龍試吞

吐

遊武林口號

白菓繫高枝班鳩理暇語回頭探青黃索莫頻翻羽

其二

兩路簇簇花小蝶掠竹粉女兒念娘身丁寧山驕穩

其三

拂絲拜碣下雀轉翁仲頭紅白加人面掃動眉間愁

其四

九齋前集詩

卷之六

三

黑雲傳遠嶺獨燕飛泯聲水星雜螢火兩兩暈花明

嚴灘

吾登茲山巔星辰如可摘願風吹散雲惟留日月色

歸思

壁月悞歸期微風動輕雨芭蕉深立處鸚鵡低低語

湖中兒女

臙脂勻金鏡湖水漾明霞阿郎來鏡後欲捕月中

花

山中古意 有題

流間

澗水山上生下山不復還譬彼遠道人與子不相關

花去

有花東南隅乃在月底開美人欲相見疑雜落花來

鶯語

黃鳥離其群好音隨風咽以音鳴相思以咽見離

九齋前集詩

卷之六

四

別

問月

久客欲歸去常恐不得決良會月下期慙勤夢中說

美人草

十日不出門門外草如許遠道懷美人若爲借容與

東望

東望無所見隱隱惟孤城願得操蛇神令之如武陵

松音

出入松栢間冷冷聞風聲願言崇德音安否遺子聽

舉爵

美人在東方不見亦已久將酒酌明月誰執美人手

茉莉

月中微露下花開如白玉採之香盈懷美人醉殘燭

淚

九齋前集詩

卷之六

五

淚迫燈花濕煩他月色來眼中流不盡半強爲人開

約夢

鴈聲落浮雲懷人課短燭夢中謝繾綣淺笑頻含玉

想象

酒俟餘嬌判香拚花氣同月流眉影細燈映淚絲紅

茶花

上山送日落入門見月斜月情弄白影秋暖開茶

花

倚窓

自離分手地有月嬾教開留儂若沉醉不許日光來

鴈初

明月不解言短夢苦相見倚醉挾長弓仰天射飛鴈

斷腸花

蕩子秋風裏歸期向月除遠情眼底見灼灼斷腸花

九齋前集詩

卷之六

六

蒨桂

人去桂花發人來桂花絕小鳥想餘香回頭啄青葉

臨檻

獨坐待鍾聲松枝撥燈火開窓看雙星花影驚鷗鷺

理髮

玉顏別秋帳密意成深病短髮不禁梳返照菱花鏡

燈卉

夜長添松油火焰開紅花一時風哽斷何處覓空
華

鑪烟

夢驚小離別因憶前十五含情對默鑪氣結不能
吐

待渡

倚樹思故人攀條測河水下有連理枝上有相思
子

行霽

浮雲旣難乘誓言倘成假幸有白玉環猶在儂心
九筵前集詩卷之六

七

下

私祝

口燥促燒茶鴉爭竈上米雅若能寄書貯米簷頭
裏

九齋前集詩卷之七

華亭宋林澄幼清甫著
友人張 翬翔之甫校

七言絕

旅况

金漏初傳第一籌滿城爭唱小梁州相如獨卧樓
頭月無奈文君枕簟秋

臨風欲舉

叩門誰者乃友生劇飲一石山月明秋風忽捲白
雲去疑是天公召清星

九齋前集詩卷之七

七夕五首 有題

銀漢依稀烏鵲來晚粧臨鏡照千回自從侍女催
飛度懶放蛾眉杼上開

言離

明月銜波珠露寒芙蓉如語侍河干一爲相聚悲
輕別不似當年下嫁觀

淚別

金烏一唱斗箕殘欲度銀橋露未乾從此枕邊
少淚共隨河水作天寒

相顧

粧成不敢照嬌蛾携手其如帝命何玉步駕中迴
一顧儘教怨氣隱天河

機杼

曙色匆匆各一方拚將珠淚守空房黃姑不斷千
年渡爪菓名絲候女郎

客雨

雨驟風多鍾漏沉訴花怨柳子規心故鄉千里王
孫路一點青燈近客襟

拜布袋和尚

膜拜僧澄繡佛前眼中花月醉青天不須扼腕平
生事吹落人間是偶然

九齋前集詩卷之七

寫夢

昔時玄圃已茫然流水飛雲不記年弄玉湯隨青
女去梅花爭笑碧窓前

武林歸

武林山色無盡時秋水尊鱸動客思鍾斷入門迎
少婦燈前低笑問臙脂

答詩

秋風搖落子雲居明月刀環慰病餘高枕幸無俗
物過白魚爭長蠹遺書

月

明月中庭影不安千門兒女黯相看清光一半空
弦外淚觸秋風玉露寒

美人

聞道飛瓊下落霞眼疑秋水髮疑鴉愛將新山留
往客帳捲風開七寶花

七寶花帳寧王
許李白聽妓事

其二

纖手蛾眉暗往還曉雲靄靄度東山當歌立換青
驄馬帶酒生侵白玉顏

其三

女齋前集詩

卷之七

三

錦帳斜圍雉水頭一聲一轉四時秋若爲借得西
風力吹去千般鏡裏愁

其四

雲綃耐冷禹餘天總得輕紗亦可憐楊柳枝邊春
欲到芙蓉花上月雙懸

塞下曲

草湟霜痕月滿山西風吹淚冷紅顏記得別時裁
蜀錦剪刀聲裏唱陽關

慰從兄憚亡

鼓角飛聲秋帳前酒醒坐起月經天慙勤料得城

南恨蛛網流蘇夜似年

憶遠

叢桂窮香菊代黃長安月影動行裝南樓一曲關
山笛吹落平明上馬霜

旅恨

離離黃菊送歸航脉脉秋雲伴短檣旅鴈獨鳴人
獨淚青天何事亦飛霜

春不事

醉色平分樹底紅偷將羅綺問春風中丞不理東
迎事且喚胡雛放玉驄

女齋前集詩

卷之七

四

品詩

兄弟相逢燭吐烟爭誇鳳藻酒鎗前若於不肖形
容處月色初開水上天

枕上得自愛兩字

夢迴殘月耿中天猶記華陽召酒仙流落風塵今
二十提壺擬訴白雲前

示淨上人

不逐浮雲復閉關一聲十力老紅顏池成白社從
教入雙跡依然落世間

蘇先君

酒入愁顏罷放歌西風寒雨鴈聲多
回首白玉光中貌不過

春郊妓

紅衣落照影娥池野岸風多少護持春薄寒花分
醉色雲開新月賽蛾眉

送叔父遊燕趙

酒助離心氣不平寶刀長揖月中橫諸侯狎主中
原事肯負夷門識姓名

其二

脫劍筵前佐壯遊梅花橫眼月橫頭明朝青白無
元稹前集詩卷之七

相識萬里龍鍾定遠侯

其三

親提五校掃王庭七首痕多帶血腥此去爲看魚
鳥陣馬頭笳鼓月中聽

其四

斜倚征帆仗酒歌氣憑長缺羽聲多少年驅策黃
羊谷不到金錢無定河

宮詞

月抵眉梢感不同鰾脂比淚也輸紅闌干玉臂閒
無事好結同心謝守宮

金陵宮詞十五首

聞說膏金續廣延斜拖黑鳳藕心錢羅衣亞水天
紅淺玉寫春風遠碧天

其二

斜日輕陰動碧紗夢回流水紫沉麻除非楊柳稱
宮樹不道芙蓉是慧花

其三

昭臺翟羽避層成丹棘言離玉手情袖却金題離
合草眼看連理度流鶯

其四

江水泱泱泝錦魚哀蟬曲度冷金書飄風吹入珠
簾下海樹銀臺五玉裾

其五

錦蓋離離照月珠金鈴五色鎮靈符屈龍紫玉閒
秋夜堅固名香度寡鳧

其六

銀蓮雜羽寄生粧白馬迢迢大宛霜沉水香浮阿
育相三星明月未收光

其七

兒脫遲回三品更洗香油煖碧雲明吹鞭白鷁如

風順牛渚春來分外清

其八

迴風一曲氣如關恩罷同心鵲尾寒望却離明園
七寶將梳月鏡斷紅看

其九

月醴曾沾長命杯鷄飛鳳腦換玫瑰千般艷曲催
將去五綵名絲繫得來

其十

棗膏烟裏進醞醕罷酒探鈞半有無玉戶春風珠
箔靜低光隱隱綠羅蕪

九齋前集詩卷之七

十一

朋賭昭陽輕影錢橫拋金荳小桃前纖羅影亂流
波色紫骨光侵玳瑁筵

十二

懶臨八鏡奈秋何疎密流螢雨後多功德水隨明
月減惱將乾鵲喚填河

十三

天花冉冉紫雲中百道飛幡雜晚虹密向黃昏辭
佛鉢到來龍虎晚窺紅

十四

雲共斜陽歸嶺時雪隨明月散花枝
鳬滑覆盆門疎玉虎移

十五

澄江鳳艣石尤風水照芙蓉上下紅不及一群批
頰鳥浮沉雲外送飛蓬

携飲

洞庭春許十千賒携向山頭處士家每到醉時看
燕子就依心事上莢花

懷古

莫釐御月水風長酒半珠襦玉露涼冰簟清秋紅
九齋前集詩卷之七

粉去一杯山色問君王

戲遊子

雨半千山掩斷虹布帆相送九疑風玉顏明鏡春
三月伴得桃花樹樹紅

漁舟婦女

晚梳青髻暗欺雲香水明溪耐日薰裙帶細連魚
子纈小窓斜倚調夫君

其二

殘月沉沉曉霧輕漁燈水上間星明傳聲風過梅
花落學得新粧不解名

其三

鴻鵠雙雙浴晚涼
白珠簾底月微茫
粉容承借烟霞色
脂口爭分杜若香

其四

輕紗小袖淡鵝黃
雜綵流蘇吐鳳凰
莫怪比花紅不改
一生只在水雲鄉

過虞姬墓

遠天新月湛秋風
古墓蕭蕭汴水東
袖拂薜蘿鵲鵲綠
淚沾楓樹杜鵑紅

嘲歌者

九齋前集詩

卷之七

九

病起憎教遇酒徒
梁塵不動擬如何
從他寫盡鴛鴦字
秋水芙蓉夜合多

其二

鏡裏照來人在月
酒行深處水邊花
石榴一樹齊含笑
笑殺風流玉齒賒

其三

十五歌兒妓女裝
項邊玉鈕練裙長
夜深酒罷陪郎宿
一樣嬌羞懶上牀

其四

吳綾蜀錦稱身裁
整日蛾眉不放開
燭出新官教停

酒去月明特地捧心來

其五

戲髮

只恨添多那恨長
秋風遲却耳邊涼
曾教湯學輕雲樣
便學輕雲不肯香

其六

新月團圓樹欲秋
倩他纖手上簾鉤
今宵對我須連臂
明日逢人莫點頭

其七

紫萸黃菊暮秋前
買得追風棹酒船
同上西山醉秋月
醒教歌舞辭教眠

九齋前集詩

卷之二

七

其八

雨過蓮花香滿池
採蓮人自較來遲
美人初出芙蓉浦
恰似蓮花半吐時

徐三座有懷

野草入秋無意綠
菊花帶酒趁人開
故鄉合坐歌雙鳳
玉暖燈寒好自媒

懷震澤

一春半醉鳳皇山
渡口魚錢信口還
猶記酒醒深得意
乳茶花換小金環

畫衣妓者

王顏細膩花難並莫笑輕衫畫未工素月去來如
有待東風輕薄好從容

其二

愛他秋爽上東山卽恐風光眼內難馬畔美人花
領袖今年春色未曾還

其三

明光泝月雲能白帶出天花到小庭疑是世尊雙
樹底講堂纔罷法華經

其四

無數名花疊錦文侍兒傳教百和薰明苞玉鏡收
九齋前集詩卷之七

殘霧黃鳥紗窓喚曉雲

其五

添花日日坐生愁刺繡朝朝玉指頭彩筆橫飛白
雪下美人新領百花洲

悼亡新婦

抽簪寫字酒杯中大小相思字不同更把淚痕傾
向酒一身心事口邊逢

其二

買絲繡作兩鴛鴦不事和鳴與稻梁無奈剪刀裁
破却只留交頸斷人腸

其三

梅樹逢春花滿枝東風寒暖暗相移一作昨宵
聽高樓笛恨殺紅顏少護持

其四

獨坐寒窓擁敝衾一燈踈影伴孤心除頭指點移
燈去人影隨他五夜深

其五

髣髴懸雲欲引身肌膚皺栗淚須貧昔年紅燭燒
殘臘醉李含桃比一人

其六

九齋前集詩卷之七
誤墮菱花寶匣前形分能得影依然何如青海如
絲月十五重教似璧圓

其七

雲母帳前留密約水晶簾外寄新衣空房度冷凌
波襪玉臂生寒照夜璣

其八

相將慈寢問安迴客到連催煖綠醅一自添燈明
滅後相知多少不重來

其九

年年俛首讀遺編問字挑燈半眼前此夜客衣千

里外自甘溪刻過殘年

其十

宛若泉途還字女鳳皇零落不成釵苔莓封鎖詩
金屋風雨寒暄白玉堦

感懷亡婦

淦山神女身爲石化作無情斷禹腸浪子功名無
尺寸燕居伏枕夢黃梁

其二

入門幸解罄交歡老母慈顏逐日安獨有一般難
說處怕開明鏡學青鸞

九卷詩集詩卷之七

其三

閻王已吝三千歲羅刹難貪十五城若見藥師須
懇訴神州百草不須生

滕縣月下觀美人走馬

月照雕鞍明錦綉星連珠勒貫流黃願爲一夜
花馬謹帖雙娥繡裙

棄婦有所思

風翻燕尾列明珠兒女輕盈定不殊三遍桃花人
自遠每思去日數流蘇

其二

淨掃青蛾依浪子不施紅粉誤佳人天涯無
雙影小院花陰度晚春

其三

開鎖潛教鸚鵡飛欲憑鸚鵡喚人歸玉籠忘盡關
山路又恐深廊誤綠衣

其四

報道他鄉更有春桃花秋日許重新銀燈笑接金
針線獨按紅絲刺酒人

其五

月中拭把流黃剪刀快中分影亦短斷絲墮水沒
好顏月行水底光不煖

九卷詩集詩卷之七

其六

五絲長絲定百花莫愁風雨暗明霞蕭郎肯學花
間鳥願作鴛鴦宿淺沙

其七

玉釵分股合無因紫燕黃鶯各領春還却生綃兩
行淚暗彈綃上比鮫人

其八

青鏡看花翠羽凋東家鉛粉夜吹簫帳前密地懷
前事紅燭燃絲指甲焦

其九

芭蕉綠透水晶簾長日銀刀困指尖飯罷伶仃
諸佛博山沉水手親拈

其十

芙蓉面隔芙蓉扇花下花前暫相見女師七首腦
後藏蝴蝶雙雙背人面

閬門竹枝詞

慨吳伯張王及時事故賦

千里提封百雉城海潮不到水波平青樓妓女樓
船老故把山名換酒名

九齋前集詩卷之一

其二

絲絲綠柳覆城陰百囀黃鸝蕩子心樓上美人臨
返照求凰翻作白頭吟

其三

雨度中流亂水紋竈烟清淺雜浮雲中流小婦逢
估客停櫓寒溫掠短裊

其四

連紅裙子百花新窠紅絲刺鳥身解帶登床銀
燭短匆匆摺疊還流塵

紅絲刺鳥身水
是吳中珍重

其五

虹如錦纜水中消欲醉朱顏態轉嬌爭起書窗
玉爪好如纖月度山腰

其六

雨濕餘皇送晚涼輕紗兒女兩三行淺紅學作桃
花色更有深紅似海棠

其七

誰家娘子後門邊村殺長年促下船煩道石湖歸
路晚今朝十五月纔圓

其八

檀板斜連五絲絲女娘學按掛枝兒酒酣唱到關

九齋前集詩卷之七

心處忽自低頭進一卮

一名打棗街

其九

銀腮鱗次柳條青網掛沙灘月滿汀欲識來朝晴
共雨明河東畔看犁星

其十

水間珊瑚映指寒水晶引月透闌干鴛鴦瓦底籠
鸚鵡奩李谿邊雜牡丹

十一

高壘濃陰覆虎丘轆轤山半水湫湫攪衣獨跳浮
圖上吳越君王盡楚囚

十二

上方山頂望湖天愁見風波怕下船山頂塔高北
寺塔阿娘北寺塔西邊

十三

千水萬水疊城西霸氣茫茫靜鼓聲賀九嶺高湖
月澹蓮花峰斷夜烏啼

十四

短刀徑尺掩長裾上馬登舟懶寄書却取西施嘲
少伯刺將勾踐附專諸

十五

九齋前集詩卷之七

中秋結伴虎山橋四野無雲星動搖女把芙蓉男
勸酒月華相待到明朝

十六

館娃蛛網絡果思繡戶雕梁鼠雀疑聞說張王時
去日雲中旗鼓見金姬金姬張士誠妃死見金鼓助張王今金姬墮是也

十七

延門唱道買新茶小妹娘前罷採花欲竊新茶偷
祭月先教阿姊把娘遮

十八

梁鴻避世不藏名支遁無生更有情俠骨未酬天

下士馬槽洗耳聽泉聲

十九

少年出入專諸巷白打探丸每好奇昨日鍊刀兼
放馬今朝弄酒調胡姬

二十

姑蘇臺近桃花塢縹緲峰朝明月灣南向金鳬乘
夜去西行白虎幾時還

讀東坡禪喜集

東坡自是有情人歲晚篇篇種佛因今日眉公收
拾得梅花蕊李一般春眉公是仲辭法號

九齋前集詩卷之七

感亡婦

中庭雜樹女牆邊手植于今十二年記得相携同
問寢白菰花下少遷延

再泊虎丘感亡婦

去年夜泊虎丘西楊柳拖花水面齊何事五更貪
曉月便教先聽杜鵑啼

戲白下廝養

車聲暮暮復朝朝驢蹬低低馬蹬高不怪坐郎頓
出外怪他直瘦鐵心橋

瞽女琵琶

紅顏盡日掩琵琶不美秦時蕭史家好似夜深沉
醉却玉牀喚醒懶看花

嘲少年

年少風流傲五侯黃金起屋玉名樓可能輕別笑
容面贏得僊人笑白頭

戲題

明月妝樓對鏡圓浮雲度馬酒行船試看欲醉迴
嬌面疑是桃花過雨天

名花

浪子如雲多不定佳人愛月好常來偏愁別後忘

九家前集詩卷之七

十九

名姓只把花枝少處裁

祈雨後觀音上山

千峰雨過水潺湲天竺觀音恰上山無數女兒穿

柳過鴉黃衫袖月滂滂

雜書

時欲約海中諸國共
攻日本且復海運

朱入婆婆三脚沙開洋莫遣一毫差將軍倘過夫

人嶼回首江南二月花

其二

大唐天子足雄謀平壤三年不克收旬日兩都如
破竹書生最切杞人憂

其三

東征士卒不堪聞鴨綠江頭有陣雲聞說遼陽彫
弊極私心欲叩李將軍

其四

十載園丘御帝星午門馳道草青青內官早起閒
無事長樂鍾聲枕上聽

其五

二月東風海水平謀臣勇士護神京良家子弟無
材力不向于戈隊裏行

其六

九家前集詩卷之七

十

八道朝鮮勢不支官寮密奏外人知九重暖閣深
如海名對機宜及此時

其七

四海群雄割據年邵平自有種瓜田莫教斗大黃
金印白髮征夫肘後懸

其八

海不風波是偶然生機殺氣每相連大夫欲活江
南命翼軫先燒舶海船

其九

暹羅日本路迢迢大小琉球密受朝倘或風波臨

不測東南氛氣幾時銷

其十

將軍自昔號長城十萬旌旗討不庭夜半燈前看
玉帶暗將雙足頓東征

虜救哮逆敗遁

花馬烽烟羽檄難水生殺氣朔方寒不今夜月生
紅柳遙向雙山度馬鞍

七里灘

花飛鳥飛爭欲先鳥入藤蘿花上船客星一去無
消息過客難頭醉管絃

九齋前集詩 卷之七

戲水中人

水長烟堤月滿扉開窓細語笑聲微蓮花幕裏看
金帶村我劉郎是白衣

記夢悼亡婦

空房玉骨久淒涼夢入秋風叢桂香相對窓前魂
不語坐看黃鳥化驚鶯

再夢亡婦化為黃鳥

不隨交頸化鴛鴦依舊還穿金縷裳來歲一雙春
裏去桃花水上柳蒼黃

有客守孤山

鐵騎森深守帳房千層羅綺疊爲牀胡兒不識蠶
桑苦蟒段教裁繡襦褶

三營

十歲孩兒馬上來千行武士一齊開健如俊鵬天
邊落捷若飛猿樹底迴

其二

夜半長安燈火明傳呼買酒不停聲袖穿箭禿弓
衣破賒却三杯進大營

其三

軍能騎馬馬能嘶五鼓三營點陣時德勝出門奔

九齋前集詩 卷之七

念佛西華歸路聽彈詞

代贈妓素蘭

蕊李平將艷色分何如清骨比湘君春風曉日笙
歌靜啼鳥聲聲怨暖雲

其二

一枝弱柳護春紗九畹分香閉月華臨醉數聲紅
叱撥水絃歷亂點桃花

其三

冰心已寄水精宮羅襪偷閒下碧空幾度月中相
會面但看清影對香風

秋事

短髮新生海外秋一漚心事幾時收當年錯許吳
鉤血甘脆羸將滿鏡羞

寶應河舟碎戲舟中同行少婦

千濤萬浪任風行石碎船心了不驚救苦觀音呼
得應月中忽起妙音聲

閒坐

葛巾蔬飯病相傳顛沛千端亦偶然四海太平無
個事竹窓閒坐補遺編

歸自燕中

左蒼前集詩卷之七

近事紛紛不忍聞懶將怨語入詩文春風買得歸
來棹萬里青山幾段雲

九簫前集詩卷之八

華亭宋楸澄初清甫著

友人閔志孝伯先甫校

調

望江南

咏燕齊道
中秋柳

楊柳色烟裏綠參差爭羨花飛盡李日最憐香斷
菱荷時燕別奏相思 秋夜永憶昔露頻垂對月
畫眉爭玉鏡臨流顧影聞腰肢且莫妬尊綠

其二

楊柳夜無語月婆婆窺繞水池清夢永影飛秋草
九簫前集詩卷之八

白雲多盈盈悞小娥 凭盡檻凝霧遠模糊湯掠
乳鶯驚玉蚪試隨纖露濯銀河無因附女蘿

其三

楊柳愁懶慢玉闌干蟬訴夕陽心倩語烏啼細雨
淚分寒盤馬度金丸 逢遠別濃淡儘教攀渭水
飛花紅點點灞陵流水綠潺潺春去幾時還

其四

楊柳子秋塞恰相逢繁露垂垂珠結鳳小蟲隱隱
玉盤龍螢悞一痕紅 無個事睡眼半朦朧疑與
美人窺曉鏡悞隨道之老秋風吹將玉笛中

長金沙

夜煖曉雲晴小帳初明個時玉枕髮從橫青鏡
收三五月花睡初醒 銀甲冷銀筇夢裏深晴
分仔細也難憑淚隨鶯語千番下一半吞聲

點絳脣

雨色關愁鳳皇樓鎖鴛鴦瓦離情難捨小立梅花
下○計日他鄉春水船如馬還來也囑付鸚哥莫
叫垂簾者

九籥集文目錄

第一卷

記

遊華陽洞天記

讀書臺記

夢受大丹記

白毫光記

遊湯泉記

西山滴水厓記

遊燕北祖陵記

順天府宴狀元記

白雲山房記

記夢

昇集

悔讀古書記

日本刀記

記夢

授寶

真娘墓記

遊彭城雲龍山記

遊石排山記

卷之二

序

何廷濟詩草序

賀楊世叔先徵君暨太孺人節孝序

錢氏劍策叙

靡蕪館手錄序

積雪館手錄序

偏憐客序

崔剛神笈詩序

南雲小言序

九籥集文序

九籥集詩序

壽太宗伯平翁陸公九十序

旭崖高徵君純孝序

送杜玄度乞恩終養序

建安三曹集序

卷之三

論

千金報漂母論

一日受金牌十二論

侯生救趙論

表

擬宋翰林學士蘇易簡進續翰林志二卷

上嘉納賜詩二章飛白玉堂之署四字

令榜於廳額謝表

淳化二年

箋狀

上吏部白選君狀

再上白選君狀

卷之四

雜文

寫華嚴經疏文

廬山歸宗寺募緣疏

發願斷酒文

圓覺菴募緣疏

薦沈楊兩公疏

極樂寺檢藏募緣疏

茅山祈嗣疏

卷之五

傳

叔父安遠令憲卿君本傳

顧思之傳

盛重之傳

袁微之傳

負情儂傳

卷之六

傳

總叙宋氏世系

譜中雜記

高王父錦村公本傳

曾王父西莊公本傳

王父三江公外傳

王祖妣唐孺人外傳

世父婁城君外傳

先府君本傳

贈昭勇將軍桃溪吳公暨朱淑人傳

卷之七

行狀

叔父叅知季鷹公行畧

先兄澄父君行狀

先妣張太孺人乞言狀

誌銘

兒龍媒誌銘

卷之八

書

與心洛曹侍御書

啓

上劉侍御公祖啓

約建侍御方公祖生祠啓

約建二府方公祖生祠啓

跋

舊泉州淳化帖後跋

九書集卷之八目錄

贊

范大夫

留侯

祖士雅

狄梁公

郭汾陽

李鄴侯

韓斬王

于肅愍

議

將遷居金陵議

辯

文章五聲辯

原

原三界

卷之九

祭文

祭王逸季文

祭舅氏

祭叔父憲卿君

九書集卷之九目錄

祭高元錫太史

祭唐宗伯

祭武安王

燕中祭 先府君

南還奉 先府君神主登舟祭文

祭女奴墮水文

黃河祭亡奴文

渡黃河祭金龍大王

祭先考及先妣文

祭先祖母唐孺人文

共二首

勢鐵龍祭武安王文

河疏賽武安王文

舉族公莫嬌姆戴痛人文

再祭女奴露桃文

卷之十

稗

李福達

陶真人

呂翁 共九事

朱巧兒

卷之十

後貌舞

擲索

壘七卓

齒跳板

雜伎

御戲

鑒定

秘戲

俠客

鬼張指揮

蟠桃宴

分宜

薛文清公

海忠介公

徐文貞公

鮑參軍升天行云五圖發金記九篇隱丹經余
好養生家言故以名篇一名天籙者以斗宿
下有天籙八星而余生斗分也

卷之十

九籀集卷之一

華亭宋楊澄幼清甫著

遊華陽洞天記

壬寅冬九月二十有九日余舟次丹陽有所俟不至乃與客王無功謀爲華陽遊日已晡矣從一僕自間道行時楓榆搗霜飛飛交下如行碎錦中北風初勁微有寒色遂宿於延陵逆旅主人出嘉酒微酣而罷就枕方熟輿人促裝就道北瞻斗形其柄尚沉沉雲脚也南行三十里雞交喔又十五里天曙耳中溪聲汨汨不覺賈登臨之勇頃之群鳥相率引去經老君堂而北山行頗艱乃舍輿徒行又三四里始息肩於上宮上宮羽流所集也輿人騶卒欺余服如雪無功亦不善修容而從行奴更慙遂以余輩爲可賣故拮倖居入之道士亦僉父視余余就其窠而甘其慢蔬食畢丐浴得鍋室水沸有聲視之如在鵲鵲眼中僅濕皮毛而起拉一羽流導出宮門僊壇甚麗折而東南百武迫馬行澗直走南岡巉巖百折幾不可攀而履華遭石上霜光明如鏡仆者數四於是脫裳跣足而上昔袁履善先生云山行舉兩袖若翼可以從風效之頗

聽迄抵絕頂頽石千葉如玉女纖手把赤芙蓉振衣碑下碑字風雨剝蝕不可讀矣門佇數羽客舉止若俗人呀客衣藍縷相與目攝引去余與無功直上殿中瞻禮三聖虔而無禱羽流代爲諛辭橫求多福淳于祈年之誚山霧其以啜客乎吾聞聖佑金句之神闕而殿宇卑痺蓋地窄彈丸而險踰鳥道也然覽僊位不下百人咸吸五果之珠露飲三芝之玉烟宜哉汗金錄矣顧瞻中小之峯宛若兒孫而上宮峙於山腰疑登金陵之獻花巖而迴望牛首者徘徊久之欲賦詩紀其勝誦陶范記訂諸作如虬髯見文皇惟知乘槎浮海而已指點路有鑒前登乃買工人草履穿之短衣脫巾與廝養無異意自有遊人無落魄如吾輩者今日之禮山靈似王景略之見桓大司馬傍若無人矣峰西有廢址石鑪猶存道士云昔爲王靈官香火群乞潛伺其中屢牽客衣索錢衣數碎卅陽令丁君惡其無狀遷之披靈官經其功行頗侈威稜甚赫而卒以寔人故聽其遷移夫亦惡其無厭而假手貴人耶又余聞之先輩述其友人云某甲奉事靈官數十年無子一夕忽見夢於主人云余鑒汝奉祀

之誠數以嗣請之上帝上帝靳勿錫今余願身爲
汝嗣妻因有娠其家謂靈官託生必有大異及期
生子其不慧年二十外始補博士員優劣之科凡
六是人恒居其四卒無成以歿若然則在三之士
皆出靈官上矣以余觀于白嶽靈官居古楠樹下
天門東威巖赫奕異于凡神則靈官亦有幸有不
幸矣而況於人乎時方刈稻東南之畝分界如席
設遇張志和鋪之吾輩便爲陸處士矣山下諸水
如馬跡如酒鎗而風日之中微有輕霧樹中窺之
若陰雲欲雪攷諸圖經山形如已字故名句曲山
其山勢殆不盡然命名之意非想像所能測也引
導羽流別穿一徑意欲侮余而吾輩肘輕如羽往
徃先道士從空而下余顧指翠微酣林歷亂如僊
子空中醉翻紅袖半屬微矇而無功夙擅畫圖又
謂漸下漸親如紅顏翠眉歷歷可指已而漸抵平
陸羽士指樹中路曰此走金陵道也而下宮當其
西齠齠如齒爾時似遇隱居餌大丹身益輕矣穿
道而北有泉潛伏地中流入一湫湫有龍領引泉
至曲水是爲流觴處榜其亭曰流玉稍北復有龍
口引水東折而去余不識路輒叩道士道士咳嗽

前驅如嫁女之媒嗟乎此江南之紫館生年三十
而未嘗一寓目焉亦可慙矣岡南有泉名喜客卽
所謂隨客聲而動靜者也返走金陵道則合抱之
木狎嶂叅雲如衣錦袍跨赤兔援戈張戟將鼓鼙
焉喻之以美人不倫矣惜別之次至洞泉爲趙文
敏篆書碑甃若龕龕中螺水能療目疾遊人窮搜
酷討葺修輒壞螺亦篆書一大壺也泉當蛟起處
傾土塞之水不復出矣噫蛟戾氣也猶能移易山
川吾輩忝長四靈螻屈白首不能一新耳目蛟之
不如而敢望猶龍乎夫靈官香火廢於乞丐文敏
篆書剝於遊人上清之僊吏華陽之真官獨無靈
乎夷猶而東陟華陽洞無功叫號若狂整衣再拜
俯仰洞中不得其門躑躅而出俗人鐫字其上如
雀糞佛頭而此中陰暉陽光明踰二曜則洞口一
丸雖襍陳不潔無損其清淨也道士引登其巔高
可十丈龍婉鸞飛樹根纏綿若薜荔東南十武有
洞曰玉柱遊人出其下可循柱而走又數十步洞
曰蓬壺是皆隘於華陽而華陽又隘於林屋林屋
廣數十丈東一徑甚黑雖水聲嘈嘈直可引領而
行不若華陽之偏側也乃華陽東通金庭西接峨

眉南越羅浮北連岱嶽其中百五十里如琉璃界如光明藏則豈隘其入者肆其出昏於外者朗於內耶東得一坡千林風轉無功笑曰可謂妙舞莫巧於絳樹矣余曰今松濤和步虛而起豈清歌莫激於宋鴈乎道士以酒相邀飲數酌有微醺狀日亭午矣與人促歸而道士以阿堵爲政客裝不結於晚餐無以久淹乃返乎上宮蔬食而下過巧石處舊有木亭遭夜風飛去其石勢玲瓏勝天竺之飛來恨不能身出其中耳大抵句曲之石峭緻若靈壁而靈壁山勢甚劣殆難魯衛也此行值秋而

九齋集 卷之一

幾於取矣因憶壬辰之冬值余外舅施吉甫先生閩游約以明年中秋爲余禱夢於仙遊至期余宿牛首焚香向月遙拜丈人夢謁文廟有畀之棗栗各一器拜賜而出復召入與不托一盤及覺叩簾以解之詩曰乾坤此日荷溫存有分林泉過八旬星斗中間吟短句也應人道是茅君以余今日之所處可謂比跡茅君乎誓旣今以往如杜子春三得金之後不一二年脫盡世網便當結廬句曲率妻孥耕織其中探地肺於星浦捫朱髓於雲峯大戒三百以杜未兆之禍威儀三千以興自然之福

九齋集 卷之一

庶乎無負神僊之意而亦可以不辱其身矣不然彼青樓老妓猶知嫁作商人以避冷煖豈鬚眉丈夫束髮干祿不獲斗升而逐逐無已何異醜女未字夜挑百夫冀一顧盼了不可得其情愈蕩而行愈醜者乎追悔無端不覺身抵董村輿人曰此董延年宅與墓也經一橋指南水中壘曰是爲鬼谷墓廣不踰丈古樹交陰墓有四十九孔寔惟神僊之窟舊建望仙橋今圯矣吾聞鬼谷仙也又何墓乎或其先世未可知也道中水法紆迴故織女隆其里九仙生其鄉而輿人又謂有王素竹馬之

異殆亦神仙者流惜其鄉音半不可辨不審郡誌圖經猶可徵否星辰漸出復至延陵卽吳季子退畊處也舊常建縣矣今市徙於丹陽而遺址猶存街南有昌國寺結構精奇相傳百千年不壞獲魯班幻相之鬻然乎不耶余也異日者不爲華陽之隱居則爲延陵之季子三陰五練寔聞斯言豈其吐之而復食之晚仍就宿故逆旅主人進菜羹侑酒夢息未干一燈復閃閃而出催人促裝飽食登輿天明便達丹陽爲俗人如故良可恨也

讀書臺記

九齋集

卷之一

華亭之九峰崑山其最西也登巔南顧見秦望諸山稍東則華亭兩浮屠宛如龍角回瞻西北姑蘇之群峰翩然若遠鳥然非峰泖之勝也南百武有寺寺有藏經僧祀二陸東爲三聖閣右閣轉輪皆可以眺峰泖弄日月而最勝不在也香積北一奇徑下紆百尋南峭石壁連亘數丈高半之中峰廉夫所經息也壁西深澗斷西岫之路白駒墨池在焉自白駒而東則九峰峙青三泖漾翠高下無涯若遠若近但覺化工之不可移易豈能形容哉是爲陳次公讀書臺也榻間小窓夜半興發可以討

峰泖之勝所以爲次公歟宋幼清曰古之登峴山者孰不慕二陸今天孰不慕次公乎二陸我不得而知矣美次公之高尚而失其神情夫豈曰知臺稱讀書猶志和之不在魚也千秋之後母疑臺址於山巔山巔之所饒南北城市而已豈知次公者乎雖二陸不在也

夢受大丹記

余自辛卯粗聞宗旨往來得失之間丙申秋始因我師發明心印若所謂神仙者復絕意六七年矣季冬初六夜夢入深山見一蟹跳躍行人擊之墮

九齋集

卷之一

其半螯白血迸出蟹入於水人謂予曰以飼白牛當得金無筭因出蟹水中攜之而走數十數步爲蟹所蟄賣蟹於路人而去路人復邀余行中道亦毒於蟹謂余子握之乃代之握蟹遂帖然因至一所精舍兩廡有二鹿一純色一白質而有微黃覆其上大小如狐謂余舍蟹嚼於白則事成嚼於黃則絕望矣舍之則蟹化爲黃虎高不盈尺白鹿以舌舐虎虎入鹿口中頃之不見二鹿有一先生出捧藥數斗留其半以半畀余乃漉之澗中藥成白片大如雪花持斤許授路人餘以相贈不覺盈溢

衣襟余堅辭藥而訴生平軼軻先生笑曰子受藥已後都無憂矣余請用藥之法先生曰施之五行無有不宜計子之藥當得百千萬億路人少之余爲請益先生復掬藥益合許更以一囊相授余稽首而起則身在枕上矣夫禪也而仙蟹也而虎牛也而鹿鹿也而先生不令德而靡於財不利人而自利夢亦幻矣余亦妄矣

白毫光記

林澄五六歲時常於落日下見多佛雲及寶座獅象雲如是十歲亦復瞻仰至十二時夢禮

九齋集 卷之一

觀世音菩薩生憍慢心心遂散亂然無心中每隨口輒誦云以何因緣見何種味及十九歲牽於外境夢寐穢雜庚寅春從友人遊始知身有佛性淹逾丙申謁師於金山頓知揣逆之非丁酉旅燕偶於病中能隨風過去及下第南歸已絕意世網未期年而遭先兄之喪爲時勢所驅至有燕京之役庚子下第留燕慨然跪誦

華嚴 法華兩經而禪德某甲爲示禮誦之儀誦至有無二念俱滅除之偈不覺悚然復見十廻向入法界品中破衆生欲想及王子受刑悲泣者再

至三月初二而法界品畢是夜漏三鼓矣見窓上光明如月映徹紙牖從約五寸橫可丈餘已而就寐覺復如初尋夢妻病危身至佛前稱我佛慈悲者三號呼而覺復夢延十二禪德誦華嚴經而道友堅林預焉追天就明復見壁上白光如練濶二指而長四尺閃閃流動食頃乃散於時身如水澆毛孔皆立少間而堅林果至迄初四禮誦既畢感佛大恩遂發永願惟願自今盡未來際本性常湛萬境無依童真出家從善知識通明藏海度盡群迷

九齋集

卷之一

華嚴法華三界同證仰興

慈悲永垂攝受者

遊湯泉記

癸卯復客燕中聞友人爲遼海遊甚壯惜無地主不可浪遊會友人袁微之爲盧龍劉中丞禪將座間人復津津侈湯泉不置居久之作書與微之約遂鼓勇爲遵化行時六月十七也行已晡矣抵通州東郭宿焉州爲燕京左輔漕河中錯立帆檣無筭自居長安久不見此洵洵因驅馬浴其中馬當深流顧余噴沫長鳴若有所愬於是僕夫代爲之

言如知馬初來太僕時夜食五斗料日行人雙控之猶蹠蹠不已迨隸大營選鋒以官錢不辦而長安市都無庸追風絕塵爲也乃偕其妻俱飼槽糠馬始骨與皮隣然其聳爽不能自匿每軒軒來營中人皆指之曰此羅家青也識此馬者幾三千人云余歛歛謂僕夫曰疇昔余騎而出都門都人相顧咤惜得非此馬耶微特汝以馬重卽余亦因馬得顧矣乃與馬相讓而入主人之門余謂僕夫姑飽以芻秣明日當代汝貫僕夫唯命黎晨渡河走三河道馬之騰驤異于昨之欸畧殆十倍矣日晏九齋集 卷之一 土

賓也微之大笑而賓如欲尋湯泉之盟惜微之朝夕侍中丞不能同行爲余索馬於偏將以兩健兒從且戒湯泉僧爲設食供卧具余與賓如將五騎出西郭渡五里橋達十里舖始與石門路相岐遙望山上邊城似紫欄橫玉而山勢自石門東奔如伏獅狂象若有會而然瞻邊城已北山峰益聳一起一伏不異波濤詢諸父老則大寧諸衛也朶顏酋長駐牧於中自三衛而外爲東虜部落凡百種至蕃息者亦不滿二千小僅數百其入寇必俟糾連動經歲月故我軍得以謹斥堠厯烽火虜寇得不償失欸則坐而享其利是以樂欸而重寇其酋長唯長昂爲大然絕欸六年部落冬無完襦率終就欸長昂東虜之最雄者也賞格懸伯爵募其首終不獲昂亦自負年六十餘壯心逾勁居常勃勃以入寇爲事一日出帳房遙見二鹿彎弓迭射之應弦而殞乃其二子于是雄心漸衰居常火食布種烹鮮稍似中華勁亦不能與西虜齒曾築室大寧城苦頭眩竟不敢入與西虜居帳房無異有自中國投虜者曰板升其入寇往往謀及婦人自西自東無思不服也 文皇藉三衛之力以綏內難

故不惜捐膏腴處之議者抱恙胡居內之虞顧二
百年來雖饑則附人飽則颺去然不侵不叛終不
越我羈縻當其時設宜成算文皇必有長策豈書
生所能測識哉且以夷禦夷未必非中國之利也
嘆美相半不覺身渡數河忽聞菱荷香氣襲人則
已至湯泉矣健兒付馬於寺僧隨導至湯泉亭下
池廣三丈有奇深等之池中石色如青琉璃水清
照見絲髮浮漚數從泉孔中直上水面日色映之
如五色線貫大秦珠宛轉水晶盤中賓如擬之曰
似夜半星飛青漢好事者投錢其中下時又若金
九齋集 卷之一

心腸不冷耳冷則如滇蜀之山雪封其上孰敢干
之所能恨者非冷非熱之腸冷不凜毛骨熱不刺
肺肝既不能拒人干求又不能拯人緩急徒以一
已之喜怒一時之得失爲冷煖焉使天下後世謂
之熱不可謂之冷不可此等心腸爲可恨耳且古
今爲熱腸者又何可多得耶堯舜尚矣湯武一熱
腸而天下皆溫煖矣伊尹一熱腸而人主躋日新
矣嗣自而下吾不知其爲熱腸者幾何人而此水
湯湯不舍晝夜豈非人道之不如天德哉抑我聞
之損有餘補不足天之道也假令熱腸之人亦何
待見湯泉而始熱哉彼冷腸之人庶幾之湯泉沸
之鼎鑊容有瘳乎然則湯泉之生雖謂之偏向人
間洗冷腸可也轉讀一記乃太原王伯子感慨戚
將軍亦大有會何王氏之一雌一雄詩文皆可觀
耶以世論之女當爲姑舅當爲孫客曰其才亦然
則吾不知之矣余嘗與戚大將軍諸偏裨交談鎮
薊事甚悉大都邀江陵之寵靈自中丞已下黜陟
生殺捷如雷電故能必行其志及江陵不祿少保
南行向人唯作痰疾狀一語輒一嗽不異老嫗豈
非伸於知己而詘於不知已乎其築薊州遵化三

團營城也以箭數磚隙箭入則罪蒞事者當墮城時城內發小棺長徑數寸不下萬口其人鬚眉支體俱具衣冠鮮麗如世人少保具祭料莖之城南亦一異也余登遵化城觀其樵櫓雉堞幾甲天下及遙望邊牆與湯泉池亭堂與規制悉迥出尋常其才誠有過人者使當○高皇帝時封侯豈足道哉惜其生不逢時不獲與李寧遠同帶礪之盟豈李隴西之無封果數奇耶亦豈出奇運智不如寧遠耶吾又不得而知矣時健兒以酒侍傍指蓮池下禾黍離離者而謂余曰此昔年大閱處也往者

九齋集

卷之一

五

間三年大將軍同虎符使者蒐軍寔於此自紫荆已東山海已西七萃咸屬控弦之士蓋十有三萬人旌旗鎧甲車馬鎗重照耀山川少保登望軍臺視軍容不整者卽褫帥衣貫士耳無少貸自少保之去而按使者大閱各因其地不復集湯泉矣叩其不集之故則以軍集內地恐虜有乘虛之虞噫不曰彼有卑弱之乘而我有精銳之集乎況以十萬之衆而禦烏合之虜適成吾擒又何患乎且平居則士相服習有事則彼此策應非公不足服衆非衆無以示公集師大閱又安可廢乎嗟乎世無

戚少保耳有之則先聲足以奪人之氣虜亦孰敢乘虛哉實如不耐曰此行爲浴今置浴而與兩兵大言豈遊行意乎設有熱腸男子提十萬之師橫行沙漠爲少保吐氣亦何預足下事乎余曰吾過矣吾姑浴乎使健兒謀浴於館人拒曰馬蘭路叅戎方稅駕於此屏息聽之則琵琶壓梵聲旌旗遮佛面叱咤風生渺小狂夫不爲所反接幸矣俄而叅戎就浴僧曰母譁浴矣俄曰將食矣又俄而相謂曰憇矣已而鐘磬交鳴山僧曰幸就行矣慎毋譁余曰可以譁矣而不譁者何也山僧之慧者曰

九齋集

卷之一

六

武與文異人之畏文也衆故縉紳之於釋老咸少殺焉若武則人慢之矣彼視可以行威者無如僧吾故俟其威之未張而先致敬焉非故諂也嗟乎僧言確矣以彼文武如是之異而國家欲藉武士爲干城其可得乎夫無事賤之如牛馬有事望其捐生一何待之薄而責之厚乎賓如曰叅戎去矣可以浴矣子姑就浴矣相與就浴中有二賓南一寶發之來熱而北寶送冷熱冷得中賓如笑曰發而皆中節謂之和矣浴竟振衣而出晚復濯足湯泉之南亭亭下流泉如帶因煖酒其中酬飲甚暢

欲就寢於僧舍苦臭蟲剝膚移臥官廨館人鑿地
遂宿近泉亭草生屋上棟梁將崩矣四鼓大雨雷
電交作賓如呼余曰我輩自信不爲龍王所誅第
恐館中宿魔今夕當受天譴而兩生適丁其時將
與魔俱斃余曰七尺一任雷公但椽穴如斗傾注
向人不免愧於屋漏耳久之漸止余始就寢明晨
隨喜佛殿建自唐貞觀二年跌坐釋迦像最古武
宗賜額福泉禪寺兩壁畫佛爲諸天設法及三世
佛環坐十八羅漢金碧璀璨則此寺當山前未割
之先已爲水陸道場湯泉稱功德水久矣不若儲
臺榭至少保始赫然一新也嗟乎一新一故桑榆
寧有盡耶且余始感慨於馬旣感慨於泉旣感慨
於大將軍終復致慨於佛卽感慨亦幾桑滄而况
人事哉余欲北登邊城望虜動靜而賓如已不勝
憊會天色黑慘遂策馬歸遵化欲雨不雨山頭處
處出雲此景更不易得宛如李衛公夜乘青驄行
雨也此生不能如公勲垂竹帛亦不復渡石門矣
因援筆記其始末

遊西山滴水厓記

燕人好遊而不解探奇丁未遇居停辛孝廉慷慨

俠烈士也嘗向余矜滴水厓奇仲春二十有三日
同友人出平子門大道之萬壽寺觀大內法供
傍有假山栢屏環之其色翠潤可把過西湖經龍
王廟飯青龍橋抵望河亭觀泉源可鑒鬚眉登玉
泉巔歷二洞至卧佛寺尋水窮處約三里巨石迭
起咽之作短瀑迄西漸高清駛可弄流觴數酌而
返及碧雲寺觀魚水溜魚隱不上從人投餌誘之
僅見桃花數點浮而復沉遂宿焉明日登香山遂
從西南走滴水厓道飯慈恩寺東有大閣可登爲
孫司禮佳城過此皆紅塵道西行二十里至潭河
爲三家店卽桑乾河也其水洶於黃河東北皆山
壁立高數十丈時有五色馬不能聯鑣行五六里
過敗石橋又三里許爲軍庄卜宿於小庵登龍王
廟觀水嘯蓋水勢激而成響每嘯作浪七八疊不
風而聲頃之夕照漸沉同諸君跨水坐石上斜陽
蕩波如乘鼉御龍也歸宿庵中老衲以刀杖相授
皆有戒心明日從西北行又經絕壁下道更奇絕
仰觀則巨石如斜倚岩間或枕於山頭百采錯陳
不能枚舉往往有歌於水者山河相逼惟餘一徑
而斷嶺崩厓高高下下纔容馬足南顧中流則怒

清觸石石亦觸濤終日若相擊狀彼北人喜於衽
金寔山川使然耶中多故壘以石卵壘城猶有完
堞意前朝或斥候於此約十餘里道折而西忽與
渾河別行十五里至十八盤絕頂爲最險處人馬
俱疲下行陡絕約五里至平陸又六七里至杏花
村遙望山頭皆有洞猿猱不能攀也土人指爲桃
源洞更折而東遇積雪數畝泉凍不流當道有赤
石專車若落霞映水過此北行亂石中人馬屢失
足僕夫皆怨嗟先是余輩苦於迷塗欲止不前有
老人請爲鄉導遂復鼓行至是余輩亦怨老人多
事矣行又十里始得上嶺自杏花村之嶺頭山色
多綠間作疊雪形絕似江南苑中物也時時遇石
城高數百丈若以一丸泥封之便可作避秦人矣
度嶺復三四里始聞犬吠聲東瞻仰山白屋若雲
中龍不暇登北行扳援而上是爲滴水岬群峰躋
天周遭如翡翠屏約大於都城四面圓滿若可循
歷瞰其下則絕壁無地驚宇虬枝皆在髮顛履際
折而東值斷崖以木爲橋而渡行久之抵僧舍少
息微雲中下雪數點俯仰顧瞻應接不暇酒行數
卮僧人列炬導前請循石洞可容數千人中涵二

泉迅流清徹以火燭之岩上注滴不已僧指石泉
爲龍王卧處下有園泉名龍女洗頭盤火烟氤氳
半不可辨各匆遽而出其外始爲滴水厓時凍未
開儼然如白衣大士提籃而立不見其拋珠擲玉
態也余欲賈勇而西爲同行所止又念道遠而險
今生不能再來意欲獨留明日且探仰山之勝會
同行者慮明晨放榜勢不可留又不欲余踽踽乃
力挽余下竭蹶而趨經故道至渾河口見虹自山
中起出飲於河始知虹不獨居四大海也晚宿隆
恩寺爲司禮麥祥墓鉅麗擬於至尊捐不貲以殉
七尺古人所以重王孫之薄塋也經皇姑寺老尼
匿佳麗而以皺面應客至蒼頭廝養皆秦公子高
中一新冠人履絲曳縞意態尤雄俊可妬老尼復
令是人導而登閣以示無隱四望門牖盡扁頗有
明河之恨微歌無可奈何而下聞 列侯諸貴戚
外宅兒多竄是中其然豈其然乎飯慈壽寺觀落
星石登藏經閣瞻 聖母御書遂入城
遊燕北 祖陵記
自遊滴水厓而歸夢中時與烟霞侶也季春八日
投刺城東遇雨遂宿友人邸明晨歸得劉使君招

遊 祖陵札遂忻然赴南州會館而使君行矣使君與余有國士之遇不忍怆然遂策馬出德勝門經故元城下三十里至回龍觀不及乃秣馬而行十里過鞏華城經沙河度朝宗橋三十里至昌平抵公館因晤大理王公爲余父行遂留同宿明晨北行約十里至紅門從神道西趨過嶺北幾二十里至九龍池觀五色魚皆徑尺遊行偃蹇眼中若無人形豈亦知所恃耶驅而北經 昭陵之陰松栢萬頭奇秀可愛絕似江南諸山因謁 壽宮登 寢城皆徐州竹葉石爲磔枯松如蒼者數千株南繞爲 昭陵入陵思門瞻 陵思殿凡五楹制度隘於今 上爲地限也東行約十五里諸陵歷歷在望大理公當祀 長陵遂從入飯於中璫謁 寢殿凡九楹毋 后同座祭具太牢豕羊野獸上陳殺核旁列妃位十一登明樓制度弘敞度異於諸 陵而寺人亦云方之諸陵獨壯向令謹守藩服寧保此地至今爲 國家有哉則雖珠襦玉匣金鳧銀池未能稱報萬一矣尋謁 永陵爲寢殿七楹同座 后五位妃三十餘從西旁登明樓眺 寢城亦徐州石爲雉枯松已大於斗乃

知 皇上蓋動法 皇祖也漏三鼓微服觀祭蒞事至焚綾畢肅出從神道趨月中屢過石橋若夢又火光夾道如從星辰度約三十里至紅門抵昌平宿已四鼓矣明日余別大理先歸及沙河遇劉使君暨順天劉司理公邀遊西山遂復西南行踰嶺至臥佛寺每歲從謁 陵而遊西山者強半司理騶人度碧雲寺喧乃由間道趨香山於時翠微杏花咲倚風中夕陽薰之香氣浮空恍然疑美人微醺芳塵起於羅襪也臨高四望極目不足以窮花徑生平所見唯震澤之梅與北固之櫻桃可以儷之行十里至香山憩來青軒昔 肅皇帝過歷西山賞此地獨饒翠色遂命名今名或曰來青之名尚矣其 賜額則自 今上玉音寶墨陸離於棟棟之間他山所缺陷也飯罷携茗探水源登中峰寺仰日隱亭足疲而止余凡三至香山惟是役得盡其勝因憶庚子秋曾從香山踰嶺而南有番相寺折而東多茂林泉石可計則又今日所無矣自中峯返於來青軒下瞰平野日微曛矣月亦西出夜色微朦使君笑指余曰東望斷山烟光如水而熒熒塔燈居然漁火得不似君鄉石湖耶因舉酒

相屬坐月中幾二鼓而宿明日復從間道抵碧雲則宿碧雲之客亦冉冉乘肩輿抵香山矣登香花橋池中朱魚數千頭聚族而爭餌餌得便躍去其未獲者媿尾萍苴間殊不猜釣網也寧羞嗟來乎憩絕壁下於竹間弄流水時竹凍未蘇使君約以笋生時再來酌久之飯而出南行經鮑公寺有大栢松數株皆合抱復至滕公寺亦多古木遂東趨二十里抵慈壽寺風聲振塔鈴疑錫鈞天之奏過摩訶庵小酌而別 宋幼清曰幽薊自黃金碣石而外無繇寄弔古者何哉漢都咸陽燕代編爲郡

而國勢從此不振至蒙古諸君順帝最稱多才而鐫巖銘水不少概見豈淫洏於麴蘖鉛粉之間日不暇給耶夫胡兒生長沙漠射飛風生馳肉火噴乃其故習至於橫梁賦詩偃紅倚翠信非所長阿骨打之破燕而卒以淫舛職爾由也天佑 成祖龍潛其中於焉定鼎軋開坤闢二百餘年德政之所陶鈞文章之所藻繪腥臊變而爲芬馥且列聖之園陵在焉翠華建駐蹕之館鳳舸激鳴榔之波雖不若五陵之踰制比夫馬鬣不樹則幾於殷輅矣然第寢殿神樓而止若夫離宮別館迄無一聞豈中人之產是惜哉以余觀於三內又壯麗極矣傳曰吾王不遊吾何以休先王四時訓民獵禽獸以饗宗廟示孝且武也今勝地名泉悉貂璫瘞骨之所而珠宮貝闕乃陰爲窀穸計非有作佛成仙之思安望其舒弘襟撫雅致使山靈增重哉噫當今聲名文物之盛浸浸兼兩京軼之乃名山巨川曾不得比汧雍洛陽之燦炳亦山靈一恨事也 倘 聖明有意於黼黻太平余將賦長楊奏羽獵爲山川曲踊而請矣然余因山川而重慨於禮樂焉夫宴饗之法曲肄業於教坊郊廟之絃歌職司

於羽士殿廷之儀位寓直於雞人此洛陽少年所痛哭也寧暇爲山靈地乎

順天府宴狀元記

萬曆丁未春三月十八日偶之順天府答拜一貴人既及門見群役駿奔有驅數羊入府門者余不知所爲隨衆而入避於土地廟須臾鼓樂喧甚有旗數十隊列於大門內見首甲三公至旗前下馬順天府丞乘煖輿繼其後抵二門余爲衛官所拒遂趨至貴人門投刺謁者云主人方有事公宴至七獻始畢郎君須面謁何不乘暇至廳事一觀乎

九齋集

卷之一

七

余然之遂脫從者帽衣青衫作趙武靈故事自堂後趨至院中見首甲三公與府中五公分賓主禮獻酬之儀備具每行禮府丞不與諸寮屬同就位則三公面南府中五公俱北其食前三公皆方丈而有花罩踞其前府丞亦如之群公咸稍殺酒初獻止樂教坊官致辭畢有優人戴判官面目而上手持數籠兩綺服人從傍贊辭判官持籠照耀數番提一壽星出復納其中簌弄再三若復有所出竟杳然而下二獻則上絃索調唱喜得功名遂乃呂聖功破窑記末齣也唱者之意豈欲諷狀元母

九齋集

卷之一

七

以溫飽爲事耶迨三獻則一人手持三九弄之良久四獻更事絃索五獻則二人戴鐘呂假面作胡旋舞夫三公方極人間之榮而遽傲之以鐘呂若濃若淡之間似於有意無意矣六獻復陳絃索七獻奏細樂止獻先徹榜首五卓每徹一卓則榜首之頭漸露少許由此思之當優人演劇榜首直埋頭於菓間耳當其時藍縷之夫踉蹌廳事殊失大體以次漸徹徹至府丞而八座悉起賓主各一揖而出主人送客至二門候客上馬復出一拱而散府丞隨送榜首歸第嗟乎國家待士之隆至於此而極矣回視囚首跣足之時榮辱不天壤乎余謂始之辱之如漢高之踞見黥布已而榮禮之如黥布之集羶邸中此皆英主所以馭豪傑也方之師友之朝雖遐哉邈矣顧今日之寵榮其誰錫之秋毫皆天子之恩澤而敢有二志余以爲若黃子澄之於聖祖楊用修之於孝武二宗可謂無愧處變商弘載之忠盡廟廊羅豫章之經濟田野可謂上無負天子下不負所學矣余觀三公皆恂恂不失儒者而榜首公猶故衣敝靴不事修飾觀者皆唧唧嘆異使能終守其恂恂由此而卿相

亦何至於驕吝哉三公服飾皆等惟榜首所被之紅乃金繡雲鷺它無異也草野之見不敢妄訛大典竊意教坊雜劇不當陳於黜進之初宜一切罷去而獨存八音之奏七獻畢則賓主當速起別以下寮司徹不宜坐俟徹畢似以酒食爲重者未審蒞事以爲云何余久居京師當皇太子初出閣就講有故人爲講官約余往觀余耻衣青衣與奴僕等辭之後遇皇太子冠婚冊立及皇太孫生咸可遙瞻聖顏友人亦拉余往余皆苦晨興卒不肯就微服今竟以邂逅得觀盛典雖見所未見然亦可以占余之衰矣

白雲山房記

余少不喜羽流年二十餘屢夢與神仙遇遇輒有記會中年多病稍習養生家言丁未夏太醫金君爲余鄉人告老而歸以所剏茆庵五椽畀余庵枕燕京白雲觀之右余買室中所藏書酬之三十金復葺之將讀書其中俟我之去也當公之方士有客嘲余曰夫夫也儒而縉十五年矣而復竄於羽羽之後將安竄耶余應之曰吾聞之鳳兮師於猶龍象王嗣於青特三氏固無分也羽流自關尹而

下奇踪異跡代不乏人若夫有關世運殆數子焉當祖龍燔書銷兵之日目空一世謂天下惟我鍾鑪而滄海君獨基文成擊之博浪以開群雄弔伐之機於是炎漢之祚始建迨隋之季煬帝梟獍爲心恃其富盛疲民以逞神怒民怨群雄蠭起徐鴻客獨發盜機建直向江都之策令玄遂蚤從其計挾天子以令諸侯北嚮爲百姓請命唐文雖據有關中固未知鹿死誰手也度李不從遂潔身亡去及於五代朝臣暮主人民無所適從陳希夷抱濟世之資將率羣少年入據汴京聞藝祖登極遂終老華山而天下從此底定嗟乎三代而下車書統卜世綿長孰有如漢唐宋者乎乃其始基皆羽流謀之則儒釋之得肆意於綠綬縱心於白槌直仰承羽流之燄沫固不得以貴與空傲之也然余尤未滿於三子焉夫壺中自孕扶輿巢中別具日月一枕而夢挾龜茲負荷而唇齒金屋又何必瀕人間以七情眩世途以一幻期博不朽之名哉故三子之行跡雖奇猶未免爲血氣所使若余之所志又大異於是者不待上下之無交而身先隱矣不待病疾之彌留而心先灰矣視函關之攻劉項

京洛之閑李寶夾塞之閑梁唐精列據盆缶而爭也劉季起舞於咸陽文皇詠咏於萬乘藝祖詛言於券書忝民嗜膚血而果也足亂我一息之風雲乎客曰然則子之依棲白雲也必密契于雪桃折梨矣余曰否否通密真人當金元興廢之交元之興也如金翅搏空攫蛟龍爲蓮豆誠不可仁義喻真人適丁其運不憚間關萬里爲英王畫祈福之謀建開創之策使華夏蒼生並沐無疆之澤其功偕耶律楚材劉秉忠同垂宇宙似不屑與滄海希夷毒逐中原者余也何人而敢妄希萬一異日有

九齋集

卷之一

无

記夢

癸卯秋八月二十七夜夢於大江中登高樓四瞰樓倚石排山足水勢騰沸其聲如雷山有小廟一道士頭分兩髻左髻微有癰腫以手探廟中出青菓一枝計七枚使余嚼之隨口而盡復手絨一札且寄他菓云須與襟契余顧四座見一故人方憑几作書卽呼曰顧視世間豈復有踰君者耶髣髴

而覺因援筆記之當情故人手書一紙苟石排難登便勒之金山以結仙侶若故人欲索續夢道士不得久稽青栗信也石排山在金山西郭璞墓

悔讀古書記

始余先人蓄古今籍甚備八歲時涉獵司馬通鑑不知有新唐書偶見先人補之因叩爲何書先人笑曰是當留之以待汝讀者已而先人客京師旅亡余兄漢父課余制舉統一切古今書皆秘之年十一始習春秋讀左氏竊向書肆欲購韓昌黎全集誤得韓非子以歸喜其文詞每篝燈讀至于夜又二年竊史記卒業未半輒爲藏書老奴索去會有以唐詩選見遺者得之如得醍醐朝夕朗誦與天籟相和於是始成吟焉時年十五矣自是害舉業之事不一而詩與古文詞居半焉二十內闕於古遇兩漢以下則勿視曰是蝕吾古色者也二十外雖稍縱目然遇六朝而下則掩卷曰旣不慎而蝕先秦忍蝕其餘乎其於詩則三十內非唐人未與有睫遇也至三十外老於世途精神業已銷亡而始悔株守之非則無及於時日矣

日本刀記

丙申秋日侍師於真州公署時余年二十八矣猶有不羈之思從師乞日本長刀一口師尤之曰泰寧之朝安事三尺余對曰鋒鐔可儀佩之幾年真成鷄肋竟贈之武人此刀風雨夜時颯颯有聲明晨離鞘常二寸許亦靈物也迨壬寅以先慈訃南奔值夜復宿是館弦月積雪風景凄然迴念壯心恍如隔世日月不居老將至矣此英雄所以撫髀而泣也

記夢

三年不作神仙夢矣戊申冬十月旅虎丘受清淨法門於方士至初十夜醉歸法堂霜月澄空樹影身中見疑隨落葉俱飛也寐至五更夢日在辰矣見天北數星最朗中一星如紅韎鞬冉冉從碧霄下以手接之乃青琅玕也復見有亭亭而來則五色鳳也亦接之又有緋緋而入我手中瓊玖一枝也此時自以爲神仙而不虞其醒欲醒時覺五體磨蕩左手執一石子幾與性靈俱不自持豈非所稱六種震動者耶倘嗣是而猶故我焉亦負此夢矣

真娘墓記

嘗讀離騷至夫人兮自有美子輒嘆曰子者男子之美稱今天下無男子矣意屬女子乎存此思以求之四方二十年其於男子益啗然并女子無之也將無所稱子者終不得見耶戊申偶於友人席間逢徐女郎冷然善也已而見其御境甚寂片言而使受人却一時之餽意驟驚亟與具兄妹之禮而行女郎昔從人矣人負之遂至今流落然其心不可一世雖貧不能妝而眉未嘗感視人之權利一笑消之穠日余讀書虎丘女郎携酒相訪酒半余微辭叩其究似亦疑舉世無男子也於是宋生慨然指講臺之東南謂之曰此非所爲真娘墓耶彼未嘗隨男子殉七尺而能令騷人文士歌咏記之迄今登山而吊古者猶知有真娘焉其籍甚不居莫格下也豈非其意不可一世之精靈迥出男子上哉向使其苟焉殉人則當世豈無王孫公子共比翼締連枝者乃獨孑然殞骨於名山雖其事杳然無傳要其心必以爲世無男子而寧甘寂寞於地下獨往獨來與宇宙相終始也若不觀於月乎月之往來未嘗附日而行也而其盈縮自如光明常在千古麗其真于於天焉今子旣不可一世

何不買地茲山暨今而往竊附於真娘乎顧不必
世人之知而傳與傳之久而事蹟張也但令吾心
無愧於真娘而已苟其無愧又何靳以男子之美
稱之乎異日雖稱為徐子墓可也真娘墓在懊惱
墩旁懊惱者世傳闔廬墓成慮工師洩其秘遂椎
埋之工人皆懊惱以死事雖不經然古樂府有懊
惱曲則懊惱之名亦殊爾雅真娘葬其間豈亦以
懊惱而死者耶夫令世間有男子安得懊惱事也
地屬梅花樓僧度不可圖意窪潭之東多圃地高
闊不特南北與真娘相望卽晨鐘夕梵塔影松風
九齋集 卷之一

寂近且饒一枝半偈便可了悟無生子亦有意乎
將并子之心子之名化之矣

遊彭城雲龍山記

已酉八月南還晦日泊舟彭城南日晡矣見有浮
菴在山巔因南步約三里至其下仰瞻浮圖壯麗
且聳門鎬寂無人遂折而北行五里餘過亂塚循
西而上爲雲龍山中建龍藏閣群碑列于庭自閣
外轉西北有石累小浮島供石佛而無有東數步
爲放鶴亭後題曰息羽軒四眺空洞神情翩翩焉
傍日飲鶴泉已湮沒矣自放鶴亭西數十武抵一亭

中刻雲龍山下試春衣之咏及放鶴亭記皆蘇長
公謨悉非手蹟至我朝始墓勒上石意四戰之
區斷碑與野燒俱灰良可吊也寺僧靜如處女杏
若無有會日暮不及叩扉而下遙瞻北山疑爲戲
馬臺亦不克登歸途經漢高廟夫彭城固楚地不
祀魯公而祀漢祖可謂以成敗論事然魯公固淫
兵顧慙此土或無靈宜矣若漢祖廟貌于茲獨不
畏烏雕橫槩人夜半叱咤耶余觀彭城山勢散緩
走而不留縱令當年未經河徙亦非伯氣所鍾而
楚王卜都其間信沐猴而冠至于今日城枕河右
九齋集 卷之一

登雲龍北瞻則城中虛實盡呈兼以河流盈涸無
時若非國家竭帑藏以拯泗陵之溺而挽符離
之衝徐其槁乎不其魚乎

遊石排山記

汪南之人渡大江者必登金山間登焦山余年二
十卽爲妄心所驅於二山猶逆旅也已酉南歸嘗
棲遯金山之盤陀石者累月時與老僧大虛盤桓
龍王廟前輒欲遊郭景純墓老僧必力止余且曰
其湍流處不能載一羽毛船旋其下必溺無救相
傳以爲通弱水第一泉卽其處也余時鬱鬱不得

志遂不獲買勇尋以事渡江南歸越辛亥夏遭惡
奴侵漁輸額乃身自往役夏四月十有七日泊舟
北固口舟人方豎帆牆洶洶余與甥王孟張買舟
登金山時日已未刻矣風靜瞬息而抵金鼇處由
龍王廟登江天閣瞰吞海亭眺絕頂至盤陀石北
由玉帶橋經無梁殿而僧太虛以事之瓜州視岩
下有小舟泊玉帶橋前余遂與之謀進石排山兩
舟人皆斑白矣忻然就命而無梁殿僧使一小沙
彌從須臾至石排望金山若可呼與景純墓中
斷石排凡四峯一峯最高其色如聖鷹隼棲息其
上呼群而啼殊有風雲之想其二子侍其一如偃
孫焉餘皆亂石疊波濤中自專車以至如拳不暇
枚數余每石必涉涉必視江流所在徘徊久之青
蘆千頭有若揖客而前其山形長于南北而東枕
急湍西復爲迅流所阻中雖有數石如接然皆越
踰數丈勢不能躍乃下船復刺篙數十丈許始至
景純墓北余謂孟張姑登西巔余與家奴虎兒翼
而行虎奴捷若猿猱余令之前道喜其石態珍瓏
色宛似靈璧而奇古過之石勢皆側生若遭巨靈
所操疊之成片而復故雕挾其中者視其底益空

九簫集

卷之一

七

洞不可測北有大石爲溝溝所衝自立山外每濤
過山下復激而成峰其聲甚恨始非人間思慮所
能想像計武林之飛來震澤之林屋陋殆甚矣其
差參之處卽相間隔劈空直下至不能容一趾一
步一惜遂使懼心頓忘不覺此身之輕也越西南
拒大石始盡其徑則有急流穿石中而過怒如奔
馬沙彌爲余曰此爲首排指龍王廟前旋流曰是
爲二排而因言玉帶橋西爲三排余自快登涉異
境不減二十年前遊震澤石公山時因自流之西
循行而北石勢益險偶失一履下視數丈使虎兒
探出之余亦從下徑而東遂至景純碑下讀金溪
謝仲公文文甚都雅可念因涉水中北登大石
別列一區越流走諸石中數登其巔皆自割擬東
步流沙阻石排中流而止遂箕踞水石之間規畧
其山勢以三流分而爲四山而北復有大石獨爲
浮沉其中亂石如龜鼉以利涉又不知凡幾大
畧分四山而規其形似長於南北總四山而論則
東西爲修要其石性則片片皆從南北裂也而山
形亦如之四山之勝以景純之墓爲首而其勝又
盡在西巔若非輕生如余不能探其奇也使能卜

九簫集

卷之一

七

居其中何減六鰲之戴三山耶余顧謂孟張群石
奇絕何不嚮良嶽一行孟張笑曰焉知今所餘者
非朱僧下駟乎余以爲此必有神物護之朱雖窮
於披訪然亦臧氏之子耳且聞花石盡爲金人
火攻之資則必無靈者乃從之北耳余爰嘗謂余
言吳門徐氏園中尚餘花石三峯石勢奇絕有建
之者主人輒歿則其不渡江而北蓋有物憑之而
況大江之中尤龍神所呵護耶余友人王伯高謂
余言風雨之中金山僧嘗見有異物若獅象馳馬
奔走其上千態萬狀不可名指則疑其爲神良不
尤齋集 卷之一 三
誣矣山縫中有題字摸其姓名已湮僅存紀○肅
皇帝某年而已聞冬月水涸時土人亦有涉者其
四山皆可徒步而盡則今日之遊他時可復續也
鼓舟更渡三排於盤陀精舍少息與土人偕渡江
抵京口復遊玉山寺而歸舟則舟人已立檣高五
丈矣

九篇集卷之二

序

友人周叔宗本音甫校

何廷濟詩草序

何君廷濟於不肖爲中表叔幼奉先人命又兄弟行也廷濟少以慧聞已而棄儒飄然有遠志自辛卯迄丁酉燕齊周魏楚吳越之區靡有遺跡亦靡遺詠大抵得山川之助其辭有非想象之所得者昔虞卿窮愁而工著書太史公遠遊而文益肆廷濟兼之宜其造之不測也然廷濟故負氣以爲漢仲翔沒身窮海死願以青蠅爲吊客悲其言感誦之嗟夫伯符兄弟俱爲人雄仲翔受知於伯符而見誦於仲謀乃伯符早世而仲謀多年造物默已侮仲翔矣能因造物之相侮也而能相安焉即窮海無奈仲翔而況仲謀耶惟其忿忿於伯仲之交故造物得而侮之然使仲謀而知仲翔亦不過秣陵履劍人未能出張子布上也履劍之與蓬蓽百年安在至今慷慨之士讀青蠅一語慕仲翔之爲人習習猶有生氣以爲若不可測如諸葛昆弟者則不遇之功也嗟乎使廷濟而受知於時豈能出

張子布上哉余因是慨仲翔之不達達則青蠅猶仲謀也奈何與造物分別不置乎若夫音律之詞皆陰陽慘舒之聲也將雨而濕將旱而焦音之徵也廷濟之音不傷天地之和而不損國家之氣將來必有所遇用展其奇俾子孫復先世之舊吾固於詞乎見之矣異日采之太史奏之明堂亦何慙於太平之雅頌幸守而勿失不特羔鴈于四方其竹箭於東南者乎是爲序

賀楊世叔先徵君暨太孺人孝節序

宇宙一氣而已國家藉忠義之氣以樹萬年之基由高皇帝之精神足以鼓之鼓之功非變不見非見不明世廟之世乃聖作物覩之時而先黃門貞之以忠先徵君繼之以孝太夫人保之以節然愚不以取義多先黃門而歸其德于皇祖不以孝節多先徵君暨太夫人而歸其德于先黃門者何也化成於國而臣見其忠刑儀于家而子見其孝婦見其節也匪皇祖有以鼓之忠將泯矣匪先黃門以基之孝無由而節無自矣匪世廟之作則無以見而明之矣故曰忠義不得已而見因其見而知其相鼓矣可以鼓一人則可以

鼓萬人可以鼓一時則可以鼓萬世吾以是知世叔之事君當無愧於先王父事親持已當無愧於嚴慈矣譬之鯨鯢之育於南溟化百萬億而無非鯨鯢者亦無不息六月而搏九萬者非其子有心象之由父之氣定之也易曰同聲相和同氣相求又曰鶴鳴在陰其子和之世叔其和而求之矣詩曰樂只君子邦家之基吾黨有以樂其基矣然而吾不忍其見也又不忍晦其明也世叔之於君親其亦順天之則而更期履尾不噬乎

錢氏劍策序

九簫集

卷之二

三

蓋余之再遊長安也與英六周千侯交甚歡千侯嘗謂余古法不傳者三曰劍術曰坑法曰畫眉坑法太慘酷而畫眉都無男子氣皆君子所不道獨惜劍術不傳使萬世之抱孤忠懷陰孝紉深恩者無從洩其至情致陰陽日月反覆薄蝕而不已則君子不能無遺憾焉且摩空運鏢而龍樹魂銷垂橐藏鋒而鳳旌仙去雖瞿曇柱史家不廢也第術則有道非浪然挺三尺比觀魯勾踐之啗荆卿可知矣而余以爲勾踐之術非若後世之韜光腦後練魄爪中意必有制變決奇之畧彼夫循柱毒逐

殆當斷不斷者也然高麗小兒八歲運劍殺隣王如戲豈殺機天縱直生賢於慶卿哉非也嬰兒之天全故勇於敢則殺而荆卿有武曹祖毛之心以人參天其天不全天不勝人乃喪厥身術之不講固也余本恨人遭時不偶宿仇未復無異來丹少年嘗與客論劍客謂古之鑄劍鍊以五氣淬以精神衝磨之以湍泉收攝之於日月乃今一一絕響則劍之失傳豈特術哉并亡鑄矣於鑄劍而因訝唐人劍術之奇當李林甫作相時世號腹劍酷嗜鯽魚有客因貴人書饋遺甚腆中有鯽魚百頭客退李還魚於盤中跳躍如辭樽俎狀李令人悉投之池取最後十餘烹之纔下箸及腹忽小劍數百徑憂爭飛交着李額漸入竅中一不可拔由是忿痒驚悸卒至不起竟不審客從何來斯之爲鑄抑又進於伎矣錢郎好奇所爲詩若文咄咄逼我家大夫少年嘗師蒼海而事白猿及與余交飯依三寶辛丑季冬余以先慈之變顛沛南還瞻雲訟過求死萬端而四方之交象先首辱余時骨楚聞象先來霍然減半秉燭乙夜憶留母不俱征之詩悲慟欲絕久之稍齒家難錢郎抽袖一篇授余曰此

九簫集

卷之二

四

承影之遺柳杖中置劍克復父仇宋生竟無意乎
余拭淚敬受讀禮之暇稍節哀誦之雖微軀在疚
卒不能掩其故態龍蛇見血理固然也數日別去
中夜思錢郎文弱每欲與余結維摩之社是編猶
老衲徑行於酒肆淫坊之間歷見空花祇成一笑
彼之慧識自有般若鋒金剛劍在也客欲鑄劍而
問術則春申之築鉦城北之干薛可乞靈焉奚必
錢郎之說枯哉嗟嗟三尺之人廢身而用劍八尺
之人廢劍而用身其名皆足以致千古貴用之何
如劍蓋未嘗負人也知所以用則雖取錢郎編秘
本齋集 卷之二

之枕中身固在杏壇與漆園祇樹間也林澄不能
文聊談談簡端爲錢郎左袒

蘼蕪館手錄序

華亭春申浦之南九里爲余故鄉去所居東三百
餘武有大水通朝夕潮晨食後輒放舟柳下觀水
之去來悟剝復之理感水之盈縮知盛衰之機其
來也勇往其去也勇退其平也勇沉信乎非天下
之至柔孰能運天下之至勇乎况夫文漪千變濤
迴萬端每境與心會無適可踰往往終日而同居
之人無可與同是適者因携古人之書與俱遇奇

事則錄其始末間加點竄使讀書臨水之適更番
日中而吾之適益無窮焉夫吾土有此水已來不
知經幾年矣至余而始與之適是豈水之幸耶不
幸而值余猶幸而同古人之書水其可以無憾乎
然余之所携者非經則史也不東夫性情則滑於
機智比夫水之澹然有背馳矣余也以書浮之而
藉水汰之不幾得罪于水乎是余之於水適猶未
也彼適於水者斥書豁日雖梵語道編猶將付之
陽侯而况經史乎時余居喪方苦胃疾飲食日廢
得水之適稍減半焉已復自悔不止於讀禮而浸
淫他書不死於伏苦而留連一水余名教之罪人
矣抑語不云乎苟有過人必知之敢題諸簡端以
識我過曰蘼蕪館者言宛在水中央也

積雪館手錄序

平生雅好遊興之所至輒竟千里雖於陸風雨于
水波濤靡間晝夜會有天幸得不死於盜賊險阻
然以母在興盡即還與世之因利而行失利不歸
者異已亥之秋爲明年文戰計時未有兒遂携婦
北上而老母守先人丘墓義不遠行迨庚子文弗
式斥於當事秋風蕭瑟囊金無以治歸裝而此面

又不可向人且水將涸矣及春而婦姪遂不克謀
歸雖卑騎歸省不幾月復抵燕市婦竟緣病墮娠
乃天不憖遺老母遂於是冬謝世聞計之後悔恨
欲顛行止如夢至大吹鷄鳴皆勝我之有生而求
死勿可藉諸先生力獲出都門憫然若昏暗中行
及克抵家而悲勞磨至寢食交忘越不兩月自分
死矣苦無以餞日遂取古今書讀之遇奇事即錄
在舟曰靡蕪在陸曰積雪積雪者取吾家大夫積
雪之句有其名而無是館也客嘲之曰子之於舟
也虛而實之於陸也實而虛之亦有說乎余曰客
未解于虛實者也夫江南之地非舟不能致遠故
置艇以自便捨水而陸舍陸而水莫余阻也或鼓
之以蒼頭或買之于三老余勿畫也以靡蕪名而
未始以靡蕪實也盡舟皆靡蕪則盡靡蕪皆吾舟
也若夫陸則無不之也無不宜也主固館也客亦
館也天地遽虛也遽廬盡積雪也又何得指已室
爲積雪指舍非積雪哉由此言之靡蕪固非實
而積實

基于累劫慧泯于三迷雖欲崇虛其可得乎雖然
虛矣而錄不焚實乎錄實矣而過去不幾虛乎知
過去之已虛而見在將來果有實乎山河大地皆
虛舟也而奚止於積雪之館

偏憐客序

古詩云人生一世間忽如遠行客則世人盡客居
也杜拾遺羌村詩云夜闌更秉燭相對如夢寐則
真境皆幻緣也彼家居者豈得稱主人而笑客之
失路哉余自束髮作客往來燕齊幾二十年其於
人情物態始當之歷歷皆以爲真而得失若
之心稍不動視境之往來如影過清池了無有礙
夫都妄施而妄應則爭否則澗然而加未有不寂
然止者丁未因病將事南歸先數日東裝遣蒼頭
驅車下潞河獨與妻孥居城中俟奚奴北上與俱
載而南無几席可以延客終日杜門思從前皆成
往事不待秉燭而蝴蝶已栩栩目前慮作客者蹈
余前轍而指妄緣爲真境因戲列人情間及它事
以博作客者一笑所謂曾爲宕子偏憐客也令它
日彌留得清淨如今日亦不悔此遠行矣吾何脩
而得此

崔剛神茗詩序

金山江天閣爲五聖行宮其左有像烏喙執利器侍立而容猛者乃崔剛也相傳崔爲神姓生宋世係蜀人或曰清溪人持符泝江溺水遂屬五聖有叩如響應歲終焚袍以百數當孝廟時江天閣壞崔常三見夢於魏國閣始告成或稱崔江或稱崔綱以義測之崔剛爲當其茗訣粘柱間利不堪讀索副本於道人辭以不能書余慮道人老去而柱紙剝落遂以筆札口受之道人間爲藻繪而什諸梓竊謂崔綱溺而爲神意生前必有正氣可建

卷之三

九

九

天地故雖存爲下吏而沒猶能自振於人間其裨靈官殆感靈官收之爲知已乎否則抱關意也豈若世人之淺見薄識倚富貴爲城社恃筆札爲戈矛多上人而驕國士者比耶度其陰功未躋大神雖尊之以侯王之號且有所恥而不受矣顧土人旣崇信之而使侍立儔伍之中朝夕更衣簪花灑醴神必跼蹐不安愚以爲故像聽其侍立而更建廟貌以祠之則一歲之緋可以鳩功若曰五顯之靈崔特掌記則緋衣豈宜獨加之崔哉計崔必恥于受也惟其受衣而宣靈吾知非倚靈官而靈

者矣且靈官寔五行之神與日月並行與四時錯序倫符五常道備五德散于物則爲五氣之精厥神赫矣而崔綱獨司其明以詔人之緩急盖有砥柱之思焉決決乎殆要馮夷而招海若者乎奚第五行之功臣也尼宣曰抑亦先覺者是賢乎神之覺先於事可謂賢矣賢而祠焉夫豈曰淫吾願與茲土之賢者圖之也尤願賢者之志茲山齒之也倘亦國家崇明祀之意乎

南雲小言序

生平作詩而不解作詩林澄也然而自喜不已迨

九

卷之二

十

先慈亡而口不成吟亦絕不喜作矣今雖偶一爲之直馮婦耳非真好也憶昔真好之時詩來觸意非有意搜詩搜之第成韻耳豈可云詩乎然此境見于未解之時及解無之矣京房善易之語豈欺我哉已酉春將遊四方苦無羔鴈檢笥中有南雲小言一卷乃辛丑歸省道中作也惜其爲絕筆之詞故先梓之并以識余之于詩未嘗解如此澄居恒自病多情而不解好色語韻而不解作詩世有同病者必賞吾之能自知矣

九篇集文序

具神仙之才故降而爲詞人稚川隱居白叟類也
稟帝王之資復佻而爲文士魏文梁武唐文皇也
是皆有凡骨焉德乏臯夔才非周傳而欲致君堯
舜湯武者屈大夫賈太傅曹陳思杜拾遺李供奉
韓吏部之牢騷也吾與其進也其才足以經國其
識足以逃禪而其俗腸不足與語出世碌碌不休
蘇子瞻也然而吾見其進也可以語上者也余之
才無能語下然計於今已不作人間想深心可以
奉塵刹矣因視昔年所爲詩文皆血氣之餘耳豈
血氣而足語上哉聊存之以語下而已嗟乎雖稟
九籥集 卷之二

僊才落筆則俗焰蒸雲雖馭仙禽對人則塵埃滿
面噫可悲也夫噫可悲也夫

九籥集詩序

嘗觀游于魚矣觀飛于鳥矣彼都無所爲品格學
問才情風韻也而盤旋迴翔動成文焉試語以若
何而善雖折其翅尾豈能從哉惟人亦然歷三代
而國初家自立戶未始借人門牆也借之自嘉
隆始至今日而舉世盡新豐矣近且勦爲巫辭箕
語瓶罌之花虎豹之羣以號于衆曰是爲至文豈
非詩文之大厄哉所以濫觴至此者品格學問才

情風韻悞之也余以爲飢則思食寒則求衣一皆
出于自然今捉筆之時而有如思食求衣之不得
已焉庶乎亦鳥之飛魚之遊矣此吾所以恥吾之
詩文而不忍復作也恥之而顧梓之堅吾之不復
作也

壽大宗伯平翁陸公九十序

粵觀結繩而上壽蓋以千萬紀未嘗有谷神玄牝
之說也其服食無日月丹砂也彼無意而得之者
何渾噩以爲之德畊鑿以爲之功唯諾以爲之言
凝神於和而求精於氣兩間不囿萬物無姻奚止
九籥集 卷之二

千萬年乎深山異域其人至今在也太保公釋褐
於世廟當利見之幾而潛德勿耀汲汲焉惟名
是逃迨穆廟新故之會則翩然遺世以自遠於
黨人暨於皇上德與歲隆乃更忘年而與世相
遺以抵於今蓋九十矣其渾噩也慎參兩而潛神
秉中和以貞氣四海因之而寧物候憑之以情其
畊鑿也維天紀地不有其功睠彼濯濯居焉可風
其話言也弗與蠹魚爭文麟感而語可法辭可經
逃名而遺世遺世而忘年五行欲賊之而不得其
命陰陽欲乘之而不得其情氣之往來與天爲一

體之堅強與空爲隣桑海聽其變移山河聽其帶
礪二曜聽其頽明而公之壽考矣止千萬年乎固
曰深山異域其人至今在也猶有說焉祥麟威鳳
有道則留今主上富於春秋有意追義皇而上
公操中和之道默鼓潛蒸以共抵於化日令含生
負氣享太平於無彊則滄海之尼宣且還流沙之
杜史隨返葱嶺之禪德復來其人至今在也何患
於無偶乎子輿氏有言曰國之本在家公之長君
與夫從子以美則世濟以爵則蟬聯也惟此諸孫
爲鳳爲麟紹箕裘也此邦之人君子頌德小人頌
九箴集 卷之二 三

旭崖高徵君純孝序

余讀立峰高太史氏狀旭崖先生行見南泉君字
之孝卿則敬其爲宗黨重至拯南坡於陽侯致大
士之靈藥幾於感神明矣及夫遇蠻夷以七尺爭
親於鋒鏑化狼而爲仁則又驚嘆而不得其故以

爲宗黨愛我者也鬼神左忤而右仁者也乃若蠻
夷微特宗黨異之非與鬼神爭禍福者乎即一時
懇至孰能使其信之即信之又安能致其拯我於
危更反覆而得其說書曰皇天無親惟德是輔又
曰常與善人輔與之誼若比而翼之豈其形色翼
之乎我心與冥冥之天相信相持發之於意吐之
爲言辭措之於坦途逆境無非天也無非德與善
也已信之人信之已與人若迫於鬼神而不得不
信之萬物咸失其依伊我獨若睇而迎其恃故禹
言死生而黃龍蠅蜺匡人致圍而述文司馬伐樹
九箴集 卷之二 四
而據德珪璧以愈武金滕以感成豈有心於拒
頑招幻異哉衡其和以利往而惡境不足以相
虞困而亨善與德之驗也旭崖君以父母之故讓
貲產遜婢妾撫養孤弭讒口蒿心勞思爲明夷之
柔順耳目無功言辭若鶩彷徨惟祈信於鬼神如
離騷之託蓀荃以自諱及大難而益貞其操斯時
也物莫能助已忘其生鬼神於是乎若左右而脫
之孝之驗也又何疑焉不特是也神龍之虬無俟
養晦而能召雷電興雨雲異於鯉之待化蛇之俟
角者何箕裘其父母也今寅順君之孝行已表於

督學諸使將與旭崖君共對揚 天子之休命風
鄉黨矣斯其爲皇天所輔與其徵信何如而鬼神
之所以報旭崖者不既殷哉向令朝行其孝慕而
必白之讒言冗興親心乍晦必有乖離之心以敗
其和德鬼神且將惡之豈能免親於大難以永錫
爾類乎太史氏之三致意也宜哉

送杜玄度乞恩終養序

往余少年從公車業讀玄度制舉稅從橫四出妄
策其究竟當與賈董儔已從友人讀其詞賦如核
叟班生居然大雅之遺信千秋人也嗣後十年見
玄度登仕籍官中翰心惜以彼其才何難第甲乙
而顧効曼倩避世金馬則疑其不屑與市曹爭雌
雄故跡寄一官而神遊千古志意凌世人上

九簫集

卷之二

七

又數年偕旅燕中相與經過甚密居無何則玄度
將陳情乞休扳輿從太夫人賦閒居矣余始驚咤
曰嗟乎我乃今知玄度非文士也今玄度特文士
則今日之歸有春明之柳色鶯聲在何所置喙今
觀玄度之出處始終古人也古之人工藝學以服
勤苟親供養備則爲政於闕堵之中奚待質之尼
宣徵之季路雖鼓刀以屠不於親在時許人身也

彼其親在而仕不過糞斗升以供甘脆故雖爲監
門津吏勿惜微特捧檄者然其情形不載於典籍
何暇更僕數哉乃玄度契之素矣夫是以不世出
之才無意爲引錐懸髮而揆義衡時毅然俛就
一命豈其不念先浪穹之施而勿竟先光祿之絀
而勿伸哉獨計自王父已來三世一身耳已衡命
而與造物爭設不我憐非忿懣傷天地之和則且
釀陰陽之疾而貽太夫人憂又今浮沉諸生持不
可知之勝負以厪倚間則定省之謂何即令殫智
畢力拾一第任職則蒿目民艱在朝則憂心 國

九簫集

卷之二

十六

是孝思與忠誠交戰而靡有寧宇亦於太夫人色
養無當且太夫人昔侍先光祿悲伏櫪者若而年
於倚伏直塞馬也日夜含啼而支柱氏之門祚獨
以藐孤在耳自藐孤成立外豈復以紛榮繫念哉
視紛榮猶柴柵也玄度上而計安太夫人心下而
計養太夫人志無如舍進取以自愛於是借進賢
冠以塞公車之路而旋謝進賢冠以奉扳輿之歡
蓋視太夫人外無復有重雖身非吾有之而何有
身外之浮名始計制舉分吾志則謝去惟慮不斷
旋計 一命全吾孝則就官惟慮不勇終計 魏

闕違吾恭則請告惟慮不速他何庸計哉抑吾聞之太夫人喜睦宗黨撫孤恤庶養而玄度克濟之仁好推布操作分胥戒老而玄度能承之敏度祖宗之蒸嘗祈胤嗣之繁衍禮西方聖人勿怠而玄度復一一遵之敬蓋太夫人昔勤而今弗怠者玄度已措之躬脩即太夫人欲行而弗露者玄度又奉之無替則無論太夫人色喜無違彼蒼寧之鑒和以降休又當何如耶况造物常侈畀玄度以才而將大介之景福矣玄度第約收其功而以其餘還之造物造物不忍收之而復畀之玄度之子

九箴集

卷之二

十七

孫太夫人旦夕觀麟趾之振振而有不怡息加飡者乎吾見桑榆方挽爲扶桑而烏哺且移爲燕翼矣孰謂玄度之出處與古人殊哉不然以玄度之逸才遠思勉而就功名其表見何患不如賈董而竟以親在薄功名則且不屑爲功名士而顧屑爲文士乎乃玄度既以官隱孝復以文藏名飄飄然于景曜而拂雲霞挾知希以自貴其出處誠未易窺向令不持古人律玄度鮮不以千秋人目玄度幾失玄度矣

建安三曹集序

史稱孟德欲以子建易子桓之儲而子建因亦自炫德祖輩陰趨附之故子桓恨子建入骨觀白馬之咏幾不有其生余謂孟德身親袁劉父子之禍必不蹈其覆轍而故爲未定之天以困子桓而使其工於辭激子建而使其抗於節者蓋知子桓之才不敵子建而子建之節過于子桓若蚤自堅決則儲位已定不惟子桓作傳粉大家顧曲綺筵中即子建亦與鶴鳬相浮沉何有危疑而微吟悲咏偕屈宋孤憤子墨如在沅湘間耶乃知子桓之雄于詩子建之忠于漢皆孟德以機智鼓鑄其間非九箴集

卷之二

十八

心而於子建恩禮反稍有加耶且其儀圖洛浦幾
與巫岫爭妍衣家新婦至此亦將難結子婆娑永
巷中與殘霞落照同慘慘澹矣况血污遊魂悲深
委髮亦是凡流豈能與宓妃同駐華年而子建故
揄揚之若此哉吾觀文中子人倫子建至比之周
孔于忠孝之會有遐思焉豈其得罪名教如是而
顧阿私之乎顧一婦人耳孟德爲奴而提戈子桓
致誚于文舉彼子建雖無動于中而是謗何爲乎
來哉尤物移人不特傾城亦且傾輪矣此佳冶之
致懼于古人也

書明倫

九簫集卷之三

友人吳運嘉叔嘉甫校

論

千金報漂母論

辛丑夏淮陰城謁漂母祠作

世咸以齊王信既徙爲楚王至國召所從食漂母賜千金謂善報德余獨以爲王孫之不能有楚自薄報漂母始也夫王孫饑餓之日非所謂單食豆羹得與不得生死攸係即使母斬而勿顧韓固死即與之而有嗟來之辭王孫必絕去以待斃也乃母既竟漂數十日飯之復絕望報以安之意以爲

九簫集

卷之三

一

豪傑蠶起天下事未可知而自古豪傑每以急於酬恩忘其失已母若遽諾其報則信當漢王南鄭之日必低回相國之前于斗升以期酬一飯豈能棄相國之知如敝屣與諸將俱亡哉信不亡則不特漢王之拜大將不如是急即相國亦無因諷漢王重拜大將不拜則信必不留而天下事從此不可知矣是母之恩非特生信所以寬信心而使信得以從容自愛不愧畊莘釣渭以竟不世之功者皆母不望報之一言成之也我意王孫當王楚之日必且尊母以夫人君國之號謚其夫封其子剖

國而與之俱榮豈期僅僅以千金酬而又與惡少年輩同賞哉夫少年固不當殺然其怨何可與漂母之恩同酬以德耶惟其酬同而天下之施德者傷心天下之宵人始欲爭辱信以博名而信之肯領於是乎不保旦暮矣何也相國之進賢爲漢者十九憐信者十一信用則藉以樹功失則轉而資敵其勢間不容髮又非若母之一飯靡有他念而係信生死也何聞母千金之賜未必不心非信之寡恩而又未必不美少年之以辱信博名又未必不自分旦夕有急信不過上書白之中消當千金

九簫集

卷之三

二

之酬豈能如貫高之以身死請卽高帝亦自以爲鮮衣推食不能過漂母一旦悍將陸梁信不過遣一將軍帥萬人待罪行間當千金之酬而且以要中原要害之地中原之地有限而信之挾求無已我豈能終厭其欲而藉其力哉此高祖與何所以甘心假手於呂氏而不惜也且香餌之下必有死魚信既薄賞夫生我之恩則勇夫志士孰肯出死力竭忠謀爲王孫腹心故武士反接之日無一人趨鼎鑊爭刀鋸於高祖之前由薄母之故有以寒俠士之心而無以鼓其氣也不然信挾滅楚殲齊

之功據南面稱孤之貴一朝爲天子所縛舉國臣民束手無措曾無一人焉如田橫之客爲漢高者亦悍然造其國縛其君如入無人之境豈非旣以寡恩啟帝之疑而又以無黨招帝之侮耶况呂后之猜忌不若漂母之曠遠也而又非有一飯之恩於信也安望其輔尋主事女后爲不侵不叛之臣哉長樂舉動之張皇蓋明忌其功高陰輕其無黨而姑除之以攝伏諸將耳若卑卑陰謀之曲逆亦不過效惡少年所爲以辱信博奇豈漂母之已悞而曲逆肯再悞乎然則高祖奪楚王之號而加以淮陰之稱亦欲使之興慙於漂母而不亡於推食也信乎鍾離昧之詈信者有曰公非長者余於漂母之千金也亦云嗟乎以信卓犖奇偉之人天下惟其鎗錘而於解衣推食之報不免過厚於漢高而薄酬於漂母則報德之難信矣諺曰錫我華衮草萊是溫食我駃騠葑菲是甘曾氏曰君子不以身爲谿壑言作事之謀始也

九齋集 卷之三

王

一日受金牌十二論辛丑秋桃山謁武穆祠作嘗讀史至岳武穆抵朱僊鎮一日受金牌十二未嘗不投淚數行也或以爲此丞相矯詔將在外君

令有所不受宜鼓行而前或以爲此上意也君威不違顏咫尺臣扞旗鼓孰敢奸之全師而還便愚獨謂金牌之來不自高宗不出秦檜而招之自武穆非飾說也請得畢其辭夫檜雖權奸然亦有憐才之意觀其容宴人之僞書賞鴈鴒之佳句雖古之絕纓以覆慙賜侍以結客亦奚以加彼其殘害忠良交通夷狄使人主尊信如鬼神夫豈但師心自用意必有竭思而代爲管謀者乃武穆自王貴牛臯而下皆闔將而非謀士也闔將之用一而謀士之用百有如一且受詔班師闔將之勇果足恃乎恃其勇而抗王章是女直未滅而身爲女直也設轉戰而前期盡敵而反而堅壁毋走之敵果可盡乎不能盡敵則丞相且以抗命爲武穆辭武穆將懸首太白不暇而敢望黃龍一杯酒耶使少保能養士於平日則雖兀術無北走之意而謀臣策士且譟張鼓煽振先聲以奪其心何至彼將奔竄而書生且叩馬以諫指内外之機直勸其毋走也此豈書生無卑食壺漿之思哉意者逆知武穆之英武不可一世使見之者謀失其智縱捫風而談當世之務而武穆弗之聽乎又豈書生之逆觀時

九齋集

卷之三

四

變知天意之不可回權奸之不可剪孤忠之不可恃而自揣日暮顧倒行逆施以一見其奇乎向今奔走之言不出於書生元术必且北去北去而丞相必且膽落武穆前無所阻後無所撓星馳電擊燕齊爲之響應韓常爲之倒戈不日而兩帝之鑒與可還仇人之塚墓可撻燕然之銘可勒雖有金牌豈能止之沙漠哉自書生之言出而术已心知武穆之無成故堅持中原而不去致武穆之師久頓霜露有勝形而失勝勢兀得以其間走使督責丞相丞相慙負約則不得不以擅兵危中武穆而

九齋集

卷之三

五

帝且爲之心動則不得不亟詔班師而金牌於是乎一日十二矣至是雖致書生於麾下尊之如左車叩計所出亦無策善其後而况武穆方寸既亂乎且當其時智謀之士寧止一書生哉甚兀焚斬王之餘艘於江中者閩士也縫衣緝鞅而脫男子於虎口者齊婦也武穆倘得一人則權臣之舌可結頭可斷心可移得一士則批主上之逆鱗如搔背痒寢敵人之皮毛如集狐腋何至今奇才策士如書生者流偃蹇數奇痛扶桑之既遐嗟虞淵之莫挽苟且就敵附會功名以輸國家之大計使中

原與二帝俱喪其口中而莫追也豈不痛哉或者謂高宗時值苗傅之亂帝常慮諸將負恩武穆斬王所以不敢厚賓客與招士其亦有衛長平霍冠軍奉法遵職之意乎余曰否衛霍遇武帝承平而當武安魏其之後天子常切齒故以親附士大夫招賢退不肖爲人主之柄若武穆之時國危主辱釋左車而傳劇孟猶懼不遑而豈容以吐握爲嫌顧武穆之招忌不以結士而以擅兵則結士非特除患抑以建功不謬矣余深悲武穆之忠毅而羅於無辜故重以失士爲賢者惜若書生殆所謂有才而不善用者經曰其盜機也天下莫能見莫能知君子得之固窮小人得之輕命書生於權臣大將之說似爲得機以語於固窮則未也是故狐死首丘君子仁之

九齋集

卷之三

六

侯生救趙論

世以侯生成信陵之救趙爲報信陵是不然也趙魏唇齒之國趙朝滅則魏將夕亡而生終不能論夫魏王之畏秦也故因信陵之急趙遂成其事以存魏而自刎於至軍之日盖恥夫竊國柄盜師徒越國以成名與徼天幸而貪功者等也則生之死

乃報魏也然則何不刎於破秦之日秦破則魏且德我我烏死死則似畏夫魏之斬我以謝過而說夫秦者耳設不死則必倚公子而有心於無君者况俟勝而死是前者不能料軍行之勝敗而觀望以圖微倖者也彼夫計刎頸而度破秦若刺肥珍而飲醇醪也故侯生之舉可以延魏存趙可以抑強秦而安九鼎可以寬諸侯之急可以警謀事者勿高貪名稱以陷人死地畏自討而長不臣冀一於萬終顧望以傷知人之哲又可以明已之無利而迫於義也則侯生之俠也寔安周室安天下也

九箴集

卷之三

七

表

擬○宋翰林學士蘇易簡進續翰林志二卷上
嘉納賜詩二章飛白玉堂之署四字令榜於

廳額謝表 淳化二年

伏以 奎璧騰光鳳藻流雲於寶墨 斗文煥彩
龍章耀日於珠林恍韶護之初成若書契之爰立
榮踰華袞 喜洽明良臣易簡謹誠惶誠恐稽
首頓首上言竊惟王者昭回萬象稽典謨訓誥以
罄宣揚侍臣附麗三垣資討論潤釋以昭職守矧
翰林寄絲綸之命而學士備操化之權地迫鸞坡
雲影斜連于鵷鵠宇依鱗德泉聲激響於鳳凰自
開元起置院之名迨貞觀重專司之任於是院移
興慶館列弘文顧琮之麗正見稱黃門特進張說
之集賢爰目中書再遷然慮苦於不周務系於積
滯遂以供奉而改制誥始爲玉貫珠編直建禮而
侍金鸞再覩雲移星轉顧自開元而迄五代沿革
旣已多端由校書而至相臣姓名大都失次宣麻
瑣院徒誇輟繕習射之榮布澤揚竿僅識勘契振
鈴之小臣易簡猥明爲質竊任鸞局施測蠡於文
瀾期續貂於汗簡例遵昭代時申有密深嚴事述
前聞迭考承明著作荅三首試五題華藻慙工聳
悅序七新矜三昧零雜似同米塩皓鶴脩篁誰謂
月明僊不至煙嵐曉景祇教日麗聖常臨感軒砌

之異木奇花輸忠指佞叨尚方之紫絲青綺護及
紫籤雖誠有同於獻芹詎意不遺於採非恭惟

德由天毓 藝以神遊 起三館於

龍昇寶軸煙雲舒卷 集群書於鳳閣霜毫珠玉

森羅 語語長城五言 字字兼資二體 謂君

臣千載之難遇 識忠孝一生之微誠遂 盼丹

地以垂青喜志於股肱而起歌於元首 瞻王堂

以飛白窮微於小篆而特矜於八分恨 豹尾之

不敵鼇扉清華增貴快 鴻編之復經鳳舞堂構

逾輝 黃盤雕錦頒來不敵紅綃一尺 萬卉千

花看去爭如錦字成行 鈞天蕭管生愁 玄圃

夜光無色 薰風晨露盈仙樂奏陽春 流水

輕雲 游遊絲紫柳絮 披金簡觀玉文天上啣

來青雀 施銀鈎舒鐵畫山中對露玄熊嘆 商

鑪夏銑之徒銘咲漢篆秦鐫之非法 袖占白雪

官中一曲陽春 施捲長空筆底遙飛新月 嗣

五絃三百之逸響調絕朱絳 掃六點二字之類

風驚看筆陣 宮商韻協試將擲地作金聲 委

婉資多恰似迴流翻荷蒂昔高帝安而思危武皇

樂而思悲皆盡美而未盡善獻之白而不飛子雲

飛而不白僅具體而愧折衷寧有如今日者踪紫

庭而超黃鵠式歌燕鎬之辟雍綴銀榜而飾璇題

艷絕鴻都之白聖哉臣易簡久承恩於浴殿驚引

燭於燃窓友盡青雲愧人間之僊境諷陳歆器戒

月滿而日中憶昔五鳳齊飛詔書裁八彩自慙雙

鸞久次磚影過三花芒動紫薇蓮燭人歸三島路

香殘紅燭芝泥露濕五雲封擁茲百斛之明珠珎

却初秋之蟬翼聽從花裏宛若鶯儀韶奏而鶴鳴

九臯瞻自堂中猶如龍跳天門而虎卧鳳閣 雷

門膽落豈容布鼓相酬 洛下心驚縱爾千金勿

授伏願 理音於雅頌 審勢於神情 文濶波

瀾昭海納川流之德意 筆驚風雨宣秋霜春露

之恩威 歌以言詩以志調喜怒哀樂於無聲

靜乎慮凝乎神嚴邪正曲直於罔象 務令聞其

樂而知其德 不徒舉之口而筆之書臣無任瞻

天仰 聖激切屏營之至謹上 表稱 謝以

聞

箋狀

上吏部白選君狀

呈為懇恩除名以全養志事

前件 痛思 孩提失

怙母子相依久曠晨昏向違甘脆私心既以色養
爲念母氏復以惟疾爲憂况學愧雕龍才非繡虎
精神銷鑠疾病無常路邈三千爭羊腸於日月年
將三十媿駒隙於星霜撫心啟慚顧影生涕不惟
成蓼莪之深痛將恐爲野桑之餓人念倚閭而心
同精衛瞻南雲而欽切慈烏伏乞憐瞻望於歸哉
體有懷於明發慨然收引特允除名庶見獵而不
生喜心羨魚而無從結網服勤沒齒敢云負米以
承歡就養無方詎曰捧檄而生喜一舉足一出言
矢不忘乎起敬不登高不履險永遵戒於遠游惟

九簫集

卷之三

十一

素悋以菽水承歡故斑衣以征裘爲累更祈准呈
附卷給照還家旣善始而善終亦進禮而退義使
從庶民之列獲預往役之科禁錮匪同於罪人鄉
隣免生夫疑議則母氏受一日之歡皆仁臺溥萬
世之澤如心因有歉辭出無情願加欺罔之誅甘
受幽冥之責有此具呈

再上吏部白選君狀

呈爲再懇除名批照還籍事 幼年喪父衰黨無
親少依母氏而得生長待明師以遊學旣無同母
之昆仲又乏守嗣之後人敝矣黑貂疑窮途而載

鬼悲哉青簡信岐路以亡羊彼士雅乞休於再三
亦惟截裾之永恨右軍誓言於罔極多因失路之
可羞况 體質素羸不殊鷄肋才情嚮短何有鳳
毛先人之薄田敝廬半罄津梁之費母氏之縫衣
嚙指空驚夢寐之魂豈死灰而舉火可燃幸苦海
而回頭是岸向仁臺以顙慚無非隱豹之心懇收
引以除名不作觝羊之觸蓋辭縫掖而訟言於廣
衆則南轅之妄念頓除乞印批而終老於故鄉則
北堂之溺愛可慰豈復懷青雲之念失之東隅而
收之桑榆寧無抱白豕之羞復于干隍而介於終
日且 國家溥雨露之澤體天地之仁武人入貲
則得爲胄士胄士加納則得爲武臣或武而文或
文而武鷹化鳩而雀化蛤逐氣候以推遷肘爲柳
而臂爲鷄聽陰陽之移易何乃甘霖溥降外枯耐
於不濡冬日晞和置寒號於勿照求爲庶民而不
得有如上蔡之加刑請列黔首而猶疑何異東京
之禁錮况呈詞旣出已遍語於親知文引告還更
何顏而請給故好留三寸再來有不值一文之譏
護惜雙翰高飛貞一舉千里之節苟欺 仁臺於
旦夕難掩日月之照臨使終以批允爲疑不難披

九簫集

卷之三

十二

髮而逝但恐間關千里水陸殊途身無文引足過
路有讖征可畏將陷逃軍私度之律遂爲赭衣髡
首之人旣失憐憫之初心亦非自好之始念伏乞
顯察微誠特蒙恩允在仁臺舉手之勞造櫛澄合
門之福苟神理未盡必啣結以酬恩即養志承歡
將蘋蘩以報德如一言有誑萬死無辭

九籀集卷之四

雜文

寫華嚴經疏文

友人錢希言簡栖甫校

友人陸胤泰長康甫校

吾人寓世期寡過而已聖人求其過而不得而其教人自寡欲始欲之克寡非其日用之務自遠於汚濁乎釋迦普度群生說法無量卒以清淨為主清則不迷靜則無役始借是以律形終且忘之以平境不與淨緣期而淨緣至下學之刀圭也沈君某筆畀以事二親筆門圭竇誅蓬蒿而牖藤蘿與

九籀集

卷之四

人言咲稍與情違輒拂袖去斤斤以簡約自期淅唾田舍公府之事年四十而無子欲爲僧以避世而羈于父母乃發願書華嚴經一部捨置名刹苦無筆札欲普化善緣使不肖爲丐言以序其志余惟金帛之費文墨之事古今四海形體皆同第用之於無過不惟用者獲清淨報身即用物亦受淨緣之賜如其不然受辱取殃豈惟用人使是物而能言亦將訴冤於司命矣况乎擗徑尺之管書聖人之言恍若親見諸佛於法寶雲中焉知不拈花微笑而投筆成佛乎設未能如是而以是金帛作

如是緣不惟沈君因境清淨諸檀越以如是信心歡焉喜捨令金帛文墨皆獲淨緣皆歸正覺而况自己身心又使自今已往所有一切等物皆如是作緣如是了義功德亦復無量一切無情之物皆大歡喜而况龍天何以故以結淨緣故是義既了復與沈君有言八十一卷總名華嚴華嚴大義歸於無語若能了悟一部亦無一字若能了悟一字即是一部不然龍宮更有無量華嚴在也計每日早起焚香書若干行茹齋閉目日已而罷三年有成矣余不能疏據余疏以課沈君可也

九籀集

卷之四

廬山歸宗寺募緣疏文

廬山紫霄峯下有耶舍塔冠金輪峯上而歸宗寺峙其足焉寺崇逸少塔建佛毘婆施舍利三花騰紫氣於三空墨沼涅槃池七葉結素雲於七淨鸞翥虎谿之步蓋分蓮社之香德高而馬蹏經行靈護而鬼工版築珠流雙艾曾聞甘露方門壁巧重腫纔許過泥有分頓法網於祇劫則六載續緣轉慧日於精金則一錢罔利真天都之鹿苑信東印之驚峰日月萬千三灾之火不熄閭浮百億四大之風載傾遂令金沙咽而不流杏樹雕而晦影

雲楣月映猿啼微妙之臺桂棟煙迷烏祈拘私之
甸恭惟 皇上德流須剌化普維那攬天鏡而按
方輿惠靈山而嘉忍土錫以貝葉之藏易以廬岳
之名燭照重昏蘊三明於十地恩分二水注一爰
於四禪於是宰官損俸檀越施錢禪誦之臺一新
藏經之閣維構壇圍金樹假歡喜以名園潤繞香
花倩功德以字水千楹競飛虹之雨百堵爭翥鳳
之雲銀榜璇題金湯與琉璃合界寶篋藥室椰子
共玉鳥交輝然而埒乏金鋪樺摩珠綴燭龍委照
懸瑞采之未明紫燕啣將愧香泥之空墮沙關
九齋集 卷之四
○窮內典於鳥策闡遺教於龍宮已獲半珠罔矜
片玉憫紺殿之乏飾日宇悲鮮嗟金盤之未承月
宮慙麗用是鳥飛紫陌繭足朱城巧玉燭之偏光
乞金鉉之餘潤欲令雲根四柱咸月滿而星聯欄
楯七重悉璫圓而珠貫弄雨師於靈櫟連漏交籌
走風伯於層楹梵音競響憶三生而展鏡心香飄
珠影之幡裊四照而承芬意藥結銀花之樹金輪
夜轉慧色昭天紺馬晨遊智燈亘戶約香象以偕
渡澤注銀河指巨鼇以互承恩踰金地役寬神鬼
德洽天龍海岸立登火雲永脫庶濟溺之愁海孔

雀能填縱毒獸之邪山頻伽可冷功非仰箭咲等
拈花世界微塵大地淪洪波而逾燥須彌葦塵高
天熾猛炭而不銷快蓮珠之齊攀歡陀陰之同覆
謹疏

發願斷酒文 癸卯春

今上癸卯春余以先慈權厝家居不善治生產日
中落以爲父兄羞遂策蹇復遊長安寓城西庵之
圓覺禪德號湧峰者戒律精嚴余因茹齋斷飲如
老衲然間過中表相與把酒至漏語而散上馬第
覺微寒遂叩扉就枕迨天明起坐忽嘔餘瀝胃前
九齋集 卷之四
若數匕首相刺而河魚之疾竟日當委頓之際諸
禪和相與目攝咲之余亦慙悔無地因念托生以
來於今三十五年自無知而有知顛沛於識風之
中始未嘗不艷其濃而趨焉乃濃不我戀爲狡兔
而去我竭我貪癡爲韓盧以逐之兔極於前犬廢
於後而我一切綠春因鼓其喜怒以收虞人之功
於是艷始衰而濃日淡矣即羶與名如狡兔之跡
若見焉若隱焉若恃隱見之巧日聞捷焉以疲我
韓盧之技而我心漸成死灰豈其一杯而猶戀戀
不已耶且方其自口而入吾肺腑也相親如骨肉

相協如姬侍可謂愛矣吾姬酒之親協至疎吾親
協以親協之醉且爲貴獲以助吾侮聖賢以說我
我樂亦至矣未幾時夜半先雞鳴而去我吾昏然
頽於几席而已斯時也親知苦口以忠告肝腸內
悔以自新肺臟釀疾以果報而醉中惡談竟不可
恃矣不惟醉也凡世間名相我恃之以稱成功者
始未嘗不如醉焉其親我也骨肉也姬侍也排貴
獲而侮聖賢勿吾違也一旦時勢反覆病疾彌留
而我平日之所恃亦倏焉去我如夜半之酒焉香
不可倚矣若然者醉非其迷也醒非其悟也有物
九齋集 卷之四 五

斷先從酒始矣遂稽顙 如來而作頌曰我 佛
五百戒惟酒爲最先尼宣矜無量莊氏貴全神斷
酒神不溺是名世間尊時當大寒候飽煖永無恙
勞憊與疾病息心氣徐復相逢花月下應作鏡中
看親知上晝夜如彼勾欄符一切口中物皆爲便
溺天一切世間艷皆如醉中境能於諸醉中一戒
一一斷斷後得無礙是爲大自在

圓覺庵募緣文

湧峰禪德與其稱方外交有年癸卯秋示寂之日
謂某必厝肉於火殯骨於水所居庵聽檀越廢與
遂以庵地券屬某迫師昧化一稟遺言事既其侍
者如鯨頗習薰修諸檀越喜相安無事月供食之
甲辰夏秋京師淫雨彌月無屋不傾庵惟 釋迦
像中堂獨存它房悉圯余謂如鯨諸屋欲效禪德
之殯水已從雨中去矣何不取屋材代薪如師肉
耶昔丹霞燒佛以警迷今法雨傾梁以徹障法嗣
何戀戀此宇如鯨憮然曰庵爲 釋迦闢今釋迦
存則鯨當爲釋迦留則鯨骨肉猶在人間不能坐
視柱石咸歸水火澄分別未忘於心凡聖猶岐於
識既憫如鯨之未悟地水火風自相生滅而苦丐

檀越強費錢刀亦不忍 如來相好光明僅在諸
禪和汗汁中流轉遂不得已爲持兩端設諸檀越
以湧峰輕拋骨肉爲是則捨金施粟猶如大海填
泥倘不以 釋迦色相爲非則片瓦一椽總是花
間覓巢從來法侶不步邯鄲若知興廢同功轉眼
頓成圓覺

薦沈楊兩公疏文

某不解世網觸處成迷性復好遊不喜干謁今

上巳亥復客燕中受知於沈侍御楊官諭兩公結
文酒之交締忘年之好迄於乙巳荏苒七年始終

九齋集

卷之四

七

靡間兩公之待棼澄如摧花雨惠以無私棼澄之
於兩公猶惜花風過而能去不意一歲之中咸以
南歸不祿當其別也惜別而不虞其亡暨聞亡也
若未亡而追痛於別身爲羈旅設位而哭之摛辭
以吊之於儒盡矣而無益於兩公思兩公居燕時
常相與禮佛於城西之圓覺庵庵圯而克脩伊兩
公力今兩公亡而無以爲情某謀於庵主如鯨虔
敦法衆爲兩公誦諸品經若干部暨煇口施食一
壇凡兩晝夜以我願力合彼有情消我有情皎依
無量巽常明之寶樹施朗耀於迷塗金翅擊雲無

雲不散法輪轉業無業不消遍宇迷波化作滔滔
之瓊液彌天業火頓成朵朵之青蓮雷霆借作聲
聞日月貸爲法眼願攀轅於鹿象罔墮趣於鬼神
某敬遵 佛旨而說偈曰 金陵江水接鄱陽不
抵慈恩一線長兩地宦遊都不到白雲空指是吾
鄉金作漿玉爲航漫拋比目撇鴛鴦仗 佛直超
三界外始知天地一空囊

極樂寺檢藏募緣疏文

燕都城西有極樂寺建自司禮暨公南臨流水西
眺群峰寺東有高樓可以俯闕雲樹遊人倚闌如

九齋集

卷之四

八

身臨翡翠寺故有 大藏當樂成時常倩僧衆檢
閱去今幾一甲子乙巳春住持僧性靈夢寺中
藏函悉放五色毫光千霄拂漢驚醒遍語大衆有
謂靈光四散龍神無意呵護此方有謂寶光出世
藏將重檢適予讀書寺中僧以夢叩余余語上人
一切有爲皆如幻夢我 佛三界盡空八識亦妄
五濁吉凶大乘都所勿論惟是檢藏具十種功德
何爲十種功德使諸大檀越獲無量福報在天飛
騰如金翅鳥在世舒轉如大鯢魚是一功德使諸
禪侶眼耳鼻舌身意得未曾有生老病死無有

三迷是二種德使胎生卵生濕生想生風生聞聲見色皆種 佛性是三種功德使三世 諸佛喜見兒孫金香燃燈一一轉眼舒眉是四種德使五方龍神聞是梵音海潮音皆捐嗔生喜輦我 皇圖盡四大海殫此衆生顏色調如風雨是五種德使日月星辰普受法音增光倍朗一切阿修羅人非人等永戢鬪爭三光無礙是六種德使法衆宣揚六種震動眉頂舒光過環 帝座合官尊者如龍王眷屬各啣寶珠身心清涼得大歡喜永無有盡是七種德使建寺宰官乘此法因隨佛證果指

九齋集

卷之四

九

雲流金唾地生玉及諸法眷願受福者應生天宮欲修慧者即獲正覺是八種德使東流水暨西峙山一滴滴聞悉成摩尼一寸寸聞咸森寶樹是九種德使 大藏光上際風輪下燭阿鼻三乘聖賢得不退轉三界幽暗得大光明如淨琉璃九有一色是十種德說是十種功德已性靈合掌歡喜稱吉祥而退因爲書諸疏端

虎丘禪悅樓募緣疏

吳門固南部煙花國也自西施夷光珠翠零落於曲岫深谿之間如響磬香水去姑胥僻甚艷有佳

九齋集

卷之四

十

名而虎丘不少概見豈吳先王松柏之區彼雖文身乎猶有未思敬而敬焉之思宜珠帳金釵絕跡于此地而寶劍三千祇生美人之輦彼其柔情綽約千古神遊至今紅粉煙花翩翩其來得無西子所幻化耶顧其地俠客導師之所神遊而涸跡者也以余觀今第女子饒柔情耳求所謂專諸要離其人杳然與劍氣俱化爲白虎而西矣有上人某者金陵名胃厭薄輕肥寄跡緇流幾數十年矣相好端嚴威儀具足居虎丘東塔院之右一山之僧與山居之家見其來則歡聲載道迫其過而愉快之情猶洋洋不已每呼小艇入城刺舟者載之如載如意珠即金閨人見其船來亦無不如海寶千般一時俱到灘頭生歡喜心不已也倘其心非胡來胡見漢來漢見豈能曲厭人心一至此哉余以爲要離專諸上人且薄小不爲察其微其有韋氏讓國之賢而託於禪寂以自附於太伯虞仲者乎不然何其宏遠不羈得偉人風度能縱心調暢一至此也即不然而佛圖澄之擁女吞針寥參之嘲風誚月皆直逼大道與世之持戒守律而心涉淫業不啻白日之龍象而黑夜之羅刹矣余雅喜其

爲人而吾黨二三先生皆與之臭味焉上人雖貧不肯以貧告人人因疑其不貧而不知上人之貧自此將不支矣其所居當仰蘇樓下每一覽而盡度不可久居意欲建一樓以障之庶可以寄衣鉢上人又不能以口代心而余爲之以筆代口倘憐其貧而於謀居之外稍爲謀食焉此又上人之所跼踖而不敢望者余并代爲之請嗟乎夫以虎丘名地而第令煙花粉黛翩翩其間曾無俠骨悟道之侶陰剝其趣亦焉足以成虎丘之大且辜此寶劍三千矣使吾言而然西子其開顰眉而與生公九齋集 卷之四 士

之石共點頭乎樓稱禪悅因上人之爲人亦古人歡喜名園之意也

茅山祈嗣疏文

伏惟敬承 天命寔降玄鳥之祥虔禱 山靈用膺赤麟之瑞澄與妻羨經天之明月痛隕漢之流星海中僊菓生遲敢丐力圭不待三千年而須臾結子山裏玉田未耜妄希日暖詎期十五城而頃刻生雲若曰必須天上麒麟則澄豈敢如云惠徵夢中蘭草信澄所祈倘維嶽不靳於降辰即太祝何難於挾彈庶塩車偃蹇藉馭駟而聿快驕驥縱

竹實無緣因慈鳥而聊資反哺不於子即於孫期必復其始跼夫天踏夫地用乞靈乎神

九齋集

卷之四

士

九簫集卷之五

傳

友人周宗建李侯甫校

叔父安遠令憲卿君本傳

號霞峯

宋氏其先淮東人也當趙宋國汴有諱子茂者官殿直殿直宋宗室官也靖康之亂扈蹕徙臨安七世孫仲傑公再徙華亭又六世而爲高大父克廉君翰邊拜承仕郎二弟以進士起家克純君爲御史克輝君爲冬官郎子定夫舉於鄉孫天民曾孫惟易皆成均弟子惟易爲三江公三江公生丈夫子三人長中允君爲茂才有文名早世次叔然君九簫集卷之五

爲澄先考舉於鄉其季憲卿君是爲叔父叔父諱堯明號霞峯先王父旅於吳因娶吳而家焉七歲時出嬉遊庭前有客詠隔簾看鏡詩久而不得忽應聲曰秦嶺望來雲冉冉楚臺看去雨濛濛時胥臺袁公貞山陸公衡山太史皆戟掌嗟賞競抱持之弱冠而從王父歸華亭時人未之奇也而亦勿奇時人每作執竟輒仰而謂人曰那不得不如錢與謙耶與謙故會首鶴灘公福也而伏膺王文成之名理故三十爲縫掖又三年甲子舉於鄉乙丑上春官不第丙寅丁生母喪冬陸孺人羅於難語

在孺人傳中叔父避難四方辛未再下禮闈乃就廣文於江右德化覽匡廬之勝迎王父登之未幾遷令閩之歸化無何而丁三江公之喪服除補浙東松陽令丁丑改調江右安遠戊寅而馮完獄起馮完者華亭庠胥也黽而貪居華亭相國長君門下叔父嘗藉之貸償之倍矣而馮故挾叔父陰事歲時需求不已叔父故踈償負時輒忘索纍貸文有急復以券貸完累券滿篋爲酷需辭久之索益橫叔父往往避之及宦輒之官所骫骳曲隨其事如此非一至是復來安遠道經虔州有鄉人以刀九簫集卷之五

筆吏爲虔州別駕叔父爲之屬而不加之禮曹已候司其間向與馮有故馮謂之詢其遠來以索負對別駕感眉搔手過聲而語曰是可撓耶不如速返以故激怒馮馮時東嚮坐酒半酣矣易於肆言謂曹余至縣必廷辱之別駕嗟嘆謙讓以爲已所不及欲故作其氣臨行厚餽遺復悲言以傷其心於是馮至縣叔父方晚衙不俟關通竟上廳事抗手而請音動左右自言身來索負於汝意云何意氣甚壯時胥吏交前叔父氣塞未及對而馮竟大詬聲達路人冗從辟易疑是官尊者縣中大驚馮

亦不知抵止叔父乃起謝若第就館馮以莫敢誰
何施施出門館於無爲寺庖廩相繼於道而時時
突上堂挾相國長君書復出券稿若干於袖屬色
大言曰若手書已留他所露邀求形而安遠山中
多魑白晝呼人姓名衙中人被呼輒死馮亦受瘡
屬卧寺中叔父慮其猝亡欲促令還乃作文上司
虔使者會下逮捕而所部巡檢承意械送藩司初
不伏鎖爭甚力久之持抱者益多強鎖其項馮素
以驕氣上人念如是歸無顏復生又念別駕向尊
愛我我曩從其言當不至是今道經虔倘出慰我

九卷集

卷之五

九卷集

何面目對之乃顧謂其養子指紐紱曰是狀可令
別駕聞邪况將見也頓足下航氣滿不能復食逮
者疑其詐益嚴封題抵虔於於是別駕聞之伴大
驚出哭盡哀携其養子訖二千石置尸壇上給其
子引文言其父歿時狀禁縣中不得捕夜陰佐之
逸歸投虔文於淞刺吏且訟前負而相國長君素
蔽愛完作書言完歿狀甚異復言完子所持累年
券皆我貨也契蓋子母計十金云於是伯兄受大
窘罄業償三之一叔父故客遊及宦宦又淺不能
爲訾伯兄守王父之遺至是蕩然嗟乎以貧遺子

孫因貧并失其遺脛脛者未必全嗟乎脛脛亦安
可爲耶明年馮養子五六人來虔擬收完骨別駕
復嘆之訟撫臣按使者暨藩臬已下當是時叔父
已被劾聽命於南昌故諸馮得肆誣詆諸公以別
駕同鄉宜有桑梓情又故屬官每叩情實別駕佯
伏地不敢仰視造作端未抵調致辭諸公由此不
直叔父而重傷亡人然馮故自歿骸白如常人故
獄幾年不成至以鐵組連骸歷多官驗時琅琅如
脫皮白楊條蓋緣諸馮非親子別駕以爲非暴骨
如是不足以動上人然獄卒不具而叔父官漸時

九卷集

卷之五

九卷集

管屬督撫蒙公雅違蒙意會去卒未有以傷至是
蒙撫江右馮質素於蒙蒙尚拱叔父而退之叔父
目青末之見也蒙以爲無禮重案覆之適按使者
邵公微時嘗客華亭聞陸孺人卒時冤罪狀叔父
兩公引繩披根遂按部令司理覆視縣籍得擅用
所監金七十引律謫戍遼之鐵嶺先是叔父率有
急以狀假縣中守藏金金還而狀留庫櫃中如故
司理以狀聞遂據狀覈之竟與馮事徑庭非其罪
也而先君子亦以是年初夏卒燕邸無及於急難
嗚呼痛哉去縣之日文藁數十束瓶罌數事而已

待罪南昌旅一小樓閉門終日嘯歌同寅悲其蕭瑟爲之淚下咸相謂曰先生以傲骨牴牾上官受極冤奈何不力爲之辨坐是卒不得死居鐵嶺五年博士弟子以執執門人禮日衆督學使者試諸生有江左風大驚諸生以實對乃大喜延置官舍告於行藩藩以客禮見與語奇之尋遷開原生徒加於鐵嶺亦居公署初叔父舉於鄉其明年有同年進士作縣於閩之僊遊僊遊之神居九鯉河兄弟九人而共一目相携躍水化爲鯉其神掌慶事載列僊家乃托之請夢旣而報夢曰入廟時有人手

九卷集

卷之五

子

授紙如掌書曰風送桂花香十里如是遂覺叔父嘗謂人曰吾不得進士矣桂爲秋言桂而不及杏杏可幾乎於是乎有廣文之選及居開原署中旁一小亭子有聯榜柱其右失矣讀其左則風送桂花香十里也乃驚嘆曰人生有定定其可移乎已而少司馬李公松聞其賢延至廣寧遂獲好於寧遠李公暨大將軍如松金吾如楨諸伯仲日登賢巫閭領其青翠咏數萬言後從大將軍出塞攝官承乏斬虜首十七級故事五得當一襲百夫長扼高皇帝謫文臣降伍不得階武功復官少司馬憐

九卷集

卷之五

本

之上其事賞賞有差得釋伍聽歸少司馬繡衣使者暨大將軍山海關吏皆給之符非符不得度關篆滿符上嗟乎非叔父之才之德亦烏足動諸公非諸公之憐才烏能生度山海賢哉其兩得之乎西歸有日黑參戎雨亭蕭孝廉雲原咸製驪歌悲辛楚激遼人以媿河梁渡關居京師期年乃竟南歸行年蓋五十矣黃冠素衣起居二千石及別駕已下故人皆大驚且喜競來觀賀充塞閭巷者久之歸時計橐中蓋千金裝子孫不與一錢悉散平時親故沽酒沉酣則摩耳嘆曰吾以官廢家而以

留期月輒去澄與宗之兄弟聚而謀養歲計可米六十斛從容謂叔父安之乎曰吾不食子憐其貧也舍其子而姪是謀遺子罪也且吾分炊黃雲中藉大將軍待罪行間以論功獲歸歸直憂耳憂其有極哉此吾浸假時也而安得聽之汝汝其夢之妖祥者乎鳶之啄魚之腹汝曹之穀人以爲禍福吾俱以爲大辱去矣勿言第須醇酒辛羹實之白粲以飽吾夢於是諸兄弟遂不敢復言平生內察外疎不能依違而主斷少沉柔故屢擢大難非其以蕩陵德由不察始終多爲人所賣晚年日更淪

九卷集

卷之五

落乃作日西四章其辭曰日之西矣火之流矣嗟我有懷歲倏逝矣月之盈矣水之東矣嗟我有懷時弗再矣星之移矣木之落矣嗟我有懷事之非矣霜之凝矣水之堅矣嗟我有懷曷其及矣又作聞雞三章曰聞雞旦旦仰視河漢乃駒之疾余心曷判聞雞及辰秉心惟寅乃中則曷余躬曷新聞雞逮酉百慮紛醜旣明且晦余心曷剖蓋有悔於惑讒也詩曰取彼讒人投畀有北又曰愷悌君子無信讒言又曰出此三物以詛爾斯言我投之不得彼信之彌殷託三物以詛之而與詛之有神也

九卷集

卷之五

青蠅以喻汚貝錦以狀巧言雖汚而巧文之使人不覺也易曰閑國承家小人勿用詩曰無拳無勇職爲亂階又曰交亂四國又曰誰謂鼠無牙言小人之於家國互爲亂階猶鼠之有牙無拳勇而恣陰賊也又曰有兔爰爰雉離於羅言無罪而羅之使直者冤而曲者免也故叔父信讒以喪名終被謗以速禍昔之讒夫亦罔不膺天之罰讒之不可信也如是夫而二三子姓不能不見是圖鳴呼亂其有既耶然自遼而還已絕意人世如東方之滑稽光逸之臥被謝奕之飲兵故口無擇言身無擇行道隆而隆道汚而汚信哉其殆知幾者乎丁酉秋抵武林謁監官大夫優素陸公陸修年誼甚殷會病返自故鄉於仲冬十有三日長逝嗚呼痛哉遺言當如楊王孫薄塋所著詩文數十萬言散遺殆盡蓋始自縫掖率意遠思故其語激而壯猶古人之題柱棄繻必期致身於青雲之上而志發爲言也中年遇亨值蹇爲九歌爲九辯爲大言爲小言其行隆其履危故其言抗若抵夫遼則三閭之汨羅而屬國之穹廬也非悲不足以展其思非窮不能以悉其變非嶂煙野燒不足以發其愁非呵

鬼詭神不足以舒其怨故其文若詩如虞卿子長
長沙右校之却忌諱肆從橫測陰陽而咎景曜尤
璣衡之不我寬而山川之不我阻暨塞北而江南
也居無食旅無偶無食不能生也無偶不能安也
不能安不能生不有其命也其命不有而遑恤其
他乎春風至而萬木奏榮黃鍾應而百鳥肄業菊
拒霜以歲其華梅衡雪以敷其萼蓮生於火鼠躍
於燭水有火石能言弦乃龍鱣乘木蠅蜒入水而
勝其魚彼皆以無情抗造物之令故周王幽於羑
里而身爲西伯周公譏於管蔡而歸葬西周箕子
九卷集 卷之五

鷄春覺曙簷馬夜知風魚習懸岸細鷺影立波間
柳陰晴浪捲麥隴晚烟平荒林紅葉靜流水白鷗
閑簾影弄風消半篆暮聲移雨過殘花微風綠漲
河邊柳細雨青歸隴外田野渡春風橫斷雁荒村
寒雨報鄰雞則旅况可以銷魂也嗟乎此麟鳳之
毛角其威祥具見矣又嘗自嘲曰當年那羨黃金
貴此日徒令白髮侵及哭叔父季鷹君曰朱顏自
昔催青髮紅粉由來送白頭大都牢騷如此澄小
子不能文然於先考暨諸伯叔父咸各有傳故因
叔父而論次焉 猶子林澄論曰譏人構變此其
九卷集 卷之五

顧思之傳

思之諱承學吳之華亭人也其曾王父學士東江
公與余曾王父西庄公爲總角交及東江公貴而
西庄公委億諸生中東江公時時於縉紳中持其
文嗟賞之久之東江公奉 命簡士南都每抽讀

士文至當意者輒謂同事曰得非我故人宋伯氏乎及剗剗竟卒不見姓氏始大咤謂鬼神無賴奈何使我失名士與故人歸而詢之則曾王父固未嘗就試也於是東江公過曾王父而喟然曰嗟乎足下豈以余惜進賢冠如肝膽耶古人肝膽猶相挈也余方期舉足下以無負進賢而奈何億余之引嫌哉余今望子矣曾王父曰否否吾聞不盡人之情不竭人之歡以全交也使余就試子與他人誤而錄之未必有裨於國若猶然棄之不亦使吾子有自潔之嫌乎此泚水之所以不流也東江公起謝曰吾始以足下爲可及今余且自漚而返矣卒交歡如初省齋公爲東江公長子早卒子爲浥江公浥江公爲諸生時遊白下值余王考三江公於平康日亭午矣而三江公猶擁妓未起支目謂浥江曰可來偕寢浥江素以父行事三江至是亦遂忘之便脫衣上牀同被共枕安然鼾睡時靡有爭已而寢覺三江與妓猶睡如初浥江公起座索寢從倚門外見綠楊中繫一白馬金轡玉勒神駿非凡有剪頭胡雛假寐其傍浥江公喜馬之輕矯不問主人爲誰就胡雛懷中探鞭攬轡策馬盤旋

院中畧無抵止時侍從相失奔駛之際忽踏一姬於溝中院內人競來叩馬扶浥江公至堂上叩其往來將加侮毀浥江公言其所自則三江公擁卧之妓乃被踏姬家妹也亟使人持馬迎宋家郎君來三江君上馬宿酒未醒婆婆日影中移時而至見浥江公彷徨閣中歌來何暮携手大笑遣人更控馬迎妓至花前痛飲抵月落而散議者以爲得晉人之致及白首鄰居締花石之盟始終不衰時人美之思之其仲子也長余九歲及與余交在戊子之冬已縫掖再新矣嘗遊白下依中表侯君侯少養於浥江公長襲揮帥起家至南都守府思之初至侯館穀之具主人禮而思之意弗屑視侯猶海鷗猶醯雞也日就飲平康從侯索買笑錢錢至手中足已出門矣久之侯稍稍厭怠竟拂袖歸思之少與馮元甫交善元甫爲故廷尉南江公諸孫以名家子師事王宇泰董玄宰兩先生善談名理工晉人筆法起草亭於東郭就移家焉思之與之痛飲無間寒暑晝夜有時衣婦人衣紅衫粉額盪漿吳歌聲達牆外思之且歌且飲旁若無人觀者至於壞墻折樹人影滿池思之盪漾自如不爲亂

也忽跳水作没人挈尾探殼如崑崙水精了無所礙水中拔腰間短劍亂擊無梗魚蝦爭躍運劍若丸號曰水閻云吳俗有毒龍老蚌害人田禾故欲集劍水中遇便殺之有時當大雪中衣紅鶴觴衫坐大樹上持壺自傾倒囁歌不休諸人欲上輒下溺拒之自云身在半天鼠輩猶蠅蠅第從屋隙住則樂極矣那容樹上啼耶元甫與多人相顧大笑賞之後元甫卒無子故交或吊或否未有能哭盡哀者思之入吊大慟感及中惟有至幾絕者多人大嗟賞焉思之聞之曰世人解賞吾哭耶於是每遇哭者未嘗不爲之一哀又未嘗不爲之出涕而當事者亦未嘗不爲之增悲也余自庚寅遊燕遭亡婦之喪奉老母命南歸鬱鬱不得意與思之季修文度結詩酒交當是時陳二仲醇爲太原相公瑯琊司馬上客送節倖行聳人聽聞府縣諸公皆折節虛左雖平原陸宗伯爲當世達尊亦倒屣迎之而獨喜交思之嘗曰思之得王謝家風微余與文度亦以仲醇爲然而思之更復不屑以爲重賢則周孔絕德矣詩文則六經蔽之矣騷賦則屈宋擅之矣卽顏賜鄉校亦已效顰可羞况吾輩

九齋集

卷之五

事

哉聞汝輩謂我似晉人更是侮我當興所至卽我心不知孰何又豈知刻畫古人以爲優孟耶且吾與其刻畫嵇阮孰若刻畫周孔哉周孔之與嵇阮雖異若夫人之刻畫之其無耻一也我非不能顧耻而不爲一時皆駭其議獨余與文度以爲名言性至孝其居母夫人之喪舉酒一呼潛淚竟席友人戲之曰是阮家步兵嘗一呷嘔斗血者也思之耻之嗣後情之所至輒閉門焚香禮西方祈母夫人蓮花生往往痛哭見人竟絕淚矣當乙未丙申之交余遭陽九而豪興未除居嘗與思之痛飲於庭前椿樹下一呼輒盡六七十卮然余竟不能敵思之往往堅壁以待乃思之則從橫酒鎗如入無人之境雖高五元申吳大忠美號稱善酒於思之終不能爲堅壘惟余差能突起不測如伏兵猝發於背水之間幸不奔北者屢矣以故社中號思之爲酒將而里中醇謹之夫皆目我輩爲顛間相携至火塋處拾枯骸作盃飲之漉以臂血使有生氣醉後擇生方深埋而奠之曰汝自爲枯骸已來腦骨豈復侵酒氣耶今日得吾輩勝東隣聞歟魂澆酒土上夜深直爲狐狸作噴也時侯君再總

九齋集

卷之五

中

帥明州思之復遊越與侯君率不合航海而歸歸
無以爲資就館穀於漢陽太守雪居孫公思之中
表叔也嘗榻之宅內間留於宅傍招提曰泰清庵
中漢陽喜何元朗叔皮之爲人好客客恒滿座家
僅四五十輩多習金元名家雜劇與大內院本各
成一隊綺麗如落日雲漢陽側耳注目如少不當
家則卽席呵謔而思之酒酣輒起座竟出頃之金
目胡鼻頭軟雉毛衣五色錦袍胡旋而來口中之
詞非北非南不雅不俗或譏刺時事或詠諧坐中
賓客無不絕倒變幻萬端皆當人意漢陽往往容

卷之五

五

之復好擁漢陽公龍陽逼之以酒當主人前不避
漢陽卒命盡漚又時時挾之間遊而漢陽知其無
他竟不執何思之思之亦多無意爲割褻事也自
南北九宮興而唐宋小令暨長調遂失其聲思之
始高下抑揚宛轉激烈曲盡其妙尤喜歌大江東
去及岳武穆怒髮衝冠歌時髮上指百骸爭聲聲
聞里許令騷人之思英雄之槩如在目前適唱之
馮元敏先生前先生大嗟賞曰恨不令子瞻少保
見之當時朝雲與牛臯輩非過嬌羞則大粗率豈
能恆兩公禮樂意哉思之幼與于二舅先善舅先

以詩文雄於詞壇才復不羈嘗偕思之於燈夕望
門索飲口無他言飲盡卽出一夜傾十數家最後
扣陸君策孝廉門孝廉方置酒爲大夫人壽使關
人辭焉而兩君已入廳事矣聞關者之辭撥臂大
罵蒼頭盡奔顧堂中有一錦繡軸金書甚麗乃名
公壽太夫人文也兩君裂而嚼之黃金滿口因相
與大笑竟出太原王先生百穀聞之笑曰兩君可
謂錦心繡口矣舅先好遊得遊資卽令銀工製兕
觥鸚鵡之屬壽大夫人壽畢卽命臧獲單分頭索
思之醉之然後徧召諸客居無何金盡而鸚鵡與

卷之五

五

六

兕觥皆羽化肉飛舅先卒不介意得金復如初也
華亭狹斜枕西郊思之浮沉其中幾三十年每黃
昏左右燈影燭光之前見有秃衫不帽大笑濶步
而來者必思之也思之又能爲悲喜之辭以調諸
妓當花月之夜朋從滿前忽發狂言妄陳新境雖
珠宮金屋不難納妓於中以快其意諸妓無不抵
掌大笑已而狀及衰頽喻深病苦指草席爲軟棺
名野犬爲肉柳間羅起於舌端羅刹生其口內苛
責負心細張巧罰令合歡之被忽改冰池連理之
枝悉森刀樹俄而奈何橋下業水騰波枉成城中

鐵丸亂雨淒風黑夜啾啾美姊妹之歡娛旅魄孤
魂黯黯尋鶯鶯之盟誓備諸惡境歷萬業條諸妓
又無不顰眉大哭人皆謂紅粉之雍門云郡中有
吳平子者故名家子也能作賦有膂力鉅貲巨萬
年十六七好飛黃走蒼鬃雞盤馬里中少年附之
日相與擊劍舞槊尤工白打而性喜畜犬犬嘗滿
樓號曰犬臺日作吹籠唱之一日兩炊稍冷卽不
復進亦不忍進有餘倘犬未就食卒不忍先嘗有
少年進獼猴平子大喜乃衣之紅衫冠以絳幘使
之跨犬出門蒼頭以金鼓道其前刀劍護其後一
九齋集 卷之五 七

不知所爲躑躅庭中思之持槲下梯瞠目謂平子
曰子以紅衫衣獼猴何異以鐘鼓饗爰居乎夫獼
猴之去意必曰棄人用犬將焉用之且君畜犬謂
獼猴不可以徒行也今獼猴不脫冕而行矣吾謂
子收其車乘母令其起歸與之思以戒君之左右
輕去其主者平子不覺大笑豁然而罷先是有孝
廉子能滑稽謂一落拓公子曰桑田變滄海公子
奈何守桑田而坐待其變乎公子奇其慮凡先世
之遺棄之不餘立錐而平子尤喜其策謂思之曰
足下第笑傲詩酒間豈能深思如是乎思之隨口
九齋集 卷之五 八

市人盡驚雖獼猴亦不意崇禮如斯驚懷汗透絳
衫平子恐紅衫之污獼猴也於是強獼猴浴獼猴
卒不肯就浴平子使健兒以竹擊之猴乃下盆戲
擊水滿樓乘間跳躍出窓而去行屋如飛主人大
懊恨平子中美之弟也而思之又中美之交也偶
向思之道其惑思之大笑曰吾能解之遂與中美
同詣平子平子素聞思之豪舍獼猴之痛而出見
之思之畧不寒暄顧中美大言曰可以飲矣主人
喜請就飲室思之傾酒一尊起持大槲逕上犬所
居樓見犬便殺殺犬幾百蹄而盧鵲殆盡矣平子

答曰吾思更有深於是者固待叩而發耳平子信
其有奇乃膝席奉卮酒爲壽而請之思之受酒整
襟仰天再咳而言曰君知桑田之變滄海獨不聞
滄海之變桑田耶今第買滄海而俟其變則君之
桑田異日庸可既乎於時聞者捧腹幾爲腸斷思
之落魄自甘而不耐人倚勢有某甲者成萬曆
乙未進士與友人洪子厓同年適思之過子厓
而某甲在座酒間論制舉執某甲視子厓曰設令
我輩復戰寧有敗北事耶思之瞠目對曰觀君之
書自富不落人後蓋以某甲工楷書耳舉座失色

而思之坦然嘗與余輩二十人過華西郊更餘泊岸有貴人舟自北而來貴人余先人之讐也余嘗與思之道其事至是思之不假思惟便跳躍上岸就貴人船罵之貴人時携夫人同遊而余友人輩率大醉又不知從行爲夫人爭圍船痛辱貴人貴人偵知岸上客咸世家子弟難與爭鋒遂潛下小舟携夫人而逃余時醉臥舟中都不知貴人船倘知貴人來將不知抵止矣期年貴人竟歿吾黨皆謂思之能以舌殺受人之仇云思之行書得米氏家法通篆隸亦不求甚工所爲詩文惟尚清率嘗

九簫集

卷之五

文

生將復文僖之始矣不孝旣不能生同富貴歿具舍殮敢顧忌於筆札之間以免罪哉故不敢躊躇而爲之傳 論曰昔人有言才全者無虧成志全者無得失思之之偃蹇可勿論矣余因思之而有感於世誼焉當梁松之驕魏文之貴而於父行猶獨拜牀下乃今人甫獲一第卽棄世誼如遺甚有羞其子孫之未達至掩耳閉目不屑言之嗟乎孝標絕交之論豈爲過乎始先人與一顯者爲貧賤交迨某將亡先人以口候其氣今某子貴矣豈微秦越且伺間而下石焉不寧惟是至有身膺藩

九簫集

卷之五

三

人抑貧賤之過矣第使貴人一旦遺榮無祿而人苟薄其子孫彼若有知亦將切齒於地下而不知刻薄之行身自蹈之又誰咎也然則當其生平交歡之時競以兄弟相呼骨肉相許豈兩人哉而前後異情者彼直以聲勢相附會非真有斷金朋簪之誼強而合倏而離固也嗟乎一貴一賤交情乃見一歿一生乃見交情斯言誠千古之金鏡吾安得不歎之藥石無涯之富貴以固友誼於千載界刻薄之俗轉爲忠厚乎余家與楊世叔孝廉同里孝廉之先與余家世爲婚姻去世叔數世矣而世

九齋集

卷之五

三

叔不以余家衰替遂廢中表之禮嗟乎安得如世叔之不忘其祖而與之聿修厥德乎若思之之痛罵貴人而主人能則執兵而陪其後矣世誼又何篤乎余所以三致意也

盛重之傳

重之其先家淞之海濱父始宅於邑之上海少孤因母氏世宗十有八年海之大盜曰王祥王良者作亂烽火及於邑邑宰竄其家人以爲士民先時重之甫十歲母疾方殷會先所聘蔣氏父者故若溪人也若溪巨而叢山三吳指爲避兵處也謂

婿舍而母而從妻重之伏地號哭不動路人咸不直蔣氏於是始舍之未幾有數持刀人排門甚力瞠目將不利於重之子母而刀未有所嚮重之因引頸前曰吾聞戮刀當以孺子之血諸酋驚嘆相顧出門鄰人從壁中偵其聲狀無不吐舌者已而寇去重之遂以孝聞又十餘年而島夷起海中攻瀕海諸縣當是時重之方行散郊外猝聞夷且及邑反走歸舍於戈矛猶蘆荻也抵家竟不得毋號呼久之母自麥困中出遂負母越疆寇亦若弗見重之如有物呵護焉無何而母病熱口噤巫醫不

九齋集

卷之五

三

神重之疏於神願減年一紀以祈母壽歸而母蘇呼重之汝來歸乎迄穆宗之三年母符一紀而心疾作鬼神不習於靈重之恍惚交睫若有人甚以鵝血可療時方子夜力無緣得鵝自念鵝我也鳥鳥也鳥則反哺盍哺親以我血乎於是引几上刀割左臂血瀝酒壺中跪而進母母飲之如醍醐疾已半俄而嚙肉作湯母以爲熊膳不是過也又已半強飯凡六月病復如前割右股以進母喜曰

饗人惟參苓是憂固安所數數羅異味耶吾行起矣重之對以溫詞竟不令母知其割截也居久之

母思蛤羹時天寒大雨市之過邑中不得邑之東北枕春申浦循浦而行彷徨無策忽遇老嫗指浦水曰有之須速下卽解衣入水回顧老嫗唯草樹婆娑而已須臾登岸不覺滿筐時人比之躍鯉又明年而母病復發口不能入水漿復禱於城隍疲而入夢神語之曰兄弟無爭父母傷形覺而不解因慟哭曰惟吾罔悟於微言則隨夢曰無祿無方重之自謂誠不足孚至夜復入廟中祈請逾力是時蚊蚋交前不暇揮扇乃誠不替於剝膚須臾有風自南來蚊亦引去遙聞履聲若觸於閭重之因號呼抱空且自慙曰竇神啓禍余惟母年之是祈則又聞馳驟聲甚衆若神侯之廝走然者連擊香案如警如拒顧重之以母故勿自知爲神怒也於是神竟杳然更三宿寂益甚乃歸又幾月而母竟以不藥終將亡謂重之曰墓苦無隣必薄葬抑余懼松柏之不及於實也重之感激遂結廬於墓朝夕哀號飛鳥和之草木交實平生雅開絲竹三年復御如有若之聲時人多之會直指劉公廉其事將上於朝扼代不果先後縣令皆表其廬重之隱於醫名坤旣列邑乘之孝子傳矣先輩潘恭定

九書集

卷之五

孝

公嘗作詩紀其孝余聞之友人黃仲通重之遇至人遊扶桑之東其事甚異余謂重之旣忘身以殉親親今亡矣又奚以生爲殆所爲臣無心求神僊神僊來迫臣者耶莊生有言六合之外聖人存而不論况余癖於言六合之外者乎恐說枯則勿聽也故別有記 宋幼清曰始余初受書時嘗讀方希古先生之文曰割股非孝也心竊疑焉以爲此生父母授之苟我身可以療親猶鼠肝蟲臂鳥知爲孝與非孝而先生故譏議之疑而不破者幾二十年及作重之傳而始悟先生之言非若今之博士家徒爲詭辭以駭人耳目者也夫先生旣以非孝罪割股則豈不欲宗起余之義以沒其身及當 文皇靜難乃舉九族以殉之夫九族之生命其爲股臂也衆矣豈不念及于非孝之議哉其所維持者宇宙之大節則九族直鼠肝耳乃知先生以爲勿是也者非惜髮膚以忍其親蓋知神明之感格不係於形聲而此心稍涉於好名是吾親之血肉直人子成名之羔鴈則不若勿割之其天全也子與氏曰有伊尹之志則可能如先生之捐軀以取義斯足以定割股之是非若夫陰實難之

九書集

卷之五

孝

而揚竊非孝之言以藉口此又先生之罪人也嗟乎能割股者必能爲君親死者也能歿君親者可割可無割也自揣已之不能因姑其行而非之者吾甚爲君親憂之矣重之子 提藥襲來遊長安語及尊公遊僊事亦技淚不禁夫惟僊也而悲其於孝弟殆綿綿若存者乎

袁微之傳

袁微之者吳之華亭人諱保德以從戎更名度故唐藩左史袁復善先生季子也先生弱冠登第精神兼人官司寇郎多暇好讀書與李濟南王瑯琊齊名是時華亭爲首揆先生以父行故事之甚謹然喜數數上書論事華亭謂公事而公言是欲張吾過以自見者始稍稍踈之竟左遷貳黃州不已復徙相唐藩先是第甲乙科遷諸王官多不之任以終身不調故也惟先生慕賈傳長沙董相膠東乃獨之官至則華侵漁申法制國若新創唐父老咸嘆左史何來之晚顧喜發奸如治黃時會上誕辰唐使使者入賀往使者來長安王畀使者墮䟽二而空其一過諸藩祈請暨吉凶出意外得一以便宜卽無所庸歸納之故府有貂璫圖出掌唐

藩宮事陰謀之使者使者利其財出墮璫僞爲王辭請易承奉時馮司禮居中用事權侔人主謀出代者爲馮侍人卽可其奏命侍人往代旣至府中莫敢誰何獨先生以不請而命非故事不奉 詔案驗治之得實具奏 天子下王前䟽禮曹覆視與奏符司禮耻不能庇故以方 命坐先生使緹騎與罪人俱逮至京師詔獄微之時爲諸生與兄非之披羊裘奔命雨雪中託饘粥朝夕訟冤燕市江陵雖峻法然憐才視辱無罪不忍諷治獄吏獄竟得平放歸田里中道宵人希旨陷以擅郵䟽入九審集 卷之五 美

司禮啣前事復欲命校尉反接江陵持令甲固扼之第下按使者理其事先生卒得生還江陵力也微之從此不樂爲諸生遊梁曳裾唐藩王與宗庶咸德先生延微之傳其長子王多內寵新請名名其子諸子人人自以爲得王愛當嗣王太妃患之使人就微之問計微之曰慎毋請立傷王心當恐王以不請名夫不請名非制也王懼必請請必序長幼無嫡立長自先王以來莫之易也太妃喜行其計王果使使請名太妃固強微之與使者偕名請而世子之位定矣微之因留長安居歲餘入貴

補成均弟子皆微之遊南陽買置田舍已而客長安遂棄南陽田舍畀菩提場飯往來嵩少僧其去故鄉亦若去南陽日家徒四壁妻孥寒暄不顧也至其供甘脆亦復取給於賣文云微之碩人修髯善骯髒其意氣才情足以資傲骨人無貴賤賢不肖遇之莫不辟易至於呼盧對壘亦悉以氣吞之得金隨就坐中或馬上分給貧人須臾囊橐頓空不惜也其任俠出於性生以故長安失路人仰微之緩急如仰骨肉間出餘貲治裘馬裝度輕肥不過五陵年少不出然其交遊多賢豪長者雖癖有

九集

卷之五

七

狹邪之好而所歡皆非尋常人於長安有薛素素素素金閨妓女也因事旅長安聲色妙絕一時宛轉合綵竹工五言詩畫蘭與周公瑕先生並絕善挾彈走馬被彈處皆成龍鳳弄王孫於股掌之上無一當意而獨善微之當呼賊起事常說微之君骨相多武宜早從軍今西方有事妾願與君俱西微之耻如磨鏡人勿之諾也頃之島夷跳梁高麗素素欲爲浣紗人因而刺之如班定遠微之笑而言曰母多言大辱國且肉食者謀之矣素素曰吾非嫠婦也其敢惜宗周之闕抑不幸爲婦人幸一

當微之而不得在軍中昔羽葆鼓吹者彼何人斯因掩鏡泣數行下已而武林金中丞鎮閩卒以他妓女盛關白於夷夷始旋師渡海朝鮮獲安野史氏聞中丞之出是策也喟然曰吾今乃知謀及婦人兵氣不揚徒虛語耳素素知微之有耻不可與堅忍成事乃從容謂微之君有老親而遊閒不歸得無爲吾故耶吾不能如汧國夫人佐君榮親而忍君得罪名教異日雖食妾之肉不足以謝君吾其行乎微之猶戀戀不已素素忽跨飛衛而南行三日微之始知之中道遺蒼頭遺微之百金書

九集

卷之五

七

誓不復歡以激怒微之微之由此發忿明年文戰果當分校意已繩之主司主司報可及剖封國學茂才皆有羸卷分校左國學而右茂才復落羽如故罪不在文也昔微之雅好武習騎射至是遂有意從戎會同社諸公惜其才止之乃復淹留都下忽忽鬱鬱鬢髮始就衰落矣庚子秋復偕諸生試於鄉國子生中順天榜者凡五十人而吳無人焉諸生心疑主司吳人也或有意爲瓜李嫌然無風影可撫雖微之亦自嘆數奇惟慷慨從軍而已有同事思歸無以應妻孥乃過微之詒之曰吾與君

若某某皆入彀矣而爲同鄉所排此實首仇也何
可以嘿嘿隨造端末而復作色曰君若不言吾將
獨訴諸朝於是微之仰天嘆曰僕髮短矣豈足下
舉義而吾不爲黨人是吾不成丈夫也君疏吾控
患難同之有如皎日迨明日微之以同事之辭訴
之當路則同事化爲烏有矣微之於是始決意從
軍辛丑復下武闈第乃之魚復幕府爲材官中丞
劉 先生素聞微之才拔自儔伍薦之於朝有
筆底三千禮樂胷中 數萬甲兵之語親知皆歡
呼喜中丞之知微之也微之用有日矣忽膺脾疾
九齋集 卷之五 竟

副於宗藩却奇計於女俠使得乘時構會其樹立
必有可觀而今已矣古人有言不知其人視其交
微之之友可謂賢矣庶幾國友以見乎子名地蓮
伯士也微之有友而有子可謂不灰矣余悲履善
先生與微之皆懷奇負俗而俱不獲竟其施故爲
之敘次其隱 論曰人各有志萬願靡方非特時
勢所驅其稟受殊也是以中庸論孝美武王周公
之繼志豈非以父志勿竟匪子孫弗克繼哉以彼
履善先生之嚶嚶古人而志業不遂此微之所以
棄妻孥挺孤劍往來燕周二十餘年卑不脅肩軒
九齋集 卷之五 幸

不起時甲辰正月十有六日也嗚呼痛哉竟不悉
敘矣中丞深悼使大將視含殮卹禮有加尋給傳
符歸其喪時侍御沈君大先生甫受關使者命重
賻之人益多先生長者微之少從履善先生之南
陽以文章受知溫少保希文先生先生禮樂人也
義不失天下豪傑而始終遇微之爲國士若宗伯
唐元微少司馬賈仁甫大行謝友可三先生者皆
名節之羽儀聞微之之卒無不流涕所以慰藉存
歿撫婆恤孤罔遺餘力豈數君子偏有所嗜哉要
必有以取重者夫以微之之資兼文武觀其定儲

尾詭不晨風夕波偃息談笑於王公大人之側指
顧生風一時所稱人雄無不耳而目之能與微之
敵者幾何人哉然而有遇有不遇者時也士固不
可以成敗論及微之亡而履善先生隨以哀痛不
祿語曰人不問於父母昆弟之言觀履善先生與
復初非之之慈愛無間則知微之雖碌碌馬蹄間
其神情夢想有一出言一舉足不敢忘父兄者世
人不察猥以久淹長安罪之此何異近世李禿師
之以殺母罪溫太真乎其亦不講于繼志之義矣
惟此義不明於是有青雲之士皓首之夫攫金於

宦奪產於鄉藪通逃縱鷹犬綺席瓊筵酒肉作臭
歌童舞女夙夜同閨而其尊嚴冬日單衣巾虧四
角躬炊廳事之後至竈烟繚繞客衣而子顏色自
若其父欲訢鳴牛以易用痛介葛盧之不靈控慈
烏以貸哺恨公治長之無語此其人當堯舜之世
將與臯稷並陳於俎豆之間何敢自比於人而與
微之論優劣也乃庸俗顧畧彼罪此姦鳳翔雞諱
俊疑傑能無痛哉嗟乎人倫道喪當今之世佐子
背父助奴賊主濫我繁縷聊代青蚨之血屑之祚
席寧羞赤鳳之歌有能如元微先生之于微之生

九齋集

卷之五

五

則不以摧落廢封殖死則不以幽明生異同可謂
夷山川之險於棘塗抑谿壑之欲於爨甕者矣先
生少與范牧之孝廉同社牧之風流絕世常移情
長于里先生率同社伐鼓撞鍾絕諸神明以冀其
改故老至今侈言之夫能攻牧之之瑕於貧賤之
日故能瞋微之之目於尊榮之時苟貧賤尊榮之
不忘雖言工斧藻爵邁個庸亦何能敦彝倫秉直
道哉彼袁范何如人且侮之矣奚其交奚其交

負情儂傳

王仲雅撰恨曲曰常恨負情
儂郎今果行詐作負情儂傳

萬曆間浙東李生系某藩臬子入貲遊北雍與教

坊女郎杜十娘情好最殷往來經年李貲告匱女
郎母頗以生頰來爲厭然而兩人交益歡女姿態
爲平康絕代兼以管絃歌舞妙出一時長安少年
所藉以代花月者也母苦留連始以言辭掩怒李
恭謹如初已而聲色競嚴女益不堪誓以身歸李
生母自揣女非已出而故事教坊落籍非數百金
不可且熟知李囊無一錢思有以困之令媿不辨
庶日忘日去乃戟掌詬女曰汝能聳郎君措三百
金界老身東西南北惟汝所之女卽慨然曰李郎
雖落魄旅邸辦三百金不難顧金不易聚倘金具

九齋集

卷之五

五

而母負約奈何母策李郎窮途侮之指燭中花笑
曰李郎若携金以入婢子可隨郎君而出燭之生
花識郎之得女也遂相與要言而散女至夜半悲
啼謂李生曰郎君遊貲固不足謀妾身然亦有意
於交親中得緩急乎李驚喜曰唯唯向非無心第
未敢言耳明日故爲束裝狀遍辭親知多方乞貸
親知咸以生沉湎狹斜積有日月忽欲南轅半疑
涉妄且李生之父怒生飄零作書絕其歸路今若
貸之非惟無所徵德且索負無從皆援引支吾生
因循經月空手來見女中夜嘆曰郎君果不能辦

一錢耶妾褥中有碎金百五十兩向緣線裹絮中明日令平頭密持去以次付媽外此非妾所辦奈何生驚喜珍重持褥而去因出褥中金語親知親知憫杜之有心毅然各歛金付生僅得百兩生泣謂女吾道窮矣顧安所措五十金乎女雀躍曰毋憂明日妾從鄰家姊妹中謀之至期果得五十金合金而進媽欲負約女悲啼向媽曰母曩責郎君三百金金具而母食言郎持金去女從此死矣母懼人金俱亡乃曰如約第自頂至踵寸珥尺素非汝有也女忻然從命明日禿髻布衣從生出門過院中諸姊妹作別諸姊妹咸感激泣下曰十娘爲一時風流領袖今從郎君藍縷出院門豈非姊妹羞乎於是人各贈以所携須臾之間簪履衣履煥然一新矣諸姊妹復相謂曰郎君與姊千里間關而行李曾無約束復合贈以一箱箱中之盈虛生不能知女亦若爲不知也者日暮諸姊妹各相與揮淚而別女郎就生逆旅四壁蕭然生但兩目瞪視几案而已女脫左膊生絹擲朱提二十兩曰持此爲舟車資明日生辦輿馬出崇文門至潞河附奉使船抵船而金已盡女復露右臂生綃出三十

金曰此可以謀食矣生頗承不測快倖遭逢於時自秋涉冬嗷來鴻之寡儔詘遊魚之乏比誓白頭則皎露爲霜指赤心則丹楓交炙喜可知也行及瓜州合使者舡舳別賃小舟明日欲渡是夜壁月盈江練飛鏡寫生謂女曰自出都門便埋頭項今夕專舟復何顧忌且江南水月何如塞北風煙顧作此寂寂乎女亦以久淹形迹悲關山之迢遞感江月之交流乃與生携手月中跌坐船首生興發執卮倩女清歌少酬江月女宛轉微吟忽焉入調烏啼猿咽不足以喻其悲也有降舟少年者積蘊維陽歲暮將歸新安年僅二十左右青樓中推爲輕薄祭酒酒酣聞曲神情欲飛而音響已寂遂通宵不寐黎明而風雪阻渡新安人物色生舟知中有尤物乃貂帽復絢弄形顧影微有所窺因叩舷而歌生推蓬四顧雪色森然新安人呼生綢繆卽邀生上岸至酒肆論心酒酣微叩公子昨夜清歌爲誰生具以實對復問公子渡江卽歸故鄉乎生慘然告以難歸之故麗人將邀我於吳越山水之間杯酒纏綿無端盡吐情實新安人愀然謂公子旅靡蕪而挾衮李不聞明珠委路有力交爭乎且

江南之人最工輕薄情之所鍾不敢愛死卽鄙心時時萌之况麗人之才素行不測焉知不借君以爲梯航而密蹤他約於前途則震澤之烟波錢塘之風浪魚腹鯨齒乃公子之一杯三尺也抑愚聞之父與色孰親歡與害孰切願公子之熟思也生始愁眉曰然則奈何曰愚有至計甚便於公子然而願公子不能行也公子曰爲計奈何客曰公子誠能割厭餘之愛僕雖不敏願上千金爲公子壽得千金則可以歸報尊君舍麗人則可以道路無恐幸公子熟思之生旣飄零有年携形挈影雖鴛樹之詛生灰靡他而燕幕之棲進退惟谷抵藩狐濟旣猜月而疑雲燕喙龍祭更悲魂而啼夢乃低首沉思辭以歸而謀諸婦遂與新安人携手下船各歸舟次女挑燈俟生小飲生目動齒濕終不出辭相與擁被而寢至夜半生悲啼不已女急起坐抱持之曰妾與郎君處情境幾三年行數千里未嘗哀痛今日渡江正當爲百年歡笑忽作此面向人妾所不解抑聲有離音何也生言隨涕興悲因情重旣吐顙末涕泣如前女始解抱謂李生曰誰爲足下畫此策者乃大英雄也郎得千金可觀二

親妾得從人無累行李發乎情止乎禮義賢哉其兩得之矣顧金安在生對以未審卿意云何金尚在是人篋內女曰明蚤亟過諾之然千金重事也須金入足下篋中妾始至是人舟內時夜已過半卽請起爲艷粧曰今日之妝迎新送舊者也不可工計妝畢而天亦就曙矣新安人已刺船李生舟前得女郎信大喜曰請麗卿妝臺爲信女忻然謂李生界之卽索新安人聘貲過船衡之無爽於是女郎起自舟中據舷謂新安人曰頃所携妝臺中有李郎路引可速檢還新安人急如命女郎使李生抽某一箱來皆集鳳翠霓悉投水中約值數百金李生與輕薄子及兩船人始競大咤又指生抽一箱悉翠羽明璫玉簫金管也值幾千金又投之江復令生抽出某革囊盡古玉紫金之玩世所罕有其價蓋不貲云亦投之最後甚生抽一匣出則夜明之珠盈把舟中人一大駭喧聲驚集市人女卽又欲投之江李生不覺大悔抱女郎慟哭止之雖新安人亦來勸解女郎推生於側而啐詈新安人曰汝聞歌蕩情送代鶯弄舌不顧神天剪綆落瓶使妾將骨殷血碧自恨弱質不能抽刀向

儻乃復貪財強來縈抱何異狂犬方事趨風更欲
爭骨妾必有靈當訪之明神不日奪汝人面且妾
藏反詒影託諸姊妹蘊藏奇貨將資李郎歸見父
母也今畜我不卒而故暴揚之者欲人知李郎眶
中無瞳耳妾爲李郎瀝眼幾枯翁魂屢散事幸粗
成不念攜手而倏溺筆黃畏行多露一朝棄捐輕
于錢汁顧乃焚此殘膏欲收覆水妾更何顏而聽
其挽鼻今生已矣東海沙明西華黍壘此恨糾纏
寧有盡耶於是舟中崖上觀者無不流涕晉李生
爲負心人而女郎已持明珠赴江水不起矣當是
九齋集 卷之五

時目擊之人皆欲爭毆新安人及李生李生暨新
安人各鼓船分道逃去不知所之意若女郎亦何
愧子政所稱烈女哉雖深閨之秀其貞奚以加焉
○宋幼清曰余自庚子秋聞其事於友人歲暮多
暇援筆敘事至收畢而天已就曙矣時夜將分困
憊就寢夢被髮而其音婦人者謂余曰妾自恨不
識人羞令人間知有此事近幸冥司見憐令妾稍
司風波間豫人間禍福若郎君爲妾傳奇妾將使
君病作明日果然幾十日而間因棄置篋中丁未
携家南歸舟中檢箚稿見此事尚存不忍湮沒急

捉筆足之惟恐其復祟使我更捧腹也既書之紙
尾以紀其異復寄語女郎傳已成矣它日過瓜洲
幸勿作惡風波相虐倘不見諒渡江後必當復作
寧肯折筆同盲人乎時丁未秋七月二日去庚子
蓋八年矣舟行衛河道中拒滄州約百餘里不數
日而女奴露桃忽墮河死

九籀集卷之六

傳

友人譚元春友夏甫校

總叙宋氏世系

宋氏之始祖曰殿直公諱子茂載黃山谷刀筆中而先世相傳有宣和皇帝繪荔枝圖題曰賜宋殿直識以璽書或言殿直爲殿前諸班直都指揮使所謂內殿直帥者也故人以宋將軍稱之或曰殿直者殿中侍御史或曰殿直者蓋學士宋有觀文諸殿殿置直學士二人蓋學士之直殿者可謂辨

九籀集

卷之六

之詳矣而不知其皆非也攷之宋史惟宋宗室始得官殿直而子茂行係太祖七世孫今宋史有子楸豈茂與楸義相通耶下云坐事停勲豈未官殿直之前因遭譴別籍遂以國爲姓耶道君皇帝爲太宗五世孫世次不遠應是同時其題止稱賜宋殿直而不名於待諸宗庶之體尤合而余家所藏先世圖書有南渡帝室元裔三遷禮樂世家自曾王父已下凡典籍多以是識之其曰三遷以自汴而杭自杭而松也又余七世祖竹居公稟所贈竹居詩文成卷中有王歸耕先生撰竹居記中云宋

氏係趙宋鄭公之裔顧考之宋宗室志都無鄭公緣余家及家大兄所藏宋史皆刊不堪讀異日獲原本按之或可得也歸耕諱宗誼由貢士官太宗朝襄陽主簿而郡志訛爲黃宗義魯魚亥豕尤爲可慨當歸耕時有一樗子故老稱一樗爲童子時就試督學使者令科跣入先生耻之曰古人徵以玄纁迎以蒲輪尚重於一出今待士如囚徒禦之若寇盜而猶俛首聽其棄取乎遂終身高蹈人以隱士目之先生教授里中嘗館於余家其爲宋氏著作最盛亟稱歸耕先生引義甚高則鄭公之說要必有據非鑿空矣又王建寧孝冲先生暇爲澄言君家稱王墳宋而余家前江舊里亦名王墳余所居之宅故宋伯牛府伯牛以豪舉稱里中有巨浸伯牛每飲酒則投酒罌及甌罌於河久之成岡而攷之宋史子茂行第八世又有伯牛名焉孝冲第甲辰榜蓋惇篤長者也要而論之從高祖白沙君之作宋氏六書與世父婁城君季鷹君之作家譜蓋未覩竹居卷故不考之宋史耳余諸兄弟頗以三君子著作爲疑家二兄謙之剖其疑曰白沙之作六書疑竹居卷已屬河東宗庶白沙公於

諸宗稍抗遂不知殿直之自而是時二十一史世家罕有藏者至婁城君則當中衰亂離之際考究尤難而季鷹君又宦遊四方未遑詳覈此卷或三江公携之吳中婁城君沒後而始歸之叔父方林公或方林公晚年得之族子或至澄甫弟時而此卷始出於諸父兄未可知也澄以爲芝艸無根醴泉無源士顧自樹何如耳公侯將相寧有種乎況祖自殿直朝更三姓歷年五百不可謂非世家矣帝室之裔與非裔可無論也但祖宗之所自出水木本源不敢槩畧而勿辨耳今既未覩鄭公之實迹姑傳疑焉以俟後之博雅然而宋氏之誼不與趙氏交婚則斷自今日始矣諸兄弟皆以爲然遂叙之譜首

譜中雜記

子潤公所與爭座徐氏者爲徐六萬戶後徐與張瑄朱清同時皆以海運功官勝國貨產雄一鄉今漕河之東曰馬灣乃飲馬處也河之西有鷄頭港其種菱茨處也漕河拒瑤涇而止瑤涇之南名萬年涇徐爲勝國祈年道場也余聞之故老張維德云維德粗通書史其先居高王父門下至先君蓋

四世矣若然則余所居陽春涇又豈其歌咏地耶
附家二兄謙之荅書

考宋官制異姓補殿直者絕少唯宗室爲之則子茂之爲趙裔無疑又子字行爲太祖七世孫而徽宗則太宗五世孫也世次不遠當是同時則御賜荔枝圖斷非無據獨細覈封號無所不有甚至疊見者比比而獨無鄭公此不可曉且字畫漶漫居半二本一律終無能得其詳惜無親友家藏書者借須原板一查亦一快事也須更圖之

高王父錦村公本傳

高王父諱倫字定夫號錦村味梅公之次庶子也少養於外家趙氏七歲始歸從一樗子學以警敏稱嘗與諸兄弟嬉戲水旁顧渠水洶湧簸泊舟維且絕公遽前白竹居公曰舟維將絕絕必飄去請緩維以殺其勢竹居公異之稍長遊學四方通春秋經廩於郡學官舉成化乙酉數上春官不第始公以庶子折產視諸子稍薄不能具千金貲公志先肯構滋息二十餘年致田五十頃它業稱是因拓甲第於漕河之西地半葑芷中有大渚相傳蛟宮時方鴈月公一夕具百人持長戟刺渚頭

水盡赤乃負土平爲廳事基人皆服公之膽量
名叢桂至曾王父西莊公以堂暨樓昇從曾王父
東江君移樹新第而就故址創制逾茲第分從
父錦莊公至中葉群樹因役悉毀惟廳事以先
知起家如魯靈光焉因名光復堂所著有錦村碎
事藏於家子孫讀之未有不惕然振勵者大都致
力於耕讀信所謂孝悌力田當於古人中求之亦
何可多得也配錢孺人性仁慈撫群妾御婢盡
愛雖有過未嘗施積楚對之示不悅而已既卒閨
中人感哀悲慟至數十年不忘云公生正統二年
九月九集卷之六五月二十三日卒弘治十一年六月二十三日孺
人生宣德七年七月十八日卒成化十八年八月
二十八日葬竹居公兆穆次

曾王父西莊公本傳

曾王父諱公望字天民別號西莊少通春秋入郡
膠聲稱藉甚諸生皆折節下之既錦村公坐丁銘
事丁銘者累歲負租人也錦村公拘之家當是時
宋氏之家於沙濱者咸建廳事凡八十餘宅每歲
元夕自沙濱以至漕河之西幾六里各宅燈火連
綿更於九枝之下張鼓樂百戲火樹銀花交錯其

間邀迎親知咸郡之名族空國東下郡人至爲之
移市以就宋氏之張燈盛可知已家奴輩故事亦
以是夕互相招引爲樂一奴獨以守銘故不得縱
觀因辱詬銘銘忿自經死錦村公焚其屍族之從
兄弟購銘家誣訟公折銘肋死郡守案治錦村公
狀從兄弟復糾姻家兩貴人中傷之錦村公負氣
不能自明遂自誣伏公訟冤於郡暨按使者及御
史已而上疏臺闕廷疏下御史御史下它司覆讞
咸以錦村公家饒於貲輒引嫌莫肯爲昭雪而先
是有負經生業糊口於四方者祈錦村公游揚之
九九集卷之六公不厭其欲而去至是官留都大理評竟藉是爲
報怨之資獄始具不獲宥然公訟訴無已時時迫
冬即上疏歲率以爲常公嘗上疏疏遲未下而御
史以摠獄將至御史司馬氏爲人驚甚令曰凡訟
訴者視我期不得道中遮訴或犯其令輒收笞之
被笞者多死其後莫敢復犯公情迫即議遮訴親
友多勸止公公泣曰父無辜被陷爲人子者奈何
以畏死故坐視父冤耶遂決意往伏道旁遮訴御
史大怒叱從吏收縛公至院笞之危死郡守懇請
曰是博士子弟也爲父訟冤情可憫幸貰之御史

乃罷咎省覽其詞下府覆問獄竟疑錦村公繫數
年公旦夕爲營救所以營救者萬端迄不獲直然
卒賴公營救以故不得決錦村公既坐事族人里
中乘難欲奪據其產訟聞蠡起公一一爲理辯卒
完其產不爲所奪據俟東岡君長均分受之及東
岡君入讒頗倣公公不以倣故恨怨東岡君損兄
弟之歡族弟君求善從橫募惡少年據門大罵曾
王父命縛之陽言杖殺買棺焚之後園而陰解其
縛善撫之君求大喜訟於官曾王父率惡少以往
惡少感激乃言計出君求官大怒列其狀於督學
九齋集 卷之六
君求遂落縫掖其後復說東岡君三疏於朝訟兩
臺諸司者十七卒莫能害久之君求爲西司校尉
竟以事中東岡而於曾王父終不能誰何後西莊
公卒君求北歸見遺像頓首流涕曰何面目復相
見乎公爲學生六試於鄉不偶入爲國子生不仕
優游間里與東江顧公鶴灘錢公及名士王鶴坡
戚龍函張一桂之徒交契時時延致結詩社歌咏
爲樂數年卒薨亡於島夷之亂公爲人仁厚醇如
也人犯之未嘗較人毀之未嘗辨即有欺之者雖
心知之不忍面斥也其與人共事即所利務推與

人所不利以自處其待人雖盡誠意猶自以爲負
之即人有所負亦不計也務掩人之短有短人於
公側者未嘗荅或起避之即談人之善則樂聽終
日無所倦其居里中里中人無貴賤賢不肖皆善
待之母有所怨惡故聞公之卒者莫不嘆息悲傷
或爲流涕云所著詩文率多廣遠少省高王父於
獄中渡黃天蕩詩曰好風一日過姑蘇十里荷花
似錦鋪好景近人親自遠晚山江上白雲過其不
忍亡親類如此晚年營新第於東方山圃亭樹畢
具費至鉅萬顏其廳事前曰沐恩堂中曰自得堂
九齋集 卷之六
後列畫樓五椽微之獻老皆亡其名相傳云梯可
方輿而上金壁眩目其門牖皆雕鏤群象客至則
陳設以俟客去則匣藏之落成之日題詩於鳩工
之籍曰烏鵲啣枝口血枯結巢端爲長春雛未知
它日雛心事肯學慈烏反哺無樓成於○世廟龍
飛之元年是年卒後五年而王父三江公廢於遊
樓歸蘇侍御侍御見載樓脊中鐵索凡二餘艘嘆
曰吾值不能償公犒貲之十一敢效獻文之禱乎
命鋸卑二尺建之後卒燬於島夷云昔世父婁城
君暨先君皆產於錦村公故第先叔霞峰育於蘇

先兄澄父育於茸城九十年來新第惟產稱澄自
沐恩堂而外悉爲王父所廢今皆非舊物矣配張
孺人性勤每夕須夜分乃就寢旦鷄初鳴即起盥
櫛以一蹇負魚輪啟諸封題畢即登臺授事以齊
內政至老不弛公生天順六年八月初八日卒嘉
靖元年七月初八日孺人生天順八年五月二十
五日卒正德十六年正月十二日葬竹居公兆昭
次 曾孫林澄竊議曰當高王父之受誣也幾式
微矣非曾王父幹蠱焉豈能誘啓我後人哉身既
不膺皇天之眷至叔父季鷹君將以叅知贈三世
先集 卷之六

矣乃竟因病請 告何天之斬一命於善人耶余
行老矣無能爲也尚有異於諸兄弟倘能榮我曾
王父焉實諸父所戴首於九京也然宋氏之子孫
惟曾王父之後最繁亦稍稍能傳經自食焉孰謂
天道無知哉顧不式微於多難之世而式微於康
豫之時傳曰晏安鴆毒不可懷也戒之哉

王父三江公外傳

先府君別撰行狀茲不載

王父諱坤字維簡別號三江弱冠補博士弟子員
屢入瑣院文常當主司意矣竟爲忌者所格曾王
父服除入貲遊南太學事竣旅於吳因家焉九十

有六年出入坐雀觴客六七十人養白馬其中陸
則命騎馬服酒漿登高噴王聲振山林集女樂一
部諸女名皆極風婉晚年始就養於先君及叔父
霞峰舉於鄉遂不復遊吳性好奇字每先君叔父
侍飲輒舉筯連書奇字百數曰甲見子部丙見丑
部按之一一不失嘗於池中築地一畝費三十金
鄰人諷曰足買二十畝矣笑曰爾何知吾用以遣
日也爲人饒逸趣未嘗睚眦其題小照曰楚狂燕
俠晉風流萬里滄江一釣舟堪笑此翁偏僻處頗
隨青紫事王侯年踰不惑遽謝聲色之好凡五禽

九簫集

卷之六

十

導引靡不精研其妙晚年深得靜理年七十八獲
登匡廬絕頂然自此委頓不期年竟卒於家詩文
若干卷未卒前與酒具同筍盜并筍竊去稿遂亡
今僅錄故老口授數章藏於家 仲孫林澄竊議
曰王父有晉人之風使居脩禊之會雖烏衣子弟
何多尚焉尼宣曰不降其志不辱其身王父其無
愧矣

王祖妣唐孺人外傳

先府君別有狀茲不載

王父旅於吳因娶謝氏王妣謂三江公久客非計
也盍歸來乎於是王父遂挾謝俱家故里謝生女

幾周矣有先姑之後歸徐氏者時尚在閨中偶過謝氏見女持弄久之謝謂姑且寢之牀姑趨歸王妣所謝因襍殺女以誣王妣慟哭過情不堪聞王父大恚怒謂謝曰唐能使其女殺而女我獨不能殺唐所出子以謝而平窘世父暨先君急且欲持灰醢二子目蓋揚言以慰謝實無意殺子也王妣自度不能辯遂携二子歸於唐氏而王父亦挈謝將家於吳遂棄先世之田宅遂宇曲房毀於它姓至園中環抱之卉皆鋸爲薪王妣以二子無歸爲請舉族伯仲遂議迎王妣守沐恩堂之廳事蓋取九簫集 卷之六 十一

皆置勿携且留網罟焉夷至灌從降人以酒無恙咸大喜乃殺羊豕割鷄鳧舉網張魚於池塘烹鮮而飲因舉刀刻沐恩堂西北柱作劒形長咫酣極而西自是夷入堂中見柱上刻輒引去余少時先君常指示之迹兄澐父漆涇其痕當是時從王伯父奔避塞於行被執賊握其手卷然知非常人求貨加迫王伯父指灰中積盡畀之凡十二箱夷驚喜過望至鹽鐵港畀之羽箭囑曰遇我國人第語之曰胡馬帝東則無害已而數遇夷語之果然歸置箭於門賊不敢入由是兩廳事皆免於燬火恃九簫集 卷之六 十一

天心於既陳乎昔先慈每舉王妣夜誦之詞曰人嘗咬得菜根斷則百事可做非女子之聖賢者其孰能之

世父婁城君外傳

世父季鷹君別有墓銘茲不載

世父少與唐大行大志祖溪公同學蓋中表兄弟也夜讀燈下課誦未寢而盜入室世父潛起踪其後執之呼唐及蒼頭俱起燃燭反接視之乃里人子以惡少稱者因以酒令之飲至醉布灰於藏書箱中殺之而扁其屍於中令蒼頭舁至其家門外及曉其妻見箱大喜以爲偷兒所得物也亟與

卷之六

三

所親遷入發之乃夫屍也竟不敢揚言其事大行每舉以示人謂君有應變之才先君年十六猶未受書伯父痛哭敦諭始就學是時尚疆記先君夜誦大學衍義十卷他書稱是晨起誦之伯父前伯父不倦於聽先君不頓於聲座客兩多之諸兄弟暨多人就正文菰鑒如其辭畧不假借雖王父素稱通率自言見大兒必振肅以待其事唐孺人尤謹偶入城忘謁路半命迴船還家入白狀祖妣曰兄言入城遲遲者何既出衣汗如漿然他人之見伯父者亦莫有定色也無子有二女將卒遺產悉

歸王父於二女無私澄少時得伯父秦淮行一首去婦詞十二章君求傳一篇爲先師周茂才所假師亡諸郎幼藁卒不可得猶記其秦淮行曰江底潛龍吐雲氣三千楮衣鑿淮水鎬池壁遺楚歌起淮水未深秦鹿斃有身便當作神仙有國便當垂萬年江東地脉如可斷行將續取望夷前望夷官前淹豎吼天子甘心作黔首人世紛紛幾變更淮水至今留秦名淮流去不歇夜夜沉明月明月照秦都阿房今在無貪心詎能饜過眼便成愚君不見長城築盡臨洮土還與劉郎墮胡虜遺稿爲侍

卷之六

三

兒所竊侍兒再字因匿不還焉始侍兒能興讒已離間骨肉最爲慘酷故世父之業復燬於瓜分而先君兢兢蚤夜始日不暇給矣噫女禍可勝道哉克猶子林澄竊議曰昔王父去故鄉而王妣依唐氏三江公豈復有歸日乎不數年而世父克迎王父還故鄉非純孝之人豈能自勵如此哉其視先君若子猶曰同母弟也至於世父憲卿君亦爲之婚娶卵翼之入庠序其分產視先君等信所謂至公無我者非耶王父三江公語及輒慟目之爲真孝子良不誣也身既無後先君以滢父兄奉祀更

早世之嗣孰謂皇天無親惟德是輔也

先府君本傳

先君諱堯俞字叔然始號南華中稱方林最後稱醒默非其志也方林稱最久故家廟稱方林君先君者曾王父西莊公之季孫王父三江公之次子也曾王父特愛王父營新業於故居之東雄麗驚觀者頃之曾王父卒王父好遊閒畫舫青驄圖書聲妓春風花月之間不廢文酒朋從滿座三吳以爲美譚不及十稔而故里蒿萊矣先君從祖妣唐孺人伯父婁城君依外氏晨昏攻學能日誦書二

九齋集

卷之六

主

寸祖妣晚按之不失一語嘗與伯父夜經古渡渡口寺有碑暗不可讀乃相約摩碑先君甫一伯父摩之者三至舟索火各書既張燈驗碑則伯父無誤先君誤者再而已隣人數携曆日倩視吉凶先君尤父老易不就我問而數携此何爲父老疑妄之也請誦之終冊若指掌始大驚以爲神後復持新曆相潤覽竟誦如初年十八補弟子員試有司督學與伯父通首諸生時號兩宋復從陸大宗伯龔黃門受經書義因交董茂才 陸大中丞與成范奉常于公陸大學孝思砥礪德業維古人之

風性磊落自喜雖釜魚甌塵嘯咏自若伯父私憂之於祖妣前聞之咲曰事更有大於家者 世廟

壬子舉於鄉再歲島夷至偕伯父奉唐孺人避茗溪轉徙義興尋遷金陵祖妣伯父相繼族亡先君出入阻閼携二喪以歸時先業之復於伯父者以伯父卒乃復中落先君慨然曰當吾世而無以啓後人謂幹蠱何始服素茹辛嚴課耕織兼子范子之才夙夜風雨靡寧家僮數十口不分煙而食咸得其死心如是二十年而西莊公之分產十九復於先君而王父旅於蘇自蘇而松無家矣先君室

九齋集

卷之六

其

中之金不敢私囷中之藏不敢隱惟王父之命其屈祖妣暨伯父喪也體不勝衣杖而後起及侍王父應接如常退而臨鏡曰得無傷父心乎祖妣性畏雷一日電亟甚家人索先君不得乃痛哭伏於棺下雷已而起少依唐氏事舅氏若中表兄弟如家人禮經外氏墓則涕泗唏噓黯焉興感終不以存歿易心唐氏雅稱儒族亦無不愛重先君者伯父無後遺二女曰吾女也早世爲殯之歸王氏者有甥大維曰吾孫也收而撫之令從不肖輩習於文辭世母吳孺人甘雅操奉之金帛以食貧辭亦

不幸其自立廢歲時之禮以于櫛浹繼伯父後祔其主於祖廟祭祀則揮涕曰余敢忘教誨以失墮乎伯父喜著書及卒侍兒懷其資并其遺藁以藁爲資藉也懷之甚密先君令余母索之愈秘後不安於發爲擇良配字之竟匿藁而去於是伯父之藁稍稍見什一於故籍中則涕泣終日從曾祖東岡者西庄公之庶弟也信讒仇我西庄公西庄公命子孫毋忘載在遺訓其子一臣死無以爲殮先君將爲之謀老奴進曰主盍顧王父之遺言俛首久之曰吾有媿於齊襄也遂斷管室之材以爲之

九簫集

卷之六

七

棺已而一臣子坐事陷獄貧無所歸昇之田三十畝私於吾母曰子孫以爲鑒則幸只矣余不能以德報怨豈其迫人於險乎無何而從叔祖樗石君以客死一以待一臣者待樗石也世宗末大饑疫有司議餽糜於寺令民得入城就餐先君昌言於有司曰奈何令赤子枵腹槁於道路且粥一日而失二日業是重困民也不若移施之便城之粥以賜城之饑者并令所在富民量給方藥民賴以全活者甚衆王父之季曰春江君有監奴謝隆乾沒鉅萬其子恩挾資依巨室棄農而賈諸孫林昌

等執之奴抗不服且倚巨室駕虜財訟於二千石二千石下別駕鞠狀別駕徇法當刺先君入言狀別駕陽言曰華族得無挾君勢以襲人乎先君聲色俱厲曰某直縫掖何勢可挾即挾挾吾弟耳時從叔父遜菴君方以進士刺申陽別駕故起家孝廉大慙語塞卒寬昌而督責恩先君力也其爲人慨直類如此以故列孝廉二十餘年未嘗私謁公府非特其節介使然亦其體骨不善柔媚也宋氏自殷直公至三江公凡二十世有爲萬石長者有成進士舉於鄉者有以任俠著者有以儒行稱者

九簫集

卷之六

六

自高王父錦材舉孝廉後簪纓寂寂西莊公每挽吭曰宋氏其圭寶乎及先君以壬子舉叔父霞峰以甲子舉從叔父遜菴以戊辰成進士伯父叟城南陔叔父溟鶴補博士弟子咸有聲士林並爲西庄公孫先君書既屢上不得當一日顧影嘆曰王父有孫矣吾鬚髯行素猶逐少年爭妍媸不置耶吾父老而喜樹植吾將爲圃耄而親耄葉請爲酒正遂闢園十畝朝夕溉灌數年之內嘉卉灌叢相錯若繡浚池塘五六以供擊鮮虞人之賀見雉者倍其值以來之歲收秫百畝襍酒經釀名醞日

走使府城爲王父甘脆計王父故好客結客數人不聞風雨晚年倦遊日居園內臨花酒闌則顧謂客三三新豐處也當曾祖王父世宋氏山園爲浦南名地異羽奇花得未曾有松桂合抱者百株他樹挺秀不可勝計王父時爲先君點畫形狀先君指日陰曰奈此速乎王父咲曰止吾少年志存汗青中厄陽九非爾無以樂此日今群卉如童亭亭霞散足以娛餘年異日諸孫之侍爾猶吾兄弟之侍爾王父也因大咲舉酒相屬初高祖王父坐誣卒南都司寇獄事在西庄公傳中是時西庄公拮九簫集

卷之六

九

始也然而視曾王父尤豪邁見人不法必加唾罵能改更獎借之面無諛語亦無後言人以是服其度而忘其直交游告急必勉力捐貲未幾怪其不至則袖約至其家索火燒之曰吾知足下貧足下意我重於財耶相與痛醉歡若平生而尤急人之難即非力所及必以交遊解紛事成則歸理於天而望中小民至今猶不禁涕自言吾儕昔佃耕歲終負租多爲富室訟繫惟尊君獨否曰訟則餒而妻子矣第返田吾將更佃小民哀請卒與之田而寬其負且於租外無他索謂左右曰苛小民以供九簫集

卷之六

十

者而進之毀形踊躄猶喪唐孺人也期年而合塋畢葬撫墓木而哭曰吾能如爾之拱而侍吾父母乎聞者酸鼻於霞峯君爲異母兄弟叔父避難四方救解不遺餘力座中言叔短長則痛哭曰余不閑於教訓思爲余影之中諸君得無借秦爲喻耶言者遂絕王父之無憾於桑榆者樂受愛也先君旣不就禮閣蓋辭有司之幣幾十年先是嘗游南雍江陵相公爲祭酒秋合諸生擬風度得如之齡論榜最先君題卷後曰旣風且度讀書足配袁生及旣相致書華亭徐相國曰有宋某孝廉無恙乎

九齋集

卷之六

三

復書曰敝邑之才士也亟邀視書因勸之出先君謝不敏未有行意久之華亭縉紳覲江陵江陵問識某生乎生多綜通老夫耄焉未竟縉紳復達先君會服旣除明年丁丑例計偕矣乃束裝遊燕旣至故事投引京兆府檢引引亡竟失試悵然將歸不忍負江陵上書道故且呈所著國史書上大喜即命諸子就拜先君往拜江陵就諸子席勞淩落畢曰君第毋歸老夫曩以文知君君今獨不當以文課吾諸兒乎先君終謝不敏明日請就邸舍又明日致廩餼乃不得已留燕有間江陵遭父喪先

君從諸子徵奔喪期則以重違兩宮對先君乃作書上相公其書曰伏聞哀計朝野震驚何天不憖奪吾相公之速耶又聞諸道路天子下曠世之典相公將不得終喪僕愚以爲相國留天子蒼生幸甚相公去天下萬世幸甚請得畢其辭

武宗之世民以慢世宗糾之猛而穆宗濟之寬民少偷矣相國謹奔競汰濫竿懲不恪誅侵漁間才德軌文辭祖宗以來法紀稍弛而旋振者相國力也居庸已西嘉峪已東胡馬不嘶塞煙靜色遼陽之捷日至青齊之道無虞江海之防歲飭

九齋集

卷之六

三

鞏國祚於金湯孰能有其功乎民和年豐國無災害鬼神歆禋祀而祚生靈變理成矣兩宮以合不以離主上以德不以邪內侍忘於奸百司忘於情竭忠貞矣夫建威立法主聖民安此忠臣志士勞心焦思龐眉墮齒而不得者相國屏危疑而奏速劾上以報先皇下以謝四海進無媿於殿墀退有辭於案案自今以往將三皇不足擬而五帝不足方此愚所謂相國留則天子蒼生幸甚儲功已成矣名已遂矣身可退矣天其或者愛相國而奪尊大人以年乎欲留者情必去者禮君子

愛人以德禮德之紀也今相國欲徇兩宮之命自附於溫驃騎之儔不顧天下萬世之非是得無以禮樂猶未克興仁德猶未悉布威法猶未盡施而兩宮之命屢下主上之眷方深一旦任禮忽然何以謝先帝慰主上乎語曰國爾忘家相國之謂也然而相國之情也已知之鬼神鑒之智謀之士識之人心無形鬼神無聲愚者不情四海之內百歲之後增增焉究究焉不以相國之自信者信相國而以不肖之心度相國淺言之則曰魚不可脫於深淵騎虎之勢不得下也深言之則九簪集 卷之六 三

上不忘老臣安車屢命而後從容就途以洗漢唐之陋以復含鼓之風豈非上臣之盛軌與即不幸身去而謗訕蜚起兩宮之口足徵主上之鑒如日老臣之迹可按也亦何藉要津利器以防民之口哉故當去而去即受禍禍微欲去不得去即禍不及身其禍重抑人有言擇禍莫若輕愚恐初喪之亂方寸而惑於先帝兩宮主上之眷而不忍以禮決也故敢以書對若夫忍割於情自外於禮而處已於非取議於世相國籌之熟矣僕雖愚不至以忘親疑相國故不論當喪而特陳去就九簪集 卷之六 五

貸於京以資緣諸司江陵惡其亂法分布校尉邏
貸金者同鄉進士被邏將逮東廠先君以文交金
吾諸貴人居間得脫人或以默諷先君曰君亦見
夫龜乎夫龜不聲委蛇飲食於氣有觸擲嗅之者
則歛支縮首尾以聽自以爲能全生矣苟逢饑虎
之齒則甲肉俱鎔向之懦退將焉用之人命有定
非慎默可逃時咸服其達性始先君自以雄才得
一當世用至是屢擯春官旅食京邸不勝伏櫪之
悲加以桑梓之感會叔父霞峯令安遠仇家構之
陷獄去京師甚遙無能爲地鬱鬱不樂遂疽發背

九箴集

卷之六

三五

不起及人司寇郎李○○經紀喪事成禮而還江
陵歎曰是能深言者也厚賜之余叔父遜菴嘗言
戊辰偕先君赴南宮會 穆宗下石給事星獄意
甚不平草疏請以身代叔父焚其稿同起居又數
進酒作謔語以亂其辭獄亦尋解乃止後海忠介
公罷江南開府先君復欲上書陳其政績請留之
亦爲親知所毀石交陸氏范氏何氏董氏唐氏無
間始終於燕有姜生劉生何生交於鄉者張生周
生曹生既卒之後知遇之痛如西州里人之痛若
峴山也張從先君遊最久澄少時猶憶爲余言先

君婚嫁若而人殯埋若而人賑恤若而人犯而不
較若而人却苞苴若而人者甚衆至張卒不肖猶
未能叙事多忘姓名所謂陰德者是乎平生傲儻
明達不屑細謹少遊秣陵見梁武所種樹甚稠都
無爽氣頓足曰老革松耶栢耶之間乃欲擇陰死
耶客通玉篇切者將以授先君聞其作字母音吃
曰令我張唇作囁嚅聲即比肩野王有死而已爲
文少工駢句晚造先秦指顧萬言不加點竄雄峙
若泰華而有沛焉千里之勢詩宗蕭庾文撰皇明
史編及竹與山人稿薊門稿昔王父家吳時先君

九箴集

卷之六

三六

同伯父謁王父王父方招諸名士飲二子侍坐坐
中有妓諸公課詩贈之先君詩先成中三四曰美
人離更合華燭暗還明名士競起賀王父曰吾子
不久淹蔽邑矣後卒如其言林澄先君之不成子
也少從兄弟行名林澄澄與懋不合義八歲將抵
京復命名尚新曰庶而思義乎尋卒於昆仲復名
林澄少荷殊恩數置膝上已復推而遠之謂余毋
曰是兒遠意多端少嚴啣轡白馬御溝人也若縱
其不羈將獲譏於明世蓋屢姿狂言能致先君之
歡也嗟乎若先君其立德立言者乎 姪茂益曰

余讀叔父方林君本傳蓋不知涕之何從焉叔父與余先君爲共祖兄弟生同時也學同門也塲麓同調也遭家不造勉圖振拔同志居恒則同組修外侮則同捍禦已而叔父舉於鄉先君陸沉諸生一困南宮一困棘院坎坷不偶又畧同也自伯父婁城君捐館後叔父昕夕嚴事所稱手足而心膂者吾先君一人而已既而先君不祿不肖輩乳朽上肉耳微叔父呼而謂曰而猶能象父順領乎對曰益旣髫叔父呼而謂曰而猶能象父順領乎對曰忘則揮泪曰而能作經生語乎對曰嘗試之未有

九簫集

卷之六

七

當也因課以二菡喜曰孺子可教也時以弟湊故日集諸名士課文益與弟茂熙皆得執簡以從課畢輒張具相勞弟澄方免於孩酒半則加諸膝顧坐客曰此奇兒也異日不披離宮錦則文宣廓廡下人俛仰間春秋二十餘矣而益與澄襟期款篤復不減先人疇昔乃落魄偃蹇則又過之每相視歎歎不知天之高而日之白嗚呼叔父則無媿我先人矣抑余何面目以見叔父也語曰楮小者不可懷大纓短者不能汲深益之謂也又曰黃鵠未孚一指可挾及其乘雲氣負青天雖滿且勿能加

已則澄足當之嗟嗟九京所待以瞑者其在澄與其在澄與先君諱堯斌號南咳

方林公猶子茂益號諱南咳公猶子林澄號諱

贈昭武將軍吳公暨朱淑人傳

公諱堂字聲甫世爲金陵人當嚴慈之不祿零丁無倚髮甫束也以祖勲襲揮帥磊落具丈夫風時名藉甚遂轄管總軍容設超董龍虎輪因總旗手方世宗時河數決決率覆舟公從漕事十餘年帆檣無恙當事者多之剡晉公秩公稱疾辭運務會金陵軍變詔置振武營司馬妙選時彥得公賢狀以聞命總西曹兼署神策豹韜象公善撫綏洎被七萃去其害羣而歛段竊跼咸騰驤服都人以爲美譚功可想也公舉子最晚謝政之日六十有八矣尚率今都閫公希曾繼襲於京師躬訓騎射猶彎兩石弧命中若信平君事畢從漕河歸視險阻處輒指示長公曰遇害則謀吾昔日豈倖免哉恃有以待之也異時汝或當御今試射覆以緝風波其貽謀而不忘忠國如此生平喜讀書視子弟手不展籍及他有所持則色不爲懽每事必納于義方膺利害澹如也而猶喜急人昏夜有叩如水火之必施卒于今上之庚寅越十有

二年長公始登辛丑第又六年官管閩得贈昭勇將軍朱恭人贈淑人淑人與公同生於武宗癸酉之歲先公六年卒公少年有英父之槩姻黨之富且貴者挾貲欲贅公公謝不敏退而笑曰丈夫豈因兒女子成立耶擇配再三始襲吉於淑人公馳驅王事幾四十年無恙內顧之憂繇淑人聞德兼人也始公年踰五十猶乏冢嗣淑人憂形于色與公謀以禮聘東山梁君女自係名門筮貞利女夙繩顏氏之範爰符尼禱之祥實生長公及次公焉於是淑人撫之以恩而梁恭人度之以訓故

九齋集

卷之六

二十九

七

溪公扼陽九之逢躋庸軼伍筆忠信自托于波濤賦苦葉者十有餘年其默鞏我皇圖而爲德于榜人者善誠陰矣至若鳴弦以幾重臣此朝廷何等時耶顧脅從者衆天子設官之意夫亦憫潢池之無知乎今當事者於刈除之後復加以霜霰使不得自新于風雷亦何以宜國家之雨露惟公耿之以秋月煦之以春溫使三軍忘剝落之狀而屢懷挾纊之恩則所以培天子盤石之基於億萬年者功德又何可量哉宜長公之雀起於武闡次公之虎視于韎韐福逾介於景而靡艾也


九齋集

卷之六

三十

八

敷玉藻將以制舉莠鳴于時風裁更宛如希聖何
孝友之鍾于吳氏若是其綿綿也客曰君未覩長
公之爲人耳有時奉揚清光且歌有轍頌純嘏爲
吳氏慶無彊不暇矣其功德亦奚止銀管所述也



九簫集卷之七

華亭宋楙澄幼清甫著

行狀誌銘

友人王懋錕伯高甫校

叔父參知李鷹公行畧

公諱堯武字季鷹別號遜菴先世爲淮東人有子茂者官殿直事宋道君皇帝帝親繪鸚鵡荔枝圖賜之與黃魯直交善山谷刀筆中有與子茂書者是也後扈思陵而南居臨安之櫻桃里七世而有仲傑公者復徙華亭之蕭塘蕭塘之宋氏自仲傑始也又六世而南野檜雪兩公後先成進士兩公

九簫集

卷之七

爲味梅公同母弟味梅卽公之高祖娶富氏宋氏之聲聞自兩進士始也味梅生鄉進士錦村娶錢氏生太學西庄公娶張氏生贈大夫錦莊娶張氏生四子公其季也少秀穎鵠立不輕合人贈大夫旣老而伯子浸春君早世家植中葉復丁島夷公日侍湯藥夜不廢伊吾乙卯補郡庠生丁巳居贈大夫喪不勝哀毀無何而仲君南陔亦謝人間事太宜人年高内外含沙者衆公與叔氏溟鶴君幹盡服勤橫經爲弟子師者幾十年藉館穀以供甘膳歲時閒歸則依依孺慕不忍暫離左右則宋氏

之孝友公不替之也丁卯 昭陵改元公舉應天

鄉試明年第羅文懿榜進士公故雅間詩詞會有以厲語欺公者公信之遂不赴東觀試授知汝之信陽值新鄭構虢鄉衮慮公有桑榆情乃量移二廣之南雄尋擢惠州守以太宜人憂歸服闋補福州守癸未擢臬副丁亥轉滇南參知又二年入賀聖壽事竣歸省遂走疏乞骸骨 上賜俞允方高卧杜門詎意長往耶嗚呼方公之在信陽也有豪民于延魚肉里中公密抵之法又小吏者六案之外爲守之耳目者也前吏或倚之偵外事公悉屏

九簫集

卷之七

勿用中外肅然上官議賑公謂俟籍成民枯魚矣聽民早晚到官品其孤窮隨給多寡數日之內米價頓減全活者萬餘茂才朱生有母年九十矣已請老而隱公聞其孝率屬稱觴署其門曰節孝申人謂公復古人之風一時疑獄劇盜丁田胥府公理之裕如至於祈禱神應詳翰林王公祖嫡生祠記中蓋公之實錄也及轉蒞雄州臺使諸監素才公俾公視府篆一切調發募兵轉餉莫不倚重於公至賑給理訟務令官民兩利某州司理某公莫逆交也當赴召時飲別江潯前請於公曰主上不

以其爲不肯下 詔見徵令覲顏而行公孰何我
公笑曰富貴之與立身君早辦之矣已而竟爲執
政所羅公遂絕聞問尋亦以黨廢云太平橋通南
安荆楚爲萬貨孔道故事設府佐權之上官屬之
公公固辭不獲已視事八日卽稱病謝去未幾惠
州缺守督府凌君特疏請命 天子下議銓司報
最允請初肇慶羅旁紆縈二千里羣不逞之徒時
出剽掠督府凌公集諸將吏謀平其地以爲郡縣
時公尚佐南雄以事謁凌凌密叩狀公以綏來爲
言而督府竟征之建定州縣捷聞於朝自撫臣而

九齋集

卷之七

三

下皆次第受賞公奉兇竿而辭曰予無老謀而受
成壯事乎督撫謝曰君誠仁者於是乎有惠守之
補兵興之後反側未安公宣示德意不忍加兵總
帥蕭建寅與守帥陳于仁交惡相攻公逮建寅就
獄示以寬仁旋伏罪譴巢賊李文表世爲惠患
肅皇帝時屢勤王師函首獻俘寔其貌類而文表
跋扈自若公論以至誠文表感激遣子入侍乃廢
之學序終公之守不敢跳梁林道乾鋤揭陽縣吏
負罪竄海有舟千艘衆數萬通安南占城舊港三
佛齊諸國嘗佩列國相印相小琉球三年將謀奪

其國國人不從乃復航海戊寅春率舟師四百突
至碣石碣石者惠之邊衛也叅戎適謁撫軍在廣
將士皆譁公卽舟諭之曰汝等一時陷溺若舍舊
圖新非止免禍爲福此其時也道乾恐人心動握
乃仰天而言曰某偷生海隅思少年見侮於鄉里
此來欲圖一逞今明公以德言綏我逆之不祥顧
語健兒檢部中惠州女子十八人并前後招安告
身若干通皆委之泥沙而去以明無意故國也順
風揚帆管絃嘈雜度不絕者久之道乾雖波濤戈
戟時若焦勞而酣詭嘲歌竟復彌日左右諸女郎
皆能校讐書史舟中女樂數部身爲顧曲周郎亦
一時盜俠之雄也而不能不動心于至誠之喻所
謂忠信行於蠻貊者非耶在惠數年公府多暇郡
人目爲先生蓋以書吏之聚散如學究之於羣兒
也御史案治旬日無一訟人乃大驚曰何以致此
公謙讓而已已聞太宜人訃卽日戒途同官追送
者不遠百里餽賻一無所受居喪足不履門服闋
補福州守福之徭役久便官傭奸吏誑撫按復欲
計田拘役公抗持不動民始帖然往官倉歲輸多
無賴代收列罪狀上之悉伏其辜糧戶由此不得

九齋集

卷之七

四

私代每司農計至必揭示公門曰凡吾所爲吏奉成事巨細悉裁吾手小民毋得信吏爲奸吏稍稍散去然而尚苦冗書乃考其深開法律者隸吏禮諸司餘盡斥去府掾一清三衛軍人獷悍世廟時屢辱藩臬吏月廩稍遲輒脫巾呼詬公立散期令揮使持赴撫軍人呼名而給之無敢或譁賀問玄黃往往貸之市肆至是令其通供尚方筐篚故事委屬費多而緩公必身臨有賣卜人鬻小曆於民間所謂通書也宿仇訟之適同年某爲上官語公曰在法斬公曰陰陽家多有之罪應城旦春某

旁午無一留滯驛傳征稅緒多乃會省驛而定其徒馬舟車之數歲減萬餘金著爲令各屬吏不開刑名乃校河南律疏有未達之意必曲証詳申罔得出入尋掌北嶺道而岑岡李氏反規畫奇正卽日就平晉參滇南分守金滄道民負鑛輸繁及垂白綠場道向駐臨安未嘗親至各硯昧其盈縮及鑛負虛實之故也至是委二千石及縣令躬詣監煉各屬官傭惟服私役公爲酌次衝簡著爲不刊姚開戍兵四千餘人陰懷異志公密語之憲臣及鄧參戎茂之信也復告之御史御史領之亡何變起執一別駕以要行貲乃趣屬縣銀二萬及發府足之散至楊林用間鑿驛垣逸別駕遂勒土著合蠻兵截其歸路野無所掠遂解甲乞降咸斬於東市御史悽然顧謂守臣曰早從參知寧至是耶初撫臣李公材征緬甸捷還流言濫敘婦人首級御史隨訪之公公曰李公以道術自期明公首發大難寔爲崇仇道路之言多涉影響會有臬臣挑之意遂決章露天子震怒詔緹騎繫付徵室援高皇帝立午門誑言例擬斬御史遂不理於口黔國遠在萬里下多不法公輒重按之黔籍以安及

入賀例有長夫一切謝絕居長安邸凡臺銓諸曹率多故吏迭遺車馬悉以疾辭時同年山陰王公方秉機務張謙謙公二三藩長皆不敢抗尊公曰今日宴故人寧復以禮法拘乎從容聚賓主歡如故其強項清白類如此事竣浩然東歸買地投老不出戶外問聞子弟宗黨有不平事則又毅然以身任之夫以公之寬仁雅度言行和中豈惟爲里閭典刑將國家老成是籍詎意以脾疾不起時丙申十一月二十六日也將逝之晨授子弟政績一編及手書劉忠宣大夏壽藏記一通公之不好譽

九齋集

卷之七

七

槩可觀矣元配張宜人莊懿公鑒曾孫女茹茶習慕若出天性當島夷駸策之交流離萬端彌勤孝養蒸嘗豐潔於禮無譴撫育孩提納之規則使公無內顧之憂得以畢志青雲宜人力也卒於戊辰正月二十九日繼顧宜人叅議公中孚孫女能以莊敏事公先公二十年卒於惠公生嘉靖壬寅十一月二十一日享年六十有五丈夫子八人某爲公猶子敬撫公之事行以俟名世採擇謹狀

先兄澄甫君行狀

宋氏以國爲姓者也世居於汴自殿直公侍宣和

皇帝獲賜荔枝圖遂與黃魯直諸君交善至金人破中原乃從建炎帝移家武林又數世而徙華亭之南橋再遷蕭塘兩進士以儒行起家又再世而方林府君暨叔父霞峰遜菴公先後鼎峙中間爲遊閒文學暨淳于魯連或朱郭之儔代有聞人遂屈指於名族先兄諱懋澹字澄父方林公之仲子也七歲能屬歌詞讀書數行俱下年十八而晉陽褚先生督學江南取貫多士預試秣陵不利侍先君遊燕遘疾南還未幾而訃至痛哭嘔血卽時就道不日抵燕讀先君托孤之辭誓無引避然扶喪南歸縉紳先生多其孝假之郵符往返百日時旅中惡少乘我初喪含沙射影幸先兄之卵翼卒莫能傷嘗痛先君之憂勤惕勵而卒以旅亡也誦生平不滿百之章則慟哭竟夜事母張孺人於禮無愆色養寒暄未嘗怠緩故母氏撫棺之日幾不欲生至於敦睦宗親友愛同氣與夫教誨不肖蓋出於性生卽親姻淪晦亦竟日咄嗟雖身丁危疑不異於此當新婦楊氏之亡澄方策蹇上谷周旋備殷復延僧誡誨祈往生西方母氏藉以強飢迫澄子暴亡哭於先君之廟不言笑者旬日其人倫

九齋集

卷之二

八

大都無憾如此而更追遠於祖宗有從叔奴某甲牽牛以蹊祖塋牧兒羞笛其上幾二十年矣族人因其飯牛交多不逞莫撓其怒從橫無已遂至毆辱宗人時先兄既已抱恙投袂而起聚族訟之府中率諸昆仲數其侵凌罷佐李公嚴加撻伐卒伏其辜於是掃除毒蘚驅逐狐兔百年松檜始森森有鳥鳥之聲而牛羊亦從此絕跡矣不然祖宗會無窮之忿恨寒宗負累代之衣冠聖明弛等威之法紀浸微浸滅曷其有既耶事旋告竣親黨以爲美談而猶慕樓君卿之名節原巨先之名豪或中

九齋集

卷之七

九

夜告急必展慮長思期於屬厭而止不則勿勿沉沉寢食失故用是爲月旦所推方之太丘之道廣人亦服其至誠卒多樂告之云凡爲庠生者十年而側入北雍及文戰數奇年幾強仕仰面嘆曰公理有言薄田敝廬背山臨澗溝池環匝竹木交陰聊以息四體之役碌碌車馬何如簪蒿席草不食其祿亦避其患者哉去以勿言從茲無意人間世矣歸家杜門不入城市效先君之耕織以自樂暇則樹花焚香嘯傲風日而已雖素妃濁醪至是亦漸疎落平生習於文詞雲舒繡錯讀者企其才情

迄於垂暮雍雍大雅嗣焉得常氏之神情而不虞有玉樹埋土之恨也臥病踰時都無恐怖朝夕正襟展誦詩以自喻先卒前一日以先君之產歸澄檢點簿書二十餘年皎如日月亦絕無私言或請其故笑曰身既不肯未能以榮名顯二親何至於趨錐刀未乎顏色怡然夜半誦軍子而後軍子蓋以世父戎籍恐異時宗姓無別故耳凡數百通迫明而卒近識悲悼遠士傷情嗚呼痛哉非守身定命之士烏能彌留不亂也初先君痛世父婁城君無子以先兄承祀奉母吳孺人孝養慎終人情罔

九齋集

卷之七

十

議暨先兄無後遺言存伯父之產俟櫟澄子爲嗣如先君故事生於嘉靖丙辰卒於萬曆戊戌享年四十有三嫂錢氏故廣文介石先生長女無出同澄母孀居女一係側出受武林庠生姚士重聘夫以先兄之孝受純謹雖耄耄猶擬之也而卒天其天年甚且斬其胤嗣所謂天道無知者信耶澄小子痛先君之宵旰悲遺言之苦辛兢兢夙夜誓殫靡他使鬼神無霽則亦已矣如其有焉亦惟視聽無私用照臨其朝夕以修短其死生則歿且不朽惟是先兄之孜孜立誼余小子親炙其典刑而竟

乏達尊先生一言不令之垂光後世則異日無以見霽爽於地下故敢畧陳始終伏惟大人君子信澄之無欺賜之銘狀豈微澄小子得藉口幽明其自亡兄寔受大賜於九地敢拜手以請

先妣張太孺人乞言狀

先妣張孺人考蘆山君世居華亭故黃門白灘公從兄也潛德弗耀方島夷攻城外王父與王妣懸纆於廊廡之梁孺人爲蘆山公長女方數歲問父母懸此若何爲答曰俟賊入卽盡繼汝等耳已而白灘公家遭回祿蘆山公抹焚所挈多臥內裝

九簫集

卷之七

士

難已一一歸之給諫公驚喜出厚賞爲壽公大笑而不納曰吾若欲富匿一筭足矣今願受酬豈手足誼乎給諫公竟不能強孺人及笄納府君幣時王父三江公就養于先君王父素豪舉非對數客則飲不歡衣有微漬亦不復御孺人每戒蒼頭於巾櫛時請客之數而時白府君製新衣以進聞王父減冷必叩故于群下或竟日思惟不得謂府君謂之王父喜爲之加食因多孺人有先姑風先君旣屢上公車不第自兩叔父後先起家辭有司之幣者十餘年銳意恢累世之業偕雞鳴興躬親稼

穡間則寄情于羣卉奴婢供耒耜之役者數十人先慈司中饋課紡織稽樹畜後戌夜寢先君故好客客至必擊鮮快飲爲卜夜之歡先慈不俟謀而具故府君有勞而無憂視先兄滢父暨仲姊之歸陸氏者自孩提以至撫棺不啻已出故兄姊之事孺人亦同罔極鄉黨以爲美譚當江陵執政憶祭酒時數首先君至自貽書華亭徵先君狀且語鄉之達者是生能讀老夫未讀之書今云何高卧先君感其知遇爲強赴計偕將發憂鳴金而與蟾蜍爭逐明珠珠爲蟾蜍所吞覺以告孺人辭不解尋

九簫集

卷之七

士

泣謂澄曰珠爲奇珍猶若美官逐而不得豈吉兆歟豎子其言之於是不肖八齡矣特先君之愛援引古今以緣飾其辭先君勿是也遂行會亡路符不及春官試作書辭江陵歸并上所作國史史文雋而核於韓林兒陳夏諒張士誠皆稱世家而遊俠卜筮咸有傳其傳末所論列尤卓逸不羣江陵益大奇之謂諸子曰是可待詔承明備天子顧問者也遂命諸子就逆旅留先君授邸舍餽廩相繼于道將以中書舍人官之居無何江陵遭父喪皇上兩宮命母終喪先君聞之上書江陵

反覆數千言旨深辭達載在先君本傳中江陵由是不悅及還 朝復從鄉縉紳稱先君才縉紳讒中之巧由是益疎先君先君竟旅亡如先慈慮未計前數日夢王父據窓而呼爾夫亡矣孺人驚號而起自以爲不祥已而果計至勵殞幾絕水漿不入於口者數日於是期功之黨相聚勸孺人生曰方林公惟二子而未有孫孺人獨薄孟母不爲耶先慈以爲然稍稍就飲食越四月而先兄澄父扶先君柩南歸孺人哭泣踰禮感動路人遂謝內政絕口不問戶外事朝夕扃門禮西方聖人所親有

九齋集

卷之七

主

以析產爲言則指澄曰是兒長成未期幸而免于夭折幹蠱不可必也吾何忍以已成之業付豎子操之而顧憂其傾覆言者頓息初先君家居不肖恃愛多妄言嘗讀豫讓傳起白先君曰讓欲刺襄子而襄子生之是復以國士遇讓矣彼智伯雖不若范中行之以衆人遇讓然豈有再生之恩如襄子哉不識又何以報之故爲讓計惟有力諫智伯之多行不義耳諫而不聽先伯死之可也與伯偕死亦可也刺而不中飄然遠引可也漆身吞炭無乃過乎先君喜亟撫掌曰兒非尋常人也出以語

坐客無不驚嘆孺人之聞默然俟先君退深戚言曰余聞之夫子不德而辨禍必及焉今豎子未聞明德而擅訛古人禍之招也抑君子非身當其時則不敢以意參其是非就以家庭喻焉一事之始終細微曲折遺忘者嘗強半安知豫讓不諫而記者失之耶持此以立心則刻處世則隘刻必得罪于天隘必得罪于人是兒吾不知死所矣又嘗侍飲于先君坐皆父行也孝廉某肥素有黃特之目酒酣某父行抱不肖加於孝廉之頸笑叩澄曰爾今坐此云何澄對曰騎復問曰騎誰對曰騎黃孝廉乃

九齋集

卷之七

古

佯怒大呼故欲傾澄墜地於是府君亦佯怒坐客亦佯來勸解澄徐對曰吾言騎黃鶴耳舉座驚笑以爲機驚絕倫競起爲先君壽先君亦自喜不勝酒罷孺人踞澄于庭鞭之十數曰是犯上也異日豈敦人倫哉其防微如此澄生八年而先君遊燕稍戢然從此待不肖日嚴敝衣惡食惟恐少過遇帶斷白易必呵究曰是與誰家兒博戲所致故不肖常以針自佩值衣碎或欲續帶皆自縫不敢白偶廉知嬉遊必加撻楚雖先君云亡畧不假借及幼妹復殤慮澄不永於年始以柔條示警然嚴毅

之色至老不弛性簡靜不喜浮華每衣食稍穰則興憂曰此爾父辛勤之遺爾曹豈能自致耶澄一日侍飯遇糝輒挑糝擲几上母輟盞嘆曰昔先姑有言頻嚙菜根則百事易辨夜必莊誦以儆合門故而父伯仲卒爲而族儀刑且古人甘藜藿而德齊聖賢食糟糞而位致卿相今爾惟精鑿是期此蹈輕肥習也安足與圖大事所屈荒僻多夜警命老嫗保護不肖戒藏匿奔避具悉事已必救族我爲先夫熱血計耳若未亡人有故而已凡九

父母目攝之余姊笑曰母迂於慎矣曰非爾所知指虎兒與施氏曰是兒猶溼而婦卽我也今我薄視溼異日婦將薄視虎矣迄虎兒之喪新婦哭之如生聞之宗親皆以爲母氏仁心所格孺人自先君旅亡已來憂危非一至兩手不仁及遭虎兒之喪乃更消鑠無何而先兄夭亡母復痛絕如喪先君時會艱難之際母不得已強起就食處喧若寂人無間言蓋不肖自甲午而後已絕意人間屢欲舉手與筆札爲盟曰不及黃泉毋相見也至是遭家多難議復遊燕而先慈志屬首丘義不遠涉第九篇集 卷之七 太

就道友人錢簡栖題詩贈別有曰携家仍是累留母不俱征蓋諷余也余若早從簡栖之言不孝之罪何至上通於天乎客燕幾年庚子復下第因循經月水將涸矣就留燕中明年而婦娘遂單騎歸省孺人悽惻命澄吾嘗語而曰爾父蚤喪是天之無意於爾也少不力學是爾無志於顯親也今以多難多病之身年三十而一無所成事可知矣况汝當甲午以來每欲焚呵筆硯今更碌碌馬蹄間何前後矛盾耶身將隱矣焉用文爲爾其速歸小

心以塞非實箝口以杜禍門爲鄉黨善人足矣不肖辭以明年携婦南還母黷焉出涕而別先是有身後之說忤孺人意孺人鬱鬱不樂然終不言其狀惟命澄絕其人而已既而不肖入燕新婦姪復不舉遷延抵冬而計聞矣時辛丑十一月初二日也享年五十有三嗚呼痛哉將逝之際侍嫗携孫文寶兒請母遺言母搖首云今日無常矣豈復以萬事膺心耶誦佛號數聲冥然而逝孺人尤愛寶兒母賜菓餌必擇端好至斷藕稍斜必削正乃畀侍女輩口出惡言則痛加懲抑故寶兒自孩提

九齋集

卷之七

七

然絕粒刎頸之志久而不渝誓不敢忘自討以負丘吾于地下矣孺人以己亥舉節行于里按使者豫章 劉公暨大梁 徐公嶺南 何公累行顏閤之典母輒涕泣曰當爾父既亡我豈爲名而固微守哉此婦人之常何足屢瀆上聰頃之侍御恒山馬公將類 題矣復爲有力者奪去然孺人固非有意求知者也將卒之歲忽有五色異鳥凡十數種巢于門之白榆家人方以爲祥卒羅酷禍豈純德所感乎衰門之長莫如秋塘君期功之表莫如溟鶴君昆仲之列自賓之以下交頌孺人曰此孀婦之尼宣也故寒宗無長幼親疎以母氏爲典刑叔父李鷹君當彌留時特呼不肖曰敬謝嫂氏歿而有知見仲兄于九原慰藉必嫂氏始矣其無憾于鄉黨宗親皎猶日也嗟乎夫人孰不有母母孰不慈其子然或以慈而失教或以教而顯親惟母氏之孤苦辭不能形綵經之悲殆無虛歲卒不以衰憊之餘忘其教誨兢兢焉如履水而持盈航海而禦寇頃刻無寧而卒不能使其子自拔于流俗無論不肖之罪罪通於天而天之酷我母氏亦已至矣不肖旣不能懸刺力學自躋于天衢又不

九齋集

卷之七

七

龍絕跡人世蕃息先人之遺以供甘脆至于湯藥
殯輓皆不獲躬親兼以疲於津梁罹於疾病間於
憂虞計今而往將奉教化人絕學棄智甘心與麋
鹿爲友豈能顯身揚名以聲施後世哉惟是先慈
微節未膺 天子一命稽顙籲天於今十有三年
矣曾不足以感動幽明是不肖之罪深惡重逋及
先慈也遂巡旣久猶俟 九重之寵光以貢泉壤
始事乞言而犬馬多病恐俟河之清一旦溘先朝
露不特不孝之骨與草木俱朽卽先慈之懿行將
泯泯無聞矣用是敬錄生平亦無忌諱且具在宗
九齋集 卷之七 五

銘 兒龍媒誌銘

兒生於今 上壬寅冬十月壬子生母陳氏未生
前余叩籤於梓童云駒是房星化下來天閑產出
號龍媒從容八極皆如意咫尺瑤池去復回因名
龍媒字君房明年余將抵燕兒乳債故畀伴義育
之丁未南還生五年矣拜起如成人六週而就學

質不甚穎入口亦不甚忘有叩則笑亦不甚應自
嫡母迄於輿人憐之如珠玉辛亥余役於漕輸遭
奴侵盜當事者勸余北征念兒未閑於訓遂挈兒
暨兒師與俱師卽余甥也舟泊北固請登金山行
艱今負之復歷焦山僧負人不能登巔兒往來江
中不怖而喜余戲之曰異日亦能探奇山水間乎
至維揚遊瓊花觀歸始憊先是常疥疥有癰人競
曰痘也初夏復現似痘者百且有毒如卵出左手
寸關間醫又指爲痘毒也不虞今日而痘始見體
無不斑之膚面腫如塗丹延醫於寶應淮陰名士
張倪李咸云不治更倩女師斃之言如醫親友猶
幸其神王余獨令其後事凡不食九日而亡亡時
呼父不已慙勤謝嫡母懇求就浴於盤中浥水自
澡復戲摸力柱及鯨領乃循几就枕呼歸去來者
三膝膝若寐人信其寢也相戒無譁須臾呼之已
窅然矣時五月六日戌夜也同舟莫不悲悼余心
自亡先慈處境如灰至是不覺復燃然已焚之益
灰度不能北當事者亦以見原因持其輓歸塋於
春申浦漕河馬淩之南地爲先府君舊塋處嗚呼
神云瑤池去復回是尚可回耶銘曰 駒耶媒而

來耶有所爲而去耶有所爲而回耶我所以瘞汝
於墓祔汝於廟者以十年默圍我先人之冢

九箴集卷之八

華亭宋林澄幼清甫著

友人張 鑒之甫校

書

與心洛曹侍御書

某年某月某日東吳賤士宋 公謹九頓首致書曹
心洛相公執事澄不天少遭閔凶勿閑於父兄之
訓落魄四方偃蹇萬狀然亦不可一世倖倖自以
爲古人雖跡其生平十不一合顧自負不已每一
人有聞於世輒畧其富貴而以身與之衡度其人

九箴集

卷之八

一

不詭遇于葵倫不微倖於功業雖身願爲之執鞭
勿恤其是非亦不盡與人同而與人同其是者惟
門下以爲無論當東事盈庭之日門下獨執其咎
與千古諍臣相頡頏卽今日之遇剝而不沒沒於
復處困而不役役於亨全神養和以俟 皇上不
測之恩威雖古從容就義之士亦何以加私心嘗
恨不獲朝夕侍左右使得待罪執事卽生奪萬戶
之封瞑絕九京之樂猶將求之豈期不求而得之
者乃在楸枰磨養之人而弑逆之賊哉此楸枰之
所以煩惋不平而不得不以書對者也幸門下少

留意焉夫逆奴宋文者其父王深則先人之臧獲
也其妻阿滿則先慈之婢子也文受楸枰之恩如
父子報楸枰之德同梟獍始乘主母之病使其妻
行弑於舟旣慮楸枰之知糾其黨爲賊于寓誘宋
信宋卿而舉事微命幾絕於扼喉賴宋慶留壽而
得生湯痕親驗於司寇情昭赤棘事載丹書及獄
成之日復痛罵楸枰於儔衆之中此司寇合曹之
所共見而天地鬼神之所不容者也何意巧肆笙
簧之舌致傾鍾鼓之聲遂得媒進於管城郵奸於
子墨不肖始而疑中且懼旣則釋然曰吾知曹先

九箴集

卷之八

二

生之所以收之矣其憫之也三人之市虎也其信
之也積毀之銷骨也無庸疑也無爲懼也雖然不
直則道不見愬請直其道於書愚聞之里名勝母
曾子不入邑號朝歌墨子不炊今逆文弑主之名
不特勝母也叛逆之號甚於朝歌也門下德軼曾
參行陵墨翟而使文得舍毫吮墨以待左右是令
曾慚不入而墨恨不炊矣此又愚之所煩惋不平
而不得不以書對者也傳曰狼子野心又曰非我
族類其心必異夫文之逆心則豺狼也文之族類
則奴隸也以豺狼而寄之腹心以逆心而畧其族

類此子西之所以失之於白公叔孫之所以失之
于豎牛也彼宵小之趨勢利猶猛獸之饒血肉豈
顧參哉此又愚之所煩惋不平而不得不以書對
者也易曰尺蠖之屈以求伸也龍蛇之蟄以求奮
也意文之掉尾於前搖唇於側佯信如尾生詐忠
等程杵以從事惟謹者異門下旦夕出一言爲之
匿其情使得寬其罪耳門下設憫其乞憐而爲之
言則忠臣啓口釋主而奴是助非禮也若疑其情
實而拒其請則小人難養緩用而急棄之非情也
門下試度千鈞之弩果可爲鰲鼠發矢乎且諺曰

九齋集

卷之八

三

投鼠忌器夫名分者 國家之利器也當島夷請
封之日門下奮身不顧爲 朝廷惜之家國一理
何忍惜之於 國而壞之於家哉傳曰狐埋而狐
滑之是以無成功此又愚之所煩惋不平而不得
不以書對者也詩曰愷悌君子無信讒言又曰讒
人罔極交亂四國故顏淵負攫齷之誣則尼父詘
智曾參致投杼之惑則賢母忘慈彼逆文之變白
爲黑鑿方成圓非止一朝有同三至矣使澄隱忍
而不言躊躇而勿論則顏氏將甘饕餮之辱以益
宣聖之疑而子輿將受殺人之毀以張慈母之失

不惟讒人得肆其交亂即門下亦何以成愷悌乎
此又愚之所煩惋不平而不得不以書對者也語
曰唯亂門之無過又曰無亢不衷以獎亂人若逆
文之不衷可謂亂人矣門下爲其寬而姑矜之則
無稽之言弗聽弗詢之謀弗庸亦何可以輕信爲
其能書而姑用之乎則雀角徒能發屋鼠牙適以
穿衣又何可以善終況小人不可與作緣門下旣
與之同患難則當與之共安樂一旦 天心悔悟
門下復出而高議芸臺之上昔之俛首低眉者無
不思庇在宇下以祈恩與澤於萬一門下將絕口

九齋集

卷之八

四

不言乎抑極口稱冤乎絕口不言是辜其仰望而
滋其怨恨也小人且得操宿昔而仇之唇舌之中
如極口爲之稱冤則數世之主不容把髮扼吭弑
也一時左證之人不可轉與卷也司寇之令甲備
具挽日迴天又何可以頓廢也廷辱主人而無忌
雖塞縉紳之口掩僉輿之耳勿之沒也履后土而
戴皇天熟於無情善於奪理欺之避之幽明無所
遜也茂澄身當其時必累足裂冠披肝瀝膽與文
辨論於 朝堂名分未亡直道具在若明赫澄之
不誣豈寬逆文之無赦真僞不兩立曲直不並陳

上自朝廷下自宰執必有爲之揭日月於中天者門下亦何愛於文何讐於澄而忍冠履倒置玉石同糅使我至於此極哉吾固逆料門下之必不出此矣顧愚以爲與其絕之安樂之日不若絕之患難之時且聞能執筆而侍左右者亦不乏人又何必戀戀於一逆文使得沾沾藉口分布腹心颺言於外每一舉一動必以門下爲城社也夫以門下之楷式仁義天下之懷忠負志者求供門下之使令一日且不可得而猥令不忠不義之奴假虎威以肆鴟張是懷忠負志反不若弑主賊恩者矣

九篇集 卷之八 五

爲林澄者何不幸幾死於奴隸復不幸踈遠於高賢爲逆文者何幸既緩弑主之誅復何幸而濫厠高賢之側是用累牘連章苟不見諒於執事不難刎頸以見志剖心以自明何也文之同類冒皮毛於要津揮脂膏於不逞其人可數而知其事可按而跡陽調黃鵬之舌以變亂是非陰張射工之毒以巧肆賊害誓必欲抹逆文之生乘茂澄之間歸則期殺澄於道途旅則期殺澄於早暮卽其主人亦莫敢誰何而豈能保林澄之首領一旦機發於不虞患生於所忽生爲受辱之人死爲啣冤之鬼

雖欲呌天無辜期自鳴於門下之側尚可得乎此又愚之所日夜煩惋不平而汲汲不得不以書對者也伏願門下俯念林澄秉葵好德之誠塞逆文反噬叵測之實母使復供筆札猶侍晨昏却襲玷於青蠅祛徵工於貝錦膚慙違而浸潤絕君子小人之耳不相淆淄渾辨而涇渭分弑主背親之黨與潛散則庶乎主僕之分墮而復開否泰之位傾而復正矣不惟林澄幸甚卽世道幸甚

啓

上劉侍御啓

九篇集

卷之八

六

竊聞黃雀高飛每戀楊家之寶篋烏衣南國常懷王氏之雕梁是則德以思深恩因慚重况嶰陽半稿之竹非伶倫孰賞其音寒岫永枯之桐含龍夔孰調其韻伏惟 相公臺下聳幹儀天挺豫章而森材霄漢峻基維地拓廬嶽而毓德山靈嬰年辨白馬於吳門弱冠對黃熊於晉國演飛龍之秘策則筆海生瀾蔚變豹之奇文則詞峰爛綺初矚斗牛精氣分光桂苑之官嗣瞻雲鯉神翔競躍桃花之渡借光芒于七曜頓輕徑寸之珠華舒絢絲於五雲祇笑三年之玉葉龍劍旣陸離於國牒鳳毛

用昭晰其家聲始則雪白水清雲路肅輶車之軋
軋繼焉霜明月靜天衢避馳馬之行行望切東山
名懸北極嗣惟吳會晉號荆蠻每鑄劍而探丸亦
桑間而濮上幸廻天運默間 帝心於是擁熊蓋
而撫五湖握虎符而綏四郡仁鳥景化對官樹以
鳴風夜燭凝清吐雕花而待月九農攸勗五教惟
宣陵裏芙蓉練作稻花之雙穗贈之芍藥化成麥
秀之兩岐齊民不假於蒲鞭訓俗何煩於竹馬加
以冰壺澄澈照膽每挈其覆盆水鏡橫空當機莫
逃於朗鑒而客物以量牧已先恭小善不遺屢損

九齋集

卷之八

七

仲翔之東箭片言允錄隨酬平子之南金遂令莫
釐哀紫於姑胥疑贈以珊瑚七尺伊婁漾碧於北
固若浸以珠樹一叢展札飛神競夢景純之吞鳳
濡毫鴛想爭思江令之生花雖內史之舊山韞玉
實司空之識劍連城奈李成蹊杞梓儲用來如層
城瓊寶借青鳥以啣將去若闕里秘文異赤麟之
吐却是以離筵方敞祖帳纔牽君子撫嘉樹而興
悲小人歌甘棠而杖淚指密雲於歸旆咸期傳說
之霖候朔氣於征車競戴趙衰之日至若某母某
氏者霜閨清鏡指九地而絕舞於孤鸞雪髮素心

望三湘而寄痕於班竹何期俯察遽錫弘褒對荆
玉之栗溫空慙抵鵲感夜珠之璀璨虛擬辭鮫遂
令白屋數屢毫翰忽飛風雨青雲雙字文漪百變
魚龍眇華岳之五千竿頌巨靈之掌沂黃河之九
萬疏侈大禹之功夙暗懷輝剪翰思羽祈無私於
舜海果不泊之波濤翹積感於堯雲遂允拯其失
墜草菲非而待結環燁燁以思啣馬齒有涯望昭
宮而噴玉蜩榆有控愧北冥之搏風豈謝家之偏
惠夫羊曇信王氏之貸恩於康伯第愁來攬鏡乏
崔琰之鬚眉楚極循形減鄭玄之腰腹昔作南都

九齋集

卷之八

八

賤子今成東海波臣持魚目以沽諸賈胡嘆其
不度挈豚蹄以祝歲髡叟笑其侈求痛涸轍而乃
復傷鈞悲殞瘡而仍遭挾彈囊中之穎敢望脫於
平原山上之泉恐不利於東北有如東濕何異燃
灰擬載螯而先登周麾旣孱思焚舟而獨濟三敗
逾瀝灘漣春雲魚尾將賴於龍門之峻徘徊冬雪
烏頭詎白於羽化之期榮失始圖事辜初願伏希
臯陶擁蕙風后揚箕扶皎日而掃浮氛布慶雲而
灑甘露宵邪鼠竄象隼擊於秋霜明哲羔旌儀龍
行於春霽快沾金波之潤惠遍蒼黔忻逢玉燭之

調澤流黑齒使貪生駒撥賴祝融而化為軋餘失
手筭囊藉陽侯而變成烏鰂但願海中僊果春風
護實於杳株嶺上神芝曉露參功於梅鼎寒暄珍
重偃息時和未護趨拜春庭不勝慄栗氷谷下情
無任感激攀援惶戀之至

約建侍御方公祖生祠啓

前件 蒙塩院方太公祖題 請事例北運每名免
沿途額稅歲省七十餘金實錫東南無疆之惠我
輩身受其澤若嗣後更有留心於民間利弊如方
太公祖者受惠豈微北運哉將東南之民庶有瘳

埃靡報思自古有功德於民者民頌之而後
若方太公祖者信可謂功德在民矣顧各處
不若合郡祀之爲公今日祀之不若後日祀之
久計五府同事人捐銀一兩便可得若干貴會
淮安於常州同役中擇老成三四人任以擇地
祠之責地不期要津期於孔道祠不期壯麗期於
美材碑不必別求記文使人疑爲溢美刻公祖之
疏與戶部之履 繪青之允足矣植碑之外稍有
餘資置田數畝招道人以司朝夕香火蓋在

爲北運往來之地後之流是役者或糾大衆而
祭或獨謁祠而致虔孰不動心曰是役之得以
蘇者秋毫皆太公祖力也則啣結之願今日得以
少伸而蘋蘩之羞異日庶乎無數矣或曰是永澤
也更有待于後人且不畏多事之謂乎澄曰否否
事難於倡議而恩激於驟施利弊無窮苟有陳後
日之利弊則有後日之尸祝在後人之不能爲今
日地猶今日之不能爲日謀也倘指爲多事則省
七十金之重費而斬一金之公舉諒非人情矣且
以後之有功德於北運者附祀於中可也此啓

九齋集 卷之八

約建本府方公祖生祠啓

前件 蒙本府董漕方公祖條例 北運省費四十兩
計公祖却餽不下二千餘金矣雖古之不受一錢
者亦奚以加而禁章所節復不預焉卽今日之得
先軍糧而渡江又孰非公祖之賜其蔑之也甚非
先民歌勿拜意矣顧欲頌德而末由君門旣遠雖
口碑之載道水鏡難憑然而泖水一泓不乏行潦
之薦尊絲千里聊將沼沚之毛擬寫德於丹青敢
寄思於廟貌計同事約五十餘船人各捐貲三兩
共推同事老成三四人以歛分任事建祠於本府

西倉橋之西此地舊建武安王廟久而無成今擬於百五十金內取二十金助完之而附公祖之祠於左夫以公祖之廉而附於武安之義庶幾亦無忝乎碑文不必別祈刻公祖之約法足以彰美意矣祠僅三楹務求質素以與永存倘有餘貲置田數畝招道人以司二祠之香火歲久傾圯亦可無累後人夫捐有限之餘貲酬無疆之大惠諒諸親友必不以多事罪澄也若嗣後之往役將責以嗣後之酬恩豈仰止而遽乏景行致報德而徒懷罔極泝餘風之如在蔽帝垂陰祝余心之有懷雲霓九篇集卷之八

在望此啓

跋

舊泉州淳化帖後跋

此所爲舊泉州也當宋航海石與二王俱沉國初泉州守見海中每夕浮光募崑崙探出之得石若干閩中好事復爲續貂遂足十卷今聞已入貴人宅中了不可得而嗣後肖起者雲仍更數十輩矣余嘗疑宣和構變晉唐真蹟暨三代金石之文委之虜酋不可勝數而何有於數石豈當時金人視爲滯貨未暇輦之燕中而建康議和已後宋嘗

制留守於汴此石遂得復還禁中耶若夫航海爲計已窮而載與俱浮波浪彼其一旦君臣盡歿非惟颶風作祟良由所載不訾故也嗟乎當太宗時旣招致膚敏作元龜御覽廣記文苑諸書矣而復令王著模勒閣帖使英賢耗歲月於筆札而忘其羈縻不特一時帖然陰致二百年承平子墨力也其爲計奇矣然宋以文墨籠天下豪傑而造物亦以文墨愚其子孫自汴而杭自杭而閩自閩而海骨肉睽違山河失據而獨與數石周旋傳曰君以此始亦以此終其有宋之謂乎余往得之外氏經九篇集卷之八

贊

范大夫

主憂臣辱主辱臣死臥薪嘗膽可謂憂矣嘗糞請臣可謂辱矣辱而不死以圖君榮粵君旣榮何敢居功五湖之泛以代死也君子人與不可及也

留侯

在心爲意在形爲氣意氣之交博浪之謂從乎隆
準有意無意附于赤松有氣無氣

祖士雅

知幾其神訪焉起舞盡歸何來歸於江左挾我一
馬抗彼五胡中流擊楫赴赴武夫處仲之逆是以
晚乎天假之年桓桓尚父西塘一出亦云小補悼
彼王謝則莫我武

狄梁公

武氏之帝不可阻矣房陵之囚不可解矣與時偕

九簫集

卷之八

主

行而默奪之遵養時晦而默相之五龍之奮公或
蟄先韋氏之誅公或啓旃

郭汾陽

宇宙在手已不與焉富貴在身心不與焉發塚之
對以薦周祐卑騎之見王赫斯怒夫子之功是日
中興夫子之德幾於無名

李鄴侯

行之以儒本之於禪宵幻莫測維乎神仙匪悅若
爾時則使然出而白衣歸而黃冠建儲定國莫之
或先父子兄弟善處其間千載之下所願執鞭

韓斬王

問莫須有以遏內奸老西河上以控胡天檜之未
逆夫焉有忌亮之緩寇老謀可對錦衣驄馬與子
同仇夫人助鼓宛矣風流

于肅愍

土木漏師蕩我王章明明 二祖寔降厥祥爰用
夫子底定疆場 邨王之立以破敵計 景皇無
後天之所廢道法自然無有攸遂卑矣奪門貪天
之功勇略震主今古莫容

議

九簫集

卷之八

南

將遷居金陵議

情迂不善交雖能酒而不得其趣惟雅好遊少年
時有征瀚海涉西竺之便扼公車業且母在不果
中年多病至不能登五嶽探江河之原今垂四十
餘老將至矣遊亦不能如始願惟是讀書一事來
往於懷幾三十年而卒未能遂則亦緣公車故夫
余不能工制菰而娓娓不休徒以先人之遺言在
荷目永肯腕未顛尚冀于一逞以謝先人於九京
乃數困於有司雖當他人不恃文之時而獨于余
若以文爲衡豈造物固有以限之抑不孝之罪上

通於天天又不欲以是使得藉口于先人耶不然何小試則小困大試則大困也當小困而乞憐真如挑淫之妓抑年踰不惑辱亦屢矣漸知恥矣夫辱先人之遺體以遵先人之遺言耻固不惜第辱身而祇爲造物之所侮余亦有所恥而不爲即余先人在天之靈亦不能無遺羞焉况先慈嘗有潔身之訓父母一也請四十已前從父而四十已後從母重以兩兒云逝家嗣乏人兢兢懼衰齡之不保矧丁未南還審出處之宜慎于先嚴及明神咸有要言是以壬子之役義不復渡江蓋不憂含沙

九簫集

卷之八

五

之擬我良由丈夫不能屢辱而息壤在彼且往返長途幾七千里水與魚蝦爭涉陸與牛馬攪先揜半載之生決三夕之命以祈憐于不可知之鬼神雖愚不辨菽麥恥不羞掉尾者亦俛首不屑爲而謂鬚眉男子甘之然乎否歟微天之衷壬子借一于南都不捷當僦數廬于金陵彙墳典誦讀其中窮群經諸史之奧及國朝掌故與百家言暨周髀甘石稗官藝術之書以迄二氏更計今之作者日盛月新如春花秋月終無了期而皆足以供讀者之需抑作者之用勞而讀者之用逸但令天下

任其勞而我據其逸以終老於羣籍之中斯亦可以寡過矣然不干故鄉而之金陵者以生平不善交而金陵固濶大可無交而自晦其跡又有賢主人足與焚香煮茗共談空寂也孔子曰四十五十而無聞焉斯亦不足畏也已余年踰四十而猶冀五十之畏畏可得乎自今請畏人而已不然至目眇手顫而欲讀古人之書可復得哉又余先人之所不忍也乃予重有感焉今棄人而盡若棄予之公也果良有司矣今廢人而盡若余之不爽也亦可謂天道有知矣今自暴而盡若余之自決也信

九簫集

卷之八

六

不可與言矣

辯

辯文章五聲

昔余友人陸大行楊官諭嘗讀余所爲文輒語人曰他年綠綬人也是人以聞之余余獨曰否余當以客終或曰子何以知其然曰貴人之詞多官聲而余詞多羽故清商清徵之詞爲僊爲賈爲富人而君臣則屬之官聲羽詞多客而藝工農圃每諧角調六經之文章官也韓柳歐蘇亦然近世館閣咸官之遺也鄉陽之文枚叟之詩悉羽音也不特

荆卿也或曰何以謂之羽曰君不聞鳥獸之音乎獸之聲多官而禽多羽以獸能爲主而禽善客也就禽別之雞處而燕翔故雞屬官而燕屬羽矧羽之爲聲其思窘其辭迫關山悽愴之象非遊子不能領畧之彼絳節黃旛之夫雖老于行亦能以官而文其羽况高議芸臺之上乎或曰然則居養相移孟氏殆欺人哉彼非欺也有官以招其將來之貴有羽以徵其未然之賤造物限之弗能奪也拾遺老于西川始未嘗官而終亦弗離羽也上智之不移也供奉喧于金馬而寂于夜郎其居養之變九篇集 卷之八 七

原

原三界

上帝人皇及閻羅天子皆聖人立名以制人之妄念耳妄念一熾雖上帝且失其權觀夫霜嚴暑月戈援斜陽人發殺機而天地反覆刹那一念而地獄立開三界之主權果安在哉惟妄念不得實見

諸行于是乎著書以洩其不平歌詩以寫其遺憾降而至于吳歌又降而爲唐宋之詞調金元之九官其辭彌褻其意彌宣而大塊之噫氣爲之一舒不舒而天地之和始乖致雨暘愆伏霜霰電霆咸越故常卒釀古今之大變暨于昆蟲草木皆受其餘殃此雖堯舜不能無病况後世之紛拏耶然則行文遣調真足以舒宇宙之抑鬱其權直佐天人幽冥之所不及厥功大矣不特文詞也里人之相許也各伸其欲吐稍弱而不勝則慟哭悲啼以洩之洩之而終無以自白卒斷頸堪曾以死化虎變九篇集 卷之八 大

螻比比有之而况于勇夫志士真有上暨風輪下及阿鼻皆其感激之所造固未易更僕數也嗟乎古今感激之事多矣吾馬知夫毒虫猛獸之噬嚙非忠臣孝子斬衣背坐之精靈乎淫詞艷曲非正言格論乎上帝人皇閻羅天子非妄念之幻泡影乎吾又焉知夫異類衆生無敦倫尚行若聖賢之不愧者乎如有禪那僊吏掃盡人間之妄念則雖上帝可破除休也而况于人皇也乎哉彼地獄且一空矣於閻羅何有哉

九齋集卷之九

華亭宋楫澄幼清甫著

友人施繼先兆開甫校

祭文

祭王逸季文

余與足下歲時同也無子同也多病同也足下之
夢入果位與不肖之受藥金仙則又同於丙申之
冬也乃足下居然無相而不肖滯於有形則可吊
在不肖而可美在足下又奚以悲爲彼俗猶以爲
悲者特以有形者之爲樂耳不知無形以前無乎
九齋集 卷之九

有而無乎不有自天地賢聖以及草木昆蟲莫非
我也莫嫡我也及我有形形不如天地之廣被也
又不能如賢聖之忘形也妮妮於形役反不若昆
蟲草木之無明也意役我焉物又役我之意焉好
之不得留惡之不得去身老於好惡而好惡亦老
於境情雖偕簋佺而壽之義皇而聖之亦何貴歷
年之多而用物之弘乎是以尼宣之生曾不若顏
氏之歿何也尼宣有形以自異於天地天地且得
而役之彼喟焉彼笑焉彼掩袂而涕焉歡戚於君
子小人之交亦甚勞矣勞思止矣故曰朝聞道夕

歿可矣歿則凡我有生無不悉歸於道而况聞乎
道者乎彼不知陰陽之合離而貪形以生楚毒者
烏足與言歿之可哉若余與足下則可以言歿矣
飲酒食肉而攜文睥睨人欲將十五年矣去固不
畱來亦無意而當境若逝也其於世也來往無心
又何有哀樂哉虛者歸之虛濁者歸之濁我無與
焉并其我者而歸之烏有焉雖曰歿之可矣吾身
可去可留則太夫人猶天地也伯仲猶日月也眷
屬猶星辰也有常所矣無庸情矣豈有歿人而悲
愉天地之短長哉我兩人之有情猶若是也則不
肖之歿亦已晚矣豈足下之歿而猶足悲乎敢藉
生芻爲足下賀其然之乎然則尚彷彿而照余是
惟尚嚮

祭舅氏

嗚呼舅氏之亡於今十年矣余小子奔走四方不
獲克塋今克塋矣無中表兄弟燕翼之憂遺行之
可議官然聽未亡人之復歸於土而已嗟乎未塋
也魂飄飄焉猶或顧魄之寒暑而時往來焉塋則
化而畦者與夫遊而無不之者兩無所矣彼其日
妄與業猶夫聲之絕響於風而不返也而况於

屬也乎哉使魂而感別庶幾隨性酒而降臨以竭有生之情乎嗚呼尚饗

祭叔父憲卿公文

嘗聞養內養外之說於莊生矣養其內而傷其外備於外而傷其內養焉何可恃哉不以養之可恃而無役我志焉志無弗適矣以適養其志則死生我往返耳窮達我寢寐耳賢愚我電影耳何足膺我適哉釋氏之五戒孔氏之五倫道家之五賊械吾境而梏我志又何可以言適也彼特爲下學言耳琴張之狂原壤之放夫子取之次於中行遊於九簫集 卷之九 三

方外繼顏氏而興思蓋三致意焉而中規矩引繩墨者曾不獲與則孔氏之五倫直以治夫外境而已道不止於倫也叔父華年膺薦落魄仕津有夜郎之冤而勿爲悲有柴桑之高而弗爲樂衆之所是道或有非叔父忘之人之所非道或有是叔父忘之老于行而不悔率其性而不回不以賢愚之名而生趨避不以窮達之境而生悔尤不以死生之幻而生恐怖其殆倫戒之所不能拘而浸淫於琴張慧可之流者乎所謂或是或非人莫能識一從一橫惟志之適而五行之所不能賊者耶然則

柱史之西入流沙而不顧其叔父之遠放也慈嶺西還而遺隻履其叔父之東歸也尼宣之入趙而抵河遊楚而厄陳蔡其叔父之循流天下也已弗養焉人弗養焉而天養其內外焉遊則有山川以娛之風波險阻以警之珠玉綺繡以爲其文章若出絲竹而奏之有昆仲爲之後而終於寢簀以歸於窀穸而祖宗之雖我一二三叔父暨我先人實有美焉亦莫與比夫適志焉豈叔父之所能爲哉天也假令遊於方內養內而傷外養外而傷內如莊生所言未必正寢如今日也豈非天哉昔晉之季而有爲達人之言曰人生貴適志耳其叔父所與遊九京者乎

祭高元錫太史

不孝澄之以詞賦受知於先生蓋甫束髮也又十年而以文章受知於先生不二年遊京師乃獲交先生始悉先生行誼私心竊喜爲國家柱石慶又不意華亭宗平津之陰忌而有休休如元徵先生闕其陋高先生淪其靡是崑山之玉可抵由拳之市可沉美哉泱泱乎表東海者其兩先生乎夫余之文賦渺焉未獲後也卽文賦之禪國家猶白帝

之鳴蟬未一籟也而先生不遺好之并其人忘之若礪焉若礪焉使澄得竭其興之所至是先生於文賦有大造焉澄其一也推之他人人盡澄也自文賦而道術政事同此好也假令位稱其德操此好以延攬天下之英雄與之高議芸臺之上則廟堂之德禮樂之風將日盛月新雖唐虞且不足幾而何有於漢唐哉昔虞廷之詢芻蕘也固非一人微周公之吐握也寔儕召伯今先生亡矣吾不知金馬石渠之中尚有如先生之好善者能輔元徵先生於將來乎如其有焉則國家之禮樂猶有與九齋集 卷之九 五

祭唐宗伯文

嗟乎天下之人倫道喪至於今極矣然孰有如吾鄉之日淵而不返者乎所以然者其土居吳越之下流淪濡於大海而又無高山峻嶺以控制之民之習於風波地靈使然也苟非人傑力起而挽其

頹魚蝦之與徒而龜螭之爲伍寧有旣耶吾求其人而不少概見則先生其一矣先生自爲諸生已操人倫之鑒正已率物爲斯民先迨射策獲甲第無改於初幾二十年如祥麟在囿獅象藉以成仁卽有饑犬妖狐亦僅據實垂涎莫敢顯肆其貪婪里之君子爭崇耻而誇修小人之獲僭雞而起侶烏而息者皆先生力也豈期一旦晏見賓客不獲厝天下於衽席如吾里焉則先生之亡不幸豈特吾黨哉雖然先生立朝則參羽翼於黃鵠掄才則儲梓杞於郢斤嫉惡則斥聞人於兩觀使天下萬世想見其風裁與古之抱設施而未竟者同悼喪焉亦庶乎可以無憾矣况濟濟今嗣參差玉樹將競敷榮於天衢又何志之不可繼而善之不能述耶彼饑犬妖狐今雖跳梁綬尾思盡其伎倆於父母朋儕然抱龍鳳之德於吾里者猶有其人必能體先生敦倫軌物之志以抑其邪心豈其坐視而莫敢誰何哉則先生不特可以無憾庶幾藉以瞑目矣林澄之生也晚且雲泥異途淺落無狀先生獨識之驪黃牝牡之外賞其文而與其人爲之伸先慈之微節爲之託友人之舍殆至有同姓佐

域含沙告三至而先生不爲投杼直指小人之名
氏見其肺肝若秦鏡然遺音猶載於友人之耳昔
謝公之於羊曇第以風流相賞而卒深西州之痛
豈赫澄受國士之知而可自同於衆人乎嗚呼先
生之不朽具在百行然澄三受先生之德而永錫
我人倫者再故尤深人倫之痛以致知己之感云
嗚呼尚饗

祭 武安王文

昔吾父叔然以明經舉於鄉因計偕亡於燕京演
象所之右廡廡侍 大王行宮之側父耻名之無

九齋集

卷之九

八

成魂不與柩俱還每憑人示靈祈宜勿已向非
大王憫其無依吾父豈獲棲息於廊廡之間今澄
不忍將奉主以招吾父之魂敢昭告於 大王若
吾父辱收字下或持筆札以備書記或承言笑以
參幕賓是依日月之光以昭忠義於無疆也敢不
惟命倘憫澄之請使父魂依於主朝夕詔澄之奏
愚俾繼先志以洗三敗之羞是澄父子皆拜大賜
以永終譽也異日敢不夙夜劬戰於幽明豈有岐
志伏惟尚饗

燕中祭 先府君文

嗚呼昔吾父之來燕中也澄甫八齡耳有我母在
惻然不知失怙也牽衣慟哭成永別之兆焉孰知
鵲首之北而不南自此日也不五年而吾妹亡又
十年而姊逝矣不二十年而兄湊與母又相繼歿
矣他若伯母吳孺人叔父安遠君皆期親也咸歸
於土矣存亡之槩吾父亦聞之乎澄娶於己亥新
婦楊氏當庚寅之歲生子虎兒婦因產而亡亡六
年而虎兒殤壬辰繼室於吳之施氏生女阿寶今
七周矣遭家不造流離四方故業半銷文戰輒北
灰而復生儒而飯釋此某形跡之槩也吾父亦聞
九齋集 卷之九 八
之乎當辛巳之冬兄湊葬父於故鄉馬漫之陽堪
輿指爲絕地及兄湊亡於戊戌澄遷父柩而殯諸
王父之昭位兄湊寔侍穆焉此骨肉之槩吾父亦
聞之乎昔吾父負英雄之槩齋志以歿旅魂依依
不與旒旄同返豈耻焚舟之無成耶不然何英靈
赫奕燕中迄今不爽而家庭大故反無所昭示於
旦夕也今澄旅于京師刷耻之志雖屢蹶彌衰自
分此生必有礪落奇偉之事以垂不朽吾父其歸
魂於主幽明相濟以俟澄之跼而刷耻焉庶幾無
愧於淮陰會稽使鄉黨爭美則吾父有生之不平

一朝可以盡釋將陰陽爲之舒和日月爲之增朗山川爲之解氛矣豈非存亡一大快哉用敢以牲醴請某小子不勝主臣嗚呼尚饗

南還奉 先府君神主登舟祭文

夫人之出處人能謀之而天寔操之其機可得而窺其權莫之或攘也是以古之聖賢非不急於濟時而未始與天爲衡此豈孔孟之智術反出儀秦下哉蓋知我身之出處關氣運之盛衰使天未欲平治天下而顧孜孜求用不已是亦不知命之儀秦耳又何以稱孔孟也然儀秦之獵取功名亦不尤齋集 卷之九

過微倖一時如獼猴狐狸夜發人之蓋藏偶得脂膏饕餮飽腹復挈肆餘以厭飲同類其不爲機穽所傷陷者幾希矣吾因是而知古今權謀之士幸而得功名者十無一二也噫吁哉出處之不講也久矣吾於淮陰取其西蜀之亡走焉於武侯取其畧景升焉於景略取其不就桓司馬焉此數君子者皆有知耻自好之心寧令吾身終於不遇毋寧辱吾身以殉功名雖究其終所造各異然就一時之自好信無愧於知命者矣嗟乎古今之不遇孰有如我 大人者哉抱濟世之資持經術以博一

第屢上春官不得至偃蹇就一官復以直言忤時相遂抑鬱客殞其授愚兄弟以經藝也以不第不瞑爲誓而兄熒蚤世某碌碌人間幾二十年丁酉力疾就文戰不佞及北先謝引於選司白君而歸白君詫其事畧引友人使貽於澄雖因循受之然已絕意人間矣會兄熒初逝遭家多難遂挈妻孥而北致母氏之亡不獲視含殮是天怒其爲馮婦而降之大禍也澄所以覩顏猶爲人者以嗣子未生及 大人遺言之在耳且不忍母在而出母亡而處是有癸卯之役復客燕中幾五年矣於公車也則再斥於青續也則無會而久客費 大人之產業幾半兼以五年之中凡三嘔血所謂臣精盡銷亡矣豈可復覩顏與遇於世况先慈之骨未殯澄敢捐軀以抗鬼神使鬼神笑余父子知有人爵而不知有天命哉用是決意南歸旋於是月十五奉 主登舟夫 大人身亡於北而魂不與魄俱南尚有與於澄之孤注也今澄旣因病而歸矣又何忍留兩 大人之主以失歲時蒸嘗之禮此又澄之反覆思惟而始自堅決者也嗟乎多病而不歸是燕京之地將吾父亡於是而吾身又歿於

是也幸病之差而逡巡燕中微倖於已酉之捷是
庚子爲馮婦而已酉且爲馮婦所笑也澄雖上不
能步武孔孟下不能比轍淮陰然亦豈止輕生以
賈馮婦之笑哉苟獲微天之衷南還無恙已酉將
濟河焚舟背城一戰戰而捷 大人寔有榮焉如
其不捷澄必推種息機潔身而隱不能效碌碌者
蘓而復上矣抑有說焉古之君子無論出處學主
於立心而功臻於位育故雖不出戶庭自足以權
衡天地今之君子其處者吾不敢窺矣獨怪夫出
者幸而博一第則求田問舍不休其任達自許則
持梁刺肥或以文酒傲人卽當今所稱豪傑幸逢
聖明之世能慷慨任一事建一言萬或一有之求
其自好自愛以出處自重毫無愧於余影果何人
哉若夫侍爵祿之崇榮智術之機巧而動以聖賢
轍跡爲已之楯甲乃人之君子而天之人非吾
之所謂無愧者也試令 大人與澄逢時而出豈
僅碌碌如此耶由此觀之則澄今日之處未必非
天有意扼之也又何敢與天爲衡哉嗚呼沐猴而
竊廁衣冠黃口而橫陳胃臆儀秦廝養之所不屑
也而謂澄美之乎異日無已而出將拜數君子之

下風矣 大人而聞斯言謂澄有異於人乎如以
爲有異則神靈必含笑而饗且速依主而歸矣伏
惟尚饗

祭女奴墮水文

萬曆三十五年七月初五日主父華亭宋楸澄自
燕京携家南歸舟行衛河當油坊夏店之間土人
稱爲上口於時湍水北流猛風南駛有家奴留壽
妻露桃走船舷之右墮水不起澄暨主母不勝悲
痛聊備三牲盃酒揮涕赴流願我大神命下執事
付魂食之無令爲異物所奪澄特使留壽候屍河
側以三日爲期伏冀遇賜見形少慰人倫之誼嗚
呼或被神收乞侍龍女若償夙冤急飯法侶念彼
觀音爲功德主轉女作男驟於風雨新月高懸兩
心如許悲此別離若降北渚澄不勝哀悼之至尚
饗

黃河祭亡奴文

孤淹息在外幾二十年矣適以多病南歸道經汝
墮水之處聊備壺漿鷄黍薄祭汝魂汝已附享於
吾 祖宗之廟二女我皆食之汝可無餒鬼之憂
矣往年聞之河巫汝操簫管而俟 龍神之舟孤

憊於造困於病猶不能忘情於功名汝何不請之
大王使孤聞曲終人不見之句乎汝其有知庶臨
風而來饗

渡黃河祭 金龍大王文

楸澄束髮之二年卽乞靈於 大王渡河而北嗣
是之往來或水或陸其暨於今役不下十餘矣當
其鼓勇而北也妄心無量而 大王之下吏先擲
榆之及垂翅而歸顰眉愁嘆與河中之怨鬼陳冤
訴拂相高下於燐光燒影之間雖胡笳燕筑不足
以喻其悲而 大王畧我如鴈影之落盧汀焉此

九書集

卷之九

七

豈 大王之威靈獨遺蟻螻哉寔澄之精誠菲薄
不足以式鍾鼓也今多病而歸適遭水溢波迷象
眸率妻孥聽陽候之喜怒幾兩月焉破楫成鈞羣
形爲餌壯者踟躕比於羊豕黃口啾啾下同饑饉
朝夕垂首於衝風之中而不得與任公共灼蠶骨
則澄之凡庸視人間之疥癩何異而敢與乘時之
役販較利鈍哉然而不灰者豈不足殺耶抑 天
命耶澄不能知而敢歸思於 大王用是抵淮陰
之日以牲血薦昔賈長沙洛陽少年射策干主觸
灌絳之忌下傳庸藩其辭遂與屈大夫爭怨韓昌

藜中年不遇至美榮輝於籠禽澄於兩先生雖無
能爲役然少年思逞其不羈自謂差足齊驥而二
十年來四海之內旣不我知又不我妬其窮極矣
是以每對 明神辭多忿激 大王幸勿憎其悖

而罪之且請自今已往與 大王之下執事盟若
澄無事復渡此河幸必 命捉風兒殺之使見殺
於風波而得侍 大王之左右當爲 天子殺滌
事之不忠者夫二十年之間誰壅山川之血脉孰
傷天地之元和伏蒲之髯迎霜於鷄戟覆餗之鼎
餞日於狙圉此其人之面目與其灰之形骸皆不

九書集

卷之九

七

能越河而渡也奈何不以盃水封其喉沉其骨令
之至今把姬妾之乳而問鷄舌猶狐兔之瓜而誑
烏囊哉往者不可諫來者猶可追追之此其時矣
夫殺人而上足佐 天子之刑威下足布萬民之
福澤此澄之所以望秋水介河泊而以一得獻也
伏惟 尚饗

祭 先考方林府君及 先妣張太孺人文

嗚呼我父與我母別於今上丙子之冬暨於今日
越三十有二年矣自別已來家庭之事有悲而無
喜有妖孽而無禎祥爲鄉黨之所嗤笑而澄不能

以一身挽回之此皆不孝之罪上通於天故益降之大罰以貽兩先人羞今也微天之衷魂合於宗廟魄合於兆域離而復合人情有轉悲成喜之意焉則兩先人之精靈踴躍可想象矣嗟乎澄之事親孰大於兩先人之離合哉自兩先人之合而林澄之身始可委之人間矣聖賢豪傑惟心所造但恐日暮途遠不免近豪傑而遠聖賢令兩先人有遺憾耳嗚呼當今天下之事其機孰不在人心哉第身有後顧之憂則躊躇而不敢計今而往澄有進無退之時也功名事業豈肯落王景畧輩後耶

九齋集

卷之九

五

又

猶將挈身心性情歸之聖賢之域爲天地致中和之作用以酬兩先人相合之恩豈甘與草木同腐耶幸無以今日之式微爲耻也兩先人而聽斯言有不歡忻踴躍於窀穸者乎昔朱邪氏語亞子曰二十年後兒能代我戰於此地乎及亞子戰勝於三垂之岡慨然流涕曰此先王置酒處也異日凱旋而歌我將視今日之合更顯然可思矣斯時而兩先人之與輿情其鼓舞寧有既耶伏惟尚饗

我父母之塋越三晨矣當未至兆域也先一日則

雨師爲政迄既至也則風伯陳師乃在道則霜月皎焉臨塋則白日昭焉此親友之所詫爲最奇者也而澄以爲皆我父母盛德之所至何也如日則日照之如月則月象之此豈人之所能哉規我父母之德則誠無愧於日月矣如日而陰其德如月而陽其明不猶日月之交輝乎氣至而三光隨之又何異也不然有先事之雨蒞事之風在豈澄不肖之所能挽回哉抑聞之易曰風從虎傳曰大人虎變未葬與既塋之俱風也變之此其時矣澄也敢不自勉乎伏惟尚饗

九齋集

卷之九

六

祭先祖母唐孺人文

自先王父遺家之不造播遷無所是鬼神將欲大泯吾嗣也匪我祖母以灰守之尺土寸椽寧有全乎雖然此以家業論也若夫訓世父吾父畫灰九熊使無愧於聖賢豪傑之儔則孟母不得專美於前而況其下乎至今宗族父老稱述祖母之懿行凜凜猶有生氣則公論之在人心雖千古恒如在也豈以地之吉凶爲不朽乎然自大塋已來四十餘年遭大喪者五殤者三而乏嗣家難尤爲可畏謀於父行則以祖母之居東北王父之塋西南相

去各數丈於法不合不令則宜遷詢之青囊家言則云龍之亥爲僞而戌乾爲真夫戌乾之氣曾揚之所痛恨於庸師者也澄筑筑焉在疚欲仍則不能安其危欲合則戌乾可畏欲并遷王父之柩則扼於次房之吉凶進退惟谷偶得一地於舊茔之北世父及縉紳先生咸云獨遷祖母於禮無違且合葬非古也乃敢啓祖母之柩葬於新茔焉昔白沙先生之子遷塋先生君子議其非以爲聖賢五行之所不能拘何有於吉凶乃澄以乏嗣之故明知而明犯之是得罪於聖賢也且先父之經營也毀父已成之蹟以希不可知之福是得罪於吾父也致祖母終不得同王父之穴是得罪於祖母也遷祖母而不遷王父是得罪於王父也犯四大罪而決意於遷信澄之不孝窮古極今矣雖然深塋之有水虞也乏嗣之將泯宗祧也是亦祖母在天之靈朝夕歔歔於九京者若夫扼於時勢而不得與王父同穴則千古無窮之恨又豈子孫所忍明張之筆札哉惟有伏地悲號稱死罪而已澄小子不勝哀痛迫切之至臨喪不能爲文伏惟尚饗

祭 武安王文 勞龍

江南之人依水而居失之則五穀不登衣食無倚此大王所默照而不忍於萬姓者也乃春申浦之南有巨漕者載在郡籍其紆回縈曲幾二十里溉田數十萬頃最稱駛流不意庚子以來閘將七尺澄雖不肖不忍名流漸成平陸飲食起居不能怠情凡可以復河之舊雖摩頂至踵亦所不辭然其壅也人心莫能測則其濬也又豈人謀所能盡乎痛心疾首無所控告伏惟大王之仁衷佐造化以資生回天之力不乞靈於大王將焉往乎况河之濬大王之行宮在焉此又斯民之朝夕昂首而興九簫集 卷之九 十八

文螭之迅激者也大王縱不鑿澄之微誠寧不爲一方生靈計乎請自今已往大王主之在上使澄犬馬之力克有成功無作神羞澄雖死且不朽夫德無大小斬蚩尤於塩澤而澤半天下大王甚盛德也今疏故流於一隅又孰非大王無疆之德乎先主有言不以善小而不爲言及於先主大王之所赫然斯怒投袂而起者也其威靈又豈澄所能測哉嗟乎丈夫熱血得志則灑之朝廷失志則灑之草野其精靈咸與三辰垂光於宇宙顧用之何如耳豈以事之大小分優劣哉若以澄爲不肖乞

斬澄而通斯流可也君子不以人廢言斯民之枯槁將不日矣又豈特區區一方乎幸大王亟留意焉敢九頓以請伏惟尚饗

祭 武安王文河疏告成

自巨漕之淤於濁流也澄邀 大王之靈設二鐵龍以務之乘潮往來不期年而里中相傳水深於昔約三尺餘是雖大水洶淪之功然非 大王之神力曷克有濟功成之日有魚躍入舟中澄敬烹以祭今期年矣敢告成於 大王特修牲血以享從者惟 大王憫其無私使斯流更濬於今澄亦不敢有懈於衷第守 祠之人不閑澄 訓妄興佛果繁稱 諸菩薩名號乃澄亦不度遂許之可致 大王之左右不寧啓處爰有盜噐之警澄與奴痛自悔悟亟行禁止惟 大王憫其蠢愚 照臨之赫視昔有加則澄歿且不朽敢九頓以請伏惟 尚饗

侑酒四時歌附後

沂春濤兮洵以清霽春膏兮五穀生蘋蘩薦兮侑旨酒人民協兮和且平

雲掣電兮雨激雷瞻靈旗兮頻下來白爲龍兮赤

爲兔兩岸崩兮葑草頽

鞭怒潮兮策文霓淪淤壅兮兩龍務仰金旻兮對明月競蘭漿兮牽桂枝

屠水利兮削兩厓我人民兮水爲家兩崖削兮恩波潤豐鳥邪兮常滿車

舉族公奠孺毋戴孺人文

當 永 昭 今上之世吾 高王父之雲仍繁

衍亢宗其間賢媛不一而遭時之順逆以婦道著者得三孺人焉則南垓伯之孺沈孺人方林伯之

九齋集 卷之九

三

孺張孺人吳鶴叔之孺戴孺人而已沈孺人遭伯

父之變可謂逆矣乃諸兄弟以孝友聞終母之世

率由坦途無羊腸鳥道之虞所謂逆之中有順者

也張孺人遭時不偶自伯父不祿之後以其身挽

天心之去者幾三十年而卒不獲子之養是逆之

逆者矣夫逆而隨畀之順是天哀逆之窮而償之

順也逆而復加之逆意者情其有違天之心而益

重爲罰至於罰不可加而并奪其年其逆亦甚可

憫矣然而爲夫爲子者皆不願兩孺人若也所祝

於天欲竊比之而不得者無如戴孺人焉孺人之

配叔父也生而同庚自青髫以至白眉相唱隨者
幾六十年此第天之以順待孺人也乃孺人之於
舅姑則以孝聞矣於叔父也則以敬聞矣於宗族
母子之間則以和且慈聞矣此咸以人之順凝天
之福令造物不有其權聽孺人之調劑處一家之
事若主中饋焉苦者參之以甘辛者參之以溫合
五味以成大羹使人飲其和並受其澤人皆以爲
天厚孺人以順而不知孺人之順乃身釀之而歸
功於司命者也合而論之沈孺人之逆而順其當
群陰之剝而力復陽春乎張孺人之逆而又逆其
九
歲寒之松栢而中流之砥柱乎戴孺人之以人事
迎天澤其景星慶雲之麗於天乎芝草醴泉之呈
於地乎膺陰陽大順之運而克濟之以中和雖欲
福之不駢不可得已不然造化之靳全昇也久矣
何獨厚於孺人乎要之三孺人者皆有功於人倫
而默參造化者也意孺人九天之靈必以某等爲
非諛當臨風而來饗爲無疑矣伏惟尚饗

再祭女奴露桃文

西經衛河

與汝別三年矣汝其有所依耶抑已化耶依終不
能無化也汝其化乎化於業乎化於空乎吾不能

知也意汝迷也迷基業矣期汝業而盡也歸終於
空矣汝其空乎余後汝而化者也余將先汝而空
者也嗚呼尚饗

九
卷之九



九齋集卷之十

華亭宋楙澄幼清甫著

友人姚 用晦甫校

稗

李福達

世廟時起大獄而李福達竟亡命來吳中抵常州楊氏館七郎家酒間輒喚屏風上美人下地歌舞獨留一人守屏上七郎兄六郎鄉居疑其術抵城觀狀見李曾前有黃綃囊雖盛暑勿脫六郎誘之浴於河亟使人竊去李上岸見囊失笑曰我當食

九齋集

卷之十

一

偷兒自獻怡然整衣冠於座握固須臾有人垂兩睛於睫外而獻其囊則向戲竊人也六郎驚起謝李使人自納其睛須臾復故它日六郎別去李謂七郎君家兄無賴若許我作主人數日怨亦可解時夜值中秋璧月如鏡李忽拔簷下一瓦出三寸許復就座飲諸人不解所以叩之不應歡飲月中幾天明散明晨七郎拉李及諸客同抵六郎家相與談昨夜事六郎曰先數日期諸親知大集昨宵不意初筵忽大風雨起終席昏迷諸客皆狼狽散至今陰翳不開七郎與諸客俱大咤我輩昨夜月

最光明也李笑問今夜復須月乎合座競懇李仰天向空拂袖雲忽開霽清光皎然當昏翳時六郎居傍大池水忽涸池傍人夜聞若數百夫輪水聲郡倉後有潭深不可測中有異物人浴淺沙常牽下不起往往殃及牛馬風雨人不敢過恐爲所攫食也相傳老蛟爲魅荆太守倩李捕蛟李邀荆同往命太守變童持符抵水使君請易它人李固云非此兒不可太守氣攝不前而變童已握蛟出水上矣蛟跳水面甚巨李呪之小至太守前僅五尺耳李禹步殺蛟付厨中作鮓怪始帖然嗣客金閨

九齋集

卷之十

二

王文恪長郎飲之於舟由胥口經莫釐每一饌畢必向水投其器玉杯金竿爲之一空王知其異色不爲動頃之舟中買魚作羹剖腹悉是酒具至於洗盞盥手莫不有得夜檢所投百不一失華亭朱蘆溪尚書延之至家居月餘尚書戲令作主人李一無所辨第邀尚書至園亭入座須臾窮極豐腴咸自空來已而尚書歸第家人云今日諸女郎醺飲群珍方調以次失去尚書笑叩所失一一皆筵上物也諸女郎恨李作惡相與大詬李自是俟厨中饌熟必分取其半國中愈忿邀尚書勸之去尚

書置酒作別李忻然引滿就道去數日復來如故
諸婢妾益厭苦李時時聲言風駕諸女郎幸其長
往輒質簪珥餞行惟尚書聽其來去李一日謂尚
書代我辦裝我將至燕臨行邀二紀綱作伴數月
奴送李抵燕而歸諸婢妾方慶息肩明日侍尚書
登上臺賞花方樂李忽從天而下諸女郎無不
驚駭鳥獸散尚書不得已與之盡歡復客經年而
去返自吳門爲從奴所告官繫之獄枷鎖不能加
加便落去獄中人日沾酒殺無不醉飽獄吏甚懼
李啖之有加會在赦前止謫戍滇中故事從軍必
九書集 卷之十 三
令兩人與俱以防逸去李謂二人若欲至滇取符
驗耳第歸家三月後俟我於玄妙觀前毋苦碌碌
馬蹄間也兩人欲不從又畏李叵測低回別去三
月之內時聞李在酒家胡及諸貴人座中耳及期
而往則已在門矣李令應門語道官某甲道官知
其平生使童子辭以不在李大罵曰而師方坐某
閣中東嚮誦玉皇經至某卷某行第某字奈何誑
我童子走入述其言道官驚起延之入李令掃除
二室亟殺鴉沽酒飲二役而身入淨室扃之甚密
雖窓隙亦令塞却二人別寢間壁間如數騎馳驟

徹夜明晨展扇符在手矣授二人竟去遂抵京口
寓故逆旅主人主人心知其異不敢辭也款接極
愜中夜送之就寢李扃戶秉燭而坐主人密使人
從梁間窺但見李冠幘頭衣黃袍南坐握固轉睫
間有甲士牽叛奴來立於李座前坎中坎約深四
五寸叛奴都無一言惟漸漸短去如火煬膏食頃
頭顱俱沒坎中李徐起滅燭就寢主人合門股栗
至曉復具朝餐送之渡江而別

陶真人

真人江右人也爲刀筆吏謁選至京時 世廟夢
北斗墮體因數月不寐詔有能集禮斗儀者延入
陶少攻方士家言遂錄北斗科文以奏 上大悅
晉儀部郎召見與語大說之隨拜祠部尚書居西
內勸 上服道冠絕與朝臣見每與大譙必以金
書符錄焚竟陰使其徒淪金以故方士附之如雲
是時真人旣爲天子師至尊側席以侍每下壇更
衣分宜等皆爲之綰帶播弄人主如嬰兒奔走卿
相如僕隸蓋實錄也然亦有奇術當山東女子反
時官軍往往披靡所在告急 世廟語真人真人
笑曰收之易耳取一盒置物其中封題甚固使馳

付開府某曰須戰酣時啓之及與女子交綏聞將北開府令人啓盒見有如蟻蝶者若干飛去俄報女子兵大敗居無何女子就擒詰其所以敗則曰軍氣方作忽見甲馬無筭從空中下銳不可當故抵於敗開府奏其事上益尊信之以爲真神仙也其夫人奇醜異常多智善居間公府人有請謁輒用肩輿舁至公卿家言事公卿畏禍無不曲意承旨夫人稱其夫君爲家真人屠司馬竹墟就逮下錦衣獄有故吏語司馬曰非陶夫人莫解司馬抗節不許故吏與司馬親故歛得百金持金造夫人

九齋集

卷之一

五

宅告急夫人驚曰司馬被誣耶此我恩人也昔家真人被不白冤蒙司馬鑒其誣出之獄今日乃報恩時也烏用黃金爲政亟持箋作數語付真人真人從容爲至尊云屠司馬才且廉殺之上干天和且仰觀星象其人命未應絕於是上立詔出之放歸田里夫人語群公卿曰屠先生貧無以爲歸請諸公治其歸裝諸公卿聞夫人言爭相餽遺司馬却不受夫人使婢歸之司馬夫人約二千金云世廟晚年道念日堅自信有定力謂真人我亡恐怖矣真人曰未也世廟不信忽霹靂晝瞑庭中一

夜又於電光下持斧而立約三丈餘至尊驚怖無地可竄真人叱異物使去遂倏不見上益加虔至鼎湖有期真人先數年密語上當相俟於海中某仙山今欲歸家置妻孥上留之不得遣祠祭郎羅甲司其起居召羅至御前叮嚀云汝日能勸陶先生強飯一口歸時朕當爲汝強也真人讓還前後所賜金寶奇器圖書供帳凡數百車每進一車帝未嘗不臨軒烏咽中外嗟異其數十年服用錙銖無仰給於大內及下潞河美女子戴貂帽而從者幾三百人錙重富於王公則皆夫人居間賞也歸家未幾飄然亡去命其家以病亡聞且令爲疑塚百餘天子震悼錫禮同諸侯王未幾帝亦昇僊相傳攀龍輦去矣或云夫已氏欲傾分宜無會適上出金盒叩國運夫已與真人善今書十日所視十手所指分宜由此獲罪當其時又有邵真人元節屢進方藥亦官祠部尚書余嘗見其二方非房中術也寵倖差亞於陶幾至傾張陽平矣世傳車裂以徇蓋元節也然則二龍不相見之說豈亦出元節耶陶真人四郎亡至武林僧舍必其家亦不在籍入中未審因何逃也昔聞友人言

九齋集

卷之十

六

世宗冠道冠着星斗衣蓋着於冷謙所撰誡書時
輔臣不骨 世宗召至便殿示其圖若然亦不得
專罪陶矣

呂翁事一

華亭靈官殿左有賣筆人褚甲萬曆中得療疾數
年不瘳常就名醫診視醫云須服人參數斛褚知
醫調之竟不服藥惟淹淹待盡時喻南昌邦相爲
松太守每見褚妻與婢翼褚起座骨立無人形必
止前導勿呵聽其自便一日褚坐間忽有道人過
之笑謂褚曰汝病可起能出錢二千文爲我辦

卷之十

卷之十

十

十

齋當愈褚自度無生理謝以好言褚兄與嫂異道
人乃代之出適數丐者過道人持錢分施之隨於
壺瓢中出藥七粒聚褚指甲中大如胡麻曰汲新
水服二粒當起起後更二粒將如平人餘供佛前
俟人乞褚茂藥小意欲并吞道士力禁乃止服二
粒使兩手翼几上霍然起矣一門盡譁觀者如堵
更進二粒行步如無病人於是合家競拜道人笑
而出酬之錢不受叩其寓云住姚潘泉家去經靈
官廟見一道士瘦大於升道人燃燭帶再三應手
而墮市人爭看落燭道人托言洗手不知所往褚

數日後至姚氏第訪道人都無此客適閣上偶開
褚登閣拜謁則呂翁像也儼然與道人無異始知
呂翁暫來人間蓋數數矣佛前藥爲許侍御乞去
褚抱筆時過余家向人述此且華亭人親炙更不
一也

呂翁事二

呂翁常隱姑蘇賣藥家三年及抱小兒於元宵遊
閭袖鮮荔枝進其父母翁遂飄然於是吳人於福
濟觀後建呂僊祠俗呼神僊廟每年四月十三夜
簫管相延如值月明貴賤席地至於達旦明晨市

卷之十

卷之十

十

十

百花者塞巷復竟日而罷今 上丁未春正月時
方修呂公祠忽有方士携一童子俱來貌甚豐偉
童子醜而禿方士入門輒有指點衆弗聽也遍詣
衆道士若覓故處然抵一房見有裝名人手蹟於
屏者約數百年物詩已脫數字道士意欲補之而
苦無可攷方士忽呈紙拈筆字畫若出一手紙皆
古色絕不見補痕道士異之前者相對問館所在
曰虎丘叩及姓名再笑而不應時有宅客語榜首
事咸云計此時天上已定但人間不知耳方士忽
應聲而出曰姓黃衆共驚異使人跡其後至一酒

館與童子俱入移時不出踪者叩之館人云已出門久矣已而狀元果黃士俊云夫虎丘俗地也狀元幻名也何預呂翁事而置之齒舌耶意神仙玩世以此自潤耳或云兩開口呂字也

呂翁事三

吳郡○家遇呂翁傳牡丹十三方又於王省幹氏傳內傷丸吳人祀呂翁於四月十三無分士庶皆有像也翁所至家酒缸及卮中嘈嘈多作桃花乳

呂翁事四

呂翁至山東庶姓家作傭日側販買兩鐵圈於市

卷之十

三年無酬之值傭竟一日忽去經年後寄書招主人主人畧其人不省置之篋中忽遭回祿囊橐缺然惟此書獨存讀之言及火事且云身居某山中可來一訪主人大驚特至閩中山訪之但見丐者數十人藍縷可憎都無囊日傭人面也悵然而歸則邑中適遭大兵其家悉已罄殺主人始悟招之乃救其劫耳因它去不知所之其書至今勒石

呂翁事五

世宗朝華亭有丐夜宿古廟中聞神語左右曰明日呂純陽師過須灑掃以待丐者驚喜凌晨起俟

至日中而餒乃詣廟前業巾唐甲曰我夜聞如是今爲饑所迫將事乞食郎君爲我伺之唐代之守至日果有道人衣素坐廟門檻唐奉以精茗遂把袖稱大僊求度道人笑曰汝痴人耶我非僊也唐懇益力道人不得已相與出東門瞬間已至春申浦謂唐曰我從空而行未知稅駕幾何時也今且飛渡汝能無墮水平唐始恐懼然叩求不已翁曰我無長物顧魚鼓中有墨徑寸今年將旱汝摩墨作字投田中水應不涸唐舒手受墨已失翁所在悵然而歸未幾果大旱如翁言輒驗求字者盈門已而墨盡以他墨作字竟無驗矣

呂翁事六

余甥王孟張爲余言其先大父有婢茴香病目始猶瞳人反背繼而并合一日有道士至門自言能療瞽目咸詆其妄道人言療後取謝遂以藥一丸授回香令拭目睚眦漸開旬日頓豁主人珍之裹以色箋封題十數盒而藏之筭經月餘啓視則封題如故而藥已失矣茴香配夫晉寧從嫁濮陽曹藩臬家生子名官德茴香年八十餘至萬曆戊子猶存相傳疑呂翁也

呂翁事七

呂翁曾買桃於黃鶴樓下數月見買桃者皆嘆兒女因嘆曰世終斬一桃奉父母乎遂擲桃而去至今石上有擲桃痕色如灑桃汁

呂翁事八

萬曆時震澤西山有勞村屈人陳維德嘗遊山中西湖寺紫雲臺遇道人晤言良久經數年抵無錫適主人扶箕降僊自稱呂翁題句云數年不見陳維德今日相逢兩眉霜陳驚悚叩言生平無緣祇逐復書云不記紫雲臺下會也曾携手話滄浪

呂翁事九

壬子於金陵謁客聚寶門尹氏瞻所供純陽師像向東而行戴小綸巾僅護髮容纔三十許眉目秀特不似從人間筆底來鬚及黃庭綠絲皆有生氣面與手光如赤玉兩手交加右居左上虬結安祥兩麻履懸右肘其足赤赤不落題尹氏云出自郭府昔武定自開國垂暮日憶純陽遺像而苦無當意一日至庄間逢道士以酒瓶作枕臥路旁前驅呵之起武定異其丰神道士以純陽像數幅遺武定武定方轉視間道人已不知所在其子孫相傳

至今應爵將襲侯燕中與尹氏有舊遂寄一軸供養余生平見像最多雖李西泰所携天主相亦無能及其遠神

朱丐兒

海上高橋有朱丐兒嘗爲人奴已而辭主人因丐於村生平未嘗出村有村中人商於它縣山行遇二虎忽見丐兒從山頭下挾虎而上其行如飛鄉人驚曰是吾鄉朱丐兒也呼之不應歸語市人市人驚曰丐兒是日都無遠行第見挾兩狸歸離中耳離中者朱嘗編籬露處雨雪不侵以蒲囊裹休

朱丐兒

朱丐兒

朱丐兒

摘蒲施疾人者湯輒愈市人餽之衣食輒分給饑寒如拒而不受家必有大殃太原王相國嘗微服叩道朱不應至再裂眦曰公狙滑也時子辰玉在側亦以滑目之後不耐朱紫寒喧一夕失所在

後貌舞已下俱鐘鼓司伎

獅子頻伸凡四十八人百骸五官無不流轉應節舞跳高十丈餘

擲索

大索過於斗凡數十丈擲之空中直如矢群兒爭走上跳躍良久與繩俱下

壘七卓

身一轉便壘一卓於堂中不失尺寸凡六轉卓壘如浮屠第七卓設五殺五核及醢鹽若干器於上又一轉而第七卓已居最上矣須臾忽翼之而下殺核整設如初

齒跳板

舩艚上跳板長二丈餘濶二尺厚五六寸一人用齒支之使小兒立其上歌舞一闕

雜伎

美人纖足似新月弄路鼓大於五石瓠飛旋若弄丸至於吞刀出腹嚼火一爐皆厭勝也

御戲

院本皆作傀儡舞雜劇卽金元人北九宮每將進花及時物則教坊作曲四摺送史官校定當御前致詞呈伎數日後復有別呈舊本更不復進南九宮亦演之內庭至戰爭處兩隊相角旗杖數千別有女伎亦幾千人特設內侍領其職凡傳朱粉人雖司禮亦時加厚犒恐於至尊前有所諷刺也然此輩多行無禮上時斃之杖下聞亦問及朝事宮中秘密侍臣休沐不敢齒溫樹也

鑒定

世廟時武定侯進雍熙樂府首篇云國泰民安太平了世廟色動曰太平豈有了時耶改爲好曾聞之教坊老人此曲乃優人某甲得罪仁宗使歌一曲免死遂按調遣詞歌終不改一字上悅因留其曲於宮中

秘戲

猶漢安世房中歌也漢成帝有裸形館至元順帝復習之西番哈麻國師其番像皆有勢燕人呼爲聖囊甫內及西山諸寺皆有其像余嘗觀其所奏樂器絕與中國殊京師崇國寺及能仁寺猶演哈麻教一日登佛閣見內有奇龕貯絳紗籠中龕內像鑄交接形而供之南嚮相傳云世尊欲化此方遂變番相以移其俗

俠客

有選人得黔中別駕携家迄江干身死其妻向暮哭於舟一壯夫跳至船中問故具以實對是人謂士人妻慎勿啼我當代而夫作官卽指天畫地誓無它故士人妻無可奈何聽之而已是人爲買棺葬蘆葦間易船至江右再易抵楚中乃由陸至黔

宦踰三年上下咸指爲神明一日呵擁經市中忽有浙人呼之爲王十三不覺回首歸於廳事忽臥口稱風眩入語仕人妻曰事敗矣不去禍將及急令內外稱官病篤檢囊中裝幾二千金悉付士人妻夜半罄身亡去臨行囑曰明日發喪卽取棺至衙內置石其中不俟期月便當速行士人妻不勝烏咽一稟遺言至江干啓棺而歸仕人戚屬叩從行人是人與士人妻三年未嘗一面二女依然處子噫其人亦大可重矣後復官縣佐歸以任俠聞於鄉

九齋集

卷之十

七

蟠菴宴

項雙溪爲廣中藩伯時冬月生辰宴諸寮十六人聞者傳有術士携童子至門稱獻蟠桃主人大喜延入見菴子一枝止十六枚鮮艷異於人間惟恨少一主客不得分有術士云頃使小兒偷桃下天門忽被天狗所逐遂不得如數諸官力強術士不得已吹氣於井口須臾出雲童子乘之而上食頃間雲中大吹聲少頃見雲冉冉下童子携桃五枚脛下血淋淋云爲天狗所吠賓主大悅各贈所有踰百金術士喜呼盧館於青樓數日金罄復以小

兒飾爲美女子若遠行狀雨中經村寺前知其佳持畜資甚殷乃訴道人無歸乞留宿廊廡住持出見女子驚喜若狂亟延之入使道人通辭術士許諾遂與女子分房而寢至五更故叩女子門呼起則不勝輕薄血流滿牀矣住持出二百金賂之葬其屍於園中僧朝夕思慕其徒心疑彌月後發之乃紙人也悲忿訟之項項疑術士佯杖訟僧密使人捕術士術士歎伏驗前菴於佛前直泥所爲也叩啖之者亦云都無桃滋味雙溪杖而遣之

鬼張指揮

九齋集

卷之十

七

張三指揮蘇州衛運官輸漕畢歸道經黃河灘月明聞岸上哭最悽披衣起叩乃十五六美女子也自訴云父母疫亡葬畢無依親里偏其強婦無賴因乘夜逃出投水張乃自敘顛末且稱喪偶若肯相從當遂不娶女思惟良久默然從張俱下明晨蚤發女機警絕倫與張產二子爲夫婦十餘年未嘗有過愆但不容人見櫛沐張一日從窓隙窺見女提頭下於盆中洗髮張大驚排闥而入則已卧地惟見一具白骨而已張大慟收葬之如禮其長子後襲指揮使吳人至今稱鬼張指揮

分宜

最憐才七子皆其所風起者也世宗每見分宜出必起立送之嘗枚淚謂侍臣云背酷似先帝蓋指興獻也後削籍家居數問起居故卒免於難其養子世藩警慧兼人遭大夫人喪陰着白衣佐分宜給事西內夫已氏喉中侍奏之上前時方修法事西內爲祈年宮惡世藩喪服不吉遂決意罷分宜藩家居頗不戢西臺御史林按部內世藩挾聲伎於江中鼓吹傍若無人御史忿甚遂奏藩反上未之信有當路賂新承寵宮人郭昭容家使其子入於上前慟哭乞城中官舍上驚問故對曰中外皆傳嚴氏結庵客復園京師小女兒家住村中恐爲亂兵所掠耳上意始決然猶豫俟相臣裁初世藩有意行賂覓寓與相臣邸隣是夕投金寶院中墻高七尺盡滿相臣心動召兩謀臣決之一人先至曰須俟某君共議及是人至曰殺之賂焉往且明公獨不聞當斷不斷乎相臣大悟明辰藩首已懸東市矣籍分宜家不貲世猶有傳其籍者分宜遂寄居蕭寺惟餘一棺復爲他縉紳所借經年後縉紳家措數百金酬其值分宜復書云使

寒骨有所約束時共悲之

薛文清公

逆豎瑾必欲殺之業不可解瑾竈下養老人執爨哭竟夜瑾聞其聲使人至竈叩其故老人云薛公聖人之流也主人殺聖人天豈相祐吾懼夫禍不旋踵耳瑾心動遂釋文清生時身如琉璃五臟皆映於外至七日而隱

海忠肅公

一云謚忠介

忠肅公之批鱗也世廟震怒繞殿行竟夕拔面上肉刺都盡召華亭定議斬之華亭請其罪下獄數日不擬上督促至再華亭俯伏泣曰臣豈敢成陛下殺諫臣之名上怒始解忠肅深德華亭後開府江南爲華亭處分田宅實君子愛人以德也第奉行者稍過遂致華亭不堪四郡士大夫咸爲華亭解紛謂忠肅曰聖人不爲已甚忠肅拂然曰諸公焉知海瑞非聖人耶縉紳悉股栗而退公初爲尹御史按下邑視驛傳弗辨者輒坐以不職至公縣界公惟具不借百雙而身請負船辭曰敝邑偏小故也使者不宿而去後別官它省有御史怒某縣令縣令密使嬖兒侍御史御史過之甚遂

竊其符踰牆走明晨起視篆篆篋已空心疑縣尹
而不敢發遂稱疾不治事忠肅往候御史御史素
聞忠肅有吏才密告之以故忠肅令御史夜半於
厨中發火火光燭天群屬悉來救援御史持篆篋
授縣尹令多官各有所護及火滅縣尹上篆篋則
符宛在中央矣余叔父季膺君官江右驛傳時當
忠肅拜御史大夫道出江右與諸藩公讌畢復具
公牘中有銀盃十二兩忠肅獨拜登群公皆咤其
異於平日三月後附一書於江右公役且還前負
益以千金乃知公於江右時直囊無一錢耳及卒
諸公檢其遺裝惟俸錢數十緡身尚卧囊中也

徐文貞

當庚戌之虜薄京師也分宜隱不以聞華亭時未
入關與近臣俱召見便殿上叩虜所在分宜猶
支吾華亭獨慷慨前奏曰寇將薄城下矣上大
驚引問方畧華亭調列數事皆當上意遂不次
擢拜因與分宜參商矣今上誕生世宗不欲布
告中外文貞議曰雖非豫王之嫡子實陛下之
冢孫世廟頓悟皇儲由是克定生平講學實有
所得其爲閩之延平節推也與科臣俱謫科臣先

謂御史請以客禮見御史殊不快俄而通延平四
府見御史方慮其紊分而文貞已蹠舠前通
矣及遷浙中督學諸生絜結中有顏苦孔
貞尤其語怪置之劣等此生自訴云出自
貞謝之日多緣少年竊祿未遑披覽耳卽拔
列及家居佞佛以韋布終擬謚者病其
特蒼頭所爲耳烏足爲相臣

九簫集詩目錄

卷之一

樂府

官妓好痛積金也

樓船壞惜棄物也

行路難

于闐吟傷棄捐也

懊惱曲慕熱心也

離別引傷懷人也

苻離集新黃河也

九簫集詩目錄

李南華女郎懊惱曲

六十二首

葛成謠

五首

五言古

送張比部奉使南還兼記洪水部

七言古

燕中別焦三

丈夫行贈吳大

射鶴行贈吳一

卷之二

五言律

鳥啼

送叔父隱居雪嶺

索復

近況

寄遠

送焦三

題范大博野居

送何大入蜀

亡兒虎

自適居

九簫集詩目錄

古意

自笑

寄趙二

寄遠

金山

贈金山僧

賦得夢約水精環

賦得黃河如帶

懷錢大暨趙二

送友人

下第別友人

計二首

九日同友人登興德寺觀空臺有懷故園
寄友人

淮陰道中

廣陵早發

感時

月中宿邵伯

共三首

淮上

滁陽懷郭氏故封

關山謁武安王廟

九簫集詩

目錄

三

秋日重經宿州時淮水爲黃河所遏瀾漫

無際四顧蕭然余嘗三渡苻離是役不

勝悽惋遂托四咏

桃山謁岳武穆祠

汶上

渡故宋漕河

計三首

河間

採蓮

長安邸中同洪令君守歲得年字

卷之三

七言律詩

時事四首

送大令

二首

真州送別

與錢一辨西湖西子暨誇杜蘭香太湖

四首

寄家二兄

與錢大作別先夜夢隔岸之詠醒而足之

因嘲其墨守西湖

秋日送高太史還朝

寄錢大

九簫集詩

目錄

四

送陳工部奉使南還歸省

二首

送謝大行使河粵兩藩

送閩縣

除夜志感

歲暮即事四首

出都門

偶觸

計偕

豪門

自鄭州抵雄縣

止客遊江南

送黃比部

送徐比部并慰悼亡

送人

送鄭都官使雍州

宿負交謫復棄所居即事戲簡壁端

夏日夢至吳中桃花庵與見桃上人試畧

金閨春夜有懷故園

送王比部

客遊出門口號

九齋集詩目錄

五

送友人使建業

贈許侍御

秋日遷居豐城里

送李比部奉使密雲便道南還

京中人日立春同洪令君之鷺峰寺禮塔

檀佛歸惱張比部邀酌不踐

二首

送吳大行

元日試筆同洪令君得思字

無題八首

代贈

壽客 共二首

送袁三從軍 計二首

代人寄遠

卷之四

五言絕句

張女郎孝思歌 共五首

朱孝廉允復旋被論落籍作九章廣之

七言絕句

戲兒

病中自譴

九齋集詩目錄

六

和藍進士箕仙邊庭四時歌 計五首

白氏第五女郎長齋十二絕句

雜興 計三十首

應袁大史燕中祠白太傅蘇學士有懷故

園四時歌 計四首

和錢大虎丘茉莉曲 計十首

娥眉

題金龍大王廟

徐州

寄錢郎

語然香人

燕中有懷群公十絕句

誚客

贈徐女郎

計四首

贈別

燕中元旦戲題神廟

口號

五言排律

早秋寄懷趙二

七言排律

九齋集詩目錄

七

送高太史奉

使濬潘歸省

秋日過滕縣

調

長相思

計五首

曲

中呂鮑老兒

光九宮

堯民歌

十二月

目錄終

九箬集詩卷之一

樂府

華亭宋楙澄幼清甫著
友人俞安期美長甫校

官妓好痛積金也

我朝太祖神而武惟有官妓不廢古百官暇日
選勝時一曲黃金賤於土錢刀譬若地中泉當令
周旋如轉圜假如羈頓錢一貫天下遂少一貫錢
在官取錢在官費妓與官通民不痒苟其踈遠紅
粉樓自然可對朱衣吏一從廢置官妓來十人九
將刀布回吝心不折白門柳熱中輦向黃金臺吁
嗟禮去羊猶在處處青樓仍不改他鄉攬金遺子
孫蕩盡娼家心不悔乃知女妓真忠臣默移乾潛
轉坤別有閒人號吹客知音識曲聽其真一陰一
陽如魚水慣引繁華年少子滿口都傾如意珠千
金不惜鴛鴦被何時官妓別勾欄百官買笑更追
歡司馬君實復生日不在妓則在官

樓船壞惜棄物也

樓船壞半沉半浮不堪賣風衝浪打雨淋漓舊例
官船若公廨此船昔年下水時三牲饗神敦舵師
船頭翠荇浮萍實舷下蒼龍動水漪一船大小十

餘室中居貴人餘趣客貴人多是肉食人或奉

綸音或奉職爾時船頭蒙貴人暗通僮僕如交親

私帶硝黃與鹽盜偷買人夫并折銀江河諸船納

款慣偏遇漕輸尤侮慢有時候觸索賠償典男育

女不堪辨一家相對輕神仙饑餐酒肉醉來眠頻

催白下翻紗樣寄語楊州換翠鈿耳中日日盈絲

竹竈下年年祈萬福一朝發漏不堪行換却新船

笑相逐樓船爾費朝廷金如何但快船頭心國

家官馬責民養馬死還責民家任爾壞何不責令

船頭換却令別給新船爾自爛古人竹頭木屑皆

九箬集詩卷之一
收藏曷不取船代薪炭

行路難

金鉦鉦鼓聞闐騶牲血然紙錢在家依父母出外

仗神天所嗟神天仗之良難嗟我生靈寄於帆輅

悲我于將不離枕前山河帶礪可以言旋

于闐吟傷棄捐也

大風有隱離于闐
有人在下我欲輔之

上客當酒莫作喧小人有夢陳之言三花樹前金

骨仙贈我盈袖塗血錢其一騰空化為月璧海銀

臺綺雲結岸斷珠迷魚服龍霧深花傳鮫人血五

色鸚鵡璠與龍頻憎採花生不工芙蓉戲躍兩角

鯉錦駝散翼波寫紅晚霞分莫井鬼柳雲旗降
時在西南箕絳燭燃綺堂西岳蓮花盈素手相將
玉腕露珠簾滿贈星辰侶日南健兒簫管明明月
少女笙歌昔昔塩沃焦沃海海水熱鼈足支山山
柱折日月高高照雪山皎皎精誠不可滅不可滅
余心寒浩浩河流行何時可還龍門闔宮金翅搏雷
鼓砰訇咏鍵關焰眼火燦玉花帽鋸牙金燦獸面
鏤我欲訴之上帝前白榆歷歷難與言山川攸遠
路湯湯我所思兮良可嘆行路難上畱田

懊惱曲慕熱心也

交多中絕
托言慕之

九齋集詩

卷之一

三

燈影星光踈曉月青漢銀河半明滅一夜夢中復
夢中孤魂離別復離別庭前開盡合歡花手中解
却同心結擬輸東海沃焦山將來逼却郎心熱

離別引傷懷人也

物猶如此人何以堪
鐵凝改火期可已矣

馬蹄印荒堤明月印馬蹄明月却迷飛絮色馬蹄
踏遍落花泥君泪流妾枕妾泪流君衣角枕龍鬚
同未得羅衣馬首空相憶拜后空栽連理枝天孫
不織雙飛翼楊柳垂垂金鏡春梨花脉脉綺雲新
不愁驄馬歸無日多恐紅顏更有人明眸射月愁
無寐角枕羅衣耿相對他年銷鑠化爲塵賤妾與

君空有泪

符離集新黃河也

黃河不走古徐州向南直奪淮水流呂梁山口泥
沙塞符離橋畔神鬼愁去年水發睢陽北白骨壘
壘山頂頭白骨壘壘亦細事舊河深淺關 天子
節度龐眉爲督糧尚書白首因都水吾聞黃河之
水天上來茫茫禹跡非人開萬一不從故道走運
河枉種青青柳昨開新河十萬人遺老傷心半似
真鯉魚寂寞桃花水銅虎交馳柳葉文只今依舊
還如帶百萬錢刀竟何在近來新鑿小黃河濶處

九齋集詩

卷之一

四

不能五丈多三十二壩河如東舊河不能遮馬腹
可憐淮泗尚滔滔龍沙水穴鷗鷺巢德州城下人
競涉往來只仗人夫搜開田觸諱海運迂好事往
往徒上書憶昔漢都函谷裏漕輓如雲復如雨夜
夢河伯爲我言 天子精誠可格天漢武負薪執
子塞願我 陛下思無數千秋萬歲樂無極

李南華女郎懊惱曲

有序

余讀梅君季豹解嘲詩序太張楚而悲吳然蘭
香人天含啼震澤麻姑桑海什客胥門玉悅動
君王之悲真娘塋烈士之側仙骨雄心他方莫

躋豈若鄭袖妬而美人剽神女見而襄王夢哉
且三戰及郢畢處王宮三年報越遂興娃館楚
越之妖冶直吳之枕簟也南華女郎雖身客清
溪而心留吳會景升季豹狎而嘲之豈七尺委
卿之意乎何無香火情也為作懊惱曲

可憐金闥花翻照清溪水溪水東北流妾心亦瀾

瀾
懊惱白嶽山不理相思事山頭女蘿花豈為秋風

吹妾心若旌懸上牀如上船春風吹好夢隨水到吳

九箬集詩卷之一

五

天

夜半出中庭喜逢斗柄轉何意負情儂一見不復

見
踏青閨草來怪底不分勝野草各一心相交那得

定

朝渡錢塘江暮宿嚴陵灘東有早晚潮南有千萬

山
自從苦相思恨殺出行日悞觸寧馨神至今不得

吉

美却銀河平恨殺錢塘陰陰斷魚書鵲橋過鳳

輦

高高樓百尺下同賤妾身祇覺天日近漸與風塵

親
燒殘紅蠟炬抽簪刻郎心相看流淚盡無影自沉

沉
妾家角黍日正君端午時君愛一時為妾身偏着

絲
絲角黍覺香黍關思
浮雲一出山頭驛不得歇有朝天轉風是儂歸時

節
葛成謠

九箬集詩卷之一

六

狼如狼貪如羊一朝民不忍剖心肺剝肝腸吳髮
短吳心長君親無將爾何將以兵諫者當自戕吳
儂瘞儂專諸傍

其二

鄉大夫錢有子毋田有祖柰何食得殃無辜家羅
烽火烟模糊中官咫尺不可呼遂爾終身不得為
錢奴嗟嗟乎何為遂爾終身不得為錢奴

其三

太守朱吳所須名為几肉身為魚雖有赤心不如
刀直

其四

使者耄兮恩失旄鞭檻虎今射掣鼉如天之福媚
竈可邀烟飛竈突五雲以高旅人先笑後號眺

其五

勇夫藹者攻治絲辟除不祥寔備之六門萬姓祝
以尸有力如虎生可兒然香額天帝畀爾兩龍騎
西領吳山南有震澤天池電爲鞭兮雲爲旗呼風
吸雨和四時

五言古

送張比部奉使南還兼訊洪水部

九箬集詩卷之一

二

昔人敦友誼千載漸香渺吾儕躋凡庸久要持雅
道荏苒二十年素心恒皎皎貴賤雖迥如德禮互
相澡慙余辱泥塗多岐非宿好馳驅範周行有耻
信吾寶君心不我遐耳目淨如掃文酒時經過有
懷畢傾倒歷歷如淄渑衾影能自考聚散各有時
離絃作懊惱未別魂已驚欲寐神先藐恍惚唱驪
駒醒時半了了遠憂荒修途深林託歸鳥茫茫風
雨中山川雲縹繞南樓不久淹關山縵浩浩臨岐
阻一盃離群太草草携手念同歸功名苦不早羽
翼相背飛翩翩復矯矯豈其乏稻梁回翔在一飽

歸拍洪厓肩雙魚何枯槁髮行各蒼三立可忘
老努力乘明時斯民期皞皞

七言古

燕中別焦三

天無色海無邊瀾淪爾我於其間各來長安有何
意兩人不得名其然病中翳花忽一笑流水春風
歸去好淨心勸阻了茫然一曲驪歌綠芳草君非
作客我非歸如霧如珠向地飛芙蓉映水羸紅粉
明月臨秋化素衣紅粉素衣非我事采采蓮花有
蓮子其中因果知者誰四顧無人我與爾日荒荒
九箬集詩卷之一

丈夫行贈吳大

丈夫生來薄宇宙鬚髮稍稍非我有學書學劍一
無成爲佛爲仙俱袖手黃河流水成金銀可以挽
之佐酒尊太華羣峰鬱雲錦可以採之供吐吞耳
目口鼻滿天下如瞽如聾如啞者凡君三亡我有
焉魯國一儒君是也日月星辰光陸離君有文章

可匹之銀管鳳來窺玉樹丹鉛龍絙護珠璣我恨
平生三兩字蹉跎歲月今如此別君醉夢了無端
趯趯胡騶嘶月起

射鶴行贈吳乙

鶴尋
贈余

番禺公子美無度珠屨金丸不勝數倚馬才傾袁
伏文登高興發鄒枚賦春風稅駕東海濱蜃市蒸
蒸羅彩雲三山使者衣素羽紫峰珠樹迷梁津公
子仰天發暴矢離弦直詣青城士丹頂虛傳入帳
奇冰爪徒誇漆書字潭臯給粟飲溶溪玉翅霜毛
映水漪翠黛花傳明月恨霓裳羽借紫烟飛主人

九簫集詩

卷之一

九

許與宋生乞歛項低眸刷雙翼聞弦弄影如有思
逗節奔機更悲激丈夫羈縲同剪翰唧珠報恩世
所難一朝鼓翼冲天去與我相期緱氏山

九簫集詩卷之一

終



九齋集詩卷之二

華亭宋楙澄幼清甫著
友人吳國珍希聖甫校

五言律

鳥啼

春情濃曉睡入夢鳥空啼
起來看樹影還向此中棲
轉翅閒花落遊絲隔岼齊
飛飛不可極疑共白雲西

送叔父隱居震澤

浮雲去不極招隱意如何
見說湖山好征衣問薜蘿
髮蓬芳草色夢狎白鷗波
莫漫瀟湘去心驚九

九齋集詩卷之二
辯歌

索復

宿昔稱連壁於今限各天
梅花空有使飛李本無言
祇恨江如帶虛疑月似弦
罰將金谷酒廻却刻溪船

近况

新詩無法律興到輒欣然
如入蓮花坐猶橫紫玉鞭
醉劇輕天地癡真小聖賢
近來都減念差喜腹便便

寄送

夫子真人傑廬山亦地靈
常瞻五帝座傍有少微星
盎中多芋栗行散足參苓
蒼生思請命冬日想儀刑

送焦三

君行吳復越夷險聽長年
疎螢飄野岼遠水瀉平田
雨迷三竺月柳護六橋烟
此中近滄海禹穴亦相連

題范大博野居

生長在城市好人常獨居
標梅同主客野鳥自親九
齋集詩卷之二

疎靜閑三乘法閒披一卷書
君能遂清率石室乃吾廬

送何大入蜀

蜀道無難易男兒不顧家
杜鵑當社燕濯錦漾明霞
歲暮峨眉看雪春深白帝花
此時行樂處莫作是天涯

亡兒虎

別去都忘語因風散此生
云何分爾我究竟若虛盈
六年無定力此日若爲情
有眼能禁淚闌干任月明

自適居

四十二年又一朝都破除
心隨老楓化身悟
虛白飯堪持
單衫好遂初
擊轅復擊壤
日月任居諸

古意

暮雨一燈下
撫琴鬱無聊
憐予懷古曲
揮手未嘗調
非關憂忤俗
五指自來驕
不如俠年少
結伴學吹簫

自笑

近況今何似
依回念老親
無心對清醕
底事犯黃塵
不喜文章業
偏於筆硯頻
未知頭白後
得失作何因

九齋集詩卷之二

三

寄趙二

東南近無恙
吾子好歸來
江中阿育塔
海上越王臺
每到登高處
嘗思作賦才
旅庭有明月
可以屈金罍

寄遠

離心催我去
婉孌暫違歡
霜月蟾輝冷
秋風鴈影寒
青衫宜桂樹
紅袖想雕鞍
何事菱花鏡
年年兩處看

金山

大海一漚發
東南南北地
分沙連秋露
月風引亭山
雲鴈塔迷珠
樹漁燈漾水
文此中了無
相形色自紛紛

贈金山僧

昔年因寶藏
曾向帝京來
玉匣收宮錦
摩尼蕩劫灰
秋清龍母護
草綠象王迴
從此空諸相
天花滿碧苔

賦得夢約水精環

身違琥珀枕
夢約水精環
脉脉當秋月
明明透手寒
就中微有缺
別後忍教看
從此生歸思
鷄聲發曙難

九齋集詩卷之二

四

賦得黃河如帶

征人西北去
回首問東風
柳約輕鬟綠
花隨秀袖紅
安危占鴈字
離合信魚封
莫以河如帶
微波尚可通

懷錢大暨趙二

吳越山川阻
相思不易陳
野雲迷遠樹
津鼓送征人
每歲常爲客
今生更幾巡
飛飛月中鴈
來泛故鄉尊

送友人

柳條未吐色梅花無數新
試看空裏雁何似鏡中人
焚草呵青帝欽雲寄紫萼
他年三界水可以喻君仁

下第別友人

努力良不易相期徑寸心
校書同夜月懸髮想朋簪
劍冷蓮花澁水清柳影深
靜中人自遠車馬有遺音

其二

蕭然對秋色離心詎足陳
愁看馬上客美煞渡頭人
年長詩情短寒多酒興新
相思各千里魚鳥豈無因

九齋集詩卷之二

五

九日同友人登興德寺觀空臺有懷故園

臺樹空諸相無緣指故廬
朔雲深度鴈秋水靜藏魚
酒碧侵更影花香發雨初
不知今夕夢離合竟如何

寄友人

一從爲客久嬾作故鄉書
入座占人面看雲駐日
居舊盟尋草木新社結
禽魚簍劍鳴風雨雄心
未除

淮陰道中

走馬淮陰月隄荒水氣籠
人行雙鏡裏魚躍亂星
中急溜鳴欹石危橋激
曉風砧聲秋夜永夢入
海雲東

廣陵早發

遠樹藏村火空餘月半輪
鳴鷄徵驛吏嘶馬訕行
人雲澁山凝翠風輕水漾
鱗寸心終耿耿不敢畏
征塵

感時

近事將何語稍稍漸不經
野人瞻北闕羨嬾仰前
星溟海風羈譯燕然雨剝
銘頻年饒水旱九土未
全青

九齋集詩卷之二

六

月中宿邵伯

趨程忘日暮疲驛枕荒郊
擊石煬新竈敲針釣晚
殺林空搖馬影窓隙架
烏巢幸有刀環月依依
上柳梢

其二

野店臨官渡柴門暗草茅
游絲杯上拂更鼓案前
敲月偃人窺橐弓垂鼠
弄弭同行念裘馬廢語
相嘲

其三

水國喧波浪逢迎忽乍交馬來剉汲水客到青
茅律呂蟲相和泥沙鬼暗拋江南近如許差可傲
鳩巢

淮上

村荒迷客路徑指轆轤傍故榻埋青草危簷倚綠
楊魚吹人影亂鷗訝馬蹄忙白露驚秋髮兼葭半
已蒼

滁陽懷郭氏故封

山腰斬於削控勒仰穹窿薄霧生衣上輕雲結樹
九齋集詩卷之二

中珠襦酬昔恨金盃秘奇功甲馬悲風急依稀下
碧空

關山謁

武安王廟

山有赤虎跡

群嶺爭環拱雄關扼翠微人同白鶴度松與赤龍
飛雲電馳金勒風雷振鐵衣沉吟千古事無計挽
斜暉

秋日重經宿州時淮水爲黃河所遏瀾漫無

際四顧蕭然余嘗三渡符離是役不勝悽

惋遂托四咏

曉發睢陽驛牢騷絕送迎蘼蕪簷借長榆柳水支

生馬足馮三老鷄聲費五更年來頻過此耳目幾
回驚

其二

南北控神京干戈此戰爭黃河藏日影灘水照人
明掠荇分魚食褫衣賃馬行若教常侍見低首亦
含情

其三

束髮遠行役關山幾變更豈伊湯柳岸化作藕花
城貪雨龍移族迎秋鶴厲兵王師初罷討畫角莫
悲鳴

崔第四指爲兵爪

九齋集詩卷之二

其四

洶洶黃河水何年此地行亂峯遮不斷一水濁兼
清堰決魚遊釜堦湮蟻附楹野人相嚮哭白首貧
昇平

桃山謁

岳武穆祠

浴血干戈裏征衫斷酒痕順風開殺氣信手鑿生
門鼓息蛟龍蟄金鳴日月昏書生悲寂寞叩馬測
軋坤

汶上

薊北三千里今朝半未曾聞鷗翻馬跡短壺射魚

燈棗楮兒爭覓梨黃縣欲徵臨流私顧影水鏡
難憑

渡故宋漕河

在恩縣北土人各趙家河

西上通京雒朝宗想建瓴水痕籠野霧曙色帶殘
星野雀爭蘆絮城狐募社靈惟餘故隄草猶向挽
人青

其二

水脉東連海燕齊土俗驕篙師呵故吏父老艷前
朝毒霧神驅馬愁雲鴈避鴈金湯不相待紅粉一
時銷

九齋集詩

卷之二

九

其三

秋風旣蕭瑟况復水迢迢禾黍依殘照楊枝寫細
腰九城巢燕雀抔土寄漁樵脉脉空餘浪帆檣半
寂寥

河間

水國波濤濶秋風感髮毛柳情傳電線花事托霜
毫野戍天狼午邊城太白高無爲戀明德寒色起
征袍

其二

京華烟樹接秋日朔雲高河海沉雙鯉滄桑間六

鰲花香侵白隋霜氣入烏號醉裏還家夢舟車不
憚勞

採蓮

來往惜輕盈臨流態轉生低回測深淺拂拭照昏
明衣亂歸雲影風移巧笑聲遙知花發處羅襪借
遊行

長安邸中同 洪令君守歲得年字

異地同心處今宵各黯然相看衣似雪但覺夜如
年淚燭辭殘曆荒雞散曉烟陽和應有待不與歲
爭先

九齋集詩

卷之二

九篇集詩卷之三

華亭宋休澄幼清甫著

友人王增抑之 甫校

七言律詩

時事四首

東海浮沉奉使槎波濤石笋護桑麻白茅臘夜封
驃騎玉鳥春風拜麗華憶昔香圍龍尾扇於今草
沒鳳頭車司農且莫征輸急千里黃河一半沙

其二

潦倒春風不自持若爲烟月費相思麒麟競刻于
九篇集詩卷之三

闌玉星斗間搖太乙旗花萼樓空窺鳥雀昭臺宮
冷剝琉璃歌聲遮斷金鷄唱幸喜東方日催

其三

萬戶千門護紫烟中宵襖被夢魂牽龍腰起伏憐
珠玉鳳闕荒涼減俸錢苔暗夜明千日酒金迷水
藻五雲天年來斧鑿窮山谷木石交言亦偶然

其四

遙瞻執法已成空誰遣中台曲似弓九府棟梁充
禹貢千秋麋鹿走吳宮熙陵月泛蘼蕪綠碣石風
傳虎竹紅安得老成司交職野人還擬誦車攻

送大令

吳山蒼莽越雲深草木蕭疎雨雪侵明月暫教籠
薄霧春風依舊再鳴琴共知白璧原無玷誰信青
蠅似好音冷冷三江鳴咽處依依萬姓感恩心

其二

由來長信如姪娥飛鳥無端及雉羅草野蕭蕭懷
雨露使君侃侃任風波素衣不逐黃塵改明月其
如惹苒何 聖主方懸照膽鏡會看驄馬躍鳴珂

真州送別

楚水吳山總一鄉五年魚鴈若參商江頭破鏡清
九篇集詩卷之三

秋月城上啼烏丙夜霜未許拈花生佛笑粗聞桂
子發天香他年乞與初衣後早晚浮雲可坐忘

與錢一辯西湖西子

左序

余友錢大常謂余曰越有西施復有西湖我將
娶越女家六橋爲西湖長足矣太湖波浪可以
殺人吾不能如向平之無賴余嘲之曰諸暨之
人語言衣服與吳大殊王是以館之霧巖疎之
消夏王亡於伐齊非因好色且從范大夫居陶
而去我五湖直一商婦至於西湖樓船歌舞種
種生獸一泓秋水腥氣襲人山徑鬱蒸卑濕特

甚以方太湖居然天壤吾將挾杜蘭香居縹緲
峰傲錢郎無男子氣也作四詩寄之

嘲西子

逢人漫說若耶溪越女君王定不迷
禿袖慣穿鵝子色歌聲難學乳鶯啼
看花纖手當曾貼對月雙蛾整夜低
怕逐蘭香天上去却爲商婦老於齊

嘲西湖

十年六度阿西湖靈氣茫茫鬼可訶
寺觀濤峰不降祿蓮泛月水無多
蠻聲三老當頭立粉面平康拍手歌
愁見洞庭風浪險遠看青翠意如何

九齋集詩卷之三

三

誇杜蘭香

吳淞秀出杜蘭香天上人間總不妨
漫拂鏡臺雲欲散醉拂羅袖月相將
銀河度曲來鸚鵡玉樹吹簫引鳳皇
最是陶家風景惡養魚畜犢數錢忙

誇太湖

三吳震澤遶群山七十餘峰浸水間
盡日芙蓉搖玉鏡有時翡翠掠雲鬟
紫芝仙客題爲嶼明月君王寫作灣
守却西湖歸隱好憑風波背口鬢毛斑

寄家二兄勸之買時余兄弟俱未見兒

意氣於今似水平

常在對月愁看影共行欲借鯤絃調錦瑟
先教鴈柱合銀箏十年一瞬同蕉鹿
霜鬢催人在五更

與錢大作別先夜夢隔岸之詠醒而足之因

嘲其墨守西湖

握手臨岐酒一杯乘風不忍更徘徊
隔牆楊柳催人別夾岸芙蓉待客來
夜月相思青雀舫夕陽回首鳳皇臺
憑君乞與西湖去縹緲峰頭着意猜

秋日送高太史還朝

兼訊故知

依微木末露華浮容與涼颼起素秋
帆引彩雲辭谷水江澄壁月上揚州
龍門已逐菰花渡鳳苑還

九齋集詩卷之三

四

因竹實留不是商賢來帝夢曉鍾誰問翠雲裘

薊北關河道路長臨岐尺素寄相將
青藜子夜懸天祿彩筆春風繞鳳皇
劒佩雙瞻雲五色歌聲交奏日重光
試從枕內探鴻寶不向中郎帳底藏

寄錢大

石尤風裏芰荷時坐對黃花秋滿枝
把手未曾先入夢裁書臨罷更題詩
相看青鬢浮雲外莫遣空山夜鶴疑
野性自甘薇蕨老不須赤棘寄相思

送陳工部奉使南還歸省

傳郎官屬大司空極目南雲滄海東
無柰曉雞離遠

問寢遂令征馬逐春風王孫芳草萋萋綠門掩
苑樹樹紅此去輜軒應計日最憐明月滿宮中

其二

飛龍早擅白雲篇錯落宮袍度紫烟五兩輕裝同
柳絮三年薄俸減榆錢綠衣欲約春花舞南極高
纏星使前莫向舊山誇內史君家雙璧產藍田

送謝大行 使河粵兩藩

三河百粵遠夷猶五兩輕裝一蒯緌遠志飛花隨
去馬枕榔墮粉送歸舟客程布殺星侵曙官柳嚙
蟬鬢欲秋最惜丈夫憂國淚莫隨江水向東流

九齋集詩 卷之三

五

送閩縣

百里明溪許量移原豐屈指及瓜期踐更月鏡窺
金崎欲漏星辰耿荔支轅下犢晉江畔草釜中魚
孕劍頭炊司晨青瑣催封事莫負當年起舞時

除夜志感一首

百緒驚心行路難日歸聿暮感雞壇朱門燭影連
三市白雪梅花舞七盤龍夜西宮魚鰕靜鳳題東
閣鵲文寒頻年旅食甘粗糲猶自憂葵傍藥欄

歲暮即事四首

萬方新麗歲寒時

萬方新麗歲寒時

錫鼓舞餘楚女如燕姬黃旗湯壓邨烟曉白骨平

添野燒炊忽爲宮雲深萬里苑牆啼鳥有餘思

銀河倒瀉洗胡天嶼海鯨鯢首通懸綠緜未填金

穴滿紫薇欲倩水星纏千年屋社熒燐火五夜珠

宮幕禁烟遮莫午雞催曉鏡蒼黃已在九旒前

高樹深深隱翠華輕羅細細引龍牙雕搏鵬羽飛

殘雪鷄埒魚鬚立暖沙舞袖乍迴弓借影淚痕偷

墮劍生花曲終南內喧簫鼓西苑牆邊候酒車

鐵室銅門翼未央明珠翠羽闌新粧月中壓笛暮

天樂酒後尋花傍苑牆鴻鵠未高千里翮紫芝空

九齋集詩 卷之三

六

老五雲鄉傳聞玉輦多巡幸無柰園丘道路長

出都門

落虹亭外夕陽邊回首春明起暮烟雨後亂流衝
馬腹風過細柳息人肩綠沉中使三千客黃帕材
官尺五天誰謂繞朝工贈策十年空羨祖生鞭

偶觸

路傍側耳聽須臾苛政何如虎負嵎餓殍減糧辜
聖主踐更吞淚別妻孥青蚨慣亂千條律朱篆能
收百姓孺早趁秋霜嚴隼擊莫貪夜半二天呼

計偕

回首春風淚滿襟東吳西越夢相尋
三田已及三千頃佩玉先期六百簪
假寐青袍驚曉夢目成紅粉借琴心
山公啓事明於鏡昏却更施買笑金

豪門

平津東閣傍城隈夜氣金銀侍女猜
雲落水亭青鳳集電飛玉座赤龍回
家藏國識奴千姓笑指天文酒一盃
爲問衆星環滿月何如七寶開敷臺

自鄭州抵雄縣

青山西北控中央滄海東南莽大荒
光樹綠楊沉九箭集詩卷之三

馬影千條碧藕窠蜂房城埋殺氣雲常黑
沙捲悲風日欲黃借筋不須籌往事試搥村鼓疊漁陽

止客遊江南

年光花月九州同浪說江南似鏡中
山丹亂雲呵蜺母珠懸野樹闔蜈蚣
金閭白晝刀飛練胥浦黃昏鬼喚風
酒後刀環循數數穹廬差足老英雄

送黃比部

不向春風舞柘枝曲江花煖控青絲
相看驥足起羣日正是王良攬轡時
盤地繞通朱雀水及門新領鳳凰池
蕭蕭四馬長安道幾處村烟接曉炊

送徐比部

兼慰悼亡

京風枕簟夜凝秋客舍傷神不自由
明月怕教圓似鏡鴛鴦何意狎如鷗
遙瞻椿樹頻稱壽却憶萱花可療愁
佳夢從來雲五色南飛應繞鳳凰樓

送人

燕市相逢歷歲寒情因同舍倍交歡
秋空鴈向南雲切野店鷄荒北斗闌
白苧城邊喧鼓吹芙蓉花下集衣冠
知君雅抱天人畧四海方歌行路難

送鄭都官使雍州

雪裏題詩送遠行斜陽不煖暮烟生
灰飛葭管經九箭集詩卷之三

蒲坂路繞梅花發渭城濁酒若爲離別重
白雲無係往來輕道逢夾轂君休訝會見他年識履聲

宿負交謫復棄所居卽事戲簡壁端

中庭無月手無錢不特雲霄獨黯然
償責刻期造子意挾賢矢口貴人權
饑來美蠹能食字金裏無魚浪擊鮮
縱令尚餘吾舌在試教轉日與回天

夏日夢至吳中桃花歡與見桃上人試芥茶

夢到江南不到家湯從蘭石試新茶
烟籠石砌迷紅芍潭樣雲光動碧紗
鉢水無風龍臥柳法筵供鳥啣花
浮生幻境何時覺未覺惺惺總是差

金閨春夜有懷故園

春申南嶠築鄒東耿耿三河一棹通
冥色月深修竹裏曉烟香煖百花中
鵲鸛春暮供醅綠鸚鵡燈前促女紅
金印未懸歸未得莫將雙髻到青銅

送王比部

雨後涼生天氣高畫行爭美錦宮袍
內庭戲蠟先成鳳東海持釣獨釣鰲
秋日芙蓉開幕府春風楊柳映江濤
故人若問遊間信一半歸心寄大刀

客遊出門口號

寸心萬事已如灰猶向長安學自媒
此夜菟裘空有月爾時蚊口漸成雷
花含宿雨分離淚水泛新荷代別盃
他日試開東閣待可能無復故人來

九齋集詩卷之三

九

送友人○使建業

計日星軺指故鄉春明別酒泛蒼陽
江中回首分鷗鷺臺上相傳有鳳凰
別恨不隨明月盡交情漸逐柳絲長
逢人莫美文通賦筆底生花滿路香

贈許侍御

白榆歷歷靜無譁驄馬行行似碎邪
洛下春風思雨露秣陵霜色想朝霞
天衢未遂東山屐綵服猶携滿縣花
聞說侍中仙路近姓名無奈已籠紗

秋日遷居豐城里

江南秋色夢頻經十載長安愧挈瓶
憶昔故鄉常客處於今逆旅作居停
錢刀頓逐征逋貴狐鼠新從婚竈靈
愧我不才愁桂玉敢從析木指三星

送李比部奉使密雲便道南還

僊吏乘秋出白雲蕭蕭落木鴈紛紛
黃花濯露迎星使紫氣臨關切斗文
香徑風烟頻入望太行青翠若爲分
歸途明月圓如鏡到處清光總是君

京中人日立春同洪令君之驚峰寺禮旃檀

佛歸惱張比部邀酌不踐

九齋集詩卷之三

十

東風上苑歲華新萬里歸心不用論
笑却半生馳電影浪逢七日此年春
醉迷粉蝶還成夢綵雜梅花總未真
試問僊郎歸騎晚高燒銀燭對何人

其二

長安人日喜同人况復逢春物候新
眼底空花何待剪天邊明月未成輪
威儀丈六傳諸相世界三千寄一身
無奈白雲迷鷺嶼辛盤此夜正留賓

三十
二相

送吳大行

鷄語間關螢火乾陽春白雪滿長安
花開上苑先

替杏夢到深閨總是闌未遂叩窗雪蔽日久虛問
寢夜衝寒思君不逐三秋盡明月中宵幾度看

元日試筆同洪令君得思字

九陌凝寒曙色遲星河無影漏參差花開滿院椒
先泛影逐雙鳬鳥不知蠟燕迎風催柳色符雞趁
曉上桃枝禁城列炬朝天處多少蒼生起夢思

無題八首

將渡

何年偶種有情凝今世相逢似較遲對月要言紅
滿徑臨風惜別綠濃時當如秋燕尋歸路莫學春
九齋集詩卷之三
蚕只費絲桑實江南看漸熟改鳴蚤晚莫深疑

惜昔

喬林反舌已無聲爲美嚶鳴更遠征暫折柳枝揚
子渡漫償花債闔廬城鬢蹠青鏡心俱亂夢入丹
楓淚自生昔日刀環原有約宮袍莫以夜遊行

治繡

買絲端擬紉深恩豈意還教倚市門比翼織成應
不散連枝繡出定同根願如弦月何時滿夢見黃
河到底渾道遠未知心去住征衫猶有舊啼痕

旅迷

夢中忘却久分離猶是含情歡笑時來去豈因雲
樹隔殷勤惟有錦衾知猶尋舊約頻私語贏得新
愁不上眉畫角悲鳴天欲曙江南江北總堪疑

揣來

一爲輕別意中人夢裏歡娛又幾巡藕節牽絲愁
欲斷蓮心被劈苦偏真歸航未必從江水口血將
乾侍鬼神留得舊時情緒在相知誰道不如新

虛疑

近來心事竟何如煩惱多應未破除簾影不遮蝴
蝶夢秋風幾度鴈臣書欲隨禁苑花同發無奈關
山月屢初別後講臺曾上否數行修竹子雲居
九齋集詩卷之三

夢縈

昨宵依舊在江南徙倚花前思不堪何事彩雲移
楚岫惟餘明月下寒潭蜘蛛牽掛空相待鸚鵡能
言未忍探隱隱鄰家諸姊妹管絃留客正淹淹

規思

燈殘魂返漏聲沉盟誓多端豈暇尋祇爲兩心無
托處至今雙淚不能禁王孫珍重迷芳草駛舌間
關效好音索莫茂陵消渴久集靈僊露思偏深

代贈

偶隨仙侶泛仙舟遂許無心狎海鷗繁露三冬誠
足用東南一角可全收芙蓉試採無由寄桂子須
塞最上頭聞說君家能作賦試同王粲一登樓

壽客

海中縹渺見三山除却朝元盡日間選勝乘鰲時
列會滂遊馭鶴偶躋攀酒當花月頻中聖藥駐朱
顏得大還應是群僊來集慶玉樓蚤已遍人間

其二

銀榜璇題玉作樓翩然乘興下丹丘蟠桃未結千
年葢海水先添十屋籌虎阜黃雲隨客棹鶴城壁

九齋集詩

卷之三

三

月送僊舟明年封酒遙相憶爲折梅花寄遠遊

送袁三從軍

十三走馬與探丸遮莫於今興未闌袖裏鳳毛他
日淚畫中麟閣異時歡臨風把酒澆司命說法看
身愧宰官鴻鵠湧堅千里志相逢莫遣愧雞壇

其二

生來解散囊中金屈指朋從我盡簪自信丹青留
廟貌敢從文武論升沉涼風虎嘯森冬殺雲雨龍
飛作夏霖記取當年銀燭下莫教圍玉負深心

代人寄遠

徙倚闌干冥色來水寒山渺路迂迴空中柳絮風
前度笛裡梅花指上開每次烹魚思錦字湯隨
雨到陽臺彩箋別後無由製虛擬登樓取次裁

九齋集詩卷之四

華亭宋楙澄江清甫著

五言絕句

友人范迂漫翁 甫校

張女郎孝思歌

涼月飛青鏡熒熒照人心熒熒不可住征馬鬱歸

音

閃閃銀交刀莫斷忘憂草留待春風中臨高寄青

鳥

白雲宛宛飛我心曷能已可憐魂夢中行行復止

止

九齋集詩卷之四

高燒盤龍燈宵宵風無聲似聞夜鳥啼咽爲子規

鳴

瓦霜欺短髮無奈此秋風鴉髮能作飛飛入白頭

中

五十而慕孝子也嫁慕父母孝女也神嫗救之

學者咏之不亦宜乎

朱孝廉允復旋被論落藉作九章廣之

軸轡轉人心刀圭滲儂髮往事起涼風歸心對秋

月

珍重儂青衫阿誰得三錫歸從滄海若嘗探萬年

曆二其

行行慙帝恩第教挂冠去人生能幾何出門如天

曙三其

且喜東上門夢中沒交涉十年促織心祇解驚蝴

蝶四其

歸來剛秋風螢火已箇箇阿誰不裁囊教儂暗中

坐五其

戲撥蟹兩螯宛轉如雙臂儂本字無腸向人若有

意六其

臨岐拍馬鞍怨儂雙膝蓋蹠請不成辭語語都無

九齋集詩卷之四

賴七其

行到瓜步頭江楓化成血父老謂余言此古書生

舌八其

跪儂古佛前儂香一炷離合本尋常悲歡若嫁

娶九其

七言絕句

戲兒

六歲小兒樂事多笑拂絲衣行且歌眼看黍李未

得熟生憎日月不如梭

病中自詠

病中招得酒魔歸更有詩魔不願違二鬼詩云相伴老花前月下總如飛

和藍進士箕仙邊庭四時歌

春風漠漠度王庭長白山頭凍不青無奈河橋楊柳色先來笛裏怨飄零

青海條支路半詣日蒸苜蓿氣如酥夜深明月生涼露却喜單于欲向南

健馬良弓出短垣酒酣起距汗龍升年來虜騎天生怯惟有飛鴻度賀蘭

打帳歸來月未收青驄坐擁紫貂裘血中奪得胡兒婦今夜深閨夢不投

九齋集詩

卷之四

三

兒婦今夜深閨夢不投

黃沙白草古輪臺一片蓮花馬上開落日朔風喧戰鼓陣前先縛射鵰回

白氏第五女郎長齋十二絕句有序

壬辰之春余偕友人訪長齋王五遂成傾蓋處同几席出共舟車者幾年時王挾五郎曹擁七生無何而各以事散去丙申孟冬偶客吳下乘閒訪白氏則七已從人五亦長齋四年矣從人者勿論獨感五生之於王五甲以盟誓重以要言而卒有甲終之悲豈云郎之責歟又

君各白頭吟乎又吾聞五生薨後歸衣三屋幾

二年而復出則修齋誦經未必非感慨於兩公

子之離合也嗟乎余之感慨不減昔人而爲衆

生之鷹隼五生坐臥小樓非人若死而不肯猶

覲顏人前豈其奉教君子而五生之不若用發

勇猛之心斷絕邪淫之好蓋法無久暫達者機

先境不逗留迷者執着五生之茹三紅顏若駐

其於瞿曇亦無有二相矣第常稱心痛豈未從

范大夫於五湖耶謹摘侯佛短章以廣其意

每疑龍女種前因素手明珠字辟塵鸚鵡隔簾呼

九齋集詩

卷之四

四

得醒然燈佛對捧心人

羅衣拂拭佛前香未許禪心入道場贏得顰看青

鏡裏等閒恨殺館娃坊

桃花欲綻柳成陰繡佛長齋了業心水月觀開龍

虎鏡晨朝課發海潮音

曾同闢草七香車蝴蝶迷香逐鬢鴉今日日西窓

未啓鏡花光裏落天花

媚眼成來一半青蓮花醉雨未全醒中宵月冷

鴛瓦沉水香拈孔雀經

經罷燈昏月倚樓薰籠烟午帳垂鈎當年酒半

藏夜不覺金壺到曉籌

不問連枝事有無且從雙樹論榮枯幽情常對西

山別欲逐清光汎五湖

月光斜浸水晶簾冉冉慈雲翡翠兼靜守博山如

有悟啣花百鳥不窺簷

春風香暖百花洲同伴相將上彩樓莫以玉壺生

懊惱乳鶯啼向綠楊頭

無心楚舞厭吳綾欲借交刀剪葛藤酒醒夢迴寒

夜永悞彈青淚滅銀燈

幾番折柳送王孫紅袖啼痕問酒痕最是觀音能

九齋集詩卷之四

我苦近來離別可消魂

三界空花有了期五年歌舞總堪思同時姊妹今

誰在欲問庭前柏樹枝

雜興有序

戊戌仲春往吳郡桃花塢風雨經旬留滯蘭若

憶昔年上下群山作雜興詩三十首夫有意于

擬古則失神情有意於創始則傷骨氣余無意

人間者也而敢有意於文章乎善戲謔兮不爲

虐今則某竊取之矣

山清雲淨月彎弓擬射長鯨滄海東鵲印不交春

草夢燭飛花影玉缸紅時東征報使

嶺雲皎皎送歸龍石徑花溪湧不封暝色欲來啼

鳥靜一輪明月數聲鐘

惠風香草發春江浪來流光入小窓欲向此中參

法界常明日月性無雙

雨久梅花吐萼遲櫻桃未綠寄相思閒中自蠟登

山展遮莫天晴趁酒旗

夜暖閒庭草色肥鳥因晴日趁花飛有情最是東

流水圍繞春風不放歸

十年湖海結專諾居有叢臺食有魚夢入江南春

九齋集詩卷之四

草色眼中如刺一床書時余已謝

小艇春山酒一壺醉臨石磴倩人扶生來病骨多

凡相青眼時時寄五湖

殘梅零落葉初齊夜露纔濃唱曉雞不惜春來貪

短夢試看蝴蝶爲花迷

春心隨夢到天涯桑海無因合玉釵昔日梁園歌

舞罷梨花寂寞滿弓鞋陰懷君平之恨

榆關征馬幾時迴月白霜寒入夢來最憶越中諸

將士牡丹峰上陣雲開牡丹峯乃昔年越兵破高夷處地在朝陽

神州地脉絕金銀草木山林不放春書掃紫微三

白練星飛碧海轉朱輪白練有星謂於車裏一如

兩宮夜半驟氤氲三殿平明結火雲相國袖中藏

草疏午門回首夕陽曛詩李敏

海外名香斷返魂淚痕耿耿對黃昏是耶不見臨

珠帳飛李翩驪殿角門詩李敏

迎花對月倚欄干把酒頻將北斗看聞說東風生

戰伐招搖且莫指長安

鳥聲欺雨六根閒笛裏梅花暗往還何處得他禪

定力昔年襟袖已潛潛

九箴集詩卷之四

沉沉疎雨結寒烟一縷梅檀小竹前好鳥不知春

已半看花交語更忻然

七

春暖流漸鳥鵲橋千花萬樹繁紅綃虎符初禁東

山妓月下城西聽玉簫詩李敏

十年玉輦祀南郊上苑梧桐鳳欲巢馳道六龍驕

不御更煩諸將問包茅

禪心早晚謝藍袍瑪瑙空裝白雀刀紅杏曲江春

酒後莫將雞口惱龍韜同學元弟

逃名不作五噫歌上下春山醉日多懶向黃姑邀

織女且從青帝乞嫦娥

醉眼時看白日斜楊枝垂線引桃花使君爲聽羅

敷語不及鴛鴦宿暖沙詩東征

千隊吳兒赴戰場短刀犀革綠沉鎗依依楊柳離

江北兩雪霏霏度鳳凰鳳凰城亦

茗烟裊娜竹邊生雨過梅花分外明來日不須愁

命屐夕陽啼鳥語先晴

五更疎雨洗殘星鐘語初停罷展經花底黃鸝新

結伴慙慙催得柳枝青

茶色天池綠未曾堯峰如鏡玉壺冰醒來一枕當

新月佛座香風出紫藤

九箴集詩卷之四

鳳城空憶月如鈎龍女歸寧雨未收萊脂麥青桑

葉綠無心載酒百花洲吳天

忍隨杜宇起歸心自有黃鸝送好音翠帶風吹楊

柳纈紅顏月下海棠侵

八

自憐生長在江南禹穴堯封恨未探七十二峯青

若黛故人頭白好抽簪

烟深花徑雨淹淹火綠琉璃護綠簾野鶴欲巢疑

翡翠試拋珠樹向前簷將還居

玉驄芳草恨珠啣畫艦微風引片帆晴日管弦來

響儼春寒歌舞試羅衫

應袁太史燕中祠白太傅蘇學士有懷故園

四時歌

東風啼鳥弄南音
夜暖爐烟香氣深
黯黯黃河遮客夢
凝凝楊柳亂鄉心

殿鴟無語鳥藏槐
香辟青蠅帳不開
遙憶浦前村酒色
遠風遙送芰荷來

月色霜痕照鬢毛
風聲削葉快於刀
前朝銀燭交天曙
此夜金門感布袍

雪引梅花到薊門
香迷蝴蝶近黃昏
生前半向江南老
乞取屠酤代白蘋

九簫集詩

卷之四

九

和錢大虎丘茉莉曲

十首

奩李飛飛鳥亂啼
顛船茉莉葉初齊
女兒纔到山門下
青眼看花東復西

花市平開斟酌橋
半教船販半肩挑
連枝腰弱扶青篠
並蒂頭垂繫紫銷

講臺東上禮諸天
鶯咽紅沉最可憐
無奈曉妝珠翠重
香錢移作買花錢

羅衣寂寞倚闌干
葉上明珠曉露溥
侍女穿花蓮蒂疊
傷心挑得有情看

雨餘香發夜何其
鸚鵡醒來念舊時
簾底美人初

浴罷攬衣花下月參差

織女閒將金剪開
機前戲取白雲裁
紛紛散作梨花朵
漾漾上薔薇露一盃

綠陰濯濯月深深
花朵金驅隔夜侵
投却玉盤承露水
明朝彩線結同心

楚雲一別渺無還
翻羨藤蘿不出山
聞說小姑風浪惡
如何平渡等閒閒

雪消楚水紫瀾生
夾岸千花送客行
看到金闌花落盡
爭教玉草不傾城

不學紅妝閨麗華
蓮芳桂影雜明霞
有誰西取陰

九簫集詩

卷之四

十

山雪乞與江南樹樹花

蛾眉

十五蛾眉恨不逢
生憎柳葉颭東風
一朝嫁得張京兆
始信從前畫未工

題金龍大王廟

曾三馬風雨所侵未
前嘗以凡偶之也

黃昏金磬五更鍾
袍袂淩淩金鏡明
冒春水舫鱸三百萬
天津容易發芙蓉

徐州

屢經金龍大王廟是
精美遂受其神之

曾將佳句惱龍神
風雨三日云雷
今日彩毫頭半禿
碧天雲淨轉冰輪

寄錢郎

錢郎贈扇不題詩好似江淹夢後時試叩筆花誰拾得座中惟有楚臣知

語然香人

北上清涼費往還普陀南海亦間關近來參得諸天近不在空中不在山

燕中有懷羣公十絕句

沈侍御

笑指筵前鸚鵡鑑慣隨白雪往來輕藥師乞與明光藏朋賭仙郎不夜城

九簫集詩卷之四

二

楊太史

青鳥雲中惜羽翰旅愁落月夢迴看江干楚客稱無恙雪裏吳姬可奈寒

郁大

黃河一半已成水浮玉山前渡未曾待却仙槎迴白雪蓬萊枯煞九枝燈

李比部

太行回首桂如霞不美芙蓉鎖太華爲約龍門雙角鯉好乘春雨躍桃花

袁三

花生彩筆月生弓虛擬前身李衛公何事病中消息少多應行雨戀青驄

高太史

聞說生前是辨才摩尼珠裏見身來病中欲借蓮花舌金馬門前取次開

潘舍人

彩毫字字挾風霜金骨曾登選佛場羅薛化爲書帶草旃檀回作令君香

王祠部

十萬牙籤中秘書禁雲丁色綈長裾閣中熬火懸天祿窓外花香辟蠹魚

九簫集詩卷之四

三

天祿窓外花香辟蠹魚

趙大

雪黃雪白朔風高小婦寒慙製錦袍怪底懶沾燕市酒挑燈擁被展龍韜

自嘲

青鬃蹉跎三十年玄霜往往夢中傳病來辟穀常旬日好去犁雲種玉田

誚客

與日俱西與日東東行何事不相同遙知它日登山屐半滯襄王雲雨中

其二

擬將窈窕代名山舞扇歌衫莫遣閒我欲邀君常
作伴蛾眉應在翠微間

徐女郎與余締兄妹之盟愧不能如虬髯之
于一妹冬日將別賦此

藉爾常來證我心一回證處一回深昔年秉燭間
關夜月冷霜嚴直到今

愧我同心尚食貧急難猶待曲江春每於酒後看
離別恰似當時榜外人

每瞻王氣倚闌干却愧孤心盟歲寒花在鏡中人

九齋集詩四卷之四

三

不採今生更得幾回看

此身不繫若飄蓬寂寞寒汀待好風莫訝五湖歸
思晚湯隨越客一相通

贈別

一縷香烟燈下來微風黯黯漸分開開時各自分
飛去不上襄王雲雨臺

其二

蝴蝶春深夢不調翠娥暗逐旅魂銷夜深頓足從
前恨幾度燈花不待挑

其三

楊柳絲絲綰別離如何傾倒任風吹憑君引入江
南夢綠到秋來不上眉

其四

傳聞春恨轉重重眉黛偷將鏡裏封明月關山圓
似鏡試看秋水映芙蓉

燕中元旦戲題神廟

千官大計在元宵歲旦先將紙錠燒天上莫將容
易使兒啼女哭最難消

口號

十年羈旅在燕臺平等無過馬羣哉不啻乞兒和

九齋集詩四卷之四

十四

相國趁風一側笑將來

五言排律

早秋寄懷趙二

在外久淹恤何當西復東別時逢夏火客思起秋
風急杵柳絲外鳴榔螢火中哀蟬似相訴玉露若
爲功忽忽月生桂行行江有楓刺船依寺影結網
羨漁翁骨相愁無媚蛾眉妬轉工自憐年老大莫
惜鏡朦朧拭匣常看劍持盃好避弓勾吳三徑在
於越五湖通嵐翠裝天馬尊絲繫轉蓬潮連村樹
綠酒泛渚花紅曷旦鳴如晦寒號守固窮談禪不

設律厭檻更忻籠登覽身差健耕苗歲屢豐已教
忘色相豈復辨雌雄意失疏駢鼠刀慙鱸飲虹索
群思野草流水入絲桐早晚開蓮社披緇事遠公
七言排律

送高太史奉使瀋藩歸省

太白三杯天一方使星今夕斗承漿王孫莫以矜
鳬鴈上客從來領鳳皇別去蒼陽爭捧劍歸時蓮
子半成房壺闕障暑雲常黑漳水迎秋雨乍涼風
引青藜依玉樹月臨絲服借霓裳龍門花氣魚通
鑰虎觀芸烟蠹研香歡奉反真雜菊下暫回軺轍
九齋集詩卷之四 十五

秋日過滕縣卽景嘲之遂成十韻

酒鑪傍明年柳發欽征盖好和陽春滿帝鄉
巷後村前數十祠山頭水際百千碑馬嘶苜蓿猿
偷弄鷺隱蓮花羸突欺惡草襯殺愁客見沙甌印
餅怕人窺紫茄平削頭中髻綠柳斜連額上睂訛
律鄭聲隨口按失傳羌笛傍門吹當年兔窟今何
在此夜雞鳴恨較遲屢失晨征兒指點金分旅次
夢相思三遷幸含憎彈鋏七月朔風愧說詩綿裏
禮文翁仲習井田阡陌鬼神知君魂已逐啼鵲去
缺舌無聲啄柘枝南齊書北齊書

調

賦得長相思五首 有序

余於庚寅元宵前三夜泊舟胥門雨雪凄其夢
與所歡長別是年遂有破鏡之悲來往於懷與
日俱積戊申遇平康一女即偶叩其年乃庚寅
十三子夜生也舉止凄悽如玉簫之見韋嶺西
愧無鍾鼎之勳遂負絲蘿之託已酉春將事北
上道出金閶值女郎生辰因賦長相思五闕而
別蓋方濟河而焚舟未暇犁雲以種玉耳

長相思短相思臨別梅花又滿枝宛似昔年時○
九齋集詩卷之四 十六

今相思昔相思十九年來我自知贏得鏡中絲

其二

長相思短相思縷添長命得紅絲火樹萬年枝○
鵲來時鵲去時生引離愁欲上睂爭許酒行遲

其三

長相思短相思猶記城南夜雪時離心轉較痴○
久相違乍相隨羞見春來連理枝此別更增疑

其四

長相思短相思滿船風雪夢生離正君初度時○
心相依夢相隨若教此別更差池清淚狂低垂

其五

長相思短相思錦樹何年金屈卮簫管乍淒其○
燕來時鴈來時冷暖人情祇自知尺素莫嫌遲

其六

長相思短相思但願常如初會時何惜又分離○
兩相思莫相疑若令君心似兔絲秋風一任吹

曲

中呂鮑老兒嘲沈楚雲媽

你那裏想着月明來的故人只恨着臨行時錯擺
了迷魂陣到如今只指望雪入明鑪變了花銀人

沈沈集詩卷之四

七

中呂鮑老兒嘲沈楚雲媽

你一個夢裏花月沈沈到曉見生根化海萍生浪
浪兒真箇是夢裏雲到頭不見雲上雲兒真箇是
雲紛紛只合看起風風者是風者是風

中呂鮑老兒嘲沈楚雲媽

和沈沈集詩卷之四鮑老兒嘲沈楚雲媽
沈沈集詩卷之四鮑老兒嘲沈楚雲媽
沈沈集詩卷之四鮑老兒嘲沈楚雲媽
沈沈集詩卷之四鮑老兒嘲沈楚雲媽

九簫續集目錄

卷一 序

師愚卷二集序

謝曰可幻遊草序

張若侯雪廬詩草序

景延卿詩稿序

黃君質春吟序

眉如草序

徐文卿先生集序

秋朗詩序

春日雜興詩序

李節之雲間雜志序

黃經甫春秋秩序

方公祖宦遊稿序

珠樹樓近社序

白爾亨制義序

白爾亨制義序

解言卿憲秩序

九簫續集目錄

一

王和聲制義序

賀茲翁吳老師司理雲間考績序

送道人訪師叙

卷二 記

大漢三世中興一統廟記

醉香庵記

呂翁授藥記

栗如來記

松石記君

金姬堰東失石硯記

卷三 傳

周孺人傳

尹孺人傳

葛道人傳

卷四 疏

擬蘇松士夫請貼役疏

上 關聖帝君疏

虎丘建準提閣疏

積慶菴募建禪房疏

建呂公祠疏

三茅觀疏

募歸旃檀佛并添金疏

圓覺菴募緣疏

卷五 狀

呈鹽臺擬修宋遼金三史狀

擬呈按臺修松江府志狀

九簫續集目錄

二

卷六 書

上房師司理 吳公論改金山新建縣不便

書牘釋

上熊芝田老師書

卷七 啓

議修家譜啓

議立族長族正啓

卷八 祭文

祭焦茂潛

祭殤兒存仁文有序

祭馮元成先生文

卷九 雜著

小論一 二 三 四 師齋解

得王說

甘遇軒說

跋唐人傳奇

募三保橋路後跋

美人盟言

俠士盟言

東征紀畧

遺事

跋後

卷十

鳧旌錄叙

西湖

七里灘

觀潮

飛虎

陳氏鐵符

蘭谿一

桐廬

九簑續集目錄

三

龍游

開化

衢州

常山

玉山一

巍石山

嚴州

龍游

周宣靈王

衢橋一

橘

草萍

常山一

廣信一

弋陽一

龍窟一

劉長者一

白狐嶺

晏公

鄱陽

不恭

吳城 二 三 四 五 六 七 八

九 十 十一 十二 雜記 二 三 四

馬當山 小孤 二

蕪州 二 三 四 五 六 七 八

九 十 十一 十二 十三 十四

十五 十六

左里 巴河 二 三 四

五 六 七 八 九 十 十一 十二

張王廟

九簑續集目錄

目

康磯 二 三 四 五 七

王夫磯 安慶 二

老龍池 鳳凰山

烏江

九齋續集卷之一

華亭宋彬澄幼清甫著

友人陳繼儒仲醇甫校

序

歸愚菴二集序

嘗與人論文之奇曰扼要曰走險曰爭抄吾以爲奇矣而非奇也奇莫奇於海自微塵以至萬國無不包之如蚊蟲之五臟歷歷可照而戴以六鼇有時鯨鯢怒張海水立而宇宙俱濕雖日月之光生異物掩之有魚蝦爲龍俎豆而又以九齋續集卷之一

卷之一

序一

三五七

蛟龍爲金翅之加散元萬國味有萬而不能遺水以澤蜃溜渾而外亭勝道哉盡寰區之色恐不足盡一滴之姿也試取一滴湮之謂之而蕪之蒼黃朱紫有不入乎辛酸苦鹹有不具乎寒煖溫蕪有不脩乎無何凡一滴投之大海而又冥焉受也是大海之奇藏于一滴而一滴之奇藏于大海彼一瀉千里歸海而失奔薄千里一曲歸海而失紆迴皆不足語奇矣矧萬物如蒸海之潤也百年之阜與山靈垂雲氣焉驗之身涕唾精津血氣液吾海之異色也而生于烟波

九齋續集卷之一

序二

三五七

爲風雲島嶼其下則蛟龍蜃蛤之結集也以珠則倩纖于泣也攫空而爭百怪領腹所珍而懷也百雉之城戈矛旗幟士馬騶驟牛羊野馬獅象鳳麟由求萬心而籌勾踐卧薪而計造父王良調之天策而不得韋承飛廉脩物以飼而不來聖王兩足之尊道洽法彌僅得彷彿劉項捐關而爭米輸于蟻鼎淪於泗乃異物畢嗟之口中而未常訟乏高山怒瀑其音侵耳之官而不足當颶風之往孰非海之神奇哉而文人之筆底恒于海乎嬾之則吾得其人曰元量元量少孤遇難不困而借難以發其礪神奇所至建赤幟于公車而賈勇詞場與六經百氏亢羽翼爭旗鼓筆鋒所討不捷不已又若海之浩渺而能燮見其底者元量王父常以疾免親島夷忠孝稟于先世尊君染翰有裙雲履烟之思皆不究其用元量如海之裨焉少焉有自來矣夫一鉤而連六鼇斯亦海之變局也吾固曰扼要走險暨于爭抄奇不足語元量而當之惟海

謝曰可幻遊草序

聞之吾人之節義文章配天地之星辰河岳三代而下兼之者屈大夫陶靜節外不槩多見若開壯繆張真源岳相州皆文章士也議者疑其以氣節掩而余以爲有幸有不幸焉屈大夫有景宋爲之高足而靜節之後謝危沈庾霞迎雲附故其文章與節義並隆若壯繆真源相州當干戈飲血之際苦無暇時及丁變故又無人收其殘編斷簡故獨以氣節著聲然而鳳之一羽麟之遺趾世間寶且瑞之其文章固未嘗泯也

九齋續集卷之一

三

曰可先生當

國家多事之日上書伏

闕致

天威奮赫雖同寅者皆撻批鱗履尾之危然而冠婚冊立罷礦減稅以致補署起廢皆次第舉行者悉曰可亡身報國之力也昔史丹一伏青蒲定重光之位而千古高其氣節今日可伏闕而

二祖在天之靈藉以頌慰補天浴日之功古今信不多見設今日而嗣有其人五色之土豈致亂

封若爾耶而其文章散落人間所居傾軛得之遠遊者居多遂與龍門屬國爭長蓋當

聖明之主故暫棄其人而終用其笑當好文之世故既重其行而并尊其言此其幸不惟軼壯繆諸君子過之視屈大夫之不稅于讒口陶元亮之未免于折腰其幸又何如哉顧余因曰可而有感于文章焉北地之擊壽寧也益都之哭

孝宗也節義不薄雲霄乎乃世人第誦其詩讀其書而不知其人何狀則不特節氣掩文章而文章亦能掩氣節者也曰可幸益自愛一旦

九齋續集

四

三

天子賜環吾將責公以夔龍之業豈僅與屈大夫爭幸不幸哉諸君亦幸勿以景宋自喜

張若侯雪廬詩草序

竊嘗自考于生平入吾心者皆足以害吾心而惟山川之靈能益之昔於燕都與友人洪子崖冬夜論境情之所入余謂緣境入情不如緣情入境緣情則雖境亦情緣境則雖情亦境故少年見月情引月入中年見月則月引情出子崖大笑以爲名言因而証之似美而似非也嘗歷覽而浮震澤登洞庭矣而未知所入又嘗眺浮玉禮白嶽涉青溪經淮歷河矣而又無所入此皆年少時也壬寅自北固抵金陵於大江中觀

九簫續集

卷之一

五

三

白雲之在天澄江之如練而心各有會焉作雜著數十篇書之曆眉意之所到筆不可停書已而意更茫然雖無當于世自喜得山川之助而余已年三十餘矣嗣後遊燕京詣山殆遍而都無所入則入又不緣境情而緣機偶觸機有淺深而無不觸之機觸于機而緣情入境無境不情緣境入情無情非境舌疊疊而生津手蜚蜚而欲下無非文也文若平侯之所入可語觸矣平侯少受知于袁非之楊世叔而世居可言之地受知感尤深而平侯故雅好遊窮江南之勝

故其發調時有天然之句匡廬之白雲長江之

紫瀾悉已羅之筆底平侯之年方壯由是而過遊天下其所得寧止烟霞轉入而觸於性命將在遊矣又有說焉入之機聽其自來則踈而不親人知由勉入安而不知由安入勉勉則親而不踈何患不入哉有不入者嗜欲障之也平侯洒洒落落有世外風度于嗜欲淺矣觸以天機發以天倪和以天籟且忘乎情之所往又烏窺乎境之所來其觸也天其入也以天天乎機固可入者乎吾將問之幼清問之平侯乎其問之

九簫續集

卷之一

六

三

非之子崖世叔乎問之天乎天不言則無言者乎平侯抵掌曰白雪之歌高而彌和予雖未合其調而若觸于雪矣請叩之君家之大夫

景延卿詩稿序

人心之精靈猶江河之水也水壅不流而四海受泛濫之害心猶水也悲號喜躍嬰兒已然令噤其口而繫其足嬰兒無生機矣况長役于情乎聖人知情之不可禁也因情而導之使歸于性性者吾心無盡之藏而寔靈明之篇也篇之于詞而成文章矣篇之于事業而功名矣篇之于歸根復命之區而德斯立矣我國家取士徒以文章而如所謂孝悌賢良皆置而勿論然默而窺

九齋續集

卷之一

七

三

祖宗之意非第文章而已也由文章而試之事業由事業以觀德行若階級焉有文章而無事業則抑之不前即有事業而無當于德行亦擯而不登之天路此易故哉習于文者無心爲聖賢而以其心體聖賢之心兩心相合而成文故其神情宛若若習于行則有心爲聖賢美上之則如顏曾之步趨次之則效叔敖之衣冠甚且羊質而虎皮并其步趨衣冠竊之而幾于無辨則不若習于文者之無心而精靈之真自默也友人景延卿世業儒術爲縫掖者數十年而未嘗

九齋續集

卷之一

八

敗北扼于數奇如李隴西之無封因謝去諸生肆力于古文詞追兩漢三唐而上如虬髯不遇于中原飄然航海奪扶餘君之夫撫按顧盼足稱人雄况虬髯南面稱孤與文皇各分土而據哉景先生其肖之矣古人有言不得于此則得于彼吾有鼻自能生風安得仰人鼻息彼李衛公之周旋景運曾不若虬髯之揚眉於海嶼全其天多矣先生又好軒岐術而工歸山連藏家言至七政四餘靡不極妙與詩文俱稱萬人敵余謂先生于神農則雷公比肩于伏羲則偕周孔若五行列宿先生又與重黎分功獨於博士家言不甘低眉而必藉古文詞以寄分茅列土之思則其人之有耻信乎稱強項矣先生笑曰予言人心江河也文章流水也江漢朝宗于海予以扶餘喻我且登蓬壺而觀諸君之宗海則君將偕波臣而稱主臣且子射鹿而獲獐一以爲失鹿而憂一以爲得鹿而喜方擾擾乎毒逐中原而未知稅駕也安得依日月之光以傲人客曰否否勿清昔字叔意宋意唱高聲倘有烏頭馬角之思先生安得佐秦逐鹿以葉葉提

荆卿耶則虬髯且爲無且矣先生曰否否吾以
耗吾精靈也嗟乎精靈其可耗耶因耗而重其
戚矣

黃君賃春吟序

世之季也賢人在下故自沉簡今君子悲之甚
且隱于關門侯卒其意遠矣余獨爲不然唐虞
三代治不綦隆乎而洗耳繁瓢者相踵至沉淵
示潔而無累休明弟與耕稼胥靡屠釣鬻販之
夫俱成其不滓漢高之創業也聿有採芝光武
之中興也爰來漁父其後伯鸞嗣興而有賃春
夫當伯鸞時丁肅宗之世漢室雖有衰微而形
猶全盛也五噫之歌感時不平冀採風者聞於
宸聰軋綱庶幾復建乃人主心非之疑其誹訕

九齋續集卷之一

十

致煩物色而伯鸞始飄然隱于吳市矣使伯鸞
不遇伯通而值庸主人不幾以賃春老乎吾又
深悲夫世之賃人終身不遇知已而執廝養之
役以歿齒者又不知其幾也然則伯鸞猶未足
多所以成伯鸞之高者伯通也上下數千年逸
人隱廋史不勝書當吾世而有慕伯鸞之爲者
曰黃君以任俠著忘其貧喜吟吟皆五噫流也
夫以吳市之饒割肉登血而食者日數十萬家
擲白鏹以市命殺臺司如鸞鳬雉踵相接也今
捐其煩笑之餘豈不能具幸舍供鮪魚以邀黃

君之蒯緱而令結想于賃春不幾令作過事矣
于千古耶余嘗異夫昔人遇安陵龍陽之好至
割佳冶之歡刻珍異之蓄黃金既盡蹢躅不休
以號于人曰故風流貴人也此其貴寧不博伯
通一唾哉乃問其誰爲伯鸞而不知隱于賃春
也此其人與犬豕之具視聽何異豈惟是耶昔
有狐焉吸女首經因新月媚人夜竊角枕之餘
香形潛影匿食廁旅雲自謂仙骨已靈侮人如
狎木偶不知真人握符叱雷以梳其鬼鬼畜形
畢現自投鼎俎供奴僕之一飽其餘歷以飫犬
九箴續集卷之一

豕而并殄厥族豈不悲夫彼又安知伯通可慕
而賃春足貴哉余先王父嘗家吳迨不肖復隱
臯橋之陽慕伯鸞焉人因顛逆旅之堂曰嚶期
蓋取好鳥嚶嚶之吟異日逃于韭溪笠澤夷門
抱關將洗耳焉則春之倩竟誰屬乎吟無論已

眉如草序

生平不喜見貴人遇故人驟貴必褰裾不曳至
交絕乃已錄是旅燕市十年絕不與軒車長者
通即長者時或過我相邀締文酒交夜歸下馬
鞍必頻足唏噓數四妻孥謂交而得恨不如其
已因相携歸故鄉家世居春申浦南春申朝夕
潮如六鰲奮吞釣之怒客不敢輕生問津隣居
竈烟近者里許風日清和舉族旬餘一見而鯨
鯢每相愛不忍以應酬勞賤骨輒驅鬼車呼風
雨渾其塗不使通一人相往來先人敝廬僅庇
九箴續集卷之一

風雨如六爻之不相屬非躡屐則辱在泥塗足
不任屐跌坐以俟開所對者先人之遺書修竹
雖妻孥亦絕不通如是幾二十年不惟我遠貴
人而貴人亦遠我矣豈特貴人即親知妻妾亦
以爲非人情不可近癸丑嘉平之月適家難甚
慘遂盡室遷吳門吳門故舊遊地而所居在臯
伯通橋南伯通故梁伯鸞主人翁也意伯鸞備
春之地便應咫尺或余所居即伯鸞故趾是余
不特心事伯鸞風來月集無非伯鸞冤氣所之
更何慕于今人而娓娓不已耶以故時欲披髮

人山與雲相期於青冥不令世人知有言者
先人之目未瞑猶栖栖人間然余願見人而茶
思尊我生而不得適讀邵潛夫詩號眉如而意
其自尊有同余心者夫人身莫尊于五官而
居其上有事則五官服勒而眉不役然眉未事
而攢後事而揚有先天下而憂後天下而樂之
思眉其吾身之賢者乎今潛夫之詩有攢眉而
得者揚眉得者要不失白駒之典刑豈第指衡
門以栖遲哉潛夫口雖不言眉其知之矣眉知
而不言止而不行眉又賢而隱者乎因眉思隱

九齋續集卷之一

十三

因隱思人吾友有陳眉公者其隱世人知之其
先憂後樂世人信之余與眉公眉如皆有隱心
而隱之跡不同設吾亦號爲眉是有三眉矣三
眉則慘子不語慘吾不敢復以眉稱也又聞觀
音之目有千則不妨世之隱人皆號爲眉有其
寔而無名與有其名而無寔及名寔兼符者不
妨皆以眉稱亦不妨不以眉稱也一以爲仲醇
爲潛夫隱分矣又以號於衆曰眉公眉如而眉
又分矣不若止名之曰眉則仲醇之眉與潛夫
何分不分則仲醇潛夫之眉亦可爲幼清之眉

九齋續集卷之一

十四

試號幼清之眉曰眉公曰眉如是吾時與兩眉
爲一體也有時列眉公于左而眉如于右有時
列眉公于右而眉如于左是兩眉如賓賓有禮
而我擇之也是吾以兩眉客兩君也是以兩公
榮吾眉也吾戴兩公于眉間以遊五嶽歷三山
而三山五嶽盡在吾眉睫之間吾死而吾兩眉
不死以有兩君在也即兩君一旦捐賓客而吾
眉依然不死何也以兩君之文章在宇宙也列
三眉而成鼎足其準提之目乎借伯鸞而并號
之眉其有虞氏之目乎眉道因兩君而始尊兩
君因幼清而始合昔子胥之眉間尺而人以爲
異今眉公眉如相間不啻千里而遙而合于幼
清之身其間不能以寸噫孰謂朋友之交異于
同胞乎異日兩君相見能如兩眉之無間然乎
若兩君而終身不見第以其號狎主幼清之兩
眉乎客曰眉居五官之上而未嘗與五官相見
且終身不見主人翁則請以幼清當青鏡之照

叙徐文卿先生集

當庚寅秋余漫遊長安獲與徐文卿先生交

是時火酋心蔑虜土牧馬于我邊陲弁臣恃勇

醉馳之敗績師友奔首殞于是火酋駕言迎佛

西突守臣帥師遇勿令西復喪裨將師七千殲

焉遂據牧故哈密地時

上垂神邊務常夜命貂璫傳燭

召職方對龍閣

問數日何以西隅無檄書不日而鄭大司馬遂

承

九齋續集

十五

二六七十

命經畧司馬素諳夷情受知于申文定公而先

生于文定又姻親相善也數言經畧短長于公

卿中文定心非之每止先生母言先生卒上書

劾經畧至借劍尚方勿得事幾危會文定長君

太僕公壯其請苦口解甚力竟得乞

命南歸一時

朝野謂董馮兩先生後不意仗下復鳴明

年經畧撫綏火酋寓

國體于寬大之中火酋駐牧日強其二子數思

東歸而扼于歸法心望虜土如慕客氏之賦阿

于焉至今懾伏未敢妄動雖經畧具有遠猷寔
先生一激居多也噫先生之于經畧所謂相爭

殿上者非耶寔經畧一知己也未幾而吟逆而
關酋而播醜莫不以次削平固師武臣力然
廷臣莫不慷慨極言邊事以勗當局之不殆使
國家稱不諱之朝屢底厥成皆自先生倡之則
先生一疏有裨

聖朝寧淺鮮哉先生文章行誼載元成馮先生暨
諸名公巨筆余不復叙叙其最快人意在西事

九齋續集

十六

二六十三

一疏與其令嗣九玉九玉少孤年未弱冠已有
聲稊林浸浸乎古窺元成先生之鼎今司與謙
先生之姪矣造物報先生之忠
國豈越是乎豈越是乎

叙秋朗詩

儒者力排釋至詆之異端然韓昌黎方
而晚年復窺入於禪則釋乃儒之逋逃
也昌黎始遊于方之內期尊主庇民與
臯夔比肩至所如不合而始遊于方外
如醫王用迅利之藥使人腑臟俱通又
如山行失路虎嘯猩啼方愁日暮忽遇
烟竈安得不喜然則釋乃儒之疏劑燕
寢也秋朗本名家子少通儒術以屢試
不遇遂從沙門所爲歌行酷似李青蓮
其五言律多宗輞川他體亦不讓皎然
迴異當今釋子

九齋續集

卷之一

十七

三百五十五

蓋當今釋子俱從釋窺儒而朗公獨從儒
皎釋其于字義虛寔古今境情皆素諳之
如曾到長安能談天衢事夫詩有別才
非關學也然不學不足以盡詩之變三
百篇豈皆學士大夫語乎至雅頌而田
畯紅女之技窮矣故無一事不具于胸
中者始能不用一事于筆底皎然欲析
骨肉還之父母可謂無事學矣試問皎
然之骨肉從何來乎又試問皎然之父母
從何來乎又試問皎然之父母從何來
乎而不反觀之乎性情之理猶父母也
文章之陸離猶骨肉也舍而父母去而
骨肉則且不留一字又

何地客汝析乎此余有取于朗公得學
力居多也雖然昌黎之詩文也以洩其
不平爲世道也今朗公披緇削髮視世
道之責猶豕羊之摩樹痛痒無關矣而
猶沾沾自喜爲詩度其意不至凌青蓮
摩詰不止不幾爲學所使乎自茲胸中
不留一事不落綺言析骨析肉使父母
無恩于生死云何

九齋續集

卷之一

十八

三百五十六

春日雜興詩序

昔余壯年喜作樂府及稗官家言樂府間涉時事然非有關於

國家者不出筆端至稗官則稟程爾雅都無俗思與錢一簡栖交善簡栖五七言古詩及五七言排律往往超北地信陽歷下瑯琊上兩人相賞如長慶之元白無何予客燕中十餘年簡栖爲家嚴甘脆計浮沉楚越間兩人各疑長技如楮葉錢棄而爲小說至數十萬言余勉就公車自癸丑迄己未三別遂推撞思息機而簡栖亦九齋續集卷之一

困于錢其一家言幾無以聊生噫使兩人各竟其長雖終淪落其于性靈不大有可觀乎今兩人之詞具在簡栖已不愧古人乃予則深負楮墨矣夫人各有獨詣吳子云敗於所不便舍其便而擬人之長未有不誦世爭誦漢魏六朝三唐之失性靈豈知摹溫陵公安之爲語錄爲寒山拾得使操觚之士廢誦讀而自爲一家言其禍慘于焚書世喜其逸而有成爭趨之浸淫于制舉至不識諸史百家爲何物其罪豈文討所能及哉予絕學無爲矣又焉知世間有古今可

擬耶春日戲爲律詩數章貽之簡栖示烏倦知還之意非特不與人競工拙并不干句字覈性靈也

李節之雲間雜誌叙

古朝廷有左右史而列國於正史外有南太史則史非一人署非一地顧未聞野操也自鄭大夫以謀野稱獲而齊諧東野始浸淫于世于是堯有囚城舜以野死狂狷神龍之氣相筠栖杜宇之魂噫亦可畏矣以揖讓而受謗若此况殷夏之興乎宜沉淵負石千古引爲著祭而採薇之歌亦採于稗官蓋正史記國家之典章詞多忌諱若夫誅奸邪于屋漏非野史紀之當時而出之異代何以伸忠義之氣哉錄是觀之聖

元齋續集

卷之一

十一

三五

人復生小說家言不廢也宋氏權臣御宇下稗官之禁不啻焚書然作者雲興幾于覓棟人心不死斧錢森然至今千古之下令宵小讀之猶不敢悍然祖檜胄故智未必非稗官力也吾鄉風俗鄙薄蒞茲土者無不唾我士人爲卑于掉尾蠢於魚蝦第恃進賢以自異于人而一時圭筆之彥諷刺殫射未及蓋棺而惡行醜跡已罄南山之竹乃知舉世可無稗官吾鄉所宜家修戶設也余常悉雲間小說論之不下數十種最著爲陶宗儀輟耕錄何元朗叢說李中條推蓬

寢語宗儀當鼎舉之際其言微而暇元朗當修

儉之交其言辨而激中條當理學之會其言嫻

而和節之爲中條先生仲子既作

皇明世說雲間人物志矣而復有雜識之作亦龍

門之世業乎詞多華采而間寓斧鉞雖汝南之

月旦不得擅美何患書之不傳然書視乎其人

昔宗儀爲勝國仕人於

聖祖龍興不及一字真得逸民中倫之風與夷齊

爭烈博物直詞猶其後矣節之以曠世之才乘

時統之暇留心著述與飢渴同屋于懷倘亦與

元齋續集

卷之一

十一

宗儀忠義之思相頡頑乎不然蔚宗魏收何貴

正史爲也

叙黃經甫春秋秋

自子與氏言春秋成而亂臣賊子懼後世遂以爲孔氏刑書于是治春秋者皆擊刺爲政至宋氏諸儒則刀銘之末不勝濫矣竊疑夫子以春秋名書若曰春以煦之秋以肅之且紀事之書如歲工然和風晴日之時多而肅雨嚴霆乃其偶也假令每事必貶是四時無不雷之日而天威褻矣彼夫聖明之主方且泣罪人矜不辜顧恐搜人之隱而筆鋒所刺憐于戈矛是肅殺之氣第可名秋而何又以春命也常欲取三傳註

九箴續集卷之一

三三

疏暨康侯及諸子所議折衷其辭若紀常之書風日晴美不必滓穢太清如滕子來朝及大有年類缺而不論世豈有身朝亂賊并奪其子孫之爵其君是惡而遷戮于民即質于罰弗及嗣罪人不孥之例孔子必祓焉生愧而謂聖人在天之靈安乎且聖書而諸賢測之豈盡肖合而必欲附會其辭亦非夫子闕疑之意顧困於公車志未逮也因思習是經者不無漸靡于刻薄寡恩恐申韓之毒未必至此若朝夕圖法而不染腴削非仁人君子不能而吾得其人曰經甫

經甫文如和風甘雨入于耳可代金石入于人口不美醞醕時迎五色之雲于筆驛產七彩之芝于硯郵使康侯發揚蹈厲之容轉而爲總干之舞雖嬰江兩世擅排江倒海之氣以雄絕一時遇經甫而心夷氣折況其他乎而行誼不爽其文以故人人欲親經甫經甫持經術以事君舒春日之溫以養和振秋霜之肅以作氣使聖人命名迄千秋而遇一知己吾于經甫深有味乎春也既體命名之意而春之復挽世之已秋者春之夫然後謂習春秋

九箴續集卷之一

三三

九

方公祖宦遊稿序

昔人云文章本之六經夫六經聖人之治術也而道德寄焉三代而下有以經術緣飾爲吏治而其治行遂爲千古循良冠世未有能文章而不能修治行亦未有能修治行而不本之道德者蓋本原之處旣端則橫闢四出乘風而生波瀾豈涔蹄之動于螽足哉淞陵爲五湖朝宗之郵其人狎水而孱雖魚蝦之與遊而有心有口直道未忘不徒以風波之民自懷者口碑所載四十年來惟畢司理公許太府公方二府公而九齋續集卷之一

二十五

已三公之吏治無論與古相雁行其清操特節卓越千古不然三泖且爲貪泉縱空九峯而穴之九地以爲金穴亦曷足以飽二三谿壑之欲吾民之皮毛骨節猶得與三吳之人共集于衣冠皆三公清風惠臨之遺澤也而三公皆嫻于古文詞非先秦之語不造于筆端雖未獲與周召共宣猷于

廟堂以興豐鎬之治而治行具存真令斯民有勿剪勿伐之思令當局而欲黼黻太平致三公於要津使天下蒼生悉沐愛養俾貪婪之夫鬼

隱虺匿又使飾行矯情者化勉爲怯而靡初鮮終者亦得以善其末路誠千古一大快也夫士之耳目心志奉教于聖賢之日久矣一旦受國家之寵遇執法蒞事而惟膠民之膏脂以自飽又藉苞直以夤緣當路不惟免於罪戾且因以乘風躡雲此

上方之劍所匣鳴而欲飲其血者孰謂斯民無口哉

君之門九重耳天聰雖高而天心匪石幽有鬼神其子若孫豈能世世纍纍若若以鉗黃金之篋九齋續集卷之一

二十六

哉三公之事天與天之所以報三公蓋軼于富貴之外矣懋澄好遠遊當三公之蒞吾郡適耨口四方僅識二公于兩都而不知許公作何狀泰山曲阜將過而問松杏馬而嵩山少室又澄夢寐之區也異日躡屐而登三先生之堂必有以教澄矣是編爲公宦稿夫既有道德矣有治術矣又何疑乎文章之高出一世哉不然雖王錢唐瞿吾猶將覈其行而奚以文爲故不頌文章之超美絕倫而特識生平之私淑且文章之法眼具在亦無庸贅言矣

珠樹樓近社序

明興公車業幾三百年海內稱大家者四而吾鄉曰錢與謙先生嗣先生後雄鳴一時者無暇枚舉最著曰董玄宰先生與謙解肌浣胃而溢精光于鬚眉玄宰浴碧夢紅而固神理于骨髓今兩先生文具在其雕繪與韶華俱謝所稱不朽者特摹寫聖賢處數語耳竊其精神又祇爲糟粕而不足示珍于時不知吾身之精神即與謙玄宰也精神與聖賢接則四筵獨坐心境俱屬羹牆兩先生之精神久而逾新者豈非以聖

九篇續集

卷之一

二二

賢面目經其寸管復有耀采增輝之助乎諸君子業于時藝精神有專屬矣果常與聖賢接于接之機緣有不得之懸髮引錐而得之把杯握筯不得之攢眉拔淚而得之燕笑行歌不得之火綠於燈字隻于簡而顧得之山之麓水之湄者憤懣之境逾多則舞蹈之機漸近要之不苦不甘不死不生不雜不合也今諸君子嘗瞻于毫含熊于穎其構思苦矣有死之心無生之氣深入幾忘生矣摩層霄而掣羽襟九淵以攬珠離蒸合夫精神昭聖賢則與謙玄宰矣文章

猶雲氣焉精神則日月也雲氣在天風波之
蒼水滯之而玄雪映之而黃不猶先輩之自成
一家乎至日月映之而百采備具盡大地所產
彌不肖之天漢之間幻師盡工欲擬議而不得
傳非日月之精神所映發乎諸君子以精神寫
聖賢何患人不與謙人不玄宰如以爲疑幸質
之吾心之與謙

九篇續集

卷之一

二二

百廿

白爾亨制義序

余昔侍叔父季鷹公數言曩與通州顧大司馬同官其人濶大可喜不肖爲齷齪卑瑣心嚮慕之壬子幸同爾亨舉於鄉因叩司馬之爲人傾蓋成相知爾亨行誼都雅而其濶大復不減家忝知所云因慶

國家得一有客人夫客人豈侯相哉江河吞于魚族而能容魚族者江河也而江河復容于大海顧大地山河爲海所環而更有環海以爲容則海猶未盡大況人第海之一漚乎然大海之

九簑續集

卷之一

二十九

三十一

容物以形而心之容也以虛虛空所容其容無際爾亨之濶大海若矣尤欲其能容如虛空之不可量焉則豈惟大司馬不得崑美于前雖古之夷吾颺顏小夫昔夫子道大莫容造物莫任其咎而君子之周顏氏之不校其量反足以容造物且造物未始圍人而人自圍于境耦我無心圍物而物莫之我圍

朝廷得圍人之士百不如得客人之士一何也圍人者競相爲圍而客人者始能用人不觀之虛空乎雲物遙相欣忽而景色之幻麗于三

光容之用彰矣計爾亨之共成名者若兩人能曹容之情中與陰陽同炭造物互治乎不寧是也盡宇宙之負氣載形孰不俟我錘鑪龍絜燕舟遇我而釀雨咏雲縱造物有不肖之心我能鎔妖而祥之上自天皇上極未有入爾亨之心輒成液而出則金翅齒牙開物出之涎中可使登沫泗之壇代柱下之史禪祇園之尊而況當世之群有群有一角於心而心從我隘矣遂雖雞而致其遠舉則醯雞有客人之度人之容于物也不幾多乎而第人乎今海內未見爾亨之

九簑續集

卷之一

三十

三十二

容試觀其文濶大可喜視爭奇嶺豔真成齷齪卑瑣不屑就之則覩爾亨文雖謂見爾亨可也爾亨移文之濶大以御世則

國家受客人之福庸有既耶十年後將執簡而衡爾亨于虛空奚止以大海爲規

白爾亨制菰序

文章有真奇不寄之句字章法也擴虛明于性
府時有與龍爭雲與虎爭風之思焉余于古今
文俱無奇而嗜奇不已從事二十餘年未有異
也壬子春讀竟陵譚友夏詩綠情偶觸而心靈
爲之一變因作二詩送之語語不與友夏同而
友夏已爲大娘之舞秋試棘闈得附諸兄弟未
初意殊不甘謂韓英已下猶有梁王今弟與雍
齒同封則三辰數千言不敵沙中片語每追隨
絳灌慮其掩口笑人至不敢與齒卒有天幸逢

九齋續集卷之一

三十一

爾亨最數動履間心知其非常人遂成傾蓋爾
亨因出制菰叩言于余余晝疲應酬子夜挑燈
快讀數篇覺衣襟中瑣銷皮骨皮骨中瑣忘意
想生平齷齪廓然盡空而心徑更開一路噫亦
奇甚矣夫屈宋錢王吾師也少陵宣城吾友也
窮年對之紙上而不加兩君之滲入余心則親
炙之感人深矣爾亨異日當

國家大事屹然如奇峯挺出萬山悉皆拜舞夫
心志靈於意先故劈畫定于言下風雲在天變
幻倏忽雖龍虎不自知也計今已往待罪行間

而僅與喜勝分項王之支體亦負爾亨矣爾亨
笑曰君羨王翳耶決戰南宮尚俟淮陰之至君
母以彭英自安余請從齊往矣

解言卿窓稅序

行文家率言精氣神而未有形容其似余疑詞
精華也猶軍中之旌旗戈甲士卒之所服習耳
若夫三軍之士士各異心而鼓之使一氣氣一
而敵不敢衡將帥任也至于出師命將指授方
畧則君心要焉所謂神是也故奪旗者得勝勢
奪神者得勝理衛霍將數十萬之師橫行絕幕
僅能令匈奴遠遁得勝勢而已若介子子公單
車使異域設奇帳中竟斬樓蘭馘郅支成滅國
之功則奪神要也士子爲文槁思竭慮靡不取
九禽續集 卷之二 三十一

象于心而各有專用有用之于精華其效可以
欺庸人若夫兩軍對壘旗鼓相當超乘投石互
抗不降倏決奇于轉睫而轍亂旗靡將士各失
其勇則氣不足恃而神能奪之也言卿之文精
新氣固無愧衛霍之師而出奇無窮尤擅擒王
之技夫至擒王而斬將舉旗皆拜下風矣神明
之至鬼神莫測行將建旗鼓于中原雖鉅鹿之
戰無能爲役而況衛霍陳介安足比數哉言卿
王大父給諫公與余先君同舉

世朝之壬子而余與言卿復以今壬子稱同年兄

弟世家之盟六十年而重申信非偶矣故不惜
燕詞而爲之敘

王和聲制菰翁

昔年以時菰質張無始無始叩余曰子欲爲元耶爲魁耶余謝不敏無始曰爲元我當就子成之若嗜奇而就魁則從子所好余藏其言于胸中幾十年時有問鼎之思而苦于日暮僅揮魯陽之戈而余之自匿亦如日矣因反無始而廣之曰欲元而竊元之似雖神情酷肖僅可得舊而失魁者十七欲魁而效魁失者十五探元脉于王錢唐瞿而獲利又十不一二所以然者以胷中時有一人居其前則更不能前耳故余謂

九齋續集

卷之一

三五

三十四

白香山歿而天下無詩歐陽永叔歿而天下無史蘓子瞻歿而天下無文章後之爲史爲詩文皆優孟耳謂琵琶之伯喈即東漢之中郎也可乎謂今日廣廈細旃之下即昔時之東觀石渠也又可乎世人好奇曰欲爲儒者敗乃得仙仙敗而爲人王而余更以爲不然欲爲者未有不敗既敗未有能成能成者成於吾性之近耳和聲之于元也性近之具震澤淞陵之才識而參以昆陵之功異日斬將搃旗奚惜三年淹耶今始基之矣夫豈人力哉和聲與余俱幼孤所遭

家難亦畧相當而兩人意氣動以王壺朱絃期許其訂盟在千秋又不第文章已也且南宮一人果足以盡和聲乎請以復于無始曰吾兩人于世無所欲爲也無始其能就吾兩人而成之乎

賀茲翁吳老師司理雲南考政序

澄嘗讀史書見歐陽文忠曾爲郡司理其治行最有聲因內擢館職司文章之命按蘇文忠公而天下慶其得士子瞻訖麟一生立朝侃侃誠不愧永叔門牆議者兩多之而澄竊病子瞻陰負永叔有數事焉永叔之文謹嚴蕭雅而子瞻雜從橫家言微失之佻啓輕薄之門永叔力伸朋黨之弊不啻痛哭之賈生而子瞻首崇蜀黨啓元祐禁錮之門尤可恨者永叔力排佛氏以尊儒術而子瞻引賊入室且語釋雲之機智以

九齋續集

七

便攻擊何異斯之背荷卿公永叔而見其末途鮮不鳴孔氏之鼓者今

老師蒞政吾土治行無愧于永叔鄉士大夫具述之澄何敢拾其唾餘惟是衡文于畿甸甄拔者若而人矣中有文章之雄奇高明如子瞻曠軼千古者乎行誼爽特不愧古人使人主目爲天下奇才如子瞻者乎亦有能視吾生之非偶係世道污隆以身許之

國家以心盟之千聖不肖爲子瞻者乎苟得其人則上可以報

天子下可以酬蒼生而不必拘拘及門也周公爲士于吐哺傾蓋立譚之間人之賢否立奏典樞握衡肝膽有不照者哉文章駿黃牝牡也士之精神有出于驪黃牝牡之外雖

國家所需或不盡在文章而要離文章者近似昔永叔既得子瞻而文章之道日尊所在政蹟因闡揚而逾著雖黨名似負而君子小人辨若黑白語涉於禪然儒道因禪而益明則子瞻之不必不補永叔之有餘其爲永叔高足不啻洙泗顏魯亦何負哉請諸士之母負

九齋續集

六

老師自王子及門始

送道人訪師叙

聞之吾師云大法三千六百門學人各認一爲真誰知些子神仙法不在三千六百門然則瞿曇四十九年無一法孔氏二十篇中無一言信不欺也人皆知一法之不知即囿于一法之中丹爐劍術杯底房中即羽飛肉駐皆役于物而未竟者要不離神仙而終不可指爲神仙不特神仙也堯舜治天下至升遐之日而法綦窮矣能于法窮之會復一轉出而後可以升天入地了無糾纏則些子之法其在不與乎道人戴雲

九齋續集卷之二

三

三五五

洲爲濠梁人少精其石言後遇曾先生而術益精曾年十九猶爲牙獐遇道者目之視其生辰謂曾曰子後大貴可免就學曾始銳意讀書不二年舉于鄉北上路逢曩道者語以未來遭際且盡傳其術曾因是秉知人之鑑道人從之遊獲理尤精復從醫巫閭山傳異人軒岐術至養生言則往往集大成而得之彭大師居多道人以星家言授長公至履接金閭道嘗割股以療親彬彬以行誼自持不特如管郭已也不數年復以軒岐術授次公公不言成蹊如藍日之

濟美而道人獨以養生言遊行天下一日與余邂逅金閭語語又不平人也道人廣人意曰澗大其病世人則曰勢利余謂道人夫人處宇宙間本甚空濶一以爲我而實我中又求所謂勢利而實之吾外心境始不勝其迫小迫小則拘于器數故曰如來之數菩薩不知菩薩之數羅漢不知羅漢之數神仙不知神仙之數聖賢不知聖賢之數庸人不知而天地星辰之數庸人反知之則以天地星辰皆囿于器數耳堯舜之難名以堯舜之心不與也由此言之惟與故可知不與則不能知矣神仙之法不在于三千六百門則神仙之不與也人能去勢利之心則澗大矣何患不成仙哉雖號舜禹以神仙應不辭也

九齋續集卷之一

四

三百四

九齋續集卷之二

華亭宋楙澄幼清甫著

兄楙觀賓之甫校

記

大漢三世中興一統廟記

自古聖賢之英靈有晦跡於一時歷千百年而流光益顯者后稷之立德子與氏之立言關聖之立功皆經千年而始食其報莊生所謂風之積也不厚則其負大翼也無力其晦彌久其發逾明故成周之卜年也七百子與氏之配享也

九齋續集 卷之二

二百五

軼夫四科關聖氏之日尊也超于羣祀人心千古不灰則聖賢之英靈千古不磨一息之霧縵雲霾與混沌之重陰積晦皆必有天清日朗之時久暫亦何分哉后稷孟氏諸儒蓋詳言之矣獨關聖氏當漢末英雄逐鹿之會偕張桓侯輔先主周旋於流離險阻幾三十年當其威震華夏居然有混一車書之勢而爲陰謀所敗其于先主所謂生無以報陛下者也神既修沉侯亦孤殞精誠不耗卒爲靈神魏鼎倏遷吳祚不永神與桓侯其爲之陰移默奪乎至號亭愍北長

樂悲西歸移歌去神宜隨歎噫已矣而英靈逾

壯千餘年而封王又千餘年而封帝蓋帝者混

一天下之稱今神藉

天子之威薄海內外咸君臨禍福之而山河大地有不悉入版圖復歸漢氏在天之故府哉殫宇內之賢愚貴賤罔不來饗來王廟貌等於尼宣之祀至窮鄉下里莫不有大神之香火在焉猗歟盛哉蓋是非眩于身前則陰陽互生禍端而成敗利鈍得顛倒之是非定于身後則陰陽皆我正氣而陽九百六不得阻闕之乃知天下萬

九齋續集 卷之二

二百五

世之翕然歸神者非歸神之智名勇功而歸神之忠義故當神之存忠義非天地有而爲神一人有及神之歿忠義非神有而爲天下之公心有則神亦忠義之強名苟知忠義之至即爲神則光明峻朗之象皆神寄跡之區雖神之名可以不立泥神而忘忠義神將耻其媚而立禍之矣福其可倖覲乎非臆說也三代以上鬼神附民義而行是以務民義而後敬鬼神三代以下民義依鬼神而行是以敬鬼神而即務民義分鬼神民義于當今非惟無神亦幾無義此

皇上所以尊神于靡加也嗟乎神靈顯赫至謂論三界而先主未酬之志一朝克報於九京矣計今以往招桓侯集趙馬千隊萬騎星弁雲罕楊靈六幽幹維三極穹天弧以射天狼提刀握槊掃挽搶遏旄頭禦招搖以報效今

天子之寵錫更千百世其寧有窮彼吳魏之饒鬼欲從昔日土宇求一屋社而不可得其子孫羅拜祠下崩角稽首不敢自泝其本源而况司馬呂陸已下何足置唇吻哉夫草廬一言三分鼎足是漢祖之天下武侯不能克復於生前而大

九齋續集

卷之二

三

三

神獨以忠義混一於數千年之後非其精誠足以貫金石孚豚魚必不能伸恢復之志千古猶一日也史稱程昱等推大神與桓侯皆萬人敵以今推之天下萬世將莫之與京又奚止十年卜世而已哉乃知生前萬人之敵蓋別有英風以籠蓋人上孟氏所謂浩然塞乎兩間非徒以勇力逞也不然褚虎輩能匹之矣恐澄父兄皆尊事大神立廟漕河之濱幾四十年

今上加神徽稱澄於廟後更建一祀像昭烈於中而以關聖桓侯祇侍左右題曰大漢三世中興

一統廟用識大神於千古之後與桓侯克告成功奉昭烈饗天下之祀令大漢之業迄三世而復中興恢功偉績直與后稷比隆而神可以無憾矣嗟乎令大神生前平定中原克復故宇斬操及權獻俘大廟剖符而封勲垂竹帛與仲山甫等止矣豈能炎炎奕奕追崇謚號久而逾光與日月並明宇宙哉傳曰德厚流光神之謂矣抑臣子之晷報君親無論大小莫不欲成君親之志然卒有魔焉以敗其成大神既儼然稱帝則權與造化參功今普天之下豈無疾首痛心

九齋續集

卷之二

四

三

期報效君親而憂日暮途遠者乎吾願斬之造化者大神悉挽而俾之成功則三界之魔無俟伏之而神威益遠鎮矣默佐

聖天子純孝之治不既多乎是爲記

醉香庵記

聞之佛伸諸戒惟酒寔先醉無容也無已乎香
味觸法則香雖能醉醉不容香矣然古之人有
行之者僧澄脩繡佛之醉焉而花巖所供諸佛
菩薩率以名香成佛之富貴則醉亦可也香亦
佛所喜也然而醉之於香猶未合也今黃宮詹
之以醉香名庵也醉佛耶醉人耶香醉佛耶佛
醉香耶亦佛以香醉人耶人以佛醉香耶抑佛
與人俱醉於香耶俱香而醉耶如以爲香能醉
佛則象教之佛有鼻而不能嗅香無柰佛也且

九齋續集

卷之二

五

三三三

有舌而不能咋佛不能藉香以醉也香不能醉
佛而能醉人乎當然香之時情體佛仁目瞻佛
威五體投地一心皈依香芻狗矣佛魚兔矣香
且筌蹄去之矣醉不能也及夫鑪中告燼香氣
沉消嚮之然香者過之其鼻舌意想不敬壘中
之一漚又安能醉人哉宮詹得無以醉欺香以
香之醉欺佛以佛之醉香欺秦京而京復以宮
詹之香能醉佛欺世人乎而我以爲宮詹誠不
欺也試拈一瓣于博金之中博金之灰吾不知
其幾千萬粒也粒粒皆煖相相摩薰然如醉人

之骨節也鑪煙之起冉冉如烟雲將飛而欲流

亦幾斷而復續宛然醉中態也室中瓦礫牆壁

觸香皆受如浸潤之譜今日不入明日必有入

者所謂薰修入一分則具一分鼻舌是牆壁瓦

礫皆醉矣自室之外金輪無際阿鼻無邊日月

有道星辰有經香之所觸胎生者酣濕生者沉

湎風生者噏張酩酊外生者微醺而欲歌無有

不醉既醉矣又何加焉曰醒之既醒矣又何加

焉曰醉之佛與人皆醉歟醉則佛人俱香歟宮

詹與京豈有醒時歟醒時其不香歟愁不香而

醉之歟愁不醉而香之歟其分香以醉我幼清

歟幼清其香而醒佛歟更分醉以香無始未來

之形影歟回顧而問之京二十三年之中醉歟

醒歟醉醒者半歟醉多於醒歟醒多於醉歟因

香而醉者歟亦醉者之非香歟吾爲香而不期

子之醉吾已醉而不知子爲之香京曰吁

九齋續集

卷之二

六

三三三

呂翁授藥記

自丙辰冬爲俗情所牽過人間事多鬱鬱丁巳
遂構疾夏日養病居村五月忽不事飢惟吸米
漿日減如孫子竈腹素實至是若傾物囊病中
作書與故人自嘲云腰乏沈郎之垂而不堪似
之自分晨露不居口無遺語惟春流斬我桃痕
令先君無繇藉瞑十八夜竹間旅禽誘我司晨
唱者再矣偶憶月隸日法習之忽寐去夢入人
園林東南鄰古樹參雲轉西法堂與友人叩法
師友人遙指法師來余好逆之見兩髻道衣手
持拂子予歡迎曰吾師乎純陽乎先生叩予曰
子善書否予曰弟子所愧也先生反走余曰豈
以寸短棄一生乎乃回顧笑曰來境差強第座
不參入耳余告以病先生出一紙累藥不計傾
嚮余曰曰君壽亦不止此予牽師袖曰弟子創
閣北隣祈師垂相先生西嚮跌坐諦問再三始
諾曰君種佛因我無不在因展身而覺噫果如
師語使我與中書君有緣三公豈待白頭哉若
飢可復餐香露暖聊褰一枝以報先君耕麟
駉羽吾故伎也

九齋續集

卷之二

七

三百四

又

憶年四五時有胡僧至先君居指澄笑曰乞是
兒去先君笑不應胡僧索飲吸六罈酒問數伸
前款先君卒不許僧快快踏歌而去先君夢澄
入語先慈先慈摩澄頂泣數行下經旬禁不令
出老奴輩時時道之嗟乎若聽巧去此時應嚮
樂池前隨安期易倩覓菓與挑白餐安得棘人
喉下

九齋續集

卷之二

八

金粟如來記

昔文正范先生禦元昊西夷感其德臨行送金粟如來一尊當大錢文正既舍宅爲學宮復捨如來於承天便土人祈子蓋憶西夷贈時語也余年四十八無子適旅吳門友人曰曷不祈于金粟應如響余忻然辦齋請嗣如來如來長不踰咫橫半之無衣摺痕昆盧覆其頂似石似旃檀又似土土似得之而堅如金信非中華物時丙辰九月十日也歸十三夜遂誕敬輿至丁巳六月十五而誕小字金兒識不忘所自其靈比

九齋續集

卷之二

元

三百七

于武林法相句曲茅君南海白衣觀音尤速而像視燕京旃檀似拙先於巧今文正族數千人孰謂非如來力惟公不以自私而惠示一世暨于千秋故如來之報公與尼宣之報以簪纓也俱甲吳會孰謂天道無親耶蓋後天下而樂爲公登願初心若其子孫先天下而樂則又造化報功意也寺僧以偽易真奪真成訟訟後慮人之竊與奪先自僞而蔽其真蓋日疑焦鹿并識之以見俗人之度量不啻天壤且不可使聞于西夷西夷者似指吐蕃非元昊也

松石記

松石君者吾鄉老友也號松石予意其交未曾用寄傲耳丁巳遊金陵與魏公子知宇交見魏廳事中一石甚怪叩之云是數萬年老松所化其幹節松理也而形則石色澹作月中容大可一人拱知宇云中山得之塞外夫松化茯苓丹化琥珀止矣未聞石是化也然宇宙間都不可知即化石亦臆說耳焉知石不化而松哉中山成功後塞北一出似屬蛇足致厥蹟不底僅以是石當鬱林之載勝伏波薏苡乃知一松石也

九齋續集

卷之二

十

六百六

二而一離而合中山受其實于後天吾友享其名又若先天而不違其奇於中山更甚松石君次子又爲余小友侯元上就試秣陵當作書魏公子出此石令元上一見以慰孝思是石爲峴山耶寒山耶元上異日功名在邊陲爲中山吐氣則松石又纖燕然矣其爲先天更侈也

金姬堰東失石硯記

萬曆壬辰娶吳門施氏新婦携一小硯來如鷄
子狀紋理溫澤與墨作仇於筆更恬辛丑夏自
燕中南歸省母舐於阜城出硯記事迨夜始知
失去戲囑奚奴後若經此試物色之至秋北上
復飯是肆則研已列市中求售矣奴喜持研道
故出數十錢償之相驚嘆以爲大異由此相隨
益密戊申又將北行因斲白石研配之以研丹
砂鍊銅爲匣見者深賞其便乙卯夏六月十三
于吳門閨嫂氏喪買舟由葑門東還度金姬堰
未至舟述二十餘里將晡以兩指壓雙硯領墨
汁黑硯忽躍沉水底僅餘墨翳如浮雲滄河漢
而已時爭程如鷄遑恤其它第從我二十四年
中間失而復得似珠還合浦乃中道背去愧無
水晶使石沉細流同于遼海恨不得投白研于
河使同延津之合亦大恨事因書之以識予見
事之遲

九篇續集卷之三

華亭宋林澄勿清甫著

猶子存標建侯南校

傳

周孺人傳

周太孺人者中秘杜君玄度之母故光祿公城南之配也孺人父雙泉公以意氣稱里中而光祿公王父平梁公更以好施得里人心兩公故有應求之好而光祿公當弱冠時已有聲杞林其尊君浪穹欲爲擇佳偶請于平梁公公曰爾

九篇續集卷之三

卷之三

一

三

不覩周公行乎我雁行也有女賢且年于爾子均舍是安托絲蘿耶遂委媒妁而通辭焉雙泉公喜顧諟碩人曰是符我宅相者遂締婚媾孺人少遵女訓雙泉公暨繆碩人最憐惜之然每憂形于色曰而爲女父若母二耳今杜氏之稱舅再而姑者三爾行不當于一則婦道慝矣然子婦豈兩心哉行矣勉之太孺人唯唯奉教以十九歸光祿公當是時顧安人司內政孺人姑也楊安人祖姑也徐安人太祖姑也孺人朝夕佐中饋而參定省于晨昏徐安人有知人鑒而

顧安人之持身也肅然兩安人之愛孺人不當楊孺人之慈于是孺人以孝婦稱居無何浪穹公憎俗務析二子命光祿公居城市光祿公方揣摩不事家人產潛爲其脆憂太孺人知之謂光祿曰君第下帷與古人俱奉養少虧有尸之者以是光祿公得肆志時執就試受餼轍冠雋伍爲世名儒而太孺人操作無間雖夏之日冬之夜家人不敢告以暇業繇是益息又慮肥鮮之供筐筥所携或阻于風波因置小艇每夕與鷄聲俱渡春申浦渡頭人問夜如何輒相謂曰

九篇續集卷之三

卷之三

二

三

杜氏中厨船已鳴柳而南猶寢甚耶或行蚤達不若亦識舟中皆甘旨置不問也有時平梁公入城太孺人烹鮮削桂下至浣濯皆手親之或赴親知招篝燈至于夜不敢問更籌須舅入門就寢供茗乃命扁光祿公居嘗撫膺嘆曰我數監車不能以五鼎供二親而猶幸逐吟噲聲不致慈烏笑人者新婦力也微婦我無以爲家抑無能子矣會平梁公亦憐之謂浪穹公曰兒之不兢南風豈聽之濫耶盍北轅乎太孺人聞之色喜爲治遊燕裝光祿公文戰於秋捷矣限額

新沐于天探得光祿公卷遂被斤而還越明年
就南國學携太孺人與俱枕簟生秋爲歌陟屺
之章光祿公遂星言鳳駕先是徐安人之喪太
孺人佐兩姑襄大事泉毀瘠骨而平梁公暨楊
安人俱七十矣浪穹公思以祿養謂銓得浙之
瑞安令將偕顧安人就道命光祿公若代吾子
命孺子若代吾婦兩尊人安于養謂浪穹公顧
安人未嘗南行也及平梁公病篤醫禱含殮情
踰于禮浪穹公伉儷歸庶得其狀悲號曰汝二
人不以耳食吾言故吾不以情滅性不然吾何

九齋續集

卷之三

三

三

以謝先人于九京已而楊安人亦以考終孺人
之哀又不異顧孺人之哀姑楊也顧孺人將免
楊孺人之喪而疽發于項胗在法中卒不瘳
孺人與光祿擗踊幾不欲生念浪穹公在不果
浪穹公服除補江右幕旋被謗鬱鬱不得志而
光祿公更兩上書南國報罷屢提青衫擲之欲
逃曲孽以自廢孺人心知光祿意不在酒也而
不敢懈鳬雁之供庾釜枵軸頻與懸罄俱空太
孺人不以介意光祿忘其不給方興肯構之思
孺人治女紅佐之繼以替珥光祿竟不知所自

其拮据類如此浪穹公寬既白量移黔浪穹公
即投劾歸時漳州君猶困諸生公謂長君誌異
一命以增舞衣之彩光祿公不得已詰

闕得署今官歸具衣冠甫拜浪穹公而煩惋初衣
竟伏枕不起太孺人痛殯數四籲天請從遊地
下浪穹以大義責之孺人始蘓曰吾過矣吾過
矣吾媳而子母而父自今日始矣因稍稍進溢
米久之有起色亟趨玄度十地踰年而光祿公
就馬鬣封晨昏上浪穹公腆饌如光祿未亡每
歲當浪穹公攬葵之辰必基玄度肅衣冠隨潭

九齋續集

卷之三

四

三

州君稱觴上壽延致浪穹公故人張筵謀十夜
歡凡奉養十有三年而浪穹公考終太孺人亦
以多憂逾邁矣而哭泣之禮不怠于喪顧孺人
時玄度夙稟異姿讀書數行下榻管不作西京
後語其制舉亦軼時髦太孺人畫荻含熊玄度
益自策勵會痛光祿公過情目漸青遂遊北雍
數奇復如光祿公三北媾疾幾不起太孺人數
擊几呼天乎昔而父歿於是今吾子又將死于
是乎玄度感太孺人言遂應

新詔入資供奉殿中因奉太孺人上長安長安多

乞兒太孺人分遣蒼頭散金帛拯其飢寒九衢
之人賴以不瀕溝壑者甚衆中秘君旋有雲中
之

命便道奉太孺人歸里既竣事遂陳情乞身歸養

甫當太孺人七十期同時輩下諸相知爭擒詩

文以歌事稱觴之辰東南以爲美談中

秘君復築蘭陔堂奉太孺人居其中凡四方之

奇卉無不薈集其所以事太孺人不減安仁之

河陽然太孺人頻遭遭逆故善病至是哭其如

孫尤戚父淹床褥一日忽起步履間偃蹇不前

九簫續集

五

三百年

而仆侍奔告中秘君竭蹶趨仆所已垂涎不

能語矣中秘君請于神期減年以延母生卒不

療迨瞑目時目幾稿帶悉斷矣親知皆以中秘

之孺慕繇孺人庭訓使然抑純孝之報也享年

七十有三遺命出笥中以飲則皆五十前所藏

初雙泉公配繆碩人實生孺人兩第皆側出或

謂太孺人雙泉公笥存累繆嫡女字不得

子司分孺人戚然曰吾杜氏之藐孤不

奪吾第蒸嘗所須長弟天孤未

索金累百托孺人俟孤長還之及

題如初繆碩人有羸疾太孺人痛道遠不克視

每送候人則啼痕滿襟袖雙泉公每歲過海上

太孺人先飢而饌先渴而漿晨昏寒煥必未將

而戒雙泉公猶以爲女在閨也生平無被嬖刺

肥之好中秘君時肅致之則衣藏之篋饌分之

左右畧不以御顧好行德諸姑姊如有貧者衣

廩相繼於途有時歸寧里中老穉皆獲榛栗棗

羞人人自以爲得當太孺人意待減獲必均其

勞佚都無飢寒故上下咸盡死力浪穹公晚年

倦勤有疑事未決輒命玄度叩之太孺人曰是

九簫續集

六

能以公心服家衆者故杜氏之法孺人如魯人

則公父文伯之母焉孺人遺行及羣孫孫女若

而人咸載碑銘狀誄中茲不贅特載其環行可

採之彤管者著爲傳

論曰文伯之母賢矣然敬姜易爲太孺人難太

孺人所事舅姑者五已而代夫子易孫而子婦

而媳難矣顧猶曰坦境易也至光祿不祿而子

婦父母萃于未亡人變尤大矣孺人昭則賦慶

豈惟克遵能勞以學于舅姑乎今敬姜承之未

必先杜氏如是飭也且季氏之婦愛而無私上

下有章可謂知禮矣而文伯不免好內以天孰
若玄度之兢兢焉履冰持玉藻在其腕于世爲
文人哲士以永其年以燕翼其子孫以毋忘其
先人之德乎則雖謂賢于敬姜可也

尹孺人傳

余讀尹孺人墓銘其苦辛大都與澄母張孺人
類輒不忍搦管稽之六年會將遠遊遂勉爲叙
次以踐前諾作尹孺人傳

尹孺人者華亭高君旭厓之配而博士弟子見
崖君之令母見崖君即郡人所目爲高聖人也
孺人父柳庄公母曹孺人皆郡著姓孺人幼警
敏言笑如禮柳庄公授列女彤管諸書孺人聽
覽如故曹孺人以刺繡中饋授又無不精辦柳
庄公遇疑事就曹孺人諮詢孺人從旁旁畫中

九簫譜集卷之三

八

三月

窵柳庄公夫婦益喜欲擇賢子弟作贅婿而柳
庄公故與高南坡公交莫逆夙聞孺人賢將爲
子旭崖公請婚第以柳庄公欲贅爲慮托媒氏
陳悃柳庄公素聞旭崖穎異喜曰得贅如是即
千里猶咫尺也亟許字焉未納幣而柳庄公之
兄撓之欲爲其姻黨委禽孺人心知爲高氏婦
示勁草之思言者咋舌而退終孺人之世加內
外戚咸無失其親惟絕伯氏不通其嚴毅若此
姑施孺人暴病孺人方于歸狼狽奔還而施已
瞑目矣孺人無棺號天何奪吾姑之速使我不

得盡一日養哀號幾絕幸南坡公侍人抱持得
孺人念舅氏春秋高滯澣其脆無所恃乃強
起秉家政晨昏介侍人定省候寢食安否多寡
爲喜戚退必掩泣祀施如生暇則躬刺綉督紡
織同爨自勝衣以上母鮮衣坐食者又時擊鮮
烹肥爲南坡公歡時旭崖公以痛母成瘵孺人
時釀名醪內以供其舅而間以餽家嚴兩尊人
牀頭終歲藉以不乏四序蒸嘗不愧蘋蘩之托
南坡公素食貧賃屋以居期滿當遷施孺人尚
未殯孺人佐旭崖公權厝于祖塋而貸貫移南

九齋續集

卷之三

九

言

浦家益中落孺人謂旭崖曰民生在勤夫子亦
有意乎于是外課僮僕肆力于耒耜室中不絕
機杼聲拮据數歲家復中興南坡公得優游燕
喜者又十有餘年俄而島夷入寇居民避鋒鏑
咸鳥獸散旭崖公奉南坡公避寇葦澤或言寇
退父子相携歸省梓與寇遇又且及南坡頸旭
崖公身腋父延頸就夷刃夷驚顧心動得免于
難事載孝子傳中里閭喧傳旭崖公父子被難
孺人拊心大慟欲歛屍就死頃之父子相携而
歸孺人驚喜交集額天稱謝惟動一方而南坡

公遂病惛旭崖公故患心疾至是復大作孺人
竭履趨侍湯藥衣不解帶一夕疲極就寢夢施
孺人以手加額呼孺人授曆書七其一月五月而
盡旣寤以語旭崖公相說不能解越七年而南
坡公疾陡作法在不治時屬清和孺人泣曰符
于七而爽于五夢可正律耶其亟治後事甫畢
而南坡公易簀矣孺人助旭崖公勉就襄事一
依于禮四方觀者無不噴噴內助葬畢徙居郡
城時名族多聯姻貴綺麗相誇孺人布素自
如惟高堂上壽及子女婚嫁始一御紵縠性喜

九齋續集

卷之三

十

拮据始生女也或勸置乳母孺人曰乳資分旨
甘費柰何瘠舅饒以豐吾體乎竟自乳之旭崖
公與兄柝產讓腴取瘠或以爲言孺人曰丈夫
貴自豎奚藉世資且失膏腴孰與失手足撫子
女慈而嚴閭內先婦德閭外先矩矱子若女慄
慄罔敢不虔子弟會文喜動顏色間携僮僕入
門必敕令絕交乃已爲見崖公議婚必求詩禮
名族曰庶幾仍高氏素風及婦至諄諄訓以內
則操作逾勤曰吾欲先新婦也女二人俱歸郡
中名家始終以儉素再訓內外孫統膝必以進

脩勵勉不事姑息憫南坡公侍女劉氏不嫁沒
身敬之歷五十年如一日豈凡女子所能哉歲
壬辰旭崖公寢疾彌留孺人扶侍寢食俱廢竟
不起孺人幾不勝喪已復經理窻窳靡敢自愛
於是里中稱旭崖公爲孝子而孺人爲賢婦孝
子饗賢婦之報良不虛矣越二載旭崖公以孝
行被

旌孺人愉與戚俱呼見崖君曰小子志之毋忘先
德宜益自奮以報

君親又三載孺人七十誕辰內外姻党爭上觴稱
九簫續集卷之三

土

壽孺人枚浹謝曰夫子沒且八年獨享饗殮終
不下咽卮酒焉得甘之會兩女適家暨蔣者先
後不祿遂窆然疚懷漸遠脾疾見崖君迎醫診
治揮手却之曰我方以從汝父爲幸何以醫爲
爾能毋墮家聲我目瞑矣越八日終正寢實萬
曆庚子十二月二十一日也距其生嘉靖辛卯
正月廿二日得年七十子一卽見崖君王先生
曰孺人爲女則女爲婦則婦爲母則母亦既哀
然樹閭則垂式穀矣乃其事三族脗切懇至懇
其貧乏恤其孤嫠歲時問遺相屬于道且皆終

其身弗替非人情所尤難哉若旭崖公榮被

錫典雖其篤行致然而孺人內佐之力蓋十九也

宜三族父老咸稱孺人爲女丈夫是不足以輝

彤管而炳女史乎故樂志其實而系之歸信哉

其言君子也宋懋澄曰余於旭崖君孝行旣爲

文叙之矣然不習聞孺人何由知孝行所繇成

哉夫延頸肫親于難天性勃發一時非其平日

伉儷如琴瑟之和安能順父母而感天地動蠻

夷乎詩曰以燕翼子今見崖君復有聖人之目

矣姬氏之聖基于姜原由是觀之芝艸無根禮

九簫續集卷之三

土

泉無源吾不信也

葛道人傳

當吳民擊黃建節時憇澄遙觀母南還聞葛道人倡義壯其事賦葛成謠四章後十七年于友人陳仲醇家遇道人讀當事功令仲醇謂余子喜釋官家言毋失此奇事余廁仲醇交末得親異人因作葛道人傳

葛道人崑山縣人也當

今上二十二年西方凱旋關酋既歿而征播之師

未興海內晏安輔臣有慕神仙不死之術者思

服食空青于是諷詞臣爲鑿山採金之說著之

九齋續集

卷之三

三

三

館課而不逞之徒遂以開礦請

天子下之輔臣輔臣從中決策於是

命錦衣官校董其事居無何而宵人言利者復以

推稅請

天子又可其奏以貂璫易官校貂璫率人面肉視

舞文非其長也因招狙獍與俱于是潞河權張

燁遼權高淮楚權淮泗權陳增維揚權魯

寶齊魯權馬堂所在分布四海歌行難江南全

越轄孫司禮司禮故掌浙直尚衣習吳越情稍

稱安堵歲辛丑太褻五關之稅日縮司禮抵吳

會計有司議覈漏稅彌縫之會參隨黃建節者

通吳中無賴湯莘徐成等二十餘人乘覈稅之

令喊稅使令民間一杆月稅三銀姑蘓達道凡

六門水關者三二十人將分據之無償不征更

議羅綺非奉司禮篆符不得私貿剋日開征市

人洶洶遂期于六月三日詛玄妙觀爲首六十

人名曰團行明日不呼而集者萬人踪建節所

在至覓渡橋建節方據胡床指揮左右阻牆遏

敗而萬聲同呼飛礮中建節腦腦裂復擊殺徐

成等數人還擁入市火攻湯莘等家即欲據關

九齋續集

卷之三

十四

三

門網市利者也先是鄉紳丁給贊莘等市奇貨

媚司禮約事成百倍酬丁故丁亦焚焉萬人

持寸刃遇金帛悉投火中有掠物者隨擠之火

張空拳往來惟罪人是討四民寢食不寧歎聲

沸溢當是時事起倉卒姑蘇守暨長吳二令欲

問主者爲誰卒不可得蟻聚五日榜示萬端無

一人解散越八日忽有壯夫袒肩播蕉扇突衆

而出長揖太守朱前曰余爲葛成實倡是舉請

戮成以伸國法餘人乞置勿問太守驚愕起謝

顧司理稱嘆者久之遂以名聞之藩司撫臺曹

公方欲得罪人亟以成名上聞然事起月之初
弦道人尚居崑山七日聞變始偕其兄入郡觀
奇事不覺爲義所激挺身以應上官之求非戎
首也同事有王秩老人年八十矣玄妙盟神之
日秩亦與焉道士張景和識秩面聞衆稱團行
而不知所盟何事及義士詣官自誣衆猶屯聚
二令見秩年老諭秩代官慰衆秩忻然謂與人
曰貴口諄諄我等何憂而不解散于是衆遽引
去有司嘉其功故撫臺之疏不及已而景和承
丁紳旨遂揭秩與牙人敖禎首倡亂謀秩坐辟
九箴續集卷之三 五

戎獄中禎亦遣戍蓋出諛口非其罪也道人既
自誣服兵使者杖之瀕死吳民感其義無不流
涕咸謂

聖怒莫測法無生理皆稱焉將軍擬其死而爲神
鏤畫圖饗之吳中名士張幼于率士民爲文生
祭旨甚激亢詞多不載復作書致丁紳及當事
祈寬之時有作蕉扇記譏丁丁疑幼于頃之有
盜夜踰垣刺殺幼于獄未成盜乘間溺河死以
自滅口事載幼于傳中道人羈獄十餘年歷多
官訊鞫第謝曰員不忍姑蕙之遂爲戰場而命

監成危上官坐困故不難以死解之語載三縣
令爰壽蓋實錄也道人事得白既出獄猶未娶
客有贈之愛妾道人笑而受之以歸同載不亂
還其父母家父母義之贈以二十金道人以金
娶里中田家女與俱事兩兄友愛兩兄多求焉
力有不及中夜涕泣而已噫非天下至柔訖能
爲天下之至剛乎余識道人于仲醇家道人嚴
事仲醇嘗執爨炷下見人熙熙令人起爭席之
思太史公曰無不善畫者莫能圖余于道人亦
云道人俗稱將軍仲醇與余議曰是人氣韻開
九箴續集卷之三 六

明似有道者非斬將奪旗之倫因呼尊道人本
名成而爰書稱賢者從撫臺原疏也或曰名其
爲賢蓋多方之誤寓曲全云宋懋澄曰當楚寺
被逐陳增投環

上意猶未弛也及衆討建節始驚詫曰三吳亦復
騷動耶嗣後遂不復遣死不再補其計于今直
贅龐耳而礪操亦竟絕跡一夫語難萬里怡席
厥績丕矣雖然鬻拳兵諫顧法自戕此余四誥
卷卷于一死也然道人卒以不死明

天子無冤獄雖古從容就義奚以加焉余獨悲王

秩爲衆拯歟爲國解紛脩矛止戈萃于一人而
卒斃狴犴救積爲肉食代謀至不得與噬民之
郭岩同歿牖下悲夫勿于以言取禍邦有道危
言危行尼宣殆欺余耶余讀撫臺已下功令知
人心不死猶在縉紳

天子萬年之頌其在斯與其在斯與

九篇續集卷之四

華亭宋林澄幼清甫著

猶子存楠次美甫校

疏

擬蘓松士夫請貼役疏

前件奏爲縉紳疊因民役間閭仍不聊生懇乞
聖恩仰遵

祖訓俯酌時宜以便急公以蘓民困事竊惟蘓松
二郡每歲所輸於

輦轂者幾半天下二百年來江南民力竭矣而蘓

九篇續集卷之四

一

松尤甚譬之勞瘁之餘僅存神理第宜徐補以
參苓若復鹵莽倉卒以迅利攻其腑臟則淹淹
餘氣惟有立盡而已此不待扁鵲而知也自萬
曆三十八年徐撫臺秉鉞應天知大戶有詭寄
之弊遂奏

請縉紳與小民一體當差伏蒙

聖諭令詳慎經畫務絕弊端以成水利吳中士庶
歌舞綸音歡聲動地第爾時迫於五年編役之
期且銳清詭計無暇覈及花分於是豪民富戶
賄通書役分立鬼名或假無田生儒衙門色役

九篇續集卷之四

二

趙化爲錢孫移于李一戶化十十戶化百據華
亭現在額田共一百九十四萬九千七百八十
八畝除公占優免助役田三十二萬九千五百
二十三畝尚餘田一百五十七萬五百二十一
畝不意三十八年編審各役數百名止將官民
二戶田六十八萬六千四百畝編充其不當差
田及餘八十八萬四千五百二十一畝一應差
役悉被漏脫比時縉紳無不嘆撫臺有美意而
倉卒無良法欲俾芻蕘之益恐涉阻撓之嫌間
陳規諷之辭不勝耳瑱之拒遂俛首徃役有居
卽署而收米就倉吏簷雷之間與軍民量斗升
者縣官若其不便而力拒之奸詭乘其屑越而
狎侮之不得不委之僕隸則必非一人此輩上
無忠君愛國之心下無忠義廉耻之守呼朋引
類十百成羣銀則加三而復加米則贈四而復
贈或忽起爭端而公然勒指或巧立名色而分
外需求其費視奸猾之糧長兇悍之兇軍殆且
倍蓰是欲以惠民而反以害民欲以均役而適
以紊役雖當事者亦知捉襟露肘之周章然業
已舉行局難再變因循至萬曆四十三年復當

編審之期縣官重違初議一意相沿既辜改弦易轍之望又無更翻休息之期將縉紳之已承役者沒齒憔悴于征途豪奸之已漏役者白首逃遁于後籍用是叩關瀝血呌呼於

君父之前臣等伏讀

太祖高皇帝嘗謂侍臣曰食祿之家與庶民貴賤有等趨事執役以應上者庶民之事若賢人君子既貴其身而復役其家則君子野人無所分別非勸士待賢之道自今有司見任官員之家凡有田土者除輪租稅外悉免其徭役著爲令

九簫讀集

卷之四

三

三四五

又嘗伏讀嘉靖十八冊立

皇儲分付二王詔內一款凡在京文武官員之家除里甲正役役外其餘一應均徭雜泛差役照依正統元年事例全戶優免今里甲之外有糧運差解即所謂雜泛差徭也此在吏典本身亦免何止士大夫且盡本戶免之原無等則惟奉旨革職爲民者始不許濫免至如會典所載優免一款此指丁糧而言非指差解也而末又云但有分門各戶疎遠房族不得一槩混免則同產之親令甲亦未嘗禁之矣所以然者丁糧原從

正稅中議派故不得不爲限制差解從大戶中僉點自不得并及縉紳上下遵行已二百餘年矣今以丁糧之則例比雜泛之差徭使衣冠下同于襁褓科甲見侮于閭閻其于

列聖養士之深心賢臣體國之厚意無乃稍乖異乎矧以曹局之寒暄滑

朝廷之品級則是由也不過人弓人得于異日而隄然分更分漏一朝受者頗嫌過情旁觀竊有遺議是爵祿不本之

朝廷官秩無藉乎啓事似成勢利之場殊乖大雅

九簫續集

卷之四

四

三四五

之道非所以明法守也况據華亭一縣漏役田八十萬畝而官甲餘田百畝即編役一名役果均乎士大夫既立官戶銀則自納既身充催辦矣而又代民收銀糧則自允既身充收倉矣而又代民收兌後果均乎至北運解布等差一有疎虞身家立燼在林下者勢必親行倘潛住京師將坐以犯禁若夫見任遲候役務則有司將以三尺擬其後緩廢職司則中外將以一疏扼其前進退同于觸藩艱危類于履尾又非聖世行彼周行之意也要而論之令縉紳代民往

後已屬不情役使縉紳而祇供奸豪之俸免恐非

皇上詳慎經畫務絕弊端之旨也雖然法窮則變夫寧後當事之苦心而坐視差役之煩重臣等竊有未議或謂差解之難難在諸費其在糧運布解等役則扛價有費僅比有費押運交納有費其在收銀收倉等役則火耗有費需索有費傾銷解納有費不若照議限田于限外浮額照田貼後每畝貼銀二厘及將八十餘萬漏役之田亦照官戶事例每畝出銀二厘津貼各品價

九箴續集

卷之四

三

三

充徭役之人一歲約幾二萬每手于會計中帶徵寄庫臨期以後之重輕貼銀之多寡在官戶外無當役之名內有助役之費而差解者第以其身任役不致以其後破家庶幾士民兩利據華亭一縣如此則蕪松各縣可推仰惟

皇上軫念在

朝諸臣則王事鞅掌在野諸臣則惟蓋祈恩鄉舉廕恩則膏晷靡暇特

賜勅下戶部及各衙門酌議或同常鎮縉紳票免

差徭一如

列聖二百年曠蕩之恩或

俯從末議除隨例優免之外計畝出銀貼後交便士民以存

祖宗分別君子野人之意倘疑臣等許而不與則據華亭而言已前每歲出貼銀一萬三千餘兩矣豈其忠于信府縣之令甲而欺罔于

君父之章疏乎誠使貼役得行君子交歡于急公小民爭先于趨事既無不均而焉有不和業已養民而更優養士東南一隅不致淹淹立盡皆

吾

九箴續集

卷之四

六

三

皇上雨露霈然之恩

豐功偉澤又豈直參苓可比哉其餘糧運收解利弊容臣等偕二三耆老從公調停列具撫按以便次第施行亦不敢瑣陳之以瀆

天聽乃臣更有深慮不得不為

皇上陳之夫等威名分自古聖王借之以臨蒞天

下者也是以孔子非繁縷之假子貢惜虎豹之絛自民役施及縉紳而不逞之徒藐視魚服日操豫且之權以效螻蟻之狎賤凌小加君子指為六逆至使密勿樞要輕于皂隸輿臺東南民

變日異月新何郡無梗奚第董氏之禍見于奏
章哉此皆奸宄因貴賤無分故乘間竊發授鼠
不忌一至于此竊憂凌鄉紳者凌府縣臺司之
漸也集霰履霜其幾已見則夫貼役之說亦未
必非潛維名分黜弭禍端之一得也臣等謹切
桑梓故不避瑣喋以當炙背之獻更祈
皇上少留意焉臣等無任惶悚待
命之至

九箴續集

卷之四

七

言并

上

關聖帝君疏

萬曆乙卯秋九月朔華亭賤士宋懋澄敢以香
楮九頓告急於

關聖帝君之神曰自澄父之志衡南宮也遺言不
瞑澄躬渺焉昧不之佩壯逐多岐又勿勤也年
踰不感始畏簡書爭之以死僅徼捷于南都而
薊北告潰逸歟吳閭罔敢毀志昊天弗吊家難
日瀕今茲仲夏暑威是觸展棄其家扶疾而息
燕市鷄鳧不夢于腑如黔之頰酒弗余也丐澤

九箴續集

卷之四

八

三十一

丹鉛病有加而無瘳澄歟之不懼鼓有死聲矧
南書之昔替猶有辭于迷津津倖渡矣而自阻
乎執管意消中夜無寐祈死則重貽先人之羞
偷生則祗增不孝之罪呼天無辜幸疇昔之夜
夢大神許以拯危覺而撫額自慶復生冀今而
往屏澄病魔擗管之時意迎機而欲舞神挾理
而俱飛鮮華似羣卉之逢春天矯若神龍之奮
蟄蒙分鷗鷄借以朱衣瞻我藍袍澆之柳汁澄
自分菲薄成名之後將浹齒于非溪亦不敢自
逸名教以久

大神夫戴人百目而索然無生人之樂如愁澄者
世寧幾人勇夫挽日怨婦飛霜况

大神佐

明君以孝治天下而不爲愁澄一拯溺哉惟
大神鑒之

九齋續集卷之四

九

六

虎丘建準提閣疏

準提有呪使人從聞思修矣又有三目十八臂
之象令見識者肅威儀馬虎丘具諸佛相而獨
缺準提今上人某憫世人無明擬建閣于石觀
音之坤方祈諸方慧福蓋以其地峻僻酒肉氣
不得雜堅固香同薰佛面也余嘗疑觀音手千
矣而視人之溺不援豈嫌天下皆嫂而羞爲馮
婦耶亦嘗千目矣其照臨四大海與電母爭光
而不一詔師晃之昧若準提之三月多臂以助
觀音則不惟對錦添花抑亦大海一滴以救世

九齋續集卷之四

十

三

人則贈人目三且以爲駭况贈手十八而有不
起人之咤耶準提獨以一目衆臂默拯世人其
救苦救難亦輪觀音九百餘籌矣乃欲求所願
往往以持呪得之豈神力顧不在目與手之間
而反係人心乎盡闍浮之心而人增三目人多
一十八臂則人人有五目二十臂之用矣盡闍
浮之兩目兩臂而皈依準提則準提之目也手
也以較于觀音又不啻百千萬億也吾欲于準
提之下肖鷄臠焉以三耳三足也吾欲于闍中
像子輿焉謂其視十目指十手也又欲于闍之

空中供混沌焉以無目無手爲準提之婦也蓋
陸其謂我何爲作頌曰

稽首如來兩足尊何年惠我準提姆多目多臂
欲何爲同與觀音救世苦世人煩惱不在形雖
欲救之終不能諸佛俱從口中出目手亦縱心
上生準提之目苦不廣雖多不能增人視準提
之手苦不力雖多不能拯人疾吾有兩目贈準
提準提一受廣知識我有兩手贈準提準提一
受可無敬并勸世人悉供之準提用之人不知
更勸觀音亦畀之準提爲德不可支四海不能

九齋續集

卷之四

土

三

滿一目須臾四海在其手眼中三界悉空花試
問手中何所有東有觀音南準提顧瞻中央某
在斯世人有願皆貪癡生填虎丘如漏卮準提
補漏切莫遲須虞東海有枯時枯時準提悲不
悲

積慶菴募建禪房疏

吳郡西北隅有積慶菴建自至正僧文信其地
三面皆水惟南面受巽脉更南數十武爲桃花
橋故又名桃花菴唐伯虎先生桃花菴歌即其
地也先生嘗作桃花菴畱并書歌于上今落錢
奴手索高價予思贖之以歸菴中顧多事未遑
庵門四望極目皆有遠樹之勝而北寺浮圖峙
于辰方宛如名畫庵多古木名花中供諸佛前
堂塑關真君像叩籤者應如響萬曆中禪
侶見挑夢真君出坐中庭云吾爲獲法神不宜

九齋續集

卷之四

三

據中堂其以延大衆于是見挑遂建三楹于中
庭迎真君居之復于供佛後建禪房五楹而衣
鉢一空上人善山水屢年得之華耕者至是供
罄欲藉權越終事請余一言弁之既首余惟真
君神矣而猶不忘捨所居以供禪德况吾輩猶
夫人耶各施所有匡分也而余重感于風雅焉
昔伯虎先生當

孝宗聖明之主而篋璫先生又博物君子也一掛
彈章至下獄禁錮牢騷一生先生之狂蓋托于
筆札以洩其不平而當其時無一人爲之訟寃

先生亦不屑因人以自辨寧念慙而歎剛腸直有過于鐵石者其所居濱橋南距菴中不半里予每過其傍輒婆娑樹下不忍去而先生桃花菴歌方膾炙入口則此菴固先生魂氣往來之區也擬建一齋塑先生像贖桃花菴匾懸之像側朝夕焚香供茗遇令節則率風雅士澆酒吊其不平亦千古快事且當時名士與先生交如祝京兆沈啓南文待詔先生輩皆風雅超絕一時而先生與沈氏之後悉寥寥無聞其尸祝尤宜寄之僧舍余欲于暇日輯吳郡自

九簫續集

卷之四

三

三

國初以至今

上名士彙爲一編題曰雅士傳而類祀之于僧寮若積慶能祀唐先生則雖并諸先生祀之積慶可也昔顧彥先捨宅建永定講寺而陸鴻漸常蘓州流寓其中郡人因寄蘋蘩故事可法也當事者亦有意乎此亦真若捨宅意也噫鄉先生卒而可祀于鄉者幾何人哉鄉名士卒而可祀于菴者又幾何人哉若昏夜乞憐而驕人白晝者雖爵祿名高吾弗祀也故吾不曰高士名士而曰雅也

建呂公祠疏

儒者位有宇宙而曰道曰釋第儒守身之一端然觀音于釋呂公于道皆欲翼度衆生同克舜之病顧大士以清淨身生一切信而不能隨緣淪衆生之滓呂公于正法外凡彼家外丹暨劍術似孟子轉仁機於好色好貨好殺之中又大士弁手偃眉而謝不敏者厥功道矣吾度呂公上抗鸞輪下殄火宅有一形不登仙笈必叱軒而麾鶴畫紅泉以自窮禮失而求之野羸薪之火不傳而日月之明寄于燭火神仙實司位育

九簫續集

卷之四

四

三

聖人不我易也友人朱敬齋心熱于沃焦之海無寒不煖與之交者皆披鄒生之律各震而去夫仙神幸以陽稱最著爲旌陽純陽陽以旌熱也敬齋熱心夙具故祈嚮祠公以惠貽後學公祠遍天下最著爲邯鄲而邯鄲之著也以夢人生夢耳以覺之驟也故名曰夢以夢未覺也反名曰醒夢及歿一也名岐而寔不分生與醒一也夢醒而生不醒非呂公時惕以夢夢何時醒而死何時生哉此敬齋立祠意也時而吹笛岳陽時而躡屐大廈宛然在花月山水之間第廟

貌哉廟貌火院也有限光陰無涯火院公口示
之而身寄之耶善乎斲輪之言曰古人之與其
不可傳者往矣則公之精神豈係廟貌乎今天
下求房中黃白之術甚于求生此皆好色好貨
之陰氣能純陽轉一機焉不猶齊王之反手乎
不憂呂公之靳我以度也

三茅觀疏

古天子以五嶽爲望諸侯望四境之崇山而庶
人不敢越其禰自天道不明彛倫失叙于是患
難不呼天疾痛不呼父母而貿貿祈恩于鬼神
莫可挽已聖人因勢利導緣其祈而設之祈以
遂其祈蓋憫世之踣流沙涉弱水而冀一遇者
故郡縣市井率有山川鬼神之神祠以便民之祈
而吾不知所祈何事至叩其父母惘然而鬼神
非孝于親忠于君者勿福則其求彌遠其失彌
滋吾民之謂矣東吳之望句曲若武當則楚望
九簞續集卷之四

去

也憶齠時父老乘春多起句曲近踰穹窿好奇
而有苦欲脫則羣輩走武當蓋千僮一也適且
狎風神昵鯨齒觀普陀若窺下溝雖臺司嚴功
令阻之弗格此其意果何祈哉冀無遐之福以
虞無盡之年而不虞年之有盡豈不悲哉憫其
愚者于吳之虎丘玄妙皆疊石像武當繫之名
曰小若句曲之茅君則貌于城中街之右爲三
茅觀民有所祈朝而然香夕則歸里省不失晨
夕不睽定分甘脆之餘與妻孥相慰勞酒肉方
羶于口齒未陷蔬而壹漿豚豆已纍纍相迎風

波無權盜賊不及入夢而宵中所祈已殫之于
古誠因勢利導之善策也且人心一息起萬思
而萬思皆足以繫鬼神況千里之程旬日之內
其思豈能悉符明神則旬日之虔不若一日一
日之虔不若一時固也祈福者何必舍城市三
茅之近以遠趨句曲哉昔茅君爲小令點石以
濟凶荒行散以療疾病嗣其道者百有餘人而
陶景弘爲景皆隸藉華陽功施九有神之所遊
無誠不應而况吳下又茅君雲物掩映之區耶
吾願趨句曲者近而祈于觀之三茅而因思三
九簫續集卷之四 七
茅之所福者多本于忠孝則疾病患難呼天可
也呼父母可也即呼中街之三茅無勿應也雖
虎丘猶遙而况武當普陀耶不然西方之途十
萬億鈞天之級三十三可人力致耶若欲致之
非孝忠勿與也則能忠孝者雖中街虎丘吾猶
謂遙矣此古人不遠遊意也

募鑄旃檀佛并湊金疏

旃檀佛供燕京鷲峰寺慈澄自庚子冬瞻禮以
來見金匱數十像矣卒未有一肖廬山黃龍寺

上人欲作丈六金身自燕請至鹿葉坪倩
澄爲疏余惟昔日捷連尊者使三十二匠人竭
巧思專募一相彙三十二相成一如來乃上人
欲以一人募三十二相是三十二人集衆長而
居其易上人勞一心而据其難也且靜機易定
動機易流故刻畫定相神靜即工今旃檀妙相
奚第佇立有步空濤虛之勢猶雲行焉有定相

九簫續集卷之四

大

乎況機在目當時以佛之相募佛之神而佛即
以佛之神寄佛之相茲欲據相募相誰能肖之
上人曰否三十二匠搃是一心三十二心搃是
一佛因心見佛一易肖也有定之相得動機而
常行若動之神集靜機而恒止二易肖也借我
之性虔募佛相則佛相有神借佛之相用募我
神則我性猶佛三易肖也余曰旃檀若遇丹霞
不得度火世尊若遇趙州不得涅槃上人若遇
如來終不得見上人曰姑置塵思居士試再一
參如來父母二人而旃檀爲父母者三十有二

復因我一人成胎如來生年不滿百而旃檀踰
三千年生一肖子如來不免疲津梁之請而旃
檀戴天履地萬古藐焉處中如來說法四十九
年而旃檀不聽旃檀不說一法而佛反飯依能
下一轉語否余曰其問之竹林寺之禪衲

圓覺菴募緣疏

西方極樂國土皆從蓮花上生而將來彌勒發
挽一切衆生會于龍華其世亦同極樂故結來
緣輒曰龍華相會乃縱心調暢人又云爲樂當
及時焉能待來茲則夫俟相會于龍華者其欲
待來茲乎結今生之靜緣其爲樂及時者乎遠
公先品行樂爲白蓮社非陶令清真不得預選
雖慧業文人如謝康樂卒置之品外則蓮社更
嚴于龍華矣今上人某欲結居士比丘僧尼課
誦募香燈供儀及石光白粲爲愍道人渡江計
耳然今生不樂來世焉有樂時不樂靜緣喧境
又焉能樂今日之境喧境也謀今生之樂結靜
緣也居安思危必能有備無患則無遮大會其
轉阿鼻爲極樂乎爲龍華乎其亦遠公結白蓮
社意乎是爲疏

九篇續集卷之五

華亭宋林澄切清甫著

友人周宗建季侯南校

狀

呈鹽臺擬脩宋遼金三史狀

前件呈爲賢才將老山林舊章漸逸無統懇脩前史祇承明德事澄概觀諸史莫不出自一人故議論罔淆於聚散叙事不惑於市虎自晉書分局裁自唐文屈帝王之尊侵史臣之職其書始爲鸞虹之繪組豹之章厥後舊唐書浸淫於

九篇續集卷之五

裨官新唐書不羞於庸古然猶有獨裁之見偏致之辭惟五代史成於永叔一人獨能彪炳千古斯文將喪胡運相仍以卉服雜雲錦之文章腥羶薦大烹之鼎味故宋遼金三史雖歐陽玄輩分撰而係虜脫腕等總裁辭取俚而便觀意求淺而易會若凡庸尤甚無過新編夫幽燕之不銀夏之僭竊高宗甘心於臣虜孝宗不遂於始謀岳飛就獄而沉冤張浚賜玦而不復或有遠意或係失人或由深言或關國本而事遺於叙論失于存尤可嗤者李綱固賢臣然論思有

體何連章而不載雕盤李全雖巨賊然無閑存

亡既累牘而尚遺燈夕姑摘數事可律餘篇且

叙事乏顏高之弓弱而不勁議論非子羽之劍

鉞而不鉞刪其蕪辭可免災木汰其塵論悉宜

覆既誠古今之遺羞而華夏之大恨也穢無不

洗晦有時明昔南北二編至唐世而成于延壽

即後漢一史迄劉氏而撰于蔚宗苟得其人何

嫌世遠且上自故府下暨海隅野史裨官尚能

肥蠹遺黎故老猶鮮微熊倘得曠世之逸才必

搜未庵之秘典思得華亭隱士陳繼儒者孝弟

九篇續集卷之五

二

性成孤高天昇萬卷之富一目十行八斗之才

五言七步或譽之經天緯地或稱之內聖外王

然而尚方靳欲緝之蒲輪少府遲未宣之玄轡

倘徵書徘徊於鳳閣將神明遲暮於鹿門擬舉

之以緝郡圖薦之以修國史恐微辭之當隱慮

忌諱之多嫌多嫌則益啓後世之疑當隱則愈

淆今日之議惟是宋廷累世遼金二酋激斷而

何憚於公直言而無嫌于抗且儒膽符倚柱作

書之壯識具隔垣視職之明將龍門讓駕才于

前虎觀遜監議于昔雖書成

昭代浴暘谷之朝輝而事煥前朝反虞淵之夕照
非特無鑒于水而索鏡於人抑亦觀覆於車而
不師其轍恭惟

太宗師臺下攬德如郵就士若渴減三吳之饑
稅尸祝萬民揭四部之史材鑒衡十葉周公吐
握復見於今柱史惠文重光此日旣已核今而
俟百世何難稽古而考三王矧一時公祖父母
化徵烏見操匹魚懸治旣媿于文翁辭豈乏于
焦令分神爵之異彩即製錦之奇章若不於

台臺之好文明舉其事恐異時年華之凋謝空

九齋續集

卷之五

六三

六廿

負盛名鴻羽爲儀可用在漸陸之始豹文爵爵
爲章由隱霧之先至於不特禮士而定禮賢非
惟養廉而尤期養德在
台臺必自有體非澄所敢喋喋也

擬呈按臺脩松江府志狀

前件爲懇脩郡志以存故典以彰休明事竊惟
松江府志自顧文僖公重脩已來今將百年風
俗之變更不詳人物之代遷莫紀兼以凋弊於
災沴重困於島夷其間桑滄屢移而漸湮其故
金湯非昔而罔識其繇徵課重繁胥役日恣乾
沒是非紛擾宵小潛肆戈矛當此聲名文物之
時宜講脩廢舉墜之典恭惟

太宗師臺下春日象和秋風比勁指栢臺之楨

幹任國棟梁回繡斧之清霜錫民雨露簪筆借

九齋續集

卷之五

六四

二六四

光於柱史執法豈惜乎惠文燕以

憲臺公祖明潔鮮于拱壁楨操勁于松標高蹇
帷之風則百城悚震寄分陝之重則三吳載歌
颺轉七星平賦若玉衡之準序日華三翼綬和
象銀管之昭回且一時府縣公祖父母明因德
朗而鑑無遺情藻以才敷而思無逸想且鄉縉
多彥獨盛一時勵修則效捷於堯天澡範則嗣
新於湯日由德林而藝苑華以質宣徵王蘊於
山輝外因內朗賓主盡東南之美如五星之貫
珠君子慶上下之交似二曜之合璧豈修辭而

讓班馬直筆而遜董狐但條例貴在分曹褒貶
務期合論分曹列局則功簡而易成合論毋淆
則議公而惟奪敘慎勤類第五倫之躬斬馬脾
紀清節若鄧伯道之自運家糧他如三江之沿
革百瀆之通於城有議擴之條邑有分分之說
後宜計畝而荒熟難於造均富當重差而花說
無由悉詰五年既有一定之役逐年應無不測
之差雪冤而六月之霜不飛殛惡而九地之藏
莫遯徵輸雖多弊或可豫塞其涓流奸宄實繁
徒曷能顯窮其三窟服妖食怪驕奢何獨甚於
九九齋續集卷之五 五 二百四十

三吳冠地履天替陵何尤奇於四郡皆士民所
蒿目而君子欲引繩者也咏澗沚之采蘋韋嗣
大雅賦河淇之分竹爰肇清音

九篇續集卷之六

華亭宋祿澄幼清甫著

友人方應乾時生甫校

書

上房師司理

吳公論改金山衛建縣不便

書時署府篆

伏惟聞諸道路有陳改金山衛割華亭之半別建新縣於

老師臺司老師報可將上其事於臺司諸老

公祖意其言興縣之利盡中窾曲無能易其說

九篇續集卷之六

矣第頃見鄉大夫先生及合郡士庶以懋澄濫

廁臺老師門下必熟聞其說力叩建縣之故澄

茫然不知所對於是二三父老眉眉蹙額從容

前進謂澄陳建縣之害其說有十澄不忍終匿

其情敬述父老之言以對

其一曰宋生爾亦聞重建青浦之害流毒至今

乎昔當事之廢青浦也蓋爲府城強幹弱枝爲

上海殷實戶口以保障海隅計遠且大矣自青

浦復建以來大戶無不傾廢于重役小戶無不

委頓于征輸數十餘年迺窳畧盡今青浦素封

之家屈指不滿五六七姓所以然者建一縣有

一縣之費賦額之增設者若而役上官之供億

者若而事書役之蠶食者若而人縣官之交際

者若而儀富民之百計以營求苟全者若而情

孰不取給于田禾乎田禾盡而繼以家業家業

盡而繼以死亡諺曰水清無大魚言事者獨不

目擊時艱乎此可借青浦以爲新縣喻者一也

且生嘗旅吳門矣天下動稱蕞松而吾松疆域

風俗與蘇大異蘇之長洲居城者紐織爲事鄉

多水澤貧民不事耕織張網得魚菱藕菰茨水

九篇續集卷之六

寔繁滋足以謀食其富民亦藉以乘時射利至

吳縣則七省之通衢市民朝持十錢之母夕可

獲五錢之息其狡獪逐利日百月千以故吹簫

摹曲蕩畫艦於水涓挾妖姬于林岫厭薄綺羅

生憎酒肉若依山之民樹茶藝苧織蓆治絲桑

麻果實一畝之入陪禾數畝歲輸課于縣之逆

旅曰歇家則終歲不入城市民有老死不識縣

門者二縣之民猝遇徵役取辦于什一之利足

以支吾是以政清刑簡縣父母吏散鳥啼可鳴

琴而治民皆重去其土吾鄉自耕織之外更無

他業若煮海捕魚惟沿海之民有之其地多屬上海於華亭不過十之二耳自

今上十五年而後水旱相仍閭里蕭條室如懸磬嘗經清源清源市人云昔山陝河南用華亭布歲六十萬金而北畿不預焉今歲不滿四十萬由此觀之華亭已非昔日之華亭矣然而猶以財賦雄江南者徒以土地猶大所命能具耳今聞欲割一保至十二保屬之新縣則膏腴盡轄金山舉華亭悉瘠土之民然歟否歟夫松之視蕪耳若異境若爾今不憐其苦而復割其半以

九齋續集

卷之六

二

益其疾是何長吳之樂常有餘而華亭之苦日更甚此可借長吳以爲華亭請命者二也

意建縣者必曰華亭賦繁役重吏書積蠹莫可窮詰今若建縣則兩縣父母精神足以嚴覈諸弊不知華亭田畝雖多嚮有號數計畝起科夙具畫一之法若徵糧徵銀保分荒熟限定分數按籍了然豈以多寡而昭昧其聰明放銀自金花而外宜惡者先之宜緩者後之可已者拒之積書安能上下其手昔青浦未建華亭有

父母未日晏而竟縣事至索事不得坦步入官

齋而斜陽猶在女牆間者彼猶人也猶是華亭也何以昔簡今繁如是即數年前猶有搜剔積弊羣小懾息不敢動者由此觀之有治人無治法信矣夫不顧其人之爲趙魏老而猥欲割華亭爲滕薛大夫設滕薛之不能又將事割中之割耶以今觀之華亭猶一病夫也啖以膏梁瘳以參苓猶可支旦夕顧增茲疥痒忽操刀割其身爲二使華亭之人如木偶人則聽僂師所爲若猶人也則未聞華陀分人之形而使之支離以逞其神奇之伎此可借肢體以喻分縣者三也

九齋續集

卷之六

四

意說者又必曰金山瀕于海隅一旦島夷至禦之海濱是爲上策今一建縣則乘時者爭趨新邑戶繁粟支可與夙守不知懷土恒人之情天下承平日久非法令可以驅策久矣建縣之後公祖父母能下功令徙華亭豪右于新縣乎徒滋騷擾此必不能行者也若不能行則金山猶故虛堞耳豈能以虛名殷實之乎且

國家二百餘年天下皆苦無兵若金山有事軍士守陴聽調發于兵道策應于總戎海防應兵

符控御其中衛官以下悉聽節制無兵則募召于四方無餉則告急于三縣有本可以支末且委金山聽其攻以挫其銳不出十日而三縣守禦之脩亦可粗具此

祖宗設衛之深意也矧以世官世軍守此世土其情形職守素有專司今若建縣則縣官與武弁分任其責互相推委再一縣有疎虞則物情大駭郡中震動先聲足以奪人之氣適爲敵大張聲勢此軍實之可慮於分者四也

華亭雖稱附郭號爲大縣籍兵不滿千人羸弱

九齋續集

卷之六

五

三五五

老邁幾於杖而後起弓矢戈戟禿折殆半今建新縣果能令猛士材官騰波躍浪旌旗鎧仗干雲耀日使鳬夷望之却走乎縱果能之而華亭之凋弊如故夷若出城有不攻之計郡中危于繫卵新縣必不能絕其歸路未大無救於本撥祇見其害未見爲利此用兵之可虞于分者五也

問餉則三縣軍儲曾無粒米一旦有警勢不得不仰給大戶大戶平時沮於華亭倉卒之際不廷辦房舍于新縣徘徊觀望豈能下尺一之符

致之新縣哉太平之日民遵首丘之義故奉上命惟謹若竄避鋒鏑則鹿死不擇音不能強走壙而之市廛明矣新縣既無大戶則直一空城與今日金山何異大戶既不就徵發于新縣復懼不免於華亭相率鳥獸散不南走越必西走吳則不惟使金山以觀望不守并華亭亦幾化爲空國矣此大戶之可虞於分者六也

夫郡中猶心胷而上青如腹背金山其手足也譬之一身有人侮之手足先當其鋒而後腹背可免拊擊心胷可免剗刃即爪指少有損傷而

九齋續集

卷之六

六

三五五

所全者多此緩急輕重勢所固然如以心胷代腹背腹背代手足心胷腹背既已受傷手足亦何貴於保全耶今欲鞏固金山而先令華亭受割裂之慘是寇未至而代爲攻何異懼賊傷我手足而引刀自刺其胷先剖其腹哉此形勢之不便於分者七也

華亭書隸千有餘人舉家坐而待哺不下萬口若設新縣則華亭之萬口不加減而新縣之書隸日益增此輩不讓奸謀不忠陰賊何以御飢縱縣父母有暇得肅清諸孽然室人凍餒號

眺走灰地如鶩勢所必至汰之則不足供使令
仍舊則奸宄如故幾何不增萬口之坐食而求
官民並受其福末之前聞矣清獎之利未獲冗
蠹之害萌生此書隸之弊愈滋于分縣者八也
新縣與華亭相去九十餘里率二日而至視青
浦之遙幾倍之士夫暨素封之家安土重遷家
居於華亭而輪挽於新縣風波盜賊險于姑蘇
棹而浦南水程不航一葦勢必取道浦中遠
者不下數十里波浪拍天海潮爲政征帆三日
歸帆三日而綠林豪客晝夜相逢揮刀如練萬
九齋續集卷之六

疾一生罄舟中所有不足爲贖命之膏縱免于
西塘放于伍伯而困中之栗桁上之衣悉殫于
道敝履躋繭足鼓枻拊寧宇無期辛苦墊隘
萬姓日生怨嗟必有慷慨不平力陳諸當事或
疏於

朝以言不便者則今日之利端造爲異日之弊竇
此道路之不便于分縣者九也

華亭既割幅幘窘於上海又將割上海以益華
亭則上海又不能支夫上海郡中之門戶旦夕
有警上海方不能守則新縣雖金城湯池無所

用之况華亭既割膏腴悉去瘠土僅存豈但華
亭無以爲縣抑松江無以成府遷徙之流離往
來之如織賦役之繁興光景之蕭索計新縣上
戶三年必廢爲下戶華亭中戶一朝悉登爲上
戶新縣立見其凋弊舊縣必至於逃亡數年之
內不煩寇至而民有奔走灰亡之憂其禍可必
此華上之區保不便於分者十也

抑又有說焉王者之政網漏于吞舟今華亭輸
額熟區歲完十之九荒者半之雖積書之弊冗
於牛毛然善繭絲者必不能爲燃犀之照果其

九齋續集卷之六

八

利析秋毫察見涸魚亦非

祖宗仁厚立基之意愚以爲寬賦薄征而爲道去
其太甚亦未必

國家之福倘取之盡錙銖燭之洞肺腑則

浩蕩之恩刻削殆盡奚第郡中元氣有傷亦非

國家和平之福更可慮者海隅丁壯踰島伐木乘

潮採鮮甚則行販諸國利心一馳雖槁項殞元
不能自己

國家時縱之以遂其生時禁之以防其漸此一張
一弛之道新縣初建旣多暇時復有餘方置之

疑國威不伸問之疑民情易抑必嚴航海之令始之奉公立法則誅求必苛繼之因私徇情徒橫索不已度勢難禁將重船之多寡大小設歲月輕重之陋規取盡錙銖征及負擔冤家借敗海之名以報私仇宵小借航海之名以營詐窟民垂誕于厚利何異饑者欲攫食而不能躑躅咆哮逾相鼓煽不逞之徒猝從中起或袒臂一呼而亡命畢集或輸情異域而鼙鼓填然咸時事之不可知者尤當于未建縣之初深爲之慮愚又問之詢于芻蕘建縣大事也必里中父老

九齋續集

卷之六

九

三百五

力陳其利諸縉紳先生力言其可合郡士民各建不拔之策

撫院 兵尊下其議于公祖 父母使尊

卑貴賤各極言得失有一利必求實見其宜有一害必求悉祛其弊務厭一時百姓之情杜將來求多之口則百世可以相安今也問之父老不知問之縉紳不知問之士庶不知忽相傳曰將建縣矣又相傳曰將限帶封城矣又相傳曰將置公署矣上疏矣未審建議者何人言利者何指所言公公言之所言私建縣無私此非一

家一室之事曷不言于堂滿于堂言于室滿於室乎懋澄率有天幸先人丘墓暨薄田微廬屬隸保之十三猶不失爲土著况草莽賤士改及郡縣廢興徒以忝列

門牆鄉紳士庶頻以

老師建縣之故苦相窮詰終無以對咸疑澄知而不言故述父老所云聊爲叙致又聞赴闕有期遂不暇修辭倉皇上之

記室蓋虞異時訛詬日生動爲口實則反不若安靜爲福况

九齋續集

卷之六

十

三百五

老師五年清名白足風起百世又何必舉此使後人指爲蛇足哉計是役也事成則恩無所歸事債則怨有所自令噤口於今日似屬委蛇苟掣肘於將來安忍坐視故寧諍之拂聽不敢退有後言至於倉庫獄囚前院張公祖已深爲之慮又離金山四里即平湖縣界臥榻駢踞意新縣必勢請割之越國鄙遠恐平湖必力起爭之茲何暇贅若夫陳建縣之策者獨執其咎圖始樂成諒言言不畫又非職競邁謀所能窺測者也澄曷勝惶悚之至

上熊芝岡老師書

去秋敬謁起居蒙待以破格之禮款以家人之情方欲朝夕侍側以罄愚者之千慮會榮冗多端而客子迫于冬令遂遄辭師臺更蒙賜以厚儀乏束修之敬喜虛往而實歸懷金玉之音歌既醉而飽德歸棹止於秣陵遂踰更歲六月始克渡淮伏覩邇來時事既不勝杞人之愚更不勝肉食之鄙仰天于邑思一吐之遑友人張無始丈云有便郵遂不避忌諱亦不敢徇世俗之事老師以自遠于在三之誼幸老師宥其迂疎

九齋續集

卷六

二

三五八

察其胸臆使懋澄得竭其愚夫東事昔年敗壞已極自撫鎮以舊疆界虜而虜之躡入無時幸老師悉復故疆而遼人始有憑恃自衛所以屯牧自弛而兵之芻粟無資幸老師力修屯政而遼人始得不飢自役弁以搗巢開募而虜之入犯有名幸老師勘明偽捷而遼人始得安堵若夫廣試額以修文德優邊道以旌武功議款而不忘邊事之修議戰而先申守禦之備特䟽獨免嚴覈邊儲而尤致戒于西虜之不可挑北關之不可疎石畫廟謨載於按遼疏如日月經

天在一朝諸臣有耳有目豈不知遼之得以少延

蹇喘者秋毫皆老師之力其勞書可當遼左萬里之長城其料敵足爲遼左千秋之金鑑澄意秉國鈞掌司馬操銓衡司臺省者必首舉老師以當折衝之任不啻以百口保之乃數月以來推經畧則楊撫臺矣大將則杜總戎諸李氏矣夫若楊若李杜非老師所欲借上方以謝遼左疾事之人者乎而第以人心不死直道難忘推老師以監軍之任此其爲謀誠工爲計誠巧而不知二祖在天之靈所欲食其肉必在畫此

九齋續集

卷六

七

三五九

謀之人哉顧當事如此猶意內外諸臣必有一知老師而因循至今曾不聞有上一䟽出一言爲

聖明推一能任事之人老師試思當今任事之人舍老師而誰此非懋澄之阿私實老師可以自信者而絀口如啞側耳如聾心非不明也若掩之而昏見非不定也若撼之而不動嗟嗟天下事至此而猶謂不可知耶以澄料之遼左一隅也建夷小醜也一二祖驅夷闢夏之德功在天

地累朝宣猷禦侮之勲謨在人心縱令任非其

人策失於筭猶可支持數年第當今與如此之
人諮謀國是而尚能振

國家之元氣乎衰頹之徵於今悉見矣惜乎有英
明之

主上而無救時之臣工此澄伏於草莽而為賈生
之慟哭也乃知

國家之事不至於潰敗決裂不能使豪傑自展其
才噫使豪傑自展其才而又豈忠臣義士所忍
言哉惟有嘆息流涕於愼事之先耳然丈夫精
誠可以格天貫日忠赤如老師乃吳天及

九簫續集卷之六

三

二祖所必簡在者澄意有

祖宗在天之靈雖舉朝諸臣噤口結舌無一人能
獨推老師而

明王之憂必發於九閭何以知其然哉以當今能
任事之人更無出老師之右也況時事如圖會
嘗有變幸隨機以應之聞監軍之

請已別有人令前日下監軍之命澄亦謂老師宜
不日就道蓋人徒知薰蕕之不可同器掣肘之
不可取物然我秉炎威而薰蕕惟我焚炙也我
操鉞鋒而掣肘可擊斷也彼能墮墻壁而獨以

身當斥禦乎能勤供臆而獨以身代屯牧乎能
復寧搗巢而獨以身任無咎乎同舟而共濟君
子在公之心因勢而利道君子處變之術無為
今之深交我者為同心也有干予焉今日之顯
推我者為同好也有吳越焉又母謂今之明與
我背者為水火也有未既焉老師持之以正而
衡之以權盡收為國醫之用則牛溲馬勃可承
藥籠之乏何必參苓而後用之是昔之仇我者
皆可急收之恩以資今日之用也夫以今日之
仇皆收為我之用而我之所以報

九簫續集卷之六

十四

三

國家者用意不幾若用心不幾深乎而澄更有未
盡者十室忠信豈遠逾千里而無通達夷情如
劇孟者乎今天下生齒日繁四民之失業者不
無其人昔趙全走夷而饒達時動北撤汪棄入
海而島賊日肆南侵矧兀术之母走也以言生
元昊之西帝也以二士老師為

國深謀亦常項天綱以奄之乎設羅之幕下可以
得其效力緩急亦足為用非第若文人之含毫
吮墨武士之援戈飲羽已也自古忠臣遇事遭
迫有不可以告人而可以告天者大都出此幸

老師少留意焉懋澄抵燕當寓書東諸侯之知
已者極陳利害以明東事非老師必不能克有
成功世豈無肝膽男子期得一能任事之人而
任之干城令

天子無東顧之憂澄不忍謂四海終無其人也惟
願老師善藏其用用人而不用於人制人而不
制於人當大變而不撓履大疑而無動則所以
副

二祖在天之簡在有不在旦夕而在萬世於此出
矣無始夫熱腸不愧上古每從縉紳稱述老師

九齋續集

五

三百六十一

不憚口噪唇乾而聽者終無嘿嘿即此緇衣之
好此其人終不負

國家不愧衾影意老師必不以倜儻人日之而奚侯
澄之談談又微卿居可言之地者近與韓求仲
丈相習可就韓圖之必得要領澄感老師壬子
國士之遇故不揣迂踈而陳其冒臆伏惟垂宥
不勝戴首之至

九篇續集卷之七

華亭宋林澄幼清甫著

友人張京詔大始甫校

啓

議修家譜啓

敬啓宋氏家譜修自先叔父遜菴府君於今幾四十年矣中間各房之盛衰丁齒之衆寡缺而不考將有遺忘之虞况遷徙不常屢有對面不識之事慈澄仰思先父方林府君敦睦之誼欲再修焉自揣德薄才謏無以敬承先志僉議共九篇續集卷之七 啓一

推謙之二兄爲宗望所歸懇力任其事慈澄不敢以迂疎自外從旁將參末議凡我同宗上自尊行下及卑稚共鑒微忱乞于遜菴叔所修家譜之後各書本房存歿名字排行兼書母氏室氏務令昭穆不失其次子孫不失其寔博聞者不妨兼攷夫別房自守者亦乞各明其世系或每房共推一人各集見聞期陸續送至謙之兄處以便參酌至十月展墓將大集舉族而考異同焉抑白沙府君之作家譜自一世以至十一世如史記之年表其考究尤便今將摹倣其法

列爲數卷又白沙公于紀世之後人作小傳直寄褒貶以寓懲創于今日彙倫幾墜之秋尤宜嚴於斧鉞不肖亦將與諸父兄謀之乞各書所聞以脩討論俟家譜旣就暨白沙公家儀家規家要以次受成母曰曠日持久以卑議尊槩格之不舉也

議立族長族正啓

吾宗先世代有族長綜理舉族之事卽當懋澄時猶及見秋塘公主張族務而先叔父遜菴參酌其間斯時豈無刁譎之徒師智于狐鼠顧不敢縱橫者良以兩尊人左提右挈能持其平故也自兩尊人相繼謝世而吾宗之奇踪異跡日盛月新其暨于今則益有不忍言者斯皆散而無統公論不伸之故耳懋澄蒿目時艱欲塞罅于蟻穴思復立族長如秋塘公之叙尊者焉更立族正如遜菴公之辨賢者焉倘其人果賢雖

九齋續集卷之七

三

位不及遜菴公亦當舉之以重其任專其責不妨一正一副上以佐族長之定議下以參族議之攸歸非正直無私聰明才幹者不可竊議得叔祖思愚公德齒俱尊相應推爲族長又議得叔父近塘公及二兄謙之公皆德洽衆心才堪理劇相應推爲族正此外雖才德兼優難于枚舉而或在城中或限于叙似未屬便但澄分卑言輕且非可以一人決者用此不敢自專請之舉族如果輿論僉同上自叔父下及諸昆乞各書尊號僉押于後俟衆口一辭澄將聚族告之

祖宗申明家法以振衰宗其他一應事宜俱聽族長族正設施澄不敢贅

九齋續集卷之八

華亭宋楙澄幼清甫著

友人黃元會經父甫校

祭文

祭焦茂潛

澄之少也好奇其言行世人俱驚且怪獨茂潛
賞之每一言出輒抵掌以爲名理當是時不肖
好言

國家事往往上書執政而茂潛以藏輝非之無幾
何時而余以病出都門越明年茂潛遊三吳盤

九齋續集卷之八

一

桓累月別去嗣後不通寒暄者數年癸卯冬共
襪被燕邸一夕已而茂潛落羽歸苦目青壬子
余旅金陵十月竟不得相視而笑于是肖之
奇若廣陵散矣夫奇中行之流而爲狂狷者也
中行之真必爲狂狷堯舜之天下伊衡之千駟
狷耶狂耶有狷之心其發必狂有狂之跡其藏
必狷伯夷之狷而狂于叩馬下惠之狂而狷於
坐懷譬之神龍潛於深山狷也飛而在天狂矣
然雲行雨施天下濡其澤惟中行之聖庶幾似
之則中行狂狷寧有分耶雖然能爲奇行者其

言未必奇以言近於洩耳則予兩人之不以奇
行聞也夫亦奇言之過歟嗚呼又焉知茂潛之
奇行不借予未歿之身發之乎則兩人之歿生
非細故也倘有奇以貢

國家之光又奚分爾我與世人哉久矣茂潛不聞
狂言矣今日奠一杯於松風溪水之間而興言
及此寧不爲之噴飯

祭殤兒存仁文有序

余於虎兒龍兒之亡皆有誌今仁兒又亡欲作誌不能矣于其將瞑作文祭之曰

嗟乎汝來而我何以不喜豫疑汝之去也汝去而我何以不悲固疑汝之來也汝如客而吾如主事頗尋常然目之滌心之神家之貴內外殊以爲煩豈汝之來痛去苦悉以身試之而顧樂此不爲疲乎人云兒女之殤爲索負若索負而膚苦如是雖利百倍亦不索矣抑索負之來去也必將以酒今以藥爲子之送迎其苦異味似

三

三三三

乎蓋失賓主之歡汝得無愠乃翁之不能爲主乎嗟嗟生淮以藥殄洸以酒食不下咽飲不成散客亦不能惟矣賓主失歡而散回念昔年締好之時其利斷金能不生故交之痛乎霰時集于雪先風微淒於月睇黯然覓消者其惟此別乎樂莫樂今新相知斷金之締好也悲莫悲今生別離索負之絕交也悲不堪叙于汝之行敢寄語於司命乃翁而法當無子則索負亦別有法不必爲殤以自苦翁宜有子以繼而祖之祀則翁亦有母錢於嚙音豈無一人希子錢相

耶庶償者之來而勿去也翁貧甚更憊甚急欲索人負矣汝幸勿作殷洪喬之浮沉并願司命毋以余言爲耳瑱也嗚呼尚饗

祭馮元成先生文

嗚呼自先生之遊九京也四海皆謂

朝廷失一老成文章失一司盟乃澄更有隱痛隱憂不在老成司盟而在世道夫世道之隆替徵于陰陽而理微徵于風俗而遞變故先王于陰陽風俗委之宰輔封疆之臣而厘採五方之音以觀王風王風者田畯紅女成之文人騷士飾之而所以養文人之生氣生色者非二三賢士大夫不以聞之君父互相吐握默致太平之治者乎澄生也晚聞知者爲會州先生若李本寧

九齋續集

卷之八

五

馮元成先生則從遊最久三先生皆嗟吸兩漢吞吐六朝其視前代曾無有偶俱之者而下士若渴四方士歸之如大海之納百川士得三先生一札則羽翼生一言則寒灰舞因是以發舒其意氣遊行公卿間藉吟咏以代縱橫家言恃唇舌以代古任俠士其最下亦能使酒罵坐公卿率以三先生故多優容之夫優容一狂士似于國家之元氣無關然四民惟士鍾宇宙晁靈之氣士數奇於制舉而授戈貫弓又不忍低眉人前不得不借文詞以洩其忿懣不平彼不平之氣

每好凌人有三先生履露之因得海內縉紳先生優容之則不平之氣皆轉爲陽和何自而不生太平之景色觀于

今上辛卯已前可知已自

朝宁之間不知何意而沮尼三先生于是縉紳之抱奇才負盛氣者逞衝車馳突騎欲以偏師抗衡三先生先生雖不屑與校然所謂狐嗥其穴斯文之不祥起矣天下之能搦一字成一韵蚌蛛初孕崑璞甫攻無不起而與三先生爭輝毒逐三先生憂讒畏譏僅堅壁深溝以御輪攻又

九齋續集

卷之八

六

何暇養士而縉紳之偏師墨守所以然者人人自以爲得大將而不收養士之益也尤有異焉宗京山則攻瑯琊宗華亭則攻京山宗李禿中即伯敬則不持一搥張空拳奮變足以侮三先生騷人墨士從而勃之雅道淪亡矣無何王先生卒兩先生浮沉仕路文章之典刑幾無以自存而士之窮困來歸兩先生者若落瘡之禽聞鳴弦而殞安能附青雲之士以自致霄漢使翰音戾天哉不過如振羽之翬附砌成羈其音細尖細甚則民不堪關係豈淺淺哉向令縉

紳之抱奇才者共尊三先生三先生不惜齒牙
獎借時彥四方之士庇兩先生宇下雲附景從
加以

聖主之教育賢輔之吹噓以暢達其神情文章詞
賦當有傑出於

世宗之朝雍和之風成而明良之頌奏

國家蕭瑟之氣未必若今日也今海內諱言文章
之日久矣縉紳之號為好士者遇能誦邸報數
章識權要數貴人則謬為恭謹不惜杯酒延之
上座其最上客能陰陽于時局則稱俠士

九齋續集

卷之八

七

如是主客在黃髮而口尚乳臭亦能勉之果可
謂能養士乎為其所養者果可稱文士乎俠士
乎而文章之士焉得不從業乎今天下奇士不
屑為古文詞矣乃壯夫少年舍制舉外又無所
以耗其雄心設有若唐李之黃李者求一逞其
志患且不知抵止則世道何可一日無兩先生
為文士之西豪哉夫兩先生為

天下養士氣生士色士皆相忘於寥區而縉紳士
大夫亦畧而不察則兩先生之默有造于

國家非淺鮮矣噫當今四方多事苟當局者存兩

先生好士之心何患不得國士是文章外更有
好士之道在所可痛者自以為姬公復生而不
知姬公成東征之功在吐握今縉紳非特不能
吐握也含蜚沙攘鼠社嚙故交於几上爭相割
烹庶幾一嘗以狗食指其人更出驕吝下萬倍
令天下之士倣效成風禽心獸膽豈僅羽毛哉
此澄所以既為馮先生痛而又深為

國家隱憂也嗟乎自文章之道不尊使才情曠世
若董先生玄宰不專志詞場而游情於藝圃天
下慕其才藝忘其文章又并才藝嫉之致鄒毘

九齋續集

卷之八

八

陵先生輩皆弃文章而托于他好若此而文詞
士安得有生氣生色乎無惑乎頌聲之不作矣
人知先生為文章宗盟而不知先生憂

國最深故澄不以文章痛先生而痛失好士如馮
先生者為

國隱憂如左雖然士有不屑受人之吐握其人雖
姬公豈得而吐握之哉吾未見其人其人亦未
易見也

九篇續集卷之九

華亭宋楙澄幼清甫著

友人吳奇杰令平甫校

雜著

小論一

袁微之歿嘗思見微之不得又無可與言微之
惟王伯橐可與言微之與伯橐甚不似然舍伯
橐又無可與言微之也假令微之在與之言伯
橐亦未必合微之即伯橐見微之亦未必合也
然而舍伯橐又何可與言微之吾安得盡天下
之人視其人有似微之者而與之言伯橐乎倘
得其人不言伯橐可也并不言微之亦可也

二

壬子冬同伯橐北上伯橐不嗜殺鷄鳧俱取之
市余則非殺不食同行訝曰即君何以不法金
壇對曰金壇昔常法我

三

或憂當今朝野有南北黨之分余曰否不足憂
也東漢之黨也以氣節唐之黨也以勲名宋之
黨也以議論今日之黨欲求高爵厚祿而已既

以爲相爲六卿則無藉于黨而反憎人之黨彼
附之者亦忿其落落又顧而之他矣何足慮哉

四

隆萬已來三場可謂有經書表判而已論則無
異于策雖程文亦然夫策以應人問舒已意也
今也華而不實所對非所問自昔嘆之矣程策
雖切然亦輪渾不轉第勝先朝之兩扇耳顧無
募極矣安得有巨力者一洗其陋如兩漢唐宋
乎若有志之士必所耻而不循

師畜解

九篇續集卷之九

二

戊午客廣陵每事纖畜經月會出視他月省十
之五自快率此可無囊空之嘆十八夜偷兒發
一箱失金八兩有奇他筭一無所啓知已附致
筐篋朱提若干甫戍刻至幸封題宛然喜偷兒
之薄心甚感之予寢必然燈一夜索若數四是
夕登牀而焰燼睡訖窓明噫盜盜亦得天助耶
抑盜有道歟令予浪費猶前失不若是多也畜
幾何時而喪我隨至囊九戍空事天事人果在
畜哉意我之畜於道猶有間也若薄取如偷兒
不後不先合天而動符于畜矣吾棄吾畜而法

嗇於倫兒盜機其先天下而知先天下而見乎

得玉說

友人張若侯有玉印溫潤瑩白流光可親云少年讀書武林山中耜地栽花得之文曰布衣食粟已而若侯試童子科起輒蹶從此不兢仕進曰造物誨吾而假之玉也因決意游閒讀書賦詩不染世味遇異人授不灰術而不求人知玉固不負若侯若侯亦不負玉矣苟人而負玉布被脫粟雖開東閣玉其如若侯何今海內生齒日繁士女寒不裹布飢不包粟衆矣豈非爲妄

九齋續集

卷之九

三

三十四

心所驅多求而不以命自安哉吾安得罄崑崙之巔揆秦相之腕而人賜之王盡如若侯玉文所云也噫如若侯之獲不可謂非天所啓矣不然白首博士家言而足不出井里目不窺墳典以窮愁終身曷可勝記又孰能與若侯較得失哉然若侯方壯年事固未可量昔少陵潦倒天寶之間其詞賦不憂身家飢寒而時時爲天下申其疾痛當時天子若效先王採風擇其言用之唐之天下豈遂困于夷衡于河北舉朝分黨而貂璫竊柄卒以流離割裂終哉若侯時當

聖世下筆存救時之心精誠不滅豈可盡虎視獸可符鴻儀不露飢寒之態則六合藉以生春不觀

世廟時文章不徵蒼黎之溫飽此誰非皇天之靈蠢而度外置之是若侯之終不負玉也亦王之終不欺若侯也此造物意也亦若侯之報造物也

耳遇軒說

三

承先人薄田散廬辱在青衿不敢諱貧醜窮然一生無有餘之金猶然貧矣魚臺與齒賤矣貧

九齋續集

卷之九

四

三六

且賤焉人之侮之忽之分也分也而不耳焉困辱且隨之矣可不戒哉因名所居曰耳遇軒無遇不耳而蚤夜之遭鴈影也鯉激也野馬之翳天也且無耳也有不耳乎未也夫亦曰優之辜境也則耳者乎彼其于順逆也寧膺心耶不耳其勿肖已是可以語甘

跋唐人傳奇

三

無雙傳載古押衙事乃唐隱士有志不伸屏跡山林寓言以譏當局者是時天子號令不行於河北如文皇以一旅定天下之語不足以動楓

宸于是有才而被抑者耳披緇拂羽如老僧爲
殺武元衡之盜媒歟猶恨不見洛城流血而劍
術中使即君不得盡伎殺兒若比于神仙以自
快其志隱隱痛絕可憐而節義士又耻於應藩
鎮之辟憂忿激烈如屈大夫之牢騷而悲歌不
足以當慟哭遂托怪異不經名爲傳奇以諷君
相之弓旌吐握其曰押衙賦簡兮也曰崑崙奴
刺諸夏之無也曰紅線曰聶隱娘恤締憂葵也
盖一以譏當時有用之才不仕天子而爲藩臣
用再以譏諸番將之負恩曾夷奴之不若又以
譏秉鈞持樞之男子持梁刺肥而使女子得逞
其奇是婦人舉朝矣噫其意奚止痛哭流涕哉
而卒不能警動肉食故唐祚卒抵于亡我因是
而知張濬崔胤其未嘗觀此而不生感激歟李
茂貞輩未嘗觀此故不汗顏歟朱邪父子未嘗
觀此故不知臣節歟死於濁流之諸君子其未
嘗觀此而不念風雨飄搖歟嗟乎來者猶可追
吾願當今禮樂諸君毋忽傳奇爲不足觀優人
無言外之意假令唐人而在今日不知摹擬隱
諷又何如也嗚呼有唐當文皇全盛時而文士

作李藥師傳寫虬髯紅拂之神情隱然呈露
多奇譎而婦人不忘襲仇甚矣唐人之安不忘
危也

募三保橋疏後跋

精衛填海愚公移山水名千步如海間關橋幾
百仞前路漫漫勇矣道人行不知止石從何來
工從何始粵右洛陽宰官曰襄有女如花觀者
若狂爰資厥功日就月將稽首吾黨喜捨惟心
各捐糲米可以成倉共拔一毛條焉象王曉彼
美人宛水中央若人不見豈克成梁借精衛口

貸愚公手儼觀音相并作道友計日可成何煩
四走

美人盟言

泰隆丕升天地精靈之氣不鍾於男子而鍾於
婦人始來復往古今意氣之交既協於同人而
符於歸妹自盟之後倘東孟之有事詎期蒞醢
以楊名若廬曹之濟師幸賦馳驅而歸唁倩連
枝於花萼貸鳳管於墳簾宋王高唐陳嘉辭而
云對虬髯逆旅看理髮而無心聲氣不在清言

急難豈徒酒政寧對鏡而罷舞豈曰無衣毋看
花而不言第云解語

俠士盟言

其某相遇金陵遂成莫逆慕古人高風相與結
爲兄弟敢邀鑒于

大神自盟之後摹修範過如明鏡之無私歷煖
經寒若四時之不爽相期于漸陸共作羽儀或
塞于匪躬共茲肝出此二物締以千秋若聞
茲盟明神是殛

東征紀畧萬曆四十七年

九簫續集卷之九

七

已未仲春二十有二日出師先一日京師大風
黃沙帶雨沾人衣赤雲翳天天文家云色如屠
血其國兵大敗他占不載朝議欲敗師期而已
無及經畧公用古行師不刻日編陣一軍出西
方一軍出西北一軍與北關會山之北
軍將海師合高麗攻其東西師大帥杜總戎松
而劉總戎鋌將西北軍李如栢馬林等爲後援
師號十二萬不滿十萬人杜將軍爲西墻名將
勇且廉戊午師出潞河潞河人聚觀之揮汗濕
郵亭將軍裸形示與人曰杜松不識字武夫惟

不學讀書人貪財害死耳衆見其刀箭凝如疹

豆兒十朝時間有紅處乃良肉也相與揮涕咨
嗟而去劉將軍少年立功黔中先叔參知巡金
滄見劉列駿馬五十餘跳躍其間來往輕于舞
蝶當征關時於大營斬三大牯頭隨刀落刀
三提而已征東後平播酋功最上議者擬匹寧
遠功會獻俘所上惟象床三十六他物率不稱
聖天子心疑經畧已下有私遂停賞格最後官川
中茂著成績挂簡東歸予不識其面時有楚行
劉泊舟九江赴司道宴酒半將家丁五百習戰

九簫續集卷之九

小八

三六

藝場家居日費私財五十金養疾士蓋一日不
忘報國者素畏杜稱曰太師而不知鋌威名
自將精銳三萬人應杜而使別將將弱以萬餘
禦劉杜先戰期三日抵渾河渾河險窮處從
坦地橫絕其中以分東西者也日已晏矣諸將
請安壘休息明晨東渡杜將軍怒曰義旗東指
孰抗顏行乘勝而前何期之有遣人視河河水
不遶馬腹而河中浮小舟數十將軍大喜謂天
人俱助且耻乘舟將裸形策馬諸裨請披甲將
軍大笑罵曰入陣披堅豈壯夫事老夫束髮從

軍不知甲重幾許今日汝曹乃以此相苦耶不顧躍流而渡諸軍競進渡十之七。使人決上流師衝爲兩沒於河者幾千人渡河將士反顧生寒陣甫成而暮黑霧障天。萬炬忽明火亮下斫暗中人我師不及張弓輅而將士成泥矣。光中識杜總戎爭射之傷其肉立盡并獲杜號矢號矢者軍中稱令箭乃經畧授之總戎以驅策偏裨者先是劉總戎從西北渡破賊二寨斬三千餘。始怖劉節制既破杜師乃復將其精銳北應劉將軍使蒞降人之黠者詐爲杜將軍材官持號矢晨馳至劉將軍營告急曰杜師邀將軍威靈幸抵城深入敵疆虞攻之不繼敬遣材官某請將軍會師夾攻劉遲回良久曰予與爾總戎雁行安得傳矢是裨我也僞官曰矢雖以令偏裨而令偏裨實不俟矢此矢之發爲事急取信計耳劉不反思咤曰出師時相約傳砲爲號今師抵城下何不聞砲聲官隨應曰地素無烽火晨始列騎代斥候此去城五十里馳三里傳一砲不若一騎之驅校速劉方首肯而僞官已叩首馳出交和矣還報

曰劉將軍侯砲乃行於是下令傳砲而砲未傳前劉心已動恐杜將軍獨有其功令諸將拔營而東老弱各人持鹿角枝繞營如城遇敵則置鹿角于地轉睫成營。騎不能衝突我兵得以暇列置火具。前隊斃於火攻則不能進我乘間出勁騎格鬪肆出肆入疲則還營少休而令息者賈勇且劉之火器妙絕諸軍生平所恃以無衡者此也始聞砲聲猶敢陣而行行未二十里砲聲益喧心搖搖惟恐足之不前設杜先入城則宿名頓墮乃下令弃鹿角而趨行里許而伏兵四起劉旅不復整矣長技不及一施衆遂殲焉劉之輜重公私悉爲有喪大將軍七十有九大將軍火攻之最重者嘗聞之鄭太司馬即君云大將軍器非抵城下不發一發決血衝三里草枯數年舉火人官百長費數百金不成一具而他物可知已杜之餘師暨軍資阻河西者尋被掩擊歸不萬人是役也喪藩臬一四大總戎士卒九萬人軍興已來賞三百萬生獲我馬四萬餘虜乏惟馬耳西遂請增賞朝議久之不決然所請甚微入夏始增賞萬

金西、債賽抄化火慙免慙媛兔諸
元遺種而金人雜其中南北關與
北關號太師以金故官稱

祖宗朝裂其地分長之蓋有深意自
併南關國家不救而始強無故畀之地七百里封以龍
虎將軍復與之盟而驕益溢北關控弦僅八
千騎然超距敢戰抄化婿於化婦歸寧從
七百人道出北關北關踵其尾斬從數百級
以捷聞

天子嘉其功擢若干縉後知所斬非而功不
九簫續集卷之九

繇擊刺因寢折馘功故我師有救北關之恩而
北關不德至是我師戒期北關初許會師而卒
無一應如栢等又望風全師杜劉竟以無援敗
憶安南之後無是鈎父矣議者謂總戎衆而無
元帥似唐九節度之師

道事

父某王杲部將也降李寧遠爲鄉導討杲達
返八日而擒杲父既負不賞功寧遠意其有反
狀基以火攻陰設反機殺之時甫四歲寧
遠不能掩其功哭之盡哀撫二孤如子年

十六始出之建地其於遼左土著也

一兄一弟皆以驍勇雄部落中兄弟有謀始
登壠而議既則建臺策定而下無一人聞者兄
次弟稱二都督疑第二心伴營壯第一區落
成置酒招第大會入於寢室錮鐺之注鐵鍊其
戶僅容二穴通飲食出便溺弟有二名裨以勇
聞恨其佐第假第令召入宅腰斮之長子數
諫勿負中國亦囚之一云殺却

一日微服觀寧遠校士謀者獲之寧遠異
其相中夜解縛厚贈縱之去故德李氏似

九簫續集卷之九

出妬口彼雖叛乎然大都有氣管呼承恩將
襲父官司馬吏故難之呼誣大司馬前有任子
其爲司馬屬官異其相擬明日置酒肉呼之酌
而是夜已去矣氣亦類呼蓋未嘗一日忘
父仇也

傳聞雲中孫總戎曰管歲領犒遼陽城下

見分命從微犒給羣胡自進嘉肴酒酒暢
飲旁若無人孫不勝忿請撫臺詰叱之撫力阻
乃已

之先男而無偶天降仙子配之同北魏書所

載故婦肌白於雪膚若凝脂髮至帝青長垂至地手疑春纖

九邊俱不毛惟產珠及參與貂最下赤

松子界鴨綠江而居珠江出也魚甚肥又東北走數千里爲生中國徒知其幅圓三千里不知東北數千里戰敗復可匿形東多茂松貂巢其主張弓焚巢則貂墮於羅

歲貢蜜燕開蜜市自癸丑後不貢至丁巳相傳煉蜜爲糧梁撫臺疑其事未敢訟言于

朝密使遼陽材官蕭子王僞稱都督

九齋續集

卷之九

三

三

命問故子王盛其儀仗東臨境不郊迎子王

大怒詎曰天使儼臨而大都督不出是辱

皇朝也歸將問罪問之歡然屬索鞦韆迎道

左供具豐腆踰昔子王大喜相與盡歡明晨致

詰不貢市之命從容對曰本部之蜜猶

天朝五穀也五穀有不登之年

皇朝將誰是詰耶本部五年來花疎蜂次是以不

供俟春枝花滿釀熟蜂衙當復貢市如初此環

事耳何煩

聖慮厚贈子王並轡而出至別殿徐從馬上撫子

王肩笑曰汝是遼陽無籍人蕭子玉也安得僞稱都督炫我郊圻我非不能殺汝奏之

聖明顧不忍貽

天朝以辱耳爲我致意撫臺後毋再作許事子玉狼狽西奔撫臣聞之閉門累日

戊午冬子遊薊左薊人咸云苦飢一日啜

粥二盃予曰實者虛之此未可信及還燕京亦

以乏食爲喜予對如初衆喜弗替追劉總戎

破數寨五穀滿囤

破清河先一日其子猶與張總戎夜飲極

九齋續集

卷之九

四

三

洽酒酣二子忽叩張云屢勸家君止戈而壯心

不已假令終違苦心元戎何策禦之總戎時已

醉盛稱中國威德蕙楊已長二子微笑而別明

日驅貂參軍數十乘入城貂參窮而軍容見因

內據城門延入諸騎故清河之破視撫順尤速

一云李

遼左之人生二子則以一人私役于

給

之銀暨貂卒歲而歸值滿十五六金

掠錢無所用之高積如山欲歸者界銀三兩

令盡力負錢命所過給以飲食負重者致腰背

盡折

年踰六十矣每夜置酒諸妾處惟意所之
一夜常移數十處其蓄妾置酒英雄欺人耳當
事者效之何異東施顰眉

相傳渾河之戰劉總戎殺其第三子疑信相兼
諸子中次于最雄噫七子分將後漢封虜子
二十五人爲單于可師也

戊午冬慮中國進討九險峻處皆掘坑塹伏
兵山隘所居沃水作冰城此

成祖保燕京故事也得撫與清墮而不守往事所

元簪續集卷之九

十五

三五八

無蓋自策不能遠有全遼也日月不居若深溝
高壘以俟其變關之夾有故事在

俘二城人盡削額髻間髮惟餘頂作弁胡服
雜諸中臨敵強使之前

中國但快殺虜而不知皆華人也師托跋佛狸故
智

跋後

余已未南還病啖唾血不聞東征事於迦河遇
尚寶岱芝姚先達始聞喪師之詳尚寶壯年而
留心經國將談笑偃息而却敵者也夏風燄金

昌馮元成先生索閒見于邸報外燕令陳之櫓
墨夜歸然燈聊述燕薊南還所聞因付剞劂省
應對親知之煩若元成先生禮士好問真可與
言天下事矣先生素以國士遇余多病自廢烏
締烟壇猿邀月嶺何人間之有故置成敗勿論
所善陳仲醇聞其脩集遼事貽之以識江漢之
宗

其鵠旅人述

乙未春賣集卷之九

九篇續集卷之十

華亭宋林澄幼清甫著

友人錢希言簡栖甫校

鳧旌錄叙

余於癸巳抵新安道經武林迄丁巳復從武林之江右不覺二十五年矣復自武昌隨江東下息肩金陵山川如故而老壯異情爲之愴然更數年化爲異物竟無不之也則往來更輕矣輕則于游了無礙也奚今之拘拘爲哉美鳧旌之飄飄遂以名篇

九篇續集

卷之一

一

三六廿

西湖

丁巳秋日買舟從武林昭慶經斷橋而入西繞孤山之北北望山下多園林之勝抵岳武穆墓鼓櫂南泛水淺遊魚可數餘艘不能致也六堤在艇之左因抵雷峰袁高武忠肅祠經湧金門復廻湖心亭登西湖書院再入斷橋登大佛寺而陸竟日行藻荇中爲白鷗所猜時掠我竿櫓而去

七里灘

水至七里灘漸清過嚴州徹底矣若人行明鏡中則蘭谿已西始

觀潮

余以丁巳八月十七觀錢塘潮其始至也如衛霍提師穹廬格影先聲則電母鞭空亂山傳響兩岍之勢錢塘先驅蕭山後勁萬蠲不俟其至擊楫逆之如鷗鷺之沒而復出

飛虎

萬曆甲寅乙卯間嚴衢忽有虎如赭馬項有朱鬣自首迄尾長十餘丈踰山越澗無翼而飛隨

九篇續集

卷之二

二

三六五

風立至閃爍如電行空食男子自淫具至心肺女亦類是設十人遇之惟其所擇伴死與箝口者獲免出聲則舍口中之肉悉立殺之非人不食兩年之間所食約四千餘人獵者集徒兒布網困之雲霧忽興俄失所在傳聞更殃新安諸郡竟不知所之先是三年有樵夫王天舍路遇老僧要至王大鼻店市脯沽酒與天舍痛飲酒間僧訂約云三年後某月日倩檀越爲老僧開疏酣暢而別天舍每嚮大鼻言若老僧來當爲首倡少酬壺漿至期虎首嗜樵夫大鼻始悟老

僧蓋訂樵開齋也或曰此爲批猓先是數十年有類是獸登樓噉人爲獵夫所殺友人毛上池暨爾受親爲余言余疑是霧豹

陳氏鐵符

江陰泰興兩厓相對岩下各有穴可以貫索居人編竹夾舟其中風浪不爲動習者從竹上行如鷺每歲七月十五至十月截江而漁羣魚從蜀楚糾纏而下大者百餘斤一日經宿而起江流之駛至於刷骨

國初陳氏與某姓爭業至厓

九齋續集

卷之十

三

下上六

宸聽

太祖命置鐵符沸油于鍋沉符鍋底令兩家能探之者許專其利陳氏有老人將八十念棄餘生爲子孫謀忻然探符出鍋肘隨手而墮

太祖遂聽陳氏世擅之老人年至百十餘歲而卒子孫甚繁至今他姓卒莫能肝友人顧仲卿述

蘭谿

自蘭谿而西山皆散而不合四走若舍流而逃

二

蘭谿南約五里山至此塞水口甚隘南岍去山

稍遠水至此照見鬚眉不若蘭谿已北水深淵迅也

桐廬

桐廬有西浮屠東西相對縣治居西南嚮在江北岍嚴州全蘭谿北西嚮在江東南岍

龍游

龍游亭步驛在東南岍縣在內六七里西行至陳家灘水溜如注

開化

常山西上至開化一路之江山抵清河上涯三

九齋續集

卷之十

四

三言九

日有奇而至浦城復下水抵閩中自蘭谿而西多溜

衢州

衢水魚不滿咫尺身斑如花漁人下網訖以繩連鷄鳧羽雜鐵替鏝流沉之魚見羽皆不敢出還趨網中土人名野鷗鷄

常山

常山與玉山鄰以草萍爲界各四十五里而草萍屬常山客多餒于此兩縣夫各就歸途易荷顧常山上涯客衆而經江右者多從大江東下

故玉山之夫每折節下常山于是常山人率不
至草萍行二十餘里而止以俟玉山夫踰界若
常山夫過草萍則索玉山夫貼銀三分稍不如
意輒加毒毆玉山人恨入骨每欲甘心焉故常
山人灰不敢至玉山行客督責百端卒不敢前
必使相易而已遇後于官則重質常山人自代
雖數銀不惜然常山地窄乏水山粮與平地俱
每畝六分甲寅至丙辰魁崇槁禾民皆逃餒四
方縫掖子弟負擔僅猶能自給終不屑與玉山
人校然雖仇相易而過客行李有踰夕始至逆
旅而竟不失纖毫則常山所乏者富耳豈待教
哉

九齋續集

卷之十

五

五

玉山

武安山爲玉山南崇峭拔可喜巔有塔南復有
十里塔

二

玉山東嶽廟九月十五燃香山人合江浙閩數
郡聚艘數千市貨呈伎道路爲塞

巍石山

江右饒州巍石山宋岳武穆詩巍石山前寺林

泉勝境幽紫金諸佛相白雪老僧頭潭水寒
月松風夜帶秋我來屬龍語爲雨濟民憂又于
桃山驛遇王喬岳鍾靈讀其送友人詩云南渡
已三紀衣冠今幾存去國權臣力全身聖主恩
字字飛動惜忘其半得詩人之度不減張睢陽
今其後鼎貴于攜李意其所收遺跡更有異焉
者矣

嚴州

嚴州一水之新安一水之蘭谿新安西行蘭谿
南行

九齋續集

卷之十

六

三

龍游

將至龍游驛有塔稍近復有白塔將抵衢州塔
色亦白塔在鷄鳴山南龍游亦有鷄鳴山對鷄
鳴山南一路通處州二百里春水發則山水皆
從此山下亦通陸

周宣靈王

宋淳熙時人周姓名雄字仲偉杭之新城人母
汪氏夢龍浴于金盤而生事母最孝嘉祐初汪
病命仲偉禱于徽之婆神仲偉力辭母怒強之
客途念母心悸因次衢境聞訃痛絕而卒友人

衍聖孫孔文遠後裔師胡伯二賣舟結廬祀之
遂傳爲神

太祖命毀淫祀鄉人以孝子行列于郡志爲請因
得不毀俗神其說稱後殿立像猶是肉身又云
神爲長年咸妄言也第衢非還娶之路豈爾時
同母氏復遷他縣耶萬曆間神忽托夢吳人立
廟北寺之右傾動一時玄妙諸觀爲不靈期年
有人復夢神辭吳而去妖由人興信也嗣後吳
中寂然而廟貌猶存

衢橋

九齋續集卷之十

七

自妙村至陳村王步茅村數十里皆樹橋曾曉
過茅村南岍烟景如畫旗出龍游張家步膚藉

二

衢州西北行二十里名九陵灘有九澗故名又
三四里至王步居西南岍者爲易姓東北岍三
姓姜氏最繁勢皆軋異而嚮已亥蘭馨已南多
水磨水春

橋

橋林甚茂高如車蓋不若吳下之凋零

草萍

常山陸行四十里中火處名草萍有孫忠烈公
嶺外風行豺遠遯海空雲濶鴈飛忙一碑讀之
可想見其丰采中道有修道菴關真君廟常山
西郭有白龍洞爲詹氏兄弟讀書處

常山

常山出石粉色綠造紙用之則成能使紙白

二

常山玉山多烏桕樹子造燭出玉山者可藏經
年而光不暗

廣信

九齋續集卷之十一

八

廣信沿山縣有北極廟臨水湖口有九龍山費
文忠公在焉關曰龍閣

二

湖口南四十五里有五湖三關水通福建百餘
里從陸當水口有山多樹汪氏居之

弋陽

弋陽南二十里舟人謂之西峰石江浙諸山有
峰自茲始中一峰昂昂若人行南大石更聳其
龜峰耶軍陽耶抑金鳳與寶峰耶

二

弋陽城下泊舟不可唱唱則縣中羣起送歌
勤索和客唱若窮則听上爭以瓦礫相擲幾亡
其生客能和至四更則主人亦漸引去蓋天下
優人十九出弋陽故土人好勝一至于此吳人
云江陰莫動手無錫莫動口豈特弋陽哉然吳
歌楚調不相入如薰蕕彼其相和如東西司長
俱有競心都無雍和之雅又腔曰樂平地屬饒
州豈鳳游鶴阜獨協八音以予聽之然歟否也
又其次曰青陽乃南國矣

龍窟

九簫續集

卷之十

九

三

龍窟河在餘于縣南十五里源出廣信之具業
溪從此西流入鄱陽湖村後有大樟數株抱約
十餘人

二

行至龍窟而兩峰之山忽盡于是夏水自廣西
沿山而下瀾漫于龍窟而浸淫于瑞洪民皆避
于山巔若水退於六月猶可樹禾不則縮手待
斃而徵輸如故所資者舉網張綸而已

劉長者

劉長者墓托長老葬土兩無子午象山象捲河

二

劉訥墓金歟入海鶴岡上爲宋進士前有太河
環拱之

三

劉氏店下墓駝駝卸寶形在白狐嶺東南巽
雲葬

梓溪昔有梓樹在溪傍故名曰田龍者以田中
有龍也長者爲雲逸

白狐嶺

九簫續集

卷之十

十

三

白狐嶺昔祈晴寺有紫藤掛燈見影于前朝宮
中使使物色之發藤根下有石將軍將跨馬躡
鐙矣見人而止中有白狐飛去故名祈晴寺在
嶺西南其形如連珠而中細南昌之祖山至白
狐而復起小宗余于丁巳九月登之憑人肩而
行數止石級不知于鳥道何如

晏公

昔晏諫議未爲諸生時泊舟彭蠡河山村下村
中方賽晏公晏忽降語云吾幾十代孫在舟中
可請相見里人傳呼果得晏姪晏公贈詩中有
南州第一人之句給諫是子遂爲諸生永幾舉

孝廉戊戌春榜南州止給諫一人

鄱陽

彭蠡河志云東西四十里南北三百里計彭蠡時大更數倍在饒州之西曰鄱陽在南康之東曰彭蠡自吳城至湖口甚長故志云南北三百里鄱陽自瑞洪至趙家滙甚濶故志云延袤數百里鄱陽彭蠡時合而一故其名亦混云

不恭

來三仕曾爲縣尹頃至南昌故衣敝履之市市書南昌楊縣令訝其不起撻之市五來怡然縛

九簫續集卷之十

士

稭問市人命撻人是何官市人對以縣令來不覺微哂曰縣官朴縣官耶市人始聞然相傳來沽酒二瓶手提至鐵樹宮裸程而欬于是縣中好事者爭候問之來笑曰都無是事或衣冠狀貌類耳然目擊者俱在楊令聞之甚懼倩衙官致謝來對如初令益不自安中夜去騶從踉而請解來終以傳者爲妄不數日竟去若來先生者可謂不恭矣

吳城

自江右過吳城驛卽爲彭蠡湖如水大則浸淫

于昌邑

二

大姑小姑古皆作孤字則彭卽妻舍小姑似屬強矣

三

南康居彭蠡之右于山爲陽

四

鞋山在彭蠡湖中與大姑相對以鞋方姑姑小而鞋大疑是彭卽履耳彭卽婿于小姑而大姑至今未嫁寒風霜月何以爲情抑彭卽男子而

九簫續集卷之十

士

百八十五

歐陽文忠以爲像作婦人俱勑爲聖母亦猶觀音以長者而現女子身耶

五

滕王閣枕章江之左鼎新方迄復殃于火邇復新之鉅麗極矣

六

百花洲新築堤連新建相公宅東北爲貢院是爲西河

七

東河爲南昌新建縣學泮水中有石橋河東南

爲徐孺子祠稍南爲鄧文憲公祠湖中有蘇雲卿或云常丹非也

八

鐵樹宮在萬壽宮正殿東廡水黑無所覩相傳許真君與蛟設誓俟鐵樹生花而出相傳有人將火廡間地有動勢遽撲乃已

九

龍沙在府城北真君識云龍沙高過城南巔出聖人又云八百年後吾道再興其師出于豫章登仙籍者八百又云栢枝拂地此其時也攷其

九簫續集

卷之十

三

三

時應在宋世而至今寂寂今龍沙踰城走餘栢枝亦已拂地而修煉之徒人人自以爲得大將不知仙壇一劍何時與淮陰同授噫真君而妄更誰真耶

十

予經廬山下時有雲封之余師吳元秉先坐約遊匡廬竟以卜葬不果山靈有知當留竹椽一席以待又余道友堅林在歸宗寺訂作黃龍主人不意此行復踏剡溪因賦一絕云匡廬夢裏瀑應作雪中看悵望不可極白雲多晏安

十一

大姑塘北有女兒岡岡名甚著而志不載聊紀以詩遙憐小姑意應念女兒岡大姑不相讓誰許嫁彭郎

十二

登白狐嶺撫河襟其前賴江遶其後三江趨朝于丙丁三江疑武陽蜀水諸流悉與鄱江合其南有修仙嶺

雜記

九簫續集

卷之十

四

三

湯若士先生紫釵記都無可議惟末齣于埋名豪客後頗乏點綴宜將盧杞奉旨處分使李郎夫婦重婚出自天子不惟于小玉可當招魂亦少爲李郎懺悔

二

邯鄲夢盡善矣至操戟而曰爲子孫謀彌留而叮嚀請謚堪與達人解嘲

三

牡丹亭宜存院本四折至酒食先生饌女爲君子儒滑稽極矣金元人恐不能爾爾

四

南柯夢龜山一賦可爲大夫攬秀樓諸賦俱拜下風

馬當山

馬當山去南昌七百餘里子安一夕而至爾時九月風應多西北馬當險絕天下恐不若龍門才子文章至今爲南州土木作祟謂神之助虐也可

小孤

小孤山一載南直隸安慶府一載江西九江府俱云小姑嫁彭郎山下有神女廟山上有梳妝九齋續集卷之一

亭大姑亦有廟鞋山應屬大姑彭郎辭大而娶小豈嫌鞋之巨乎夫不知足而爲屨鞋豈足據耶笑今鞋山之上寄塔如簪簪履具在摩頂至踵八下不爲大姑從學于楊氏乎使彭郎不愧有虞兩姑之嬪豈殊二女大姑抗節不違彭郎有懃德矣

五

山至九江而斷抵龍平山復集于江間有洲塞之或無洲而甚隘江雖若東西而帶南北

蕪州

蕪州東里許江中有官亭因石磯而壘故不貲

二

潯陽在江南蕪州在江北至蕪復渡江而傍南岍行

三

蘭谿出蕪竹水源出苦竹山側多蘭唐以名縣

四

巴河源出蕪水縣板石山在江北

五

赤壁賦謂巨口細鱗乃鯪魚也松江鱸紫腮亦九齋續集卷之十

六

曰四腮俗名吹沙惟松江有之若巨口細鱗之鯪則處處皆是何止于松東坡旣以赤鼻爲赤壁獨不可以鯪魚爲鯪魚乎今人又以蝦虎爲鯪魚悞之悞矣周公復生當再作爾雅

六

武昌縣依礮之左

七

五家堰疑伍員井或伍州也屬蕪水縣西或疑五阜湖中有五阜洲故名禹貢九江納錫大龜世傳出此湖屬黃梅

八

團風疑搏風誤巨鎮也百貨集于斯陽邏乃宋將夏貴拒元將伯顏處青山乃元將阿朮泊舟乘虛抵南岬處在江北

九

黃世港在江南屬大冶亦屬武昌其名亦非無爲惜不可攷

十

過巴河山勢益稀過黃州已西江稍濶

十一

九齋續集

卷之十

七

百九十三

陽邏東南隔岬白虎山有鮑家庄山頂有鮑三娘廟事載小說多不經而土人事之謹亦周有廟畫百牛而靈也陽邏之西枕山上有柳氏廟亦女子以修煉飛昇去

十二

九峰山有新建道場賜無念禪師金鉢袈裟楚府爲藏于庫

十三

龍華寺亦江夏勝地也

十四

楚共王今楚王父也楚王雙生共王夢二僧入官而產

十五

武昌村名芝芳一名芝房或疑芷芳

十六

寧湖寺明月橋歸雲堂湖有異物朝夕有聲禪師某作寺鎮之響絕因名寧湖湖居寺右

左里

左里屬昌都縣晉盧循爲劉裕所敗自蔡洲南走乃悉力柵斷左里又左蠡山亦屬昌都以臨

九齋續集

卷之十

十八

六百五十五

彭蠡故名與左里巡司相近

巴河

巴河張王廟每歲五月十二出會凡役舟于江者皆裝牲事縛童子于高竿乘之以盤名曰臺雜伎女于中喧動三楚江右之人因乘時射利以貨百物迄十八而止會中故事有曹大本者每物俱大于常數倍吾松裝大本出游余枕間作捉一蚤虱大于車輪一時無不絕倒人本宋時人後遇龍圖伏法

二

渚幾無攷疑珠溪而非也渚幾與左里相去不遠俱屬昌都縣縣有陶侃釣磯山山又有大磯山爲蘓耽許真君飛昇處渚幾所名必居一矣

三

道士渚有樹森秀壁立瞰江百仞疑流浪狀劉即狀也在江南水甚迅

四

龍平一名鳳平屬黃梅在江北

五

迴風磯名亦爾雅而統志不載豈東風宛轉與

九齋續集

卷之十

一元

六

便周郎別有地耶世傳孔明請風則回天之力周郎安得據此勝倭人

六

漁陽口非爲士衡而名何以偶合夫鸚鵡猶存則漁陽豈其虛謂

七

昌邑屬建昌漢廢昌邑王爲昏侯王每乘流東望輒流涕憤慨故又名慨口

八

吳城疑即孫慮城慮吳大帝第三子黃武三年

封建昌武居州

九

自晴川閣望黃鶴樓已東如在畫裏大江浪疊玉錦千層

十

赤壁在黃州爲東坡所遊在武昌爲孫曹戰處東坡滑稽人也故以赤鼻爲赤壁

十一

夏口在鄂州本江北吳大帝取對岨名夏口而江北之名始曉魯口以對魯山故名

九齋續集

卷之十

二十

三

十二

三江口屬武昌本一江也洲分之三

張王廟

巴河有張王廟睢陽子年少至訟父功而誣許以後歿非廟堂有大識幾亂是非然江淮祀張而湮許亦非公論甚矣求全之足悲也

康磯

湖口江北對岨有康磯山自湖口而東山皆在江南高者曰鵲鵠又曰鵲鷄江北岨與水齊

二

彭澤縣北鳳凰山山皆成岬縣有五柳今城外
綠柳蔽城繁不可數又其地名楊葉洲皆因先
生故然而非故彭澤也

三

自湖口而東山皆依江而起峰雖不高而突兀
萬狀

四

小姑卓立江中昵於北岬而情屬於南東壁如
削草木不生西嶺青葱其上兩峰不識廟基所
在彭郎磯亦高絕諸山壁立江水如拂觀者皆

九齋續集

卷之十

廿

二日

生懼心過此風浪恬然亦一異也夫婦爭據江
流爲

國家金湯至此便可稱水府奚必馬當也

五

自此東下諸山皆峙于江如城間有若剖其半
去者 峰如筍可折而食 國家每十里制峰
燧于山巔今屋宇猶存無人跡矣

六

馬當險絕天下陸魯望以爲蕪太行呂梁之險
今江中既生大洲曰漁家矣復有洲生其南曰

抗山流畫爲三分上流之勢合于馬當殊非昔
之險阻猶呂梁之今爲安流也山過馬當漸徙
內地

七

江至蓮花洲西岬望不可極長年目爲揭陽河
其縱陽長河乎楊溪長河乎抑泊河乎

王失磯

過蓮花洲名王失機爲寧藩就擒慶取名有殷
鑒之思

安慶

九齋續集

卷之一

三

言士

自安慶西望有山浸於江中舟人云南爲望江
河水大時江流甚急不可行舟出望江河中

二

安慶枕山東北山甚聳江南山亦翼江而東山
沉浪波間人疑畫苑中行惜寒風慘烈不堪久
望耳

老龍池

老龍池在銅陵西老人岡在銅陵東過銅陵而
東有山浸江其銅官石耳耶馬仁鳳凰耶

鳳凰山

鳳凰山疑即荻港倚江東者是山有寺浮屠已
廢矣或延禧觀或覆釜老碣山未可知土人名
盼子山

烏江

烏江口在采石東俗指山曰躁馬山云羽王自
刎馬悲鳴蹕歿英雄氣盡報恩一在美人再在
駿馬彼八千子弟聞楚歌散去者何顏見烏騅
耶或曰鋒鏑之餘楚人無幾矣

祭馮元成先生文

嗚呼自先生之遊九京也四海皆謂朝廷失一老成文章失一司盟乃澄更有隱痛隱憂不在老成司盟而在世道夫世道之隆替徵于陰陽而理微徵于風俗而通變故先王於陰陽風俗委之宰輔封疆之臣而厯採五方之音以觀王風王風者田畯紅女成之文人騷士飾之而所以養文人之生氣生色者非二三賢士大夫不以聞之君父互相吐握默致太平之治者乎澄生也晚聞知者爲弁州先生若李本寧馮元成先生則從遊最久三

九齋中集

祭文

一

先生皆嘘吸兩漢吞吐六朝其視前代曾無有偶俱之者而下士若渴四方士歸之如大海之納百川士得三先生一札則羽翼生一言則寒灰舞因是以發舒其意氣遊行公卿間藉吟咏以代從橫家言恃唇舌以代古任俠士其最下亦能使酒罵坐公卿率以三先生故多優容之夫優容一任士似於國家之元氣無關然四民惟士鍾宇宙景靈之氣士數奇於制舉而援戈貫弓又不忍低眉人前不得不借文詞以洩其忿懣不平彼不平之氣每好凌人有三先生覆露之因得海內縉紳先

生優容之則不平之氣皆轉爲陽和何自而不生

太平之景色觀于今上辛卯已前可知已自

朝宁之間不知何意而沮尼三先生于是縉紳之抱奇才負盛氣者逞衝車馳突驕欲以偏師抗衡三先生先生雖不屑與校然所謂孤犖其穴斯文之不祥起矣天下之能搦一字成一韵蚌蛛初孕崑璞甫攻無不起而與三先生爭輝毒逐三先生憂讒畏譏僅堅壁深溝以御輪攻又何暇養士而縉紳之偏師亦罕墨守所以然者人人自以爲得大將而不收養士之益也尤有異焉宗京山則攻瑯

九齋中集

祭文

二

邨宗華亭則攻京山宗李禿中郎伯敬則不持一挺張空拳奮蕘足以侮三先生騷人墨士從而効之雅道淪亡矣無何王先生卒兩先生浮沉仕路文章之典刑幾無以自存而士之窮困來歸兩先生者若瘡痍之禽聞鳴弦而殞安能附青雲之士以自致霄漢使翰音戾天哉不過如振羽之蛩附砌成響其音細矣細甚則民不堪聞係豈淺淺哉向令縉紳之抱奇才者共尊三先生三先生不惜齒牙獎借時彥四方之三鹿兩先生宇下雲附景從加以聖王之教育賢輔之吹噓以暢其神

情文章詞賦當有傑出于 世宗之朝雍和之風
成而明良之頌奏 國家蕭瑟之氣未必若今日
也今海內諱言文章之日久矣縉紳之號為好士
者遇能誦邸報數章識權要數貴人則謬為恭謹
不惜杯酒延之上座 其最上客能陰陽於時
局則稱俠士如是主客在黃髮而口尚乳臭亦能
勉之果可謂能養士乎為其所養者果可稱文士
乎俠士乎而文章之士焉得不徒業乎今天下奇
士不屑為古文詞矣乃壯夫少年舍制舉外又無
所以耗其雄心設有若屠季之黃李者求一逞其
志患且不知抵止則世道何可一日無兩先生為
文士之四豪哉夫兩先生為 天子養士氣生士
色士皆相忘於寰區而縉紳士大夫亦畧而不察
則兩先生之默有造于 國家非淺鮮矣噫當今
四方多事苟當局者存兩先生好士之心何患不
得國士是文章外更有好士之道在所可痛者自
以為姬公復生而不知姬公成東征之功在吐握
今縉紳非特不能吐握也含蜚沙攘鼠社嚮故交
於几上爭相割烹庶幾一嘗以徇食指其人更出
驕客下萬倍令天下之士低效成風禽心獸膽豈

九齋中集

文

三

三

云

九齋口集

祭文

四

三

僅羽毛哉此澄所以既為馮先生痛而又深為
國家隱憂也嗟乎自文章之道不尊使才情曠世
若董先生玄宰不專志詞場而游情于藝圃天下
慕其才藝忘其文章又并才藝嫉之致鄒毘陵先
生輩皆弃文章而托于他好若此而文詞士安得
有生氣生色乎無惑乎頌聲之不作矣人知先生
為文章宗盟而不知先生憂 國最深故澄不以
文章痛先生而痛失好士如馮先生者為 國隱
憂如左雖然士有不屑受人之吐握其人雖姬公
豈得而吐握之哉吾未見其人其人亦未易見也

瞻途紀聞

華亭宋懋澄自原甫著

太白樓

濟寧古任國也城南有太白樓因城建基祠賀季真李太白八窓空豁可眺季真常爲任令太白客焉因造酒樓兩公常宴晤於此說者爲非其故其下藕花旖旎亭榭翼歧恍若江南城外天井門爲唐尉遲敬德建至今仍其舊而不圯其地濟洸沂汶所會也尉遲爲龍廬節度鑿呂梁引羣水合流於此取名呂梁以險似尼宣所觀猶東坡赤壁也

瞻途紀聞

一

三六八

王彥章墓

攻上縣城西渡石梁數十家爲五代王彥章墓翁仲殞元虎足折羊角解矣僅餘一杯而殿宇鼎新廟貌英武殊有生氣縣侯田君能新湮祀其揚隱風頽意甚盛矣五代無君臣而彥章以武夫抗節豈微令馮道生愧自朱溫而藝祖安得恃南面文其汗顏哉若彥章者非誰力散萬人胸中真輕九

土於一羽彼書生矜五車之富苟就功名者比比

矣未識人倫敢以數行傲其不學乎是之謂無耻

或曰朱溫篡唐而彥章歿之似未合義噫自古忠

臣義士爲萬世立綱常耳豈暇計一時君臣耶苟

息歿於奚卓夫子有取焉故歐陽文忠首以忠義

列彥章也嗟乎今子心皆期孝歿而逆子竄其首

矣臣心咸矢忠亡而亂賊惜其頸矣日月之影行

於江海吞鯨吸龍明不加朗落牛馬洩中羣蛆涸

焉豈惜其耿光躍而不照乎夫忠臣之不擇君而

歿猶日月明於溲溺也容妄訛哉

瞻途紀聞

二

三六九

梁氏墓

梁灝東平人及子固俱北宋狀頭固成名已沒灝始登第年八旬有二矣可稱志士而王元美先生辯其誣墓祔城北行人經其旁碑門石人羊虎具在平山峙其北襟大河而案兩培塿意良龍也國朝屢有顯者以豪華聞州人猶能道之余少年遇吳門人述元美云生平盛筵無過梁東平迭饗七日爲梨花舞而別美人捲袖回簾月下見梨花席地如雪夜鄒放遊兔園而時值秋月梁官幹苑

徐君墓

循加河有徐君墓為季札掛劍處古人譏季子讓國生亂此殆未然季子審音知風豈味吳之興衰壽夢諸樊盛氣不可語莊季子心不任禪逃之他國如太伯採藥可也而依依故鄉意欲挽天心之將去乎抑太伯讓王而壽夢僭擬又季子所心非而不忍訟之口者意更微矣

梁王城

一統志
名梁城

加河有梁王城崇墉猶在豈孝王所營耶鳬鴈無翼與高臺俱空於斜暉良可弔也自加河抵南陽始達故漕河焚石沃醴焦而加鑿幾四百里漢武

瞻途紀聞

三

三〇七

負薪方斯劣矣

平山堂

廣陵有二城平山堂為煬帝造後處泉名第三旁為太平寺謎云太平寺无下無幾萬曆時刺史吳公疏新城河築梅花嶺香花村余遊於壬辰夏乙卯叩土人掬茂艸美其河土人至今稱利淮安及登州咸兩城俗呼呂字

符離集

卽南史吳明徹大戰處其石梁為黃河所隔圯矣今河雖阻於人工不經橋下然自小河走呂梁茶

城之際已無河流議者謂河走符離不特奪淮而南將睢泗悉阻朝宗

熙陵漸迷荻葦宜

聖明宵旰而圖也然河必不能南奪江流以沿江皆山耳

甘羅城

枕黃淮二河之南又名韓信城豈甘為鵠而韓鳩居之乎不然何彈丸而兩賢相扼也

露筋廟

按廣西陽雜俎云是醉人血臂白鳥跡露而凝又云是鹿為蚊啗血夜楚故名

不著女子姓名或傳為孟姜女誤也孟北抵長城

瞻途紀聞

四

三〇八

涅血殷骨豈遽湮於此然孟亦以嗜膚競傳古今事相符甚衆余屢泊其地絕無蚊蚋豈精靈悲子夜途窮倩清風沉之河耶

東平東阿

東平齊地春秋公會齊侯於平州其地也自東平至東阿山勢皆自東而來天塹可拒奔突造化若分燕齊而兩不特營結東齊實屏翰神京也齊宣烹阿大夫蹟何以杳然使人臣無敗官之鑒噫車書一統鑊中之肉不幾如坻乎

阿井

余曾至其地宛然如本草所圖聞施冬官駐張秋
時更新樓宇繚以墻垣非復曩時可恣浥矣水爲
濟伏流自西而東至此千里過此又伏故可以治
嘔血水色沉沉市張湫玄蹇華興三晝夜成膠製
同鹿角濟發源
黃屋山

古城

相傳爲先王會莊繆侯處河北高壘立三義廟嘗
讀卑刀會雜劇壯繆指江水云這是二十年流不
盡的英雄血我欲引之以銘黃河院本作自關漢
卿文人而能寫英雄卿豈其苗裔耶

瞻途紀聞

五 言詩

白洋河

通汴梁其水清臨清有河亦通汴城

良村

良村塔鐵造余曾遊其下最荒涼也在高唐北與
濟寧鐵塔埒

高唐州

此非縣駒所處耶余昔年經其地見優人韋布余
顏演闕聖獨行千里音邑人下里耳烏觀所爲善
歌哉元人長於雜劇名家多北人今山東竟絕
豈土人酷於思宋里巷耻習其遺音耶聞姚精卒

侍御官山東侯代索院本至數百卷漢壯國傳集
金元院本八十餘惜未盡請觀

土城

自汶上至恩縣皆土城聞東平石城被神人於風
雨夜移去作兗州城豈天佑
聖祖祚魯藩以屏燕京乎不然此何以稱焉

燕京

堪輿指爲天市垣前五河襟之背負羣山則自太
行分脉龍驤鳳翥飲於滄海秦地山河百二視此
云何然因征定鼎出於

瞻途紀聞

六 言詩

聖謨爲慮遠矣

泗州塔

塔甚尋常而指名天下以其中有定水珠也非是
淮泗皆蛟窟矣甲寅秋吳人於珠腹獲珠若黍有
賈胡識爲定風珠泛海可御颶風至訟於官拷掠
幾斃珠竟不出噫若人不愧剖腹矣

濟甌

秦皇帝追刺白虎至此而失南有太石山箭闕可
遊西爲耶律楚材墓妄也耶律墓在燕中劉秉忠
墓在蘆溝橋北

金姬墓

金姬墓在虎丘西姬爲張王士誠妃妃歿

聖祖園吳時妃奉旗雲中若示救援

天子嗟異卽其地築堤名金姬堰在封門東其南爲黃天蕩北枕婁門之崑山塘堰標中流如孤嶼中截爲三東西及北三面皆巨浸而獨隘於南西卽黃砂石橋本名楊枝塘橋爲韻記耳

張王母墓

城將破張王請緩師就城中蔡母而降

聖祖聽之笑已復次戰城破求蔡母處吳人莫悉

瞻途紀聞

七 三

言者後王震澤家西城營室值母塚獲金寶不貲雷遂敵國客携張王二子以逸亦莫知所在夫以聖祖而漏於吞舟似有意解網張亦人傑矣哉死有田橫風首列國殤亦屋社意也

甘露寺

孫仲謀試劍石在軍營南城南招隱爲漢焦光隱處深二十餘里建石標焦名前有石池

丹陽

城北有培塿可望開家河

賀氏墓

卽漢荆王墓聞劉季奴先墓亦有覲之者

徐氏墓

在一雲不愧淮陰萬家其坟卯山庚嚮南從高於北護京兆罷官之歲垂食合抱之松如剪名松蚕自庚戌甲寅江南之松被食殆盡武林之天竺虞山之秦繡皆靡牙遺亦猶修竹之災於花實也

瘞鶴銘

在焦山西巘下焦山之勝在四面可循江而遊金山邇亦四通但不容犁耜余欲於焦山買洲數畝率妻孥耕其中低回孟光益慙伯鸞之乏耻

瞻途紀聞

八 三

焦山

龍王廟前宋時有浮橋通北固史稱兀术既墜後跳而免益以浮橋可渡也

蒜山

在玉山東玉山之名疑土人因金山而續尾金山一名浮玉且無之矣更誰玉哉文選載顏延年侍遊蒜山詩山甚峻而小殆不可遊

苦水舖

諺云苦水舖神仙留一度後倚市也然粉鼻牛唇斷養黥徒所倚隈也蒼頭不屑寧神仙而留客養

陽荊州者倭妓女美而情余少年欲結客浪遊
唐人大堤行而止亦鑒苦水之浮譽客曰北方妓
女牽衣倘徇其巧淫則明晨旅貲攫於惡少半非
我有若然嫖母雖不能傾城幾於倒橐矣乙卯再
經不勝蕭索非若庚寅甲午猶是綏綏

楊州

唐史稱揚一益二高駢耗方士南宋疲兵戈今猶
匹於江南非煮海不貨耶謝曰可云錦城絲管至
今日紛紛也

小鹽

瞻途紀聞

九 三十分

高唐北三十里有小鹽飲土沃泉酒日輒就相望
壘壘迄於青州其味稍苦土人呼爲小鹽海水呼
大鹽

鹽河

恩縣南二十里有鹽河即宗漕河東西龍池大旱
不涸水發橋淪率以舟渡往往履不起河東始於
海西連漕河去德州不百里一名老黃河

孟姜堤

在鹽河南岸土人云即哭長城處若然乃齊時長
城築之以拒燕者非蒙恬所董役也堤東京自海七

百里西繞河南千四百里皆高岡若城史稱東
絕地脉豈齊亦以是亡耶

仙鶴廟

角直東有仙鶴廟爲崑山顧氏墓西洞庭又有角
頭疑皆因角里先生角直志稱陸直獨墅俗呼獨
樹陳河俗稱沉湖

景州

州首翊燕京宜崇嚴邑而壞以土墉光同廣莫爲
漢周條侯食邑

盱眙

瞻途紀聞

一 三十分

南渡每歲納幣於金金使人即盱眙受之余友王
伯秦有三朝會盟錄二百卷北岸小山受幣處也
國朝縉紳經此肅衣冠遙拜
熙陵於東南

涿州

因翼德有三義廟大著靈特

世廟時 景王之國遷延不前夜夢神人戟髯容
猛持矛呵王王驚不俟鳴馳去萬曆中余鄉紳
徐 甲戌進士官蜀中土人張綱江流獲一首
題金盞盞云前將軍張飛凜然如生不敗尉 悟吳

今人數千年浮沉江中一旦出人間此何意耶
宋相傳嘆異累日具禮葬之山中余師董鳳臺諱
傳為徐受經弟子徐諱習春秋號南橋先生
按三國志自右將軍遷車騎將軍不知何以稱
前豈閭中之役復有後命耶

鄭州

宋三關也小說家稱楊業第六子景駐師於此其
友曰孟良焦贊皆勇冠三軍景痛父令公歿李
少卿碑下潛使良入虜盜骨歸塋焦屬垣知之私
踵良後乘間先良盜骨良夜遇之不知為焦也自
贖途紀聞



二 三言字

腦後槌之焦流髓歿良暴令公骨歸報與景心疑
焦之竄去後有自虜中歸傳焦歿令公塋處蕭后
大喜臨朝受賀孟始知嚮所擊歿為焦痛絕悲思
不已卒自殺院本亦有偷骨四折為元人作造語
奇峻得西京風骨景景受三鐵若誣貶謫窮海母
余太君英武不愧令公三後多奇蹟不羈相將入
太行屯牧自由至今尚在其說多不經然非令公
已下意氣絕倫安能使人千古摩神習習猶有生
氣耶曾聽評家稱藝祖少年為活徒無賴竊盜禁
院遇驢醢盜嚼之至於微醉而午飲不已見酒但

中有晃旒龍衮人怒以為酒神靳飲呼神起飲與
白打疑其故匿照他缸亦復有之益怒持白梃擊
缸酒悉傾因大笑且飲且擊沉醉鼾齕酒缸間子
夜稍醒懼禍不測越牆逃歿時隆冬上帝遣龍師
吸大電如專車擊御苑宮殿一時皆傾缸跡悉泯
竟得免歿題曰冰打御花園絕倒落人鬚囊故老
相傳宋孝宗欲怡太上令史臣編小說數千種余
所抄燈花婆婆種瓜張老平山堂小說皆其類也
噫孝於嗣父而逆於嫡子孰謂天道有知哉余隣
張國維嘗述其先世云昔高宗將從武穆北征檣
贖途紀聞

三 三言字

請間跼曰宣和若歸不難以太上退處未識陛下
何以待靖康高宗默然由是寵眷日隆言興師者
耳填矣至誣殺武穆亦詆其密受欽宗蠟書報以
誓相推戴云噫若然則光宜子高少酬其不弟且
因兄而歿父於沙漠與弒逆何殊當時若聽武穆
直抵幽燕不待黃龍痛飲而二聖南歸矣此肅愍
之功不下中山也然非

景皇之友愛

英廟何由旋旆哉其策出於公羊何以用之輒効
春秋之宋戰國之趙僅一隅耳猶知出此南渡襲

其姓號而故智不師竄沒海隅宜哉

宿州

驛名睢陽非張許歿守處也睢陽今河南睢州宿州城河出鯽風之供

御饌腹中藏肉土人私市故珍之

普拿錢

或云普拿猶言皆要也又云是唐遺音

自徐州至德州使普拿皆開元政和大觀宣和耳大觀錢最美自景至涿州皆使小好小好即史記註肉好是也多天祐天聖天元元祐祥符不知與普拿奚別但稍完整耳自雄縣而北皆尚萬曆

瞻途紀聞

三三八

善家橋

其水即滹沱河余於西山度滹沱水勢如沸浪聲無風而雷至善家橋聲寂矣乙卯秋於七月初四未過前辰刻有日者推命橋上適奇中驚動市人且積日也積日聚百貨為市橋忽傾城土人三十餘經過者不計東流如弩莫能踪跡時呼日者為推命鬼日者沒而復出豈天假之以溺羣覬耶時有一船亦覆歿者十餘人余生之不測如此土人謂余經蘆溝橋水為渾河亦勢惡於此百倍則余涉於西山或渾河耳

皇上戊子幸西山壽域率輔臣踰嶺觀渾河因念

黃河世為國患 諭侍臣宜慎簡掄太原王相國

有記則西山之河非滹沱明矣

琉璃橋鐵柱

世目為王彥章鐵篙長幾五丈上方四面各闊尺許重數萬斤無論人力不支即其方規似亦難於運用余叔父叅知李鷹君云此地多龍龍姓畏鐵植鐵以拒龍戲然燕京有家琉璃橋及蘆溝橋下人又言龍每乘春水南行輒從橋下過欲謁水神也若然龍豈畏鐵哉王將軍忠勇冠五代神力豈

瞻途紀聞

二四 二八五

容思惟

鄭州二

國初有城

太宗怒其固拒靖難後盡夷雄堞今土壘猶存若有慘色

雄縣

相傳為天雄軍此地無險可據不堪廣騎衝策豈修齋誦經能免耶是時宋都汴梁去天雄甚遠或契丹取道河中則城有所不攻耳不然豈所謂楊景小字六郎者方鎮三閭耶當是時宋若於天雄

出鏡師數萬直擣幽燕或伺虜東還要其歸路亦
一奇策來公遲回請盟或意欲出此而挽公同事
是亦天也不然可以免靖康之禍抑六郎駐鄭州
猛虎在山黎蠶爲之不採其子明之倖乎小說稱
欽若私通契丹足底錡盟誓之詞則契丹經天雄
而不犯豈要言是踐哉歸天下之惡是以君子惡
居下流

獻縣水

土人云乃西
津流分

即東漢河間獻王地出城北百丈每歲秋水西發
淹迷行道貨舟浮水十八里始可陸行昔水發河
瞻途紀聞

八

三五

間近歲開府過公任丘人尤水涅河間遂塞上流
作堤建廟以示不移水名無羊河光時有謠云鞭
驅黑羊至是應謠焉於是河間始爲平陸而水浸
淫於獻郊矣土人云河間戶口昔稱繁實者蓋民
資羨藕魚族之利今雖果有然而前年不滿戶
口蕭然獻縣秋時被淹冬行水退麥根藉水滋春
無旱苦水中細柳野蒿滋蔓區造竭之用水無
途人土着不厭也若過無辜以方五代之過言
薩未知何如夫興利除害 廟室自有定議土人
之口其可馮乎吾弟領河間之防而巳

河間

石城古黃河於此入海曰滄曰瀛因水國也今黃
河日徙而南余庚寅至巳酉時往來其地猶見祿
蓮之舟棹歌盈耳乙卯秋重經其地雖浮梁尚在
而首著迷郊嚮之茫茫僅於秋日一見之獻縣矣

毛公祠

河間縣北有漢儒毛公祠

司馬氏

任丘縣石城道傍有漢司馬氏後裔坊豈自別於

司馬宣王及涑水溫公耶其地爲衣冠藪

瞻途紀聞

十六

東昌府

古聊城也中有鼓樓甚雄麗何不祀魯仲連於樓
間東嶽廟亦弘麗

滄州

鐵後倪甚巨一足藏盜三十餘豈守光父子所鑄
耶何不度乃爾去城幾二十里

嚮馬

初以一人雄二端方夫射用暴
夫而鑄其首不無怒如風等

余庚寅甲午猶見懸首柳間今絕響矣由女牆長
塹足以拒其衝突相傳亦江陵功今昔趙會元家
居喜挾資作賈賊莫敢睨犯者輒命中一日於道

中途後夫鳴鞭經棗間撚趙弓弦笑曰勁哉弓是
人甫傍馳前騎已報劫矣趙挾矢躍馬控弦未滿
而斷蓋割於撫弓時特存數縷俟其張耳趙怒思
同籍某去道傍不遠借良弓踵盜後盜方分黃柳
間趙鳴弓大呼盜驚走鳥獸散盡獲前貨自後但
今蒼頭將事不復躬行矣匈奴入寇相戒去趙居
百里牧畜銘趙字於鐫至虜地輒送入塞趙多方
畧不特勇技也有捕盜人殺賊經年矣一日校射
軍營見縞衣白馬婦人突入竟射殺捕盜人羣騎
合圍遮之婦人雄麗絕世語諸騎曰能射中我幸
磨途紀聞

二十七

不殊當失身須臾始就 國法諸騎各自喜方整
弦張弓婦人忽衝塵而出其多方悞之乎

鄭州二

州北通水首蒨長其中民資芟菱中流水黑色稍
北漸清掬之亦微黑水通琉璃河舟行可抵橋下
土人云水出牛欄山在京師東北通海余嘗作薊
北遊數策馬涉河未嘗見黑水然數過大河或涉
而不知也

高郵邵伯河

即白馬河一望極天昔年舟行河中不特

際劫賊恣意殺人往往與長年共謀鼓械而遁
詞家載蘇縣令事可駭也江陵奔喪歸惡其瀾狂
入朝諷潘大司空築堤障之潘任曹判官董其役
堤踰年始成曹以刀筆吏起家遷官至鹽司三品
華亭人至今行兩堤間真如明鏡中也

雄縣

土城南有古尾官橋爲白溝河下流北渡王交橋
河小而渾雄縣城長於南北視河間尚廣但多空
耳古雄州劇地道傍皆通舟楫

白溝河

磨途紀聞

二十八

成祖大戰處水勢平行易水至此東注易地讓名
酒薊坎之聞范光甫爲邊郎稍變釀法酒味始衰
薊不如遵化冬釀羊羔酒六月都無羶氣世傳王
元美先生品襄陵酒第一叩出右諸君云甚醲緩
傾一盞便醺友人張翔之詰我質一人荷二經至
燕道遠竟莫致也生平於張無隅卽中飲桑落酒
色白如雪輕滑而香似不從人間來云出真定張
湫亦沽之色味殊劣桑落一云霜落記釀酒時也
乙卯冬旅燕中虞原見時惠我清豐桑落酒酒
才酒奪長安諸酒味其桑落則不如張甚

交河

遊人經其地城偏獻縣東南萬里交河水北流乃西域車師前國王交河城河水分流繞城下故號交河願為雙鸞度中洲指白鷗也燕掠水而不浮

新城

城南建二忠祠為張樞密叔夜文丞相天祥祠不作碑使小人不知祠意余謂祠不必作記鐫本傳足以示不朽矣一絕吮於渡河一就戮於燕市信不愧此土將入門有文昌閣七十二化為蜀王建太子名元膺被誅一云即張仙乃花藥夫人託言

瞻途紀聞

一九 三月十九

以祀後王然老泉祠之而生子瞻子由神稱梓潼泝其自也二郎神亦蜀神吳人崇祀最謹司禍福主狡獪江東神姓石名固江右貴溪人吳中建廟營前神祭須白鷄耳微齋禱必撼其耳我

太祖與陳友諒戰鄱陽河將貸其牙燾為檣叩神得世間萬物各有主之句不聽卒取之凱旋奪神籤以畀關聖江東祀始衰吳人又祀劉猛將云是劉猛昌第而民間祀本稱劉為青龍鎮人因於後母乘潮溺外故披髮不冠君子性圖經自據又有氏施氏宋皆號相公宋皆見血信客多祀之廟祝

一朝市血千錢施廟北寺在宋廟北濠咸稱廟

神乃扈高宗南渡者非忠義之氣鬱而不伸焉能至今耿耿哉又有晏公亦江河神三伯教指為晏子不知何據王之先烏姓烏獲之後從三寶內侍循海跡建文時從行皆給金符烏墮符海中法當歿遂亡命江陰變姓名為王氏後再遷吳門

金龍四大王

武林人謝氏宋末不仕讀書金龍山中閏元人破城投錢塘水

太祖命將北征神從雲中建旗鼓隔虜虜大敗諸

瞻途紀聞

二 三月廿五

將上其事遂有是封王黃河風浪神異立見其詳載河北祠記余中夜嘗聞溜聲如閨內運轆雖晝亦時聞之有時數丈之水須臾輒涸涸忽立波非神而何

涿州

關北有河名北關河水北決去橋幾里許其水出西山亦發源黑羊山北行更有河名虎狼橋石龍亦祀

聖明遣中使齋內帑數十萬金董役命徒舊河於新河未至琉璃河有二河一石梁一土梁

琉璃河

市名燕谷谷猶鄉生黍谷也寒士如段管之
律而飛見燕如見黍焉橋亘二里皆石麓雄
入燕都賦水不巨而聲激橋石如雷

良鄉

在琉璃河北四十里石城南有舊店道敞成河高
岸為谷信也

高唐州

孔道之處凡十一民苦於郵傳土無十石之儲昔
江陵時天下郵貨歲僅十三萬今至九十三萬噫

寧特邊稿因國哉當世有管夷吾節郵其首矣

良鄉二

經 文廟前甚隘泥濘下能下拱立車中稍闊
地而障之以牆亦飭敬要務也

九女堆

濟寧北有九女堆石馬坡可曲亦

王招討墓二

梁招討王太師墓在汶上縣西門其翁仲石馬皆
像落縣尹田公遷唐牛駙馬墓石像易之雄偉精
工足稱太師英武弁徒駙馬碑鐫新廟文太師昔

成祖御祭

開家河

開家河

開家河有二石人男女可辨每年出一貨以贖民

夫子堂

經青浦白鶴港港西有夫子衣冠墓道士人稱夫
子堂

阿井二

阿井之泉九竅施都官役其故丙辰春重經井左

割雞嶺

割雞嶺劉撫臺所疏豈武城故址耶

爨父

萬曆乙卯山東大旱百卉俱盡有父歿子爨之官
叩其狀子曰父不我食且食於人官涕泣歿之

人羹

道出臨清南執鞭人指東遠曰走此最饒人肉不
五十里人羹一盞小好二文

不執生

丙辰夏山左霖雨五穀綿花不種而萌迨秋大熟
顧流離不返千里無烟

人行

山東大飢男女西走中州南渡河淮淮撫恐其生亂約法拒之日死數百人所在悉立人行夫沽父育暮市不就朝餐俟以舉火

詒印

劫賊攻山東一城破縣令踰牆走遺印衙中募人取之而賊方徘徊募莫應也一役夫請入戎服麗裝持大刀直上堂事謂賊首曰某受縣令異寬幸大王舉義師得圖報復請代大王搜食其肉賊聽令入懷印腰間復提刀出謂賊曰逸此冤家請不贖途紀聞

散黨

乙卯山東賊攻城破邀獄囚俱去囚伴喜請為先驅因訛賊曰得城不守終將焉歸某請從大王掠他縣此地留悍帥守之庶大事可就賊然其計令為前導因乘間逸去賊黨分勢衰旦夕悉敗

盜賊

余叔父季鷹君嘗曰粵人呼盜人曰賊山東亂盜皆潛孔道田家日具相與計於途遇家無可圖則羣起拊擊掠財厚則各為散賊

脚也言若賊之手足抑心贅矣

梁山

梁山泊有小梁山為宋公明分金處分金井尚存新建三十六頭領廟大梁山乃公明結寨處舊有廟每年四月初八出會民被盜者控之輒殛盜斃豈山兒提轄惡其辱莫歟

直河

直河別道有絡馬河清江浦關外有別道曰楊家廟

黃家口

贍途紀聞
桃源縣東二十里有黃家口通海在河北今口已闕乃楊撫臺疏之以洩河水欲免

熙陵之浸也

三汊河

三汊河有巡檢司駐河北

加河

加河口有石梁半湮倚水一隅以土橋接之亦不滿半

田家口

田家口乃直河與董家口之分路為黃河所突其

北瀾漫無際

梁王閘

經伽口即加河有巨室大鎮也一名董家溝梁王閘有梁王城

盤門

盤門外有郎家坟娘娘坟泰亭青松菴仙人堂俱可遊據志云張王士誠母偽太妃塋處故曰娘娘今吳人呼女媒曰娘娘則不必太妃矣

北固

瓜州與鎮江渡口相對而郭景純墓爲首湍金山瞻途紀聞

三五 二五五

之龍王廟爲次湍船走湍中多沉土人貪帆程稍近故沿習不移議者謂瓜州之東有新河故渡口也若移渡於新河而決焦山之沙帶以通舟楫可永無溺溜之虞

北固二

又無梁殿東新建玉帶橋泊舟其下俟溺者拯之甚便造舟須二十金復置田數畝每年計米十二石募操舟二人便可終歲將事嗟乎孰與造慈航

燕中歲時記

元宵燈市奇貨畢集輒賞諸侯及貴戚家珍異雜

列肆中招掠衆視玉帶一肆輒十餘圍惟前

中物不可思議士女乘月走三橋云一歲無疾

相將摩東西華門獸面越夕如鏡亦以梯祥

正月十九遊白雲觀名燕九一云闔九因丘真人

以是日就闔入世祖大內故也盤馬殆千騎率皆

中官將種

清明遊滿井高梁橋燕中婦女帶九梁金冠高尺

許持銀三鐸租珠額雲肩繞袖乘肩輿携酒盒倩

鄰家女僮至高梁橋柳堤邊脫裙張柳樹下跌坐

醉憺憺嗣後貧至乞丐市人競指之曰是常爲

瞻途紀聞

三五 三五

人過者爭出酒食金錢畀之否則叫呼竟晝夜不

獲一錢吁爲人若此亦甚易矣孔頴溪刺几誤燕

燕人四月八遊戒壇中官持錢施淫於方僧諸妓

各置一棚以蔽淫具棚有軸便於移徙惡少繫馬

於棚鞭之棚走如飛而淫不厭

五月遊天壇曾至浴室雙壁皆錫成其中貯湯以

障風也行宮悉髻髻大內

文皇西嚮坐坐具卑隘

秋夕砧聲竟五夜 中秋祀月鑲玉兔擣藥圖

祀畢焚之

重九有寒色登高者寂然間有至興德寺臺臨水北眺者稍西爲闕聖廟臺亦北面軒朗似勝興德寺十月朔婦人登炕如蟄虫不出矣

長至繪九九圖作圓形而中空每九日滿則墨塗一圓或填以朱客中觀之壯心幾不自主長至日吉服朝賀緋衣如歲朝

吳門歲時記

元宵於市中擷綵竹間繫燈其上道人從燈下行猶有作燈謎者解之無不絕倒

二月過遊諸山而十九至支硎士女艷妝天下無

瞻途紀聞

三七 三十一

兩洛陽女兒多恐狐翁觀吳門應憺作夜郎王也萬曆甲寅四月初八鹽臺楊修齡觀洛於北寺塔四月十四呂純陽誕辰百伎填集福濟觀而管絃爲最懷懷迄鷄鳴明晨市花竟日

瑞陽觀躍龍舟於閶門間至望齊門舸舸酣醺鱗次相擠有墜水厥者惡少年亦率逞其雄兩臺力禁今寥寥矣

六月二十四日遊荷花蕩即黃天蕩南岸也舟泊西蕩口而不至蕩中未嘗觀蓮花面也何必見吳人有焉

吳人昔年夏日皆遊石湖週年競泊閶門北陽城河緣長年慮石湖行路南風作石尤暮夜苦蚊蚋故揚言城北饒風實無地問柳陰而遊人將錯就錯意與長年共甘苦耳按郡志陽城在長洲縣東北其左有陽城河或疑爲鶯脰河又在太湖南則此地疑名自後人故志不載

中秋無貴賤悉至虎丘虎丘晁不宜暑至是涼颺薦爽千人坐又作酒肉場矣姑蘇志載歲時頗詳獨缺中秋豈爾時風俗猶朴未解看月耶長空萬里玉盤金餅埋藏二百年辜負遶梁不知幾度

瞻途紀聞

三八 三十二

中秋夜吳人悉度曲于虎丘昔年張都官銘盤喜南音中秋俟夜將子率友人趙五武三坐石場前曲纔命口山中萬音俱寂迄五更終無一人嗣起今則凡嚮迭奏陽春下里雜沓無分起周郎於九原不勝狼顧矣都官謂余言少年有血疾養病舅氏家舅氏善音律乃習其技不特病已於制舉亦忽有悟公孫舞劍不特通書法也張萬曆丁丑第諱新

十八夜看一串月月初起時於流雲亭東望數堤相間一堤水中現一月相已而中流之月忽空爲

三漁舟歌款乃而破之錦鱗千頃如開元二十三年
寒而未奇也遙瞻寶帶橋下一環成一月約二十
餘一一如十五夜時土人指爲一串者是已食頃
俟散因月高耳

重陽類稱遊吳山實不登吳山而涉吳王郊臺之
右面石湖坐回船蘭棹俱泊行春橋下簫管雜絃
謔居然太平盛事

十月後遊不越虎丘亦無常期不足紀矣長至一
如平時無復曩時罷市

金陵歲時記

瞻途紀聞

三九 三月一

上已登雨花臺酒腥肉羶支硎不能過也而乏遊
女雖平康竟無一人清涼山春月率登之猶吳人
之虎丘自清涼之雞籠幽遠知行深山

端陽重九率齊王孫主之龍舟躍桃葉渡間登高
半在牛首

五月十三遊弘濟寺燕子磯吳門亦無以踰之百
伎集闕聖祠前不特龍舟也

中秋多之棲霞牛首友人錢蘭村有金陵明月篇
堪與仲默毒逐

燈夕甲江南市人苦旱則燃燈不必元夕說豈特

甚燕之拙吳之靡方斯劣矣羣形出沒燈影間條
忽萬情疑必有本友人陸天倪有金陵元夕篇不
減帝京

余自庚寅迄丙辰居燕十七旅吳者二故鄉
不滿一而金陵則未嘗經年淹也然條歷三
時可謂久矣因記燕吳遂并及之

虎丘劉氏墓

劉氏墓白玉蟾相地在虎丘將指穴叩主人云君
欲三代後世世三公則請北落如欲貴自今嗣則
前十丈科名亦蟬聯但不極耳劉不耐寒素因亟

瞻途紀聞

三九 三月一

請前至今如白語

虎丘雜記

虎丘寺

老僧隱竹爲余言山有二寺分比丘僧比丘尼僧
居西蓋宋元時也果爾僧尼如頓冒遺呂后書誠
兩便矣

雲巖

山巔南望爲羣木所遮惟登萬佛閣可眺一二山
東梅花樓遠眺諸山障若屏帷

虎丘養鶴澗

澗夷為平土余欲濬白蓮池因疏石橋下自南流于西直抵石壁復環北而歸劍池寺僧諾我矣

劍池

余家王父三江公嘗謂叔父溪鶴君曰余居吳門幾二十年其時劍池水猶通海湧峯細流從二山門西下後寺僧以堪輿家言漸淤之十年前石觀音塔下猶有石橋今悉湮沒

虎丘香花橋

寺中老僧為余言寺之二山門有橋通東西水未塞前寺僧多慧率天塞後多蠢而壽噫不信二凡

磨途紀聞

泥乃清靈散酒入丹也

虎丘山門

石方在池西二山門上隱石觀音歌花莊為經前

虎丘山門

高唐寺二間有無諸殿寺僧受記二山塞實三

虎丘山門

老僧言寺山門舊與東開曰白公是而公至二山

門始開

虎丘幅圖

四面皆水高岡如城惟退居後臺堤引一水入池

虎丘田

虎丘無田可耕田悉在水外

草木

多古榆 松猶存萬松所種 山北並玉蘭於平

遠望下望如數百石地明光 岡南有古松二萬

壇西張氏杜鵑花發妖艷一時楊柳垂花何以稱

絕 山門風揚散林增塔級之勝谷月荷影落彩

磨途紀聞

袖間宜一二幽人

草

山中多何首烏

獸兎狸獾

禽饒雉山多惡鳥鵬鵠為甚未聞彈孔雀肆鷄

鵲也春來亦饒百舌黃鸝

茶

產西山者佳東山亞之淮以糞則不香過黃梅則

味劣歲採不數斤而郡邑命衙官擊柝守之以供

好事住持歲費二十金真山靈妖孽予有勸虎丘

僧伐茶說

志中叙僧月堂

有徐文貞公詩蓋文真公誤耳公名琰

余嘗讀書虎丘擬爲修志而未遑也聊紀數言於筆間屢回山陰之棹有使然歟

鄭花巖

姑蘇有兩獅山一首嚮胥門曰岑萼山右曰鈴左

曰索是王僚塋處

一日獅子巖俗名獅子口首嚮太湖若奔渴而就

飲者領下有鈴鈴東南埠若毵毵之巖題曰鄭花

瞻途紀聞

三

巖字大徑尺筆勢遒勁相傳爲宋人書其地一名

臥雲乃文正遊息處余友范象先塋兩尊人於鈴

下未幾年育二子鄭花放花木志皆不載詢之獻

老亦不知象先云卽梔子花

呂翁

余先人嘗與客言呂翁曾至酒肆飲而不酬踰月

將別飲至醉持橘皮畫兩黃鶴於壁謂主人翁曰

是可代值也招一鶴跨之凌空而去所留鶴俟客

至則延頸而鳴舒翼而舞惟主人是命於是飲酒

傾四方酒家遂致鉅萬餘年鶴漸隱去余嘗於春

申浦南岸遇武人泊舟載黃鶴二

呂翁

先人又言呂翁於吳門黃省幹家司剝藥元宵夜

主人令抱幼子觀燈遂移之遊園夜半歸蒲袖携

荔枝香爾時此菓園亦不鮮疑從園苑中與蟠桃

俱摘

李福達

李福達袖中有銀獼猴如豆嘗使行酒酒之所在

獼猴至焉矯捷如生一日有人拒飲漢攀是人鬚

爲虐而禦酒如初李於袖中驅小獼猴數十入鬚

瞻途紀聞

三

間洩溺如汗是人益怒道人抵掌笑曰獼猴經至

矣鬚髯皆成絳樹已而交合精溢其中如雨木冰

須臾盡生子啾啼如秋天將雨夜其人惶怖伏地

請飲李大笑以袖飲之寂靜如初

豪駝

其交合惡人窺窺者必窮之灰邊人云豪駝醉柳

見柳則睥睨不行大將移家率數十頭



九齋後集

華亭宋彬澄湛今甫著

海陵李思睿聖基甫校

楚遊五記

遊石照山記

江至武昌西城而南折是爲黃鶴樓枕江西嚮當
西流爲白沙洲屬漢陽疑劉公洲也稍南爲金沙
又南曰鸚鵡俱屬武昌樓下刻呂公黃鶴樓詩亦
寫翁照俗筆都無靈氣登數十級而呂公像在焉
寫真武臨翁肩關望靈官傍立握槊卓刀若欲斫

九齋後集八 楚遊上

翁肘腋是何典章而不經如是又登數十級而景
勝悉具是矣雖昔人已乘之作似未盡美況太白
所不得道而敢贅言哉然無柰雀糞之加佛也概
言黃鶴之勝在迅流南決帆不及止櫓不遑撓紅
蓼綠楊偕白雲飄渺于天末晴川鸚鵡安能平分
南北與仙子文人爭此一衣帶水哉樓前有臺壘
石浮屠甚壯臺隄不可下從漢陽門出爲觀音閣
可俯江流臺之南鑄石曰湧月東一亭亦據江之
勝乃徐子卿爲太白解嘲而建也自亭而東復可
升石鏡亭而館人爲羽流私人以間關欺予與人

九齋後集八 楚遊上

和之復循故道由武當第一宮而入曲折再三瞻
三清真武閣絕不爾雅啟鑰而登石磴百武至已
仙亭翁坐而橫笛具食肉相非以棗脯生者中刻
翁養生歌歌載純陽集中亭外復亭曰仙棗下當
絕壁樹棗數株安期匿之耶何乏纂纂也西下建
亭僧憇山榜曰石照山宜仍舊名亭而不當稱山
石鏡山江楚多有之而非此地返自呂亭陟岡而
東樹影藏形可免衙人呵止蓋山前爲按察諸廨
山後又當武昌之陽至鐘鼓樓山脈中斷北爲方
伯署東則繚以墻垣疆楚府禁園不可問矣山名
黃鵠金龜玉潭信成冥密心結青松客情永慕而
已北爲鳳凰山歷觀武昌近控蕪黃遠制荆襄扼
其吭易於消萌杜孽則楚藩之設豈特無專饗文
武之功睿謨遠矣守仁華越肉足食哉安不忘危
揚水葛藟於茲三復

遊洪山寺記

余抵武昌旅鐵佛寺叅禮諸佛暨阿羅漢相皆鐵寫妙極人工蜘蛛井堙佛座下紅袖白衫翩翩而來不可復矣寺僧朗若稱九峰洪山之勝九峰爲無念道場程遠不可問洪山在望謀躡屐焉會友人李進卿招飲因請挈榼洪山進卿許諾明晨乘肩輿出南門邀進卿東經社稷壇壇多古樹中有沙木半作赭顏行數里渡石橋而南山漸高久之至長松下松數十株長者欲飛幼者若舞似爲岳武穆樹而疑其多由兩廊石級而升越天王殿至大雄尊處爲殿九楹生平所見未有弘麗若此者燕中秣陵方斯劣矣相傳取楚王殿材制亦規焉而不志之何也讀庭中碑知開山爲靈濟禪師唐廣德中因五臺山僧不容有老人云遇隨而止遇洪而留因至隨州住大洪山居人張武陵禱雨將宰牲祠龍師請免牲代爲祈雨雨後不出武陵訪之師猶入定蛛網眉間武陵因捨山爲寺師昔祈雨以身許龍至是截體踐諾白血併流師旣示寂留足鎮山元世宗南征登山四望見是山有大神狀若禪德詢知爲師遣使至隨迎足入燕供之大內

九簫後集

楚遊上

三

勅於此地建洪山寺仍送還雙足至許州足重不能舉遂留許州於是爲隨爲江夏爲許州香火咸稱洪山其說與隨州圖經互異是山蓋八分山也升後岡至空香閣徑開嘉樹中幽遠鮮儼因登浮屠悉覓以碑寬博可內外歷抵第六層循外四周其東高岡翳之有大樹婆娑獨立疑武穆所樹北則隰脂梁城繞若屏帷江流分於山外間不暇詳目難遍極西爲鸚鵡諸洲咽江而遲其駛南突培嶁曰鉢盂山山前湯孫河即八分河也長堤綿亘緘湖再三無柰魚鱗重開波光頻漏使置吳越之間不煩點綴而西湖射瀆之妙舞清歌將偕畫舫悉移此地矣昔吳大帝欲移鼎楚中帳下諸軍旣歌不食武昌魚矣侍臣猶慮其不忘江夏復作建康錄云武昌有山無林政可圖始不可居終山分八字數不及九蓋指此耳夫八分肇目強名爲眉須煩石鏡之照即湖擬眉分亦令章臺京兆欲畫難成况代易滄桑曷容膠議要出妬婦之口安足爲楚都病哉東南山曰六老鹿泉寺在望白頭大塊疑從此而南卓刀飛錫亦髣髴入九峰矣抵塔絕頂叅禮諸佛盤桓良久循堦而下余自辛卯登

九簫後集

楚遊上

四

秣陵報恩塔嗣後多病常疑足力不任今賈勇而
登息無一喘竊喜五嶽尚可尋盟進卿設膳饌於
方丈飲酒極歡締莫逆之好至晡而散由北麓入
東門道經武穆祠張王會之万俟皆反接祠達醉
眼甚快惜不及筆之若武林三罪人跪於墓中不
可擊矣武林有婦人焉會之配也乳光如鏡爲人
所摹尙老虜中安得有此鏡弄哉天道好還民遵
直道三代也

遊大別山記

禹貢內方至於大別左傳載吳敗楚師即此地也
余於十月五日自武昌晨興渡江抵漢陽漢川門
登晴川樓南望江夏最西爲黃鶴樓其次石照山
又次黃鶴鳳凰梁城諸山晨霧障之佇以俟其開
始如畫之米中如畫之王終如畫之李矣北爲鳳
棲山府署隸其下東則大別障之其西大江所吞
吐也樓取晴川歷歷之意樓居百雉之上漢陽城
不啻一丸泥矣下樓而東不二里至大別南磯謁
禹王廟因登晴川閣亦曰朝宗樓樓凡三層其形
勝與漢陽埒東北瀕江龍嘉湖西北曰鳳凰山湖
煙輕籠山勢昵就似又漢陽所無折而東下爲含
碧亭鐫石題曰江漢朝宗之折而下曰觀音磯羣
石萬頭如獅象鼉鼉起江畔土人因爲釣磯坐
而網漁者若而人洵可羨也頭陀四五延予登閣
坐觀江流居然有萬里之勢昔劉定公會趙武於
洛曰美哉禹功明德遠矣公今觀之豈特伊洛哉
宜九河疏鑿之處在在血食而禮祀缺然至元世
祖南征抵江夏登黃鶴山北望大別顧問土人何
名對以禹貢所載又問仙臺亭磯對曰昔有仙人

吹笛於上又問是仙名何對曰呂公世祖深悅蓋
誤聽呂公爲禹功也又以治水告成於平伐有合
因勅建廟大別禹功因呂公而彰亦甚奇矣陶元
亮讀書喜誤以誤有新得觀呂公之對陶豈欺哉
漁人指山巔古道苦跋涉不能登府中郎官湖亦
長年爲政不及望而返甚矣薄遊之不能漫也楚
人呼大別山曰龜山黃鵠山曰蛇山因形似耳龜
峰山屬黃州府麻城縣舟行數里停棹涉漢口乃
入襄陽路也沔口在漢陽西三十里漢口與漢水
合沔乃古滄浪屈大夫遇漁父於此漢沔合稱誤
九齋後集 楚遊上 七

失沈吟曹公赤壁事久之有劉詩君謀之疎耶
抑漢鼎將分特借周郎爲富貴也悵然而別

遊赤壁記

楚之爲赤壁五曰漢陽漢川黃州嘉魚江夏昔周
郎敗曹公處唐元和志云在蒲圻縣西北對烏林
故南名赤壁今其地屬江夏圖經以爲江南信矣
東坡所遊者江北黃州之赤鼻山當蘇君時江水
直觸山下元末江漸成洲襟帶數重益增此地之
勝土人目爲磯窩河後官黃州者念東坡所至輒
有西湖因改磯窩爲西河以補守黃之缺其勝果
屬於西波光千頃下臨絕壁北更空闊淺處輒成
沙堤綠楊寄跡焉亦歷歷之逆旅也似不必借勝
九齋後集 楚遊上 八

江流而江流煙景皆勝目於此榜曰西湖覽勝西
下數十級曰白龜渚爲三寶放龜處下數十級亭
曰水月上豐下削瞰之生汙石龜向江宛然欲逝
西北走陽邏道柳色未衰林間出疑美人紅袖
渺渺招予轉登觀音閣下供子瞻像青楊美少年
也于思拂衣領間飄然如遊陽之侶傍列赤壁二
賦登梯抵中樓足遠眺三勝未覽也最上一層則漢
陽武昌歷歷若孔雀開屏於西南而西山尤覺遙
想所爲九曲精舍今猶言郭北望羣汀寒鴻與白
鷺不分主客而居屬忽忽驚悲鳴鷺亦羣羣之

黠然與平仲善交之思返自前堂堂故南嚮刻公
滿庭芳及清夜無塵九十日春光三調蓋東坡當
年宴遊處也今生於今日此堂幾爲前魚矣公不
云乎曾歲月之幾何而江山不可復識矣更數百
年安知此地不更勝於西湖耶六鰲失戴大海揚
塵良不虛矣黃州無權吏自今上始籍關門之
征少緩長年督促克遂勝遊天王聖明更似有
度越千古者

九簫後集

楚遊上

九

巴河觀紅樹記

楚黃蘄間當三江口之東土人曰巴河乃下巴河
也上巴屬黃之羅田縣當下巴之口有山五支北
來甚武俗呼五龍奔江宛如渴而得飲歡然相顧
思欲渡而未能者中支祠張真源以其有保障江
淮功也土人祠之謹村居大都三老間有士人余
之入楚也泊舟河濱遇雨不可行謁張王廟見六
頭陀蜀黔江右不一有高卧者有持針縫衣及跌
坐不起者叩竈煙所寄不食二日矣問不托鉢則
曰雨若沾衣將餒復增寒余甚異之故與談論蜀
道移時日且沒而言笑如故且曰蛾是尋常願居
士未經鍊七耳因傳辟穀術俗居効之則死耳今
蒼頭持舟中粥餉之相揖而別嗟乎孔氏不怨不
尤傳於遊納陳蔡行歌方此豈有異哉是夜托宿
於長年李氏李氏昆仲皆少年具壺漿雞黍執主
人禮恭而不僞似季路之遇丈人及反自楚復泊
巴河夕陽在山振衣北岡時屬霜候紅樹萬千近
者亦在里外若美人欲來不來招之無術羌非執
禮而明詩何可望不可親耶親之亦復索然非如
名花之可把若紅樹者其不可得而親疎者歟良

九簫後集

楚遊上

十

足法矣自今以處紅樹者處人浸假而身爲紅樹
焉往非交道師哉不特交也以紅樹方美人更大
有會一薦枕席味索然矣仙客桑中不若無雙之
在禁掖押衙諸君未可以語遠也一切紅妝皆全
紅樹可以觀矣五支之最右者環水而居別分汀
岸屬黃岡其四俱轉斷水返自舟中新月侵舷據
客子枕上榜人行歌相屬鼓棹江流不勝楚人之
悲亦喜其歌忘此身之作客因作一律紀之

九簫後集

華亭宋林澄湛今甫著

武昌李應選進卿甫校

江楚雜詩

將事江右婦烹伏雌以餉感百里大夫事作

烹伏雌行

金烏稅翼虞泉西寄語三鶉換碧雞碧雞夜叫陳
倉谷三晉神靈盡號哭中有亡臣作俘虜忽略飢
寒不知苦薄言詰旦事長征緝鞅縫衣不暫停出
君寶劍爲君佩拂火如拂天漢星念君出門須一

九簫後集

楚遊下

飽顧視室中空若婦竈下伏雌忽自起延頸門邊
若請死爲君死獲千秋名歷血釜中何必生三杯
太白一杯羹仰頭叫天天垂情遙看黃石爲前導
抵掌秦庭奪玄造鼓翅一聲白大東綺翼散霞海
水紅遂令關東如連雞玉璫翠羽不成栖不是雄
鳴飛海外同羣終日駭靈犀

渡錢塘寄故鄉

湖海豈易涉出門不畏人無言復宗黨有恥謝靈
神意逐風雲遠心隨歲月新名花千萬樹切莫負
三春

自嘲

山中雨後藥苗新倚杖尋來可療人何事仙翁貪
跨鶴蟠桃幾度不沾脣

贈萬儀部次公

昔年燕市麀霜蹄回首雲霄黯自述未折披香庭
內檻先燃天祿閣中藜心依北極頻瞻注情寄南
枝未定栖何事至今遲御李登橋相約次公題

寄懷劉中丞

屢逢小敵爲提師桃李猶含雨露私秋水西湖清
禮樂春濤東海卧旌旗欲趨講席探名理敢聽官

九簫後集

楚遊下

二

袍復後時啟事當年嚴袞鉞蒼黎方切泰階思

哭曹伯樂

今古無多恨英雄與佳人所痛在英雄佳麗詎足
陳憶昔孫伯符羣彥孰與倫一朝志不遂天下竟
三分我師人中瑞秉鑒南國文鳳凰將九鸞矯矯
俱出羣六月息南溟三年羽翼新允矣來虞廷觀
此五色文一旦摧雙關含意不獲申嗟我同門士
膠膝愧雷陳豈其乏素車偃蹇湮黃塵游閑走四
方風霜良苦辛音容既永失夢寐徒相親功名匪
介意四海多未仁南望肅晨風杯酒聊奠君攬衣

步庭際撫劍空傷神

登章江寄朱叔熙

何處藏名更有天今朝又泛武昌船黃蘗夜月家
千里青簡寒燈客十年湘水嚮人分作淚吳鉤入
夢不成眠此生萍梗渾無定驛使梅花莫浪傳

武昌寄和劉玄度

二十年來鬢欲霜及門今日始升堂芙蓉露泣疑
龍夜青桂秋凝羨兔香才子挂帆神欲助酒人燒
燭興偏狂逢君謾說延津事夜夜光芒在斗傍

居師已歿

九簫後集

楚遊下

三

其二

孤蓬出沒半雲霞夢管偏宜住百花五夜校書煩
太乙微詞非玉愧東家三言爲雨君休問南浦行
雲我欲賒喜見龍沙三言無祗應天上再宣麻

居百花洲南

其三

吳楚離居各一方漫乘秋水白雲鄉凝眸天路多
疑似屈指仙期尚渺茫幾翅欲飛鳴漸遠彭郎新
娶夜初長散花洲上頻回首落月多應照屋梁

山屬武昌府

其四

池上將雛有鳳凰高飛鴻鵠附翱翔鉛藏筑裏聲
悲壯玉許城連價未償楓葉霜侵酣五夜榜人風
便夢三湘相逢空有匡廬約無柰康郎一水長

懷小別山寄彭蠡故人

煙棹西浮恨較遲征衣寒色若相欺大姑不嫁綠
何事小別千年未足悲風引漁燈聯復斷月微厲
影似還疑歸心辜負巴陵道回首瀟湘起夢思

巴河夜發聽榜人歌

待旦經年事枕戈客心喜得楚人多凌波翻出羅

九簫後集

楚遊下

四

江怨對月傳將子夜歌疑送夢遊長樂堰若教冤

度莫愁河從來白雪難爲和擬借天風奏玉珂

將抵秣陵長樂堰屬武昌

赤壁望武昌西山

煙舍遠樹露微紅望斷吳王避暑宮不是橫江愁
欲渡挂帆猶擬倩東風

嘲小姑

遙憐小姑意應念女兒岡大姑不相讓誰許嫁彭
郎

望匡廬寄道友堅林

匡廬夢裏瀑應作雪中看悵望不可極白雲多是安

登洪山寺浮屠

涉歷未能曲前途事可知雲霄無限路或有見容時

望岳武穆樹

千秋拂霄漢浮雲猶未開浪遊輕別去期與鶴俱來

白下囑夢

戲囑冰池夢今宵試一回霜繁竟易斷雲度鴈應九箭後集

楚遊下

五

猜戍鼓非相促雞聲不忍催客中無个事慢逐曉光來

贈平康顧女郎節

畫檻朱闌入夢遲莫嫌鴛鴦見人疑空中風雨隨紅線筆底文章擬色絲酒政空消寒漏永春光暗逐舞衫移它年上苑傳花夜可似江南第一枝

其二

白雲倏忽渺無端來去輕三三底綺結錦字成吟香影細霜痕帶月鈿花零落盡言古詩云巧笑水千紅懶再看耿耿銀河津可望未登天路兩庭難

約宇女郎聽歌先所歡至喜贈

擬聽清歌渡莫愁鴛鴦被底不相謀三更展鏡緣何事一諾驅車可自由爭訝迎霜從圯上恍如乘月到南樓今宵夢入蓬萊島奪得羣仙第幾籌

即事倩楊柳嘲麗人

沙堤楊柳近長干嫩綠肥來豈耐看學舞每嫌風力細窺人不待雨痕乾方隨白馬搖波影忽受黃鸝送舌端祗戀曲中偷折去那知春色漸闌珊

隱語嘲曲中姬

千里萋萋草色新放牛不識是何人名花入鏡蜂九箭後集

楚遊下

六

思釀比目驚鉤餌悞綸欲杜王孫侵鳥道先防浪子遞櫻脣畫眉已借南山紫蘂却春來幾度顰

諛螭蜥

誰將公子號無腸躁擾鱗中莫可當雙眼不來茶竈冷兩螯能滅稻花香眉同母壻多應缺鬚借蝦王那得長曾與離騷同一卷未通青雅亦何妨

瑞樓及母壻與離騷俱出學士

九簫後集

華亭宋林澄湛今父著

海陵解學夔常與父校

書

與張叔翹書

金陵得徵美兄書知車駕言旋

璽書之錫不特光賁九京行且榮施四世恨弟旅
羈他鄉僅附賀交籍之末不得稱觴上壽抱歉何
如徵美備述雅意欲弟速還故里爲之釋疑解紛
雖骨肉至情雲天高誼何以喻之弟非草木安忍

九簫後集

楚遊下

七

負此深衷感激之下隨擬束裝東還會朔風方勁
水陸間關是以不獲如願然恐閣下未悉弟遠遊
之故及胸臆之私特以書對夫寒宗之難人知其
起於家奴尹京之無上而非也尹京之斷案章父
母據理原情法已正矣衆咸服矣又孰爲禍始禍
蓋發於尹京之戚曰許勝者勝爲隸人持箠周呼
誑言於門曰錢氏仍斷還宋宅矣於是寒宗始挾
婦東趨而原差金文以索金不暢誑稟失實錢
氏即刻到官而事已無及致有衆役之差斯時弟
若令二三蒼頭伺斷公庭則必不受許勝之誑言

致金文之誑稟亦弟家適構室鄉間無一紀

在郡而舍侄荀孫宋器少不更事遂爲人所弄

久家吳門因疾就醫故里於章父母猶未通謁然

誼切同宗不容不披纓而往一請見而章父母即

令左右悉召還諸役矣再請見而寒宗在繫者皆

寬假矣三請見而先叔及故里人皆得出獄就瞑

矣則寒宗之難忘者在許金二役而弟之戴德感

恩獲藉手以報寒宗者章父母也此恩仇之辨較

若蒼素不待賢智以故有叩及此事者弟直應之

曰寒宗之禍起自隸人若非章父母則不知所抵

九簫後集

楚遊下

八

止矣昔嘗以此對執事豈對它人而詞有異乎嗣
後而謁師江右絕口不及也謁師楚中絕口不言
也即今而訪及金陵亦絕口不言也夫世豈有存
之於心而不形之口乎旣不形於口而猶存之心
乎自八月離家以迄于今計五月矣豈五月不言
而五月之後復忽言耶之江右之楚中之金陵不
言豈之燕京而復言耶一日不言終身將不言矣
一方不言隨處不言矣所以不言者仇屬於二役
而恩歸於父母以二役而置之口弟之所不屑以
父母而忘其恩心有所不安且有口言之則有耳

屬之不待垣也有手筆之則有目攝之不能秘也
令言於江右江右諸公必聞之矣言於楚中楚中
諸公必聞之矣言於金陵金陵諸公又必聞之矣
聞之則必述之豈言入于人之耳而不出於人之
口哉筆猶口也目猶耳也言至此而弟之作客可
無疑於父母矣既無疑於父母則即日東歸可也
終身羈縻可也弟之羈縻也夫何故哉先人有未
瞑之遺言思藉一第以報命而日暮途遠苟非避
跡遠方而復歸故鄉故鄉親友不以弟爲不肖情
與誼俱朝夕綢繆經年無休息之會况弟一歲連

九齋後集

楚遊下

九

舉兩兒於情又不能忍而回首文戰爲時幾何是
以不忍復歸歸且無暇也而忍違心背理令鬼神
交關其間以遺先人羞哉由此言之今日乃澄明
發有懷之時而非含沙射人之會世豈有不圖瞋
父之目而以思爲仇操直作曲非喪心病狂必不
至此業已喪心病狂而其言又孰聽之且弟一生
半家湖海昔居燕京十餘年未嘗有疑之者居吳
門五年亦未嘗有疑之者至于金陵則弟壬子已
有遷居金陵議矣刻在拙稿可覆奚第金陵舊跡
京弟故土也燕市薊北廣陵章武昌皆舊跡也

游也睨岫聽林侯飛鳥之倦并吳門舊業將啟屣
焉頃袁湘真父母叩弟何事不家吳門弟答以不
獨居一國若雲間不歸而見疑則吳門不家亦可
疑耶要之章父母之於弟有德而無怨弟之於章
父母有感恩圖報之心而無含怒蓄怨之理何也
有恩當酬而無仇可復也弟與仁兄締好二十餘
年自弟鬚眉以至肝膽夢寐皆能見之諒之必能
以鼎言力任之章父母前保弟無它矣縱有疑弟
者見弟此書亦未有不渙然冰釋市虎弓蛇自茲
雖欲疑而無自况本無可疑乎嗟乎澄雖淪落然

九齋後集

楚遊下

十

自信頗堅用於時則無二諾之季布棄于時不失
爲重一言之侯嬴縱至于顛沛猶依然不侵然諾
之貫高也何至心昏口矛下同魑魅令白日獨有
其昭昭哉耿耿精誠竊意舉世無有能埋滅之者
今也陰賊著於本心是自埋滅其精誠矣故曰無
可疑者乃自信而不疑非自疑其心而姑釋於有
道之前弟曰不必疑也然弟非惟不自疑也更信
章父母乃大有爲之人加以閣下一片熱心相助
爲理則均役以別等威擴城以備杆集奸宄屏跡
積弊肅清使龔黃拜在下風以幾美二南不肖弟

雖寄跡四方有不歌鵲巢而詠麟趾以揄揚盛美者非夫矣弟感仁兄相念相愛之深刻於五內故不止於辨疑而又進烹鮮之說微然日月不居寶山空返豈非吾鄉一恨事乎吾鄉視弟楓樹也然于閣下爲桑梓於章父母爲甘棠起瘡痍而衽席之此其時矣伏惟少留意焉

附 付各家人勿執陳慈并孫鯨弒逆書

陳慈之第三弒事發也我曾涕泣道之諭令自甘改過則不必到官而慈勿順也遂聽與許壽至公庭執辯我初不解其故已而詢之同伴蔣義則述慈云我揮五十金求一分上則事立解矣何必甘改過耶此汝等所共見共聞孰知國法難逃秦鏡不爽自羅法網今五年於茲寡母弱媳子女無依我日夜刺促於心而慈長惡不悛數於獄中與詐人之詞都院一訟可槩見矣至于孫鯨佯死投河從慈謀逆周官所謂幼弱不識誠當從赦宥之科我所以不汲汲于獄成者欲慈悔過自新又思我先府君遺未瞑之命且我年踰不惑未有冢嗣一旦縱虎狼於野恣其吞噬則其如先府君之志宗嗣之計何春風困人雖馬蹄未疾而候于去秋九月房中有妾懷妊遂慨然請于恤部先寬孫鯨之獄今春正月幸復妊一妾自揣生平不應屢沐皇天之眷此皆先府君先節母積德所致澄敢不體天地好生之心忍我身猶生於人世而二犯老死於獄中使母媳兒女終歲無生人之樂哉况死生有命我之短修非慈所能操造物

司之莫可奪也微天之幸二妾之中得生一子以繼先府君之祀則我死亦可無憾慈之悔過與慈之不悛鬼神不能謀親愛莫能挽我亦何必過爲之慮乎即南宮一第但恐我之孝思不能感格鬼神苟精誠上通於天挽回天由我掇之也慈安能以弒逆之謀阻我孝思哉汝等自今對簿可即以此情控之各位神明幸施法外之仁我一念既決更無悔心藉朝廷之雷霆以少延不肖之殘喘者昔日我未可以死也因二姪之雨露以少延二奴之餘生者今日我真可以死也我心如是

九齋後集

卷六

十三

而已亦何論慈之悔過與否耶略而不論可也恐慈鯨與汝等未悉我情故付之梓以爲左券

九籀別集四卷附錄一卷（原缺附錄）

〔明〕宋楸澄撰

清初刻本

中國科學院圖書館藏

九籥別集目錄

全集卷帙甚富燬于兵火今先梓別集行世全

集嗣出

卷之一

赤牘

與白二

與焦三

與藍痴

與王大

與周五

與劉二

與晁領軍

與從九

與印二

與蔣子廉勸禁酒

簡袁先生

與樂二

簡局先生

與鄭二

與朱二

藏黑三

夢中與黔國

與王五

與王先生

與張六

與楊大

與姚九

與月上人

與錢六

與七二

議呂小常

與黃四

與楊三

與酒人

與孟八

與洪二

與卜一

與周八

餉陸三黃雀乳及魚豚

與顧八

與楊三

與姜大

與朱八

陸三爲我問此生於布袋和尚

與陸三

與昌一

報陸三

與吳八

戲陸三

與元七

藏從兄

與家二兄

與仲一

與家二兄

與屠二

與鍾離五

與范大

與顧二

與申二

與戚五

與于二

又

又

與沈一

與井大

與陳一

| | |
|--------|-------|
| 與褚二 | 與衛四 |
| 與程七 | 與陳六 |
| 與沈二 | 與勞二 |
| 與龐千里 | 與伍六 |
| 與段二 | 與趙五 |
| 與唐七 | 與焦二 |
| 與將六 | 與璦二 |
| 與鄒九 | 與徐六 |
| 又 | 又 |
| 與祝五 | 與劉八劉二 |
| 與諸七 | 與趙二 |
| 與喬九 | 與周一 |
| 與韓二 | 與來一 |
| 與麻二 | 與曹大 |
| 與從兄 | 與方五 |
| 與田二 | 與仲二 |
| 又 | 又 |
| 上金龍四大王 | 與吳二 |

| | |
|-------|---------|
| 與吳大 | 示家中 |
| 與權五 | 恐顧二不來會葬 |
| 與鹿三 | 與商七 |
| 與溫二 | 與甄三 |
| 與陸二 | 與薊一 |
| 與白大 | 與蘭二 |
| 與樊一 | 與戈五 |
| 與艾七 | 與荀一 |
| 卷之二 | |
| 劉東三 | 廣陵來興 |
| 敬德不伏老 | 吳中李子 |
| 珠衫 | 耿三郎 |
| 飛虎 | 陳氏鐵符 |
| 巍石山 | 不恭 |
| 日本刀 | |
| 卷之三 | |
| 釋 | |

九籥別集卷之一

華亭宋懋澄幼清甫著

婁東吳偉業駿公甫選

赤牘

與白二

一切陰陽皆我父母。一切五行皆我人倫。過可除也。

與焦三

歸口過黃河。投片紙於河伯曰。非不得已。勿渡也。

與藍痴

九籥別集

卷之一

丈夫遇世不平。片時隻語。轉禍成福。如作傳奇。一過便了。使經年動氣。便令元亮促社。

與王大

甲午夏已遷家故里。復不喜飲。便中夜起坐。

與周五

今有賈胡。自云乘馬足不動而日千里。但值尋常。而人不顧者。惡其不信也。

與劉二

彈夜光於碧漢。不可以爲星。沉昭華於清流。不可以

爲月

與晁領軍

足下平頭。狠過吳牛。健浮胡馬。瑯油前人也。

與從兄

弟少年隆冬。往來幽薊。耳面風剝。畧不怨生。此倉雖少。加不韻。猶是正月東風。

答蔣孝廉勸禁酒

生於此中。頗稱耐久。燈下相親。恩同姬妾。便致構嫌。不若處仲。後房一時驅盡也。

與印二

僕聞千金市黑貂。百金買狐腋。然貧者之安。羔絮。不異貂狐也。僕也有焉。

簡袁先生

梅花百樹。枝枝善眼。僊人。還禮佳城。恍然爭十二玉壺。在。功德淋漓。敢不稽首以謝。

與樂二

疲馬力行。猶能五十。循騏驥之跡。日不十武。卿之所示。得無似乎。

簡周先生

深院涼月偏亭微波茶烟小結墨花粉吐梧桐蕭蕭
與千秋俱下

與鄭二

馬字浮雲足繫之千鈞則不過款段矣

與朱二

明駝負重駕須由人使舍人自負不一鈞而漉汗矣

戲黑三

檀象掩映翁仲至泰山之下不敢比於岫石猶足下
之不能同我也

夢中與黔國

聞明公收一異人此人上帝所禁已勅朱衣少年十
五輩天下追索近又有禹步南行者口善風角稍爲
所撼恐髡鉗不免

與王五

此君白雪微有寒態請雕商刻羽以助煖律

與王先生

從茲以往舍名舍得興來則吟咏誦讀筆削記述興

去則散步涉世飲酒高臥要以期志之所適雖流離
顛沛付之偶然而已

與張大

我二十前好名貪得庚寅已後備嘗艱險始信奢險
苦樂總是一妄然猶以進取自勵至甲午病胃記噎
乃慨然束經病中追思往念悉已成空遂并一切諸
好亦復澹然

與楊大

貧賤少業而多苦富貴少苦而多業能無苦以絕業
外境任之而已

與姚九

以讀書消歲月則樂志以之干功利則束情

與月上人

十年來奉教西方而猶然以功利爲戚豈善男子邪

與錢大

吾視天下猶剩物殘編不足煩我四大

與也二

人生於欲故孔氏曰寡欲欲生於一念之妄故佛氏

曰妄根欲則酸舉妄尚始然却欲於妄猶戒懼於隱微乎。

議呂不韋

呂公是我廩行末年亦復不屈。

與黃四

陳元龍謂呂奉先曰養將軍譬如養鷹。咤孺子安從戟間馬上得之。

與楊三

詩文非怨不工我於世無憾遂斷二業。

與酒人

痛飲可以全神年來胃不受酒覺思慮之煩。

與孟大

佛言三界如空花惟見在是機關木人若夫身後妄之又妄而竭志圖之妄根深也。

與洪二

自七歲以至今日識見日增人品日減安知增非減而減非增乎。

與卜十

近讀素書至苦莫苦今多願嗟乎孰能以多願爲苦乎某也不才請從乎此。

與周八

聞足下日糾元常圖攻白學士不休白是先朝得利人莫令其有積薪之恨。

餉陸三黃雀牛乳及魚豚

牛乳匪白黃雀無環聊藉土物以爲食德之報足下齒舌甚利異日吾當魚肉之二物又以志也一噉。

與皇甫七

九卷別集卷之一
吾畏見風波由胃中無此。

與顧八

此君愛煖愛涼爭餐爭色一力士成擒矣。

與楊三

匹夫肆忿珠玉滿前擊之不顧居平遺焉吁嗟久之彼奪於氣而此奪於欲也。

與姜大

聞昨遇呂翁遺其雅譚神超固是逸足日入可行萬里何況斜矐男兒貴自信爲語老翁無強料人未來。

事也

與朱大

昨遇雷將軍猛不可避。且勉余死俠將軍之俠。固以
歿爭之者也。

陸三爲我問此生於布袋和尚

和尚料宋生二十年內落禍。又比之行行之由。禍吾
所不畏。未知行行向阿誰住也。賺得和尚落吾舉公
案亦大快事。

與陸三

左蒼龍集 卷之一
新詩大佳。多緣與樂天輩作和。耳白奈何。今宋生有
後來之憾邪。

與昌一

自去年已來。萬事了不動心。惟見美人不能無嘆。

報陸三

足下惠我多儀。見者報飛鳥之去也。或曰。雙鳥相背。
飛長者窺我有遠行色乎。鰲者想也。志相思也。唱我
以卵使我不得爲干城也。一卵尚見棄。況其多乎。肉
自處於几上。使我爲刀俎耳。或曰。肉食者鄙。陸蓋以

自況也。

前厚脫具悉雅意。今敬羞不腆。鷄有五德。足下一德
之外。似更無聞。用以相勗。魚以虎名。且善食蝦。恐足
下爲蝦王。駙馬故驅虎食其魔。五侯之鱗。君子所欲
治也。或曰。魚遊釜中。似元常之困於樓下。肉則几上
之心。無能改於其舊。昔季奴以續命報盧循。足下無
效循苦相往復也。

與吳大

丈夫讀書。欲以資通達。定經權。若惜字憐篇。兒女事
也。

戲陸三

小窓秋月竹影之間。時雜初清。不若元常軒後。止見
萬竿相摩。了無一人影也。

與元七

性癖秋冬。爽勁相近。猶人愛春夏之繁熱。若足下正
可寄王於四時。

戲從兄

壺茗爐烟。几席常物。手披數卷。是天寶前人。恨時有

客來不免出酒對酒如對兄面

與家二兄

吾妻經妾史奴稗而客二氏者二年矣然侍我於枕席者文賦外宅兒也

與仲一

年來神散讀過便忘然必欲貯之腹中猶含美饌於兩頰而不忍下咽我之於書味之而已

與家二兄

聞虞山瀑布濯濯千尺如長劍倚天是東南之勝

與屠二

吾聞駱負千斤乃行虎豹有觸便奮是我爲虎而耿爲駱也噫吾將駱矣

與鍾離五

月之雌伏如幼清之懷隱

與范大

村居遇雨來往絕人自晨昏侍食之外雖妻子罕見居植修竹間有鳥鳴女牆低檻疑近山岫晝則警校史書夜則屈伸一榻謝絕肥甘疎遠苦醴胷中無思

或會古今得失一頓足而已如此數日天亦將晴人亦將至我亦將出不可以不記也因就燈書之

與顧二

曾於寶應看下風流一弄船長尺許竟爲一小船所獲弄船乃大船小兒之所戲放見小船獲之兒痛哭投衣想亡國之君亦應似爾

與申二

嘗思回回進獅子時頭纏匹錦日食一口羊稱官蹄馬亦極有名及獅子既久回回出平子門西去感愴中懷悲何能已

與戚五

鷺鳥當秋臨風整翮飽禽肉而高颺頓洗羈紲之辱何爲復受人招

與于二

聞足下六月着犢鼻褌相將平頭採蓮此樂不減簞瓢陋巷

又

昨遇採蓮於途前魚之泣繼以行歌疑是蓮花落耳

又

平子太橫。捉滿兒連夜不出。頓本城西千頭豫章。化為其枕。

與沈一

足下朝出暮歸。往往遇雨。可謂朝行爲雪。暮行爲雨矣。

與井大

梅花冷然。影侵青鏡。况防閑門戶。不減內家守宮。

與陳二

病者小人所苦。而君子之幸。人若未死。惟病可以寡欲。某不患無得。惟恐病不常來。

與褚二

少年善飲。每致宣揚壯氣。二十五已來。恐其露志傷生。稍稍節飲。濡首攢眉。動肖女子。二十六來。頗有微會。復徐開此興。因書之以見已之不如元亮。然阿堵亦烏能爲志損益。祇見從前之妄。歸當問之吾友。

與衛四

讀書不必過人。正令得其趣。

與程七

人生累我。豈惟妻子。皆爲古人所累耳。

與陳六

讀書飲酒。種樹筆削。皆養生之道。然萬勿爲其所累。

與沈二

吾心以爲非是者。勿行也。他人以爲非是者。勿行也。

與勞二

自盤古以至今日。人未嘗歿也。

與龐千里

禹平水土。利毛羽裸之蟲。而不仁於介族。

與伍八

萬物不資於火。而人食之。萬物無藉於金。而人利之。

與段二

人畜役於思。草木役於時。

與趙五

平生病在不養。不學。不大。不達。不深。不達。不慮。不忍。

與唐七

士恨不生戰國。當斬張儀而叱魯連。

與焦三

世人見尋驚尋。見尺驚尺。他日見我。良應魂消。

與將六

辛卯秋八月。登牛首浮屠。視右邊松七株。飛舞而下。極其冲致。癸巳八月重來。則已枯其三矣。夫松壽千秋。不免於天。况吾人淹忽百年。宜平并髦始去。而短髮相尋也。

與琥三

近苦寒渴。六月間裘。而黃昏索茗。

與鄒九

自伏枕已來。搖首受藥。如一老嫗。憶爾時馬上山頭。似隔世健兒。

與徐大

帝王廟。光武同漢高南向。非禮也。子不可以齊父。則孫不可以齊祖。宜以光武侍側。不然爲龔間隔之可也。

又

功臣廟以列侯侍六王。非禮也。列侯與六王皆天子

之臣。則宜別立廟於左右。功多者居右。次者居左。皆南向可也。

又昔陸文裕常疏請之矣

秋祭文廟。例宜用米。

與祝五

頃遭多難。惟日誦子建爲君。既不易詩耳。

與劉大劉二

在昔京師。兩足下少而不肖壯。今不肖衰而兩君壯矣。豈無壯事以振臣精神乎。

與諸七

吾朝名臣。當以肅愍居首。其人有才而無欲。

與趙二

如廁而悟口腹之妄。無及於嗜欲矣。將歿而悟作爲之妄。無益於身心矣。必也思之於臨食。臨事之時乎。

與喬九

仁義禮智信。非止足處。

與周二

癸巳秋九月。別自金陵抵滁。州經醉翁故道。渡淮。瞻

高皇帝龍飛處於時淫雨飄流之後山岫間關津梁
跋涉皆所未歷若竟如昔年安有所謂險阻艱難也

與韓二

癸巳入京至彭城無資遂徒步北上間跨生口從行
止一老蒼頭復以忘物城中至柳泉轉取晚獨宿利
國監畧無感慨昔者吾友子晉嘗言北行顧景生涕
子晉好佛諸相未忘雖殞骨細流猶當質諸燕月

與來一

狀六國之從也莫如以繩連鷄狀六國之橫也莫如
以肉投虎噫可以喻今事矣

與麻二

元美之駁用修也確矣然而不免有勝心也詆獻吉
也似矣然而不免有忌心也譽于鱗也誠矣然而不
免有黨心也

與曹大

嗜古則能文尚趣則得詩勤儉致富專一取貴伎工
於習事成於勉不必天也孔氏指之曰一老氏究之
曰無釋氏體之曰妄道可悟矣有不須學不待悟而

獨授之天者願與之同事焉

與從兄

關鷄走馬蹴鞠牽犬臂鷹好色男子三十內所以銷
雄心也而不才子往往亂之逃禪修煉鉛汞三十外
所以銷雄心也而無賴者往往冒之劍一人敵耳書
足以記名姓英雄豈欺我哉今雄心可銷割我血肉
猶甘之也可銷非雄也

與方五

仲醇雲散而交道衰矣子厓霞舉而意氣絕矣茂潛
日遠而無與作狂矣周大星疎而無與言奇矣人生
情耳能無思乎而况歲寒乎是以吾之於今日諸君
如沉海得船也嗟乎不以詩也不以文也不以飲也
不以欲也吾其誰歸

與田二

子建如河朔少年風流自賞豈必文情為人亦當乃
爾

與仲二

白學士母看花墮井歟後官通顯彈者謂花井是白

所諱乃咏花不輟復作井上汲銀瓶詩由此功名遂落

又

胡文定能了一貫義門人擬稱胡一貫胡曰一貫可胡耶

又

王介甫黃庭堅諸公共至華林園遊戲蘇長公後到見諸公所在笑曰或降於池或飲於阿

與金龍四大王乞便帆

某大王之里人也奔走四方其志無已今病且倦將歸江南爲長者既爲長者當作長者之辭敢祈大王一帆之便用沉玉以請

與吳二

思之老拳耿耿向沈生沈生惡舌開唇觸諱今仲尼當面亦將掩口不遑足下奈何坐失此景青天重雲以肩色意有諷也

與吳大

向詣青城所射顯使待命母使宋玉化爲今威

示家中

近乞得一鶴可放之竹間俟其羽翼長成一聽冲舉恐顧二不來會整

足下不來僕借方相過船書卿年甲名姓灌酒鞭箠無所不至復今胡僧作咒則思之將兩頭入眼須臾化爲異物矣

與權五

作事如野鹿銜花同草俱下

與鹿三

視佛法如看天畔樹樹外有天天不限樹人竟不能於樹外見天以爲天盡於樹

與商七

自蕪城至白門高高下下戰爭之地其草不生果然

與溫二

歎如月過天上影落江河溝廁悉無一染

與甄三

某少癖山水常有詩自題曰宜水宜山一道人及癸巳偶讀太白集有山水何曾稱人意之句嗟乎此老

亦爲山水所誤乎。

與陸二

癸巳六月初十日。登惠山。南望震澤。茫然洞庭所在。悵悵思惟。同去日之難得。

與薊一

癸巳六月初日。句容尹以四人舁京輿。送至丹陽。風颺雲物。間一回頭。此身從天而下。

與白大

我於女子不能忘情。亦不能久癖。譬如黃鳥。山中逢鮮花。蔭木輒稅羽。施聲須臾。便翻然數嶺。心境兩忘。得大舜被嫫之意。

與蘭二

壬辰四月。住廣陵十五日。不得至二十四橋處。迨六月。出構李道中。夢至橋下。清水綠楊。坦延里許。微風從月中徐下。常恐他日負昔夢中。

與樊一

少苦羈縻。得志。但願畜馬萬頭。都缺銜轡。

與戈五

曹子建假令絕意功名。其才當滿一石。

與文七

于鱗於詩文。輒曰擬議以成其變。惜乎吾見其擬矣。

與荀二

王右軍誓墓文。以質宣情。以命定氣。實獲吾心。至於恥下懷祖。而狀罪諸郎。不免尤悔。

九齋集

卷之一

九齋別集卷之一

九齋別集卷之二

華亭宋懋澄幼清甫著

婁東吳偉業駿公甫選

稗

劉東山

劉東山世宗時三輔捉盜人住河間交河縣發矢未嘗空落自號連珠箭年三十餘苦厭此業歲暮將驢馬若干頭到京師轉買得百金事完至順成門顧驢歸遇一親近道入京所以其人謂東山近日羣盜出沒良鄭間卿挾重資奈何獨來獨往東山鬚眉開動脣齒奮揚舉右手拇指笑曰二十年張弓追討今番收拾定不辱實其人自愧失言珍重別去明日束金腰間騎健驢肩上掛弓繫刀衣外於跗注中藏矢二十簇未至良鄉有一騎奔馳南下遇東山而按轡乃二十左右顧影少年也黃衫瓊笠長弓短刀箭房中新矢數十餘白馬輕蹄恨人緊轡噴嘶不已東山轉盼之際少年舉手曰造次行途廝道姓氏既敘形迹自言本良家子爲買京師三年矣欲歸臨淄婚娶猝

幸遇卿某直至河間分路東山視其腰纏若有重物且語動溫謹非惟喜其巧捷而客况當不寂然晚遂同下旅中明日出涿州少年問先輩平生捕賊幾何東山意少年易欺語間益輕益賊爲無能也笑語良久因借弓把持張弓如引帶東山始驚愕借少年弓過馬重約二十觔極力開張至於赤面終不能如初八夜月乃大駭異問少年神力何至於此曰某力殊不神顧卿弓不勁耳東山嘆咤至再少年極意謙恭至明日日西過雄縣少年忽策騎前驅不見東山始惶懼私念彼若不良我與之敵勢無生理行一二鋪遙見向少年在百步外正弓挾矢向東山曰多聞手中無敵今日請聽箭風言未已左右耳根但聞蕭蕭如小鳥前後飛過又引箭曰東山曉事人腰間驛馬錢一借於是東山下鞍解腰間囊膝行至馬前獻金乞命少年受金叱曰去乃公有事不得同兒子前行轉馬面北惟見黃塵而已東山撫膺惆悵空手歸交河收合餘燼夫妻賣酒於村郊手絕弓矢亦不敢同人言此事過三年冬日有壯士十一人八騎駿馬身

示短衣各帶弓矢刀劍入肆中解鞍沽酒中一未冠人身長七尺帶馬持器謂同輩曰第十八向對門住皆應諾曰少住便來周旋是人既出十人向饌傾酒盡六七壘雞豚牛羊肉噉數十斤殆盡更於皮囊中取鹿蹄野雉及饒兔等呼主人同酌東山初下席視北面左手人乃往時馬上少年也益生疑懼自思產薄何以應其復求面同酒盃不敢出聲諸人競來勸酒既坐定往時少年擲瓊笠呼東山曰別來無恙想念頗煩東山失聲不覺下膝少年持其手曰莫作莫作昔年諸兄弟於順成門聞卿自譽今某途間輕薄今當十倍酬卿然河間負約魂夢之間時與卿並轡任丘路也言畢出千金案上勸令收進東山此時如將醉將夢欲辭不敢與妻同昇而入既已安頓復殺牲開酒請十人過宿流連皆曰當請問十八兄即過對門與未冠者道主人意未冠人云醉飽熟睡莫負慇懃少有動靜兩刀有血喫也十人更到肆中劇醉攜酒對門樓上十八兄自飲計酒肉畧當五人復出銀箴籬舉火烘煎餅自嚼夜中獨出離明重到對門

終不至東山家亦不與十人言笑東山微叩十八兄是何人眾客大笑直高咏曰楊柳桃花相間出不知若個是春風至三日而別曾見瑯琊王司馬親述此事

廣陵乘興

華亭錢福狀元已歸田里有客言江都某妓動人狀元欣然整裝造江都既至適鹽司御史某甲狀元進士門生也投刺視却御史快甚獨意狀元出不易一朝率臨將無屬吾事乎因問近日志意何如某幸為政欲有高下唯命所指狀元應語某聞府中一妓姓氏來求見面乘便顧卿煩為我訪問御史刺促某執符為天子巡視義不得及聲妓狀元作色御史陰命行下人訊市妓已屬積鹽賈人還報御史御史以難告狀元謂門生某苦無消息耳既知去嚮安藉卿為辭御史出同逆旅館人謁大賈賈人重狀元才名即時反拜立日請飲狀元就酒語間呼主人某跋跡水陸特欲此間識某妓近聞歸卿幸賜一見賈人設席西隅出妓傳花把酒狀元興隨境到酒無重瀝酣次

賈人令妓出白綾手巾請留新句時衣裳縞素往來
燭前皎若秋月狀元持杯披袖引滿再三妓宛轉更
多簫管之間不覺醉飛玉笛乃是一絕句云淡羅衫
子淡羅裙淡掃娥眉淡點脣可惜一身多是淡如何
嫁了賣鹽人仰面大笑而出明晨竟歸迄御史踪跡
已不知遠近矣

敬德不伏老

滁人楊干庭萬曆中亞曹武庫尚書石星先爲滁行
太僕與楊情好極歡後上下典樞互相振飭楊意氣
過嚴請謂共念乃堅臥乞休石至牀敦喻楊厲聲曰
起某以刀理難再出直道風夷明公顧以明哲見誚
耶石曰飲耻抗情實難早晚俟兩方少閒雅轍是從
楊轉面問壁石微笑排簾及楊允請石出順承門祖
道天寧寺酒酣將騎楊命優人劇敬德不伏老石知
楊諷已故嘆曰爾時多事不得以疎閒自嫌楊頓足
曰大事已定高下道途不異蛇足已而西醜獻俘東
師奏凱石終困蒞藜時咸謂石之徘徊遜楊之明決
石燕之東明人也

吳中孝子

姑蘇一賣酒人有母寡居其人復作客於三吳妻與
姑不相能乃佯疾而令其姑當鑪陰謂媒者曰姑不
安於贅當鑪以擇字媒乃引武康人託沽酒而觀之
姑時年四十客未甚謝不髻頗潔武康人亦欲爲子
擇保母弗論色也出五金令媒授其家婦受金謂媒
者曰姑羞此出某日可容具舟至儂家後門便速下
來慎勿爲隣人所覺至期船泊後門矣婦給姑曰第
三姑駕艇來迎日云悶悶當到荒郊一豁第湖中多
盜警不必盡行數日後便催阿郎接歸姑苦婦節
制快與愛女傾懷不假思惟何船輒下已而出入湖
中四顧崖曲皆非昔年送女故道船中人又不相識
向晚進食畧無動靜疑慮萬端竟夕不枕明抵一村
風景門戶頓殊吳會矣姑遑愕伸頭轉顧船尾謂操
櫓者曰何以至此舟中人皆掩面相笑姑知爲婦所
弄頓足叫號據舷欲跳主人翁遙謂之曰媼家言媼
欲作此今不爾耶老夫家二孫欲屈媼旦夕之任人
生良難歟無益也媼感悟拭淚就撫二兒王家憐媼

遭逢勿役以事。歲時不食。不告而豐。兼脫惡婦之手。竟忘家矣。其子客歸。問母所在。婦語之曰。好兒子。僕娘昨夜度娘。不知也。忿而問諸鄰。則曰。某月某日。扁舟他去矣。其子雖疑其妻。而苦無形迹。踰年客武康。道出山中。見一媼。就右搗衣。疑其狀貌。不覺心動。逼而視之。乃是其母。相持痛哭。母語以故。且曰。吾恥北歸。百年之後。累汝一杯南向。子曰。母但良食。歸在月終耳。至家。畧不言客武康。一日謂婦曰。汝嘗欲燒香虞山。我二日內頗閒。過此不得矣。其妻歡然束裝。明晨攬衣拂鏡。捲簾待夫買香不至。手中交纈。袖中夫剛到門。婦倒扇柄敲門板曰。身欲早去。何不助人敬佛如此。夫攜之下船。婦小時歲至虞山。至是忽驚巨浸。其夫笑問之曰。每言此路曾經。今復憶昔年否。婦人恥於不知。以手挽鏡。鼻曰。青髻幾時。遂爾桑海。蓋疑夫故出他道戲之也。及至晚不到。益疑夫惡。乃閉目促夫。搖船燈前。手轉菩提。口念彌陀。不置。明日抵一山中。夫謂之曰。我起置章疏。岸上多惡少年。勿得露面。婦人許諾。至主人門。翁他出矣。有二郎在。謂之

曰。尊君所置姑蘇老媼。實下人母。遭不韋婦。得充貴宅掃除。願以少而美者易之。二郎欣然曰。少而美者得就見乎。其人曰。可。幸出我母於門。以便相易。至舟中呼婦曰。起。婦人以夫久不下。顧叩舟人曰。此去虞山頭幾許。舟人不解。漫應曰。三百里。及夫至。罵曰。非千里馬。二時往返。六百里耶。相攜到門。遙見姑身。始長跪伏罪。其人曰。汝當留善事後人。此真桑田變滄海也。二郎見婦人顏態。儘工輕薄。乃受其婦而還其母。朱生曰。廢人喜述此事。蓋以其處變不擾也。

珠衫

楚中賈人某者。年二十三。妻甚美。其人客粵。家近市樓居。婦人嘗當窗垂簾。臨外忽見美男子。貌類其夫。乃啓簾潛睇。是人當其視。謂有好於已。目攝之。婦人發赤下簾。男子新安人。客二年矣。舉體若狂。意欲達誠。而苦無自思。曾與市東鬻珠老媼相識。乃因鬻珠而告之。媼曰。老婦未嘗與娘子會面。雅命所不敢承。其人出白金百兩。黃金數錠。置案上。揖而跪曰。旦夕死矣。案上二色。敬爲姥壽。事成謝當倍此。媼驚喜

諾曰：郎君弟侯旅中，因此階進期，在合歡勿計歲月也。其人慙慙而返。媼因選囊中大珠并簪珥之珍異者，明旦至新安人肆中，肆戶正當於樓前。媼佯與新安人交易良久，於日中照弄珠色，把插搔頭。市人競觀，喧笑聲徹。婦所婦登樓竊窺，即命侍兒招媼。媼抗新安人金曰：不賣。阿郎好纏人如爾，價老婦賣多時也。收貨入筭，便過樓與婦作禮曰：老婦久同里曲，知娘子饒此。此數物是老眼中奇樓下人高下不情，想未有女郎者。老身適有他事，煩爲收拾。少間徐來等論，匆匆下樓。過數日，不至。一日雨中，媼來曰：老身愛女有事，數日奔走負期。今日雨中，請觀一切。纓絡燦却窮時，婦人出篋中種種奇妙。老媼宜嘆不形容。既畢，婦綜核媼貨，酬之有方。媼喜曰：如尊意所衝，餘魄無憾。婦復請遲價之半，以俟夫歸。媼曰：鄰居復相疑邪？婦既喜價輕，復幸半賒，留之飲酌。媼機穎巧捷，彼此惟恨相知之晚。明日，媼攜酌過，傾倒極歡。自此婦日不能無媼矣。媼自言老身家雜，此間大幽，請攜臥作伴。爲金侍兒，婦喜曰：妾不敢邀，謹拭。

流蘇以待。是夕，媼遂移宿兩牀，相同噉語，相聞轉動。偏側侍兒別寢一房。媼攜榼挈壺，摩夕不至。宵言幾句，蕩雨沉烟。新安人數問媼期，輒曰：未未。及至秋月，過謂媼曰：初謀柳下條葉，未黃約及垂陰，子已成實。過此漸禿，行將白雪侵枝矣。媼曰：今夕隨老身入須着精神，成敗係此。不然虛費半年也。因授之計。媼每夜黑至婦家，是夕陰與新安人同入而伏之。寢門之外，媼與婦酌於房。雨聲甚戚，笑劇加殷。媼強侍兒酒，侍兒不勝醉臥。他所適有飛蛾嗡嗡，梁上婦仰視之。媼即以扇撲燈曰：唉，燈滅。老身自出點燈，因攜其人入寢，復佯笑曰：忘攜燭去，則暗置其人於已牀上下，帳蔽之火至。其人以被蒙頭。媼與婦復酌許久，各已微酣。語言無禁，解衣登牀。媼自言少時初婚情狀，因問娘子如此否？婦大笑不答。媼復以淫語挑之。良久，媼知其情已蕩，乃曰：老身更有最關情者，須自至枕上言，乃挾其人上牀。牀婦以爲媼也，啓被撫其身曰：姥體滑如是，其人不言，婦已神狂，聽其輕薄而已。是此之後，恩踰夫婦。奄逾夏初，新安人結伴欲返，流涕。

謂婦曰別後煩思乞一物以當會面婦人開箱檢珠衫一件自提領袖爲其人服之曰道路苦熱極生清涼幸爲君裏衣如妾得近體也其人受之極歡而起計此人所贈珠玉已千金矣明日別去相約明年共載他往新安人自慶極遇於路視衣輒生涕泗雖秋極不勝未嘗離去左右是年爲事所梗明年復客粵因攜珠衫而往旅次適與楚人同館相得頗歡戲道生平隱事新安人自言曾於君鄉遇一婦如此蓋楚人外氏故客粵中主人皆外氏舊交故楚人假外氏

九書刊
卷之二
十一

姓名作客新安人無自物色也楚人內驚佯不信曰亦有證乎新安人出珠衣泣曰歡所贈也君歸囊之便幸作書郵楚人辭曰僕之中表不敢得罪新安人亦悔失言收衣謝過楚人貨盡歸家謂婦曰適經汝門汝母病甚渴欲見汝我已覓轎門前便當速去復授一簡書曰此料理後事語至家與阿父相聞我初歸不及便來婦人至母家視母顏色初無恙因大驚發函視之則離婚書也闔門憤慟不知所出婦人父至婿家請故婿曰第還珠衫則復相見父歸述婿語

婦人內慚欲死父母不詳其事姑慰解之某年有吳中進士官粵過楚擇妾媒以婦對進士出五十金致之婦家告前婿婿檢婦人房中大小十六扇皆金帛寶珠封畀妻去聞者莫不驚嗟居某年楚人復客粵因繼室於粵攜室將歸與主人算貨不直主人翁就勢披之翁仆地暴死二子訟之官官卽進士也夜深張燈檢狀妾侍於傍見前夫名氏哭曰是妾舅氏今遭不幸願憐箕箒丐以生還官曰獄將成矣婦人長跪請死官曰起徐當處分明日欲出復泣曰事若不諧生勿得見矣官出視事謂二子曰若父傷未形須剝骨一驗適欲見官他縣尸可移置漏澤園俟還時爲汝商檢二子家累千金恥白父骨且年踰耳順仆損難稽若欲罪楚人必虧父體叩頭言父死狀甚張無煩別劾官曰不見傷痕何以律罪二子懇請如前官曰我有一言足雪若憾若能聽否二子咸請唯命官曰今楚人服斬衰呼若父爲父葬祭責其經紀執拂躡一隨若行若父快否二子叩頭曰如命舉問楚人楚人喜於拯死亦頓首如命事畢官乃召楚人

九書刊
卷之二
十二

與妾相見男女合抱痛哭踰情官察其有異曰若非舅甥當以實告同辭對曰前夫前婦官垂淚謂楚人曰我不忍見若狀可便攜歸出前所攜十六兩還婦且護之出境或曰新安人客粵遭盜劫盡負債不得還愁念病劇乃召其妻至粵就家妻至會夫已物故楚人所置後室即新安人妻也察人曰若此則天道太近世無非理人矣

耿三郎

耿三者楚中人也矜其智能不屑經生技好遠遊常

九審別錄

卷之二

七

遊洛陽出城於樹下逢壯夫飲馬箕踞而坐意度非常耿下馬問其所往云欲至榮澤耿遂請同行於路常談不能測也既至縣復問所行曰將抵鄭州耿願自鄭返於洛陽是人曰吾欲至東門少時卿可待我於西郊耿陽許諾俟其行尾之而東見入大典須臾便出一人攜巨囊送之整頓鞍轡禮如家奴耿潛小巷見其已過即捉典人臂問頃者馬上何人典人涕泣曰當爲郎君言吾陝人也行販沒於河貧無以爲歸典衣貨柿爲業偶市於向人視我再三曰子可爲

千金之商奈何至此余曰向固以七百金販者也曰如欲復商可書千金之契來余忘其詐謝不敢當笑曰子失路人也何忍相賣乃昇之契收契畢攜至一舖中謂主人曰某年起至某年息可悉檢出主人隨年相付封題極週如數日前豫囑者因以授余且曰河北若干貨收之販河內利約幾何河內河中貨賣於江北利約幾何一年之間當獲子金二千明年於鄭州置典每年封三百金之息以俟吾不時之需今日之所攜者五年之息也耿曰何不少負之曰非惟不忍負見其如此亦不敢負也耿至西郊是人已在亦無異色夜宿店中耿張具作別飲酒甚歡喟然語耿曰時當太平吾輩可爲樂矣耿因進說曰余觀夫人之才足當一面設以總戎相屈亦降志乎對曰吾未能必吾之低眉耿曰總戎所低眉者大司馬而已曰伍長之所低眉者百長而已耿心動不敢深叩明日分道而別數夕之內惟聞其中夜長嘆他無甚奇也自是耿志意索然不復妄意非分矣

宋幼清曰始禍者死此異人所以不敢爲天下先也

九審別錄

卷之二

七

或者比之貳髯之流余獨以爲不然大國之卿當小國之君衛吾溫原也彼扶餘之君亦唐鎮一節度曷足與文皇相頡頏且度其志不至於有成不已亦其器畧使然豈若異人隱姓名匿鱗甲舉世莫能想象其不爲人下非耿三孰能知之乎經曰機在目有心之目良可畏也

飛虎

萬曆甲寅乙卯間嚴衢忽有虎如赭馬項有朱鬚自首迄尾長十餘丈踰山越澗無翼而飛隨風立至閃

九齋別集

卷之二

五

爍如電設十人遇之惟其所擇佯死與箝口者獲免出聲則舍口中之肉悉立殺之非人不食兩年之間所食約四千餘人獵者集健兒布網困之雲霧忽興俄失所在傳聞更舛新安諸郡竟不知所之先是三年有樵夫王天舍路遇老僧要至王大鼻店市脯沽酒與天舍痛飲酒間僧訂約云二年後某月日倩檀越爲老衲開疏酣暢而別天舍每嚮大鼻言若老僧來當爲首倡少酬壺漿至期虎首嗜樵夫大鼻始悟老僧蓋訂樵開齋也或曰此爲猧貅先是數十年有

類是獸登樓噉人爲獵夫所殺友人毛上池暨爾受親爲余言

陳氏鐵符

江陰泰興兩厓相對岩下各有穴可以貫索居人編竹夾舟其中風浪不爲動習者從竹上行如驚每歲七月十五至十月截江而漁羣魚從蜀楚糾纏而下大者百餘斤一日經宿而起江流之駛至於刷骨國初陳氏與某姓爭業至厯宸聽太祖命置鐵符沸油于鍋沉符鍋底今兩家能探之者許專其利陳氏有老人將八十念棄餘生爲子孫謀忻然探符出鍋肘隨手而墮太祖遂聽陳氏世擅之老人年至百十餘歲而卒子孫其繁至今他姓卒莫能奪友人顧仲卿述

九齋別集

卷之二

七

巍石山

江右饒州巍石山宋岳武穆詩巍石山前寺林泉勝境幽紫金諸佛相白雪老僧頭潭水寒生月松風夜帶秋我來屬龍語爲雨濟民憂又于桃山驛遇王喬岳鍾靈讀其送友人詩云南渡已三紀衣冠今幾存

去國構臣力。全身聖主恩。字字飛動。惜亡其半。得詩人之度。不減張睢陽。今其後出。貴于攜李。意其所收遺跡。更有異焉者也。

不恭

來三仕曾爲縣尹。頃至南昌。故不敝履之市。市書南昌。楊縣令訝其不起。撻之市五。來怡然縛袴。問市人命。撻人是何官。市人對以縣令。來不覺微哂曰。縣官朴。縣官耶。市人始開然相傳。來沽酒二瓶。手提至鐵樹官。裸裎而飲。于是縣中好事者爭候問之。來笑曰。九籥別集 卷之二 七

日本刀

丙申秋日。侍師於真州公署。時余年二十八矣。猶有不羈之思。從師乞日本長刀一口。師尤之曰。泰寧之朝。安事三尺。余對曰。鋒鏑可儀。佩之幾年。真成鷄肋。竟贈之武人。此刀風雨夜。時颯颯有聲。明晨離鞘常

二寸許。亦靈物也。迨壬寅。以先慈計南奔。值夜復宿。是館。弦月積雪。風景淒然。迴念壯心。恍如隔世。日月不居。老將至矣。此英雄所以撫髀而泣也。

九籥別集

卷之二

九籥別集卷之二終

九齋別集卷之三

華亭宋

婁東吳

稗

李福建

世廟時起大獄。而李福建竟亡命來吳中。抵常州楊氏館。七郎家酒間輒嘆。屏風上美人下地歌舞。獨留一人守屏上。七郎兄六郎鄉居。疑其術。抵城觀狀。見李胃前有黃綃囊。雖盛暑勿脫。六郎誘之浴於河。亟

九齋別集

卷之三

一

使人竊去。李上岸見囊失。笑曰。我當令偷兒自獻。怡然整衣冠於座。握固。須臾有人垂兩睛於隄外。而獻其囊。則向戲竊人也。六郎驚起謝。李使人自納其睛。須臾復故。它日六郎別去。李謂七郎。君家六郎無賴。若許我作主人數日。怨亦可解。時夜值中秋。璧月如鏡。李忽拔簷下一瓦。出三寸許。復就座飲。諸人不解。所以叩之。不應。歡飲月中。幾天明散。明晨七郎拉李及諸客同抵六郎家。相與談昨夜事。六郎曰。先數日期。諸親知大集。昨宵不意初筵。忽大風雨起。終席昏

九齋別集

卷之三

二

迷。諸客皆狼狽散。至今陰翳不開。七郎與諸客俱大咤。我輩昨夜月最光明也。李笑問。今夜復須月乎。合座競懇。李仰天向空拂袖。雲忽開。霽清光皎然。當昏翳時。六郎居傍大池水。忽涸。池傍人夜聞若數百夫輪水聲。郡倉後有潭深不可測。中有異物。人浴淺沙。常牽下不起。往往殃及牛馬。風雨人不敢過。恐爲所覆食也。相傳老蛟爲魅。荆太守倩李捕蛟。李邀荆同往。命太守嬖童持符抵水。使君請易宅人。李固云。非此兒不可。太守氣懾不前。而嬖童已握蛟出水上矣。蛟跳水面。甚巨。李呪之。小至太守前。僅五尺耳。李禹步殺蛟。付厨中作鮓。怪始帖然。嗣客金閭。王文恪長郎飲之於舟。由胥口經莫釐。每一饌畢。必向水投其器。玉杯金尊。爲之一空。王知其異。色不爲動。頃之舟中買魚作羹。剖腹悉是酒具。至於洗盞盥手。莫不有得。夜檢所投。百不一失。華亭朱蘆溪尚書。延之至家。居月餘。尚書戲令作主人。李一無所辨。第邀尚書至園亭入座。須臾窮極豐腆。咸自空來已。而尚書歸第。家人云。今日諸女郎醺飲。羣珍方調。以次失去。尚書

笑叩所失一一皆筵上物也諸女郎恨李作惡相與大詬李自是俟厨中饌熟必分取其半閨中愈忿邀尚書勸之去尚書置酒作別李忻然引滿就道去數日復來如故諸婢妾益厭苦李時時聲言夙駕諸女郎幸其長往輒質簪珥錢行惟尚書聽其來去李一日謂尚書代我辦裝我將至燕臨行邀二紀綱作伴數月奴送李抵燕而歸諸婢妾方慶息肩明日侍尚書登山臺賞花方樂李忽從天而下諸女郎無不驚駭鳥獸散尚書不得已與之盡歡復客經年而去

九齋別集 卷之三

返自吳門爲從奴所告官繫之獄枷鎖不能加加便落去獄中人日沾酒殺無不醉飽獄吏甚懼李啖之有加會在赦前止謫戍滇中故事從軍必令兩人與俱以防逸去李謂二人若欲至滇取符驗耳第歸家三月後俟我於玄妙觀前母苦碌碌馬蹄間也兩人欲不從又畏李叵測低回別去三月之內時聞李在酒家胡及諸貴人座中耳及期而往則已在門矣李今應門語道官某甲道官知其平生使童子辭以不在李大罵曰而師方坐某閣中東轡誦玉皇經至某

卷某行第某字奈何誑我童子走入述其言道官驚起延之入李今掃除二室亟殺鷄沽酒飲二役而身入淨室扁之甚密雖窓隙亦令塞却二人別寢間壁聞如數騎馳驟徹夜明晨啓扁符在手矣授二人竟去遂抵京口寓故逆旅主人主人心知其異不敢辭也款接極愜中夜送之就寢李扁戶秉燭而坐主人密使人從梁間窺但見李冠幘頭示黃袍南坐握固轉睫間有甲士牽叛奴來立於李座前坎中坎約深四五寸叛奴都無一言惟漸漸短去如火煬膏食頃頭顱俱沒坎中李徐起滅燭就寢主人合門股栗至曉復具朝餐送之渡江而別

九齋別集 卷之三

陶真人

真人江右人也爲刀筆吏謁選至京時世廟夢北斗墮體因數月不寐詔有能集禮斗儀者延入陶少攻方士家言遂錄北斗科文以奏上大悅晉儀部郎召見與語大說之隨拜祠部尚書居西內勸上服道冠絕與朝臣見每興大譙必以金書符籙焚竟陰使其徒淪金以故方士附之如雲是時真人旣爲天子師

至尊側席以待。每下壇更衣。分宜等皆爲之縮帶。播弄人主如嬰兒。奔走卿相如僕隸。蓋實錄也。然亦有奇術。當山東女子反時。官軍往往披靡。所在告急。世廟語真人。真人笑曰。收之易耳。取一盒置物其中。封題甚固。使馳付開府某曰。須戰酣時啓之。及與女子交綏。聞將北。開府令人啓盒。見有如蟻蠆者若干。飛去。俄報女子兵大敗。居無何。女子就擒。詰其所以。敗則曰。軍氣方作。忽見甲馬無算。從空中下。銳不可當。故抵於敗。開府奏其事。上益尊信之。以爲真神仙也。

九書別集 卷之三

其夫人奇醜異常。多智。善居間。公府人有請謁。輒用肩輿舁至公卿家言事。公卿畏禍。無不曲意承旨。夫人稱其夫君爲家真人。屠司馬竹墟就逮下錦衣獄。有故吏語司馬曰。非陶夫人莫解。司馬抗節不許。故吏與司馬親故。歛得百金。持金造夫人宅告急。夫人驚曰。司馬被誣耶。此我恩人也。昔家真人被不白冤。蒙司馬鑒其誣。出之獄。今日乃報恩時也。烏用黃金爲政。亟持箋作數語付真人。真人從容爲至尊云。屠司馬才且廉。殺之上干天和。且仰觀星象。其人命未

應絕。於是上立詔出之。放歸田里。夫人語羣公卿曰。屠先生貧無以爲歸。請諸公治其歸裝。諸公卿聞夫人言。爭相餽遺。司馬却不受。夫人使婢歸之。司馬夫人約二千金云。世廟晚年。道念日堅。自信有定力。謂真人我亡恐怖矣。真人曰。未也。世廟不信。忽霹靂晝暝。庭中一夜久於電光下。持斧而立。約三丈餘。至尊驚怖無地可竄。真人叱異物使去。遂倏不見。上益加虔至鼎湖有期。真人先數年。密語上當相俟於海中。某仙山。今欲歸家置妻孥。上留之不得。遣祠祭司羅甲司其起居。召羅至御前叮嚀云。汝日能勸陶先生強飯一口。歸時朕當爲汝強也。其人讓還前後所賜金寶奇器圖書供帳。凡數百車。無進一車。帝未嘗不臨軒烏咽。中外嗟異。其數十年服用。錙銖無仰給於大內。及下潞河。美女子戴貂帽。而從者幾三百人。鎗重富於王公。則皆夫人居間貴也。歸家未幾。飄然亡去。命其家以病亡聞。且令爲疑塚百餘。天子震悼。錫禮同諸侯王。未幾帝亦昇僊。相傳攀龍翬去矣。或云夫已氏欲傾分宜無會。適上出金盒叩國運。夫已與

真人善令書十日所視十手所指分宜由此獲罪當其時又有邵真人元節屢進方策亦官祠部尚書余嘗見其三方非房中術也寵倖亞於陶幾至傾張陽平矣世傳車裂以徇蓋元節也然則二龍不相見之說豈亦出元節耶陶真人四部亡至武林僧舍焚其家亦不在籍入中未審因何逃也昔聞友人言世宗冠道冠着星斗衣蓋著於冷謙所撰議書時輔臣不屑世宗召至便殿示其圖若然亦不得專罪陶矣

呂翁事一

九齋別集 卷之三

華亭靈官殿左有賣筆人褚甲萬曆中得瘵疾數年不瘳常就名醫診視醫云須服人參數斛褚知醫調之竟不服藥惟淹淹待盡時喻市昌邦相爲松太守每見褚妻與婢翼褚起座骨立無人形必止前導勿呵聽其自便一日褚坐間忽有道人過之笑謂褚曰汝病可起能出錢二十文爲我辦一齋當愈褚自度無生理辦以好言褚兄與嫂異道人乃代之出適數丐者過道人持錢分施之隨於壺瓢中出藥七粒聚褚指甲中大如胡麻日汲新水服二粒當起起後更

二粒將如平人餘供佛前俟人乞褚茂藥小意欲并吞道士力禁乃止服二粒使兩手翼几上霍然起矣一門盡譁觀者如堵更進二粒行步如無病人於是合家競拜道人笑而出酬之錢不受叩其寓云在姚藩臬家去經靈官廟見一道士瘦大於升道人燃燭蒂再三應手而墮市人爭看落處道人托言洗手不知所在褚數日後至姚氏第訪道人都無此客適閣上偶開褚登閣拜謁則呂翁像也儼然與道人無異始知呂翁暫來人間蓋數數矣佛前藥爲許侍御乞去褚抱筆時過余家向人述此且華亭人親炙更不一也。

呂翁事二

九齋別集 卷之三

呂翁常隱姑蘇賣藥家三年及抱小兒於元宵遊園袖鮮荔枝進其父母翁遂飄然於是吳人於福濟觀後建呂僊祠俗呼神僊廟每年四月十三夜簫管相延如值月明貴賤席地至於達旦明晨市百花者塞巷復竟日而罷今上丁未春正月時方修呂公祠忽有方士攜一童子俱來貌甚豐而童子醜而禿方士

入門。輒有指點衆弗聽也。遍詣衆道士。若覓故處。然抵一房。見有裝各人手蹟於屏者。約數百年物。詩已脫數字。道士意欲補之。而苦無可殍。方士忽呈紙拈筆。字畫若出一手。紙皆古色。絕不見補痕。道士異之。煎茗相對。問館所在。曰虎丘。叩及姓名。再笑而不應。時有它客語傍首事。咸云計此時天上已定。但人間不知耳。方士忽應聲而出。曰。姓黃。衆共驚異。使人跡其後。至一酒館。與童子俱入。移時不出。踪者叩之。館人云。已出門久矣。已而狀元果黃士俊云。夫虎丘俗地也。狀元幻名也。何預呂翁事。而置之齒舌耶。或云兩開口呂字也。

呂翁事三

吳郡○家遇呂翁傳牡丹十三方。又於王省幹氏傳內傷丸。吳人祀呂翁於四月十三。無分士庶。皆有像也。翁所至家。酒缸及卮中。嚙嚙多作桃花乳。

呂翁事四

呂翁至山東庶姓家作傭。日側輒買兩鐵圈於市。二年無酬之值。傭竟一日忽去。經年後寄書招主人主。

人畧其人不省置之篋中。忽遭回祿。囊橐缺然。惟此書獨存。讀之言及火事。且云身居某山中。可來一訪。主人大驚。特至閩中山訪之。但見丐者數十人。藍縷可憎。都無曩日傭人面也。悵然而歸。則邑中適遭大兵。其家悉已罄殺。主人始悟招之乃救其劫耳。因它去不知所之。其書至今勒石。

呂翁事五

世宗朝華亭有丐夜宿古廟中。聞神語左右曰。明日呂純陽師過。須灑掃以待。丐者驚喜。凌晨起俟。至日中而餒。乃語廟前業巾唐甲曰。我夜聞如是。今爲饒所迫。將事乞食。郎君爲我伺之。唐代之守。至日晏。果有道人衣素坐廟門檻。唐奉以精茗。遂把袖稱大僊求度。道人笑曰。汝痴人耶。我非僊也。唐懇益力。道人不得已。相與出東門。瞬間已至春申浦。謂唐曰。我從空而行。未知稅駕幾何時也。今且飛渡。汝能無墮水乎。唐始恐。懼然叩求不已。翁曰。我無長物。顧魚鼓中有墨徑寸。今年將旱。汝摩墨作字投田中。水應不涸。唐舒手受墨。已失翁所在。悵然而歸。未幾果大旱。如

翁言輒驗。求字者盈門。已而墨盡。以他墨作字。則無驗矣。

呂翁事六

余甥王孟張爲余言。其先大父有婢茴香。病目。始猶瞳人反背。繼而并合。一日有道士至門。自言能療瞽目。咸詆其妄。道人言療後取謝。遂以藥一丸授茴香。今挾目睚。眶漸開。旬日頓絡。主人珍之。裹以色箋。封題十數。盒而藏之。筭經月餘。啓視。則封題如故。而藥已失矣。茴香配夫晉寧。從嫁濮陽曹藩臬家。生子名官德。尚香年八十餘。至萬曆戊子。猶存。相傳疑呂翁也。

呂翁事七

呂翁曾買桃於黃鶴樓下。數月。見買桃者皆啖兒女。因嘆曰。世終斬一桃奉父母乎。遂擲桃而去。至今石上有擲桃痕。色如灑桃汁。

呂翁事八

萬曆時。震澤西山有勞村。居人陳維德。嘗遊山。中西湖寺紫雲臺。遇道人。晤言良久。經數年。抵無錫。適王

人扶箕降僊。自稱呂翁。題句云。數年不見陳維德。今日相逢兩鬢霜。陳驚悚。叩言生平無緣。祇近復書云。不記紫雲臺下會。也曾攜手話滄浪。

呂翁事九

壬子於金陵謁客聚寶門尹氏。瞻所供純陽師像。向東而行。戴小綸巾。僅護髮容。纔三十許。睂目秀特。不似從人間筆底來。鬚及黃庭。絲絲皆有生氣。面與手先如赤玉。兩手交加。右居左上。虬結安祥。兩麻履懸右肘。其足赤亦不落題。尹氏云。出自郭府。昔武定自開國。垂暮日。憶純陽遺像。而苦無當意。一日至左間。逢道士以酒瓶作枕。臥路旁。前驅呵之起。武定異其丰神。道士以純陽像數幅遺武定。武定方轉視。間道人已不知所在。其子孫相傳至今。應爵將襲侯燕中。與尹氏有舊。遂寄一軸供養。余生平見像最多。雖李西泰所攜天主相。亦無能及其遠神。

朱丐兒

海上高橋有朱丐兒。嘗爲人奴。已而辭主人。因丐於村。生平未嘗出村。有村中人商於它縣。山行遇二虎。

忽見丐兒從山頭下挾虎而上其行如飛鄉人驚曰
是吾鄉朱丐兒也呼之不應歸語市人市人驚曰丐
兒是日都無遠行第見挾兩狸歸籬中耳籬中者朱
嘗編籬露處雨雪不侵以蒲囊裝體摘蒲施疾人煮
湯輒愈市人餽之衣食輒分給饒寒如拒而不受家
必有大殃太原王相國嘗微服叩道朱不應至再裂
眦曰公狙滑也時子辰玉在側亦以滑目之後不耐
朱紫寒喧一夕失所在

後倪舞已下俱鐘鼓司伎

獅子頻伸凡四十八人百骸五官無不流轉應節舞
跳高十丈餘

擲索

大索過於斗凡數十丈擲之空中直如矢羣兒爭走
上跳躍良久與繩俱下

壘七卓

身一轉便壘一卓於堂中不失尺寸凡六轉卓壘如
浮屠第七卓設五骸五核及醢醢若干器於上又一
轉而第七卓已居最上矣須臾忽翼之而下骸核整

設如初

齒跳板

餘艘上跳板長二丈餘闊二尺厚五六寸一人用齒
支之使小兒立其上歌舞一閱

雜伎

美人纖足似新月弄路鼓大於五石瓠飛旋若弄丸
至於吞刀出腹嚼火一鑪皆厭勝也

御戲

院本皆作傀儡舞雜劇即金元人北九宮每將進花
及時物則教坊作曲四指送史官校定當御前致詞
呈伎數日後復有別呈舊本更不復進南九宮亦演
之內庭至戰爭處兩隊相角旗杖數千別有女伎亦
幾千人特設內侍領其職凡傳朱粉人雖司禮亦時
加厚犒恐於至尊前有所諷刺也然此輩多行無禮
上時斃之杖下聞亦間及朝事宮中秘密侍臣休沐
不敢齒溫樹也

鑒定

世廟時武定侯進雍熙樂府首篇云國泰民安太平

了。世廟色動曰。太平豈有了時耶。改爲好。曾聞之教坊老人。此曲乃優人某甲得罪仁宗。使歌一曲免死。遂按調遣詞。歌終不改一字。上悅。因留其曲於官中。

秘戲

猶漢安世房中歌也。漢成帝有裸形館。至元順帝復習之。西番哈麻國師。其番像皆有勢。燕人呼爲聖囊。南內及西山諸寺。皆有其像。余嘗觀其所奏樂器。絕與中國殊。京師崇國寺及能仁寺。猶演哈麻教。一日登佛閣。見內有奇龕。貯絳紗籠中。龕內像鑄交接形。而供之南嚮。相傳云。世尊欲化此方。遂變番相以移其俗。

俠客

有選人得黔中別駕。攜家迄江干。身歿。其妻向暮哭於舟。一壯夫跳至船中。問故。具以實對。是人謂士人妻。慎勿啼。我當代而夫作官。即指天畫地。誓無它故。士人妻無可奈何。聽之而已。是人爲買棺。蓋蓋。蕭間易船至江右。再易抵楚中。乃由陸至黔。宦踰三年。上下咸指爲神明。一日呵擁經市中。忽有浙人呼之爲。

王十三。不覺回首。歸於廳事。忽臥。口稱風眩。入語仕人妻曰。事敗矣。不去禍將及。急令內外稱官病篤。檢橐中裝。幾二千金。悉付士人妻。夜半罄身亡去。臨行囑曰。明日發喪。即取棺至衙內。置石其中。不俟期月。便當速行。士人妻不勝烏咽。一稟遺言。至江干啓棺而歸。仕人戚屬叩從行人。是人與士人妻三年未嘗一面。二女依然處子。噫。其人亦大可重矣。後復官縣佐。歸以任俠聞於鄉。

蟠桃宴

項雙溪爲廣中藩伯。時冬月生辰。宴諸寮十六人。聞者傳有術士。攜童子至門。稱獻蟠桃。主人大喜。延入。見桃子一枝。止十六枚。鮮艷異於人間。惟恨少一。主客不得分有。術士云。頃使小兒偷桃下天門。忽被天狗所逐。遂不得如數。諸官力強。術士不得已。吹氣於井口。須臾出雲。童子乘之而上。食頃。聞雲中大吠聲。少頃見雲冉冉下。童子攜桃五枚。脰下血淋淋。云爲天狗所吠。賓主大悅。各贈所有。踰百金。術士喜呼盧。館於青樓。數日金罄。復以小兒飾爲美女子。若遠行。

狀雨中經村寺前。知其住持資甚殷。乃訴道人無歸。乞留宿廊廡。住持出見女子。驚喜若狂。亟延之入。使道人通辭。術士許諾。遂與女子分房而寢。至五更。故叩女子門。呼起。則不勝輕薄。血流滿牀。久矣。住持出二百金賂之。莖其屍於園中。僧朝夕思慕。其徒心疑。彌月後發之。乃紙人也。悲忿訟之。項疑術士。佯杖訟僧。密使人捕術士。術士款伏。驗前桃於佛前。直泥所爲也。叩啖之者。亦云都無桃滋味。雙溪杖而遣之。

鬼張指揮

卷之三

張三指揮。蘇州衛運官。輸漕畢歸。道經黃河涯。月明聞岸上哭最悽。披衣起叩。乃十五六美女子也。自訴云。父母疫亡。塋畢無依。親里偏其強婚。無賴。因乘夜逃出投水。張乃自敘顛末。且稱喪偶。若肯相從。當遂不娶女。思惟良久。黯然從。張俱下。明晨蚤發。女機警絕倫。與張產二子。爲夫婦十餘年。未嘗有過愆。但不容人見。櫛沐。張一日從窓隙窺。見女提頭下於盆中。洗髮。張大驚。排闥而入。則已卧地。惟見一具白骨。

已。張大慟收塋之如禮。其長子後襲指揮使。吳人至今稱鬼張指揮。

分宜

最憐才。七子皆其所風起者也。世宗每見分宜出。必起立送之。嘗枚淚謂侍臣云。背酷似先帝。蓋指興獻也。後削籍家居。數問起居。故卒免於難。其子世藩。警慧兼人。遭太夫人喪。陰着白衣。佐分宜給事西內。夫已氏喉中侍奏之上前。時方修法事。西內爲祈年官。惡世藩喪服不吉。遂決意罷分宜。潘家居頗不戢。西

九齋別集

卷之三

臺御史林按部內。世藩挾聲伎於江中鼓吹。傍若無人。御史忿甚。遂奏潘反。上未之信。有當路賂新承寵官人郭昭容家。使其宮人於上前。慟哭乞城中官舍。上驚問故。對曰。中外皆傳嚴氏結俺答復圖京師。小女兒家住村中。恐爲亂兵所掠耳。上意始決。然猶豫侯相臣裁。初世藩有意行賂。覓寓與相臣邸隣。是夕投金寶院中。牆高七尺盡滿。相臣心動。召兩謀臣決之。一人先至。曰。須俟某君共議。及是人至。曰。殺之賂焉往。相臣大悟。明辰藩首懸東市矣。籍分宜家不貲。

世猶有傳其籍者。分宜遂寄居蕭寺。惟餘一棺。復爲他縉紳所借。經年後。縉紳家措數百金。酬其值。分宜復書云。使寒骨有所約束。時共悲之。

薛文清公

逆堅瑾必欲殺之。業不可解。瑾竈下養老人。執爨哭。竟夜。瑾聞其聲。使人至竈叩其故。老人云。薛公聖人之流也。主人殺聖人。天豈相祐。吾懼夫禍不旋踵耳。瑾心動。遂釋文清。生時。身如琉璃。五臟皆映於外。至七日而隱。

九簣別集

卷之三

海忠肅公

一云謚忠介

忠肅公之批鱗也。世廟震怒。繞殿行竟夕。拔面上肉刺都盡。召華亭定議。斬之。華亭請其疏下。遲數日。不擬。上督促至再。華亭俯伏泣曰。臣豈敢成陛下殺諫臣之名。上怒始解。忠肅深德華亭。後開府江南。爲華亭處分田宅。實君子愛人以德也。第奉行者稍過。遂致華亭不堪。四郡士大夫咸爲華亭解紛。謂忠肅曰。聖人不爲已甚。忠肅拂然曰。諸公焉知海瑞非聖人耶。縉紳悉股栗而退。公初爲尹。御史按下邑。視驛傳。

弗辨者。輒坐以不職。至公縣界。公惟具不借百艘。而身請負船。辭曰。敝邑偏小故也。使者不宿而去。後別官它省。有御史怒某縣令。縣令密使嬖兒侍御史。御史邇之甚。遂竊其符踰牆走。明晨起視篆。篆篋已空。心疑縣尹而不敢發。遂稱疾不治事。忠肅往候御史。御史素聞忠肅有吏才。密告之以故。忠肅令御史夜半於厨中發火。火光燭天。羣屬悉來救援。御史持篆篋授縣尹。今多官各有所護。及火滅。縣尹上篆篋。則符宛在中央矣。余叔父李膺君官江右驛傳時。當忠肅拜御史大夫。道出江右。與諸藩公譙畢。復具公贐。中有銀盃十二兩。忠肅獨拜登。羣公皆咤其異。於平日。三月後附一書於江右公役。且還前負。益以子金。乃知公於江右時。直囊無一錢耳。及卒。諸公檢其遺裝。惟俸錢數十緡。身尚臥藁中也。

徐文貞

當庚戌之虜薄京師也。分宜隱不以聞。華亭時未入閣。與近臣俱召見便殿。上叩虜所在。分宜猶支吾。華亭獨慷慨前奏曰。寇將薄城下矣。上大驚。引問方畧。

華亭調列數事。皆當上意。遂不次擢拜。因與分宜參商矣。今上誕生。世宗不欲布告中外。文貞議曰。雖非豫王之嫡子。實陛下之冢孫。世廟頓憐。皇儲由是克定。生平講學。實有所得。其爲國之延平節推也。與科臣俱謫。科臣先謁御史。請以客禮見。御史殊不快。俄而通延平四府見。御史方慮其紊分。而文貞已踞。前通姓氏矣。及遷浙中督學。諸生執結中有顏苦孔之卓。文貞尤其語怪。置之劣等。此生自訴云。出自法言。文貞謝之曰。多緣少年竊祿。未遑披覽耳。即拔之。

九齋別集

卷之三

三

首列及家居事佛。以常布終。擬謚者病其田連阡陌。特蒼頭所爲耳。烏足爲相臣病哉。

九齋別集卷之四

華亭宋懋澄幼清甫著

婁東吳備業駿公甫校

釋

東師野記

辛卯秋琉球相鄭迴遣使奏日本目下十吉次郎弒
王自立并豐前岐前大小六十島自號關白猶率言
大將欲脅使內導無幾薩摩島術士許儀厚本豫章
人縱黨告夷入犯狀與琉球同冬高麗王李昫遣陪
臣入朝代夷求貢辭如儀厚至壬辰春果遣僞將平
行長僧玄素等帥師二十萬號六十萬夏破高麗兩
京及慶尚等六道王奔平安駐義州告急遼陽裨將
祖承訓自恃驍勇率騎五千赴之軍陷時六師西討
哮逆未遑東顧夷妄蔑中華遣書朝鮮悖慢無忌石
大司馬星遣門下士沈惟敬詰夷言高麗阻道欲
有其地以便來朝惟敬許爲之請更與期約禁勿相
攻歸報而西師奏凱大司馬謂門庭利禦夷性畏寒
當乘時往救冬合步騎四萬上命右司馬宋應昌經

九齋別集

卷之四

十

九齋別集

卷之四

二

畧燕齊議與大司合也勅李如松都督諸軍受右司
馬節制尚書郎劉黃裳袁黃宿負通術兼官參軍事
十二月師渡鴨綠江夷以散約過期攻高麗鳳山右
司馬駐鳳皇城陽遣惟敬申約議畫混同江東南於
夷陰遣如松出不意抵平壤夷戰不利走王京斬首
四千級如松乘勝追躡深入險隘復戰於碧蹄館我
師少却退保開城已而潛攻王京殺夷婿三填郎復
用間入城焚其輜重賊懼方議還關白率兵守對馬
島不許揚言分道犯內夏我師疫馬有歸音右司馬
進屯平壤佯使惟敬議貢密請益兵天子令蜀將軍
劉綎充大將軍帥師五千爲如松犄角五月夷遂致
王京其辭卑尋召六道僞將還釜山六月夷疑約復
掠晉州右司馬遣如松救之命惟敬責其渝信且諭
之曰去釜山當封汝夷遂歸高麗世子及其俘退西
生浦遣小西飛至軍中候約秋八月師遂大還劉綎
將前軍鎮王京領如松事便宜全羅諸道海上解嚴
右司馬上言本末中外始悟夷退天子下公卿議兩
臺及諸省郎以名器宜慎夷心巨測且暴露幾年資

糧不度夷以封退又謂寒而歸春而至去來無關封

否揣摩激烈不覺誤諸大司馬欲分嘻笑請以百日

保封夷無患初詔俟夷請始議東伐羣臣建言守鴨

綠聲應援效西閉玉門故事勿過重亦勿過輕獨右

司馬短長陣法考制火攻慨然以波濤自信御史郭

實慮遠道顛危劾司馬嘗試國事指陳切直出貶遠

方由是奮激出師鬚髯咸素得斬獲相當若陰諸封

貢獨大司馬得聞及抗衆論事既盈庭謗訕蠶起兩

司馬威名不加於昔日者上下徑庭故也余觀大司

九齋別集

卷之四

四

馬征討兩方夙夜一人簡才不次若沈惟敬出入蠻

夷楊允恭募航御敵皆以匹夫取効亦涓人收骨之

意縱故都督劉顯子也勇蓋三軍而方畧不亞如松

如松寧遠成梁子也並紹箕裘時人多之

野史氏曰人有言司馬以許封退夷爲已功夷以求

封退師爲事大夷幸我不許以有名司馬幸不許以

免說於復寇斯言傾危不如羣臣之正言深慮矣始

某姓居夷間琉球情實行長命軍中誦曰受大球小

球爲大國贅旒蓋近於滑稽者乎

西師記畧

倅拜西虜也世宗時以部落三千內附撫臣處之朔

方虜犯塞稍稍有功由是驕縱漸繁名實及黨馨伏

鉞畧不假借屢施束縛倅忿恥盈懷乃與其黨劉東

陽許朝子承恩共殺黨縛藩臣穆來輔隨府劫慶王

結西虜以要命於朝詔令罷兵赦勿問不從時魏大

司馬學曾專闖陝右即命方畧魏赴夏過期倅亦偕

振魏作氣討逆請引河水灌城河去城二十里乃北

抵受降者詔曰可於是去水關築堤灌城水過城雉

九齋別集

卷之四

四

七尺魏意欲盡降夏人兵不血刃秋御史梅國樓奏

學曾逗留養亂天子大怒命武士反接至關擢山右

中丞葉夢熊伐魏命李寧遠成梁爲大將軍子如松

隸國樓持節監軍事寧遠在遼不及乃以如松爲大

將軍八月虜救夏人如松戰於張亮堡走之賊勢乃

孤國樓陰使人說承恩殺許朝以免死承恩遂殺朝

請降中丞以賊在釜中且生之無以懲後不許十月

城破承恩出走浙東將楊文執之賊黨悉就擒國樓

請承恩於朝天子從中丞議十一月獻俘太廟行賞

各有差魏奪爵勒歸田里尋復本官如故是役也蕭如薰實扼虜賊之衝曰靖虜中外間隔故卒抵於擒議者謂其有睢陽之槩先是與虜戰於沙湃參戎襲子敬死焉子敬華川人陝之驍將也

論曰昔赫連勃勃始築統萬及繼遷父子狐鼠其中趙氏宵旰者累世及於我明逆釀藩封豈非形勢不掉足資奸雄亦其風氣使然也若灌城已取効於往日時氏其未之聞乎野史氏曰余聞禍始許朝及時氏議降許堅初志造舟踰城潛殺守木以潰堤績慰撫夏人莫敢反正斯其才誠有過人者御史構而誅之用意遠矣孫子曰非微妙不能得間之實語曰斬首項不如刺心胃良有以也

九齋別集

卷之四

五

負情儂傳

王仲雍儂儂曲口常恨負情儂郎今果行許作負情儂傳

萬曆間浙東李生係某藩臬子入貨遊北雍與教坊女郎杜十娘情好最殷往來經年李貨告匱女郎母頗以生頻來爲厭然而兩人交益歡女姿態爲平康絕代兼以管絃歌舞妙出一時長安少年所藉以代花月者也母苦留連始以言辭挑怒李恭謹如初已

而聲色競嚴女益不堪誓以身歸李生母自揣女非

已出而故事教坊落籍非數百金不可且熟知李囊

無一錢思有以困之今魏不辨庶日忘去乃囑掌

詎女曰汝能貸郎君措三百金昇老身東西南北惟

汝所之女郎慨然曰李郎雖落魄旅邸辦三百金不

難顧金不易聚倘金具而母負約奈何母策李郎窮

途悔之指燭中花笑曰李郎若攜金以入婢子可隨

郎君而出燭之生花識郎之得女也遂相與要言而

散女至夜半悲啼謂李生曰郎君遊貴固不足謀妾

身然亦有意於交親中得緩急乎李驚喜曰唯唯向

非無心第未敢言耳明日故爲東裝狀遍辭親知多

方乞貸親知咸以生沉湎狹斜積有日月忽微南轅

半疑涉妄且李生之父怒生飄零作書絕其歸路今

若貸之非惟無所徵德且索負無從皆援引支吾生

因循經月空手來見女中夜嘆曰郎君果不能辦一

錢耶妾褥中有碎金百五十兩向綠線果絮中明日

今平頭密持去以次付媽此外非妾所辦奈何生驚

喜珍重持褥而去因出褥中金語親知親知憫杜之

有心毅然各歛金付生。僅得百兩。生泣謂女。吾道窮矣。顧安所措五十金乎。女崔躍曰。母憂明旦。妾從鄰家姊妹中謀之。至期果得五十金。合金而進。媽欲負約。女悲啼。向媽曰。母曩責郎君三百金。金具而母食言。郎持金去。女從此死矣。母懼人金俱亡。乃曰。如約。第自頂至踵。寸珥尺素。非汝有也。女忻然從命。明日。禿髻布衣。從生出門。過院中。諸姊妹作別。諸姊妹咸感激泣下曰。十娘爲一時風流領袖。今從郎君。藍縷出院門。豈非姊妹羞乎。於是人各贈以所攜。須臾之

九齋別集

卷之四

七

間替。羈衣履煥然一新矣。諸姊妹復相謂曰。郎君與姊千里間關而行。李曾無約束。復合贈以一箱。箱中之盈虛。生不能知。女亦若爲不知也者。日暮。諸姊妹各相與揮淚而別。女郎就生逆旅。四壁蕭然。生但兩目瞪視。几案而已。女脫左膊生絹。擲朱提二十兩曰。持此爲舟車資。明日生辦輿馬出崇文門至潞河。附奉使船抵船。而金已盡。女復露右臂。生綃出三十金曰。此可以謀食矣。行及瓜州。舍使者餘艫。別賃小舟。明日欲渡。是夜璧月盈江。練飛鏡。寫生謂女曰。自出

都門。便埋頭項。今夕專舟復何顧忌。且江南水月。何如塞北風煙。顧作此寂寂乎。女亦以久淹形迹。與生攜手月中。跌坐船首。生興發。執卮倩女清歌。少酬江月。女宛轉微吟。忽焉入調。鳥啼猿咽。不足以喻其悲。也有隣舟少年者。積鹽維陽。歲暮將歸。新安年僅二十。左右青樓中。推爲輕薄。祭酒酒酣。聞曲。神情欲飛。而音響已寂。遂通宵不寐。黎明而風雪阻渡。新安人物色生舟。知中有尤物。乃貂帽復絢。弄形顧影。微有所窺。因叩舷而歌。生推蓬四顧。雪色森然。新安人呼

九齋別集

卷之四

八

生綃繆。叩邀生上岸。至酒肆論心。酒酣。微叩公子昨夜清歌爲誰。生具以實對。復問公子渡江即歸故鄉乎。生慘然告以難歸之故。麗人將邀我於吳越山水之間。杯酒纏綿。無端盡吐情實。新安人愀然謂公子旅靡蕪而挾桃李。不聞明珠委路。有力交爭乎。且江南之人最工輕薄。情之所鍾。不敢愛死。即鄙心時時萌之。况麗人之才。素行不測。焉知不借君以爲梯航。而密踐他約於前途。則震澤之烟波。錢塘之風浪。魚腹鯨齒。乃公子之一杯三尺也。抑愚聞之父與色就

親歡與害孰切。願公子之熟思也。生始愁。曰：然則奈何？曰：愚有至計。甚便於公子。然而願公子不能行也。公子曰：爲計奈何？客曰：公子誠能割厭餘之愛。僕雖不敏。願上千金爲公子壽。得千金則可以歸報尊君。舍麗人則可以道路無恐。幸公子熟思之。生既飄零有年。攜形挈影。雖智樹之詛。生死靡他。而燕幕之棲。進退惟谷。乃低首沉思。辭以歸。而謀諸婦。遂與新安人攜手下船。各歸舟次。女挑燈俟。生小飲。生目動齒濕。終不出辭。相與擁被而寢。至夜半。生悲啼不已。

九齋別集

卷之四

九

女急起坐抱持之。曰：妾與郎君處。情境幾二年。行數千里。未嘗哀痛。今日渡江。正當爲百年歡笑。忽作此面。向人妾所不解。抑聲有離音。何也？生言：隨涕興。因吐顛末。女始解抱。謂李生曰：誰爲足下畫此策者？乃大英雄也。郎得千金。可觀二親。妾得從人。無累行李。發乎情。止乎禮義。賢哉其兩得之矣。願金安在？生對以未審。則意云：何金尚在？是人篋內。女曰：明蚤亟過。諾之。然千金重事也。須金入足下篋中。妾始至。是人舟內。時夜已過半。即請起爲艷粧。曰：今日之妝。迎新

送舊者也。不可不工。計妝畢。而天亦就曙矣。新安人已刺船。李生舟前。得女郎信。大喜曰：請罷。卿妝臺爲信。女忤然謂李生界之。即索新安人聘。皆過船。衡之無爽。於是女郎起自舟中。據舷謂新安人曰：頃所攜妝臺中。有李郎路引。可速檢還。新安人急如命。女郎使李生抽某一箱來。皆集鳳翠。覓悉投水中。約值數百金。李生與輕薄子及兩船人。始競大啗。又指生抽一箱。悉翠羽明璫。玉簫金管也。值幾千金。又投之江。復令生抽出某革囊。盡古玉紫金之玩。世所罕有。其

九齋別集

卷之四

十

償蓋不貲云。亦投之。最後基生抽一匣出。則夜明之珠盈把。舟中人一一大駭。喧聲驚集市。人女郎又欲投之。江。李生不覺大悔。抱女郎慟哭止之。雖新安人亦來勸解。女郎推生於側。而呌詈新安人曰：汝蕩情弄舌。不顧神天。妾自恨弱質。不能抽刀向儉。乃復貪財。強求繫抱。妾死有靈。當訴之明神。不日奪汝人面。且妾託諸姊妹。蘊藏奇貨。將資李郎歸見父母也。今畜我不卒。而故暴揚之者。欲人知李郎。匪中無瞳耳。李郎事幸粗成。不念攜手而條溺如簣。畏行多露。一

朝棄捐輕于殘汁。傾乃夢此殘膏欲收覆水。妾更何顏而聽其挽鼻。今生已矣。東海沙明。西華黍熟。此恨糾纏。寧有盡耶。於是舟中崖上。觀者無不流涕。置李生爲負心人。而女郎已持明珠赴江水不起矣。當是時。目擊之者。皆欲爭毆新安人及李生。李生暨新安人各鼓船分道逃去。不知所之。噫。若女郎亦何愧子政所稱烈女哉。雖深閨之秀。其貞奚以加焉。

宋幼清曰。余自庚子秋聞其事於友人。歲暮多暇。援筆敘事。至救畢而天已就曙矣。時夜將分。困憊就寢。

九齋別集

卷之四

士

夢被髮而其音婦者。謂余曰。妾若今人間知有此事。近幸冥司見憐。令妾稍司風波。問豫人間禍福。若郎君爲妾傳奇。妾將使君病作。明日果然。幾十日而間。因棄置篋中。丁未攜家南歸。舟中檢笥稿。見此事尚存。不忍湮沒。急捉筆足之。惟恐其復崇。使我更捧腹也。既書之紙尾。以紀其異。復寄語女郎。傳已成矣。它日過瓜洲。幸勿作惡風波相虐。倘不見諒。渡江後必當復作。寧肯折筆同有人乎。時丁未秋七月二日去。庚子蓋八年矣。舟行衛河道中。距滄州約百餘里。不

數日。而女奴露桃忽墮河死。

顧思之傳

思之諱承學。吳之華亭人也。其曾王父學士東江公。與余曾王父西庄公爲總角交。及東江公貴而西庄公委億諸生中。東江公時於縉紳中。持其文嗟賞之。久之。東江公奉命簡士南都。每抽讀士文。至當意者。輒謂同事曰。得非我故人宋伯氏乎。及剗剗竟卒。不見姓氏。始大咤。謂鬼神無賴。奈何使我失名士與故人歸而詢之。則曾王父固未嘗就試也。於是東江

九齋別集

卷之四

士

公過曾王父而喟然曰。嗟乎。足下豈以余惜進賢冠如肝膽耶。古人肝膽猶相挈也。余方期舉足下以無負進賢。而奈何億余之引嫌哉。余今望子矣。曾王父曰。否。吾聞不盡人之情。不竭人之歡。以全交也。使余就試。子與他人誤而錄之。未必有裨於國。若猶然棄之。不亦使吾子有自潔之嫌乎。此泚水之所以不流也。東江公起謝曰。吾始以足下爲可及。今余且自涯而返矣。卒交歡如初。省齋公爲東江公長子。早卒。子爲浥江公。浥江公爲諸生時。遊白下。值余王考三

江公於平康日亭午矣而三江公猶擁妓未起。支自謂浥江曰。可來偕寢。浥江素以父行事。三江至是亦遂忘之。便脫衣上牀。同被共枕。安然鼾睡。已而夢覺。三江與妓猶睡如初。浥江公起。座索寞。徙倚門外。見綠楊中繫一白馬。金轡玉勒。神駿非凡。有剪頭胡。假寐其傍。浥江公喜。馬之輕矯。不問主人爲誰。就胡擁懷中探鞭攬轡。策馬盤旋院中。畧無抵止。時侍從相失。奔駛之際。忽踏一姬於溝中。院內競來叩馬。扶浥江公至堂上。叩其往來。將加侮毀。浥江公言其所。九齋別集 卷之四 主

日就飲平康。從侯索買笑錢。錢至手中。足已出門矣。久之。侯稍稍厭。忘竟拂袖歸。思之少與馮元甫交善。元甫爲故廷尉南江公諸孫。以名家子師事王宇泰。董玄宰兩先生。善談名理。工晉人筆法。起草亭於東郭。就移家焉。思之與之痛飲。無間寒暑。晝夜有時。衣婦人衣。紅衫粉額。盤漿吳歌。聲達牆外。思之且歌且飲。旁若無人。觀者至於壞牆折樹。人影滿地。思之盪漾自如。不爲亂也。忽跳水作没人。挈尾探。如崑崙水精了無所礙。水中拔腰間短劍。亂擊無。魚蝦爭躍。運劍若丸。號曰水關。云吳俗有毒龍老蚌害人田禾。故欲集劍水中。遇便殺之。有時當大雪中。衣紅鸛鵲衫。坐大樹上。持壺自傾。倒嘯歌不休。諸人欲上。輒下。溺拒之。自云身在半天。鼠輩猶。第從屋隙住。則樂極矣。那容樹上啼耶。元甫與友人相顧大笑。賞之後。元甫卒。無子。故交或吊。或否。未有能哭盡哀者。思之入帛大慟。感及中帷。有至幾絕者。友人大嗟賞焉。思之聞之。曰。世人解賞吾哭耶。於是每遇哭者。未嘗不爲之一哀。又未嘗不爲之出涕。而當事者亦未

嘗不爲之增悲也。余自庚寅遊燕，遭亡婦之喪，奉老母命南歸。鬱鬱不得意，與思之季修文度結詩酒交。當是時，陳二仲醇爲太原相公瑯琊司馬上客，孝節偉行聳人聽聞。郡縣諸公皆折節虛左，雖平泉陸宗伯亦倒屣迎之。而劉喜交思之，嘗曰：「思之得王謝家風，微余與文度，亦以仲醇爲然。」而思之更復不屑也。性至孝，其居母夫人之喪，舉酒一呷，潛淚竟席。友人戲之曰：「是阮家步兵，嘗一呷嘔斗血者也。」思之恥之。嗣後性之所至，輒閉門痛哭，見人竟絕淚矣。當乙未

九齋別集

卷之四

五

丙申之交，余遭陽九而豪興未除。居嘗與思之痛飲於庭前椿樹下。一呼輒盡六七卮，然余竟不能敵思之。往往堅壁以待，乃思之則從橫酒鎗，如入無人之境。雖高五元，吳大忠美號稱善酒，於思之終不能爲堅壘。惟余差能突起不測，如伏兵猝發於背水之間。幸不奔北者屢矣。以故社中號思之爲酒將，而里中醇謹之夫皆目我輩爲顛間。相攜至火塹處，拈枯懷作盃飲之，瀝以臂血，使有生氣。醉後擇生方深埋而奠之，曰：「汝自爲枯懷已來，腦骨豈復侵酒氣耶？」

時侯君再總帥明州，思之復遊越，與侯君率不合。航海而歸，歸無以爲資，就館殺於漢陽太守雪居孫公。思之中表叔也。嘗樹之宅內，間留於宅，傍招提曰泰清庵。中漢陽喜何元朗叔皮之爲人，好客，客恒滿座。家僮四五十輩，多習金元名家雜劇，與大內院本各成一隊。漢陽側耳注目，如少不當家，則即席呵譴。而思之酒酣，輒起座竟出，頃之金目胡鼻頭軟雉毛衣，五色錦袍，胡旋而來，口中之詞，非北非南，不雅不俗。或說刺時事，或詼諧坐中。賓客無不絕倒，變幻萬端。

九齋別集

卷之四

六

皆當人意。漢陽往往客之，自南北九宮興，而唐宋小令暨長調遂失其聲。思之始高下抑揚，宛轉激烈，曲盡其妙。尤喜歌大江東去，及岳武穆怒髮衝冠歌。時髮上指，百骸掙掣，聲聞里許。適唱之馮元敏先生前，先生大嗟賞曰：「恨不令子瞻少保見之。」當時朝雲與牛皐輩，非過嬌羞，則大粗率，豈能愜兩公禮樂意哉？思之幼與于二舅先善，舅先以詩文雄於詞壇，才復不羈。嘗偕思之於燈夕，望門索餽，口無他言，飲盡即出。一夜傾十數家，最後扣陸君策孝廉門。孝廉方置

酒爲太夫人壽使閨人辭焉而兩君已入廳事矣聞
闢者之辭攘臂大罵蒼頭盡奔顧堂中有一錦綉軸
金書甚麗乃名公壽太夫人文也兩君裂而嚼之黃
金滿口因相與大笑竟出貺先好遊得遊資即令銀
工製兕觥鸛鵒之屬壽太夫人壽畢即命撤獲輩分
頭索思之醉之然後徧召諸客居無何金盡而鸛鵒
與兕觥皆化去貺先卒不介意得金復如初也華亭
狹斜枕西郊思之浮沉其中幾三十年每黃昏左右
燈影燭光之前見有禿衫不帽大笑渴步而來者必
九齋別集 卷之四 七

未就食卒不忍先嘗有少年進獼猴平子大喜乃衣
之紅衫冠以絳幘使之跨犬出門蒼頭以金鼓道其
前刀劍護其後一市人盡驚雖獼猴亦不意崇禮如
斯驚悚汗透紅衫平子恐紅衫之污獼猴也於是強
獼猴浴獼猴卒不肯就浴平子使健兒以竹擊之猴
乃下盆戲擊水滿樓乘間跳躍出窓而去行屋如飛
主人大懊恨平子中美之弟也而思之又中美之交
也偶向思之道其惑思之大笑曰吾能解之遂與中
美同詣平子平子素聞思之豪舍獼猴之痛而出見
九齋別集 卷之四 八
之思之畧不寒暄顧中美大言曰可以飲矣王人喜
請就飲室思之傾酒一尊起持大槃逕上犬所居樓
見犬便殺殺犬幾百蹄而盧鵲殆盡矣平子不知所
爲踰庭中思之持槃下梯瞠目謂平子曰子以紅
衫衣獼猴何異以鐘鼓饗居乎夫獼猴之去意必
曰棄人用犬將焉用之且君畜犬謂獼猴不可以徒
行也今獼猴不脫冕而行矣吾爲子收其車乘母今
其起歸與之思以戒君之左右輕去其主者平子不
覺大笑豁然而罷先是有牟廉子能滑稽謂一落拓

公子曰桑田變滄海公子奈何守桑田而坐待其變乎公子奇其慮凡先世之遺棄之不餘立錐而平子尤喜其策謂思之曰足下第笑傲詩酒間豈能深思如是乎思之隨答曰吾思更有深於是者固待叩而發耳平子信其有奇乃膝席奉卮酒爲壽而請之思之受酒整襟仰天再咳而言曰君知桑田之變滄海獨不聞滄海之變桑田耶今第買滄海而俟其變則君之桑田異日庸可既乎於是聞者捧腹幾爲腸斷思之落魄自甘而不耐人倚勢有某甲者成萬曆乙

九齋別集

卷之四

七

未進士與友人洪子厓同年適思之過子厓而某甲在座酒間論制舉統某甲視子厓曰設令我輩復戰有敗北事耶思之瞠目對曰觀君之書自當不落人後蓋以某甲工楷書耳舉座失色而思之坦然嘗與余輩二十人盪漿西郊更餘泊岸有貴人舟自北而來貴人余先人之讐也余嘗與思之道其事至是思之不假思惟便跳躍上岸就貴人船罵之貴人時攜夫人同遊而余友人輩率大醉又不知從行爲夫人爭鬪船痛辱貴人貴人偵知岸上客戚世家子弟難

與爭鋒遂潛下小舟攜夫人而避余時醉臥舟中都不知貴人船倘知貴人來將不知抵止矣期年貴人竟死吾輩皆謂思之能以舌殺友人之仇云思之行書得米氏家法通篆隸亦不求甚工所爲詩文惟尚清率嘗酒酣倚樹罵余輩曰若等苦欲工文抑知文不可工耶古之爲文尚直而貴實今也喜譽崇虛既虛且譽而欲求文之工此吾所以恥而不爲也而徒冒左史屈宋之皮毛以欺人耳目其可恥亦何異吮癰舐痔乎其不屑不潔大都類此素善飯不解病忽

九齋別集

卷之四

辛

一日無疾而卒享年四十有六存歿年月具載子超之狀中思之嘗泛海有黃蝶如盆而導長年謂見是者多貴今思之已矣子四人長爲超之超之能文弱冠爲博士弟子員冠諸生將復文僊之始矣

論曰昔人有言才全者無虧成志全者無得失思之之偃蹇可勿論矣余因而有感焉思之痛罵貴人使主人能則執其而陪其後矣詎何篤乎余所以三致意也

宋氏君求傳

君求諱志孝少補諸生非其好也坐陷西庄公不中
遂亡之京事中貴人浦智浦司吳越御衣君求從而
南浦將市奇貨屬之數百金君求好施予及飲博而
癖於平康數月金盡空手見浦浦怒欲歿之君求曰
我亡金亦亡不如生我我亦能生金浦奇其言寬其
約君求乃假浦騶從出入衣冠其設陽言於羣小曰
內臣客我羣小因訟言曰官惟君求是聽於是府中
無貴賤交事君求中外欲請謁浦者多因君求君求
故引避諸人愈敬信不百日還浦所屬金數倍浦大
九齋別集 卷之四 手

稱頓若家尚思倖免耶分布從者急索東岡得之牀
下與君求對鎖盤旋拷掠既酷昇前所寄十箱開之
堂上鱗爪非常皆民間所禁東岡計窮乃出生平之
蓄以求免君求亦爲之懇於北人北人始攜君求去
及從浦還京再客鮑忠家忠亦內侍也鎮豫章邀君
求往宸濠生期鮑出菊扇索君求題詩壽濠濠嗟賞
良久謂鮑曰卿其倩人乎鮑以情對濠請相見賜予
甚厚及再陰知濠反情說鮑曰豫章非用武之地奉
化扼其前昭信尾其後王狼而戾下悖而亂無方收
九齋別集 卷之四 三

械納涼。少蘇說獄吏曰：是人有功邊隅，外人皆知汝曹逢迎江意，異日妻子訟冤，江豈能保汝曹乎？不如生之以不死報江可也。獄卒雅信君求，反爲將軍購湯藥，因得不死。無何彬誅，會赦，邊將持百金爲壽，君求却之曰：吾憐君死於冤，不圖君生而報也。世廟選立皇后未定，君求說鮑曰：君今危矣。雖然，余猶能安君也。鮑大驚，請受教。君求曰：君向結皇太后以自固，今太后之日西頽矣。君何不自附於扶桑之日，使某得如朝霞之映餘暉乎？鮑曰：吾以卿爲義和，敢不唯

九齋別集

卷之四

三

命。君求進曰：昨觀選中諸女，唯張氏美且福，然貧而無援。君若請於太后而立之，此所謂扶桑者也。鮑大喜。君求乃見皇后父曰：君誠欲富貴乎？將以爲名乎？張笑曰：富貴哉！君求曰：君欲女爲皇后，而以德容自媒，徒自苦耳。所善鮑司禮可謀也。乃偕張見鮑。鮑與張結爲兄弟，明日請之太后。且說太后立皇后以樹恩，復散十萬金於官府。張皇后乃得立。君求少受府中鞭箠，及爲校尉南還，持貴人書詣刺史。刺史重君求節俠，引坐款語。時君求子復爲錦衣西司房校尉。

兼官百長刺史問：郎君無恙乎？君求起曰：西司邏緝無暇，刺史愕然。及出不覺引益，送至外門。當武宗時，君求頗橫，至世廟始稍稍自輯。長子早亡，次子懷德，詔守錦衣獄，尋卒。與君求俱葬京師。

論曰：余叔父遜庵公最純謹，然其傳家乘亦復不廢君求。甚哉其悟於物理也！萬物各徇其靈，龍鳳之祥，伊人是秦蛟，蜃蜃猛志，莫或近焉。制之刀圭而左右唯命矣。若君求亦未遇刀圭者也。

葛道人傳

九齋別集

卷之四

四

當吳民擊黃建節時，憇澄適覲母南還，聞葛道人倡義，壯其事，賦葛成謠四章。後十七年，于友人陳仲醇家遇道人，讀當事功令。仲醇謂余：子喜釋官家言，毋失此奇事。余廁仲醇交末，得視異人，因作葛道人傳。

葛道人，崑山縣人也。當今上二十二年，西方凱旋，關酋旣死，而征播之師未興，海內晏安。輔臣有慕神仙不死之術者，思服食空青，于是諷詞臣爲鑿山採金之說，著之館課，而不逞之徒遂以開礦請天子下之。

輔臣輔臣從中決策於是命錦衣官校董其事居無
何而宵人言利者復以權稅請天子又可其奏以貂
璫易官校貂璫率人面肉覩舞文非其長也因招狙
獒與俱于是潞河權張燦遼權高淮楚權○○淮泗
權陳增維揚權魯寶齊魯權馬堂所在分布江南全
越轄孫司理司理故掌浙直尚衣習吳越情稍稱安
堵歲辛丑太稜五關之稅日縮司理抵吳會計有司
議覈漏稅彌縫之會參隨黃建節者通吳中無賴湯
莘徐成等二十餘人乘覈稅之令嗾稅使令民間一

九齋別集

卷之四

三

行月稅三銀姑蘇達道凡六門水關者三二十人將
分據之無貨不征更議羅綺非奉司禮篆箝不得私
貿剋日開征市人洶洶逐期于六月三日詛玄妙觀
爲首六十人名曰團行明日不呼而集者萬人踪建
節所在至覓渡橋建節方據胡床指揮左右阻橋遏
販而萬聲同呼飛礮中建節腦腦裂復擊殺徐成等
數人還擁入市火攻湯莘等家即欲據關門網市利
者也先是鄉紳丁給貨莘等市奇貨增司禮約事成
百倍酬丁故丁亦焚焉萬人不持才刃遇金帛悉搜

火中有掠物者隨擠之火張空拳往來惟罪人是討
四民寢食不驚歡聲沸溢當是時事起倉卒姑蘇守
暨長吳二令欲問主者爲誰卒不可得蟻聚五日榜
示萬端無一人解散越八日忽有壯夫袒肩播蕉扇
突衆而出長揖太守朱子曰余爲葛成實倡是舉請
戮成以伸國法餘人乞置勿問太守驚愕起謝顧司
理稱嘆者久之遂以名聞之藩司撫臺曹公方欲得
罪人亟以成名上聞然事起月之初茲道人尚居崑
山七日間變始偕其兄八郡觀奇事不覺爲義所激

九齋別集

卷之四

美

挺身以應上官之求非戎首也同事有王秩老人年
八十矣玄妙盟神之曰秩亦與焉道士張景和識秩
面聞衆稱團行而不知所盟何事及義士詣官自誣
衆猶屯聚二令見秩年老譙秩代官慰衆秩忻然謂
輿人曰貴口諄諄我等何憂而不解散于是衆遽引
去有司嘉其功故撫臺之疏不及已而景和承丁約
旨遂揭秩與牙人敖頑首倡亂謀秩坐辟死獄中頑
亦遣戍蓋出讒口非其罪也道人既自誣服其使者
杖之溺死吳民感其義無不流涕咸謂聖怒莫測必



ZW 21181008824828

7121.7
20d(177)

無生理。皆稱葛將軍。擬其死而爲神。鏤畫圖賽之。吳中名士張幼干。率士民爲文生祭。旨甚激亢。詞多不載。復作書致丁紳及當事。祈寬之。時有作蕉扇記說丁。丁疑幼干。頃之有盜夜踰垣刺殺幼干。獄未成。乘間溺河死。以自滅口。事載幼干傳中。道人羈獄十餘年。歷訊鞫。第謝曰。成不忍姑蘇之遂爲戰場。故不難以死解之。語載三縣令愛書蓋官錄也。道人事得白。旣出獄。猶未娶。客有贈之愛妾。道人笑而受之。以歸。同載不亂。還其父母家。父母義之。贈以二十金。道

九簫別集

卷之四

老

人以金娶里中田家女。與俱事兩兄。甚友愛。兩兄多求焉。力有不及。中夜涕泣而已。噫。非天下至柔。孰能爲天下之至剛乎。余識道人于仲醇家。道人嚴事仲醇。嘗執爨灶下。見人熙熙。今人起爭席之思。太史公曰。無不善壽者。莫能圖。余于道人亦云。道人俗稱將軍。仲醇與余議曰。是人氣韻開明。似有道者。非斬。擐旗之倫。因呼葛道人。本名成。而愛書稱賢者。從撫臺原疏也。或曰。名其爲賢。蓋多方之誤。寓曲全云。宋懋澄曰。當楚寺被逐。陳增投環。上意猶未弛也。及

衆討建節。始驚詫。已三吳亦復騷動。叩。嗣後遂不復遣。死不再補其計于今。直督龐耳。而礦採亦竟絕跡。一夫語難。萬里帖。席厥績不矣。

九簫別集卷之四終

九簫別集

老